

# माओ त्से तुंग

## ना संकलित रचनांग

### ग्रंथ 4



अनुवाद - जनी





दुनिया ता मजदूरलोer उंदी आयमूट!



दुनिया ता मजदूरलोer उंदी आयमूट!

माओ त्सेतुंग  
ना  
संकलित रचनांग  
ग्रंथ-4

पहली गोंडी संस्करण 2023



5 | माओ त्से तुंग संकलित रचनांग, ग्रंथ 4

पहिला हिंदी संस्करण - 1976 पेकिंग

इद ग्रंथ पीपुल्स पब्लिसिंग हाउस पेकिंग तल 1968 लोप्पा छपेमात्ता “माओ त्से तुंग ता संकलित रचनांग” ग्रंथ 4 ता चीनी संस्करण ता हिंदी अनुवाद आंदू विदेशी भाषा ता संस्करण अनुसार तिना लोप्पा इचुन बदलाव कित्ताद मंता।

पहली बेरा हिंदी तल गोंडी अनुवाद 2023

अनुवाद – जनी

जंगोम प्रेस



毛泽东





## प्रकाशक ना पोल्लो

“माओ त्सेतुंग ना संकलित रचनांग” पोरोल ते छप्पेमात्ता इंजेटा संस्करण (Edition) लोप्पा कामरेड माओ त्सेतुंग ना चीनी क्रांति लोप्पा अलग-अलग कालम ते रास्ता महत्वपूर्ण लेख शामिल मंतांग। इगे उचुक सालकुने वेल्ले जागाने “माओ त्सेतुंग” ना बचुको चीनी संस्करण छपेमात्तांग। मति लेखक (रासानोर) इविनगडल बदे संस्करण तुन छपेमायना मुन्ने पढ़ेमायवा मत्तोर। छापे कित्ता लेख बेस कीत्तद हिल्ला मत्ता, प्रिंटिंग लोप्पा उचुन शब्दकु गलत मत्तांग, ओसो उचुक महत्वपूर्ण लेख किन विडस्ताद मत्ता। इंजेटा पुस्तक ता विषय किन समय हिसाबते, 1921 ते चीन कम्युनिस्ट पार्टी ता स्थापना आतस्केडल ताना इतिहास ता मुख्य कालम अनुसार सुधरे कित्ताद मंता। इद संस्करण लोप्पा इदिनकु मुन्ने बदे संस्करण लोप्पा हिल्ला महत्वपूर्ण लेख किन वेन्ने परताचोन शामिल कीत्तद मंता। लेखक इद संस्करण ता सब्बे लेख किन पढ़े मातोर, ओसो उचुक जागा ने शब्द कुना बदलाव कित्तोर। ओसो उंदी-रेंडु लेख कुना लोप्पा बदलाव ओसो संशोधन वेन्ने कीत्तद मंता।

इद प्रकाशन ता संबंध ते दोड़ रास्ता पोल्लोंग किन स्पष्ट कीयाना जरूरी मंता।

- 1) वर्तमान संकलन (रचना) पूरा आत्ताद हिल्ले। बारांकु इत्तेके क्रांतिकारी दस्तावेज किन क्वोमिंगतांग प्रतिक्रियावादी लोर नष्ट कित्तोर लेवेके वेल्ले समय एवनल ताकता युद्ध लोप्पा मायतांग, अदिन के माटु कामरेड माओ त्सेतुंग ना सबे रचनांग किन संकलित किया परवोम, खासकर ओना रास्ता लेक्का हिल्ला चिडिंग किन

ओसो टेलिग्राम किन शामिल किया परतद हिल्ले। इद ओरु रास्ता लेख कुना लोप्पा बेहरा हिस्सा मत्ता।

- 2) वेल्ले प्रचार आत्ता उचुक लेख कुन (उदा. “नाहकुना जांच-पड़ताल” लेक्कटा) लेखक ना सुझाव अनुसार ते इद संकलन लोप्पा शामिल कीत्ताद हिल्ले, ओसो अदिन काजे “आर्थिक ओसो वित्तीय समस्यांग” पोरोल ता लेख ता पहला अध्याय (“मावा मुन्ने कित्ता कबस्कुना बुनियादी सार”) किने इगा शामिल कीतद मंता।
- 3) इंजेटा संकलन लोप्पा उचुक व्याख्यात्मक (विस्तारते वेहना) नोट किन जोड़े कीतद मंता। हेडिंग किन स्पष्ट कीयाना उचुक नोट्स लेख ता पहली पन्ना ता दोड़ हित्तद मंता, ओसो पिस्ता राजनीतिक लेवेके दूसरा नोट्सकु हर लेख ता आखरी ते हित्तद मंता।
- 4) इंजेटा चीनी संस्करण उंदी पुस्तक ता रूप ते हिल्लेके नालुंग पुस्तक कुना उंदी सेट ता रूप ते मंता। सेट ता पहली पुस्तक लोप्पा पहली क्रांतिकारी गृहयुद्ध ता कालम ओसो दूसरी क्रांतिकारी गृहयुद्ध ता कालम शामिल मंता, दूसरा ओसो तीसरा पुस्तक लोप्पा जापानी-आक्रमण-विरोधी युद्ध ता कालम शामिल मंता, ओसो चौथा पुस्तक लोप्पा तीसरी क्रांतिकारी गृहयुद्ध ता कालम शामिल मंता।

चीन कम्युनिस्ट पार्टी केंद्रीय कमेटी ता  
माओ त्सेतुंग ना संकलित-रचनांग प्रकाशन समिति

25 अगस्त 1951

## अनुवादक ना बगिल तल

11-12 साल उमर ते मंदानास्केटल बेहरोर वड़कना पोल्लॉंग केंजसोरे बेरसताना। बेरसोरे दायना संगे इव पोल्लॉंग कुन पाटांग ओसो भाषण कुना लोप्पा वेने केंजा वात्ता। नन्ना सुडलास्केटल मंदाना नाटे ओसो नावा नालुंग बगिल ता वातावरण लोप्पा इद्रम ता बेहरा-बेहरा ओसो मावा रोज ता पिस्वल संगे जुडेमासी मत्ता पोल्लॉंग केंजवा मत्तांकु, नावा लोप्पा इविन पुंदाना गिर्दा बेरससोर हत्ता। नावा काजे इव वेल्ले पूना पोल्लॉंग मत्तांगा।

सिर्फ केंजसिए बदे पोल्लो तुन पुंदाला कोशिश कियाना वेल्ले मुशिकल मंता। बारांकु इत्तेके हर बेरा, हर विषय, हर सवाल ता जवाब हियाला काजे वरोर सही मानेय संगे मदाना मुशिकल मंता। अदिनके नन्ना उचुन पढ़ेमायला अनि रासिला करियताना।

नावा इद यात्रा लोप्पा वेल्ले लोकुरा योगदान मंता। सबसे मुन्ने नावा यायाल मंता, अदु नाकिन कम से कम साईन कियानाचोन स्कूल करियाना इंजी सपना हूड़ता। मति अदिना सपना अदु हूड़ता लेक्का पूरा आया परवो आत्ता। बारांकू इत्तेके उंदी पेरके अरसी मत्ता इलाका ओसो नाटे स्कूल-कालेज पढ़ाई ता रिवाजे हिल्ले। इदिनकु बेहरा समस्या गरीबी ते पिस्वल पिस्नदु मंता।

इद्रम ता परिस्थिति ते मंदानास्के नावा पिस्वल लोप्पा वरोर गुरुजी वात्तोर, नावा जीवा ता 'दादाल', नावा गुरुजी। ओरु नाकिन ओरा वेल्ले कीमती समय तिंची नावा काजे समय तेंडानोर, नाकिन प्राथमिक शिक्षा हियानोर, नाकिन जीवा कियानोर। नावा जीवा गरे मत्ता 'मीना' दीदी नाकिन हिंदी भाषा रास्ला ओसो पढ़ेमायला करिहत्ता। इदे आयवा 'गोड़ा ते ताकना स्कूल' ता वेल्ले योगदान मंता। इदे आयवा बच्चोनों दादा-दीदीरा योगदान मंता। इव सब्बे पुस्तकिंग अनुवाद कीसोरे ओर सब्बे तोरकिन नन्ना सुरता कीदान। ओरा लोप्पा बच्चोनों जन इंजे माकिन विड़िसी हत्तोर। वेर सब्बेतोर इद यात्रा लोप्पा नावा संगे मंदानोर, ओसो वायना कालम ते वेने नावा संगे मंदानोर। ओरा बारे ते बच्चोने पुस्तकिंग रासमुड़ आयर।

माटांग ओसो पाटांग लोप्पा केंजता पोल्लोंग, पुस्तक पढ़ेमायनास्के पुस्तक लोप्पा दोरकतास्के नावा गिर्दा तुकू हंदी हिल्ले आत्ता। नावा लेक्का पूना पोल्लोंग करियाला आल्सानोर ओसो केंजता पोल्लोंग कुन पुंदाला कौशिश कियानोर वेल्लेतोर मंतोर। मति पोरो नन्ना वेहता लेक्का हर बेरा, हर विषय, हर सवाल ता जवाब हियाला सही मानेय 'जीवा ता दादाल' दोरकना मुश्किल मंता। अदिनके इद साहित्य ता परताचोन हिंदी तिंची गोंडी भाषा ते अनुवाद कियाना इंजी आल्सताना।

मावा गोंडी भाषा वड़कानोर आंध्रा, ओड़िशा, छत्तीसगढ़, महाराष्ट्र, मध्यप्रदेश, उतरप्रदेश लेक्कटा राज्यकुने अलग-अलग जागा ने पिस्सा मंतोर। अदिनके मावा गोंडी भाषा पोरो अलग-अलग राज्यकुना भाषांग ना वेल्ले प्रभाव मंता। नावा गोंडी पोरो हिंदी, मराठी ओसो छत्तीसगढ़ी ता प्रभाव ज्यादा मंता। अनुवाद कियानास्के नाकिन पूना शब्द बने कियाना वेल्ले कटला वात्ता, इत्तेके गोंडी लोप्पा पारिभाषिक शब्द कुन वेहाला शब्द हिल्ले, अदिनके वेल्ले शब्द हिंदी ता इस्तेमाल कित्ताना। वायना कालम ते जनता लोप्पा हंजी ओसो ज्यादा गोंडी ता शब्दकु करियसी इदिन उचुन सुधरे कीमुड़ आयर। मति भाषा ता प्राकृति अनुसार दूसरा भाषा तल शब्द पोयाए लागिता। अनुवाद कियानास्के नन्ना अंग्रेजी ओसो हिंदी रेंडु पुस्तकिंग ना मदद एतित्ताना।

नावा इद कब्बड़ लोप्पा संगे-संगे ताकसोर मत्ता नावा जीवन साथी ना वेन्ने योगदान मंता। वीरु नाकिन इद काम कियाला गिर्दा कींतोर। नावा लोप्पा जीवा मत्तादु सुरता किसींतोर, नावा कै पोयसी ताकिंतोर। वीरु इदिन पुस्तक लेक्का डिजाईन कियाना ओसो प्रूफ कियाला मदद हित्तोर।

इव सब्बे पुस्तकिंग जनता नडुमा ओयला काजे जंगोम प्रेस पोरोल ते उंदी प्रकाशन पोरोल हित्तोमा इद पोरोल मावा वीर पडियोर, गोंड जनता ना हीरो, गड़चिरोली भूमि ता मरी वीर बाबूराव शेड़माके ना सेना तल पोयत्तोमा सब्बे शहीदीर किन सुरता कीसोरे इव सब्बे पुस्तकिंग इंजे मीवाव आत्तांग।

इद यात्रा जारी मंदियर.... इव पुस्तकुना गोंडी अनुवाद, डिजाईन पोरो सब्बेतोरा सुझाव ओसो आलोचनाकुना वेल्ले जरूरत मंता। मीटू ओसो बदे पुस्तक ता अनुवाद कीतेके बेस आयर इंजी वेने सुझाव हीतेके बेस आयर।

जीवा ता जोहार  
मीवा - जनी



## विषय सूची

जापानी आक्रमण विरोधी युद्ध जीड़ता पेरकेटा परिस्थिति ओसो मावा नीति .....	20
13 अगस्त 1945	
च्यांग कार्ड-शेक गृहयुद्ध भडके क्रिया मंतोर .....	41
13 अगस्त 1945	
अठारहवीं ग्रुप-सेना ता कमांडर-इन-चीफ ना बगिल तल च्यांग कार्ड-शेक ना पोरोल ते रेंडु चिडिंग .....	48
अगस्त 1945	
च्यांग कार्ड-शेक ना प्रवक्ता हितोर स्टेटमेंट ता बारे ते .....	58
16 अगस्त 1945	
क्वोमिंगतांग संगे शांति-वार्ता ता बारे ते चीनी कम्युनिस्ट पार्टी ता केंद्रीय कमेटी ता सरकुलर .....	64
26 अगस्त 1945	
छुंगकिंग समझौता वार्ता ता बारे ते .....	70
17 अक्तूबर 1945	
क्वोमिंगतांग हमलांग ना असलियत .....	87
5 अक्तूबर 1945	
लगान ते कटौती ओसो उत्पादन-कार्य .....	95
मुक्त इलाकांग ना रक्षा काजे रेंडु महत्वपूर्ण पोल्लोंग आंदू .....	95
7 नवम्बर 1945	
मुक्त इलाकांग लोप्पा 1946 ता काम ता बारे तय कित्ता नीति .....	99
15 दिसम्बर 1945	
उत्तर-पूर्व ते सुदृढ आधार इलाकांग ना निर्माण कीमुट .....	107
28 दिसम्बर 1945	
वर्तमान अन्तरराष्ट्रीय परिस्थिति ता मूल्यांकन बारे ते उचुक पोल्लोंग ..	114
अप्रैल 1946	

आत्मरक्षात्मक युद्ध संगे च्यांग कार्ई-शेक ना आक्रमण किन चकनाचूर कीमूट.....	116
20 जुलाई 1946	
अमेरिका पत्रकार एन्ना लुईस स्ट्रोंग संगे वार्ता.....	126
अगस्त 1946	
दुश्मन ता फौज कुन उंदि-उंदि कीसि नष्ट कियाला काजे उच्च सैन्य-शक्ति किन केंद्रित कीमूट.....	134
16 सितम्बर 1946	
अमेरिका “मध्यस्थता” ता सच्चाई ओसो चीन ता गृहयुद्ध ता वायना कालम.....	142
अमेरिका पत्रकार ए. टी. स्टील संगे वार्ता 26 सितम्बर 1946	
मूंड महिनांग ना सारांश .....	146
1 अक्तूबर 1946	
चीनी क्रांति ता पूना बेहरा लहर ता स्वागत .....	155
1 फरवरी 1947	
अस्थाई रूप ते येनान तल गुचना ओसो शेनशी-कानसू-निगंश्या सीमान्त इलाका ता रक्षा कीयाना बारे ते चीनी कम्युनिस्ट पार्टी, केंद्रीय कमेटी ता रेंडु दस्तावेजकु.....	169
नवम्बर 1946 ओसो अप्रैल 1947	
उत्तर-पश्चिम ता युद्धभूमि काजे सामरिक कार्रवाई नीति .....	173
15 अप्रैल 1947	
च्यांग कार्ई-शेक सरकार पूरा जनता ना घेराव ते अरता.....	176
30 मई 1947	
मुक्ति युद्ध ता दूसरा साल काजे रणनीति .....	183
1 सितम्बर 1947	
चीनी जन मुक्ति सेना (पीएलए) ता घोषणापत्र.....	193
अक्तूबर 1947	

अनुशासन ता मूंड मुख्य नियमकु ओसो ध्यान हियाना लेक्काटा 8 पोल्लोंग ओसो उंदी बेरा जारी कीयाना ता बारे ते चीनी जन मुक्ति सेना ता जनरल हेडक्वार्टर ता आदेशकु.....	202
10 अक्तूबर 1947	
वर्तमान परिस्थिति ओसो मना काम.....	205
25 दिसम्बर 1947	
रिपोर्ट हियाना व्यवस्था बने कीयाना ता बारे ते .....	233
7 जनवरी 1948	
पार्टी ता वर्तमान नीति संबंधित उचुक महत्वपूर्ण समस्यांग .....	237
18 जनवरी 1948	
सेना लोप्पा जनवादी आंदोलन.....	248
30 जनवरी 1948	
अलग-अलग इलाकांग लोप्पा	
भूमि कानून लागू कियाला अलग-अलग कार्यनीतिकु.....	251
3 फरवरी 1948	
भूमि सुधार प्रचार-कार्य लोप्पा	
“वामपंथी” गलतिंग ना सुधार कीमूट .....	255
11 फरवरी 1948	
पूना मुक्त इलाकांग लोप्पा	
भूमि सुधार संबंधित उचुक महत्वपूर्ण पोल्लोंग .....	259
15 फरवरी 1948	
उद्योग ओसो व्यापार संबंधित नीति ता बारे ते .....	263
27 फरवरी 1948	
राष्ट्रीय पूंजीपति वर्ग ओसो	
जागृत शरीफजादा लोरा सवाल ता बारे ते .....	267
1 मार्च 1948	
उत्तर-पश्चिम ता महान जीत कुना बारे ते ओसो मुक्ति सेना लोप्पा उंदी पूना रकम ता सुदृढीकरण आंदोलन ता बारे ते .....	273
7 मार्च 1948	

परिस्थिति ता बारे ते उंदी सर्कुलर .....	283
20 मार्च 1948	
शानशी-स्वेख्वान मुक्त इलाका ना कार्यकर्ता सम्मेलन लोप्पा भाषण .....	296
1 अप्रैल 1948	
“शानशी-स्वेख्वान दैनिक” ता सम्पादकीय विभाग ता सदस्य लोरा संगे वार्तालाप .....	314
2 अप्रैल 1948	
लोयांग शहर पोरो दुबारा कब्जा कित्ता पेरके लोयांग मोर्चा ता हेडक्वार्टर किन चिट्ठी .....	321
8 अप्रैल 1948	
पूना मुक्त इलाकांग लोप्पा ग्रामीण काम ता कार्यनीति बारे ते समस्यांग .....	325
24 मई 1948	
1948 ता भूमि-सुधार ओसो पार्टी-सुदृढीकरण कार्य .....	327
25 मई 1948	
ल्याओशी-शनयांग अभियान काजे फौजी कार्रवाई संबंध ते नीति .....	337
सितम्बर ओसो अक्तूबर 1948	
पार्टी-कमेटी व्यवस्था किन सुदृढ बने कीयाना बारे ते .....	346
20 सितम्बर 1948	
सितम्बर मीटिंग ता बारे ते चीनी कम्युनिस्ट पार्टी, केंद्रीय कमेटी ता सरकुलर .....	348
10 अक्तूबर 1948	
ह्वाए-हाए अभियान काजे फौजी कार्रवाई संबंधित नीतिंग .....	360
11 अक्तूबर 1948	
दुनिया ता क्रांतिकारी ताकत उंदी आयमूट साम्राज्यवादी आक्रमण खिलाफ संघर्ष कीमुट! .....	366
नवम्बर 1948	

चीन ता फौजी परिस्थिति लोप्पा बेहरा बदलाव.....	371
14 नवम्बर 1948	
मावा सेना तुन उंदी कार्य-सेना ते बदले कीमुट .....	432
8 फरवरी 1949	
इनपडे छिन्न-भिन्न आता प्रतिक्रियावादिर इंजे वेने “पूर्ण शांति” ता अंगडम कोलार बारांकु पोय्य मंतोर? .....	436
15 फरवरी 1949	
क्वोमिंगतांग प्रतिक्रियावादिरा	
“शांति ता अपील” जागा ते युद्ध ता अपील .....	443
16 फरवरी 1949	
युद्ध ता जिम्मेदारी ता सवाल पोरो	
क्वोमिंगतांग तल अलग-अलग जवाब कुना बारे ते.....	447
18 फरवरी 1949	
चीनी कम्युनिस्ट पार्टी ता सातवीं केंद्रीय कमेटी ता	
दूसरी पूर्ण अधिवेशन लोप्पा रिपोर्ट.....	458
5 मार्च 1949	
पार्टी-कमेटींग ना काम कीयाना तरीका .....	478
13 मार्च 1949	
नानकिंग सरकार बेगा मंता? .....	486
4 अप्रैल 1949	
सेना किन देशव्यापी अडवांस आयला आदेश.....	490
21 अप्रैल 1949	
चीनी जन मुक्ति सेना (पीएलए) ता घोषणा.....	505
25 अप्रैल 1949	
ब्रिटिश युद्धपोत कुना नृशंतापूर्ण कार्रवाई ना बारे ते	
चीनी जन मुक्ति सेना ता जनरल हेडक्वार्टर ता प्रवक्ता ना स्टेटमेंट .....	510
30 अप्रैल 1949	
पूना राजनीतिक सलाहकार सम्मेलन ता तैयारी कमेटी ते भाषण .....	514
15 जून 1949	



जनता ना जनवादी अधिनायकत्व बारे ते.....	520
चीनी कम्युनिस्ट पार्टी ता 28वी वर्षगांठ ता मौका ते .....	520
30 जून 1949	
भ्रमजाल तल बहार पेसना अनि संघर्ष काजे तैयार आयना .....	539
14 अगस्त 1949	
अलविदा, लीटन स्टुअर्ट! .....	550
18 अगस्त 1949	
श्वेतपत्र पोरो बहस कीयाना बारांकु जरूरी मंता .....	561
28 अगस्त 1949	
“दोस्ती” लेवेके हमला? .....	569
30 अगस्त 1949	
इतिहास ता आदर्शवादी धारणा ता दिवालियापन .....	574
16 सितम्बर 1949	

# तीसरा क्रांतिकारी आंतरिक युद्ध ता कालम

# जापानी आक्रमण विरोधी युद्ध जीड़ता पेरकेटा परिस्थिति ओसो मावा नीति\*1

13 अगस्त 1945

इवु दिय्यंग दूरपूर्व ता परिस्थिति ते वेल्ले बेहरा बदलाव ता दिय्यंग मंदांनुंग। इंजे जापानी साम्राज्यवाद ता आत्मसमर्पण पक्का संभव मंता। जापानी आत्मसमर्पण ता निर्णायक तत्व सोवियत संघ युद्ध लोप्पा शामिल आयनदु मंता। लाल सेना ता दस लाख सैनिक चीन ता उत्तर-पूर्व ते नेंगा

---

\*1 इदु भाषण कामरेड माओ त्सेतुंग येनान ते कार्यकर्ता लोरा उंदी बैठक ते हीतोर। इदु भाषण ते ओरु वर्ग-विश्लेषण ता मार्क्सवादी-लेनिनवादी तरीका ता अनुसार, जापानी आक्रमण विरोधी युद्ध जीड़ता पेरकेटा चीन ता बुनियादी राजनीतिक परिस्थिति ना गंभीर रूप ते विश्लेषण कितोर अनि सर्वहारा वर्ग ता क्रांतिकारी कार्यनीतिंग पेश कितोर। कामरेड माओ त्सेतुंग अप्रैल 1945 ते चीनी कम्युनिस्ट पार्टी ता सातवा राष्ट्रीय कांग्रेस ते तन्ना उद्घाटन भाषण ते वेहता लेक्का, जापानी साम्राज्यवाद किन हारे किता पेरके वेने चीन मुन्ने रेंडु किस्मत ओसो रेंडु भविष्य मंता-अवु पूना चीन लेवेके पाइना चीन लेक्काने मंदानवु मंतांग। च्यांग-काई-शेक प्रतिनिधि मंदांन चीन ता बड़े जर्मीदार वर्ग ओसे बड़े पूंजीपति वर्ग, जापानी आक्रमण विरोधी युद्ध जीड़तेकाई जनता ना जीत किन ऊंदला आल्ससोर मत्तोर अनि चीन किन बड़े जर्मीदार वर्ग ओसो बड़े पूंजीपति वर्ग ता तानाशाही वाले अर्ध-ओपनिवेशिक, अर्धसामंती देश लेक्काने तासला आल्ससोर मत्तोर। सर्वहारा वर्ग ओसो आम जनता ना हित कुना प्रतिनिधित्व कीयाना चीनी कम्युनिस्ट पार्टी उंदी बगिल शांति दौरकी कियाला ओसो गृहयुद्ध ता विरोध कीयाना पूरा कोशिश कीता अनि दूसरा बगिल अदु च्यांग-काई-शेक ना देशव्यापी गृहयुद्ध शुरू कीयाना प्रतिक्रांतिकारी साजिश कुना खिलाफ पूरा तैयार मंदांन अनि सही नीति लागू कीयाना। इत्तेके, साम्राज्यवाद ओसो प्रतिक्रियावादीरा बारे ते बदे भ्रम तासनायो, ओरा धमकिंग कुनल वेरियानायो, जनता ना संघर्ष ता सफलतांग कुना दृढ़ता ते रक्षा कीसि उंदी पूना चीन-सर्वहारा वर्ग ता नेतृत्व ते आम जनता ना नवजनवादी चीन बने कीयाना कोशिश कीयाना। चीन ता रेंडु किस्मतकु ओसो रेंडु भविष्य कुना हारजीत ता निर्णायक संघर्ष, जापानी आक्रमण विरोधी युद्ध ता मारतास्केडल चीन लोक गणराज्य ता स्थापना एवनल ता ऐतिहासिक काल ता इत्तेके चीनी जन मुक्ति युद्ध लेवेके तीसरा क्रांतिकारी गृहयुद्ध ता ऐतिहासिक काल लोप्पाटा विषय आंदू (अंतर्वस्तु)। जापानी आक्रमण विरोधी युद्ध मारता पेरके, च्यांग-काई-शेक अमेरिका साम्राज्यवाद ता मदद ते शांति-समझौता किन बार-बार देहतोर अनि जनता ना ताकत किन खत्म कीयाना कोशिश ते मुन्ने बस्केने आयवा लेक्कटा वेल्ले बेहरा प्रति क्रांतिकारी गृहयुद्ध शुरू कितोर। तीनी कम्युनिस्ट पार्टी ता सही नेतृत्व ता कारण ते चीनी जनता सिर्फ नालुंग साल संघर्ष कीसिए महान देशव्यापी जीत दौरकी किता। च्यांग-काई-शेक ना तख्ता पलट कीसि पूना चीन ता स्थापना किता।

मंता। इदु शक्ति दबेमायवा मंदाना शक्ति आंदू जापानी साम्राज्यवाद इंजे लड़ाई जारी तासा परवोए<sup>1</sup> चीनी जनता तम्मा कठीन ओसो मुशिकल जापान आक्रमण विरोधी युद्ध लोप्पा जीत दोरकी कित्ता। जापान आक्रमण विरोधी युद्ध इंजे उंदी ऐतिहासिक मंजिल लेक्का मारताद मंता। इद्रम ता परिस्थिति ते इंजे चीन ता अलग-अलग वर्ग कुना संबंध बद्रम मंता ओसो क्वोमिंगतांग, कम्युनिस्ट पार्टी ता संबंध बद्रम मंता? इवु वायना कालम ते बद्रम मंदानुंग? मावा पार्टी ता नीति बातल मंदिता? इव सवाल कुना पोरो पूरा देश ता जनता ओसो पूरा पार्टी कामरेड्स वेल्ले ध्यान हींतोरा।

क्वोमिंगतांग ता परिस्थिति बद्रम मंता? अदिना हत्ता कालम पोरो कोंडा वाटसी ताना वर्तमान परिस्थिति किन वेहा परिंतरि, अदिना हत्ता कालम ओसो वर्तमान कालम पोरो कोंडा वाटसी मीटू अदिना वायना कालम ता बारे ते वेहा परिंतरि। हत्ता कालम ते इद पार्टी पूरा दस साल एवनल प्रतिक्रांतिकारी गृहयुद्ध ताकी कित्ता। जापानी आक्रमण विरोधी युद्ध ताकनास्के अदु 1940, 1041 ओसो 1943 ते बेहरा स्तर ते मूंड कम्युनिस्ट विरोधी हमलांग<sup>2</sup> कित्ता अनि हर बेरा ता हमला किन देशव्यापी गृहयुद्ध लेक्का विकसित कीयाना कोशिश कित्ता। मना पार्टी सही नीति लागू कीतांकु ओसो पूरा देश ता जनता अदिना विरोध कीतांके अदिना कोशिशकु विफल आतांग। चीन ता बेहरा जर्मीदार वर्ग ओसो बेहरा पूंजीपति वर्ग ता राजनीतिक प्रतिनिधि च्यांग-काई-शेक वेल्ले खूंखार ओसो चालबाज मत्तादू सब्बेतोरे पुत्तोरे। ओना नीति कै पोरो कै वाटसी टुकुर-टुकुर हूडसोर मंदाना, उदसी-उदसी जीत दोरकी कीयाना हरीं हूडना, तन्ना ताकत कुना सुरक्षा कीयाना ओसो गृहयुद्ध ता तैयारी कीयानादु मत्ता। निज्जमे, ओरु बद जीत ता हरीं हूडसोर मत्तोरो, अदु जीत वात्ताद मंता अनि इंजे इदु “जनरालिज्मो” “मेट्टा तल दोड़ रेयना”<sup>3</sup> लेक्कने मंता। हत्ता आठ साल लोप्पा माटू च्यांग काई शेक ना संगे-संगेने जागा बदली क्रिया मंतोम- मुन्ने माटू मेट्टा पोरो मत्तोम अनि ओरु एर ओदा मत्तोरा। जापानी आक्रमण विरोधी युद्ध ताकनास्के माटू दुश्मन ता पृष्ठभाग ते मत्तोम ओसो ओरु मेट्टा पोरो तरगसी मत्तोरा। इंजे ओरु मेट्टा दोड़ रेया मंतोर, ओरु असल

इत्तेके जापानी आक्रमण विरोधी युद्ध ता सफलता पोरो तम्मा मुहर वाटला काजे रेय्या मंतोरा।

हत्ता आठ साल लोप्पा मावा मुक्त इलाकांग ना जनता ओसो सेना बाहर तल बदे मदद एतवा लेवा सिर्फ तन्ना कोशिश संगेने बेहरा इलाका किन मुक्त कित्ता। हमला कियाला जापानी फौज ता बेहरा संख्या ओसो लगभग सब्बे कठपुतली फौज कुना मुकाबला कित्ता अनि अविना पोरो हमला कित्ता। सिर्फ मावा अटल प्रतिरोध ओसो वीरतपूर्वक संघर्ष ता कारण तेने बेहरा पृष्ठभागीय इलाका<sup>5</sup> ता 20 करोड़ जनता किन जापानी आक्रमणकारिरा कब्जा ते वायना तुकू बचे किया परमूडाता। बद इलाका ते 20 करोड़ जनता मत्ता अदिन जापानी आक्रमणकारिरा कब्जा ते वायाना तुकू बचे कियमूडाता। च्यांग-काई-शेक मुन्ने संतरी मंदाना अमेइ मेड्रा ते हंजी मकतोर-इगा संतरी कियानोर मुक्त इलाका, मुक्त इलाका ना जनता ओसो जन मुक्ति सेना (पीएलए) मत्ता। बेहरा पृष्ठभागीय इलाका ता 20 करोड़ जनता ना रक्षा कीयानास्के माटू वीर “जनरलिज्मो” ना वेने रक्षा कित्तोम अनि कै पोरो कै वाटसी जीड़ना ता हरीं हूड़ला काजे टाईम ओसो जागा रेंडासी हीतोमा टाईम आठ साल उंदी महीना मत्ता। जागा-20 करोड़ जनता वाले इलाका। ओना काजे इव परिस्थितिंग माटू तैयार कित्तोमा। माटू हिल्लेके ओरु नितसी मंजी तमाशा हूड़ा परवोर आसी मन्नेरा। इद्रम इत्तेके “जनरलिज्मो” मावा कर्जदार मंतोरा, हिल्लेरा? हिल्ले, ओरु हिल्लेरा कर्जदार बनेमायला वीर मानेय बस्केने करियतादे हिल्ले! च्यांग-काई-शेक किन सत्ता बद्रम दोरकता? उत्तरी अभियान, क्वोमिंगतांग ओसो कम्युनिस्ट पार्टी ता एकता तुकू मुन्नेटा कालम संगे, अस्के एवनल तन्ना ताकत तुन पुनवा मत्ता जनता ना समर्थन संगे ओनकिन ओनकि सत्ता दोरकता। ओरु सत्ता ते वातोर इत्तेकेने, च्यांग-काई-शेक जनता ना कर्जदार बनेमायना जागा ते ओरु उल्टा ओरा पोरो हमला कित्तोर अनि दस साल एवनल गृहयुद्ध संगे नेत्तुर डोड्डा लोप्पा मुडंदिहतोर। इतिहास ता इद अंश तुन मीटू सब्बे कामरेड्स पुंजीए मंतरि। वर्तमान जापानी आक्रमण विरोधी युद्ध लोप्पा चीनी जनता च्यांग काई-शेक ना रक्षा कित्ता। इंजे इद युद्ध जीड़ना



संगे मारा मंता अनि जापान आत्मसमर्पण किया मंता। मति च्यांग काई शेक जनता ना कर्जदार बिल्कुले हिल्ले। इद्रम कीयाना जागा ते ओरु 1927 ते रिकार्ड किन दुहरे कीसोरे ओसो उंदी बेरा पाड़ना तरीका ते काम कियाला आल्सतोर। ओरु चीन लोप्पा बस्केने बदे “गृहयुद्ध” आत्ताद हिल्ले, सिर्फ “डाकु लोरा सफाया” आत्ता इंजी इंत्तोर। ओरु इदिन बाताल इत्तेकाई ओरु जनता ना खिलाफ गृहयुद्ध शुरू कीयाना, जनता ना कल्लेआम कीयानादे निज्जम मंता।

बस्के एवनल देशव्यापी गृहयुद्ध ताको अस्के एवनल जनता ओसो पार्टी ता वेल्ले कामरेड्स इद सवाल किन स्पष्ट रूप ते समझेमाया परवोर। गृहयुद्ध इंजे बेहरा स्तर ते शुरू आत्ताद हिल्ले, अदु इंजे नालुंग बगिल फैलेमातादु लेवेके खुल्लम-खुल्ला शुरू आत्ता हिल्ले ओसो लड़ाईंग इंजे बेहरा संख्या ते आत्ताद हिल्ले “गृहयुद्ध ताकना जरूरी हिल्ले!” अदिन काजे वेल्ले लोकुर आल्संतोर, वेल्ले बाकी लोकुर गृहयुद्ध तुकू वेरियंतोर। ओरु अंगडमे वेरियोर। दस साल लड़ाई ताकता परेके आठ साल जापानी आक्रमण विरोधी युद्ध ताकसोर ताकता। लड़ाई ताकसोर मत्तेके बद्रम सहेमायाना? इद्रम ता वेरीं पुटिताए। च्यांग काई शेक ना गृहयुद्ध शुरू कीयाना साजिश ता बारे ते मना पार्टी नीति स्पष्ट ओसो अटल मत्ता। इत्तेके गृहयुद्ध ता दृढ़ता ते विरोध कीयाना, गृहयुद्ध ता पक्ष ते मंदानायो ओसो गृहयुद्ध रोमी कीयानादु मत्ता। वायना कालम ते माटू गृहयुद्ध रोमी कियाला ओसो वेल्ले साहस संगे जनता ना नेतृत्व कीयाना वेल्ले कियाकोम। मति गृहयुद्ध संगे वेल्ले गंभीर खतरा मत्तांकु शांत दिमाग संगे सतर्क मंदाना जरूरी मंता, बारांकु इत्तेके च्यांग काई शेक ना नीति मुन्ने ने तय आसी मंत्ता। च्यांग काई शेक ना नीति गृहयुद्ध शुरू कीयानादु मत्ता ओसो जनता ना नीति गृहयुद्ध विरोध कीयानादु मत्ता। गृहयुद्ध तुन विरोध कियानोरा लोप्पा सिर्फ चीनी कम्युनिस्ट पार्टी ओसो चीनी जनताए मंता। वीरा लोप्पा च्यांग काई शेक ओसो क्वोमिंगतांग हिल्ला मंदानदु बचोन लब्बड़ ता पोल्लो मंता! इगा उंदी पक्ष लड़ेमायला तैयार हिल्ले ओसो दूसरा पक्ष तैयार मंता। रेंडासी पक्ष लड़ेमायला आल्सवेके लड़ाई आयो आयवर। इंजे

सिर्फ उंदे पक्ष लड़ेमायला आल्सा मंता अनि इद पक्ष इंजे दूसरा पक्ष किन रोमी कीयानाचोन मजबूत हिल्ले, अदिन काजे गृहयुद्ध ता वेल्ले गंभीर खतरा मंता।

मना पार्टी सही टाईम तेने च्यांग काई शेक तानाशाही ओसो गृहयुद्ध तम्मा प्रतिक्रियावादी नीति पोरो नितसी मंदानूर इंजी वेहता। सातवीं पार्टी कांग्रेस तुकू मुन्ने, कांग्रेस ताकनास्के ओसो कांग्रेस ताकता पेरके, माटू जनता ना ध्यान गृहयुद्ध ता खतरा बगिल ओयला काजे वेल्ले काम कित्तोमा इद्रम कीतांकु पूरा जनता मना पार्टी-सदस्य ओसो सेना वेल्ले मुन्नेने मानसिक रूप ते तैयार आत्ता। इदु उंदी वेल्ले महत्वपूर्ण पोल्लो मत्ता, इद्रम ता तैयारी मंता या हिल्ले इंदाना पोरो सफलतांग ओसो विफलतांग आधार आसी मंदितांग। 1927 ते मना पार्टी पुटसीए मत्तांकु, च्यांग काई शेक ना अचानक कीयाना प्रतिक्रांतिकारी हमलांग काजे मानसिक रूप ते बिल्कुल तैयार हिल्ला मत्ता। अद्रमासी जनता दोरकी कित्ता जीतकु जल्दिए विफल आतांग अनि जनता किन वेल्ले कालम एवनल मुश्किल ता पिस्वल पिस्सा लागता, वेहच ते मत्ता चीन हीकट ते मुडंदता। इंजेटा परिस्थिति अलग मंता। मना पार्टी मूंड क्रांतिंग ना समृद्ध अनुभव ओसो वेल्ले पोरोटा स्तर ता राजनीति संगे लैस आसी मंता। पार्टी ता केंद्रीय कमेटी बार-बार गृहयुद्ध ता खतरा किन स्पष्ट रूप ते समझे कित्ता, अदिन काजे पूरा जनता, पूरा पार्टी संगे ओसो पार्टी ता नेतृत्व ते काम कीयाना सब्बे फौजकू तैयार मंतांग।

च्यांग काई शेक हमेशा उचुन-उचुन सत्ता ओसो उचुन-उचुन सफलता जनता तल ऊंदना कोशिश कींतोर। मावा नीति बदला एतना ओसो उंदी-उंदी इंच जमीन काजे लड़ेमायनदु मंता। बद तरीका च्यांग काई शेक लागू कित्तोर अदे तरीका माटू वेने लागू कींतोमा। ओरु हमेशा उंदी तलवार डावड कैंदे ओसो उंदी तलवार तिन्नड कैंदे पोयसी जनता पोरो युद्ध कियाला आल्संतोर अनि माटू वेने अद्रमे तलवार पोयंतोमा। इदु तरीका माटू जांच-पडताल ओसो अध्ययन पेरकेने लागू कित्ताद मंता। इद्रम ता जांच-पडताल ओसो अध्ययन ता वेल्ले महत्व मंता। माटू दूसरा मानेय

ना कैदे बढ चीज हूडिंतोमो अदिना बारे ते उचुन जांच-पडताल कीयाना। ओना कैदे बातल मंता? तलवार इत्तास्के। इद तलवार बारांकु मंता? हौकला कियाला काजे। तन्ना तलवार संगे ओरु बोनकिन हौकला आल्सा मंतोर? जनता किन। इव पोल्लोंग किन पुत्ता पेरके बाकी जांच-पडताल कीयाना। चीनी जनता ना कैकु मंतांग अदु वेने तलवार तेहा परिंता, तलवार हिल्वेके अदु अदिन बने किया वेने परिंता। चीनी जनता इद सच्चाई ता जानकारी वेल्ले जोम ता जांच-पडताल ओसो अध्ययन पेरके दोरकी कित्ता। युद्ध-सरदार, जर्मीदार, स्थानीय निरंकुश तत्व, बुरे शरीफजादा लोर ओसो साम्राज्यवादिर वीर सब्बे तोरा कैकु ने तलवार मंता ओसो ओरु लोकरु किन हौकला तैयार मंतोर। जनता इद पोल्लो किन समझेमाता अनि ओरादे तरीका लागू कित्ता। मावा लोप्पाटल उचुन मुल हमेशा इद्रम ता जांच-पडताल ओसो अध्ययन किन नजरअंदाज कींतोर। उदाहरण तुकू, छन तु-श्यू तलवार संगे लोकरु कि हौका परमूडांता इंजी समझेमाया परवोर आतोर। उचुन मुल इदु एकदम सीधा-सादा रोज ता पोल्लो आंदू इंतोर, कम्युनिस्ट पार्टी ता नेता लोर इदिन बद्रम समझेमाया परवोर आतोर? इदु अचोन जरूरी हिल्ले। छन तू-श्यू बदे जांच-पडताल ओसो अध्ययन कीवोर आतोर, अदिनके इद पोल्लो तुन समझेमाया परवोर आतोर। अदिन काजेए माटू ओनकिन अवसरवादी इत्तोमा। बोर मानेय जांच-पडताल ओसो अध्ययन कीवोर ओनकिन वडकना अधिकार हिल्ले। अदिन काजेए माटू ओनकिन इद अधिकार हीवोम आंतोमा। माटू छन तू-श्यू ना हरीं तल अलग हरीं पोयतोम अनि उत्पीडन ओसो हामुर संगे पीडित जनता किन तलवार तेहाना लेक्का बने कित्तोमा। बोराई माकिन बस्के हौकना कोशिश कित्तोर इत्तेके माटू वेने ओनादे तरीका लागू कियाकोमा। क्वोमिंगतांग मावा क्वानचुंग उपक्षेत्र पोरो हमला कियाला काजे 6 डीविजन कुन लोहता अनि ताना लोप्पाटल 3 डिविजन कुना लोप्पा नेंगसी 20 ली लम्बा ओसो 100 ली चौड़ा इलाका किन कब्जा कित्तादिनकु वेल्ले जोम आत्ताद हिल्ले। माटू वेने अद्रमे कीसि 20 ली लम्बा ओसो 100 ली चौड़ा इद इलाका लोप्पा क्वोमिंगतांग फौज कुना सम्पूर्ण रूप ते

खत्म कीसितोमा<sup>6</sup> मना नीति बदला एतना ओसो उंदी-उंदी इंच जमीन काजे लड़ेमायनदु मंता, क्वोमिंगतांग किन माटू हल्कोए मना जमीन बस्केने कब्जा किया हीवोम ओसो मना लोकर किन हौकला वेने बस्केने हीवोमा बदे डावुट हिल्ला उंदी-उंदी इंच जमीन काजे लड़ेमायना इत्तेके “आधार इलाका ता उंदी वेने इंच जमीन किन विड़सवा लेवा” मंदाणा पाड़ना “वामपंथी” कार्यदिशा किन लागू कीयाना इंजी आयो। इंजे माटू 20 ली लम्बा ओसो 100 ली चौड़ा इलाका किन विड़सतोमा इदिन जुलाई ता आखरी ते विड़चसी अगस्त ता शुरू ते ओसो वापिस पोयताद मंता। 1942 ता दक्षिणी आनव्हेइ घटना पेरके क्वोमिंगतांग ता सम्पर्क स्टाफ-अफसर लोर उंदी बेरा मावा लक्ष्य बाताल मंता इंजी नाकिन पूछेमातोर। **नावा जवाब:-** हमेशा येनान ते मंजी वेने मीटू पुनविरा? “हो मावा पोरो हमला कीतेके, माटू वेने ओरा पोरो हमला कियाकोमा ओरु रोमतेके माटू वेने रोमकोमा”<sup>7</sup> अस्के च्यांग काई शेक ना पोरोल एतवा लेवा सिर्फ हो इंग-छिन ना पोरोल एतताद मत्ता। नेंडु माटू “च्यांग मावा पोरो हमला कीतेके, माटू वेने ओरा पोरो हमला कियाकोमा च्यांग रोमतेके माटू वेने रोमाकोमा” बद तरीका ओरु लागू कियानूर अदे तरीका माटू वेने लागू कियाकोम इंतोमा इंजे च्यांग काई शेक तन्ना तलवार मेसिया मंतोर अदिन काजे माटू वेने मना तलवारकु मेसियाना जरूरत मंता।

जनता जीड़ता अधिकार कुन हल्कोए विड़सवा लेवा अविना रक्षा कियाला काजे लड़ेमायना। माटू गृहयुद्ध ता विरोध कींतोम मति च्यांग काई शेक चीनी जनता पोरो गृहयुद्ध ता बोजा वाटला तैयार आसी मत्तेके मावा मुन्ने सिर्फ उंदे तरीका इत्तेके आत्मरक्षा काजे ओसो मुक्त इलाकांग ना जनता ना जान-माल ओसो अधिकार, सुख-शांति ता रक्षा काजे हथियार पोयसी लड़ेमायनदे मंता। इदु उंदी गृहयुद्ध मंदिता, अदिन मावा पोरो वाटनूर। माटू जीड़ा परवेके माटू खुद किन दोष हियाना भगवान लेवेके दुनिया तुन आयो। इद्रम आतेकाई बोरे वेने जनता जीड़ता अधिकार कुन ऊंदना लेवेके धोखा हीसी कैदे पोयना लेक्कटा हल्को काम हल्को मंता इंजी आल्समाटू। नीरे वरोर अमेरिका पत्रकार नाकिन पूछेमातोर- “नीकिन

कार्रवाई कीयाना अधिकार बोर हीतोर?” नन्ना जवाब हीतान- “जनता”। जनता हियवेके बोर हींतोर? सत्ताधारी क्वोमिंगतांग इत्तेके हीवोए। अदु माकिन मान्यता हीवोए। जन राजनीतिक परिषद ते माटू “सांस्कृतिक संगठन” लेक्का हिस्सा एतितोम, ओरु पंडता नियमानुसार। माटू “सांस्कृतिक संगठन” हिल्लेम, मावागा सेना मंता, माटू “सैनिक संगठन” आंदोम इंतोम। इयेटा 1 मार्च ते च्यांग काई शेक कम्युनिस्ट पार्टी किन कानूनी रूप ते दोरकी कियाला काजे सेना सौंपे किया लागिजार इत्तोर। च्यांग काई शेक ना इव पोल्लोंग इंजे वेने मंतांग। माटू मना सेना किन सौंपे कीवोम, अदिन काजे मावा बदे कानूनी रूप हिल्ले। माटू “इद लोक ओसो परलोक ता कानून कुना उल्लंघन” किया मंतोम। मावा कर्तव्य जनता काजे जिम्मेदार मंदानादु मंता। हर शब्द, हर कार्रवाई ओसो हर नीति जनता ना हित अनुकूल मंदाना अनि गलतिंग आतेके अविन जरूर सुधरे कीयाना। जनता काजे जिम्मेदार मंदाना इत्तेके इदे आंदू। कामरेड्स! जनता किन मुक्ति पाहिजे अदिन काजे अदु सत्ता जनता ना प्रतिनिधित्व किया परनोर ओसो ईमानदारी ते काम कियानोर इत्तेके माटू कम्युनिस्ट लोरकिने सौंपे कींता। जनता ना प्रतिनिधि लेक्का माटू अदिना प्रतिनिधित्व बेस कीयाना, छन तू-श्यू ना लेक्का आयो। छन तू-श्यू जन-विरोधी प्रतिक्रांतिकारी हमला ना सामना आत्तास्के बदला एतना ओसो उंदी-उंदी इंच जमीन काजे लड़ेमायना नीति लागू कीवोर आतोर। अद्रमासी 1927 ते उचुके महीनांग लोप्पा जनता दोरकी कित्ता अधिकारकु जनताना कैदल पोवतांग। इंजे माटू सतर्क मंदाना, मना नीति छन तू-श्यू ना नीति तल एकदम अलग मंता। माकिन बदे चालबाजी संगे बकवल बने किया परमूडायो। माटू मावा दिमाग शांत तासना अनि सही नीति लागू कीयाना, माटू गलतिंग कीयानायो।

जापानी आक्रमण विरोधी युद्ध जीड़तांकु बोनकिन फायदा दोरकना, इंदानदु स्पष्ट मंता। उदाहरण तुकू उंदी आडू पंडी ता मर्रा किन हूड़ाकाला इद मर्रा ते आडू हादतेके, इदु जीत ता पंडिंग मंदितांग। इवु आडुंग किन कोय्यना अधिकार बोनकिन मंता? उचुन इद मर्रा किन बोरु उरसतोर ओसो

राका कित्तोर इंजी तो पूछेमायमुटु। च्यांग काई शेक कुतुल कोरांग कीसि मेट्टा पोरो उदसी मत्तोर, उंदी बाल्टी वेने एर हीताद हिल्ले, मति ओरु आडू कोय्यला काजे जेक तले तन्ना कै हाहा मंतोर। ओरु इव आडुंग नावांगे इत्तेके च्यांग काई शेक नांग आंदुंग इंतोर, नन्ना जमींदार आंदन, मीटू नावा भूदास लोर आंदिर, नन्ना मीकिन उंदी वेने आडू कोय्यला हीवोन इंतोर। माटू प्रेस ते ओना खंडन कित्तोमा<sup>8</sup> माटू, निम्मा बस्केने एर हीविन, अदिन काजे आडू कोय्यना अधिकार नीकिन हिल्ले इंतोमा। माटू मुक्त इलाकांग ना लोकर अद मर्रा किन हर रोज एर हीतोम अदिन काजे अदिना पंडिंग कोय्यना अधिकार सबसे ज्यादा माकिने मंता। कामरेड्स! जापानी आक्रमण विरोधी युद्ध ता जीत जनता तन्ना नेत्तुर पोहहचि ओसो बलिदान हीसी दोरकी कित्ता। इदु जीत जनता नाए मंदाना, जापानी आक्रमण विरोधी युद्ध ता पंडी जनता किने दोरकना। च्यांग काई शेक ना बारे ते हूडतेके ओरु जापान खिलाफ लडेमायनास्के शामिल आत्ताद हिल्ले। इदना जागा ते कम्युनिस्ट लोरा खिलाफ लडेमायनास्के ओरु सक्रिय रूप ते शामिल आतोर। ओरु जनता ना जापानी आक्रमण विरोधी युद्ध हर्दे बाधा बनेमातोर। इदु हरीं ता बाधा इंजे जीत ता पंडी पोरो तन्ना एकाधिकार कियाला काजे मुन्ने वाया मंता। जीत पेरके चीन किन युद्ध तुकू मुन्ने मत्ता पाइना परिस्थिति ते वाटला आल्सा मंतोर, ताना लोप्पा उचुन वेने बदलाव कियाला आल्ससोर। इद्रम कीतेके संघर्ष पैदा आंता। कामरेड्स! इदु वेल्ले बेहरा संघर्ष मंता।

उंदी पोल्लो, जापानी आक्रमण विरोधी युद्ध ता जीत ता पंडी सिर्फ जनता किने दोरकना इंजी मंता, मति दूसरा पोल्लो आखरी ते अदिन किन बोरु दोरकी कियानूर जनता दोरकी कींता या कीवोए इंदानदू मंता। जीत ता सब्बे पंडिंग जनता किने दोरकानुंग इंजी आल्सनायो। वेल्ले आडु पंडिंग इत्तेके शांघाई, नानकिंग, हांगचओ ओसो बाकी बेहरा शहर लेक्कटविन च्यांग काई शेक हडुपे कियानूर। ओरु अमेरिका साम्राज्यवाद संगे सांठगांठ कित्तोर अनि इव जागा ने ओना प्रभाव ज्यादा मंता। क्रांतिकारी जनता इंजे एवनल मुख्य रूप ते सिर्फ ग्रामीण इलाकांग पोरोने कब्जा कित्ताद मंता।

आडुंग ना पिस्ता गुच्चिंग काजे रेंडासी पक्ष पिडंगा-पिडंगी आयारा। इव मध्यम ओसो सुडला शहरकु आंदुंग- ताथुंग-फूचओ रेलवे पोरो थाएव्वान ता उत्तर ते फैलेमासी मत्ता हिस्सा ते, पेफिंग-स्वेव्वान रेलवे ता मध्य हिस्सा ते, पेफिंग-ल्ल्याओनिंग रेलवे पोरो, पेफिंग-हानखओ रेलवे पोरो चंगचओ ता उत्तर ते फैलेमाता हिस्सा ते, चंगतिंग-थाएव्वान रेलवे ते, पाएक्वेइ-चिनछंग रेलवे<sup>10</sup> ते, तचओ-शच्या-च्यांग-रेलवे ते, थ्येनचिन-फूखओ रेलवे ते, छिंगताओ-चीनान रेलवे ओसो लुंगहाए रेलवे ते चंगचओ ता पूर्व ते फैलेमासी मत्ता हिस्सा ते मंता। इवु मध्यम ओसो सुडला शहर कुना काजे पिडंगा-पिडंगी कीयाना जरूरत मंता। इवु मध्यम ओसो सुडला आडूंग आंदुंग, इविन मुक्त इलाका ना जनता तम्मा हेपुर-नेत्तुर पोह्हचि पंडी कित्ता। नेंडु इद जागा जनता किन दोरकियार लेवेके दोरको इंदानदु वेहाना मुश्किल मंता। नेंडु सिर्फ कठोर संघर्ष कीमुट इंजीए वेहा परमूडायारा। जनता किन निश्चित रूप ते दोरकना लेक्कटा जागांग वेने मंतांगा? इतेके इंगो, मंतांगो। अवु जागांग हपे प्रांत, छाहाड़ प्रांत ओसो जेहोल प्रांत<sup>11</sup> ओसो शानशी प्रांत ता ज्यादातर हिस्सा, शानतुंग प्रांत ओसो उत्तरी च्यांगसू प्रांत ता बेहरा ग्रामीण इलाका ओसो वेल्ले शहरकु, अविना लोप्पा नाहकु आपस ते जुडेमासी मंतांग ओसो उंदी इलाका ते लगभग उंदी सौ शहरकु मत्तेके, दूसरा इलाका ते 70-80 शहरकु ओसो तीसरा इलाका ते 40-50 शहरकु मंतांगा। इद्रम ता इलाकांग सुडला, ओसो बेहरा कुल मिलकीसि मूंड-नालुंग, हेय्युंग-हारुंग मंतांगा। इव शहरकु बद्रम ताव मंतांग? मध्यम ओसो सुडला। माकिन अविना बारे ते विश्वास मंता, जीत ता पंडिंग किन कोय्यना शक्ति मावागाए मंता। चीनी क्रांति ता इतिहास लोप्पा पहली बेरा माकिन इद्रम ता पंडिना गुच्ची दोरकियार। इतिहास लोप्पा, माटू दुश्मन ता “घेराव कीयाना ओसो विनाश कीयाना” तीसरी अभियान किन 1931 ता दूसरा 6 महिनांग लोप्पाने गुंडा-गुंडा कित्ता पेरेके ने च्यांगशी प्रांत ता तन्ना केंद्रीय आधार इलाकांग लोप्पा काउंटी केंद्र ता कुल संख्या इक्कीस आत्ता।<sup>12</sup> मति अविना लोप्पाटल उंदी वेने मध्यम शहर हिल्ले। 21 सुडला शहर कुन काल्पसी कुल आबादी ज्यादा से

ज्यादा 25,00,000 एवसी मत्ता। इविना पोरो निर्भर आसी चीनी जनता वेल्ले जोम संघर्ष जारी तासा परता, इचोन बेहरा जीत दोरकी कीसि “घेराव कीयाना ओसो विनाश कीयाना” वेल्ले बेहरा अभियान किन गुंडा-गुंडा कित्ता। ताना पेरके माटू हारेमातोम, इदिना काजे माटू च्यांग काई शेक किन दोष हियवा माटू खुद बेस लड़ेमाया परताद हिल्ले इंजी खुद किने दोष हियाना। इंजे बीसियो सुडला-बेहरा शहर कुन काल्पसी उंदी इलाका बने कित्ताचोन बेहरा मूंड-नालुंग लेवेके हेय्युंग-हारुंग इलाकांग मत्तेके चीनी जनता ना मूंड-नालुंग लेवेके हेय्युंग-हारुंग क्रांतिकारी आधार इलाकांग बनेमायनुंग। अविना लोप्पा हर आधार इलाका च्यांगशी प्रांत ता केंद्रीय क्रांतिकारी आधार इलाका तुकू बेहरा मंदियार। इद्रमे चीनी क्रांति ता परिस्थिति वेल्ले आशाजनक बनेमायार।

परिस्थिति किन पूर्ण रूप ते हूडतेके जापानी आक्रमण विरोधी युद्ध ता मंजिल खत्म आत्ता अनि पूना परिस्थिति ओसो पूना कार्य स्थानीय संघर्ष शुरू आत्ता। च्यांग काई शेक “राष्ट्रीय निर्माण” ता पोल्लोंग किंतोर। इंजेटल संघर्ष बद्रम ता देश कुना निर्माण कीयाना? इंजी आयार। सर्वहारा वर्ग ता नेतृत्व ते आम जनता ना नवजनवादी देश ता निर्माण कीयाना? लेवेके बड़े जर्मीदार वर्ग ओसो बड़े पूंजीपति वर्ग ता तानाशाही वाले अर्ध-औपनिवेशिक ओसो अर्ध-सामंती देश ता निर्माण कीयाना? इदु वेल्ले जटिल संघर्ष मंदिता। वर्तमान संघर्ष च्यांग काई शेक जापानी आक्रमण विरोधी युद्ध ता जीत कुना पंडिंग हड़पे कीयाना कोशिश किया मंतोर अनि माटू अविन हड़पे कीयाना ओना कोशिश कुना विरोध कीसोर मंतोमा। इंजेटा संघर्ष ता रूप आंदू। इंजे बदे अवसरवादी रुझान प्रकट आतेके, अदु कठोर संघर्ष कियवा लेवा जनता किन दोरकना पंडिंग किन हियाना विचार मंजी च्यांग काई शेक किन भेंट हियाना लेक्का आयार।

खुल्लम-खुल्ला देशव्यापी गृहयुद्ध शुरू आयार? इंदानदु स्थानीय ओसो अन्तरराष्ट्रीय तत्व कुना पोरो आधार आसी मंता। स्थानीय तत्व मुख्य रूप ते मना शक्ति ओसो मना राजनीतिक चेतना ता दर्जा मंता। अन्तरराष्ट्रीय ओसो स्थानीय परिस्थिति ता आम रुझान ओसो जनता ना



भावनांग ना दिशा ता कारण ते माटू मनाए संघर्ष संगे गृहयुद्ध ता स्तर किन सीमित किया परितोमा, परवोम लेवेके देशव्यापी गृहयुद्ध ता विस्फोट किन उचुन जोम काजे रोमी किया परितोमा, परवोरम? इद्रम कीयाना संभावना मंता।

च्यांग काई शेक रोमवालेवा गृहयुद्ध शुरू कियाला आल्सतेके ओनकिन वेल्ले मुश्किल कुना सामना किया लागिगर। पहली पोल्लो मुक्त इलाकांग लोप्पा 10 करोड़ जनता मंता, 10 लाख सैनिक मंतोर ओसो 20 लाख तुकू ज्यादा मिलिशिया सदस्य लोर मंतोर। दूसरा, क्वोमिंगतांग शासन कीयाना इलाका ना राजनीतिक रूप ते जागृत जनता गृहयुद्ध ता खिलाफ मंता, इव सब्बे च्यांग काई शेक पोरो उंदी रकम ता बाधा मंतांग। तीसरा, क्वोमिंगतांग लोप्पा वेने उंदी हिस्सा गृहयुद्ध ता खिलाफ मंता। नेटा परिस्थिति 1927 ता परिस्थिति तुकू वेल्ले अलग मंता। खासकर मना पार्टी ता नेटा परिस्थिति 1927 ता परिस्थिति तुकू वेल्ले अलग मंता। अस्के मना पार्टी पुटसीए मत्ता। अदिना दिमाग शांत हिल्ला मत्ता, अदिनकिन सशस्त्र संघर्ष कीयाना अनुभव वेने हिल्ला मत्ता, अदिनगा बदला एतना रुझान लागू कीयाना नीतिए वेने हिल्ला मत्ता। नेंडु मावा पार्टी लोप्पा राजनीतिक चेतना ता स्तर मुन्ने तुकू बचोनो ज्यादा पोरो तेदसी मंता।

मना पार्टी इत्तेके सर्वहारा वर्ग ता हिरावल दस्ता ता राजनीतिक चेतना आयवा आम जनता ना राजनीतिक चेतना ता सवाल वेने मंता। बस्के एवनल जनता लोप्पा राजनीतिक चेतना पैदा आयो अस्के एवनल अदिना क्रांति ता पंडी दूसरोर किने सौंपे कीयाना संभव मंदिता। इतिहास लोप्पा इद्रम आतद वेने मंता। नेंडु चीनी जनता ना राजनीतिक चेतना ता स्तर मुन्ने तुकू वेल्ले पोरो तेदताद मंता। नेंडु जनता लोप्पा मना पार्टी ता बचोन ज्यादा सम्मान मंता, अचोन ज्यादा मुन्ने बस्के ने हिल्ला मत्ता। मति जनता लोप्पा ओसो मुख्य रूप ते जापान कब्जा ओसो क्वोमिंगतांग शासन मत्ता इलाकांग लोप्पा मंदाना वेल्ले लोकर नेंडु वेने च्यांग काई शेक पोरो विश्वास कींतोर। ओरु क्वोमिंगतांग ओसो अमेरिका ता बारे ते भ्रम पोयसी मंतोर, इद्रम ता भ्रम किन फैले कियाला च्यांग काई शेक पूरा

कोशिश कीतोर। चीनी जनता ना उंदी हिस्सा ते इंजे राजनीतिक चेतना पैदा आत्ताद हिल्ले इंदानदु निज्जमे। इद पोल्लो तिंची मना प्रचार ओसो संगठन ता काम लोप्पा इंजे वेल्ले काम कीयानादु मंता इंजी स्पष्ट आंता। जनता लोप्पा राजनीतिक चेतना पुट्टी कीयाना हल्को हिल्ले। ओरा दिमाग ते गलत विचार कुन दूर कियाला काजे माटू वेल्ले ठोस काम किया लागियर। चीनी जनता ना दिमाग ते पेरेके अरता विचारकुन मना कोली(रूम) लोप्पाटा वियार हैय्यना लेक्काने हैय्यसियाना। हैय्यवा लेवा वियार तन्ना-तन्नाए बस्केने हन्नो आंता। माटू जनता नडमा व्यापक रूप ते प्रचार ओसो शिक्षा ता काम कीयाना। इद्रम कीतेके चीन ता जनता ना असली परिस्थिति ओसो रुझान किन समझेमाया परितोम ओसो जनता किन मना ताकत पोरो विश्ववास वेने आंता।

जनता किन संगठित कीयानादु मावा पोरो आधार आसी मंता। चीन ता प्रतिक्रियावादिरा सवाल किन हूडतेके ओरकिन तेहकसी वाटला काजे जनता किन संगठित कीयाना जिम्मेदारी मावा पोरोने मंता। हर प्रतिक्रियावाद उंदी लेक्का मंता। मीटू अदिना पोरो हमला कीवेके अदु मुट्टो आंता। इदु वेने फर्श किन हैय्यना लेक्काने मंता। इद कैसुर बेगा एव्वो अगा विय्यार तन्ना-तन्नाए साफ आया परवो इंदानदु निज्जमे। शेनशी-कानसू-निंगश्या सीमान्त इलाका ता दक्षिण ते उंदी डोड्डा मंता, अदिना पोरोल च्येचि मत्ता। इद डोड्डा ता दक्षिण ते लोछवान काउन्टी मंता ओसो उत्तर ते फूश्येन काउन्टी मंता। डोड्डा ता उत्तर ओसो दक्षिण ते रेंडु एकदम अलग दुनिया मंता। दक्षिण इलाका ते क्वोमिंगतांग शासन मंता। माटू अगा एवताद हिल्ले अदिन काजे जनता असंगठित मत्तांकु अगा वेल्ले वियार वेने मंता। मना उचुन कामरेड्स सिर्फ राजनीतिक प्रभाव पोरो ने विश्वास कीतोर अनि समस्यांग किन सिर्फ प्रभाव संगे ने हल कियमूडांता इंजी आल्सानोर। इदु उंदी अंधविश्वास आंदू। 1936 ते माटू पाओआन<sup>13</sup> ते मत्तोमा अगाटल 40-50 ली जेक किलेबंदी वाले उंदी नार मत्ता, अदिन पोरो निरंकुश जमींदार ना कब्जा मत्ता। अस्के पार्टी ता केंद्रीय कमेटी पाओआन ते मत्तास्के अगाटा प्रतिक्रियावादिर लोंगला काजे इनपदे

इनकार कीवा मत्तेके निज्जमे मना राजनीतिक प्रभाव वेल्ले बेहरा मंता इंजी समझेमायमूड़ासी मनवड़। माटू ओरा दक्षिण ते विव्यार हैय्यतोम, माटू ओरा उत्तर ते विव्यार हैय्यतोम मति सब्बे अंगड़म आत्ता। बस्के एवनल मना कैसूर सीधा अद नाटे ना लोप्पा एवसी हैय्यो आत्ता अस्के एवनल जर्मीदार “इंजे नन्ना इद्रम कीवोन!”<sup>14</sup> इंजी केयोरे, दुनिया ता सब्बे काम इद्रमे आयरा। घंटिंग तुन बस्के एवनल नेकिह कीवोम अस्के एवनल अदु नेकोए। टेबल किन बस्के एवनल गुच्चिह किवोम अस्के एवनल अदु गुच्चो आंता। बस्के एवनल सोवियत संघ ता लाल सेना उत्तर-पूर्वी चीन ते नेंगो अस्के एवनल जापान लोंगो आयरा। मना फौज कु बस्के एवनल दुश्मन सेनांग खिलाफ लड़ेमायोंग अस्के एवनल दुश्मन ओसो कठपुतली सेनांग तम्मा हथियारकु माकिन सौंपे कीवोंग। राजनीतिक प्रभाव सिर्फ कैसुर एवता जागा तेने पूरा असर तोहिंता। मना कैसुर कम्युनिस्ट पार्टी, आठवी राह सेना ओसो पूना चौथी सेना आंदुंग। मीटू सिर्फ कैसुर कैदे पोयसी हैय्यना तरीका करियना। उर्रा वड़िय वासी बद्रमाई कीसि इद विव्यार किन संगे ओयार इंजी, हुंजना जागा तेने गूडसी मनमाटू। माटू मार्क्सवादी, क्रांतिकारी यथार्थवादीर आंदोम अदिनके अंगड़म ता सपना बस्के ने हूडोम। चीन ते उंदी पाड़ना हड्डो मंता-”नरकुमे तेदाटु ओसो दुवार ता विव्यार हैय्याटु।”<sup>15</sup> नरकुम पेरके पूना दिव्या शुरू आंता। मावा पुरका नोर माकिन नरकुम तेदसी विव्यार हैय्यना शुरू कीयाना इंजी वेहंतोर। ओरु माकिन उंदी काम सौंपे कितोर इंजी आलिससी काम कीतेने मना किन फायदा आयार इंजी माटू काम कीयाना शुरू कीयाना। चीन ता क्षेत्रफल वेल्ले बेहरा मत्तांकु माटू इदिन उंदी-उंदी इंच हैय्यना शुरू कीयाना। मना नीति किन बद्रम टिके कीसि तासना? इदिना आधार मनाए ताकत मंदाना, इत्तेके खुद पोरो आधार आसी मंदाना। माटू वरोए हिल्लेम, दुनिया ता सब्बे साम्राज्यवाद विरोधी देश ओसो जनता मना गोती तोर आंदुर। मति माटू खुद पोरो आधार आसी मंदाना पोरो ज्यादा जोर हियाना। माटू मनाए संगठित ताकत कुना पोरो निर्भर आसी, सब्बे चीनी ओसो विदेशी प्रतिक्रियावादिर किन हारे किया परितोम। इदिना उल्टा च्यांग काई शेक

पूराए अमेरिका साम्राज्यवाद ता मदद पोरो निर्भर आसी मंतोर अनि अदिन किने ओरु तन्ना मुख्य मदद समझेमांतोर। तानाशाही, गृहयुद्ध ओसो वतनफरोशी, मूंडासी हमेशा ओरा नीति ता आधार मंदिंतांग। अमेरिका साम्राज्यवाद च्यांग काई शेक किन गृहयुद्ध शुरू कियाला मदद कीसि चीन तुन कब्जा कियाला आल्सिंता। अदु इव नीतिंग किन वेल्ले मुन्ने तय कीसि तासता। मति अमेरिका साम्राज्यवाद बाहर तले मजबूत मत्तेकाई लोप्पाटल एकदम ढोढरी मर्रा लेक्का मंता। माटू मना दिमाग शांत तासना, इत्तेके माटू साम्राज्यवादिरा मिंगता-मिंगता वडकना पोल्लोंग पोरो विश्वास कीयानायो अनि ओरा धमकिंग किन वेरियाना वेने आयो। उंदी बेरा वरोर अमेरिकन नाकिन इत्तोर, “मीटू हरले ना पोल्लोंग केंजसी, क्वोमिंगतांग सरकार लोप्पा अफसर बनेमायला काजे उचुन लोकरु किन लोहतेके बेसे।”<sup>16</sup> नन्ना जवाब हीतान, “कै-कालकु दोहची मत्ता अफसर बनेमायना हल्को काम हिल्ले, माटू इद्रम कीवोम। मावा कै-कालकु आजाद मंदानुंग, माटू आजाद मत्तेके ने काम किया परकोम, इत्तेके जनवाद पोरो आधार आसी उंदी संयुक्त सरकार बनेमायार अस्केने अफसर बनेमायकोम।” ओरु इत्तोर, “मीटू इद्रम कीतेके, बेस आयो।” नन्ना पूछेमातान, “बारांकु बेस आयो?” ओरु इत्तोर, “पहली, अमेरिकन लोर रांगनुर, दूसरा अमेरिकन लोर च्यांग काई शेक किन मदद हियानुर।” नन्ना जवाब हीतान, “पोट्टामेंड गाटो तिंदानोर ओसो कोंडामेंड हुंजानोर मीटू अमेरिकन लोर, जनता किन रांगला आल्सिंतिर ओसो च्यांग काई शेक किन मदद हियाला आल्सिंतिर इत्तेके इदु मीवा समस्या मंता तीना नडमा नन्ना वायोने। इंजे मावागा कोहला गाटो ओसो बंदूक मंता अनि मीवगा रोटी ओसो तोप। मीटू च्यांग काई शेक किन मदद हियाला आल्सिंतेके मीटू ओनकिने मदद हीमुट, बस्के एवनल हिया परिंतिर अस्के एवनल हीमुट। मति उंदी पोल्लो मीटू पक्का सुरता तासाटु। चीन बोनद आंदू? चीन च्यांग काई शेक ना बिल्कुले आयो, चीन चीनी जनता ना आंदू। अदिनके मीवा काजे च्यांग काई शेक किन मदद हिया परवा लेक्कटा दिव्या जरूर वायारा।” कामरेड्स! वीर अमेरिकनलोर लोकरु किन वेरहना कोशिश किसोर मंतोर। साम्राज्यवादीर

इद्रम ता पोल्लोग कियाला एक्सपर्ट आसी मंदितोर, उपनिवेश (गुलाम मंदना देशकु) ते वेल्ले लोकुर ओरकिन वेरयंतोर। साम्राज्यवादीर उपनिवेश ता सब्बे लोकुर किन वेरयी कियमूडांता इंजी आल्सिंतोर मति ओरु चीन लोप्पा इद्रम ता पोल्लोग किन वेरियवा मंदाना लोकुर मंतोर इंजी पुन्नोरे। हत्ता कालम ते माटू च्यांग काई शेक किन कम्युनिस्ट लोरा खिलाफ लडेमायला मदद हियाना अमेरिका नीति ता खुल्लम-खुल्ला आलोचना कित्तोम ओसो पर्दाफाश कित्तोम, बारांकु इत्तेके इद्रम कीयाना जरूरी मत्ता ओसो वायना कालम ते वेने माटू इद्रम कीयाना जारी तासकोम।

सोवियत संघ तन्ना फौज लोहतद मत्ता, आक्रमणकारिर किन बाहर पूंडला काजे चीनी जनता ना मदद कियाला काजे लाल सेना वासी मत्ता, इद्रम ता घटना चीन ता इतिहास लोप्पा मुन्ने बस्केने आत्ताद हिल्ले। इदु पोल्लो ता हंदी हिल्लाचोन प्रभाव अरता। अमेरिका ओसो च्यांग काई शेक ना प्रचार संस्थांग रेंडु परमाणु-बाम संगे लाल सेना ता राजनीतिक प्रभाव किन खत्म कियमूडायर इंजी आल्सिस मत्तांग।<sup>17</sup> मति इदिन खत्म किया परमूडायो, इद्रम कीयाना हल्को हिल्ले। परमाणु बाम युद्ध ता फैसला किया परिंतांग? हिल्ले, अवु इद्रम किया परवोंग। परमाणु बाम जापान तुन लोंगी किया परवोंग। जनता ना संघर्ष हिल्ला, वराए परमाणु बाम अंगडम मंता। परमाणु बामे इद युद्ध ता फैसला किया परितेके, सोवियत संघ तिंची सेना लोहना जरूरत बारांकु आत्ता? जापान पोरो रेंडु परमाणु बम वाटतास्के अदु बारांकु लोंगो आत्ता, सोवियत संघ तन्ना सेना लोहतास्केने अदु बारांकु लोंगता? मना उचुन कामरेड्स वेने परमाणु बम सबसे शक्तिशाली मंता इंजी विश्वास कींतोर, मति ओरु इद्रम कीसि उंदी बेहरा गलती किया मंतोर। इद्रम ता कामरेड्स लोरा विश्लेषण कीयाना शक्ति वरोर अमीर अंग्रेज किनक वेने कम मंता। वरोर अंग्रेज लोर्ड मंतोर, ओना पोरोल माउन्ट बैटन मंता। ओरु सबसे बेहरा गलती, परमाणु बाम युद्ध ता फैसला किया परिंता इंजी आल्सनदु मंता इंतोर।<sup>18</sup> मना इद्रम ता कामरेड्स माउन्ट बैटन किनकु वेने पेरके अरसी मंतोर। इद्रम ता कामरेड्स बदिना प्रभाव ते वासी परमाणु बाम किन बदे चमत्कार कीयाना चीज समझेमांतोरो? अदु

पूजीवाद ता प्रभाव आंदु। इदु बेगाटल वांता? पूजीवादी स्कूल ता शिक्षा तल, पूजीवादी प्रेस ओसो समाचार-एजेन्सिंग लोप्पाटल वांता। रेंडु विश्व-दृष्टिकोण मंतांग ओसो रेंडु विचार-प्रणालिंग मंतांग। सर्वहारा विश्व-दृष्टिकोण ओसो विचार-प्रणाली, दूसरा पूजीवादी विश्व-दृष्टिकोण ओसो विचार-प्रणाली मंता। वीर कामरेड्स हमेशा पूजीवादी विश्व-दृष्टिकोण ओसो विचार-प्रणाली संगे टूंडसी मंदिंतोर अनि सर्वहारा विश्व-दृष्टिकोण ओसो विचार-प्रणाली किन मरंगितोर। “हथियारे सब्बे फैसला कींता” इंदाना सिद्धांत, विशुद्ध सैनिक दृष्टिकोण, जनता तुकू अलग आसी नौकरशाही तरीका ते काम कीयाना, व्यक्तिवादी विचार ओसो इद्रमताए बाकी पोल्लोंग इव सब्बे मावा कैडर लोप्पा मत्ता पूजीवादी प्रभावकु आंदुंग। इव पूजीवादी प्रभाव कुन माटू मना कैडर तल हमेशाए हैय्यसोर मंदाना, मनम विय्यार हैय्यना लेक्का।

सोवियत संघ ता युद्ध लोप्पा शामिल आतांकु जापान ता आत्मसमर्पण कीयाना फैसला आत्ता अनि चीन ता परिस्थिति उंदी पूना कालम ते वात्ता। इदु जापानी आक्रमण विरोधी युद्ध ओसो पूना कालम नडमा उंदी बदलाव ता मंजिल मत्ता। बदलाव ता इद मंजिल ता संघर्ष च्यांग काई शेक किन जापानी आक्रमण विरोधी युद्ध ता जीत कुना पंडिंग हडपे कीयाना तुकू रोमी कीयाना संघर्ष आंदु। च्यांग काई शेक देशव्यापी गृहयुद्ध शुरू कियाला आल्सतोर, ओना नीति वेने तय आसी मत्ता, माटू अदिना काजे तैयार मंदाना। इदु देशव्यापी गृहयुद्ध बस्केने शुरू आतेकाई माटू बेस तैयार मंदाना। इदु नाडी नरकुमे शुरू आयार इंदानास्के वेने माटू तैयारे मंदाना। इदु पहली पोल्लो। वर्तमान अन्तरराष्ट्रीय ओसो स्थानीय परिस्थिति ते उचुन कालम एवनल गृहयुद्ध ता स्तर सीमित आयना लेक्का मंता ओसो अदु स्थानीय रूप ते ताकियर। इदु दूसरा पोल्लो। पहली पोल्लो ते माटू तैयारी कीयाना इंजी वेहताद मंता, दूसरा पोल्लो ते वेल्ले जोम तले मत्तादिना बारे ते वेहताद मंता। संक्षिप्त रूप ते माटू तैयार मंदाना, तैयार मत्तेके ने माटू हर रकम ता कठीन परिस्थिति संगे लडेमाया परितोम।

## नोट

1. 8 अगस्त 1945 ते सोवियत संघ सरकार जापान खिलाफ युद्ध ता घोषणा कित्ता। 10 अगस्त ते मंगोलिया सरकार जापान खिलाफ युद्ध ता ऐलान कित्ता सोवियत लाल सेना काल हरी ओसो समुद्र हरी तल उत्तर-पूर्वी चीन ओसो कोरिया ते नैंगसी जापानिरा क्वानतुंग सेना किन वेल्ले सांडेने हारे कित्ता। सोवियत संघ ओसो मंगोलिया ता संयुक्त सेनांग लोप्पटा मंगोलिया ता रेगिस्तान (उस्का भूमि) किन वेंडसी जेहोल प्रांत ओसो छाहांग प्रांत ते नैंगता। 10 अगस्त ते जापान सरकार मजबूर आसी उंदी नोट लोहता, ताना लोप्पा आत्मसमर्पण ता मांग कित्ताद मत्ता। 14 अगस्त ते औपचारिक (पोरोल तुके) रूप ते बदे शर्त लेवा आत्मसमर्पण ता ऐलान कित्ता। क्वानतुंग सेना जापानी भूम सेना ता मुख्य ताकत ता बेसता हिस्सा मत्ता अनि रणनीतिक दृष्टिकोण ते जापान ता प्रधान सुरक्षित सेना मत्ता। इदे सेना पोरो आधार आसी जापानी साम्राज्यवादी उत्तर-पूर्वी चीन ओसो कोरिया ता अनुकूल रणनीतिक मोर्चा तल फायदा एतसोरे वेल्ले कालम एवनल युद्ध कीयाना सपना हूडानोरा। सोवियत संघ युद्ध ते शामिल आतां कु जापानी साम्राज्यवाद ता उंदी योजना बिल्कुल तोडियो ते कलियता अनि जापान सरकार किन हारेमासी आत्मसमर्पण किया लागता।
2. विस्तृत जानकारी काजे हूडटू “क्वोमिंगतांग केंद्रीय कार्यकारिणी कमेटी ता ग्यारहवी पूर्ण अधिवेशन ओसो तीसरी जन राजनीतिक परिषद ता दूसरा अधिवेश ता बारे ते टिप्पणी”, (“माओ त्सेतुंग ना संकलित रचनांग”, ग्रन्थ 3)।
3. इगा “मेट्टांग” इतेके सछवान प्रांत ता अमेड मेट्टा ओसो वेल्ले व्यापक रूप ते इतेके दक्षिण-पश्चिम ओसो उत्तर-पश्चिम चीन ता मेट्टा इलाकांग। 1938 ते जापानी फौज ऊहान पोरो कब्जा कित्ता पेरके, च्यांग काई-शेक ओसो ओना नेतृत्व ते मुख्य फौजकु इवे मेट्टा इलाकांग लोप्पा डेरा वाटसी मत्तांग। इगाटले दुश्मन ता पृष्ठभाग ते जापानी आक्रमणकारिरा खिलाफ मुक्त इलाकांग ना सेना ओसो जनता कीयाना कठिन संघर्ष किन उद्दसी हूडसोर मत्तांग।
4. जापान आक्रमण विरोधी युद्ध तुकू मुन्ने, चीनी कम्युनिस्ट पार्टी नेतृत्व कीयाना ज्यादातर क्रांतिकारी आधार इलाकांग मेट्टा इलाका ने मत्तांग। अस्के च्यांग काई शेक ना शासन बेहरा डोड्डांग ओसो समुद्र ओदा ता बेहरा शहरकुना लोप्पा केंद्रित आसी मत्ता। अदिन काजे कामरेड माओ त्सेतुंग इगा “माटू मेट्टा पोरो मत्तोम ओसो ओरु ए ओदा मत्तोर” इंजी इंतोर।
5. जापान आक्रमण विरोधी युद्ध ताकनास्के अग्रिम मोर्चा उत्तरी, पूर्वी, मध्य ओसो दक्षिणी चीन लोप्पा मत्ता। दक्षिण-पश्चिमी चीन ओसो उत्तर-पश्चिमी चीन ता जापानी आक्रमणकारी सेना ता कब्जा आयवा क्वोमिंगतांग शासित इलाकांग किन लोकर साधारण रूप ते “बेहरा पृष्ठभागीय इलाकांग” ना पोरोल ते पुंतोर।

6. 21 जुलाई 1945 ते क्वोमिंगतांग ता पहली युद्ध क्षेत्र ता कमांडर हू चुंग-नान ना नेतृत्व ते 53वीं अस्थाई डिवीजन ओसो दूसरा घुड़सवार डिवीजन शेनशी-कानसू-निगंश्या सीमा इलाका, क्वानतुंग उपक्षेत्र लोप्पटा छुनह्वा काउन्टी ता येथाए मेट्टा पोरो अचानक हमला कित्ता। 23 तारीख ते हू चुंग-नान तन्ना तीसरा सुरक्षित डिवीजन किन वेने इद हमला ते हिस्सा एतला लोहतोरा। 27 जुलाई ते मना सेना येथाए मेट्टा ओसो अदिना पश्चिम ते फैलमासी मत्ता 41 नाहकुनल खुद किन पेरके गुच्ची कित्ता। क्वोमिंगतांग सेना श्युनई, याओश्येन लेक्कटा जागा ने हमलांग जारी तासता। 8 अगस्त ते मना सेना अतिक्रमणकारी क्वोमिंगतांग सेना पोरो जवाबी हमला कित्ता अनि येथाए इलाका किन ओसो वापिस पोयता।
7. जापानी आक्रमण विरोधी युद्ध ताकनास्के क्वोमिंगतांग सरकार येनान ते सम्पर्क कियाला काजे उंदी स्टाफ-अफसर नियुक्त कित्ता। इगा “हो” इत्तेके हो इंग-छिना 19 अक्तुबर ओसो 8 दिसम्बर 1940 ते च्यांग काई शेक क्वोमिंगतांग सेना ता चीफ ऑफ जनरल स्टाफ हो इंग-छिन ओसो डिप्टी चीफ ऑफ जनरल स्टाफ पाए हुंग-शी ना पोरोल ते रेंडु लेटर लोहताद मत्ता ताना लोप्पा ओरु जापानी आक्रमणकारिरा पृष्ठभाग ते डटेमासी लडेमासोर मत्ता आठवी राह सेना ओसो पूना चौथी सेना पोरो विचार वात्ता लेक्का आरोप वाटतोर ओसो पीली डोड्डा ता दक्षिण ते कार्वाई कीयाना जापान विरोधी सशस्त्र जन सेनांग किन विचार वात्ता लेक्का तय कित्ता टाईम तुकू मुन्ने पीली डोड्डा तल उत्तर बगिल गुचना इंजी आदेश हीताद मत्ता। ताना पेरके तुरंत क्वोमिंगतांग प्रतिक्रियावादिर आनह्वेइ ता दक्षिणी हिस्सा तल उत्तर बगिल कूच कीसोर मत्ता पूना चौथी सेना ता यूनिट कुना पोरो अचानक हमला कित्तोर अनि इद्रम दक्षिणी आनह्वेइ घटना घटेमाता। अद कालम ते चीनी कम्युनिस्ट पार्टी हो इंग-छिन ना बारे ते ओरु कम्युनिस्ट विरोधी अभियानकु बेहरा स्तर ताकी कीयाना क्वोमिंगतांग प्रतिक्रियावादिरा प्रतिनिधि आंदु इंजी इत्तोर, मति असल ते अदु च्यांग काई शेक ना बगिल कीयाना इशारा मत्ता।
8. “जन राजनीतिक परिषद” उंदी जापानी आक्रमण विरोधी युद्ध शुरू आत्ता पेरके क्वोमिंगतांग सरकार राजनीतिक समस्यांग पोरो सलाह-सुझाव कियाला काजे बने कित्ता संस्था मत्ता। परिषद ता सब्बे सदस्य लोर किन क्वोमिंगतांग सरकार “आचिस” मत्ता। ताना लोप्पा ज्यादातर लोकुर क्वोमिंगतांग सदस्य लोर मत्तोर। चीनी कम्युनिस्ट पार्टी ओसो बाकी राजनीतिक पार्टिंग ना सदस्या लोरा संख्या वेल्ले कम मत्ता। इदे आयवा क्वोमिंगतांग सरकार विभिन्न जापान विरोधी राजनीतिक पार्टिंग किन सम्मान ओसो कानूनी दर्जा हीवो आत्ता, अविन किन तम्मा-तम्मा पार्टी ता प्रतिनिधि लेक्का “जन राजनीतिक परिषद” ते हिस्सा



एतला हीवो आत्ता। क्वोमिंगतांग सरकार घोषित कित्ता झूठा “जन राजनीतिक परिषद ता संगठन संबंधित नियमकु” ना लोप्पा उंदी नियम लोप्पा “बोरु विभिन्न महत्वपूर्ण सांस्कृतिक लेवेके आर्थिक संगठन कुना लोप्पा मूंड साल तुकू ज्यादा कालम सेवा कितोर ओसो सम्मान दोरकी कितोर, लेवेके बोरु देश-सेवा कीतांकु वेल्ले कालम तल सम्मान दोरकी कोतोर” ओरकिन जन राजनीतिक परिषद ता सदस्य बने कीयाना इंजी तय कित्ताद मत्ता। इदे नियम अनुसार अद कालम ते क्वोमिंगतांग ता “जन राजनीतिक परिषद” ता उचुन सदस्य लोर किन चीनी कम्युनिस्ट पार्टी तल वेने “आचताद” मत्ता।

9. इदे ग्रन्थ लोप्पा कामरेड माओ त्सेतुंग शिनह्वा समाचार-एजेंसी काजे रास्ता “च्यांगकाई शेक गृहयुद्ध भडकेमाया मंता” इंदाना हेडिंग वाले टिप्पणी हूडाटू।
10. दक्षिण-पूर्वी शानशी प्रांत ता छीश्येन काउन्टी ता पाएक्वेइ तल चिनछंग एवनल दायना अधुरा रेलवे।
11. छाहाइ प्रांत किन 1952 ते ओसो जेहोल किन 1955 ते तोइफोइ कितोरा इविना इलाकांग किन हपे, शानशी ओसो ल्याओनिंग प्रांत कुना लोप्पा शामिल कितोरा।
12. बवु काउन्टिंग ना बारे ते इगा वेहताद मंता अविना पोरोलकु च्यांगशी प्रांत ता रुइचिन, ह्वेइछांग, श्युनऊ, आनयुआन, शिनफंग, क्येननिंग, थाएनिंग, निंगह्वा, छिंगल्यू, क्वेइह्वा, लुंग्येन, छांगतिंग, ल्येनछंग, शांगहांग ओसो युंगतिंग।
13. पाओआन शेनशी प्रांत ता उत्तर-पश्चिमी हिस्सा ते मत्ता उंदी काउन्टी मत्ता। इस्सल इदिन किन चतान काउन्टी इंतोरा जुलाई 1936 ता शुरूआत तल जनवरी 1937 एवनल चीनी कम्युनिस्ट पार्टी ता केंद्रीय कमेटी ता हेडक्वार्टर मत्ता। पेरके अदु इगाटल येनान हत्ता।
14. इगा वेहता किलेबंदी वाले नाहकु-पाओआन काउन्टी ता दक्षिण-पश्चिम ता तानपाचाए नार आंदू। इद नार लोप्पा रेंडु सौ तुकू ज्यादा परिवार मंतांग। इदिना भौगोलिक परिस्थिति वेल्ले मुश्किल मत्ता। इगा मंदाना निरंकुश जमींदार ओसो स्थानीय हथियारबंद प्रतिक्रियावादी वेल्ले कालम तल इद नार पोरो कब्जा कीसि मंतोरा लाल सेना इदिन बचोनो बेरा घेराव कित्ता ओसो इदिना पोरो हमला कित्ता, मति अदु इदिन पोरो कब्जा कियाला विफल आत्ता। अगस्त 1936 ते लाल सेना तानपाचाए किन स्थानीय फौजी शक्ति तल घेराव संगे-संगे इद नाटेमा आम जनता किन एकजुट कीयाना ओसो दुश्मन किन लोप्पटल तितर-बितर कीयाना कोशिश वेने कित्ता। अदे साल दिसम्बर ते डाकू छाओ तन्ना मुट्टामेंड लोकुरा संगे नार विडचसी विततोर अनि तानपाचाए मुक्त आत्ता।
15. 17वी शताब्दी ता लेखक चू पो-लू रास्ता “आदर्श परिवार ता नियम” पोरोल ता पुस्तक तल रास्ताद मंता।

16. इगा बोर्ग अमेरिका तोना बारे ते वेहताद मंतायो ओरु अमेरिकी सेना येनान लोहची मत्ता प्रेक्षक-दल ता नेताल कर्नल डेविड डी. बरेट मत्तोर। वीरु प्रेक्षक-दल किन चीनी कम्युनिस्ट पार्टी ता सहमति ते, 1944 ते जापान खिलाफ लडेमायना अमेरिकी फौज लोहची मत्तोर। पैट्रिक जे. हरले अमेरिकी रिपब्लिक पार्टी ता वरोर प्रतिक्रियावादी राजनीतिबाज मत्तोर। सितम्बर 1944 ते ओरु अमेरिकी प्रेसीडेंट ना निजी प्रतिनिधि लेक्का चीन तल वासी मत्तोर ओसो अदे साल आखरी ते अमेरिका सरकार ओनकिन चीन ते मत्ता अमेरिकी राजदूत नियुक्त कित्तोर। “वरोर बकवल मुयतोर, मेड्रांग कारतोर”, नोट 2 (“माओ त्सेतुंग ना संकलित रचनांग”, ग्रन्थ 3) हूडाटू।
17. अमेरिका 6 अगस्त 1945 ते जापान ता हिरोशिमा पोरु पहली परमाणु बम वाटता ओसो 9 अगस्त 1945 ते नागासाकी ते दूसरा परमाणु बम वाटता। अमेरिका ओसो क्वोमिंगतांग ता प्रचार संस्थांग इविना प्रभाव किन बेरसी कीसि वेहला काजे, जापान सरकार अमेरिका परमाणु बम तुकू वेरियसी आत्मसमर्पण कित्ता इंजी पुरजोर प्रचार कित्ता। इद्रम ता प्रचार कीसि ओरु जापान किन आत्मसमर्पण कियाला काजे मजबूर कियाला सोवियत संघ युद्ध ते शामिल आसी निर्णयात्मक भूमिका ता महत्व किन घटे कियाला आल्सनोर।
18. माउन्ट बैटन अद कालम ते दक्षिण-पूर्वी एशिया ता संश्रयकारी राष्ट्रीय फौजकुना सर्वोच्च सेनापति मत्तोर। 9 अगस्त 1945 ते ओरु उंदी बयान हीतोर ताना लोप्पा जापानी आक्रमण विरोधी युद्ध लोप्पा सोवियत संघ ते शामिल आयना ता स्वागत कित्तोर। ओरु वेने “परमाणु बम युद्ध किन खत्म किया पर्रिता इंजी आल्सनादु सबसे बेहरा गलती मंता” इंजी वेहतोर।

## च्यांग काई-शेक गृहयुद्ध भडके किया मंतोर

13 अगस्त 1945

येनान ता जनरल हेडक्वार्टर तल 18वीं ग्रुप-सेना ता कमांडर-इन-चीफ चू तेह दुश्मन ओसो कठपुतली लोरा हथियार वाटना टाईम तय कीसोरे 10 अगस्त ते आदेश<sup>1</sup> जारी कितोर। तीना जवाब क्वोमिंगता केंद्रीय कार्यकारिणी कमेटी ता प्रचार विभाग ता प्रवक्ताल अदिन किन “उंदी लज्जा हिल्वा लेक्कटा ओसो अवैध कार्रवाई” वेहचोरे बयान जारी कितोर। ओना उंदी पोल्लो बिल्कुले अंगडम मत्ता। वीरु इदिना बारे ते पोट्सडम घोषणा<sup>2</sup>, दुश्मन ओसो कठपुतलिंग हथियारकु वाटसियाना अंगडम ता प्रचार कुना अनुसार कमांडर-इन-चीफ चू तेह तम्मा सेना किन ओरा हथियार वाटना काम पूरा कियाला आदेश हीसी गलती कितोर इंजी इत्तोर। इद्रम कियवा ओरु दुश्मन ओसो कठपुतली लोर किन हथियार वाटला इनकार कीसि मत्तेके सही ओसो कानूनी काम आसी मनवड इत्तोर। इद्रम कित्तास्के दुश्मन निज्जमे हथियार वाटना मुन्ने ने चीन कम्युनिस्ट फासीवादी मुखिया लोर, तानाशाह ओसो देशद्रोही च्यांग काई-शेक मुक्त इलाकांग ना जापान विरोधी सेनांग किन “दूसरा आदेश दोरकना जोम बेगा मंतिर अगाने मनुट” इंजी “आदेश” हियाना हिम्मत कीयानादु बदे पुनवा लेक्कटा पोल्लो हिल्ले। इद्रम कीयानादु तन्नाए तन्ना कैदुन दोहची तन्ना पोरो दुश्मन किन हमला कियाला हियाना लेक्का आंता। इद्रम कित्तास्के वीर फासीवादी नेताल भूमिगत सेनांग किन (असल इत्तेके “विंकोवंको हर्दे राष्ट्र किन बचे कीयाना”<sup>3</sup> कठपुतली सेनांग ओसो जापानी-कठपुतली लोकुरा संगे सांठगांठ कीयाना ताए ली ना खुफिया पुलिस<sup>4</sup> मत्तांग) ओसो

कठपुतली सेनांग किन वेने “स्थानीय व्यवस्था किन बचे कीयाना जिम्मेदारी एतला” “आदेश” हियाना हिम्मत कित्तोर। दूसरा बगिल मुक्त इलाकांग ना जापान विरोधी सेनांग किन दुश्मन ओसो कठपुतली सेनांग ना खिलाफ “तम्मा विचार वात्ता लेक्का बदे साजिश इसाब ता कार्रवाई कियाला” इनकार कित्तोर। असल इत्तेके दुश्मन ओसो चीनी लोरा जागा बदले कीयानादु च्यांग काई शेक तन्ना काल पोरो तन्नाए गोडेल कहहता लेक्का तन्ना अपराध कुन मानेयमायना लेक्का आंता। इदिनगडल ओना विचार कुना पूरा चित्र मुन्ने वांता। इद चित्र दुश्मन ओसो कठपुतली लोरा संगे हमेशा सांठगांठ कीयाना ओसो बाहरी तत्व कुना बहिष्कार कीयाना आंदू। मति ओना इद वेल्ले लब्बड़ ता षडयंत्र लोप्पा चीन ता मुक्त इलाकांग ना जनता ना जापान विरोधी सेनांग बिल्कुले हिरकोगे। अवु कमांडर इन चीफ चू तेह ना आदेश ते पोटसडम घोषणा ता आर्टिकल - 2 ता “जापान विरोधी युद्ध बस्के एवनल जापान तम्मा प्रतिरोध बंद किवो अस्के ताकी कीमुट” इंदाना विचार ता दृढसंकल्प ते पालन कित्ताद मंता इंजी पुत्ता। हक्के च्यांग काई-शेक ना “आदेश” खुद च्यांग काई-शेक हस्ताक्षर कित्ता पोटसडम घोषणा ता उल्लंघन कित्ता। तुलना कीतेके “संश्रयकारी देश कुना आम समझौतांग किन ईमानदारी ते पालन” बोरु कीवोर इंजी स्पष्ट दिस्सा मंता।

क्वोमिंगतांग ता केंद्रीय कार्यकारिणी कमेटी ता प्रचार विभाग ता प्रवक्ता ना पोल्लोंग ओसो च्यांग काई शेक ना “आदेश” रेंडासीए मुन्नेटल आखरी एवनल गृहयुद्ध काजे भड़के कीयानावु मत्तांग। इंजे देश-विदेश ते सब्बे तोरा ध्यान जापान ता शर्त हिल्ला आत्मसमर्पण कीयाना पोरो केंद्रित आसी मंता। इद पोल्लो ओसो इद “आदेश” ता लक्ष्य प्रतिरोध युद्ध खत्म आत्ता इत्तेकेने गृहयुद्ध शुरू कीयाना बहाना परहकनाद आंदू। असल इत्तेके क्वोमिंगतांग प्रतिक्रियावादि बकवल लेक्का मंतोर। ओरा बकवल बुद्धि पोरो जीवा नोया मंता। ओरा बहाना दुश्मन ओसो कठपुतली सेनांग ना हथियार वाटसी ओरकिन कै खाली कीयाना कमांडर इन चीफ चू तेह ना आदेश किन चुने कित्तोर। इदिन होशियारी ते बहाना इनमुड़ांता या? हिल्ले।

ओरा इद्रम ता बहाना परहकनादु क्वोमिंगतांग प्रतिक्रियावादिर किन दुश्मन ओसो कठपुतली लोर तम्मा देशवासिर किनकु वेने ज्यादा जीवा तोर मंतोर ओसो ओरु तम्मा दुश्मन ओसो कठपुतली सेनांग किनकु ज्यादा देशवासिलर पोरो होंग मंता। छुनह्वा घटना<sup>5</sup> स्पष्ट रूप ते शेनशी-कानसू-निंगश्या हंदी एरिया पोरो हू चुंग-नान ता सेनांग गृहयुद्ध भड़के कियाला काजे कित्ता प्रचार मत्ता। मति क्वोमिंगतांग प्रतिक्रियावादिर इदिन चीनी कम्युनिस्ट पार्टी ता “प्रचार अभियान” इंजी वेहतोर। क्वोमिंगतांग प्रतिक्रियावादिर उंदी वेल्ले जोम तल बहाना वाटना कोशिश ते मत्तोर, ओरकिन छुनह्वा घटना ता रूप ते मौका दोरकता। मति चीनी ओसो विदेशी लोकमत सच्चवाई किन तुरंत समझेमाता। अदिन काजे आठवी राह सेना ओसो पूना चौथी सेना इंजे दुश्मन ओसो कठपुतली सेनांग निगडल हथियार सौंपे कीयाना मांग कीयानायो। प्रतिरोध युद्ध ता आठ साल लोप्पा आठवी राह सेना, पूना चौथी सेना च्यांग काई शेक ओसो जापानिरा प्रचार, घेरेबंदी ना कारण ते वेल्ले मुश्किलकुना सामना किया लागता। इंजे प्रतिरोध युद्ध खत्म आयना गरे वात्ता मति च्यांग काई शेक जापानिरा (ओसो तन्ना विचार कीयाना कठपुतली सेनांग किन) तम्मा हथियार आठवी राह सेना ओसो पूना चौथी सेना किन सौंपे कियावा लेवा “सिर्फ नाकिने, च्यांग काई शेक किने” सौंपे कीयाना इंजी आदेश हीतोर। मति च्यांग काई-शेक “इव हथियार संगे नन्ना कम्युनिस्ट लोरकिन हौककान ओसो चीन संगेने दुनिया ता शांति किन वेने मुडंदी कियाकान” इंजी इन्नोरो। इदु निज्जम आयो या? जापानिर किन तम्मा हथियार च्यांग काई-शेक किन सौंपे कीयाना इंजी वेहतेके, कठपुतली सेनांग किन “स्थानीय व्यवस्था बचे कीसि तासना जिम्मेदारी एतना” इंजी वेहतेके बाताल आयार? इद्रम वेहतेके “चीन-जापान एकता” ओसो जापानी, कठपुतली ना आपसी एकता जागा ते नानकिंग शासन ओसो छुंगकिंग शासन ता आपसी विलय<sup>6</sup> ओसो च्यांग काई-शेक अनि कठपुतलींग ना आपसी एकता आयार। जापानी ओसो वांग चिंग-वेइ ना “कम्युनिस्ट विरोध ओसो राष्ट्रीय पुनर्निर्माण” ता जागा च्यांग काई-शेक ना “कम्युनिस्ट विरोध

ओसो राष्ट्रीय पुनर्निर्माण” एतियार। इद पोट्सडम घोषणा ता उल्लंघन आयो या? तीना लोप्पा प्रतिरोध युद्ध खत्म आयानास्के पूरा देश ता जनता मुन्ने गृहयुद्ध ता गम्भीर खतरा वायर इंजी बदे डावुट हिल्ले। इंजे माटू मना सब्बे देशवासिर ओसो संश्रयकारी देश कुन विश्वशांति तुन खतरा ते वाटला तैयार मत्ता चीन ता गृहयुद्ध तुन दृढ़ता ते रोमी कियाला काजे मुक्ति इलाका ता जनता ना हट्टा ते हट्टा काल्पसी कार्रवाई कीयाना इंजी अपील कीतोमा।

जापानी ओसो कठपुतली सेना ता आत्मसमर्पण किन स्वीकार कीयाना अधिकार बोनादु मंता? क्वोमिंगतांग सरकार राशन ओसो मान्यता हियाला इनकार कित्ता चीन ता मुक्त इलाकांग ना जापान विरोधी सेनांग, खुद तन्ना कोशिश ओसो जनता ना समर्थन ता भरोसा ते बेहरा इलाका ओसो 10 करोड़ तुकू ज्यादा जनता किन मुक्त कीयाना लोप्पा वर्राए सफलता दोरकी कित्ता। चीन पोरो आक्रमण कीयाना दुश्मन सेनांग 56 प्रतिशत हिस्सा ओसो कठपुतली सेनांग ना 95 प्रतिशत हिस्सा ता प्रतिरोध कीसि हारे कित्ता। इवु सेनांग हिल्वेके नेंड मत्ता लेक्का चीन इनपडे हिल्ले आसी मनवड़। स्पष्ट रूप ते वेहाना इत्तेके चीन लोप्पा सिर्फ मुक्त इलाकांग ना जापान विरोधी सेनांग किने दुश्मन ओसो कठपुतली सेनांग ना आत्मसमर्पण स्वीकार कीयाना अधिकार मंता। च्यांग काई शेक ना कैकु दोहची टुकुर-टुकुर हूडसोर मंदाना नीति ओसो उदसी-उदसी जीत दोरकी कीयाना हरीं हूडना नीति मत्ता। निज्जमे, दुश्मन ओसो कठपुतली सेनांग आत्मसमर्पण किन स्वीकार कीयाना अधिकार ओनकिन उचुन वेने हिल्ले।

मना सब्बे देशवासिरा मुन्ने पूरा दुनिया ता जनता मुन्ने माटू ऐलान कीतोम: हुंगकिंग ना सर्वोच्च कमान निज्जमे जापान संगे लडेमाता चीनी जनता ना ओसो चीनी सेनांग ना प्रतिनिधित्वा किया परबो, चीनी जनता ना कमांडर इन चीफ चू तेह ना कमान ते मत्ता मुक्त इलाकांग ना जापान विरोधी सेनांग किन संश्रयकारी देशकु जापान ता आत्मसमर्पण स्वीकार कीयाना ओसो जापान पोरो सैनिक नियंत्रण लागू कीयाना काम ते शामिल

आयला काजे ओसो संगेने वायना कालम ता शांति-सम्मेलन लोप्पा शामिल आयाला काजे तम्मा प्रतिनिधिर सीधा लोहना अधिकार मंदांना इंजी मांग कित्ता। इद्रम कीवेके चीनी जनता इदिन बिल्कुल गलत समझेमायारा।

## नोट

1. 10 अगस्त 1945 ते येनान ता जनरल हेडक्वार्टर ता कमांडर-इन-चीफ चू तेह जापानी हमलावर लोरा आत्मसमर्पण बारे ते मुक्त इलाकांग ना सब्बे सशस्त्र सेनांग ना पोरोल ते उंदी आदेश लोहतोरा। आदेश लोप्पा दोड़ रास्ता लेक्का मंता। जापान बिनाशर्त आत्मसमर्पण ता ऐलान कित्ता ओसो संश्रयकारी देश पोट्सडम घोषणा पोरो आधार आसी अदिना इद आत्मसमर्पण किन स्वीकार कीयाना तरीका ते विचार-विमर्श कियाकाल। अदिन काजे नन्ना मुक्त इलाकांग ना सब्बे सशस्त्र सेनांग पोरोल ते इद आदेश लोहा मंतांनः

1. पोट्सडम घोषणा ता धारांग अनुसार मुक्त इलाकांग ना बदे वेने जापान-विरोधी सशस्त्र सेना गर्रे-गर्रे ता नाहकु, सुडला शहरकु ओसो मुख्य कम्युनिकेशन-पंक्ति पोरो मत्ता दुश्मन सेनांग ओसो अविन हेडक्वार्टर कुना पोरोल ते नोटिस जारी कीसि औरगडल तय कित्ता टाईम ते तम्मा सब्बे हथियार लडई ते शामिल मत्ता मावा सेनांग किन सौंपे कीयाना इंजी मांग किया परित्ता। ओरु तम्मा हथियार सौंपे कित्तास्के मावा सेना युद्ध बंदिरा संगे नरम व्यवहार कीयाना नियम अनुसार ओरा जीवा ता रक्षा कियारा।

2. मुक्त इलाकांग ना बदे वेने जापान विरोधी सशस्त्र सेना गर्रे-गर्रे ता सब्बे कठपुतली सेनांग ओसो कठपुतली सरकारी संस्थांग पोरोल ते नोटिस लोहची जापान हमलावर लोर हथियार वाटला काजे दस्तखत कीयाना मुन्ने ने ओरु तम्मा फौज संगे मावा बगिल वासी कलियना ओसो पुनर्गठन, विघटन ता हरी हूडना, तय कित्ता टाईम ते इद आदेश किन पालन कियवा मंदांनोर तम्मा सब्बे हथियार माकिन सौंपे किया लागियारा।

3. मुक्त इलाकाना सब्बे जापान विरोधी सशस्त्र सेनांग हथियार वाटना ओसो हथियार सौंपे कियाला इनकार कीयाना सब्बे सेना दुश्मन ओसो कठपुतली सेनांग ना दृढता ते खत्म कीयाना।

4. मना सशस्त्र सेनांग दुश्मन ओसो कठपुतली सेनांग ना कब्जा ते मत्ता बदे वेने शहर, कस्बा लेवेके मुख्य कम्युनिकेशन-पंक्ति किन तम्मा कब्जा

ते कीयाना ओसो ताना पोरो अधिकार कियाला काजे तम्मा यूनिट लोहा पर्रिता। सैनिक नियंत्रण लागू किया पर्रिता, व्यवस्था सही तासा पर्रिता ओसो अगाटा पूरा प्रशासनिक समस्यांग ना जिम्मेदारी एतला काजे कमिश्नर नियुक्त किया पर्रिता: बदे वेने तोड़फोड़ लेवेक प्रतिरोध आतेके इद्रम कीयाना अपराधिर किन गद्दारी कीयाना ता सजा हियना लेक्कटा अधिकारकु मंतांगा ताना पेरैक 11 अगस्त ते येनान ता जनरल हेडक्वार्टर ता उंदी पेरैके उंदी 6 बाकी आदेश जारी कितोर, अविना अनुसार शानशी-स्वेव्यान मुक्त इलाका ना सशस्त्र सेना (कामरेड हो लुंग ना नेतृत्व ते), शानशी-छाहाड़-हपे मुक्त इलाका ना सशस्त्र सेना सशस्त्र सेना तुन अंदरूनी मंगोलिया ओसो उत्तर-पूर्वी चीन बगिल दायानादु मत्ता, शानशी मुक्त इलाका ना सशस्त्र सेना ताथुंग-फूचओ रेलवे संगे मत्ता इलाकांग ओसो फनहो डोड्डा ता घाटी तल जापानी ओसो कठपुतली सेनांग किन खत्म कीयानादु मत्ता, सब्बे मुक्त इलाकांग ना सशस्त्र सेनांग दुश्मन कब्जा ते मत्ता सब्बे मुख्य कम्युनिकेशन-लाईनकुना पोरो बेहरा आक्रमण कीसि जापानी ओसो कठपुतली सेनांग किन हथियार वाटला मजबूर कीयानादु मत्ता। सब्बे मुक्त इलाकांग लोप्पा जन मुक्ति सेना (पीएलए) दृढ़ता ते इव आदेश कुना पालन कित्ता अनि बेहरा जीत हासिल कित्ता।

2. इगा 26 जुलाई 1945 ते चीन, ब्रिटिश ओसो अमेरिका पोट्सडम सम्मेलन ते कित्ता घोषणा ता बारे ते रास्ताद मंता, ताना लोप्पा जापान किन हथियार वाटना मांग कित्ताद मंता। घोषणा ता प्रमुख मुद्दा इगा रास्ता लेक्का मंता। जापानी सैन्यवाद किन पूराए खत्म कीयाना, जापान ता सैन्य-शक्तिंग किन पूराए निःशस्त्र (हथियार हिल्वा) कीयाना, जापानी युद्ध-उद्योग किन विघटित कीयाना, जापानी युद्ध-अपराधिरा खिलाफ अदालती कार्रवाई कीयाना। काहिरा घोषणा किन लागू कीयाना इतेके जापानी कब्जा कित्ता प्रदेश कुन- कोरिया, चीन ता मंचूरिया, थाइवान, फंगहू, द्वीप-समूह किन विडसना अनि जापान ता भू-प्रदेश होनशू, हक्काइदो, क्यूशू ओसो शिकोकू द्वीप, दूसरा सुडला-सुडला द्वीप एवनले सीमित तासना, उंदी जनवादी जापानी सरकार बनेमायना जोम संश्रयकारी देशकु ना सशस्त्र सेनांग जापान पोरो तम्मा कब्जा तासना। 8 अगस्त ते जापान ता खिलाफ युद्ध ता घोषणा कित्ता पेरैके, सोवियत संघ वेने पोट्सडम घोषणा पोरो हस्ताक्षर कित्ता।

3. इगा जापान मुन्ने तल्ला वर्रहाना ओसो कम्युनिस्ट लोरा संगे लडेमायना लज्जा हिल्वा लेक्कटा षडयंत्र ता बारे ते वेहताद मंता। अदु जापान आक्रमण विरोधी युद्ध ताकनास्के क्वोमिंगतांग प्रतिक्रियावादिर ताकी कित्ताद मत्ता। क्वोमिंगतांग प्रतिक्रियावादिर तम्मा सेनांग ना उचुक हिस्सांग ओसो तम्मा उचवुर सरकारी अफसर लोर किन ओरु जापानी हमलावर लोरा मुन्ने तल्ला वर्रहाना ओसो कठपुतली सेनांग



आक्रमण कीयाना इंजी आदेश हीतोर। इद चाल किन ओरु “विंकोवंको हरीं ते राष्ट्र किन बचे कीयाना” इंजी पोरोल तास्तोर।

4. ताए ली क्वोमिंगतांग फौजी परिषद ता जांच-पड़ताल, आंकड़ा ब्यूरो ता मुखियाल मत्तोर। इदु क्वोमिंगतांग ता बेहरा खुफिया विभाग कुना लोप्पाटल उंदी मत्ता।

5. जुलाई ते शेनशी-कानसू-निंगश्या सीमान्त इलाका ते क्वानचुंग उपक्षेत्र लोप्पा छुनह्वा, श्युनई ओसो याओश्येन लेक्कटा जागा ने क्वोमिंगतांग सेनांग कित्ता हमलांग (घटना) आंदुंगा। इदे ग्रन्थ लोप्पा “जापानी आक्रमण विरोधी युद्ध ता जीत पेरके टा परिस्थिति ओसो मावा नीति” वाले हेडिंग ता लेख ता नोट 6 हूडाटू।

6. अद कालम ते वांग चिंग-वेइ गुट ता कठपुतली शासन नानकिंग तल ओसो च्यांग कार्ई-शेक ना शासन छुंगकिंग तल ताकनदु। “नानकिंग शासन ओसो छुंगछिंग शासन ता आपसी विलय” उंदी राजनीतिक षडयंत्र मत्ता। अदिन किन जापानी साम्राज्यवाद ओसो क्वोमिंगतांग लोप्पा मत्ता जापान-परस्त तत्वंग कलियसी पंडसी मत्तांग।

# अठारहवीं ग्रुप-सेना ता कमांडर-इन-चीफ ना बगिल तल च्यांग काई-शेक ना पोरोल ते रेंडु

चिट्ठिंग<sup>\*1</sup>

अगस्त 1945

एक

13 अगस्त ता चिट्ठी

छुंगकिंग रेडियो तल माकिन केंद्रीय समाचार-एजेन्सी ता रेंडु चिट्ठी दोरकतांग, उंदी लोप्पा निम्मा मावागा लोहता आदेश ओसो दूसरा लोप्पा अलग-अलग युद्ध-इलाकांग ना अफसर ओसो सैनिक लोरा पोरोल ते आदेश। माकिन मीवा आदेश “अठारहवी ग्रुप-सेना ता सब्बे फौजकु,

---

<sup>1</sup> “इव रेंडु चिट्ठिंग कामरेड माओ त्सेतुंग अठारहवी ग्रुप-सेना ता कमांडर-इन-चीफ ना काजे रासिस मत्तोर। अस्के जापानी हमलावर लोर तम्मा हथियार वाटला काजे ऐलान कीसि मत्तोर, मति हथियार इंजे एवनल वेने वाटवाए मत्तोर। अमेरिका साम्राज्यवाद ता सशस्त्र सहायता एतसी च्यांग काई-शेक सरकार जापान तल हथियार वाटिहना अधिकार तन्नाए एतता अनि जापान तल हथियार वाटिहना बहाना ते बेहरा सेनांग किन मुक्त इलाका बगिल लोहना प्रतिक्रांतिकारी गृहयुद्ध ता तैयारिग शुरू कित्ता। कामरेड माओ त्सेतुंग ना मुन्ने टा चिट्ठी ता लक्ष्य च्यांग काई-शेक ना प्रतिक्रियावादी चेहरा किन एकसपोज कीयाना ओसो गृहयुद्ध ता षडयंत्र तल सतर्क मंदाला काजे पूरा देश ता जनता किन शिक्षा हियाणा मत्ता। दूसरा चिट्ठी लोप्पा गृहयुद्ध ता तैयारी ता च्यांग काई-शेक गुट ता षडयंत्र किन उंदी डाका मुन्ने हंजी एकसपोज कीयाना ओसो गृहयुद्ध किन रोमी कियाला काजे चीनी कम्युनिस्ट पार्टी ता 6 सूत्री प्रस्ताव पेश कित्ता मत्ता। इदे लक्ष्य संगे कामरेड माओ त्सेतुंग शिनह्वा समाचार-एजेन्सी काजे रेंडु पोल्लोंग वेने रास्तोर: उंदी-“च्यांग काई-शेक गृहयुद्ध भडके माया मंता” ओसो दूसरा “च्यांग काई-शेक ना प्रवक्ता ना उंदी स्टेटमेंट ता बारे ते”; इव रेंडासी रचनांग इदे ग्रन्थ लोप्पा मंतांग। च्यांग काई-शेक ना प्रतिक्रियावादी हेकडिंंग नल वेरियसी चीनी कम्युनिस्ट पार्टी सुदुद ओसो संकल्पबद्ध दृष्टिबिंदु लागू कित्ताकु स्वरूप मुक्त इलाकांग ओसो मुक्ति सेना रेंडासी ना विस्तार वेल्ले स्पीड ते आत्ता; देश-विदेश लोप्पा चीन ता गृहयुद्ध ता विरोध कीयाना राजनीतिक दबाव ता कारण ते च्यांग काई-शेक किन तन्ना कार्यनीति बदले किया लागता। ओनिकिन शांति ता मुखौटा केरा लागता अनि छुंगकिंग लोप्पा शांति-वार्ता काजे कामरेड माओ त्सेतुंग किन केया लागता।

दूसरा आदेश वायना जोम बेगा मंतांग अगाने मंदाना” इंजी मंता। इदु आयवा ताना लोप्पा दुश्मन ता हथियार वाटिह कियाला इनकार कीयाना लेक्कटा पोल्ल्लोंग कित्ताद मंता। अलग-अलग युद्ध इलाकांग ना अफसर जोश संगे सैनिक लोरा पोरोल मीवा आदेश ता विवरण केंद्रीय समाचार-एजेन्सी ता छुंगकिंग तल लोहता 11 अगस्त ता खबर ते इगा रास्ता लेक्का पेश कित्ताद मत्ता: “नेंडु सर्वोच्च कमान अलग-अलग युद्ध इलाकांग ना अफसर ओसो सैनिक लोरा पोरोल ते चिट्टी लोहची तम्मा युद्ध कीयाना कोशिश लोप्पा स्पीड बेरसी कीयाना ओसो मुन्नेटले मत्ता फौजी योजनांग ओसो आदेश कुना अनुसार जोश संगे मुन्ने दायना लोप्पा उचुन वेने कमजोरी वायला हियानायो।” मावा हिसाब ते इव रेंडासी आदेश कुना लोप्पा अंतरविरोध मंता।

मुन्नेटा आदेश अनुसार मावा फौजकु “दूसरा आदेश वायना जोम बेगा मंता अगाने मंदाना” बेकेने मेलियानायो ओसो लड़ेमायना आयो। इंजे असल इत्तेके जापानी हमलावर लोर हथियार वेने वाटताद हिल्ले, ओरु हर घंटा ते हर मिनट ते चीनी जनता किन हौका मंतोर ओसो चीनी सेना संगे लड़ेमाया मंतोर अनि सोवियत, अमेरिका ओसो ब्रिटिश सेनांग संगे वेने लड़ेमाया मंतोर। इदिना जवाब ते सोवियत, अमेरिका ओसो ब्रिटिश सेना वेने हर घंटा ओसो हर मिनट जापानी हमलावर लोरा संगे लड़ेमाया मंता। इद्रम ताकनास्के मीटू माकिन लड़ेमायना तुकू बारांकु रोमी किया मंतिर?

दूसरा आदेश, माटू उंदी वेल्ले बेसता आदेश मानेमांतोमा “युद्ध कीयाना कोशिश किन स्पीड कीयाना ओसो जोश संगे मुन्ने दायना लोप्पा उचुन वेने कमजोरी वायनायो”-इदु आदेश लेक्कटा आदेश मंता! मति इद आदेश निम्मा मीवाए सेनांग किन हीतिन माकिन हीविन। माकिन हीता आदेश इदिनकु इनपड़े अलग मंता। चू ते ह चीन ता मुक्त इलाकांग ना सब्बे जापान-विरोधी सेनांग ना पोरोल ते 10 अगस्त ते उंदी आदेश! “युद्ध कोशिश किन स्पीड कीयाना” लक्ष्य ते ने लोहतोर। ओना आदेश ते युद्ध कोशिश स्पीड कीयाना संगे-संगे जापानी हमलावर लोर किन

आत्मसमर्पण कीयाना आदेश वेने हियाना ओसो दुश्मन ओसो कठपुतली सेनांग ना हथियार ओसो दूसरा साजो-सामान किन मना अधिकार ते पोयना इंजी आदेश हीताद मंता। इदु उंदी वेल्ले बेसता आदेश हिल्ले या? बदे डावुट हिल्ला इदु उंदी बेसता आदेश मंता, बदे डावुट हिल्ला इदु चीनी राष्ट्र ता हित तेने मता। मति “दूसरा आदेश वायना जोम बेगा मंत्रि अगाने मंदाना” आदेश इनपड़े राष्ट्र ता हित ते हिल्ले। मावा हिसाब ते मीटू गलत आदेश हीतिर, इदु वेल्ले गलत मंता इदिन माटू मजबूती ते ठुकरे किया मंतोमा बारांकु इत्तेके मावा पोरोल ते वात्ता मीवा आदेश उंदी अन्यायपूर्ण आदेशे आयवा चीनी राष्ट्र ता हित कुना विपरित वेने मंता। इदिना कारण ते सिर्फ जापानी हमलावर ओसो मावा मातृभूमि संगे गद्दारी कियानोराए सुविधा आयारा।

दो

## 16 अगस्त ता चिट्टी

मना दुश्मन जापान सरकार पोट्सडम घोषणा ता शर्त मानेमासी तन्ना हथियार वाटला ऐलान कित्ता मति इंजे वाटतद हिल्ले। इद्रम परिस्थिति ते चीन ता मुक्त इलाकांग ओसो जापान कब्जा ते मत्ता इलाकांग ना सब्बे जापान विरोधी सेनांग ओसो 26 करोड़ जनता ना बगिल तल दोड़ रास्ता लेक्का स्टेटमेंट ओसो मांगकु विशेष रूप ते मीवा मुन्ने पेश किया मंताना।

जापान आक्रमण विरोधी युद्ध सफलतापूर्व खत्म आसोर मत्तास्के नन्ना चीन ता वर्तमान युद्धभूमि ता इद तथ्य बगिल मीवा ध्यान पिडंगकाना बवु बेहरा इलाकांग किन विडसताद मत्ता ओसो बेगा दुश्मन ओसो कठपुतली सेनांग तम्मा अधिकार कीसि मत्तांग, अगाटल लगभग 10 लाख वर्ग किलोमीटर भू-प्रदेश मीवा विचार लेवा माटू आठ साल ता घमासान लड़ाई कीसि ओसो उंदी बेरा अधिकार कित्तोम, 10 करोड़ तुकू ज्यादा जनता किन मुक्त कित्तोम, 10 लाख तुकू ज्यादा नियमित सेना ओसो 22 लाख तुकू ज्यादा मिलिशिया किन संगठित कित्तोम, ल्याओनिंग, जेहोल, छाहाड़, स्वेय्वान, हपे, शानसी, शेनशी, कानसू, निंगश्या, हनान, शानतुंग, च्यांगसू, आनह्वेइ, हुपे, हुनान, च्यांगशी,

चच्यांग, फूच्येन ओसो क्वांगतुंग इव उन्नीस प्रान्त कुना लोप्पा उन्नीस बेहरा मुक्त इलाकांग<sup>2</sup> स्थापित कित्तोम, 7 जुलाई 1936 ता घटना पेरके दुश्मन ओसो कठपुतली सेनांग बचोन नाहकु, कस्बांग, मुख्य कम्युनिकेशन-पंक्तिंग ओसो समुद्र ओता ता हिस्सांग पोरो कब्जा कीतांग, अविना लोप्पा सिर्फ उचुके इलाकांग किन विड़चसी लगभग सब्बेटविन माटू घेरे कित्तोमा इदे आयवा चीन ता (16 करोड़ आबादी वाले) जापान-अधिकृत इलाकांग लोप्पा माटू दुश्मन ओसो कठपुतली सेनांग पोरो देब्बा वाटला काजे व्यापक भूमिगत सेनांग संगठित कित्तोमा लड़ाई लोप्पा माटू नेंडु वेने (उत्तर-पूर्व किन विड़चसी) चीन पोरो तरगना जापानी सेनांग ना 69 प्रतिशत हिस्सा ओसो कठपुतली सेनांग ना 95 प्रतिशत हिस्सा ता मुकाबला किया मंतोम ओसो ओरकिन घेरे किया मंतोमा इदिना उल्टा मीवा सरकार ओसो सेनांग हमेशा कै दोहची टुकुर-टुकुर हूडसोर मंदाना, उदसी-उदसी जीत ता हरी हूडना, तन्ना ताकत किन सुरक्षित तासना ओसो गृहयुद्ध ता तैयारी कीयाना नीति किने लागू कित्ता ओसो मावा मुक्त इलाकांग ओसो सेनांग किन सिर्फ मान्यताए आयवा राशन सप्लाई कियाला वेने इनकार कित्ता। इदे आयवा 9 लाख 40 हजार ता विशाल सेना पोयसी मावा पोरो घेराव वेने कित्ता। चीन ता मुक्त इलाकांग ना सब्बे सैनिक ओसो असैनिक लोकर हक्के दुश्मन ओसो कठपुतली सेनांग ना ओसो हिक्के मीवा सेनांग ना हमलांग ना सामना कीसि वेल्ले तिप्पल आया मंतोरा। मति माटू प्रतिरोध युद्ध, एकता ओसो जनवाद पोरो गड्ढिक मंदाना मना संकल्प ते बस्केने उचुन वेने कमजोरी तोहताद हिल्ले। चीन ता मुक्त इलाकांग ना जनता ओसो चीनी कम्युनिस्ट पार्टी मीवा ओसो मीवा सरकार मुन्ने बचोनो बेरा देश ता अंदरूनी झगडा खत्म कीयाना, पूरा देश ता जनता ना जापान-विरोधी ताकत कुन गोलबंद ओसो एकजुट कीयाना, प्रतिरोध-युद्ध ता नेतृत्व कीसि अदिन जीत बगिल ओयना ओसो युद्ध पेरके शांति ता गारंटी कियाला काजे अलग-अलग पार्टिंग ना सम्मेलन कीयाना ओसो उंदी राष्ट्रव्यापी समर्थन मत्ता जनवादी संयुक्त सरकार बने कीयाना इंजी प्रस्ताव तास्ता। मति ओरा ओसो मीवा सरकार

हर बेरा मावा प्रस्ताव किन मानेमायला इनकार कित्ता। इव सब्बे पोल्लोंग ना कारण ते माटू वेल्ले नाराज मंतोमा।

दुश्मन देश इंजे जल्दीए मना हथियार वाटना शर्तनामा पोरो हस्ताक्षर कियार। मति मीटू ओसो मीवा सरकार इंजे वेने मावा विचार किन नजरअंदाज किया मंतर। मीवा सरकार 11 अगस्त ते मावा पोरोल ते उंदी अन्यायपूर्ण आदेश वेने जारी कित्ता। संगेने मीवा सेना किन दुश्मन तल हथियार वाटिह कीयाना बहाना ते बेहरा स्तर ते मुक्त इलाकांग पोरो दबाव वाटना आदेश हीता। अदिन काजे गृहयुद्ध ता खतरा नेंडु मुन्ने तुकू बचोनो ज्यादा गम्भीर आत्ता। इव सब्बे पोल्लोंग निगडल मजबूर आसी माटू मीवगडल ओसो मीवा सरकार तले इव मांग किया लागा मंता:

1. नन्ना जापानिर ओसो कठपुतली सैनिक लोरा आत्मसमर्पण स्वीकार कीयाना ओसो आत्मसमर्पण पेरके बदे समझौता कीयाना मुन्ने मीटू ओसो मीवा सरकार अनि मीवा सर्वोच्च कमान मावा संगे सलाह कीयाना। इद्रम कीतेके माटू रेंडु पक्ष एकमत आया परितोमा। बारांकु इतेके मीटू ओसो मीवा सरकार जनता किन होंग कित्ता। मीटू ओसो मीवा सरकार चीन ता मुक्त इलाकांग ओसो जापान-अधिकृत इलाकांग ना व्यापक जनता ओसो सब्बे जापान-विरोधी जन सेनांग ना प्रतिनिधित्व किया परवो। मुन्नेटले मावा सहमति हिल्ला चीन ता मुक्त इलाकांग ओसो जापान कब्जा ते मत्ता इलाकांग ना सब्बे जापान विरोधी जन सेनांग संगे संबंध तासना बदे वेने पोल्लो समझौता लोप्पा तास्तेके माटू मावा वड़कना अधिकार किन सुरक्षित तासकोम इंजी मांग कीताना।
2. चीन ता मुक्त इलाकांग ओसो जापान कब्जा ते मत्ता इलाकांग किन सब्बे जापान विरोधी जन सेना किन पोर्ट्सडम घोषणा ता अनुसार ओसो दुश्मन ता आत्मसमर्पण स्वीकार कीयाना सवाल पोरो संश्रयकारी देश संगे तय कित्ता तरीकांग<sup>3</sup> अनुसार मना घेराव कित्ता जापानी सेनांग ओसो कठपुतली सेनांग ना आत्मसमर्पण स्वीकार कीयाना। ओरगडल हथियार ओसो फौजी साजो-सामान

पोयना ओसो जापान ता आत्मसमर्पण स्वीकार आत्ता पेरेके संश्रयकारी देशकु तय कित्ता सब्बे नियम कुन लागू कीयाना जिम्मेदारी सम्भाले कीयाना। 10 अगस्त ते नन्ना चीन ता मुक्त इलाकांग ना सशस्त्र सेनांग किन ओरु दुश्मन सेनांग पोरो हमला कियाला पूरा कोशिश कीयाना ओसो दुश्मन ता आत्मसमर्पण स्वीकार कीयाना तैयारी कीयाना इंजी आदेश हीताना। 15 अगस्त ते नन्ना दुश्मन ता कमांडर इन चीफ यासूजी ओकामूरा किन ओरु तन्ना फौज संगे आत्मसमर्पण कीयाना इंजी आदेश हीताना<sup>4</sup> मति इदु आदेश सिर्फ मुक्ता इलाकांग ना सशस्त्र सेनांग ना कार्वाई ना लोप्पा लागू आंता, अविनगल बाहर ता बदे इलाका पोरो आयो। नावा इव आदेशकुन नन्ना वेल्ले न्यायपूर्ण समझेमांतान ओसो इव आदेशकु चीन ओसो संश्रयकारी देश कुना हितकु ना बिल्कुल अनुकूल मंतांग इंजी मानेमांतान।

3. चीन ता मुक्त इलाकांग ओसो जापान कब्जा ते मत्ता इलाकांग ना व्यापक जनता किन ओसो सब्बे जापान विरोधी सेनांग किन दुश्मन कीयाना आत्मसमर्पण किन, संश्रयकारी देशकुना संगे स्वीकार कीयाना ओसो आत्मसमर्पण पेरेकेटा काम कियाला संश्रयकारी देशकुना संगे तम्मा प्रतिनिधि लोहना अधिकार मंता।
4. चीन ता मुक्त इलाकांग ओसो सब्बे जापान विरोधी सेनांग किन जापान संबंध ते वायना शांति सम्मेलन ते ओसो संयुक्त राष्ट्र संघ ता सब्बे मीटिंग लोप्पा शामिल आयाला काजे तम्मा प्रतिनिधिमंडल चुने कीयाना अधिकार मंता।
5. मीटू गृहयुद्ध रोमी कीयाना इंजी नावा मांग मंता। गृहयुद्ध रोमी कीयाना तरीका दुश्मन सेनांग ओसो कठपुतली सेनांग किन मुक्त इलाकांग ना सशस्त्र सेनांग घेरे कीसि तास्तांग, अविना आत्मसमर्पण मुक्त इलाकांग ना सशस्त्र सेनांगए स्वीकार कीयाना ओसो मीवा सेनांग सिर्फ मीवा सेना घेरे कीसि तासिस मत्ता दुश्मन सेनांग ओसो कठपुतली सेनांग नाए आत्मसमर्पण स्वीकार

कीयाना। इवु सब्बे युद्ध कुना आम परिस्थिति आंदू, सिर्फ इदे आयवा गृहयुद्ध किन रोमी कियाला काजे इद्रम कीयाना विशेष जरूरत वेने मंता। मीटू इद्रम कीवेके बेस आयो आयारा। इदु विषय ते मीकिन नन्ना उंदी गंभीर चेतावनी हिया मंतान अदिनके इद चेतावनी किन नजरअंदाज कीयानायो इंजी वेने चेतावनी हिया मंतान।

6. नन्ना मीटू लोट कियवा लेवा मीवा उंदीपार्टी तानाशाही किन खत्म कीयाना इंजी मांग किय मंतान, जनवादी संयुक्त सरकार स्थापित कियाला काजे सब्बे पार्टिंग ना सम्मेलन केयना, भ्रष्ट अफसर ओसो सब्बे प्रतिक्रियावादिर किन ओरा पद तल टेंडसियाना, चीनी गद्दार लोर किन सजा हियाना, खुफिया विभाग किन भंग कीयाना, अलग-अलग पार्टिंग ना कानूनी रूप ते मान्यता हियाना (मीटू ओसो मीवा सरकार चीनी कम्युनिस्ट पार्टी ओसो सब्बे जनवादी पार्टिंग किन नेंड एवनल गैर कानूनीए मानेमातद मंता), जनता ना आजादी पोरो दमन कीयाना सब्बे प्रतिक्रियावादी कानून ओसो आदेश कुन रद्द कीयाना, चीन ता मुक्त इलाकांग ना जनता ना चुनेकित्ता सरकार ओसो जापान विरोधी सेनांग किन मान्यता हियाना, मुक्त इलाकांग ना घेराबंदी कीयाना सेनांग किन गुचिह कीयाना, राजनीतिक कैदिर किन विडिसियाना, आर्थिक ओसो जनवादी सुधार किन लागू कीयाना इंजी मांग कीतान।

इदे आयवा उंदी चिट्टी नन्ना मीवा पोरोल ते 13 अगस्त ते लोहतान, अदु 11 अगस्त ते नावा पोरोल ते वात्ता आदेश ता जवाब आंदू। अदु चिट्टी मीकिन दोरकसी मंदियार बहे। इंजे नन्ना ओसो उंदी बेरा मीवा आदेश बिल्कुल गलत मंता इंजी ऐलान कीतान। 11 अगस्त ते मीटू नावा सेनांग किन अदु “दूसरा आदेश वायना जोम बेगा मंता अगाने मंदाना” इंजी आदेश हितीर ओसो दुश्मन पोरो इंजे बदे हमला कीयानायो इंजी वेहतिर। मति जापान सरकार सिर्फ हथियार वाटना पोल्लोंगे कित्ता असल ते 11 अगस्त तेने आयवा नेंडु (16 अगस्त ते) वेने अदु हथियार वाटताद



हिल्ले। हथियार वाटवा मत्तांकु आत्मसमर्पण दस्तावेज पोरो हस्ताक्षर इंजे आत्ताद हिल्ले। नावा इद विचार संश्रयकारी देश कु इत्तेके ब्रिटिश, अमेरिका ओसो सोवियत संघ ता विचार संगे पूरा-पूरा कलियंता। 11 अगस्त ते, इत्तेके मीटू नावा पोरोल ते अद आदेश लोहतिरो अदे दिव्या, बर्मा मोर्चा ता ब्रिटिश सेना ता कमान ऐलान कीता: “जापान खिलाफ युद्ध इंजे वेने शुरू मंता।” अमेरिका सेनांग ना कमांडर निमित्ज<sup>5</sup> “सिर्फ युद्ध परिस्थिति मंता, पूरा विनाशकारी युद्ध लगातार ताकी क्रिया लागियर” इंजी ऐलान कितोर। सोवियत संघ ता लाल सेना ता दूरपूर्व कमान “दुश्मन किन क्रूर आसी पूरा खत्म क्रिया लागियर” इंजी ऐलान कीता: 15 अगस्त ते लाल सेना ता चीफ ऑफ जनरल स्टाफ कर्नल-जनरल आंतोनोव दोड रास्ता लेक्का बयान हीतोर:

जापान हथियार वाटना ता बारे ते जापानी सम्राट ना स्टेटमेंट 14 अगस्त ते जारी कित्ता मंता अदु बिना शर्त आत्मसमर्पण कीयाना सवाल पोरो सिर्फ उंदी आम ऐलान मंता। सशस्त्र सेनांग किन तम्मा बगिल तल दुश्मनी कार्रवाईंग बंद कीयाना आदेश वेने हीताद हिल्ले ओसो जापानी सेनांग इंजे वेने प्रतिरोध कीया मंतांग। अदिन काजे जापान ता सशस्त्र सेनांग ना असली आत्मसमर्पण इंजे आत्ताद हिल्ले। जापान सशस्त्र सेनांग ना आत्मसमर्पण जापान सम्राट तन्ना सशस्त्र सेनांग किन तन्ना बगिल तल दुश्मन लेक्का कीयाना कार्रवाईंग बंद कियाला ओसो हथियार वाटला आदेश हियाना ओसो इद आदेश पोरो निज्जमे अमल आत्तास्केने आयारा। पोरो वेहता पोल्लो हूडतेके, सोवियत संघ ता दूरपूर्व ते मत्ता सशस्त्र सेनांग जापान खिलाफ तम्मा आत्मसमर्पण कार्रवाईंग ताकिहचोर मंदांनुंग।

इद्रम स्पष्ट रूप ते संश्रयकारी देशकुना सेनांग सब्बे सर्वोच्च कमांडर लोरा लोप्पाटल सिर्फ निम्माए उंदी बिल्कुल गलत आदेश हीतिना। नावा हिसाब ते नीवा इद गलती स्वार्थ ता कारण ते आत्ता इदु वेल्ले गम्भीर गलती आंदू। इत्तेके मीवा आदेश दुश्मन ता हित कुना सेवा कीता। अदिनकाजे चीन ओसो संश्रयकारी देश कुना समान हित कुना पोरो ध्यान तासिसी नन्ना मीटू बस्के एवनल खुल्लम-खुल्ला मीवा गलती

मानेमायविर ओसो इद गलत आदेश किन खुल्लम-खुल्ला वापिस पोयविर अस्के एवनल विरोध कीसोर मंदाकाना। इंजे नन्ना मीवा कमान ते मत्ता सेनांग किन अवु सोवियत संघ, अमेरिका ओसो ब्रिटिश ता सशस्त्र सेनांग संगे तालमेल कीसि दुश्मन पोरो बस्के एवनल दुश्मन तम्मा बगिल तल निज्जमे दुश्मनी कार्रवाइंग बंद कीवोर ओसो तम्मा हथियार सौंपे कीवोर अनि बस्के एवनल मातृभूमि ता पूरा प्रादेशिक भूमि पूराए दुबारा दोरकी किवोर अस्के एवनल जोरदार हमलांग किसोर मंदाना आदेश हियाकाना। मीवा मुन्ने नन्ना वरोर देशभक्त सिपाही आंदन, नन्ना नावा कार्रवाई लोप्पा बदे दूसरा हरीं लागू किया परवोन इंजी ऐलान कींताना।

नावा पोरो वेहता पोल्लो ना जवाब निम्मा जल्दी-जल्दी लोहाकिन इंजी आशा किया मंताना।

## नोट

- 1) इदे ग्रन्थ लोप्पा “च्यांग काई-शेक गृहयुद्ध भडकेमाया मंता” हेडिंग वाले लेख ता नोट 1 हूडाटू।
  - 2) उन्नीस मुक्त इलाकांग - शानशी-कानसू-निगश्या, शानशी-स्वेयवान, शानशी-छाहांग-हपे, हपे-जेहोल-ल्याओनिंग, शानशी-हपे-हनान, हपे-शानतुंग-हनान, शान-तुंग, उत्तरी च्यांगसू, मध्य च्यांगसू, दक्षिणी च्यांगसू, ह्वाए डोड्डा ता उत्तरी इलाका, ह्वाए डोड्डा ता दक्षिणी इलाका, मध्य आनह्वेइ, चच्यांग, क्वांगतुंग, हाएनान द्वीप, हुनान-हुपे-च्यांगशी, हुपे-हनान-आनह्वेइ ओसो हनान।
  - 3) 10 अगस्त 1945 ते जापान सरकार आत्मसमर्पण कीयाना बारे ते सोवियत संघ, चीन, अमेरिका ओसो ब्रिटिश किन कबुर हीता। 11 अगस्त ते नालुंग देश कुना सरकार इद “जापानी भूम सेना, एर सेना ओसो वायु सेना ता सब्बे अधिकारि किन ओसो ओरा दोड़ मत्ता सब्बे सेनांग बेगाने मत्तेकाई”, सब्बे तविन “तम्मा सक्रिय फौजी कार्रवाइंग बंद किया लागियर ओसो तम्मा हथियार सौंपे किया लागियरा।”
  - 4) अस्के यासूजी ओकामूरा चीन पोरो आक्रमण कीयाना जापानी सेनांग ता कमांडर इन चीफ मत्तोरा यासूजी ओकामूरा ना पोरोल कमांडर इन चीफ चू तेह ना आदेश दोड़ रास्ता लेक्का मत्ता:
- 1) जापान सरकार पोट्सडम घोषणा ता शर्त औपचारिक रूप ते मानेमाताद मंता ओसो आत्मसमर्पण ता ऐलान कित्ता।

- 2) निम्मा नीवा कमान ते मत्ता सब्बे सेनांग किन सब्बे फौजी कार्वाइंग किन बंद कीयाना आदेश हिया लागियर: अविना लोप्पा बद सेना क्वोमिंगतांग सरकार ता सेनांग संगे घेराव ते मंता अविन विडचसी बाकी सब्बे सेनांग चीन ता मुक्त इलाकांग ना आठवी राह सेना, पूना चौथी सेना ओसो दक्षिणी चीन ता जापान-विरोधी लाईन ता आदेश अनुसार मावा मुन्ने आत्मसमर्पण कीयाना।
- 3) उत्तरी चीन ता जापानी सेनांग ना आत्मसमर्पण बारे ते नीकिन जनरल सादाशी शीमोमूरा किन ओरू तन्ना वरोर प्रतिनिधि आठवी राह सेना ता फूफिंग इलाका ते लोहची जनरल न्ये रंग-चन निगडल आदेश पोयना इंजी आदेश हियाना: पूर्वी चीन ता जापानी सेनांग ता आत्मसमर्पण किन निम्मा खुद वरोर प्रतिनिधि थ्येनछांग इलाका ता पूना चौथी सेना ता हेडक्वार्टर ते लोहची जनरल छन ई निगडल आदेश पोय्या लागियर। हपे ओसो हनान प्रान्त ता जापानी सेनांग ना आत्मसमर्पण ता बारे ते निम्मा मना ऊहान ते मत्ता प्रतिनिधि पूना चौथी सेना ता पांचवी डिविजन ता ताप्ये मेट्टा इलाका ते लोहची जनरल ली श्येन-न्येन निगडल आदेश पोय्या लागियर: क्वांगतुंग ता जापानी सेना ता आत्मसमर्पण बारे ते निम्मा क्वांगचओ ते मत्ता प्रतिनिधि दक्षिणी चीन ता जापान विरोधी लाईन ता तुंगक्वान इलाका ते लोहची जनरल चंग-शंग निगडल आदेश पोय्या लागियर।
- 4) उत्तरी, पूर्वी, मध्य ओसो दक्षिणी चीन लोप्पा बद जापानी सेनांग मंतांग (क्वोमिंगतांग सेनांग ना घेराव ते मत्ता सेनांग किन विडचसी) सब्बे सेनांग तम्मा हथियार ओसो फौजी साजो-सामान किन बस्के एवनल मावा सेना ओरा आत्मसमर्पण किन स्वीकार कीवो अस्के एवनल सुरक्षित तास लागियर। संगेने ओरकिन आठवी राह सेना, पूना चौथी सेना ओसो दक्षिणी चीन ता जापान विरोधी लाईन किन विडचसी दूसरा जागा तल आदेश दोरकी क्रिया लागियर।
- 5) उत्तरी चीन ओसो पूर्वी ची लोप्पा बचोन विमान ओसो एरू युद्धओडा (नौपोत) मंतांग अविन बेगा मंतांग अगाने मंदाला हीमुट: मति पीत सागर ओसो पोहाए सागर ता चीनी तट पोरो लंगर वाटसी मत्ता सब्बे जहाज कुन जमा कीसि ल्येनयुनकांग, छिंगताओ, वेइहाएवेइ ओसो थ्येनचिन लोप्पा जमा कीयाना।
- 6) बदे वेने फौजी साजो-सामान लेवेके संस्थान किन बिल्कुले नष्ट कीयानायो।
- 7) इद आदेश किन अमन कीयाना पूरा जिम्मेदारी नीवा पोरो ओसो उत्तरी, पूर्वी, मध्य ओसो दक्षिणी चीन लोप्पा नीवा कमान ते मत्ता जापानी सेनाता कमांडर लोरा पोरो मंता।
- 8) चेस्टर डब्ल्यू. निमित्ज अस्के अमेरिका ता प्रशान्त नौबेड़े ओसो प्रशान्त रणक्षेत्र ता कमांडर इन चीफ मत्तोर।

# च्यांग कार्ड-शेक ना प्रवक्ता हित्तोर स्टेटमेंट ता बारे ते\*<sup>1</sup>

16 अगस्त 1945

कमांडर इन चीफ चू तेह ना पोरोल ते कम्युनिस्ट पार्टी पोरो आरोप वाटतोर कि वेर जनरलिज्मो च्यांग कार्ड-शेक ना आदेश ता उल्लंघन कितोर ओसो इदिना बारे ते तना विचार वेहचोरे च्यांग-कार्ड-शेक ना वरोर प्रवक्ताल 15 अगस्त ते नुल्पेह बेरा छुंगकिंग ता उंदी पत्रकार-सम्मेलन ते “जनरलिज्मो ना आदेश कुना पालन कीयाना जरूरी मंता” ओसो “अविना उल्लंघन कियानोर जनता ना दुश्मन आंदुरा” इंजी शिनह्वा समाचार-एजेन्सी ता वरोर पत्रकारल इद्रम इत्तोर: इदु उंदी व्यापक गृहयुद्ध शुरू कियालाकाजे च्यांग कार्ड शेक ना खुला इशारा आंदू। 11 अगस्त ते इत्तेके उंदी वेल्ले संवेदनशील परिस्थिति ते जापानी हमलावर लोरकिन आखिर इसाब ते खत्म कियानस्के, च्यांग कार्ड-शेक राष्ट्रीय विश्वासघात वाले आदेश जारी कीसि आठवी राह सेना, पूना चौथी सेना ओसो जनता ना सब्बे दूसरा सेनांग किन जापानी ओसो कठपुतली सेनांग ना मुकाबला कीयाना आयो इंजी आदेश हित्तोर। बदे डावुट हिल्वा, इद आदेश किन इनपडे लागू कीयाना आयो। ताना तुरंत पेरके च्यांग कार्ड-शेक तन्ना प्रवक्तालकिन चीनी जनता ना सेना “जनता ना दुश्मन” इंजी ऐलान किया वेहतोरा। अद्रमासी च्यांग कार्ड-शेक चीनी जनता ना खिलाफ गृहयुद्ध ता घोषणा कित्तोर। बदे डावुट हिल्वा गृहयुद्ध शुरू कीयाना च्यांग कार्ड शेक ना षडयंत्र

---

<sup>1</sup> 'इद पोल्लो कामरेड माओ त्सेतुंग शिनह्वा समाचार-एजेन्सी काजे रासिर मत्तोर।

ओना 11 अगस्त ता आदेश संगेने शुरू आयो: इदु प्रतिरोध युद्ध ता आठ साल कुना लोप्पा शुरू तल आखरी एवनल ता ओना योजना ते शामिल मत्ता। आठ साल ता इद कालम ते च्यांग काई शेक 1940, 1941 ओसो 1943 ते बेहरा स्तर ते मूंड कम्युनिस्ट विरोधी हमलांग' कितोर ओसो हर बेरा ओरा हमला विकसित आसी देशव्यापी गृहयुद्ध ता रूप धारण कीयाना लेक्का कोशिश कितोर। ओसो सिर्फ चीनी जनता ओसो एकतारी देश कुना सार्वजनिक नेतार लोरा विरोध ता कारण तेने इद्रम आयो आत्ता, च्यांग काई शेक किन इद पोल्लो ता वेल्ले दुक्कम पोयता। इद्रम मजबूर आसी ओरु देशव्यापी गृहयुद्ध किन प्रतिरोध युद्ध खत्म आयनल जोम रोमी किया लागता। अदिन काजे ओरु इंजे 11 अगस्त ता आदेश ओसो 15 अगस्त ता स्टेटमेंट हीतोर। गृहयुद्ध शुरू कीयाना लक्ष्य ते च्यांग काई-शेक “दुश्मन-पार्टी”, “गद्दार पार्टी”, “गद्दार सेना”, “विद्रोही सेना”, “गद्दार इलाका”, “लुटेरे इलाका”, “फौजी आदेश ओसो सरकारी आदेश कुना अवज्ञा”, “सामंती पृथकतावाद”, “प्रतिरोध युद्ध लोप्पा तोड़फोड़ कीयाना”, ओसो “राज्य काजे खतरा पैदा कीयाना” लेक्कटा वाक्य कुन मुन्ने ने पंडसी मत्तोर। ओरु हत्ता दिय्या ने चीन लोप्पा बदे “गृहयुद्ध” आयो ओसो सिर्फ “कम्युनिस्ट लोरा दमन” कित्ताद मंता इत्तोर, अदिन काजे मुन्ने वेने बदे “गृहयुद्ध” आयो आयार इंजी इत्तोर। इंजे “जनता ना दुश्मन” ना उंदी पूना वाक्य जुडेमाता। मति लोकुर इदु उंदी लब्बड़ ता आविष्कार इंजी पुंदानूर। बारांकु इत्तेके चीन लोप्पा बस्के वेने “जनता ना दुश्मन” ता इस्तेमाल आंता, हर मानेय इदिना बारे ते समझेमांतोर। चीन लोप्पा वरोर इद्रम ता मानेय मंतोर ओरु सुन यात-सेन ना मूंड जन सिद्धांत कुना बारे ते गद्दारी कित्तोर ओसो 1927 ता महान क्रांति तुक गद्दारी कित्तोर। ओरु चीनी जनता किन दस साल एवनल गृहयुद्ध ता नेत्तुर डोड्डा ते मुडंडी कित्तोर अनि इद्रमे जापानी साम्राज्यवाद किन हमला कीयाना केयतोर। हमला आत्तास्के वेरियी ता मारे ओना जीवा ते जीवा हिल्वा लेक्का आतोर अनि हट्टा ते काल वाटसी नित्तोर अनि तन्ना संगे वित्तानोरा उंदी टीम किन वेने हेल्गुंगच्यांग प्रान्त तल क्वेइचओ प्रान्त एवनल ओतोर। अगा ओरु कै

दोहची टुकुर-टुकुर हूडसोर मत्तोर अनि उदसी-उदसी जीत ता हरीं हूडतोर। नेंडु जीत निज्जमे दोरकतास्के ओरु जन सेनांग किन “दूसरा आदेश वायना जोम मत्ता जागा तेने मंदाना इंजी” दुश्मन ओसो गद्दार लोर किन “व्यवस्था बचे कीसि तासना” इंदा मंतोर। इद्रम कीसि ओरु पेरके-मुन्ने आसोरे नानकिंग वापिस वायला आल्सा मंतोर। इव तथ्य कुन सिर्फ रास्तेकेने चीनी जनता ओरु मानेय च्यांग काई शेक आंदुर इंजी समझेमांता। ओरु बाताल कित्तोर अदिन हूडसी च्यांग काई शेक जनता ना दुश्मन आंदुरे आयोर इंजी बदे विवाद आया परिंता या? इद विवादे तो आंदू जनता इंता: इंगो। जनता ना दुश्मन इंतोर: आयो। ओसो बस इद विवाद इदे आंदू जनता ना नडमा इद पोल्लो विवाद तुकू जेक दाय्या मंता। जनता ना दुश्मन इंजे गृहयुद्ध शुरू कियाला आल्सनदु मंता। इद्रम कीयानास्के जनता बाताल कीयाना? शिनह्वा समाचार एजेंसी ता पत्रकार इंतोर: च्यांग काई-शेक ना गृहयुद्ध शुरू कीयाना सवाल पोरो चीनी कम्युनिस्ट पार्टी ता नीति स्पष्ट ओसो अविचल मंता, अदु गृहयुद्ध विरोध कीयानादु मंता। चीन पोरो जापानी साम्राज्यवाद ता हमला शुरू आयनास्केने चीनी कम्युनिस्ट पार्टी गृहयुद्ध किन समाप्त कीयाना ओसो विदेशी आक्रमण ता मुकाबला कियाला काजे एकता कीयाना इंजी मांग कित्ता। 1936-37 ते पार्टी जबरदस्त कोशिश कित्ता तन्ना प्रस्ताव मानेमातास्के च्यांग काई शेक किन मजबूर कित्ता ओसो इद्रम जापानी आक्रमण विरोधी युद्ध ताकी कित्ता। प्रतिरोध युद्ध ता आठ साल लोप्पा उंदी बेरा वेने चीनी कम्युनिस्ट पार्टी गृहयुद्ध ता खतरा रोमी कियाला काजे जनता किन सतर्क कीयाना तम्मा कोशिश कुना लोप्पा कमजोरी वायला हीवो। हत्ता साल तल कम्युनिस्ट पार्टी जनता किन बार-बार प्रतिरोध-युद्ध खत्म आत्ता तुरंत पेरके देशव्यापी गृहयुद्ध शुरू कियालाकाजे च्यांग काई शेक पंडता षडयंत्र ता बारे ते हुसियार किया मंता। कम्युनिस्ट पार्टी ता वेने चीनी जनता ओसो चीन ता शांति काजे परिशान आसी मत्ता दुनिया ता सब्बे लोकुरा विचार लेक्का पूना गृहयुद्ध वेल्ले मुश्किलकु ततियार। मति कम्युनिस्ट पार्टी इद गृहयुद्ध किन इंजे वेने रोमी कियमूडांता ओसो इद्रमे किया लागियर इंजी

आलिंसांता। गृहयुद्ध किन रोमी कियाला काजे कम्युनिस्ट पार्टी संयुक्त सरकार बने कीयाना पक्ष एतिता। इंजे च्यांग काई-शेक इद प्रस्ताव किन रद्द कित्तोर अदिन काजे गृहयुद्ध बस्केन वेने शुरू आया परिंता। मति च्यांग काई शेक ना इद चाल किन रोमी कीयाना तरीका जरूर मंता। जनता ना जनवादी ताकत कुन दृढ़ता ते ओसो विस्तार किन तेज कीयाना कोशिश कीयाना, जनता तन्ना दुश्मन ता कब्जा ते मत्ता बेहरा शहर किन मुक्त कीयाना ओसो दुश्मन ओसो कठपुतली सेनांग ना हथियार ऊंदना, बोरे तानाशाग ओसो देशद्रोही जनता पोरो हमला कीयाना हिम्मत कीतेके जनता किन आत्मरक्षात्मक कार्रवाई कीयाना ओसो दृढ़ता ते जवाबी हमला कीसि गृहयुद्ध शुरू कियानोरा षडयंत्र किन गुमिया ते वाटसियाना। इदिना सिर्फ इदे उंदी तरीका मंता। शिनह्वा समाचार-एजेन्सी ता पत्रकार पूरा राष्ट्र ओसो पूरा दुनिया किन आह्वान किसोरे, चीन लोप्पा गृहयुद्ध किन रोमी कियाला काजे च्यांग काई शेक जनता किन ओरु दुश्मन कब्जा वाले बेहरा शहर कुन मुक्त कीयाना, दुश्मन ओसो कठपुतली सेनांग ना हथियार ऊंदना, जनवाद ता स्थापना कीयाना, दुश्मन ओसो कठपुतली शासन ता “उत्तराधिकार ग्रहण कियाला” काजे (ओरकिन खत्म कियाला काजे) इव बेहरा शहर कुना लोप्पा खुद च्यांग काई शेक दायाना इंदाना लज्जा हिल्ला लेक्कटा झूठ किन खंडन कीतोर। शिनह्वा समाचार-एजेन्सी ता पत्रकार इद झूठ मंता इंजी वेहितोर। इद पोल्लो सिर्फ चीनी जनता ना राष्ट्रीय ओसो जनवादी हित कुना उल्टा मंता ओसो चीन ता आधुनिक इतिहास ता सब्बे तथ्य कुना सीधा उल्लंघन इंजी कींता वेहतोर। च्यांग काई शेक 1927-1936 एवनल दस साल लोप्पा गृहयुद्ध ताकी कीयाना कारण बेहरा शहर ओना कैदे आयवा कम्युनिस्ट पार्टी कैदे मत्तदु आंदू, इदिना उल्टा 1927 तल इंजे एवनल बदे वेने बेहरा शहर बस्के ने कम्युनिस्ट पार्टी कैदे हिल्ला सब्बे बेहरा शहरकु च्यांग काई शेक ना कैदे मत्तांग लेवेके च्यांग खुद जापानी ओसो गद्दार लोरा कैदे सौंपे कित्तोर, इदिना उल्टा गृहयुद्ध देशव्यापी स्तर ते दस साल एवनल ताकता अनि स्थानीय स्तर ते नेंडु एवनल ताका मंता इंजी सुरता तासना। अद गृहयुद्ध किन रोमी कित्ताद मंता

ओसो प्रतिरोध युद्ध ताकनास्के बेहरा स्तर ते मूंड कम्युनिस्ट-विरोधी हमलांग ओसो गिनति हिल्ला दूसरा उकसेकीयाना कार्रवाई किन (शेनशी-कनसू-निंगश्या सीमान्त इलाका ता दक्षिणी हिस्सा ते च्यांग काई शेक ना इंजेटा हमलांग<sup>2</sup> एवनल) दबे कित्ताद मंता। अदिन काजे च्यांग काई शेक शक्तिशाली मत्तोर इंजी आयवा च्यांग कम्युनिस्ट पार्टी ओसो जनता सापेक्ष रूप ते शक्तिशाली मत्ताचोन शक्तिशाली हिल्ला मत्तोर। दस साल तल ताकसोर मत्ता गृहयुद्ध किन शांति ता पक्ष एतानोर ओसो युद्ध तल वेरियाना देश मेटा सार्वजनिक लोकुर इदिना काजे अपील कित्तोर इंजी आयवा (भूतपूर्व “गृहयुद्ध प्रतिबंध संघ”<sup>3</sup> ओसो अदिना लेक्कटा बाकी संगठन कुना अपील लेक्काटवु) अदिन किन चीनी कम्युनिस्ट पार्टी हथियार ता जोर ते च्यांग श्वे-ल्यांग ना उत्तर-पूर्वी सेना ओसो यांग हू-छंग ना उत्तर-पश्चिम सेना इदिना काजे हथियार ता जोर ते मांग कीतांकु रोमी किया परमूडाता। बेहरा स्तर ते मूंड कम्युनिस्ट-विरोधी हमलांग ओसो गिनती हिल्ला दूसरा उकसेकीयाना कार्रवाईंग किन कम्युनिस्ट पार्टी वेल्ले छूट हीतांकु ओसो आज्ञापालन कीतांकु आयवा कम्युनिस्ट पार्टी आत्मरक्षा ता उंदी न्यायसंगत ओसो दृढसंकल्प पोरु गट्टिक नितसी मत्तांकु रोमी परमूडाता- “बस्के एवनल मावा पोरु हमला आयो, अस्के एवनल माटू हमला कीवोम, मावा पोरु हमला आतेके माटू जरूर जवाबी हमला कियकोमा”<sup>4</sup> कम्युनिस्ट पार्टी बिल्कुले कमजोर ओसो संकल्पहीन मत्तेके ओसो राष्ट्र ओसो जनता काजे आखरी एवनल लडेमायवेके दस साल ताकता गृहयुद्ध किन समाप्त बद्रम कियमूडासी मनवड? अदु शुरू आतेकाई अदिन दृढता ते नेटा इद जीड़ना कालम एवनल बद्रम एवसी कियमूडासी मनवड? च्यांग काई शेक ओसो ओना लोकुर नेंडु सुरक्षित रूप ते बद्रम पिसिस मन्नेर ओसो मोर्चा तल इचोन जेक बदे मेट्टा ते डेरा वाटसी बद्रम आदेश पेरके आदेश ओसो बयान पेरके बयान हीवेर? चीनी कम्युनिस्ट पार्टी दृढता ते गृहयुद्ध ता विरोध कीता। क्रीमिया ते सोवियत संघ, अमेरिका ओसो ब्रिटिश तोर “आन्तरिक शांति ता परिस्थिति पैदा कीयाना” ओसो “आबादी लोप्पा मत्ता सब्बे जनवादी तत्व कुना



प्रतिनिधि व्यापक रूप से शामिल कीसि आंतरिक सरकार ता गठन कीयाना, इदिना पेरेके बचोन जल्दी आते के अचोन जल्दी अदु स्वतंत्र चुनाव संगे जनता प्रति जिम्मेदारी एतना सरकारकु निल्पी कीयाना”<sup>5</sup> चीनी कम्युनिस्ट पार्टी गट्टिक मंजि इद्रमे कित्ता इतेके “संयुक्त सरकार” ता स्थापना कीयाना ता पक्ष एतित्ता। इद प्रस्ताव पोरो अमल कीसि गृहयुद्ध किन रोमी कियमूड़ांता। मति इदिना काजे उंदी शर्त मंता: अद शर्त इतेके ताकत। पूरा जनता उंदी आतेके ओसो तन्ना ताकत बेरसी कीतेके, गृहयुद्ध किन रोमी किया परमूड़ांता।

## नोट

- 1) च्यांग काई शेक ताकि कित्ता बेहरा स्तर ता मूंड कम्युनिस्ट-विरोध हमलांग ना बारे ते हूडाटु: “क्वोमिंगतांग केंद्रीय कार्यकारिणी कमेटी ता ग्यारहवा पूर्ण अधिवेशन ओसो तीसरी जन राजनीतिक परिषद ता दूसरा अधिवेशन ता बारे ते टिप्पणी” (“माओ त्सेतुंग ना संकलित रचनांग”, ग्रन्थ 3)।
- 2) इगा शेनशी-कानसू-निंगश्या सीमान्त इलाक ता क्वानचुंग उपक्षेत्र ता छुनह्वा, श्युनई ओसो याओशयेन पोरो क्वोमिंगतांग सेनांग जुलाई 1945 ते कित्ता चढ़ाई ता बारे ते रास्ताद मंता। हूडाटु इदे ग्रन्थ लोप्पा “जापानी आक्रमण विरोधी युद्ध ता जीत पेरेके टा परिस्थिति ओसो मावा नीति” हेडिंग वाले रचना ता नोट 6।
- 3) “गृहयुद्ध प्रतिबंध संघ” ता स्थापना अगस्त 1932 ते शांघाई ते आत्ता। तीना लोप्पा मुख्य रूप ते पूंजीपति वर्ग ता सदस्य मत्तोर। इद संघ “गृहयुद्ध बंद कीयाना ओसो विदेशी हमला ना प्रतिरोध कियाला काजे उंदी आयाना” इंजी आह्वान कित्ता।
- 4) हूडाटु: “केंद्रीय समाचार-एजेन्सी, ‘साओतांग पाओ’ ओसो ‘शिनमिन पाओ’ ना मूव्युर पत्रकार लोर किन इंटरव्यू” हेडिंग वाले लेख (“माओ त्सेतुंग ना संकलित रचनांग”, ग्रन्थ 2)।
- 5) सोवियत संघ, अमेरिका ओसो ब्रिटिश ता 11 फरवरी 1945 ता क्रीमिया (याल्टा) सम्मेलन ता स्टेटमेंट तला।

# क्वोमिंगतांग संगे शांति-वार्ता ता बारे ते चीनी कम्युनिस्ट पार्टी ता केंद्रीय कमेटी ता सरकुलर\*<sup>1</sup>

26 अगस्त 1945

जापानी हमलावर लोरा वेल्ला स्पीड ते आत्मसमर्पण कीतांकु पूरा परिस्थितिए बदलेमाता। च्यांग काई शेक आत्मसमर्पण स्वीकार कीयाना

<sup>1</sup> 'इदु पार्टी सरकुलर कामरेड माओ त्सेतुंग च्यांग काई शेक संगे शांति वार्ता काजे छुंगकिंग दायना मुन्ने चीनी कम्युनिस्ट पार्टी ता केंद्रीय कमेटी काजे रासीस मत्तोर। चीनी कम्युनिस्ट पार्टी ओसो व्यापक चीनी जनता च्यांग काई शेक ना गृहयुद्ध ता षडयंत्र ता दृढता ते विरोध कितोर ओसो अमेरिका साम्राज्यवाद इंजे वेने च्यांग काई शेक ना गृहयुद्ध ता ओसो तानाशाही नीति ता उंदी लेंग ते भर्त्सना कीसोर मत्ता विश्वव्यापी जनवादी लोकमत ता उचुन समर्थन कियानदु, अदिन काजे च्यांग काई शेक 14 अगस्त, 20 अगस्त ओसो 23 अगस्त 1945 ते कामरेड माओ त्सेतुंग ना पोरोल ते मूंड तार (सुडला चिट्ठी) लोहतर, अदिना संगे ओरु शांति-वार्ता कियाला काजे छुंगकिंग वायला कबुर हिसी मत्तोर। 27 अगस्त ते इदे उद्देश्य संगे तत्कालीन चीन ते मत्ता अमेरिकी राजदूत पैट्रिक जे. हरले वेने येनान वासी मत्तोर। चीनी कम्युनिस्ट पार्टी कामरेड माओ त्सेतुंग, कामरेड चाओ ऐन-लाई ओसो कामरेड वांग रो-पेइ किन क्वोमिंगतांग संगे शांति काजे संघर्ष कीयानास्के अमेरिका साम्राज्यवाद ओस च्यांग काई शेक ना असली चेहरा किन एक्सपोज कीयाना ओसो इद्रम व्यापक जनता किन एकता ओसो शिक्षित कियाला मदद दोरकिता इंजी शांति वार्ता कियाला छुंगकिंग लोहना इंजी फैसला कित्ता। कामरेड माओ रास्ता सरकुलर लोप्पा जापान तन्ना आत्मसमर्पण ता ऐलान कित्ता रेंजु हत्ता परेके चीन ता परिस्थिति-विकास ता विश्लेषण कित्ताद मंता। तीना लोप्पा शांति वार्ता ता बारे ते चीनी कम्युनिस्ट पार्टी ता केंद्रीय कमेटी ता नीति (उचुक छूट हियाला काजे समझौता वार्ता ताकनास्के पार्टी तैयार कित्ता नीतिंग), ओसो समझौता वार्ता तल पेसना संभावित परिणामकुना सामना कियाला नीति घोषित कित्ताद मत्ता। तीना लोप्पा उत्तरी ओसो पूर्वी चीन ता मुक्त इलाकांग अनि मध्य ओसो दक्षिणी चीन ता मुक्त इलाकांग लोप्पा ताकी कीयाना संघर्ष संगे संबधित नियम कुना बारे ते हीता आदेश वेने शामिल कित्ताद मत्ता। इदिन लोप्पा पूरा पार्टी च्यांग काई शेक ना खिलाफ सतर्कता ओसो तन्ना संघर्ष लोप्पा सिर्फ समझौता वार्ता आया मंता इंजिए ढील हियानायो इंजी सचेत कित्ता। कामरेड माओ त्सेतुंग ओसो ओना संगे ता कामरेड्स 28 अगस्त ते छुंगकिंग एवसी 43 दिव्यंग एवनल क्वोमिंगतांग संगे समझौता वार्ता कित्तोर। इद समझौता वार्ता ता कारण ते सिर्फ "क्वोमिंगतांग ओसो चीनी कम्युनिस्ट पार्टी ता प्रतिनिधिरा नड्मा आत्ता वार्ता ता सारांश" (इदिन "10 अक्तूबर समझौता" वेने इंतोर) किने छापे कियमूड्ता। इद्रम आतेकाई अदु वार्ता वेल्ले राजनीतिक पहलकदमी चीनी कम्युनिस्ट पार्टी कैदे हीतांकु ओसो क्वोमिंगतांग किन कमजोर परिस्थिति ते वाटतांकु सफल आत्ता। कामरेड माओ त्सेतुंग 11 अक्तूबर ते येनान मलसी वात्तोर। कामरेड चाओ ऐन-लाई ओसो कामरेड माओ वांग रो-पेइ समझौता वार्ता चालू

अधिकार पोरो तन्ना कब्जा कित्तोरा उचुन कालम काजे बेहरा शहरकु ओसो महत्वपूर्ण सप्लाई-कम्युनिकेशन कुना पोरो मावा कब्जा मन्नो आयारा। इद्रम आतेकाई उत्तरी चीन लोप्पा माटू वेने पूरा कोशिश कीयाना। मना पूरा ताकत वाटसी मनम कब्जा किया परना लेक्कटा जागांग किन कब्जा कीयाना। हता रेंडु हप्तांग लोप्पा मावा सेना सुडला-बेहरा 54 शहर ओसो बेहरा ग्रामीण इलाकांग पोरो ओसो उंदी बेरा कब्जा कित्ताद मंता। मुन्नेटले मना कब्जा ते मत्ता इलाकांग किन काल्पसी इंजे एवनल 175 शहर कुना पोरो मावा कब्जा आत्ताद मंता। इद्रमे माटू उंदी महान जीत दोरकी कित्तोमा उत्तरी चीन लोप्पा माटू वेइहाएवेइ, येनथाए, लुंगखओ, ईतू, चिछवान, यांग-ल्यूछिंग, पीखछी, पोआए, चांगच्याखओ, चीनिंग ओसो फंगचन पोरो ओसो उंदी बेरा कब्जा कित्ताद मंता। मना सेना तन्ना दबदबा संगे उत्तरी चीन किन सांगी कित्ता। इदिना लम्बा दीवार बगिल सोवियत ओसो मंगोलयाई फौज ता तेज अभियान ता कारण ते मना पार्टी काजे अनुकूल परिस्थिति पुट्टता। वायना कालम ते माटू मना हमला चालू तासला काजे ओसो पेफिंग-स्वेय्वान रेलवे, ताथुंग-फूचओ रेलवे ता उत्तरी हिस्सा ओसो चंगतिंग-थाएय्वान रेलवे, तचओ-शच्यात्वांग रेलवे, पाएक्वेइ-चिनछंग रेलवे ओसो ताओखओ-छिंगह्वा रेलवे पोरो कब्जा कियाला पूरा कोशिश कीयाना। संगेने माटू पेफिंग-ल्याओनिंग रेलवे, लुंगहाए रेलवे ओसो शांघाई-नानकिंग रेलवे किन वेने तोडफोड कीयाना कोशिश कीयाना। माटू बेगा मावा कब्जा वाटा परितोम अगा उचुन जोम काजेने आई कब्जा कीयाना। संगेने जरूरत अनुसार लगातार परताचोन सेना किन नाहकुने, काउंटींग केंद्र ओसो अविनकु बेहरा प्रशासनिक केंद्र ओसो सुडला शहरकुना पोरो कब्जा कीयाना। उदाहरण तुकू, इंजे उंदी वेल्ले अनुकूल परिस्थिति पुटता, बारांकु इत्तेके पूना चौथी सेना नानकिंग, थाएहू झील (मेट्टास्क नडमा मंदना तडाई) ओसो थ्येनमू मेट्टांग नडमा अनि तांगत्सी डोड्डा, ह्वाए डोड्डा नडमा मत्ता वेल्ले काउंटी केंद्र पोरो कब्जा

---

तसला काजे छुंगकिंग तेने मत्तोरा इद वार्ता ता रिजल्ट काजे इदे ग्रंथ लोप्पा “छुंगकिंग समझौता वार्ता ता बारे ते” हेडिंग वाले लेख किन हूडाटू।

कित्ता। बारांकु इत्तेके शानतुंग लोप्पा मना फौज पूरा पूर्वी शानतुंग प्रायद्वीप (समुद्र नडमा मंदना भूम) ओसो शानशी-स्वेख्वान हंद इलाका ते पेफिंग-स्वेख्वान रेलवे ता उत्तर ओसो दक्षिण ते वेल्ले शहरकु ओसो सुडला शहरकुना पोरो मना सेना कब्जा कित्ता। आक्रमणात्मक युद्ध ता उंदी दूसरा कालम मारतास्के मना पार्टी काजे यांगत्सी बेरेड़ ता दोड़ ता हिस्सा ता उत्तर बगिल ओसो ह्वाए डोड्डा ता उत्तर बगिल ज्यादातर इलाकांग पोरो शानतुंग, हपे, शानशी ओसो स्वेख्वान प्रान्त ता ज्यादातर हिस्सांग पोरो पूरा जेहोल ओसो छाहाड़ इव रेंडु इलाकांग अनि ल्याओनिंग प्रांत ता उंदी हिस्सा पोरो कब्जा किया परमूडायरा।

इजे सोवियत संघ, अमेरिका ओसो ब्रिटिश सब्बे चीन लोप्पा गृहयुद्ध ता विरोध किया मंतोर,<sup>1</sup> संगेने मना पार्टी शांति, जनवाद ओसो एकता ता मूंड महान नारांग<sup>2</sup> पेश किया मंता। अवु कामरेड माओ त्सेतुंग, कामरेड चओ ऐन-लाइ ओसो कामरेड वांग रो-फेइ किन एकता ओसो राष्ट्रीय पुनर्निर्माण ता वेल्ले समस्यांग पोरो च्यांग काई शेक ना संगे विचार-विमर्श कियाला काजे छुंगकिंग लोहा मंता, इद्रम इदु चीनी प्रतिक्रियावादिरा गृहयुद्ध ता साजिश किन नाकाम कीयाना संभव आंता। क्वोमिंगतांग शांघाई, नानकिंग ओसो दूसरा जागांग पोरो ओसो उंदी बेरा कब्जा कीसि, समुद्री हरी किन चालू कीसि दुश्मन ता हथियार कुना पोरो कब्जा कीसि कठपुतली सैनिक लोर किन तम्मा फौज ते शामिल कीसि तन्ना किन मजबूत कित्ता। मति अदु हजारो बेहरा-बेहरा देब्बा तिंजी मंता। गिनती हिल्वाचोन अंदरूनी अन्तरविरोध संगे तितर-बितर आसी मंता। वेल्ले मुश्किल कुना संगे हिरकसी मंता। इद समझौता वार्ता पेरके क्वोमिंगतांग स्थानीय ओसो अन्तरराष्ट्रीय दबाव कुना कारण ते मना पार्टी ता दर्जा किन शर्त संगे मानेमायना सम्भावना मंता। मना पार्टी वेने क्वोमिंगतांग ता दर्जा किन शर्त संगे माने माया परित्ता। अद्रमासी रेंडासी पार्टिंग नडमा (संगेने जनवादी संघ<sup>3</sup> लेक्कटविना नडमा वेने) एकता ओसो शांतिपूर्ण विकास ता उंदी पूना कालम शुरू आयारा। इद्रम ता परिस्थिति पुटतेके मना पार्टी कानूनी संघर्ष ता सब्बे तरिकांग लोप्पा अनुभव हासिल

कीयाना ओसो क्वोमिंगतांग इलाकांग लोप्पा मूंड मुख्य इलाकांग, इत्तेके शहर, नाहकु ओसो सेना लोप्पा (इव सब्बे मना काम ता कमजोर कडिंग आंदुंग) मना काम किन मजबूत कीयाना। समझौता वार्ता ताकनास्के, क्वोमिंगतांग मना मुक्त इलाकांग ना विस्तार किन वेल्ले कम कीयाना, मुक्ति सेना ता संख्या किन वेल्ले कम कीयाना ओसो मुद्रा जारी कीयानादु इनपडे बंद कीयाना इंजी मांग जरूर कियार। माटू मना बगिल तल जरूरी मत्ता ओसो जनता ना बुनियादी हित कुन नुकसान कियवा मंदाना छूट हियाला तैयार मंतोम। इद्रम कियवा लेवा माटू क्वोमिंगतांग ता गृहयुद्ध ता साजिश ता भंडाफोड़ किया परवोम, राजनीतिक पहलकदमी मना कैदे पोय्या परवोम, विश्व-लोकमत बगिल मना देश ता मध्यमार्गी लोरा (नड़मा मंदानोर) समर्थन दोरकी किया परवोम ओसो ताना जागा ते मना पार्टी काजे कानूनी दर्जी ओसो शांतिपूर्ण परिस्थिति दोरकी किया परवोम। मति इद्रम ता छूट ता वेने उंदी हंदी मंदिता, ताना काजे जनता ना बुनियादी हितकुना नुकसान आयवा लेक्का हूड़ना नियम मंता।

मना पार्टी पार्टी पोरो वेहता पोल्लोग किन पुत्ता पेरेके वेने क्वोमिंगतांग गृहयुद्ध शुरू कियाला आल्सतेके अदु खुद तन्ना पूरा राष्ट्र ओसो पूरा दुनिया ता कोंडा ते उंदी न्याय कीयाना पार्टी आयवा अन्याय कीयाना लेक्का तोंदियार। अदिना हमलांग किन चकनाचूर कियाला काजे मना पार्टी आत्मरक्षात्मक युद्ध कीयानादु एकदम सही मंदिता। इदे आयवा मना पार्टी उंदी शक्तिशाली पार्टी आंदू। बोराई मावा पोरो हमला कीतेके परिस्थिति लड़ाई काजे अनुकूल बनेमायार ओसो माटू वृद्धतापूर्वक, सर्वांगीण (All Round), समग्र ओसो सम्पूर्ण रूप ते अदिन खत्म कियाल काजे आत्मरक्षात्मक कार्रवाई कियाकोम (माटू जल्दबाजी ते हमला कीवोम आंतोम ओसो माटू बस्के हमला कीतोम अस्के जीत पक्का दोरकी कीतोम)। प्रतिक्रियावादिरा बाहरी खूंखारपन तल मनम इनपडे वेरियानायो। मति माटू दोड़ रास्ता नियम कुना पोरो हमेशा वृद्धता ते डटेमासी मंदाना ओसो अविन बिल्कुले मरंगनायो: एकता, संघर्ष ओसो संघर्ष संगे एकता निल्पी कीयाना, न्याय पोरो आधार आसी मना फायदा

हूडसी संयुक्त रूप ते संघर्ष कीयाना, अन्तरविरोध कुना फायदा एतना, बहुसंख्यक लोकुर किन मना पक्ष ते कीयाना, मुट्टोमेंड लोकुरा विरोध कीयाना ओसो मना दुश्मन किन उंदी-उंदी कीसि खत्म कीयाना।<sup>4</sup>

क्वांगतुंग, हुनान, हुपे, हनान ओसो बाकी इलाकांग लोप्पा मना पार्टी ता ताकत उत्तरी चीन ओसो यांगत्सी बेरेड़, ह्वाए डोड्डा नडमा ता इलाका तुकू ज्यादा कठीन परिस्थिति ते मंतांग। इव इलाकांग ना कामरेड्स पोरो केंद्रीय कमेटी वेल्ले महत्व हींता। मति क्वोमिंगतांग ता वेल्ले कमजोर कडिंग मंतांग ओसो अदिना इलाका वेल्ले बेहरा मता, मना कामरेड्स फौज नीति (सेना ता नेतृत्व ओसो फौजी कार्रवाइंग) लोप्पा जनता संगे एकता कीयाना नीति लोप्पा बदे बेहरा गलती कीवेके, ओरु अहंकारी ओसो अतिउत्साहति आयवा नम्र ओसो विवेकपूर्ण मत्तेके इद परिस्थिति ता मुकाबला कीयाना पूरा क्षमता मंता। केंद्रीय कमेटी तल जरूरी आदेश दोरकी कीयानाए आयवा इव इलाकांग ना कामरेड्स परिस्थिति ता विश्लेषण कीयाना लोप्पा तम्मा निर्णयात्मक बुद्धिता इस्तेमाल कीयाना ओसो तम्मा समस्यांग किन खुद हल कीयाना। कठीन परिस्थितिंग पोरो काबू कीयाना तम्मा ताकत किन बचे कीसि तासना ओसो अदिना विस्तार कीयाना। क्वोमिंगतांग मीवा खिलाप बाताले किय़ा परवेके अदु मजबूर आसी रेंडासी पार्टिंग नडमा समझौता वार्ता ताकनास्के मीवा ताकत कुन मान्यता हिया परिंता ओसो रेंडासी पक्ष काजे फायदा मत्ता व्यवस्था काजे मंजूरी हिया परिंता। मति मीटू समझौता वार्ता पोरो आधार आसी इनपडे मंदानायो। मीटू क्वोमिंगतांग लोप्पा वेल्ले जीवा कीयाना जीवा मंता इंजी इनपडे आशा कीयानायो बारांकु इत्तेके अद इद्रम इनपडे आया परवो। मीटू मीवा ताकत पोरो मीवा कामकाज ता सही मार्गदर्शन ते पार्टी लोप्पा भाईचारा एकता पोरो जनता संगे बेसता संबंध कुना पोरो आधार आसी मंदाना। जनता पोरो दृढ़ता ते निर्भर मंदाना, इदे मीवा काजे इद कठीन परिस्थिति तल पेसना हरीं आंदू।

संक्षेप ते वेहना इत्तेके पार्टी वेल्ले कठीन परिस्थितिंग ना सामना किय़ा मंता। इव कठीन परिस्थितिंग किन नजरअंदाज किय़ा लेवा मनम

मना सब्बे पार्टी कामरेड्स किन मानसिक रूप ते बेस तैयार कीयाना। मति अन्तरराष्ट्रीय ओसो स्थानीय परिस्थिति ता आम रुझान मना पार्टी ओसो जनता काजे अनुकूल मंता। बस्के एवनल पूरा पार्टी एकताबद्ध मंता अस्के एवनल माटू कदम-ब-कदम सब्बे कठीन परिस्थितिंग पोरो जीत हासिल किया परिंतोम।

## नोट

- 1) जापान ता आत्मसमर्पण तुकू मुन्ने ओसो ताना उचुन पेरके सोवियत संघ, अमरीका ओसो ब्रिटिश सब्बे चीन लोप्पा गृहयुद्ध ता बारे ते तम्मा असहमति प्रकट कीतांग। मति घटनांग चीन लोप्पा गृहयुद्ध ता बारे ते तम्मा असहमति प्रकट कियाला काजे अमरीका हीता स्टेटमेंट सिर्फ उंदी कवर लेक्का मत्ता, इदिना कवर ते मंजी प्रतिक्रियावादी क्वोमिंगताग सरकार किन प्रतिक्रांतिकारी गृहयुद्ध ता तैयारी कियाला सक्रिय रूप ते मदद कित्तादु साबित कीसितांग।
- 2) क्रांति, जनवाद ओसो एकता ता इव मूंड महान नारांग चीनी कम्युनिस्ट पार्टी ता केंद्रीय कमेची 25 अगस्त 1945 ते “वर्तमान परिस्थिति ता बारे ते घोषणापत्र” लोप्पा रास्ताद मत्ता। इद घोषणापत्र लोप्पा जापानी साम्राज्यवाद ता आत्मसमर्पण पेरके “मना पूरा राष्ट्र मुन्ने देश लोप्पा एकता किन सदृढ़ बने कीयाना, स्थानीय शांति ता रक्षा कीयाना, जनवाद किन लागू कीयाना ओसो जनता ना रहन-सहन लोप्पा सुधार कीयाना महत्वपूर्ण काम मंता। इद्रम कीसिए शांति, जनवाद ओसो एकता पोरो आधार आसी राष्ट्रीय एकीकरण किया परमूडायार, उंदी स्वाधीन, समृद्ध ओसो शक्तिशाली पूना चीन ता निर्माण किया परमूडायार।”
- 3) “जनवादी संघ” ता स्थापना 1941 ते “चीनी जनवादी राजनीतिक गुप ता संघ” पोरोल ते कित्ताद मत्ता। 1944 ते इदे “चीनी जनवादी संघ” पोरोल ते पुनर्गठित कित्ताद मत्ता।
- 4) “जापान विरोधी संयुक्त मोर्चा लोप्पा कार्यनीति संबंधित मत्ता समस्यांग” ओसो “नीति ना बारे ते” हेडिंग वाले रेंडु लेख (“माओ त्सेतुंग ना संकलित रचनांग” ग्रंथ 2) लोप्पा हूड्राटू।

## छुंगकिंग समझौता वार्ता ता बारे ते\*<sup>1</sup>

17 अक्तूबर 1945

वाटु, इंजे माटू वर्तमान परिस्थिति ता चर्चा कियाकाला। इदे विषय लोप्पा मना कामरेड्स ज्यादा गिर्दा तोहितोरा। इंजेटा बेरा छुंगकिंग लोप्पा क्वोमिंगतांग ओसो कम्युनिस्ट पार्टी नडमा समझौता वार्ता 43 दिव्यंग ताकता। इदिना रिजल्ट अखबारकुना लोप्पा मुन्नेटले छप्पे मात्तांग।<sup>1</sup> रेंडासी पार्टिंग ना प्रतिनिधिरा नडमा समझौता वार्ता इंजे ताका मंता। समझौता वार्ता ता उचुक रिजल्टकु तेंडताद मंता। क्वोमिंगतांग शांति ओसो एकता ता नियम कुन स्वीकार कित्ता। जनता ना उचुक जनवादी अधिकार कुन मानेमाता अनि गृहयुद्ध कतिन रोमी कीतेके बेस इंजी मानेमाता। पूना चीन ता निर्माण काजे रेंडासी पार्टिंग किन शांतिपूर्वक उंदी-दूसरा संगे एकता कीयाना इंजी मानेमाता। इव पोल्लोंग ना बारे ते समझौता आत्ता। उचुक दूसरा पोल्लोंग वेने मंतांग, अविना बारे ते समझौता आत्ताद हिल्ले। मुक्त इलाकांग ना सवाल इंजे वेने हल आत्ताद हिल्ले ओसो असल ते सशस्त्र सेनांग ना सवाल वेने हल आत्ताद हिल्ले। आत्ता समझौतांग इंजे वेने सिर्फ कागज पोरो ने मंतांग। कागज पोरो रास्ता शब्द व्यवहार ते लागू आयनादिना बराबरी किया परवोंग आंतांग। अविन वास्तविकता ते बदले कीयाना मुन्ने इंजे वेने वेल्ले कोशिश कीयाना जरूरत मंता इंजी व्यवहार तल साबित आत्ता। उंदी बगिल क्वोमिंगतांग मना संगे समझौता वार्ता किया मंता ओसो दूसरा बगिल अदु मुक्त इलाकांग पोरो जोरशोर ते हमला

---

<sup>1</sup> 'इद रिपोर्ट कामरेड माओ त्सेतुंग छुंगकिंग तल मलसी वात्ता पेके येनान ते कार्यकर्ता लोरा उंदी मीटिंग ते पेश कीसि मत्तोरा



वेने किया मंता। शेनशी-कानसू-निंगश्या हंदी इलाका पोरो घेराव कीयाना क्वोमिंगतांग फौज किन विड़चसी, इव हमलांग लोप्पा 8 लाख क्वोमिंगतांग सैनिक सीधा हिस्सा एता मंतोर। बेगा-बेगा मुक्त इलाकांग मंतांग अगा-अगा लड़ाई ताका मंता लेवेके अदिना तैयारिंग ताका मंतांग। “10 अक्तूबर समझौता” ता पहली धारा “शांतिपूर्ण राष्ट्रीय निर्माण” ता बारे ते मंता। कागज पोरो मत्ता इव शब्दकु वास्तविकता ता विपरीत हिल्ले या? इंगो, इदु इद्रमे मंता। अदिन काजेए माटू कागज पोरो मत्ता शब्दकु वास्तविकता ते बदले कियाला काजे इंजे वेने कोशिश किया लागियर इंजी इंतोम। क्वोमिंगतांग मावा पोरो आक्रमण कियाला काजे इचोम ज्यादा फौज बारांकु जमा कींता? बारांकु इत्तेके वेल्ले जोम मुन्ने अदु जनता ना शक्ति किन खत्म कीयाना इंजी, माकिन खत्म कीयाना इंजी संकल्प एतित। अदु माकिन जल्दी खत्म कियाला आल्सा मंता, इद्रम किया परवेके मना परिस्थिति बिगड़े कियाला ओसो तन्ना परिस्थिति सुधरे कियाला कोशिश कीयाना इंजी आल्सिंता। समझौता लोप्पा शांति ता बारे ते रास्ताद मंता, मति असल ते अदिन दोरकी कित्ताद हिल्ले। शानशी प्रांत ता शांगतांग इलाका लेक्कटा जागा ने वेल्ला बेहरा स्तर ते लड़ाई ताका मंता। नालुंग बगिल थाएहांग, थाएय्वे ओसो चुंगथ्याओ मेड्वांग फैलेमासी मत्ता शांगतांग इलाका उंदी टब लेक्का मंता। इद टब लोप्पा कीकेंग ओसो हव्विंग मंतांग अनि येन शी-शान अदिन लोपला काजे सेना ता 13 डिविजनकु लोहतोर। मावा नीति वेने वेल्ले मुन्ने ने तैयार कित्तादु मंता - इत्तेके शठेशाठ्यम ता रुझान लागू कीयाना, उंदी-उंदी इंच जमीन काजे लड़ेमायना। इद बेरा माटू शठे-शाठ्यम ता रुझान लागू कित्तोम, लड़ाई लड़ेमातोम ओसो वेल्ले सफलता दोरकी कित्तोम। दूसरा माटा ने माटू दुश्मन ता 13 ता 13 डिविजन कुन खत्म कित्तोम। ओरा आक्रमणकारी फौज कुना लोप्पा 38 हजार सैनिक मत्तर ओसो माटू 31 हजार सैनिक वाटतोम। ओरा 38 हजार सैनिक लोरा लोप्पाटल 35 हजार सैनिक किन खत्म कित्तोम, 2000 सैनिक वित्तोर अनि 1000 सैनिक तितर-बितर आतोर।<sup>2</sup> इद्रम ता लड़ाईंग परेके वेने ताकसोर मंदानुंग। ओरु मना मुक्त

इलाकांग किन हड़पे कियाला काजे परताचोन कोशिश किया मंतोरा इदिना बारे ते वेहना मुशिकल मंता। आखरी तो ओरु इविन हड़पे कियाला काजे इचोन गिर्दा ते बारांकु मंदितोर? मुक्त इलाकांग मना कैदे मंदाना, जनता कैदे मंदानादु बेस आयो या? बेसे मंता, मति इद्रम सिर्फ माटे आल्लिसंतोम, सिर्फ जनताए आल्लिसंता। ओरु वेने इद्रम आल्लसतेके मना ओसो ओरा नड़मा उंदी राय बनेमायार ओसो माटू सब्बेतोर “गोतीतोर” बनेमायकोम। मति ओरु इद्रम आल्लसोर, ओरु वेल्ले जिद् कीसि मावा विरोध कींतोरा। ओरु मावा विरोध बारांकु कीयानायो इंदाना पोल्लो किन समझेमायोर आंतोरा। ओरु मावा पोरो हमला कीयानादु साधारणे मंता। माटू वेने मना मुक्त इलाकांग पोरो ओरा कब्जा बारांकु वाटला हियाना इंदानदु समझेमायोम। अद्रमासी माटू वेने ओरा पोरो जवाबी हमला कीयानादु साधारणे आंता। समझेमायवा मत्ता रेंडु पक्ष उंदी-दूसरा ता आमने-सामने वांतांग अस्के अवु लड़ेमातांग। इगा समझेमायवा मत्ता रेंडु पक्ष मंतांग मति इवु रेंडासी पक्षकु समझौता वार्ता बारांकु किया मंतांग? इव रेंडासी “10 अक्तूबर समझौता” असल इत्तेके बारांकु कीतांग? इद दुनिया लोप्पा वस्तु ता स्वरूप वेल्ले जटिल मंता ओसो अदिना निर्णय बचोनो तत्व कींतांग। माटू समस्यांग पोरो अलग-अलग पहलू ना संगे विचार कीयाना, सिर्फ उंदे पहली संगे आयो। छुंगकिंग लोप्पा उचुन लोकरु च्यांग काई शेक विश्वास कीयाना लेक्का हिल्लेर, ओरु धोखेबाज मंतोर, ओना संगे समझौता वार्ता कीतेके बदे फायदा हिल्ले इंतोरा। इदु पोल्लो नाकिन नन्ना कलियाना लोकरु इतोर वीरा लोप्पा उचुन मुल क्वोमिंगतांग ता सदस्य लोर वेने मंतोरा। नन्ना ओरा जवाब हीसोर, ओरु बाता वेहा मंतोरो अदु सहीए मंता ओसो अदिना ठोस सबूत वेने मंता, हत्ता 18 साल ता अनुभव<sup>3</sup> तल माटू ओरु इद्रमे मंतोर इंदाना पोल्लो किन पक्का समझेमातद मंता। क्वोमिंगतांग ओसो कम्युनिस्ट पार्टी ता समझौता वार्ता जरूर असफल आयार, इव रेंडासी ना लोप्पा जरूर लड़ाई आयार, इव रेंडासी ना संबंध जरूर देगियारा। मति इदु सिर्फ उंदी पहलू आंदू। इदिना ओसो उंदी दूसरा पहलू वेने मंता। अदु बाताल इत्तेके-बचोनो दूसरा तत्व च्यांग काई शेक ना विचार ते

अनिवार्य रूप ते डावुट पुट्टी कीतांगा। इव तत्व कुना लोप्पा मूंड मुख्य तत्व इवु मंतांगः मुक्त इलाकांग ना शक्तिशाली, बेहरा इलाका ता जनता गृहयुद्ध ता विरोध ओसो अन्तरराष्ट्रीय परिस्थिति। मना मुक्त इलाकांग लोप्पा 10 करोड़ लोकर मंता, 10 लाख सैनिक मंतोर ओसो 20 लाख मिलिशिया सदस्य लोर मंतोर। इद शक्ति किन बोरे सुडला आल्सना हिम्मत क्रियाए परवोर। इदु अद्रम ता शक्ति आंदू। राष्ट्र ता राजनीतिक लोप्पा मना पार्टी ता जागा ते इंजे 1927 लेक्का लेवेके 1936 लेक्का हिल्ले। कम्युनिस्ट पार्टी किन समान दर्जा हियाला हमेशा इनकार कीयाना क्वोमिंगतांग किन इंजे मजबूर आसी इद्रम क्रिया लागा मंता। मुक्त इलाकांग लोप्पा माटू कित्ता काम ता प्रभाव पूरा चीन ओसो दुनिया पोरो अरता। बेहरा इलाका ता जनता शांति काजे आशा क्रिया मंता ओसो जनवाद तत्ताला आल्सिंता। व्यापक जनता ना माकिन हार्दिक समर्थन दोरकता अदु माकिन छुंगकिंग प्रवास कालम ते गंभीर रूप ते दिसता। ओरा क्वोमिंगतांग सरकार पोरो वेल्ले होंग मत्ता ओसो मावा पोरो ओरा आशा कीसोर मत्तोर। नन्ना मना समर्थन कीयाना बचोनो विदेशिर किन कलियतान, तीना लोप्पा अमेरिका वेने शामिल मंता। विदेश ता व्यापक जनता चीन ता प्रतिक्रियावादी ताकत कुना पोरो होंग मंता ओसो चीनी जनता ना समर्थन कीता। अदु वेने च्यांग काई शेक ना नीतिंग किन नामंजूर कीता। देश ता सब्बे हिस्सांग ओसो दुनिया ता सब्बे हिस्सांग लोप्पा मना वेल्ले दोस्त मंतोर, माटू अलगाव ता परिस्थिति ते हिल्लेमा। बोरु चीन लोप्पा गृहयुद्ध ता विरोध कींतोर ओसो शांति अनि जनवाद ता पक्ष एतितोर ओरा लोप्पा सिर्फ मना इलाका ना जनताए आयवा बेहरा इलाकांग ओसो पूरा दुनिया ता व्यापक जनता वेने मंता। च्यांग काई शेक ना मनोगत विचार तन्ना तानाशाही निल्पी कीयाना ओसो कम्युनिस्ट पार्टी किन नष्ट कीयानादु मंता, मति ओना हरदे वेल्ले वस्तुगत मुश्किलकु मंतांग। अदिन काजे ओनकिन उचुन यथार्थवादी बनेमाया लागिंता। ओरु यथार्थवादी बनेमाया मंतोर ओसो माटू वेने यथार्थवादीर आंदोम। ओरु माकिन समझौता वार्ता काजे केयसी यथार्थवादी आयना सबूत हीतोर ओसो माटू समझौता वार्ता ते शामिल

आसा यथार्थवादी आयना सबूत पेश कित्तोमा माटू 28 अगस्त ते छुंगकिंग एवतोमा 29 अगस्त ता नरका 18 सितम्बर 1931 ता घटना तले शांति ओसो एकता ता जरूरत आत्ता इंजी क्वोमिंगतांग प्रतिनिधिर किन इत्ताना माटू शांति ओसो एकता कियाला वेहितोम, मति अदिन लागू कित्ताद हिल्ले। शीआन घटना पेरके, 7 जुलाई 1937 ते जापानी आक्रमण विरोधी युद्ध ता शुरूआत तुकू मुन्ने ने शांति ओसो एकता आया परता। इद युद्ध ता आठ साल लोप्पा माटू जापान खिलाफ उंदी आसी युद्ध कित्तोमा मति गृहयुद्ध बस्केने बंद आत्ताद हिल्ले, सुडला-बेहरा मुठभेड़ लगातार ताकतांग। इद्रम ताकनास्के बदे गृहयुद्ध ताको इंदानदु उंदी धोखा लेक्का मंता, इद पोल्लो सच्चाई हिले। हत्ता आठ साल लोप्पा माटू बार-बार समझौता वार्ता कियाला तैयार मंतोम इंजी वेहतोम। मना पार्टी ता सातवीं कांग्रेस ते माटू “क्वोमिंगतांग अधिकारीर तम्मा वर्तमान गलत नीतिंग किन विड़चला तैयार हिल्लेर ओसो जनवादी सुधार लागू कियाला तैयार आतेके माटू ओरा संगे ओसो उंदी बेरा समझौता वार्ता शुरू कियाला तैयार आयकोम” इंजी ऐलान कीसि मत्तोमा। समझौता वार्ता लोप्पा माटू ऐलान कित्ता पहली पोल्लो चीन किन शांति ता जरूरत मंता, दूसरा चीन किन जनवाद ता जरूरत मंता। च्यांग काई शेक किन इनकार कीयाना लेक्का बदे पोल्लो समझेमायो अद्रमासी मावा पोल्लो मानेमाया लागता। उंदी बगिल “वार्ता ता सारांश” ते प्रकाशित आत्ता शांति ता नीति ओसो जनवाद संबंधित समझौता सिर्फ कागज पोरो मत्ता पोल्लोए मत्ता, इंजे लागू आत्ताद हिल्ले, दूसरा बगिल ओरा निर्णय बचोनो रकम ता ताकतकुना संगे कित्ताद मत्ता। मुक्त इलाकांग ना जनता ताकतकु, बेहरा इलाकांग ना जनता ना ताकतकु, अन्तरराष्ट्रीय परिस्थिति - इव सब्बे ना आम रुझान क्वोमिंगतांग किन पोल्लोंग किन मानेमायला काजे मजबूर कित्ता।

“दुश्मन संगे दुश्मनी” लेक्का व्यवहार बद्रम कीयाना, इदु परिस्थिति पोरो निर्भर आसी मंता। बस्के ने समझौता वार्ता काजे हनवा लेवा मंदानाद दुश्मन संगे दुश्मन लेक्का व्यवहार आतेके, बस्केने समझौता वार्ता काजे दायना वेने दुश्मन संगे दुश्मन लेक्का व्यवहार आंता। मुन्ने हनवा लेवा माटू

सही काम कीसि मत्तोम ओसो इंजे हंजी वेने माटू वेल्ले बेसता काम किया मंतोम। बारांकु इत्तेके इद्रम माटू क्वोमिंगतांग कम्युनिस्ट पार्टी शांति ओसो एकता कियाला तैयार हिल्ले इंजी फैले कित्ता गलत प्रचार ता पर्दाफाश कित्तोम। ओरु माकिन केयला काजे उंदी पेरके उंदी मूंड चिडिंग लोहतोर, अनि माटू अगा हत्तोम। मति ओरु इनपड़े तैयार हिल्ला मत्तोर अद्रमासी सब्बे प्रस्ताव माकिने पेश किया लागता। समझौता वार्ता ता कारण ते क्वोमिंगतांग शांति ओसो एकता ता उसूल स्वीकार कित्ता। इदु उंदी बेसता पोल्लो मत्ता। क्वोमिंगतांग ओसो उंदी बेरा गृहयुद्ध शुरू कीतेके पूरा राष्ट्र ओसो पूरा दुनिया ता कोंडा ते गलत साबित आयार। अद्रमासी माटू आत्मरक्षात्मक युद्ध संगे अदिना हमलांग किन गूंडा-गूंडा कीयाना बेहरा कारण माकिन दोरकियार। इंजे “10 अक्तुबर समझौता” आत्ताद मंता, अद्रमासी मावा काम इद समझौता पोरो नितसी मंदाना ओसो क्वोमिंगतांग इद समझौता ता पालन कीयाना इंजी मांग कीयाना अनि शांति काजे कोशिश किसोर मंदाना। ओरु मावा संगे लड़ेमातेके माटू ओरकिन पूराए खत्म कीसियाकोम। पोल्लो इद्रमे मंता: ओरु मावा पोरो हमला कीतेके माटू ओरकिन खत्म कित्तादे मंता अस्केने ओरकिन शांति दोरकिंता, माटू ओरा उचुने संख्या किन खत्म कीतेके ओरकिन उचुने शांति दोरकियार, ओरा पूराए खत्म कीतेके ओरकिन पूरा शांति दोरकियार। चीन ता समस्यांग वेल्ले मुश्किल मंतांग ओसो मावा दिमाग किन वेने उचुन इव समस्यांग किन हल कियाला लेक्का बनेमायना। ओरु लड़ाई शुरू कीतेके ओरा जवाब ते माटू वेने लड़ेमायकोम, शांति काजे लड़ेमायकोम। बस्के एवनल माटू मुक्त इलाकंग पोरो आक्रमण कीयाना हिम्मत कीयाना प्रतिक्रियावादिरा पोरो जोरदार हमला कीवोम अस्के एवनल शांति वाया परवोए।

उचुन कामरेड्स माटू मना आठ मुक्त इलाकंग किन बारांकु विडसना इंजी पूछेमांतोर?<sup>5</sup> इव आठ इलाकांग किन विडसना निज्जमे वेल्ले दुक्कम ता पोल्लो मंता, मति इद्रम कीयानादे बेस आयार। इद दुक्कम ता पोल्लो बारांकु मंता? बारांकु इत्तेके इव मुक्त इलाकांग किन जनता तन्ना हेपूर-नेतुर

पोंगी कीसि बने कीतांग अनि तम्मा वेल्ले मेहनत ते निर्माण कीतांग। अदिन काजे बव इलाकांग किन माटू विड़सा मंतोम अगा जनता किन माटू पोल्लोंग स्पष्ट किया लागिअर, अगा सब्बे रकम ता सुविधा किया लागिअर। माटू अव इलाकांग किन बारांकु विड़सना? बारांकु इत्तेके माटू इद्रम कीवेके क्वोमिंगतांग किन शांतिए दोरको आयाअर। ओरु नानकिंग वापिस दाया मंतोर मति दक्षिण ता उचुक मुक्त इलाकांग ओराए गरे मंतांग ओसो ओरा तम्माए दुवार ते मंतांग। बस्के एवनल माटू अगा मंतोम अस्के एवनल ओरु शांति ते हुंजा परवोर आयनूर अनि अविना काजे मावा बद्रमाई लड़ेमायनूर। इद्रम माटू छूट हीतेके क्वोमिंगतांग ता गृहयुद्ध ता साजिश किन नाकाम कियाला ओसो देश-विदेश ता गिनती हिल्ला मध्यवर्ती माने कुना समर्थन दोरकी कियाला मदद दोरकियअर। शिनह्वा समचार-एजेन्सी किन विड़चसी इंजे चीन लोप्पा सब्बे प्रचार साधनकु क्वोमिंगतांग ता कब्जा ते मंतांग। अवु सब्बे गलत प्रचार कीयाना कारखाना आंदू वर्तमान समझौता वार्ता ता बारे ते ओरु कम्युनिस्ट पार्टी किन सिर्फ प्रदेश जरूरत मंता अदु बदे छूट हीवो इंजी गलत प्रचार कित्तोर। मना नीति जनता ना बुनियादी हितकुना रक्षा कीयानादु मंता। जनता ना बुनियादी हित कुन नुकसार कियवा मंदाना उसूल किन पालन किसोरे शांति ओसो जनवाद ता बदला ते पूरा देश ता जनता किन जरूरत कुना छूट हियाना अनुमति मंता। च्यांग काई शेक संगे वार्ता कीयानास्के माटू मुन्ने वेने छूट हीताद मंता, असल इत्तेके नेटुक ज्यादा बेहरा छूट वेने हीताद मंता। 1937 ते राष्ट्रव्यापी प्रतिरोध-युद्ध किन साकार रूप हियाला काजे माटू खुद “मजदूर-किसान लोरा क्रांतिकारी सरकार” ता पोरोल विड़सतोम अनि मना लाल सेना ता पोरोल बदली कीसि “राष्ट्रीय क्रांतिकारी सेना” इंजी तास्तोम। जमींदार लोरा जमीन जब्त कियाला मना नीति किन बदले कीसि लगान ओसो सूद कम कीयाना नीति ता रूप हीतोम। इंजे दक्षिण ता उचुन इलाकांग किन छूट हीसी माटू पूरा देश ओसो पूरा दुनिया ता जनता ना मुन्ने क्वोमिंगतांग ता गलत प्रचार कुना पूरा पर्दाफाश कित्तोम। सशस्त्र सेना ता समस्या ना बारे ते वेने इदे पोल्लो लागू आंता। क्वोमिंगतांग

कम्युनिस्ट पार्टी सिर्फ बंदूक काजे ऊंदना-पिड़ंगना किया मंता इंजी गलत प्रचार कित्ता। मति माटू छूट हियाला तैयार मंतोम इंजी मुन्ने वेहची मत्तोमा मुन्ने माटू मना कमान ते मत्ता सशस्त्र सेना किन कम कीसि 48 डिवीजन एवनल तासना इंजी प्रस्ताव तास्तोमा क्वोमिंगतांग ता 263 डिवीजनकु मंतांग। इत्तेके मना कुल ताकत छठवी हिस्सा आयार। पेरके माटू ताना लोप्पा ओसो ज्यादा कम कीसि सिर्फ 43 डिवीजने तासना प्रस्ताव पेश कित्तोम, इदु कुल मिले कीसि लगभग सातवा हिस्सा आंता। ताना पेरके क्वोमिंगतांग तन्ना ताकत किन घटे कीसि 120 डिवीजन कियार इंजी इत्ता। अदु घटे कीतेके माटू वेने मावा ताकत किन घटे कीसि 24 लेवेके 20 डिवीजन कियाकोम इंजी इत्तोम, इद्रम कीतेके कुल ताकत सिर्फ सातवा हिस्सा आयार इंजी इत्तोमा क्वोमिंगतांग सेना लोप्पा अधिकारिरा संख्या सैनिक लोरा संख्या ता जरूरत हिल्वाए ज्यादा मंता ओसो उंदी डिवीजान ता सैनिक लोरा संख्या 6,000 तुकू कम मंता। ओरा संख्या अनुसार माटू मना 12 लाख सैनिक लोरगडल 200 डिवीजन बने किया परितोम। मति माटू इद्रम कीवोम। अदिन काजे क्वोमिंगतांग इंजे बाताले इंदा परवो अनि तन्ना कित्ता सब्बे गलत प्रचार कु गलत साबित आतांग। इत्तेके माटू मावा बंदूक क्वोमिंगतांग किन सौंपे किया मंतोम? आयो, इद्रम वेने आयो! माटू मावा बंदूक ओरकिन सौंपे कीतेके, क्वोमिंगतांग ता हथियार ज्यादा आयो या? जनता ना हथियार किन ओरा हर बंदूक ओसो हर गोली किन संबले कीसि तासा लागियर, अविन दूसरोरा कैदे हियानायो।

इवु पोल्लोंग नन्ना वर्तमान परिस्थिति ता बारे ते मना कामरेड्स किन वेहला आल्सा मंताना। इदिना विकास तल बचोनो अन्तरविरोध मत्ता लेक्का दिसिंता। क्वोमिंगतांग ओसो मावा पार्टी नड्मा समझौता वार्ता आत्तादु मंता, ताना लोप्पा उचुक सवालकु ना बारे ते समझौता बारांकु आत्ता ओसो उचुक सवालकुना बारेते समझौता बारांकु आया परवो आत्ता? लास्ट ते इंजे वेने असल ते लड़ाई ताकसोर मंदानास्के “वार्ता ता सारांश” लोप्पा शांति ओसो एकता ता पोल्लोंग बारांकु कित्ताद मंता? उचुन कामरेड्स इद्रम ता अन्तरविरोध किन समझेमायोर आंतोर। नन्ना इगा

वेहता पोल्लोग सवाल कुना उत्तर हियाला काजेए वेहताना उचुन कामरेड्स हमेशाए कम्युनिस्ट विरोधी ओसो जन-विरोधी मत्ता च्यांग काई शेक संगे माटू समझौता वार्ता कियाला काजे बारांकु तैयार आयना इंजी समझेमायोर आंतोर। मना पार्टी ता सातवीं कांग्रेस लोप्पा क्वोमिंगतांग तन्ना नीति बदले कीतेके माटू ओरा संगे समझौता वार्ता कियाला तैयार मंतोम इंजी कित्ता फैसला सही मंता या गलत? इद फैसला एकदम सही मंता। चीनी क्रांति उंदी दीर्घकालीन क्रांति मंता अनि जीत सिर्फ तीरम-तीरमे दोरका परंरिता। चीन ता वायना कालम मना कोशिश कुना पोरो आधार आसी मंता। परिस्थिति लगभग 6 महीनांग एवनल बदलेमासोरे मंदियार। इदिन पूरा देश ता जनता ना हित ते विकास कीयाना दिशा ते ओयला काजे माटू डबल कोशिश किया लागियार।

इंजे मना काम ता बारे ते उचुक पोल्लो वेहकाना। इगा मत्ता उचुन कामरेड्स मोर्चा ते दायनूर। वेल्ले कामरेड्स गिर्दा ते मोर्चा लोप्पा हंजी काम कियाला काजे वरोर-दूसरो ना संगे पोटी वाटा मंतोर, सक्रियता ओसो जोश ता इद भावना वेल्ले मोला ता मंता। मति उचुन कामरेड्स बचोनो मुश्किल कुना हल कीयाना बगिल ध्यान हीवोर आंतोर अनि मोर्चा ते हर काम वेल्ले हल्को मंदियार ओसो अगा येनान तुकू वेल्ले बेस मंदियार इंजी आल्संतोर। इद्रम आल्सानोर वेने मंतोरा? नावा हिसाब ते पक्का मंदानूर। इद्रम कामरेड्स किन ओरु तम्मा गलत विचार कुन सुधरे कीयाना इंजी नन्ना सलाह हियाकाना। बोराई बेगाने दांतोर इत्तेके काम कियालाए दांतोर। असल ते अद काम बाताल आंदू? काम वेने उंदी संघर्षे आंदू। अव जागा ने मत्ता मुश्किलकु ओसो समस्यांग किन मनम दूर कीयाना ओसो हल कीयाना। माटू तिप्पल कुन दूर कियाला काजे अगा काम कीयाना ओसो संघर्ष कियाला दांतोम। वरोर बेसता कामरेड ज्यादा मुश्किल मत्ता जागा ते दायला काजे गिर्दा ते मंदितोर। इद्रम ता जागा ने काम कीयाना वेल्ले मुश्किल मंता। कठीन काम उंदी बोजा लेक्का मावा मुन्ने वांता अनि माकिन मावा हड्डा पोरो अदिन कांजना हिम्मत मंता या हिल्ले इंजी चुनौती हींता उचुन बोजा हल्को मंता ओसो उचुन वेल्ले मंदिता। उचुन मुल वेल्ले



बोजा आयवा हल्को बोजा कांजला विचार कींतोर, ओरु हल्को बोजा खुद तेहिंतोर ओसो वेल्ले बोजा दूसरोरा तल्ला पोरों वाटितोर, इद्रम कीयानादु गलत रुझान मंता। उचुन कामरेड्स दूसरा रकम तोर मंदितोर, ओरु सुख-सुविधांग किन दूसरोरा काजे विडिसिंतोर अनि खुद बोजा तेहला तैयार आंतोर, इद्रम तोर मुश्किल कुन झेलेमायला सबसे मुन्ने वांतोर अनि सुख-सुविधांग काजे पेरके मंदितोर। इद्रम तोरे बेसता कामरेड्स मंदितोर। ओरा कम्युनिस्ट विचार तल माटू सब्बे तोर करियाना।

वेल्ले स्थानीय कार्यकर्ता लोर तम्मा पुटता भूमि किन विडचसी मोर्चा ते दांतोर। अनि येनान तल वासी दक्षिण ते मंदाना वेल्ले कार्यकर्ता लोर वेने मोर्चा ते दायनू। मोर्चा ते दायना सब्बे कामरेड्स उंदी बेरा अगा एवतेके ओरु तम्मा विज्जा वाटसी पूयना-पंडना इंजी मानसिक रूप ते तैयार मंदाना। माटू कम्युनिस्ट विज्जा लेक्का मंदितोम अनि जनता मना काजे भूमि लेक्का मंदिता। माटू बेगा दांतोम अगा जनता संगे एकता कीयाना, जनता नडमा मनम मोदोल वाटना अनि ओराए नडमा पूयना-पंडना। मना कामरेड्स बेगा दांतोरो अगा जनता ना संगे बेसता संबंध बने कीयाना। हर रकम ता ध्यान तासना अनि ओरा तिप्पल किन दूर कीयाना ओरा समस्यांग किन हल कियाला मदद कीयाना। माटू जनता ना संगे एकता कीयाना, बचोनो ज्यादा लोकुरा संगे माटू एकता कींतोम अचोने बेस आयार। साहस संगे जनता किन गोलबंद कीयाना अनि जनता ना ताकत ता विस्तार कीयाना। इद्रम कीतेके मना पार्टी नेतृत्व ते आक्रमणकारि किन हारे किया परितोम अनि उंदी पूना चीन ता स्थापना किया परितोम। इदे नीति किन मना पार्टी ता सातवी कांग्रेस पास कित्ता।<sup>6</sup> मनम इदिन लागू कियाला पूरा कोशिश कीयाना। चीन तम्मा समस्यांग किन हल कियाला काजे कम्युनिस्ट पार्टी ओसो जनता पोरो आधार आसी मंता। शांति ओसो जनवाद दोरकी कियाला काजे मावागा संकल्प ओसो तरीकांग रेंडासी मंतांग। माटू पूरा जनता संगे ओसो ज्यादा मजबूती ते एकताबद्ध आतेके चीन ता समस्यांग पोरो सही तरीका ते काम कियमूडायार।

दूसरी विश्वयुद्ध पेरके टा दुनिया ता वायना कालम वेहच ते मंता। इदु उंदी आम रुझान मंता। लंदन ते ताकना पांच शक्ति ना विदेश मंत्रिा सम्मेलन विफल आयना<sup>7</sup> इत्तेके तीसरा विश्वयुद्ध शुरू आयना लेक्काने मंता या? इद्रम हिल्ले। उचुन आल्साटू, दूसरा विश्वयुद्ध ता तुरंत पेरके तीसरा विश्वयुद्ध बद्रम ताका परिंता? पूंजीवादी ओसो समाजवादी देश इंजे बचोनो अन्तरराष्ट्रीय समस्यांग ना बारे ते समझौता कियानुंग, बारंकु इत्तेके समझौता कीयाना लोप्पा ओरा काजे फायदा मंता।<sup>8</sup> पूरा दुनिया ता सर्वहारा वर्ग ओसो जनता सोवियत-विरोधी ओसो कम्युनिस्ट विरोधी युद्ध ता दृढ़ता ते विरोध कींता। हत्ता तीस साल लोप्पा रेंडु विश्व युद्ध ताकतांग। पहली विश्वयुद्ध ओसो दूसरा विश्वयुद्ध नइमा 20 साल तुकू ज्यादा टाईम ता अंतर मत्ता। मानव जाति ता इतिहास ता पांच लाख साल लोप्पा सिर्फ हत्ता 30 साल लोप्पाने विश्वयुद्ध आतांग। पहली विश्वयुद्ध पेरके दुनिया वेल्ले विकसित आत्ता। दूसरा विश्वयुद्ध पेरके दुनिया पक्का ओसो ज्यादा विकसित आयारा। पहली विश्वयुद्ध पेरके सोवियत संघ ता जन्म आत्ता अनि पूर दुनिया ते बीस तुकू ज्यादा कम्युनिस्ट पार्टिंग ना स्थापना आत्ता। इव सब्बे मुन्ने हिल्ला मत्तांग। दूसरा विश्वयुद्ध पेरके सोवियत संघ मुन्ने तुकू बचोनो ज्यादा शक्तिशाली आत्ता। योरोप पूराए बदलेमातू, दुनिया ता सर्वहारा वर्ग ओसो जनता ना राजनीतिक चेतना ता स्तर मुन्ने तुकू बचोनो ज्यादा पोरो तेदता। पूरा दुनिया ता प्रगतिशील ताकतकु मुन्ने तुकू बचोनो ज्यादा मजबूती ते एकताबद्ध आत्ता। मावा चीन वेने वेल्ले स्पीड ते वेल्ले बदलेमाया मंता। चीन ता विकास ता आम रूझान वेने पक्का विकास ता बगिले मंता, विनाश बगिल आयो। दुनिया प्रगति बगिल दाया मंता, अदिना वायना कालम वेहच तेने मंता अनि इतिहास ता इद आम रुझान किन बोरे बदले क्रिया परबोर। माटू जनता नइमा दुनिया ता विकास ता बारे सच्चाई ओसो दुनिया ता पिस्वल वेहच ते मत्तादिना बारे ते लगातार प्रचार कीसोर मंदाना। अस्के ने ओरा लोप्पा जीत पोरो विश्वास पुटियारा। संगे ने माटू जनता किन ओसो मना कामरेड्स किन मना हर्षी उंदी विंकोवंको वंगसी मत्ता हर्षी मंता इंजी वेने वेहना। क्रांति ता हर्षी ते इंजे वेने

वेल्ले बाधांग ओसो तिप्पलकु मंतांग। मना पार्टी ता सातवी कांग्रेस ता विचार मना किन वेल्ले तिप्पलकुना सामना क्रिया लागियर, बारांकु इत्तेके माटू कम तिप्पलकु आयवा ज्यादा तिप्पल कुना सामना क्रिया लागियर इंजी आल्सनादु बेस इंजी आल्सतोमा उचुन कामरेड्स तिप्पल कुना बारे ते ज्यादा आल्सोर आंतोर। मति तिप्पलकु वेने सच्चाई मंदितांग, बचोन तिप्पलकु मंतांग अविन सब्बेटाविन माटू मानेमायना अनि “मानेयमायवा मंदाना नीति” लागू कीयानायो। माटू तिल्लपकुन मानेमायना अविना विश्लेषण कीयाना अनि अविना खिलाफ संघर्ष कीयाना। दुनिया लोप्पा सीधा हरीं बेगाने हिल्ले, माटू विंकोवंको हरीं पोयला तैयार मंदाना अनि मुफ्त ते सफलता दोरकी क्रियाला कोशिश कीयानायो। बदे दिव्या नरकुम सब्बे प्रतिक्रियावादिर तम्मा तल्ला वरहानूर इंजी आल्सनायो। संक्षेप ते वेहना इत्तेके मना वायना कालम वेहच ते मंता मति मना हरीं विंकोवंको मंता। इंजे वेने मना मुन्ने वेल्ले तिप्पलकु मंतांग, इविन नगडल माटू कोंडा पीहचि मनमुडु आया परवोमा। पूना जनता संगे एकता कीसि, मना सब्बे कोशिश कुना संगे जरूर सब्बे मुश्किल कुना पोरो काबू क्रिया परितोम अनि जीडा परितोम।

## नोट

- 1) इगा “वार्ता ता सारांश” ता बारे ते रास्ताद मंता। इदिन “10 अक्तूबर समझौता” वेने इंतोर। इद सारांश पोरो क्वोमिंगतांग ओसो चीनी कम्युनिस्ट पार्टी ता प्रतिनिधि लोर 10 अक्तूबर 1945 ते साईन कितोर। च्यांग काई शेक किन इद सारांश लोप्पा चीनी कम्युनिस्ट पार्टी पेश कित्ता “शांति पूर्ण राष्ट्रीय पुनर्निर्माण ता बुनियादी नीति” किन स्वीकार कीयाना दिखावा क्रिया लागता। अनि “शांति, जनवाद, एकता ओसो एकीकरण पोरो आधार आसी दीर्घकालीन सहयोग कीयाना, गृहयुद्ध किन दृढता ते रोमी कीयाना ओसो उंदी स्वाधीन, स्वतंत्र, समृद्ध अनि शक्तिशाली पूना चीन ता निर्माण कीयाना” पोल्लो किन मंजूर क्रिया लागता। ओसो “राजनीतिक पिस्वल ता जनवादीकरण, सेनांग ना राष्ट्रीयकरण अनि राजनीतिक पार्टिंग ना समानता, वैधता (कानूनी) किन शांतिपूर्ण राष्ट्रीय पुनर्निर्माण काजे वेल्ले जरूरी तरीका” इंजी मानेमाया लागता। ओरु क्वोमिंगतांग ता राजनीति किन जल्दिए खत्म कीयाना

आयार इंजी उंदी राजनीतिक सलाहकार सम्मेलन केयना आयार इंजी, “सब्बे जनवादी देशकुना जनता शांतिकाल ते लागू कीयाना मानेय, विश्वास, भाषण, प्रेस, सभा ओसो संगठन ता आजादी ता गारंटी कीयाना इंजी ओसो इदे उसूल पोरो आधार आसी वर्तमान कानून ओसो आदेशकुन रद्द कीयाना लेवेके अदिना लोप्पा संशोधन कीयाना” इंजी मानेमाया लागता। खुफिया विभाग किन खत्म कीयाना, “न्यायपालिका ओसो पुलिस किन विडचसी बाकी सब्बे संगठन कुन, जनता किन गिरफ्तार कीयाना, ओरा मुकदमा ना सुनवाई कीयाना ओसो ओरकिन सजा हियाना ता सख्त मना कीयाना”, “राजनीतिक बंदिर किन रिहा कीयाना”, “सक्रियता ते स्थानीय स्वायत्त शासन पोरो अमल कीयाना ओसो दोड़ ता स्तर तल पोरोटा स्तर कुना बगिल आम चुनाव कीयाना”, लेक्काटविन वेने मानेमाया लागता। मति च्यांग काई शेक सरकार जन सेना ता कानूनी रूप ते ओसो मुक्त इलाकांग ना जनवादी सरकार कुन कानूनी रूप ते मान्यता हियाला इनपड़े इनकार कितोर अनि “फौजी कमान ता एकीकरण कीयाना” ओसो “सराकारी प्रशासन ता एकीकरण कीयाना” ता बहाना ते चीनी कम्युनिस्ट पार्टी ता नेतृत्व ते काम कीयाना जन सेना किन ओसो मुक्त इलाकांग किन मोदोल तिंची खत्म कीयाना विफल कोशिश कितोर, अद्रमासी इदिना बारेते बदे समझौता आया परवो आत्ता। “वार्ता ता सारांश” ता उचुक अंशकु दोड़ हिया मंतोम, अविना लोप्पा मुक्त इलाकांग ना सशस्त्र सेनांग ओसो राजनीतिक सत्ता संबंध ते सवालकुना बारे ते आत्ता समझौता वार्ता ता चर्चा कित्ताद मंता, “सारांश” लोप्पा वात्ता इंजेटा “सरकार” शब्द ता अर्थ च्यांग काई शेक ना क्वोमिंगतांग सरकार आंदू।

“सेनांग ना राष्ट्रीयकरण ता बारे ता। चीनी कम्युनिस्ट पार्टी फौजी कमान ता एकीकरण कीयाना उद्देश्य ते सरकार पूरा देश ता सशस्त्र सेनांग न्यायिक ओसो सही तरीका ते पुनर्गठन कीयाना, इद काम किन मंजिल-दर-मंजिल पूरा कीयाना कार्यक्रम बने कीयाना, फौजी इलाकांग किन पूना शुरूआत कीयाना ओसो अनिवार्य रूप ते भर्ती ओसो नुकसान निहना व्यवस्था कीयाना इंजी प्रस्ताव पेश कित्ता। चीनी कम्युनिस्ट पार्टी इद्रम ता कार्यक्रम बने कीतेके अदु तन्ना कमान ते मत्ता जापान विरोधी फौज कुन घंटे कीसि 24 चौबीस डिविजन एवनल लेवेके कम से कम बीस डिविजन एवनल सीमित कीयाना, अनि क्वांगतुंग, चच्यांग, दक्षिणी च्यांगसू, दक्षिणी आनह्वेइ, मध्य आनह्वेइ, हुनान, हुपे ओसो हनान (इगा उत्तरी हनान शामिल हिल्ले) ता आठ इलाकांग लोप्पा फैलेमासी मत्ता तन्ना फौज कुना विसैन्यीकरण (सेना ता पुनर्गठन) कियाला काजे तुरंत कार्रवाई कियाला तैयार मंता इंजी इत्ता। पुनर्गठन कित्ता फौज कुन तीरम-तीरम मत्ता इलाका तल गुचिह कीसि लुंगह्वाएरेलवे ता उत्तर ते मत्ता मुक्ता इलाकांग लोप्पा ओसो उत्तरी च्यांगसू ओसो उत्तरी आनह्वेइ ता मुक्त इलाकांग लोप्पा जमा कियमूडायरा सरकार देशव्यापी स्तर ते फौज कुना

पुनर्गठन ता कार्यक्रम लागू आया मंता इंजी वेहता। वर्तमान समझौता वार्ता लोप्पा तेहता सब्बे सवाल कुन हल कितीके सरकार चीनी कम्युनिस्ट पार्टी ता नेतृत्व ते ताकना जापान विरोधी फौज कुन घटे कीसि बीस डिवीजन कुने पुनर्गठन कीयानादिना पोरो आल्सला तैयार मंता इंजी वेहता। फौज किन तैनात कीयाना बारे ते सरकार चीनी कम्युनिस्ट पार्टी आल्सना ओसो निर्णय कियाला काजे तन्ना योजना पेश किया पर्रिता इंजी इत्ता। चीनी कम्युनिस्ट पार्टी ओसो अदिना स्थानीय फौजी कर्मचारिंर किन राष्ट्रीय फौजी परिषद ओसो अदिना अलग-अलग विभाग कुना काम लोप्पा शामिल आयना, सरकार वर्तमान कर्मचारी व्यवस्था किन शुरू तासना अनि वर्तमान कर्मचारिंर किन पुनर्गठित युनिट कुना लोप्पा अलग-अलग पद कुने नियुक्त कीयाना। पुनर्गठन पेरेके नियुक्त कीवा मत्ता अफसर लोरकिन अलग-अलग इलाकांग लोप्पा ट्रेनिंग हियाला काजे लोहना, खाली जागा किन निहतला काजे उंदी न्यायिक ओसो सही योजना बने कीयाना, राजनीतिक शिक्षा काजे उंदी योजना जरूर बने कीयाना इंजी प्रस्ताव पेश कित्ता। सरकार इव प्रस्ताव कुना पोरो बदे असहमति हिल्ले इंजोरे इविना पोरो विस्तार ते विचार-विमर्श कियाला तैयार मंता इंजी वेहता। चीनी कम्युनिस्ट पार्टी मुक्त इलाकांग ना सब्बे मिलिशिया किन स्थानीय आत्मरक्षा कोर लेक्का संगठित कीयाना इंजी प्रस्ताव तासता। सरकार इंद्रम ता संगठन ता बेगा जरूरत मंता लेवेके इदिना अनुमति मंदांना जागा ते स्थापित कीयाना इंजी वेहता। इदु अनुच्छेद लोप्पा रास्ता सब्बे सवाल कुना बारे ते ठोस योजना ता उंदी ग्रुप बने कीयाना, ताना लोप्पा राष्ट्रीय फौजी परिषद ता फौजी कार्रवाई दस्ता, युद्ध मंत्रालय ओसो 18 वी ग्रुप-सेना ता वरोर-वरोर प्रतिनिधि मंदांना।”

“मुक्त इलाकांग ना स्थानीय सरकार कुना बारे ते। चीनी कम्युनिस्ट पार्टी सरकार किन, मुक्त इलाकांग ना आम जनता चुने कित्ता सब्बे स्तर ता सरकार कुन कानूनी मान्यता हियान इंजी प्रस्ताव तासता। सरकार जापान आत्मसमर्पण कीतांकु मुक्त इलाकांग लेक्काटा पोल्लो इंजे पाइना आंता, पूरा देश ता सरकारी प्रशासन ता एकीकरण कीयाना इंजी वेहता। चीनी कम्युनिस्ट पार्टी शुरू ते पेश कित्ता फार्मुला अठारह मुक्त इलाकांग ना पिस्वल ता वेहच ते प्रांतीय ओसो प्रशासनीक इलाकांग किन शुरू तले तय (निर्धारित) कीयाना, सरकारी प्रशासन ता एकीकरण कियाला काजे अदु आम जनता ना चुने कित्ता अलग-अलग स्तर ता सब्बे स्थानीय सरकार कुना कर्मचारिंरा सूची पेश कियार, अविन केंद्रीय सरकार दुबारा चुने कियार इंजी मत्ता। सरकार केंद्रीय सरकार, अध्यक्ष च्यांग श्री माओ किन वेहता लेक्का पूरा देश लोप्पा फौजी कमान ओसो सरकारी प्रशासन ता एकीकरण कित्ता पेरेके चीनी कम्युनिस्ट पार्टी नामांकन प्रशासनिक कर्मचारिंरा बारे ते आल्सियर इंजी वेहता। सरकार प्रतिरोध युद्ध ताकनास्के दुश्मन तल वापिस पोयता इलाकांग लोप्पा काम

किता प्रशासनिक कर्मचारिा योग्यता ओसो सेवा रिकार्ड किन ध्यान ते तासिसी ओरु सही पद ते मंदांना (ओरु बदे वेने पार्टी ता सदस्य मत्केकाई) पोरो ध्यान हियार इंजी वेहता। ताना पेरके चीनी कम्युनिस्ट पार्टी उंदी दूसरा फार्मुला पेश किता - ताना लोप्पा केंद्रीय सरकार शेनशी-कानसू-निंगश्या सीमांत इलाका ओसो जेहोल, छाहाइ, हपे, शानतुंग ओसो शानशी प्रांतकुना प्रांतीय सरकार कुना अध्यक्ष, सदस्य लोरा पद पोरो चीनी कम्युनिस्ट पार्टी वेहता मानेय किन नियुक्त कीयाना, स्वेध्वान, हनान, च्यांगसू, आनह्वेइ, हुपे ओसो क्वांगतुंग इलाका ना प्रांतीय सरकार लोप्पा उपाध्यक्ष, सदस्य पद ते चीनी कम्युनिस्ट पार्टी वेहता मानेय किन नियुक्त कीयाना (बारांकु इत्तेके पोरो वेहता 11 प्रांत लोप्पा बेहरा मुक्त इलाकांग ओसो अविना हिस्सांग फैलेमासी मंतांग) इंजी मत्ता। चीनी कम्युनिस्ट पार्टी पेफिंग, थ्येनचिन, छिंगताओ ओसो शांघाई इव नालुंग विशेष म्युनिसिपलटिंग लोप्पा उप-मेयर पद पोरो चीनी कम्युनिस्ट पार्टी नामांकन किता मानेय किन नियुक्त कीयाना अनि उत्तर-पूर्वी प्रांत ता प्रशासन ते चीनी कम्युनिस्ट पार्टी नामांकन किता मानेय किन शामिल कीयाना इंजी वेने प्रस्ताव तासता। इदिना बारेते वेल्ले बहस आत्ता पेरके चीनी कम्युनिस्ट पार्टी इगा वेहता प्रस्ताव लोप्पा फेरबदल कीसि तन्ना नामांकन किता मानेय किन शेनशी-कानसू-निंगश्या सीमान्त इलाका ओसो जेहोल, छाहाइ, हपे ओसो शानतुंग प्रांत ता प्रांतीय सरकार कुना अध्यक्ष ओसो सदस्य नियुक्त कीयाना, शानशी ओसो स्वेध्वान ता रेंडु प्रांतीय सरकार कुना उपाध्यक्ष ओसो सदस्य नियुक्त कीयाना। पेफिंग, थ्येनचिन ओसो छिंगताओ इव विशेष म्युनिसिपलटिंग ना उप-मेयर नियुक्त कीयाना इंजी प्रस्ताव पेश किता। इदिना जवाब ते सरकार इत्ता - उंदी बगिल बेगा चीनी कम्युनिस्ट पार्टी प्रतिरोध युद्ध ताकनास्के महत्वपूर्ण काम किता ओसो प्रशासनिक योग्यता मत्ता तन्ना सदस्य लोर किन नियुक्त कियाला काजे सरकार तिगा नामांकन किया परिता अगा तीनी कम्युनिस्ट पार्टी बदे प्रांतीय सरकार ता अध्यक्ष, सदस्य लेवेके उपाध्यक्ष लेक्का तन्ना वेहता मानेय कुना पोरो जोर हीतेके इदु फौजी कमान ओसो सरकारी प्रशासन ता एकीकरण कियाला काजे जोर हीतेके इदिन निज्जमे जीवा कीसि कोशिश किता इंजी इनमूडायो आयारा। इद्रम इत्तास्के चीनी कम्युनिस्ट पार्टी तन्ना दूसरा प्रस्ताव वापिस पोयसि अनि तीसरा फार्मुला पेश किता। अदु मुक्त इलाकांग लोप्पा जनता चुने किता सब्बे स्तर ता वर्तमान सरकार कुना ओसो उंदी बेरा चुनाव कीयाना इंजी सलाह हीता। सब्बे राजनीतिक पार्टिंग ना सदस्य ओसो अलग-अलग व्यवसाय कुना लोकुरा स्वागत कीयाना इंजी वेने सलाह हीता। वीरु लोकुर तम्मा पुटता भूमि ते मलसी हंजी राजनीतिक सलाहकार सम्मेलन वेहता लोकुरा देखरेख ते चुनाव लोप्पा हिस्सा एतना इंजी वेहता। बद काउंटी लोप्पा आधा तुकू ज्यादा जिलांग ओसो श्यांग कुना जनता मुन्ने आम चुनाव सम्पन्न किता, अगा काउंटी स्तर ता आम चुनाव कीयाना।

अद्रमे बद प्रान्त लेवेके प्रशासनिक इलाका लोप्पा आधा तुकू ज्यादा काउन्टिंग ना जनता मुन्ने आम चुना सम्पन्न किता, अगा प्रांतीय लेवेके प्रशासनिक इलाका स्तर ता आम चुनाव कीयाना। सरकारी प्रशासन ता एकीकरण ता हित ते इद्रम ता प्रांतीय, प्रशासनिक इलाकांग ओसो काउंटी सरकार कुना काजे चुने मायना सब्बे अफसर पोरोलकु लोरा नियुक्ति ता बारे ते वेहला काम केंद्रीय सरकार ते लोहना। सरकार प्रांत ओसो इलाका लोप्पा कीयाना नियुक्तिंग ना बारे ते सरकार वेहना फार्मूला सरकारी प्रशासन ता एकीकरण ता हित हिल्ले इंजी जवाब हीता। सरकार काउंटी अफसर लोरा आम जनता चुनाव कीयाना पोरो विचार किया परिता, मति प्रांतीय सरकार कुना आम जनता चुनाव सिर्फ राष्ट्रीय संविधान ता घोषणा आत्तास्के, प्रांत ता हिसाब ते तय कितास्केने किया परमूडांता। इंजे प्रांतीय सरकार कुना सिर्फ केंद्रीय सरकार नियुक्त किता अफसर लोरे तम्मा पद सम्भाले कीयाना, अस्केने दुबारा दोरकी किता इलाकांग लोप्पा जल्दी-जल्दी परिस्थिति किन शांत किया परमूडायारा। इदिना पोरो चीनी कम्युनिस्ट पार्टी चौथा फार्मूला पेश किता- बस्के एवनल आम जनता प्रांतीय सरकार कुना चुनाव कियाला काजे कानूनी व्यवस्था कियमूडायो ओसो अदिना पोरो अमल कियमूडायो अस्के एवनल सब्बे मुक्त इलाकांग लोप्पा परिस्थिति किन सुधरे कियमूडायो ओसो इंजे शांति पूर्ण व्यवस्था ता पुनस्थापना ता गारंटी कियाला काजे अस्थाई रूप ते व्यवस्था किया परमूडायो। संगे ने चीनी कम्युनिस्ट पार्टी इद विशिष्ट समस्या किन हल कियाला काजे इदे राजनीतिक सलाहकार सम्मेलन किन सौंप कीयाना इंजी वेहता। सरकार सरकारी प्रशासन ता एकीकरण पोरो मुन्ने ने अमल कीयाना, बारांकु इत्तेके इद समस्या किन हल कियवा विडसतेके शांति पूर्ण पुननिर्माण काजे बाधा बने मायार इंदाना पोल्लो पोरो जोर हीता ओसो सरकार इद समस्या ता बारे ते जल्दीए उंदी ठोस फार्मीला मंजूर कियार इंजी वेहता। चीनी कम्युनिस्ट पार्टी ओसो ज्यादा विचार-विमर्श कीयानादु मंजूर किता।”

- 2) छांगिच केंद्र मत्ता शांगतांग शानशी प्रान्त ता दक्षिण-पूर्वी हिस्सा ता पाइना पोरोल आंदू इदिना मेट्टा इलाकांग लोप्पा जापानी आक्रमण विरोधी युद्ध ताकनास्के आठवी राह सेना ता 129वी डिवीजन ता आधार इलाका मत्ता अनि इदु शानशी हपे शानतुंग हनान मुक्त इलाका ता उंदी हिस्सा मत्ता सितम्बर 1945 ते क्वोमिंगतांग युद्ध सरदार येन शी-शान तेरह डिवीजन कुन केंद्रित कीसि जापानी ओसो कठपुतली फौज कुना समन्वय संगे दक्षिण-पूर्वी शानश मुक्त इलाकांग ना श्यांग-य्वान, थुनल्यू ओसो लूछंग पोरो आक्रमण कियाल काजे लिनफन, फूशान ओसो ईछंग तल थाएय्वान ओसो य्वीछि तल उंदी पेरैके उंदी कूच कित्तोरा अक्तूबर ते इद मुक्त इलाका ता सेना ओसो जनता हमला कीयाना सेना पोरो जवाबी हमला किता। अदिना 35,000 सैनिक लोर किन खत्म किता अनि बचोनो उच्च अफसर

लोर किन (तीना लोप्पा कोर लेवेके डिवीजन कमांडर वेने शामिल मतोर) बंदी बने कित्ता।

- 3) इगा चीनी कम्युनिस्ट पार्टी 1927 तल 1945 एवनल क्वोमिंगतांग क्रांति संगे धोखा कित्तास्के क्वोमिंगतांग खिलाफ संघर्ष कीयानास्के दोरकी कित्ता अनुभव ता बारे ता रास्तद मंता।
- 4) “संयुक्त सरकार ता बारे ते” हेडिंग वाले लेख ता भाग 4 लोप्पा “मावा ठोस कार्यक्रम” पोरोल ता परिच्छेद ता दूसरा अनुच्छेद तल रास्ता (“माओ त्सेतुंग ना संकलित रचनांग”, ग्रन्थ 3)।
- 5) इगा क्वांग तुंग, चच्यांग, दक्षिणी च्यांगसू, दक्षिणी आनह्वेइ, मध्य आनह्वेइ, हुनान, हुपे ओसो हनान (इदिना लोप्पा उत्तरू हनान शामिल हिल्ले) ते फैलमासी मत्ता जन सेना ता आधार इलाकांग ना उदाहरण हीताद मंता।
- 6) “चीन ता रेंडु सम्भावित पिस्वल” ओसो “वरोर बकवल मुयतोर, मेड्वांग काहरतोर” (“माओ त्सेतुंग ना संकलित रचनांग”, ग्रन्थ 3) हूडाटू।
- 7) 11 सितम्बर तल 2 अक्तूबर 1945 एवनल सोवियत संघ, चीन, अमेरिका, ब्रिटिश ओसो फ्रांस ता विदेश मंत्रिरा लंडन लोप्पा उंदी मीटिंग आत्ता, ताना लोप्पा इटली, रूमानिया, बुलगारिया, हंगरी ओसो फिनलैंड संगे इवु फासीवादी जर्मन शुरू कित्ता आक्रमणकारी युद्ध लोप्पा शामिल आसी मत्तांग, शांति समझौता कीयाना ता बारे ते ओसो इटालवी उपनिवेश संगे हल कीयाना ता बारे ते विचार-विमर्श कित्तांग। इद मीटिंग लोप्पा बदे समझौता आया परवो आत्ता बारांकु इत्तेके अमेरिका, ब्रिटिश ओसो फ्रांस आक्रमण ता तन्ना साम्राज्यावदी नीति पोरो नितसी मंजी, फासीवादी विरोधी युद्ध ता जीत पेके रूमानिया, हंगरी ओसो बुलगारिया लोप्पा बनेमाता जन-सरकार कुन पलटे कीयाना विफल कोशिश कीतांग अनि सोवियत संघ परिस्थिति इसाब ते पेश कित्ता सही प्रस्ताव कुन माने मायो।
- 8) इदे ग्रन्थ लोप्पा “वर्तमान अन्तरराष्ट्रीय परिस्थिति ता मूल्यांकन ता बारे ते उचुक पोल्लोंग” हेडिंग वाले लेख किन हूडाटू।



# क्वोमिंगतांग हमलांग ना असलियत\*<sup>1</sup>

5 अक्तुबर 1945

छुंगकिंग तल 3 नवम्बर ता तन्ना उंदी समाचार लोप्पा यूनाइटेड प्रेस क्वोमिंगतांग ता केंद्रीय कार्यकारिणी कमेटी ता प्रचार विभाग ता निर्देशक ऊ क्वो-चन “इद युद्ध लोप्पा सरकार पूराए रक्षात्मक कार्रवाईए किया मंता” ओसो अदु “कम्युनिकेशन-व्यवस्था किन ओसो शुरू कियाला”<sup>1</sup> काजे उपाय पेश कित्ता इंजी ऐलान कित्तोर इंजी वेहता। शिनह्वा समाचार एजेन्सी ता वरोर पत्रकार इदिन बारे ते चीनी कम्युनिस्ट पार्टी ता प्रवक्ता किन तालकतोर।

चीनी कम्युनिस्ट पार्टी ता प्रवक्ताल पत्रकार किन इद जवाब हीता - ऊ क्वो-चन वेहता “रक्षात्मक कार्रवाई कीयाना” पोल्लो झूठ मंता। पूर्वी चच्यांग, दक्षिणी च्यांगसू, मध्य ओसो दक्षिणई आनह्वेइ ओसो मना सेना गुचता हनान ता पांच मुक्त इलाकांग पोरो अधिकार कीयाना ओसो जनता किन काल दोड़ विहकना आयवा क्वोमिंगतांग क्वांगतुंग, हुपे, हनान, उत्तरी च्यांगसू, उत्तरी आनह्वेइ, शानतुंग ओसो हपे ता मुक्त इलाकांग लेक्का बाकी ज्यादातर मुक्त इलाकांग लोप्पा लेवेके अविन गरे एवनल तम्मा नियमित सेना ता सत्तर तुकू ज्यादा डिबीजनकु एवसी कित्ता, अदु अव इलाकाना जनता किन उत्पीड़ित किया मंता ओसो मावा सेनांग पोरो हमला किया मंता लेवेके हमला कीयाना तैयारिग किया मंता। इदे आयवा

---

\*1 “कामरेड माओ त्सेतुंग तैयार कित्ता स्टेटमेंट चीनी कम्युनिस्ट पार्टी ता प्रवक्ता ना पोरोल ते जारी कित्ताद मत्ता। अस्के एवनल च्यांग कई शेक “10 अक्तूबर समझौता” किन हीकसी मत्तोर अनि मुक्त इलाकांग ना विरुद्ध गृहयुद्ध दिव्या-दिव्या तुकू फैलेमासोर मत्ता।

बीस तुकू ज्यादा दूसरा क्वोमिंगतांग डिवीजनकु मुक्त इलाकांग ना बगिल वाया मंतांग। इदिन रक्षात्मक कार्रवाई इनमूडांता या? चांगते तल उत्तर बगिल वायना आठ क्वोमिंगतांग डिवीजनकु हानतान एवतास्के अविना लोप्पाडल रेंडु गृहयुद्ध ता विरोध कीतांग अनि शांति ता पक्ष एतितांग। अनि बाकी 6 डिवीजनकु (तीना लोप्पा 3 डिवीजनकु अमेरिकी हथियारकुना संगे लैस मत्तांग) किन मुक्त इलाकांग ना सेना ओसो जनता आत्मरक्षा काजे कित्ता जवाबी हमला पेरके मजबूर आसी तम्मा हथियार वाटा लागता। युद्ध इलाका ता उप कमांडर, कोर कमांडर, उप कोर कमांडर संगे इव क्वोमिंगतांग सेनांग ना बचोनो अपसर इंजे मुक्त इलाकांग लोप्पा मंतोरा<sup>2</sup> ओरु बेगाटल वातोर ओरिन हमला कियाला बद्रम आदेश हीताद मंता इंजी साबित किया परितोरा। इदिन वेने रक्षात्मक कार्रवाई इनमूडांता या? हनान ओसो हुपे प्रांत ता मुक्त इलाकांग लोप्पा मावा सेनांग इंजे क्वोमिंगतांग ता पहली, पांचवी ओसो छठवी युद्ध इलाकांग ना बीस तुकू ज्यादा क्वोमिंगतांग डिवीजन कुना घेराव ते मंता ओसो ल्यू त “कम्युनिस्ट लोरा विनाश” ता इनचार्ज प्रधान कमांडर मंतोरा। पश्चिमी, मध्य हनान ओसो दक्षिणी, पूर्वी, मध्य हुपे ते मावा सब्बे मुक्त इलाकांग पोरो क्वोमिंगतांग सेनांग हमला कीतांग अनि अविना पोरो कब्जा कीतांग, अवु बेहरा स्तर ते लगाम हिल्ला किस्स वाटना ओसो हौकना कित्तांकु ली श्येन-ल्येन ओसो वांग शू-शंग ना कमान ते मत्ता सेनांग किन बेगाने जागा दोरकवा लेक्का ओसो तम्मा जीवा पिस्सी कियाला काजे हनान-हुपे सीमान्त इलाका पोरो डेरा वाटला काजे जागा परहकला लागता। मति क्वोमिंगतांग सेनांग अगा वेने ओरा पेरके अरतांग अनि ओरा पोरो हमलांग कीतांदा<sup>3</sup> इदिन वेने रक्षात्मक कार्रवाई इनमूडांता या? शानशी, स्वेय्वान ओसो छाहाड़ प्रांतु कुना लोप्पा वेने इद्रमे आत्ता। अक्तूबर ता शुरू ते येन शी-शान ना आदेश ते तेरह डिवीजनकु मावा शांगतांग मुक्त इलाकांग ना श्यांग य्वान-थुनल्यू इलाका पोरो तरगतांग। आत्मरक्षा काजे लडेमासोरे अगाटा मना सेनांग ओसो जनता ओर सब्बे तोरा हथियार ऊंदसी बंदी बने कित्ता लोकुरा लोप्पा बचोनो कोर कमांडर ओसो डिवीजन कमांडर वेने

मतोर। इंजे ओरु मावा थाएहांग मुक्त इलाका लोप्पा मंतोर। ओरु सब्बे तोर ओरु बेगाटल वातोर ओसो ओरकिन हमला कियाला आदेश बद्रम हीताद मंता इंदाना सच्चाई किन साबित किया परितोर। इंजे ने येन शी-शान छुंग किंग लोप्पा रक-रकम ता झूठ पोल्लोंग ना मदद एतसी बद्रम ओरा पोरो हमला आत्ता ओसो बद्रम ओरु सिर्फ “रक्षात्मक कार्रवाई” कितोर इंजी वेहाना कोशिश कितोर। ओरु तन्ना जनरल 19वी फौजी कोर ता कमांडर श त्से-पो अस्थाई 46वी डिवीजन ता कमांडर क्वो रंग, अस्थाई 49वी डिवीजन ता कमांडर चांग हुंग, 66वी डिवीजन ता कमांडर ली फेइ-इंग, 68वी डिवीजन ता कमांडर क्वो थ्येन-शिग ओसो अस्थाई 37वी डिवीजन ता कमांडर यांग वन-छाए<sup>4</sup>- मावा मुक्त इलाकांग लोप्पा मंतोर ओसो वीरु ऊ क्वो-चन, येन शी-शान ओसो गृहयुद्ध शुरु कीयाना सब्बे बाकी प्रतिक्रियावादी रा बदे वेने अंगडम पोल्लो ता खंडन किया परितोर इंजी मंगगतोर बहे। तन्ना पोरोटा आदेश ते जनरल फू च्वो-ई हत्ता रेंडु महीना तुकू ज्यादा कालम ते स्वेख्वान, छाहाड़ ओसो जेहोल ता मना मुक्त इलाकांग पोरो हमला कितोर अनि उंदी बेरा इतेके ओरु चांगच्याखओ ता ऐन डारवेंडा एवनल नेंगसी मतोर। ओरु मावा पूरा स्वेख्वान मुक्त इलाका ओसो पश्चिम छाहाड़ पोरो कब्जा कितोर। इदिन वेने रक्षात्मक कार्रवाई ओसो “पहली फैरिंग” कीयानायो इंजी इनमूडांता या? छाहाड़ ओसो स्वेख्वान ते मत्ता मना सेनांग ओसो जनता आत्मरक्षा काजे तेदता अनि तम्मा जवाबी हमला लोप्पा बेहरा संख्या ते अफसर लोर ओसो सैनिक लोर किन गिरफ्तार कित्ता<sup>5</sup> आत्मरक्षा ता अलग-अलग लड़ाईंग लोप्पा माटू “डाकू-विनाश” ओसो कम्युनिस्ट विरोधी दस्तावेज कुना बेहरा-बेहरा मूटांग सीज कित्तोम, ताना लोप्पा “डाकू-विनाश निर्देशन पुस्तिका”, “डाकू-विनाश” काजे आदेश<sup>6</sup> ओसो बचोनो कम्युनिस्ट विरोधी दस्तावेजकु शामिल मंतांग। इव सब्बे बेहरा क्वोमिंगतांग अधिकारी जारी कित्ताद मंता मति इविन ऊ क्वो-चन “मजाक” समझेमासी विडस्तोर, इव दस्तावेजकु इंजे येनान लोहो मंतोम। इवु सब्बे दस्तावेजकु क्वोमिंगतांग सेनांग मुक्त इलाकांग पोरो हमलांग कित्तादिना ठोस सबूत आंदू।

शिनह्वा समाचार एजेन्सी ता पत्रकारल इदिना पेरके चीनी कम्युनिस्ट पार्टी ता प्रवक्ताल किन कम्युनिकेशन व्यवस्था किन दुबारा शुरू कीयाना ता बारे ते ऊ क्वो-चन पेश कित्ता उपाय कुना संबंध ते मीटू बाता आल्लिसंतिर? प्रवक्ता ना जवाब- इव उपायकु बाताले हिल्लेंग, ओरा तम्मा डाव वाटना मौका वायना जोम काजे टक्कर किन रोमी कीसि तासना षडयंत्र आंदू। क्वोमिंगतांग ता अधिकारीर बेहरा-बेहरा फौजकु जमा किया मंतोर ओसो फौजकु ना बेहरा संख्या उंदी ऊसा लेक्का मावा सब्बे मुक्त इलाकांग किन मुंडंती कियाला आल्लिसंता। सितम्बर ओसो अक्तूबर ते उंदी पेरके उंदी बचोनो हमलांग विफल आत्ता पेरके ओरु इंजे शुरू तल ओसो ज्यादा बेरा स्तर ते हमलांग कीयाना तैयारिंग किया मंतोर। इव हमलांग किन रोमी कीयाना इत्तेके गृहयुद्ध रोमी कीयाना तरिकांग लोप्पाटल उंदी कारगर तरीका रेलगाड़ी ते वायना फौज किन रोमी कीयानादु मंता। कम्युनिकेशन व्यवस्था किन परताचोन जल्दी शुरू कीयाना कोशिश सब्बे तोर किया मंतोर अद्रमे माटू वेने किया मंतोम मति इद काम जापान ता आत्मसमर्पण स्वीकार कीयाना, कठपुतली सेनांग किन खत्म कीयाना ओसो मुक्त इलाकांग लोप्पा स्वायत्त शासन लागू कित्ता पेरके, इत्तेके इव मूंड समस्यांग किन हल कित्ता पेरके ने आया परियर। बद समस्या मुन्ने हल कीयाना, कम्युनिकेशन ता समस्या लेवेके इव मूंड समस्यांग? मुक्त इलाकांग ना सेना पूरा आठ साल एवनल जापान ता खिलाफ जोरदार ओसो कठोर लड़ाई कित्ता, इद्रम ता परिस्थिति ते ओरकिन जापान ता आत्मसमर्पण स्वीकार कीयाना समस्या लोप्पा अयोग्य मंतोर इंजी बद्रम वेहमूडांता? जापान ता आत्मसमर्पण स्वीकार कियाला काजे जेक-जेक तल वात्ता तिप्पलकु दूसरा सेनांग बारांकु तेहना? कठपुतली सेनांग किन सजा हियाना अधिकार हर नागरिक किन मंता, ओरु सब्बे तोर सेनांग किन “राष्ट्रीय सेना” ता अंग बारांकु बने किया मंतोर ओसो अविन मुक्त इलाकांग पोरो हमला कीयाना आदेश बारांकु हिया मंतोर? “10 अक्तूबर समझौता” लोप्पा स्थानीय स्वायत्त शासन ता व्यवस्था एकदम स्पष्ट कित्ताद मंता, वेल्ले मुन्ने डा. सुन यात-सेन वेने जनता ना मतदान संगे

प्रांतीय गवर्नर चुनेमायनोरा समर्थन कीसि मत्तोर, इत्तेके क्वोमिंगतांग सरकार स्थानीय अधिकारि किन लोहना बारे ते बारांकु जिद् किया मंता? कम्युनिकेशन ता समस्या किन स्पीड ते हल कीयाना जरूरत मंता मति मूंड बेहरा समस्यांग मंतांग अविन वेने वेल्ले स्पीड ते हल कीयाना। इव मूंड बेहरा समस्यांग किन मुन्ने हल कियवा लेवा कम्युनिकेशन व्यवस्था किन दुबारा सुरू कीयाना पोल्लोंग कीयाना गृहयुद्ध बगिल दायना ओसो अदिन ओसो ज्यादा दीर्घकालीन कियाला मदद आयार अनि गृहयुद्ध शुरू कियानोरा मुक्त इलाकांग किन उंदी कमजोर परिस्थिति ते वाटना उद्देश्य किन पूरा कियाला मदद आयार। नेंडु देश मेंड फैलेमासी मत्ता जन विरोधी ओसो जनवादी विरोधी गृहयुद्ध किन जल्दी रोमी कियाला माटू इव पोल्लोंग किन दोड़ हिया मंतोमः

1. जापान ता आत्मसमर्पण स्वीकार कीयाना ओसो मुक्त इलाकांग पोरो हमला कियाला काजे उत्तरी चीन, उत्तरी च्यांगसू, उत्तरी आनह्वेइ ओसो मध्य चीन ता मुक्त इलाकांग अनि अविन गर्रे-गर्रे ता इलाकांग लोप्पा नेंगता क्वोमिंगतांग सरकार ता सेनांग किन अगाटल जल्दिए गुचिह कीसि अविना मूल जागा ते लोहना, मुक्त इलाकांग ना सेनांग किन अगा जापान ता आत्मसमर्पण स्वीकार कीयाना ओसो अगाटा शहर अनि कम्युनिकेशन व्यवस्था ता रक्षा ता काम कीयाना, मुक्त इलाकांग पोरो हमला कीसि कब्जा कित्ता इलाकांग किन दुबारा मुक्त इलाकांग लेक्का पंडना।
2. पूरा कठपुतली सेनांग किन लेट कियवा लेवा हथियार हिलवा कीसि भंग कीयाना अनि उत्तरी चीन, उत्तरी च्यांगसू ओसो उत्तरी आनह्वेइ लोप्पा अविन हथियार हिलवा ओसो भंग कीयाना काम मुक्त इलाकांगे कीयाना।
3. सब्बे मुक्त इलाकांग लोप्पा जनता ना जनवादी स्वायत्त शासन किन मान्यता हियाना, केंद्रीय सरकार स्थानीय अधिकारि किन नियुक्त कीयानायो ओसो लोहना वेने आयो, “10 अक्तूबर समझौता” लोप्पा तय कित्ता पोल्लोंग किन अमल कीयाना।

प्रवक्ताल इत्तोरः गृहयुद्ध रोमी कीयाना सिर्फ इदे उंदी उपाय मंता, इदिन विडसतेके गृहयुद्ध तल बचेमायना बदे दूसरा उपाय मंदाए परवो। स्वेय्वान, शांगतांग ओसो हानतान लोप्पा आत्मरक्षा काजे माटू लड़ेमाता मूंड लड़ाईंग लोप्पा सीज कित्ता दस्तावेज कुनगडल ओसो बेहरा संख्या ते सेनांग किन लोहना अनि बेहरा स्तर ते हमलांग कीयाना ठोस कार्वाइंग निगडल, कम्युनिकेशन व्यवस्था दुबारा शुरू कीयाना गृहयुद्ध काजे आयवा जनता काजे इंदाना पोल्लो इनपडे झूठ साबित आंता। चीनी जनता किन वेल्ले कालम एवनल धोखा ते तास्ताद मंता इंजे अदिन ओसो धोखा ते तासा परमूडायो। इंजे केंद्रीय समस्या पूरा देश ता जनता गोलबंद आसी हर उपाय कीसि गृहयुद्ध किन रोमी कीयाना।

## नोट

1. जापानी आक्रमण विरोधी युद्ध मारनास्के चीन ता ज्यादातर रेलवे लाईन मुक्त इलाकांग ना सेना ओसो जनता ना कब्जा ते मत्ता लेवेके ओरा घेराव ते मत्ता। “कम्युनिकेशन-व्यवस्था किन दुबारा शुरू कीयाना” बहाना ते क्वोमिंगतांग प्रतिक्रियावादिन मुक्त इलाकांग किन उंदी दूसरा तल कट कीसि अलग-थलग कियाला काजे इव रेलवे लाईन कुना इस्तेमाल कीयाना कोशिश कित्ता। इद्रम कीसि दसियों लाख क्वोमिंगतांग सेनांग किन मुक्त इलाकांग पोरो हमला कीयाना ओसो बेहरा शहर कुन कब्जा कियाला काजे उत्तर पूर्वी, उत्तरी, पूर्वी ओसो मध्य चीन लोप्पा एब्बना कोशिश कित्ता।
2. सितम्बर 1945 ते क्वोमिंगतांग सेनांग चंगचओ ओश शिनश्यांग ता इलाका तल शानशी-हपे-शानतुंग-हनान मुक्त इलाकांग पोरो हमला कियाला काजे पेफिंग-हानखओरेलवे संगे-संगे मुन्ने हत्ता। अक्तूबर आखरी ते ओरा मूंड अग्रिम फौजी कोर छिश्येन ओसो हानतान ता इलाका पोरो हमला कीतांग। मुक्त इलाकांग ना सेना ओसो जनता आत्मरक्षा काजे तेदता अनि उंदी हसा ता घमासान लड़ाई पेरेके क्वोमिंगतांग ता ग्यारह युद्ध इलाकांग ना उप कमांडर ओसो पूना आठवी फौजी कोर ता कमांडर जनरल काओ शू-शुन हानतान लोप्पा क्वोमिंगतांग विरुद्ध विद्रोह कित्ता ओसो पूना आठवी फौजी कोर ओसो उंदी दूसरा सेक्शन ता कुल दस हजार तुकू ज्यादा सैनिक संगे पोयसी मावा पक्ष ते वासी कलियतोर। बाकी रेंडु फौजी कोरकु वेरियसी पेरेके वित्ततांग, मति

अविन घेराव कीसि अविना हथियारकु ऊंदताद मंता। बचोनो बेहरा पद ता सेना अधिकारर हथियार वाटला मजबूर कितोर, ओरा लोप्पा: क्वोमिंगतांग ता ग्यारहवी युद्ध इलाका ता वरोर उप कमांडर ओसो संगे ने 40वी फौजी कोर ता कमांडर मा फा-ऊ, अदे फौजी कोर ता उप कमांडर ल्यू श-रुंग, चीफ ऑफ स्टाफ ली श्वी-तुंग ओसो वरोर डिवीजन ता उप कमांडर ल्यू शू-मन शामिल मत्तोर।

3. जापान आत्मसमर्पण कित्ता पेरके क्वोमिंगतांग हनान ओसो हुपे प्रांत ता मुक्त इलाकांग पोरो बेहरा स्तर ते हमला कियाला काजे तन्ना मूंड युद्ध इलाकांग लोप्पटल बीस तुकू ज्यादा डिवीजनकु जमा कित्ता। क्वोमिंगतांग तुकू मुन्ने युद्ध-इलाका ता कमांडर हू चुंग-नान ना सेनांग ना उंदी हिस्सा पश्चिमी हनान ता मुक्त इलाका पोरो हमला कियाला काजे लुंगह्वाए रेलवे ता रेंडु बगिल तल संगे-संगे उत्तर-पश्चिम तल पूर्व बगिल हत्ता, पांचवी युद्ध इलाका पोरो हमला कियाला काजे पेफिंग, हानखओ रेलवे ते रेंडु बगिल तल संगे-संगे उत्तर तल दक्षिण बगिल हत्ता, ओरा संगे समन्वय कियाला काजे छठी युद्ध इलाका ता सेनांग दक्षिणी हुपे तल उत्तर बगिल हत्तांग। इविना लोप्पा ज्यादातर क्वोमिंगतांग सेनांग ल्यू च ना कमान ते मत्तांग। हमलांग ना खिलाफ हनान ओसो हुपे ते मुक्त इलाकांग ना जन सेना डटकर लड़ेमामाता, संगेने तन्ना शक्ति किन वेने बचे कित्ता अनि 1945 ता अक्तुबर महीना ता आखरी ते हनान, हपे सीमान्त इलाका पोरो ताहुंग मेट्टा, थुंगपो मेट्टा ओसो चाओवांग इलाका लोप्पा हत्ता। पेरके क्वोमिंगतांग अगा एवनल वेने अदिना पेरके अरता अनि ताना पोरो हमला चालू तास्ता, अदिन काजे अदु सेना अगाटल वेने गुचता अनि पेफिंग, हानखओ रेलवे ता पूर्व ते श्वेनह्वात्येन इलाका लोप्पा हत्ता।
4. शांगतांग अभियान ता बारे ते जानकारी काजे इदे ग्रन्थ लोप्पा “हुंगकिंग समझौता वार्ता ता बारे ते” हेडिंग वाले लेख ता नोट 2 हूडाटू। बंदी बने कित्ता क्वोमिंगतांग सेनाधिकारिर रा बारे ते वेहताद मंता। ओरु सब्बे तोर येन शी-शान ता सेना लोप्पा उच्च पद कुना पोरो तैनात जनरल मत्तोर।
5. स्वेय्वान उंदी प्रान्त मत्ता, इदिन 6 मार्च 1954 ते तोड़े कीसि लोप्पा मंगोलिया स्वायत्त प्रदेश लोप्पा काल्पतोर। जनरल फू च्वो-ई 1945 लोप्पा क्वोमिंगतांग ता बारवी युद्ध इलाका ता कमांडर मत्तोर। जापानी आक्रमण विरोधी युद्ध ताकनास्के ओरा सेनांग पश्चिमी स्वेय्वान ते मत्ता ऊय्वान ओसो लिनहो लोप्पा ओसो इव रेंडासी जागा ना गर्रे तैनात मत्ता। जापान ता आत्मसमर्पण पेरके जनरल फू च्वो-ई किन स्वेय्वान, जेहोल ओसो छाहाड़ प्रान्त ता मुक्त इलाकांग पोरो हमला कीयाना आदेश दोरकता। अगस्त 1945 ते ओरु क्वेइस्वेइ, चीनिंग ओसो फंगचन पोरो कब्जा कित्तोर। सितम्बर शुरूआत ते ओरु शिंगहो, शांगई,

- ऊछवान, थाओलिन, शिनथांग ओसो ल्यांगछंग पोरो कब्जा कीसि छाहाइ मुक्त इलाकांग पोरो बेरा आक्रमण शुरू कीसि चांग च्याखओ गरे एवनल नंगता। आत्मरक्षा काजे मना सेना इव हमलांग किन विफल कित्ता अनि फू च्वो-ई ना सैनिक अफसर ओसो सैनिक लोर किन वेल्ले बेहरा संख्या ते बंदी बने कित्तोर।
6. “डाकू-विनाश निर्देश पुस्तिका” चीनी जनता ना सेना ओसो क्रांतिकारी आधार इलाकांग पोरो हमला कीयाना तरीका ता विशेष विवरण पेश कीयाना प्रतिक्रांताकारी पुस्तिका मत्ता। इदिन च्यांग काई-शेक 1933 ते रासिस मत्तोर। 1945 ते जापानी आक्रमण विरोधी युद्ध मारतास्के, च्यांग काई शेक इदिन दुबारा छपे कित्तोर अनि उंदी गोपनीय आदेश संगे क्वोमिंगतांग सेना ता अधिकारिरा लोप्पा तूस्तोर, आदेश लोप्पा “जनता ना सुख-सुविधा पोरो आधार आसी मत्ता डाकू लोरा विनाश ता वर्तमान अभियान तुन जल्दी पूरा किया लागियर। मीटू मना सैनिक अफसर ओसो सैनिक लोरकिन जापानी आक्रमण ता प्रतिरोध कीयाना विचार संगे ओसो नावा तैयार कित्ता ‘डाकू-विनाश निर्देशन पुस्तिका’ अनुसार डाकु लोरा विनाश कीयाना लोप्पा वेने कमी तासनायो इंजी प्रेरित कीयाना। राज्य ता सेवा ते काम कीतेके वेल्ले बेसता इनाम दोरकित्ता, लेट लेवेके गलतिंग काजे जिम्मेदार लोकर किन फौजी अदालत लोप्पा पेश कीयाना आयार। इद आदेश मीवा कमान लोप्पा डाकु लोरा विनाश कीयाना काम पोरो तैनात मत्ता सब्बे सैनिक अफसर ओसो सैनिक लोर किन वेहाना अनि इदिना पालन सब्बे तोर कीयाना।”



# लगान ते कटौती ओसो उत्पादन-कार्य मुक्त इलाकांग ना रक्षा काजे रेंडु महत्वपूर्ण पोल्लोंग आंदू\*<sup>1</sup>

7 नवम्बर 1945

1. अमरिका ता मदद एतसी क्वोमिंगतांग मावा मुक्त इलाकांग पोरो हमला कियाल काजे तम्मा पूरा ताकत किन गोलबंद किया मंता। देशव्यापी गृहयुद्ध इंजे उंदी सच्चवाई बनेमाता। मना पार्टी मुन्ने इंजे, पूरा ताकत किन गोलबंद कीयाना, आत्मरक्षा दृष्टिकोण पोयसी क्वोमिंगतांग हमलांग किन गुंडा कीयाना, मुक्त इलाकांग ना रक्षा कीयाना ओसो शांति दोरकी कीयाना कोशिश कीयाना काम मंता। इद लक्ष्य किन पूरा कियाला काजे दोड़ रास्ता काम कीयाना जरूरत मंता। मुक्त इलाकांग ना किसान लोर किन साधारण रूप ते लगान कटौती ता फायदा आयाना लेक्का ओसो मजदूर अनि बाकी मेहनतकश लोरा मजदूरी बेरसी कीयाना ओसो ओरा पिस्वल सुधरे कीयाना पोरो ध्यान हियाना जरूरत मंता, संगे ने जर्मीदार लोरा पिस्वल पिस्सला काजे ओसो औद्योगिक पूंजीपतिर ओसो व्यापारी पूंजीपतिर मुनाफा कमइ कीयाना लेक्का मंदाना पोरो वेने ध्यान हियाना, पेरेंड बेहरा स्तर ते उत्पादन आंदोलन ता विकास कीयाना,

---

<sup>1</sup>इद अन्तःपार्टी निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे तैयार कीसि मत्तोर।

खाद्य-पदार्थ ओसो रोज जरूरत मत्ता सामान ता उत्पादन बेरसी कीयाना, जनता ना रहन-सहन ते सुधार कीयाना, अकाल-पीड़ित ओसो विस्थापित लोकुरा काजे बंदोबस्त कीयाना ओसो सेना ता जरूरत किन पूरा कीयाना। लगान कटौती ओसो उत्पादन काम, इव रेंडु महत्वपूर्ण काम किन सही तरीका ते पूरा कीतेके ने मना मुशिकल परिस्थितिंग पोरो काबू किया परितोम, युद्ध लोप्पा सहायता किया परितोम अनि जीत हासिल किया परितोम।

2. इंजे युद्ध वेल्ले बेहरा स्तर ते ताका मंता, वेल्ले नेतृत्वकारी कामरेड्स इंजे मोर्चा ता कमान कैदे पोयसी मंतोरा। अद्रमासी लगान लोप्पा कटौती अनि उत्पादन कार्य बगिल ध्यान हिया परवोर आंतोरा। अदिन काजे माटू श्रम विभाजन किया लागियर। बोरु नेतृत्वकारी कामरेड पेरकेटा इलाकांग लोप्पा मंतोरा, ओरु मोर्चा किन सीधा सहायता हियाना वेल्ले कीयाना संगे-संगे लगान लोप्पा कटौती ओसो उत्पादन काम लेक्कटा महत्वपूर्ण काम किन संगठित कीयाना मौका वेने कैदल दायला हियानायो। इंगम ओसो वसंत दूसरा महीना ते सब्बे मुक्त इलाकांग लोप्पा ओसो खासकर बेहरा पूना मुक्त इलाकांग लोप्पा लगान लोप्पा कटौती ता आंदोलन बेहरा स्तर ते ताकी किया लागियर। लगान कटौती लोप्पा व्यापक रूप ते लागू किया लागियर अस्केने आम किसान लोरा बेहरा संख्या ते क्रांतिकारी जोश पुट्टी कियमूडायर। संगे ने ओरु 1946 ते सब्बे मुक्त इलाकांग लोप्पा कृषि ओसो उद्योग ता उत्पादन ता पूना विकास पोरो ध्यान हियाना जरूरत मंता। बेहरा स्तर ते इद पूना युद्ध ता कारण, लगान लोप्पा कटौती ता ओसो उत्पादन कार्य नगडल कोंडा पिहाना आयो, इदिना उल्टा क्वोमिंगितांग ता हमला किन हारे कियाला काजे लगान कटौती ओसो उत्पादन कार्य किन ओसो ज्यादा तेज किया लागियर।
3. लगान लोप्पा कटौती सरकार बगिल तल दोरकना दान आयवा जनता ना संघर्ष ता कारण दोरकता लेक्का मंदाना। लगान लोप्पा कटौती ता सफलता लेवेके विफलता इदे पोल्लो पोरो निर्भर आसी

मंता। लगान लोप्पा कटौती ता संघर्ष ते गलतिंग कीयाना तुकू बचेमायना मुशिकल मंता मति संघर्ष निज्जमे व्यापक जनता ना जागरूक संघर्ष मत्तेके ताना लोप्पा वेने गलतिंग आंतांग अविन पेरके सुधरे कियमूडांता। अस्केने माटू जनता ना दिमाग ते इद पोल्लो किन उदिह किया परितोम ओसो किसान ओसो पूरा जनता काजे जर्मीदार लोर किन वेने पिस्वल पिस्सला हियाना लोप्पा फायदा मंता इंजी समझे किया परितोम। इद्रम समझे किया परतेके ओरु क्वोमिंगतांग ता मदद कीवोर आयनूर। मना पार्टी ता वर्तमान नीति इंजे वेने लगान लोप्पा कटौती कीयानाए मंता, जमीन जब्त कीयाना नीति हिल्लो लगान लोप्पा कटौती कीयानास्के ओसो ताना पेरके माटू आम किसान लोरा बेहरा संख्या किन किसान संगठन लोप्पा संगठति आयला मदद किया लागिगर।

4. उत्पादन आंदोलन लोप्पा जीत दोरकी कीयाना कुंजी उत्पादन कियानोरा बेहरा संख्या किन आपसी सहायता काजे उत्पादक-ग्रुप लेक्का संगठित कीयानादु मंता। इद्रम कीयानास्के कृषि ओसो उद्योग काजे सरकारी ऋण हियाना अनिवार्य काम मंदिता। खेती काम सही मौसम ते आतेके ओसो काम ता टाईम कम से कम वेस्ट (खराब) आयवा लेक्का हूडना वेल्ले महत्व ता पोल्लो मंदिता। इंजे माटू युद्ध काजे असैनिक जनता ना शक्ति किन संगठित किया लागिगर, दूसरा बगिल माटू खेती ता बदे वेने मौसम कैदल दायला हियवा लेक्का कोशिश कीयाना, माटू पुनर्निर्माण कीयाना तरिकांग कुना अध्ययन किया लागिगर। फौजी यूनिटकु, सरकारी संगठन ओसो विद्यालय किन हंदी एवनल उत्पादन कार्य लोप्पा शामिल कीयाना शुरू किया लागिगर। इद्रम शामिल आयनास्के युद्ध लोप्पा, तम्मा सामान्य काम लोप्पा ओसो पढाई-लिखाई लोप्पा बाधा वायवा लेक्का हूडना। इदे उंदी हरीं मंत्ता। इदिना पोरो ताकसीए ओरु तम्मा पिस्वल किन सुधरे किया परितोर ओसो जनता ना बोजा किन हल्को किया परितोर।

5. माटू उचुन बेहरा ओसो बचोनो मध्यम शहर कुना पोरो कब्जा कित्ताद मंता। इव शहर कुना अर्थव्यवस्था किन कैदे पोयना ओसो इविना उद्योग, वाणिज्य ओसो बैंकिंग विकास कीयाना मना पार्टी काजे उंदी महत्वपूर्ण काम मंता। इद उद्देश्य काजे बचोन योग्य मत्ता मानेय दोरकिंतोरो ओर सब्बे तोर किन काम ते वाटना ओसो पार्टी सदस्य लोर किन इद्रम लोरा संगे काम कीयाना ओसो ओरा तकनीकि-प्रबन्ध ता तरीकांग करियाना इंजी समझे कीयाना।
6. सब्बे पार्टी सदस्य लोरकिन दृढ़ता ते जनता ना हट्टा सगं हट्टा काल्पसी नितसी मंदाना, जनता ना आर्थिक तिप्पल कुना ध्यान तासना ओसो इव तिप्पल कुना पोरो काबू कीयाना लोप्पा जनता ना मदद कीयाना कुंजी लगान लोप्पा कटौती ओसो उत्पादन कार्य लेक्कटा महत्वपूर्ण काम किने समझेमायना इंजी वेहना, इद्रम कीसिए माटू जनता ना हार्दिक समर्थन दोरकी किया परिंतोम अनि बदे वेने रकम ता प्रतिक्रियावादी हमला किन हारे किया परिंतोम। हर पोल्लो इंजे वेने दीर्घकालीन कोशिश ता दृष्टिकोण तेने आल्सना। मानव शक्ति ओसो भौतिक साधन कुना इस्तेमाल पिल्ला-पेकोर वेने कीयाना ओसो हर समस्या ता बारे ते दीर्घकालीन आधार पोरोने योजना बने कीयाना, इद्रम माटू जरूत जीड़ा परिंतोम।

# मुक्त इलाकांग लोप्पा 1946 ता काम ता बारे तय कित्ता नीति\*<sup>1</sup>

15 दिसम्बर 1945

मना पार्टी हत्ता उचुक महीनांग लोप्पा जापानी ओसो कठपुतली सेनांग किन खत्म कीयाना ओसो मुक्त इलाकांग पोरो क्वोमिंगतांग हमला किन गुंडा कीयाना भीषण संघर्ष लोप्पा जनता ना नेतृत्व कीयाना लोप्पा बेहरा-बेहरा सफलतांग दोरकी कित्ता। मना सब्बे पार्टी कामरेड्स जीवा आसी काम कित्तोर अनि हर काम लोप्पा महत्वपूर्ण सफलता दोरकी कित्तोर। 1945 साल इंजे जल्दिए मारियर अनि 1946 लोप्पा माटू सब्बे मुक्त इलाकांग लोप्पा काम कीयानास्के मनम दोड़ रास्ता पोल्लोंग पोरो ध्यान हिया लागियर:

1. **पूना हमलांग किन गुंडा कीयाना।** स्वेय्वान, शानशी ओसो दक्षिणी हपे ता मना मुक्त इलाकांग पोरो कित्ता बेहरा स्तर ता हमलांग किन मना सेना गुंडा कित्तास्केटल क्वोमिंगतांग ओसो वेने बेहरा सेनांग इगा तत्ता मंता अनि पूना हमलांग ना तैयारी किया मंता। क्वोमिंगतांग तुरंत तन्ना गृहयुद्ध बंद कीयाना लेक्का बदे दूसरा पूना पोल्लो आयवेके 1946 ता वसंत लड़ाई वेल्ले भीषण रूप एतियरा अदिन काजे सब्बे मुक्त इलाकांग ना प्रधान काम इंजे वेने आत्मरक्षा ता दृष्टिकोण पोयना ओसो क्वोमिंगतांग हमलांग किन गुंडा कीयाना लोप्पा बदे कमी तासवा मंदानादे मंता।

---

<sup>1</sup>इद अन्तःपार्टी निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे तैयार कीसि मत्तोर।

2. **काओ शू-श्युन आंदोलन' किन फैले कीयाना।** क्वोमिंगतांग हमलांग किन गुंडा कियाला काजे मना पार्टी हमला ता तैयारी किसोर मत्ता लेवेके हमला कीसोर मत्ता क्वोमिंगतांग सेनांग किन छिन्न-भिन्न कीयाना काम लोप्पा लागे मायना। उंदी बगिल मना सेना गृहयुद्ध कीसोर मत्ता क्वोमिंगतांग सेनांग ना मनोबल कमजोर कीयाना उद्देश्य ते खुल्लमखुल्ला व्यापक राजनीतिक प्रचार कीयाना अनि राजनीतिक अभियान ताकी कीयाना। दूसरा बगिल माटू क्वोमिंगतांग सेना लोप्पा विद्रोह आयना लेक्का तैयरी कीयाना, विद्रोह किन संगठित कीयाना ओसो काओ शू-श्युन आंदोलन किन फैले कीयाना अस्केने लड़ाई ताकनास्के कमजोर परिस्थिति ते बेहरा संख्या ते क्वोमिंगतांग सैनिक काओ शू श्युन ना पेरके ताकना जनता ना पक्ष ते वायर, गृहयुद्ध ता विरोध कीयाना, शांति ता पक्ष एतना। इद काम किन सही तरीका ते कीयाना ओसो ताना लोप्पा जल्दीए सफलता दोरकी कियाला काजे हर इलाका किन केंद्रीय कमेटी आदेश ता पालन कीसोरे उंदी विशेष विभाग खोले कीयाना अनि वेल्ले कार्यकर्ता लोर किन सिर्फ इदे काम लोप्पा परताचोन वाटना। हर इलाका ता नेतृत्वकारी संगठनकु इद काम ता गंभीरता ते नेतृत्व कीयाना।
3. **सेनांग किन ट्रेनिंग हियाना।** मुक्त इलाकांग ना युद्ध मैदान ते मत्ता सेनांग साधारण रूप ते संगठित कित्ताद मत्ता ओसो प्रादेशिक सेनांग ना सैनिक लोरा संख्या वेने वेल्ले मंता। अदिन काजे इंजे माटू सेनांग ना संख्या ता विस्तार कीयाना काम बंद कीयाना अनि लड़ाईंग नड़मा मौका दोरकी कीसि सेनांग किन ट्रेनिंग हियाना काम पोरो जोर हियाना। इद पोल्लो युद्ध मैदान ता सेनांग, प्रादेशिक सेनांग ओसो मिलिशिया पोरो लागू आंता। ट्रेनिंग-कोर्स बारे ते मना मुख्य उद्देश्य इंजे वेने निशाना वाटना, बेहरा हमला कीयाना ओसो हथगोला वाटना लेक्का तकनीक कुना स्तर किन बेरसी कीयाना मंदाना। ओसो गौण उद्देश्य युद्धकला ता स्तर किन बेरसी कीयानादु मंदाना, नरका

कीयाना फौजी कार्रवाईंग पोरो विशेष जोर हियाणा। ट्रेनिंग काजे माटू उंदी व्यापक ट्रेनिंग आंदोलन शुरू कीयाना, तीना लोप्पा अफसर सैनिक लोर किन करहाना ओसो सैनिक लोर अफसर लोर किन, वरोर सैनिक दूसरा सैनिक किन करहाना। 1946 ते माटू सेना लोप्पा राजनीतिक काम ता स्तर किन बेरसी कीयाना काम किन ओसो ज्यादा सम्पन्न किया लागियर, सेना लोप्पा मत्ता कठमुल्लावादी लेवेके रूढीवादी कार्यशैली किन दूर किया लागियर ओसो अफसर अनि सैनिक लोरा नडमा सेना ओसो जनता नडमा, मना ओसो दोस्त सेनांग नडमा एकता कीयाना कोशिश कीयाना पोरो जोर हियाणा, दुश्मन सेनांग किन छिन्न-भिन्न कीयाना ओसो मना सेना किन ट्रेनिंग, सप्लाई, लड़ाई ता बदे वेने सामान आई एवसी कीयाना गारंटी हियाणा। स्थानीय मिलिशिया किन वर्तमान परिस्थिति ता अनुसार शुरू तले संगठित कीयाना। सेना ता मुन्नेटा सेना काम किन वेने शुरू तले तय कीयाना। परताचोन सब्बे इलाकांग लोप्पा तोपखाना युनिटकु ओसो इंजीनियर यूनिटकु बने कीयाना, अविना विस्तार कीयाना कोशिश कीयाना। सैनिक स्कूल किन तम्मा काम चालू तासना ओसो अवु तकनीक कर्मचारि किन ट्रेनिंग हियाणा काम पोरो जोर हियाणा।

4. **लगान कम कीयाना।** केंद्रीय कमेटी ता 7 नवम्बर 1945 ता निर्देश<sup>2</sup> अनुसार सब्बे इलाकांग किन 1946 ता सब्बे पूना मुक्त इलाकांग लोप्पा लगान ओसो सूद कम कीयाना आंदोलन ताकी किया लागियर, इव आंदोलनकु बेहरा स्तर ते आंदोलनकु मंदितांग, जनव्यापी आंदोलनकु मंदितांग, नेतृत्व मत्ता आंदोलनकु वेने मंदितांग। मजदूर लोरा मजदूरी बेरसी कीयाना। मनम व्यापक जनता इव आंदोलन कुना संगे तम्मा मुक्ति दोरकी कियाला तैयार आयना, खुद किन संगठित कीयाना ओसो मुक्त इलाकांग ना जागरूक मालिक बने मानेमायना लेक्का कोशिश कीयाना। इव संकल्पबद्ध कार्रवाईंग हिल्लेके पूना मुक्त इलाकांग ना आम जनता कम्युनिस्ट

पार्टी ओसो क्वोमिंगतांग इव रेंडासी पार्टिंग लोप्पा बद्दु सही सो बद्दु गलत मंता इंजी वेहा परवो आयार, अद्दु दुलमुल आसी मंदियार अनि मना पार्टी ता दृढतापूर्वक समर्थन कीवोर आयार। पाड़ना मुक्त इलाकांग लोप्पा लगान ओसो सूद कम कीयाना काम ता जांच-पड़ताल ओसो उंदी बेरा कीयाना अस्केने इव इलाकांग किन ओसो ज्यादा सुदृढ किया परितोमा।

5. **उत्पादन।** सब्बे इलाकंग किन 7 नवम्बर ता निर्देश अनुसार तुरंत हर रकम ता तैयारिंग कीसि 1946 ता सब्बे मुक्त इलाकांग लोप्पा सार्वजनिक ओसो नीति रेंडासी रकम ता उत्पादन इंजे एवनल बदे वेने साल ता उत्पादन ता तुलना तुकू, इत्तेके स्तर ओसो सफलतांग तुलना ते मुन्ने ओयना गारंटी एतना। दोगकना विचार जनता लोप्पा दिस्तेके अदिन तुरंत दूर क्रियामूडांता ओसो लगान लोप्पा कटौती अनि उत्पादन काम इव रेंडासी काम कुन जीवा कीसि कीयाना ओसो महत्वपूर्ण सफलतांग दोरकी कीयाना। मुक्त इलाकांग ना राजनीतिक ओसो सैनिक संघर्ष कुना हार-जीत ता फैसला इव रेंडासी महत्वपूर्ण काम किन पूरा कित्ताद मंता या हिल्ले इंदाना पोल्लो पोरो आधार आसी आयार। अदिन काजे बदे वेने इलाका लोप्पा इव रेंडु काम कुनगडल इनपड़े कौंडा पीहना आयो।
6. **वित्त।** इंजेटा कालम ते कित्ता जोरदार काम कुना जरूरत कुन पूरा कित्तांकु वित्तीय बोजा मुन्ने तुकू बेरस्ता, अदिन 1946 ते योजनाबद्ध तरीका ते सामान्य स्तर ते तत्ताना। बोना पोरो वेल्ले बोजा मंता ओना बोजा कम कीयाना। दीर्घकालीन कोशिश ता सफलता दृष्टिकोण ते बदे वेने इलाकांग लोप्पा उत्पादन काम तल गुचसी दूसरा काम क्रियानोरा संख्या अद इलाका ता स्थानीय वित्तीय क्षमता ता हंदी वेंडा परवा लेक्का हूड़ना। सेनांग ना मूल्यांकन ओरा क्षमता पोरो आधार आसी कीयाना, संख्या पोरो आधार आसी आयो, सेना ता निर्माण बारे ते मना उसूल इंजे वेने इदे मंता। मना वित्तीय ओसो आर्थिक समस्यांग किन हल कीयाना ता बारे ते मना पूरा मार्गदर्शन



उसूल इंजे वेने अदे मंता। इंजे एवनल इत्तेके उत्पादन ता विकास कीयाना, सप्लाई ता गारंटी एतना, एकीकृत नेतृत्व कीयाना, विकेंद्रित प्रबन्ध कीयाना, सेना ओसो जनता रेंडासी ना ध्यान तासना ओसो सार्वजनिक हित कुना ओसो निजी हितकुना ध्यान तासना, उत्पादन ओसो बचत रेंडासी ना पोरो बराबर जोर हियाना।

7. **सरकार ता समर्थन कीयाना ओसो जनता ना संगे गरे ता संबंध बेरसी कीयाना**, सेना ता समर्थन कीयाना ओसो प्रतिरोध युद्ध लोप्पा लडेमायना सैनिक लोरा परिवार ता ध्यान तासना।<sup>3</sup> इव रेंडासी काम कुन माटू 1946 लोप्पा हत्ता उचुक सालकिनकु ज्यादा बेस तरीका ते किया लागियर। क्वोमिंगतांग ता हमलांग किन गुंडा कीयाना ओसो मुक्त इलाकांग किन सदृढ़ कीयाना लोप्पा इदिना वेल्ले बेहरा महत्व मंदिता। सेना लोप्पा हर कमांडर ओसो हर सैनिक विचारधारत्मक शिक्षा हियाना, अस्केने ओरु सब्बे तोर सरकार ता समर्थन कीयाना ओसो जनता ना संगे गरे ता संबंध बेरसी कीयाना महत्व किन सम्पूर्ण रूप ते समझे मायनूर। सेना तन्ना बगिल तल इद काम किन बेस कीतेके स्थानीय पार्टी-संगठन, स्थानीय सरकार ओसो जनता वेने सेना संगे तन्ना संबंध किन सुधरे किसोर दायारा।
8. **राहत-कार्य**। मुक्त इलाकांग लोप्पा तुरंत राहत ता जरूरत मत्ता वेल्ले अकाल-पीड़ित, विस्थापित, बेरोजगार ओसो आंशिक रूप ते बेरोजगार लोकर मंतोर। इद्रम तोरा समस्यांग सही तरीका ते हल कियमूडांता या लेवेके काम चलाऊ तरीका ते हल कियमूडांता इंदानदिना प्रभाव वेल्ले बेहरा ओसो व्यापक मंदिता। राहत कार्य लोप्पा सरकारी तरीकांग आयवा मुख्य रूप ते खुद जनताए आपसी सहायता पोरो निर्भर कीयाना। पार्टी ओसो सरकार जनता किन आपसी सहायता संगे राहत काम कियाला काजे प्रोत्साहित कीयाना।
9. **स्थानीय कार्यकर्ता लोरा देखबाल बेस कीयाना**। नेंडु हर मुक्त इलाकांग लोप्पा दूसरा इलाकांग लोप्पटल वात्ता कार्यकर्ता लोर वेल्ले बेहरा संख्या ते मंतोर। ओरु सब्बे स्तर ते नेतृत्व काम किया

मंतोरा। इद पोल्लो खासकर उत्तर-पूर्वी प्रान्त लोप्पा लागू आंता। हर इलाका ता नेतृत्वकारी संगठनकु वीर कार्यकर्ता लोर किन हमेशा ओरु स्थानीय कार्यकर्ता लोर बेस ध्यान तासना ओसो ओरा संगे वेल्ले गर्मजोशी ओसो सद्भाव संगे व्यवहार कीयाना इंजी वेहाना। बाहर तेल वात्ता कार्यकर्ता लोरु स्थानीय कार्यकर्ता लोरा चयन, प्रशिक्षण ओसो पदोन्नति किन तम्मा उंदी महत्वपूर्ण कार्य बने कीयाना। सिर्फ इद्रमे मना पार्टी ता मुक्त इलाकांग लोप्पा मोदोल वाटा परिंता। बाहर तल वात्ता लोकरु स्थानीय लोकरु किन खुद तुकू कम समझेमांतोर, ओरा इद कार्यशैली ता आलोचना कीयाना।

10. **हर चीज ता हिसाब उंदी दीर्घकालीन रूप ते कीयाना।** परिस्थिति बचोन बदलेमातेकाई मनम मना परिस्थिति किन अजेय बने कीयाना इत्तेके मना पार्टी हमेशा उंदी दीर्घकालीन रूप तेने तन्ना हिसाब कीयाना। इंजे मना पार्टी उंदी बगिल मुक्त इलाकांग लोप्पा स्वायत्त शासन ओसो आत्मरक्षा ता तम्मा दृष्टिकोण पोरो गटिंग नितसी मंदाना। क्वोमिंगतांग हमलांग ना विरोध किया मंता अनि इव इलाकांग ना जनता हासिल कित्ता सफलतांग किन सुदृढ़ किया मंता। दूसरा बगिल माटू प्रतिक्रियावादिर किन तितर-बितर कियाला काजे ओसो बेहरा संख्या ते एकता कीयाना ओसो मना पार्टी ता प्रभाव ते राष्ट्रीय जनवादी संयुक्त मोर्चा ता विस्तार कीयाना इंजी क्वोमिंगतांग इलाकांग लोप्पा इंजे विकसित आसोर मत्ता जनवादी आंदोलन कुना समर्थन कीतोम (इदिना लक्षण खुनमिंग ता छात्र लोरा हड़ताल<sup>4</sup> ता रूप ते तेदता)। संगे ने मना पार्टी ता उंदी प्रतिनिधि मंडल जल्दिए अलग-अलग पार्टींग ओसो निर्दलीय सार्वजनिक सम्मान दोरकी कीसि मत्ता लोरा राजनीतिक सलाहकार सम्मेलन लोप्पा हिस्सा एतना, क्वोमिंगतांग संगे समझौता वार्ता दुबारा शुरू कीयाना अनि देशमेंड शांति ओसो जनवाद ता स्थापना काजे कोशिश कियाला काजे दाया मंता। मति मना मुन्ने इंजे वेने वेल्ले मुश्किलकु मंतांग। मना पूना इलाकांग ओसो मना पूना सेनांग इंजे सुदृढ़ बनमाताद हिल्ले

ओसो वित्तीय मुश्किलकु वेने मंतांग। मनम इव सब्बे मुश्कलि कुना डटकर मुकाबला किया लागियर, इविना पोरो काबू किया लागियर, मना पूरा काम किन दीर्घकालीन रूप तेने किया लागियर, मानव शक्ति ओसो भौतिक साधन कुन बचे कीसि काम ते वाटना पोरो ज्यादा से ज्यादा ध्यान हिया लागियर ओसो किस्मत ता भरोसा ते हल्कोए कामयाबी दोरकी कीयाना अंगड़म ता आल्साड़ ता बदे वेने रुझान ता विरुद्ध सतर्कता ते मंदा लागियर।

1946 ता मना काम लोप्पा खासकर 1946 ता पहली 6 महीना ना काम लोप्पा मनम दस पोल्लो ना पोरो खास ध्यान हियाना। विभिन्न इलाकांग ना कामरेड तन्ना-तन्ना स्थानीय परिस्थिति किन ध्यान ते तासिसी इव नीतिंग किन लागू कीयाना लोप्पा लचीलापन ते कीयाना। विभिन्न इलाकांग ना काम ता बारे ते हूडतेके, स्थानीय राजनीतिक सत्ता ता निर्माण कीयाना, संयुक्त मोर्चा ता काम किन पूरा कीयाना, पार्टी लोप्पा ओसो पार्टी ता बाहर सामयिक समस्यांग कुना जानकारी ओसो समझदारी ता प्रचार कीयाना, मुक्त इलाकांग ना गर्रे-गर्रे ता शहर कुना लोप्पा काम कीयाना- इव सब्बे कामकु महत्वपूर्ण मंतांग, इविना चर्चा माटू इगा कीवोम।

## नोट

1. 30 अक्तुबर 1945 ते क्वोमिंगतांग ता ग्यारहवी युद्ध इलाका ता उप कमांड काओ शू-श्युन दक्षिणी हपे प्रान्त ता हानतान लोप्पा गृहयुद्ध ता मोर्चा ते विद्रोह कितोर अनि उंदी फौजी कोर ओसो उंदी सेक्शन किन तन्ना संगे पोयसी मना पक्ष ते वातोर। देशमेंड इदिना वेल्ले बेहरा प्रभाव अरता। क्वोमिंगतांग सेनांग किन तितर-वितर कीयाना ओसो विद्रोह काजे प्रोत्साहित कीयाना काम किन ओसो जोरदार तरीका ते ताकी कीयाना उद्देश्य ते चीनी कम्युनिस्ट पार्टी ता केंद्रीय कमेटी उंदी प्रचार आंदोलन ताकी कीयाना फैसला कित्ता। इदिना संगे क्वोमिंगतांग ता अफसर ओसो सैनिक लोर काओ शू-श्युन ओसो ओना सैनिक लोर बने कित्ता उदाहरण किन पोयसी ताकना, मुक्त इलाकांग पोरो हमला कियाला इनकार कीयाना, गृहयुद्ध लोप्पा मोर्चा कमजोर काम कीयाना, जन-मुक्ति सेना संगे कलियाना प्रोग्राम

कीयाना, विद्रोह कियाला काजे तेदना ओसो जनता ना पक्ष ते वायना इंजी आह्वान कित्ता। इद आंदोलन किन “काओ शू श्युन आंदोलन” इंतोमा।

2. इदे ग्रन्थ लोप्पा “लगान कटौती ओसो उत्पादन काम मुक्त इलाकांग ना रक्षा काजे रेंडु महत्वपूर्ण पोल्लोंग मंतांग” हेंडिंग वाले लेख हूड़ाट।
3. “सरकार ता समर्थन कीमुट ओसो जनता ना संगे गरे ता संबंध बेरसी कीमुट” जन मुक्ति सेना (पीएलए) ता नारा मत्ता, “सेनाता समर्थन कीमुट ओसो प्रतिरोध युद्ध ते लड़ेमायना सैनिक लोरा परिवार पोरो ध्यान हियाना” मुक्त इलाकांग ना पार्टी संगठन सरकारी संगठन, जन संगठन ओसो आम जनता ना नारा मत्ता। दूसरा नारा किन पेरेके बदले कीसि “सेना ता समर्थन कीमुट ओसो क्रांतिकारी सैनिक लोरा परिवार कुना पोरो ध्यान हियाना” इंजी बदले कित्ताद मत्ता।
4. 25 नवम्बर 1945 ता नुल्पेह बेरा युनान प्रान्त ता राजधानी खुनमिंग ते कालेज ओसो मिडिल स्कूल कुना 6 हजार तुकू ज्यादा विद्यार्थी सामयिक समस्यांग पोरो विचार-विमर्श कीयाना ओसो गृहयुद्ध ता विरोध कियाला काजे दक्षिण पश्चिम संयुक्त विश्वविद्यालय ते आत्ता सभा लोप्पा जमा आतोर। क्वोमिंगतांग प्रतिक्रियावादिर तम्मा सेना लोहची सभा पोरो नालुंग बगिल घेराव कित्तोर, हल्को तोपकु, मशीनगन ओसो राइफल कुना संगे फैरिंग कित्तोर ओसो विश्वविद्यालय ता नालुंग बगिल गार्ड लोरकिन तैनात कित्तोर। अनि शिक्षक ओसो छात्र लोर किन तम्मा-तम्मा लोन दायला रोमी कित्तोर। पेरेके खुनमिंग ता स्कूल ओसो कालेज ता विद्यार्थिर संयुक्त रूप ते उंदी हड़ताल कित्तोर। 1 दिसम्बर ते क्वोमिंगतांग प्रतिक्रियावादिर दक्षिण पश्चिम संयुक्त विश्वविद्यालय ओसो शिक्षक प्रशिक्षक कालेज ते वेल्ले बेहरा संख्या ते सैनिक ओसो गुप्त एजेंट लोहतोर। वीरू हथगोला वाटसी नालवुर लोकर किन हौकतोर अनि दस तुकू ज्यादा लोकर किन घायल कित्तोर। इद घटना किन “1 दिसम्बर ता हत्याकांड” इंतोर।

# उत्तर-पूर्व ते सुदृढ़ आधार इलाकांग ना निर्माण कीमुट\*<sup>1</sup>

28 दिसम्बर 1945

1. उत्तर-पूर्व ते मना पार्टी ता वर्तमान काम आधार इलाकांग ना निर्माण कीयाना, पूर्वी, उत्तरी ओसो पश्चिमी मंचूरिया लोप्पा सुदृढ़ फौजी, राजनीतिक आधार इलाकांगा ना निर्माण कीयाना मंता।<sup>1</sup> इद्रम ता आधार इलाकांग ना निर्माण कीयाना हल्को काम हिल्ले, इदिना

---

<sup>1</sup> इद निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे तैयार कीसि मत्तोर। इदु केंद्रीय कमेटी उत्तर-पूर्वी ब्यूरो ता पोरोल ते लोहतद मत्ता। सोवियत संघ जापान खिलाफ युद्ध ता घोषणा कित्तास्के ओसो सोवियत लाल सेना उत्तर-पूर्व ते नेंगतास्के, चीनी कम्युनिस्ट पार्टी ता केंद्रीय कमेटी ओसो चीनी जन-मुक्ति सेना, जापानी सेना ओसो कठपुतली “मंचूक्वो” शासन ता मेयता-पिस्ता अंश कुन खत्म कियाला, देशद्रोहिर किन खत्म कियाला, डाकु लोर किन खत्म कियाला ओसो अलग-अलग स्तर ते जनवादी, स्थानीय सरकार कुना स्थापना कियाला लोप्पा उत्तर-पूर्व ता जनता ना नेतृत्व कियाला काजे, कार्यकर्ता लोर, सैनिक लोर किन बेहरा संख्या ते उत्तर-पूर्व ते लोहता। मति अस्के पूरा उत्तर-पूर्व ते तम्मा कब्जा किसोर मत्ता क्वोमिंगतांग प्रतिक्रियावादिर अमेरिका साम्राज्यवाद ता सहायता ते भूमि, समुद्र ओसो मोथोल पोरोटल उत्तर-पूर्व तल वेल्ले बेहरा संख्या ते सैनिक लोहतोर। शानहाएक्वान ओसो चिनचओ लेक्कटा महत्वपूर्ण जागा ने जन मुक्ति सेना (पीएलए) मुन्ने ने मुक्त कीसि मत्ताविना पोरो कब्जा कित्ता। उत्तर-पूर्व ते उंदी तीत्र संघर्ष शुरू आयना जरूरी आत्ता। स्पष्ट रूप ते हूडतेके इद संघर्ष पूरा देश ता परिस्थिति काजे विशेष महत्वपूर्ण मत्ता। इद निर्देश ते कामरेड माओ त्सेतुंग मुन्नेटले उत्तर-पूर्व ता संघर्ष बचोन तीत्र रूप एतियर इंजी हूडतोर। अनि मुन्ने ने अगाटा काम ता गुरुत्व-केंद्र क्वोमिंगतांग कब्जा ते मत्ता शहर ओसो बेहरा ग्रामीण इलाकांग ना केंद्र तल जेक मत्ता इलाकांग मंतांग इंती वेहतोर। इत्ते माटु जनता किन सही तरीका ते जागृत कियाला, सुदृढ़ आधार इलाकांग ना निर्माण कियाला, तीरम-तीरम ताकत बेरसी कियाला अनि वायना कालम ता प्रत्याक्रमण ता तैयारी कियाला काजे “बेहरा-बेहरा हर्रिंग किन विड्सना अनि अविना रेंडासी बगिल ता इलाकांग पोरो कब्जा कीयाना” इंजी वेहतोर। केंद्रीय कमेटी ओसो कामरेड माओ त्सेतुंग ना इद सही नीति पोरो कामरेड लिन प्याओ ना नेतृत्व ते उत्तर-पूर्वी ब्यूरो कारगर तरीका ते अमल कित्ता; अदिन काजे मूंड साल पेरके नवम्बर 1948 ते पूरा उत्तर-पूर्व किन मुक्त कीयाना महान जीत दोरकी कियामूडाता।

काजे कठोर ओसो तीव्र संघर्ष कीयाना जरूरत मंता। इद्रम ता आधार इलाकांग ना निर्माण कियाला काजा मूंडु लेवेके नालुंग साल कुना टाईम लागिअर। मति 1946 ते इद काम काजे उंदी गट्टिक शुरूआती पाहा (बुनियाद) वाटना। लेवेके माटू मना काल मजबूती ते तास परवोरम आयकोम।

2. इंजे इद्रम ता आधार इलाकांग ना निर्माण क्वोमिंगतांग ता कब्जा मत्ता लेवेके कब्जा आयना लेक्का मत्ता बेहरा शहर कुना लोप्पा लेवेके मुख्य कम्युनिकेशन कुना गरे कीयानायो, वर्तमान परिस्थिति ते इद्रम कीयाना संभव हिल्ले। क्वोमिंगतांग बेहरा शहर कु ओसो मुख्य कम्युनिकेशन पोरो कब्जा कित्ता पेरेके तन्ना गरे ता इलाकांग किन मना सुदृढ़ आधार इलाकांग बनेमायला हीवो आयर। इव इलाकांग लोप्पा मना पार्टी हालनाचोन काम कीयाना अनि तन्ना पहली फौजी रक्षा-पंक्ति बने कीयाना अनि इव इलाकांग किन लापरवाही ते इनपडे विडसनयो। मति इव इलाकांग रेंडासी पार्टींग नडमा छापामार इलाकांगे मंदितांग मति मना सुदृढ़ आधार इलाकांग मन्नोंग आयनुंग। अदिन काजे बवु इलाकांग लोप्पा सुदृढ़ आधार इलाकांग ना निर्माण आयर, अगा क्वोमिंगतांग कब्जा मत्ता शहर ओसो बेहरा ग्रामीण इलाका नल जेक मंतांग। अव इलाकांग किन इंजे मना ताकत ता बुनियाद वाटा परना लेक्का ओसो पूरा पार्टी इद लक्ष्य बगिल दायना लेक्का चिन्हित कीयाना।
3. माटू मना सुदृढ़ आधार इलाकांग ना जागा ता बारे ते निर्णय कियाकोम अस्के तन्ना ताकत कुना तैनात कियाकोम, ओसो मना सेना ता संख्या वेल्ले बेरस्तास्के उत्तर-पूर्व ते मासवर्क मना पार्टी ता काम ता गुरुत्व-केंद्र बनेमायार। उत्तर पूर्व ते उचुन कालम काजे क्वोमिंगतांग मना पार्टी तुकू ज्यादा शक्तिशाली मंदिता ओसो मनम जनता किन संघर्ष काजे जागृत कीयाना, ओरा समस्यांग किन हल कीयाना ओसो पुराए जनता पोरो ने आधार आसी मनवेके, मनम सब्बे ताकत कुना जनता नडमा बारीकी ते काम कियाला काजे

गोलबंद कियवेके उंदी साल लोप्पा खासकर वायना उचुक संकटपूर्ण महीनांग लोप्पा उंदी ठोस शुरुआती बुनियाद वाटा परवेके माटू उत्तर-पूर्व ते अलगाव ता परिस्थिति ते वाया परितोम इंजी सब्बे कार्यकर्ता लोर किन समझे कीयाना। सुदृढ़ आधार इलाकांग ना निर्माण किया परवोम आयकोम ओसो क्वोमिंगतांग ता हमलांग किन हारे किया परवोम आयकोम अनि माटू वेल्ला बेहर मुशिकल कुना सामना किया लागियर अद्रमासी माटू हारेमाया वेने परितोम इंजी वेने समझे कीयाना। इदिना उल्टा माटू गटिग जनता ना पोरो आधार आसी मत्तेके माटू सब्बे मुशिकल कुना पोरो जीत दोरकी किया परितोम। तीरम-तीरम मना लक्ष्य बगिल एविंतोम। मासवर्क कियाला काजे जनता किन देशद्रोहिरा संगे संघर्ष कियाला काजे जागृत कीयाना, लगान कम कीयाना ओसो वेतन बेरसी कियाला काजे आंदोलन शुरू कीयाना, उत्पादन बेरसी कियाला काजे आंदोलन शुरू कीयाना। इव संघर्ष कुना लोप्पा माटू अगल-अलग रकम ता जन संगठन बने कीयाना, पार्टी-केंद्र कुना स्थापना कीयाना, जनता ना सशस्त्र यूनिटकु ओसो जनता ना राजनीतिक सत्ता ता संगठन कुना स्थापना कीयाना, जनता ना आर्थिक संघर्ष कुना पोरो तेहची स्पीड ते राजनीतिक संघर्ष ता स्तर ते एवसी कीयाना ओसो आधार इलाकांग ना निर्माण कियाला जनता ना नेतृत्व कीयाना। जनता किन संघर्ष कियाला काजे जागृत कीयाना ता बारे ते जेहोल ता प्रांतीय पार्टी कमेटी इंजे जारी कित्ता निर्देश<sup>2</sup> उत्तर-पूर्व ते लागू किया परमूडांता। मना पार्टी अद उत्तर-पूर्व ते जनता किम वास्तविक भौतिक फायदा कीयाना, सिर्फ अस्के ने जनता मना समर्थन कियार ओसो क्वोमिंगतांग ता हमलांग ना मुकाबला कियार। लेवेके जनता स्पष्ट रूप ते क्वोमिंगतांग ओसो कम्युनिस्ट पार्टी नड़मा ता अंतर किन हूड़ा परवो आयार। इव रेंडु पार्टिंग नड़मा तल बद पार्टी बेस ओसो बद लब्बड़ मंता इंजी चिन्हित किया परवो आयार। अदु उचुन कालम काजे क्वोमिंगतांग ता गलत

प्रचार ता शिकार बनेमासी मना पार्टी खिलाफ वेने आया परिंता। इद्रम उत्तर-पूर्व ते मना काजे उंदी वेल्ले प्रतिकूल परिस्थिति पुट्टियर।

4. इंजे उत्तर-पूर्व ते मना पार्टी मुन्ने उंदी मनोगत मुशिकल मंता। मना कार्यकर्ता लोरा लोप्पा ओसो मना सेनांग लोप्पा उंदी वेल्ले बेहरा संख्या ते उत्तर-पूर्व तल वात्ता पूना लोकुर मंतोर, ओरु इद जागा ओसो अगाटा लोकुरा बारे ते पुत्तद हिल्ले। बेहरा शहर कुना पोरो कब्जा किया परवांकु मना कार्यकर्ता लोर नाराज आतोर अनि जनता किन जागृत कीसि आधार इलाकांग निर्माण कीसि कठीन काम कियाला काजे जल्दबाजी किया मंतोर। वर्तमान परिस्थितिंग मना पार्टी काम ता अनुकूल हिल्लेंग। माटू दूसरा इलाकांग नल वात्ता सब्बे कार्यकर्ता लोर किन बार-बार जांचपडताल ओसो अध्ययन बगिल ज्यादा ध्यान हियाना, अलग-अलग जागा ओसो अगाटा लोकुर किन पुंदाना, उत्तर-पूर्व ता जनता संगे उंदी आयना संकल्प एतना ओसो जनता किन प्रशिक्षण हीसी ओरा नडमा तल बेहरा संख्या लोप्पा सक्रिय तत्व ओसो कार्यकर्ता लोर किन तैयार कीयाना इंजी शिक्षित कीयाना। बेहरा शहर ओसो कम्युनिकेशन कुना पोरो क्वोमिंगतांग ता कब्जा मंता मति उत्तर-पूर्व ता परिस्थिति मना काजे अनुकूल मंता इंजी माटू कार्यकर्ता लोर किन समझे कीयाना। जनता किन जागृत कीयाना ओसो आधार इलाकांग ना निर्माण कीयाना, माटू सब्बे ताकत तुन गोलबंद कीतेके ओसो आधार इलाकांग ना निर्माण कीयाना महान संघर्ष किन तुरंत शुरु कीतेके माटू उत्तर-पूर्व ओसो जेहोल ते मन्ना मोदोल मजबूती ते वाटा परिंतोम ओसो मना जीत ता गारंटी आयर इंजी माटू सब्बे कार्यकर्ता लोर ओसो सैनिक लोरा किन समझे कीयाना। माटू कार्यकर्ता लोर किन बदे वेने परिस्थिति ते क्वोमिंगतांग ता ताकत किन वेल्ले कम कीसि हूडनायो, कठीन काम लोप्पा सिर्फ क्वोमिंगतांग बाताल आतेकाई पूर्वी ओसो उत्तरी मंचूरिया पोरो हमला जरूर कियार इंजी आल्सिसी जल्दबाजी कीयानायो इंजी वेहाना। बहदे डारुट हिल्ला इव सब्बे पोल्लोंग समझे



कीयानास्के माटू कार्यकर्ता लोर किन क्वोमिंगतांग वेल्ले शक्तिशाली मंता ओसो अदिन काजे अदिना हमलांग किन तहस-नहस किया परमूडायो इंजी ओरा लोप्पा डावुट वायला हियानायो। उत्तर-पूर्व ते क्वोमिंगतांग ता बदे वेने मजबूत बुनियाद हिल्ले ओसो अदिना हमलांग किन तहस-नहस कियमूडांता इंजी वेहना, अदिन काजे मना पार्टी काजे अगा आधार इलाकांग ना निर्माण कीयाना संभव मंता। मति क्वोमिंगतांग फौजकु इंजे जेहोल-ल्याओनिंग सीमा पोरो हमला किया मंतांग, अविना पोरो हमला कीवेके जल्दिए अवु पूर्वी-उत्तरी मंचूरिया पोरो हमला कियानुंग। अदिन काजे मना सब्बे पार्टी-सदस्य लोर वेल्ले कठीन काम कीयाना बोजा कांजना, जनता किन जल्दी जागृत कीयाना, आधार इलाकांग निर्माण कीयाना ओसो पश्चिमी मंचूरिया ओसो जेहोल लोप्पा क्वोमिंगतांग ता हमलांग किन दृढ़ता ते ओसो योजनाबद्ध तरिका ते तहस-नहस कीयाना इंजी संकल्प एतना। पूर्वी ओसो उत्तरी मंचूरिया लोप्पा माटू क्वोमिंगतांग ता हमलांग किन तहस-नहस कियाला काजे जल्दी-जल्दी अनुकूल परिस्थिति बने कीयाना। माटू मना कार्यकर्ता लोरा दिमाग तल माटू सिर्फ मना किस्मत तेने, कठोर ओसो तीव्र संघर्ष कियवा लेवाए, मना हेपुर-नेत्तुर पोहवा लेवा हल्कोए जीत दोरकी किया परितोम इंदाना विचार किन तेंडसी वाटसियाना।

5. पश्चिमी, पूर्वी ओसो उत्तरी मंचूरिया लोप्पा फौजी इलाकांग, उप-क्षेत्र कुन तुरंत चुने कीयाना अनि मना सेनांग किन तुरंत सीधा युद्ध मैदान लोप्पा मंदना सेनांग ओसो प्रादेशिक फौज कुना रूप ते विभाजित कीयाना। जनता किन जागृत कीयाना, डाकु लोर किन खत्म कीयाना, राजनीतिक सत्ता निल्पी कीयाना ओसो छापामार दलम, मिलिशिया, आत्मरक्षा फौज कुन संगठित कियाला काजे, नियमित सैनिक लोरा उंदी बेहरा संख्या किन फौजी उप-क्षेत्र कुना लोप्पा तूसना। इद्रम कीसि मना इलाकांग किन सुरक्षित तासा परितोम, क्वोमिंगतांग हमलांग किन तहस-नहस कियाला काजे पैदल-सेनांग संगे तालमेल

किया परितोमा सब्बे फौजी कुन विशिष्ट इलाकांग ओसो विशिष्ट काम लोप्पा वाटना, इद्रम कीसिए अवु तुरंत जनता संगे एकता किया परितांग ओसो सुदृढ आधार इलाकांग ना निर्माण किया परितांग।

6. इंजे मना उंदी लाख दसियों हजार सैनिक लोर उत्तर-पूर्व ओसो जेहोल ते नेगतोर, अगा मना सेना इस्साले दो लाख दसियों हजार पूना सैनिक ओसो बेरसी कित्ता, अदिना रुझान ओरकिन लगातार बेरसी कीयाना मंता। तीना लोप्पा पार्टी ओसो सरकार ता कार्यकर्ता लोर किन वेने जोड़े कीतेके उंदी साल लोप्पा इद संख्या चार लाख तुकू ज्यादा आयना लेक्का मावा अंदाजा मंता। कर्मचारिरा बेहरा संख्या उत्पादन-कार्य तल अलग मंदाना ओसो सप्लाई काजे पूराए उत्तर-पूर्व ता जनता पोरो आधार आसी मंदाना परिस्थिति ते पक्का वेल्ले जोम एवनल ताका परवो आयार, इदु उंदी वेल्ले खतरनाक परिस्थिति आंदू। इदिन काजे सब्बे फौजी यूनिटकु ओसो सरकारी संगठनकु “सिर्फ केंद्रित कित्ता ओसो बेहरा-बेहरा फौजी कारवाइंग ना जिम्मेदारी सौंपे कित्ता सीधा युद्ध मैदान लोप्पा मंदना सेनांग किन विडचसी” लड़ाई ओसो सामान्य काम तल टाईम दोरकतेके उत्पादन कार्य लोप्पा शामिल आया। 1946 साल सफलता दोरकी कियवा लेवा दायनायो, पूरा उत्तर-पूर्व किन तुरंत इदिना अनुसार योजनांग बने कीयाना।

7. उत्तर-पूर्व ते मजदूर-बुद्धिजीविर बद दिशा ते मुन्ने दायनूर, अदिना मना आधार इलाकांग ना निर्माण कीयाना ओसो वायना कालम ते जीत दोरकी कियाला काजे वेल्ले बेहरा महत्व मंता। अदिन काजे मना पार्टी बेहरा शहरकुना लोप्पा ओसो मुख्य कम्युनिकेशन कुना गर्रे-गर्रे तन्ना काम पोरो ओसो खासकर मजदूर, बुद्धिजीविर किन तम्मा पक्ष ते कीयाना काम पोरो पूरा ध्यान हियाना। जापनी आक्रमण विरोधी युद्ध शुरुआत ते मना पार्टी मजदूर, बुद्धिजीविर किन तम्मा पक्ष ते कीसि आधार इलाकांग लोप्पा तत्ताना काम पोरो हालनाचोन ध्यान हीताद हिल्ले, इंजे उत्तर-पूर्व ता पार्टी-संगठन कु क्वोमिंगतांग कब्जा

मत्ता इलाकांग लोप्पा भूमिगत काम पोरो ध्यान हियाना विड़चची मजदूर, बुद्धिजीविर किन मना सेना लोप्पा ओसो आधार इलाकांग ना विभिन्न निर्माण काम लोप्पा पिडंगना पूरा कोशिश कीयाना।

## नोट

1. पूर्वी मंचूरिया आधार इलाका लोप्पा चीनी छांगछुंग रेलवे ता शनयांग-छांगछुन सेक्शन ता पूर्व ते मत्ता चीलिन, शीआन, आनयू, येनची, तुनह्वा ओसो उचुक जागांग शामिल मत्तांग। उत्तरी मंचूरिया आधार इलाकांग लोप्पा हारबिन, मूतानच्यांग, पेइआन ओसो च्यामूस शामिल मत्तांग। पश्चिमी मंचूरिया आधार इलाका लोप्पा चीनी छांगछुन रेलवे ता शनयांग-छांगछुन सेक्शन ता पश्चिम ते मत्ता छीछीहाइ, थाओ-आन, खाएलू, फूशिन, चंगच्याथुन, फूय्वी ओसो उचुक इलाकांग शामिल मत्तांग। पार्टी दक्षिणी मंचूरिया ते वेने आधार इलाका ना निर्माण कित्ता। तीना लोप्पा चीनी छांगछुन रेलवे ता शनयांग-ताल्येन सेक्शन ता पूर्व ते मत्ता आनतुंग (नेटा तानतुंग-अनु), च्वांगहो, थुंगह्वा, लिनच्यांग ओसो छिंग्यवान अनि शनयांग ता दक्षिण-पश्चिम ते मत्ता ल्याओचुंग ओसो उचुक जागांग शामिल मत्तांग। दक्षिणी मंचूरिया ते दुश्मन खिलाफ कित्ता अविचल संघर्ष उत्तर-पूर्व ते आधार इलाकांग ना निर्माण ते वेने महत्वपूर्ण भूमिका निभे कित्ता।
2. इगा “जन-समुदाय किन जागृत कीयाना ता बारे ते निर्देश” ता बारे ते वेहताद मत्ता। इदिन चीनी कम्युनिस्ट पार्टी ता जहोल प्रांतीय कमेटी दिसम्बर 1945 ते जारी कीसि मत्ता। निर्देश लोप्पा अस्के जन-समुदाय किन जागृत कीयाना केंद्रीय कड़ी मत्ता देशद्रोही लोरा ओसो गुप्त एजेंट लोरा संगे लडेमायला काजे ओरा पोरो आरोप वाटना ओसो ओरकिन सजा हियाना उंदी जन आंदोलन शुरू कीयाना इंजी वेहताद मत्ता, ताना लोप्पा इद आंदोलन संगे जनता ना जोश बेरसी कीयाना, ओरा सामाजिक, राजनीतिक ओसो आर्थिक स्तर किन बेरसी कीयाना, ट्रेड यूनियन, किसान सभाग, बाकी जन-संगठकुन संगठित कीयाना ओसो इद आंदोलन मारता पेके लगान ओसो ब्याज कम कीयाना जन आंदोलन शुरू कीयाना तैयारी कीयाना इंजी वेहताद मत्ता। शहर कुना लोप्पा जनता किन जागृत कीयानास्के माटू सबसे मुन्ने मजदूर लोर किन जागृत कीयाना, आस्केने ओरु देशद्रोहिर, गुप्त एजेंट लोरा संगे लडेमायना आंदोलन ते हिरावल ओसो नेतृत्वकारी भूमिका निभे किया परितोर। इद निर्देश लोप्पा शहरी प्रशासन ता पूरा तरीका करियाना, मानव-शक्ति किन बचे कीसि इस्तेमाल कीयाना हर चीज ता बारे ते दीर्घकालीन योजना बने किया इंजी वेहताद मत्ता।

# वर्तमान अन्तरराष्ट्रीय परिस्थिति ता मूल्यांकन बारे ते उचुक पोल्लोंग\*<sup>1</sup>

अप्रैल 1946

1. विश्व प्रतिक्रियावादी ताकत जरूर तीसरी विश्वयुद्ध ता तैयारी किया मंता ओसो युद्ध ता खतरा मंता। मति दुनिया ता जनता ना जनवादी ताकत प्रतिक्रियावादी ताकत कुना मुन्ने जनता ना जनवादी ताकत प्रतिक्रियावादी ताकत तुकू मुन्ने हत्ता अनि अद विकसित आसोर दाया

---

<sup>1</sup> "इद दस्तावेज अद कालम ता अन्तरराष्ट्रीय परिस्थिति ता निराशावादी मूल्यांकन ता मुकाबला कियाला काजे रास्तद मत्ता। 1946 ता वसंत ते अमेरिका साम्राज्यवाद ओसो अलग-अलग देश कुना प्रतिनिक्रियावादी तम्मा सोवियत-विरोधी, कम्युनिस्ट-विरोधी ओसो जन-विरोधी कामकाज कुन बेरसी किया मंतोर। अनि "अमेरिका ओसो सोवियत संघ नडमा युद्ध ताकना जरूरत मंता" ओसो "तीसरी विश्वयुद्ध शुरू आयना जरूरत मंता" इंजी कोलार पोय्या मंतोर। इद्रम ता परिस्थिति ते उचुन कामरेड्स साम्राज्यवादी ताकत किन अदिना असलियत तुकू ज्यादा आंकलन कीयाना शुरू कितोर, जनता ना ताकत किन कम, अमेरिका साम्राज्यवाद तुकू वेरियाना शुरू कितोर अनि पूना विश्वयुद्ध शुरू आयना तुकू वेरियतोर। अदिन काजे, च्यांग काई-शेक प्रतिक्रियावादी गुट ता सशस्त्र हमलांग मुन्ने कमजोरी तोहतोर अनि प्रतिक्रांतिकारी युद्ध ता क्रांतिकारी युद्ध संगे दृढता ते विरोध कीयाना हिम्मत कीवोर आतोर। इद दस्तावेज लोप्पा कामरेड माओ त्सेतुंग इद्रम ता गलत विचार कुना विरोध कितोर। ओरु सब्बे दुनिया लोप्पा जनता ना ताकत विश्व प्रतिक्रियावाद ता ताकत खिलाफ दृढता ते ओसो कारगर तरिका ते संघर्ष शुरू कीतेके, ओरु पूना विश्वयुद्ध ता खतरा पोर काबू किया परितोर। संगे ने ओरु साम्राज्यवाद देश कुना ओसो समाजवादी देश कुना नडमा बदे रकम ता समझौता आया परवो इंजी वेहतोर। मति इद्रम ता समझौता "पूंजीवादी दुनिया ता देश कुना जनता अविन लागू कीसि तम्मा देश लोप्पा वेने समझौता कीयाना इंजी मांग कीवो", "अवु देश कुना जनता तम्मा अलग-अलग परिस्थितिंग अनुसार अलग-अलग संघर्ष शुरू कीता"। अस्के इद दस्तावेज प्रकाशित कित्ताद हिल्ले ओसो सिर्फ केंद्रीय कमेटी उचुन नेता लोर किन पढेमायला काजे हीता। दिसम्बर 1946 चे इदिन चीनी कम्युनिस्ट पार्टी ता केंद्रीय कमेटी ता मीटिंग लोप्पा तूसताद मत्ता। अगा मत्ता कामरेड्स इदिना विषय-वस्तु किन सर्व सहमत ते मानेमाताद मत्ता। अदिन काजे पेरेके इदिना पूरा विषय तुन "केंद्रीय कमेटी ता दिसम्बर 1946 ता मीटिंग ता फैसला ता बारे ते सर्कुलर" लोप्पा शामिल कित्ताद मत्ता, इदिन केंद्रीय कमेटी जनवदी 1946 ते जारी कित्ता।

मंता, अबु युद्ध ता खतरा पोरो जरूर काबू कीयाना ओसो जरूर काबू किया परितांगा। अदिन काजे अमेरिका, ब्रिटिश ओसो फ्रांस संगे सोवियत संघ संबंध कुना सवाल सुलहनामा मंता या हिल्ले इंजी आयवा जल्दी सुलहनामा मंदना लेवेके लेट आयना ता सवाल मंता। “सुलहनामा” इत्तेके शांति-वार्ता संगे समझौता कीयाना। “जल्दी लेवेके लेट” इत्तेके उचुक सालकुना लोप्पा लेवेके दस साल तुकू ज्यादा कालम लेवेके इदिनकु वेने बचोनो ज्यादा कालाम ते।

2. बद रकम ता सुलहनामा ता बारे ते पोरो वेहतद मंतायो अदिना अर्थ सब्बे अन्तरराष्ट्रीय समस्यांग लोप्पा सुलहनामा आयानायो। इद्रम आयना बस्के एवनल अमेरिका, ब्रिटिश ओसो फ्रांस लोप्पा प्रतिक्रियावादी शासन जारी मंदियार अस्के एवनल मुश्किल मंता। इद रकम ता समझौता ता अर्थ उचुक समस्यांग लोप्पा समझौता आयना आंदू इविना लोप्पा महत्वपूर्ण समस्यांग वेने मंतांगा। मति इंजे वायना कालम ते इद्रम ता समझौतांग वेल्ले आयोंग आयनुंगा। अस्के वेने अमेरिका, ब्रिटिश ओसो फ्रांस संगे सोवियत संघ ता व्यापारिक संबंध बेरसना सम्भावना मंता।

3. अमेरिका, ब्रिटिश, फ्रांस ओसो सोवियत संघ नड़मा इद्रम ता समझौता अमेरिका, ब्रिटिश ओसो फ्रांस ता प्रतिक्रियावादी ताकत कुना खिलाफ दुनिया ता सब्बे जनवादी ताकत कुना दृढ़ ओसो कारगर संघर्ष संगेने आया परिंता। इद्रम ता समझौता पूंजीवादी दुनिया ता देश कुना जनता अविन पोयसी तम्मा देश लोप्पा वेने समझौता कीयाना इंजी मांग कीवो। अव देश कुना जनता तन्ना अलग-अलग परिस्थिति अनुसार अलग-अलग संघर्ष शुरू कीसोर मंदियार। जनता ना जनवादी ताकत संगे टक्कर एतनास्के प्रतिक्रियावादी ताकत कुना उसूल “बदिन नष्ट किया परिंतिर अदिन नष्ट कीमुट ओसो बदिन इंजे नष्ट किया परिविर अदिन पेरके नष्ट कीयाना तैयारी कीमुट” मत्ता। इद परिस्थिति ता सामना आत्तास्के जनता ना जनवादी ताकत कुन वेने इदे उसूल प्रतिक्रियावादी ताकत कुना पोरो लागू कीयाना।

# आत्मरक्षात्मक युद्ध संगे च्यांग काई-शेक ना आक्रमण किन चकनाचूर कीमूट\*<sup>1</sup>

20 जुलाई 1946

"1 इदु निर्देश माओ त्सेतुंग केवल चीनी कम्युनिस्ट पार्टी ता केद्रीय कमेटी काजे तैयार कीसि मतोर। 1945 ता इरंगम ते च्यांग काई शेक "10 अक्तूबर समझौता" किन हीकसी वाटतोर, मति नालुंग बगिल गृहयुद्ध ता तैयारिग इंजे पूरा आत्ताद हिल्वा मत्तांग। इदिन मुख्य कारण क्वोमिंगतांग सेनांग किन इंजे बेहरा संख्या ते गृहयुद्ध ता मोर्चा ते लोहताद हिल्वा मत्ता। अद्रम आसी पूरा जनता ना ताकत ओसो जनवाद ता मांग ता दबाव ते क्वोमिंगतांग सरकार किन जनवरी 1946 ते चीनी कम्युनिस्ट पार्टी ओसो बाकी जनवादी पार्टिंग ना राजनीतिक सलाहकार सम्मेलन किया लागता। सम्मेलन लोप्पा शांति ओसो जनवादी हक ते लगातरा बचोनो प्रस्तावा पास कित्ताद मत्ता अनि 10 जनवरी ते युद्ध-विराम ता आदेश जारी कित्ताद मत्ता। राजनीतिक सलाहकार सम्मेलन ता प्रस्ताव ओसो युद्ध-विराम ता आदेश पोरो अमल कियाला काजे च्यांग काई-शेक तैयार हिल्वा मतोर। 1946 ता पहली 6 महीनांग लोप्पा क्वोमिंगतांग सेनांग मुक्त इलाकांग ना बचोनो जागा ने हमलांग कित्तांग; इव हमलांग लोप्पा उत्तर-पूर्व ता हमलांग खासकर बेहरा स्तर ते कित्ताद मत्ता ओसो उंदी महान दीवार ता दक्षिण ते सुडला स्तर ता लड़ाईंग ओसो अदिना उत्तर ते बेहरा स्तर ता लड़ाईंग ना परिस्थिति पुट्टी कित्ता। इद्रम ता परिस्थिति ते क्वोमिंगतांग सेनांग किन लाने-ले दायाना ओसो अविन हथियार संगे लैस कीयाना अमेरिका ता जोरदार कोशिश कित्तांग। जून 1946 ता आखरी एवनल च्यांग काई-शेक ओसो अमेरिका इंजे तम्मा तैयारिग पूरा आतांग ओसो इंजे अबु 3 तल 6 महीनांग लोप्पा पूरा जन-मुक्ति सेना किन खत्म किया परितांग इंजी आल्सतांग। इदिना अनुसार अबु मुक्त इलाकांग ना विरुद्ध नालुंग बगिल तल आक्रमण शुरू कित्तांग। इविना शुरूआत 26 जून ते मध्यवर्ती मैदान मुक्त इलाकांग पोरो घेरव कीसि बेहरा आक्रमणकु कित्तांग। जुलाई ओसो सितम्बर नइमा क्वोमिंगतांग सेनांग च्यांगसू-आनह्वेइ, शानतुंग, शानशी-हपे-शानतुंग-हनान, शानशी-छाहाइ-हपे ओसो शानशी-स्वेय्वान मुक्त इलाकांग पोरो लगातरा बेहरा स्तर ता हमलांग शुरू कित्तांग अक्तूबर ते ओरु उत्तर-पूर्वी मुक्त इलाकांग पोरो बेहरा स्तर ता ओसो उंदी बेहरा हमला कित्तांग। संगेने ओरु तम्मा बेहरा सेनांग संगे शानशी-कानसू-निंगश्या मुक्त इलाकांग ना घेरेबंदी वेने जारी तासतोर। देशव्यापी गृहयुद्ध शुरू आतास्के क्वोमिंगतांग तन्ना 193 ब्रिगेड इत्तेके बदे वेने 16 लाख नियमित सेना, कुल 248 ब्रिगेड इत्तेके 20 लाख नियमित सेना ता 80 प्रतिशत हिस्सा मत्ता, मुक्त इलाकांग पोरो आक्रमण कियाला वाटता। पार्टी केंद्रीय कमेटी ओसो अदिना ब्यूरो-उपब्यूरो ता नेतृत्व

1. च्यांग काई शेक युद्ध विराम समझौता<sup>1</sup> किन हीकसी राजनीतिक सलाहकार सम्मेलन ता प्रस्ताव<sup>2</sup> ता उल्लंघन कितोर, सफिंग, छांगछुन लेक्कटा उत्तर-पूर्व ता मावा बचोनो शहरकुन कब्जा कित्ता पेरके, इंजे पूर्वी ओसो उत्तरी चीन लोप्पा मना खिलाफ बेहरा स्तर ता ओसो उंदी आक्रमण शुरू किया मंता, पेरके अदु उत्तर-पूर्व पोरो दुबारा हमला किया परिंता। आत्मरक्षात्मक युद्ध लोप्पा च्यांग काई शेक ना आक्रमण किन पूराए गूंडा-गूंडा कित्ता पेरकेने चीनी जनता दुबारा शांति दोरकी किया परिंता।
2. च्यांग काई शेक ना आक्रमण किन चकनाचूर कीयाना ओसो इद्रम ता शांति दोरकी कियाला काजे मना पार्टी ओसो मना सेना हर रकम ता तैयारी कीया मंता। च्यांग काई शेक किन अमेरिका तल मदद दोरकिंता, मति जनता ना जीवा ओना खिलाफ मंतांग, ओरा सेनांग ना हिम्मत हिल्ले, ओरा आर्थिक व्यवस्था संकट ते मंता। मावा बारे ते हूडतेके माकिन विदेशी मदद दोरकवेके वेने जनता

---

ते मुक्त इलाकांग ना सेना ओसो जनता च्यांग काई-शेक ना सेनांग ना आक्रमण ता वेल्ले बहादुरी ते मुकाबला कितोरा अस्के मुक्त इलाकांग लोप्पा 6 बेहरा युद्धक्षेत्र मतांगा। इव 6 युद्धक्षेत्र ओसो इविना लोप्पा लडेमायना जन-मुक्ति सेना ता सेनांग इद्रम मतांग:

शानशी-हपे-शानतुंग-हानन मुक्त इलाकांग ओसो अविना लोप्पा ल्यु पो-छंग, तंश श्याओ-फिंग लेक्कटा कामरेड्स ना नेतृत्व ते जन-मुक्ति सेना ता सेनांग;

पूर्वी चीन मुक्त इलाकांग (शानतुंग ओसो च्यांगसू आनह्वेइ मुक्त इलाकांग संगे) ओसो अविना लोप्पा छन ई, सू य्वी, थान चन-लिन लेक्कटा कामरेड्स ना नेतृत्व ते जन-मुक्ति सेना ता सेनांग;

उत्तर-पूर्वी मुक्त इलाकांग ओसो अविना लोप्पा लिन प्याओ, लो रंग-ह्वान कामरेड्स ना नेतृत्व ते जन-मुक्ति सेना ता सेनांग;

शानशी-छाहाइ-हपे मुक्त इलाकांग, अविना लोप्पा न्ये रंग-चन ओसो दूसरा कामरेड्स ना नेतृत्व ते जन-मुक्ति सेना;

शानशी-स्वेयान मुक्त इलाकांग लोप्पा ली श्येन-न्येन, चंग वेइ-सान लेक्कटा कामरेड्स ना नेतृत्व ते जन-मुक्ति सेना;

अस्के कुल 12 लाख सैनिक वाले जन-मुक्ति सेना संख्या ता दृष्टि ते दुश्मन तुकु कम मत्ता। कामरेड माओ त्सेतुंग तथ कित्ता रणनीति किन सही तरीका ते लागू कीतेके ओसो हमला कीयाना दुश्मन पोरो लगातार जबरदस्त देब्बा वाटता। लगभग आठ महिनांग लोप्पा दुश्मन ता 66 नियमित ब्रिगेड ओसो कुल 7 लाख 10 हजार तुकु ज्यादा सैनिक मत्ता उचुक अनियमित युनिट कुन खत्म कित्ता पेरके जन-मुक्ति सेना दुश्मन ता नालुंग बगिल ता हमला किन रोमी कित्ता। पेरके अदु तीरम-तीरम तन्ना रणनीतिक प्रत्याक्रमण किन बेरसी कित्ता।

ना जीवा मावा संगे मंतांग, मना सेना ता हिम्मत बुलंदे मंदिता ओसो माटू मना अर्थ व्यवस्था किन सम्भाले किया परितोमा। अदिन काजे माटू च्यांग काई-शेक किन हारे किया परितोमा। पूरा पार्टी इद पोल्लो पोरो पूरा भरोसा तासना।

3. च्यांग काई शेक किन हारे कियाला काजे लड़ेमायना तरिका साधारण रूप ते चलायमान युद्ध मंता। अदिन काजे अस्थाई रूप ते उचुक जागांग लेवेके शहर कुन विड़चसी गुचना सिर्फ अनिवार्यए आयवा जरूरी वेने मंदिता। उचुक जागांग लेवेके शहर कुन अस्थाई रूप ते अन्तिम जीत दोरकी कियाल काजे विड़सा लागिंता, इद्रम कीवेके अंतिम जीत दोरका परवो आंता। माटू मना सब्बे पार्टी सदस्य लोर ओसो मुक्त इलाकांग ना पूरा जनता किन इद पोल्लो समझे कीसियाना अस्के ने ओरु इदिना काजे मानसिक रूप ते तैयार मंदा परितोर।
4. च्यांग काई शेकना आक्रमण किन गुंडा-गुंडा कियाला काजे माटू आगड़ा जनता संगे गटिग एकता कीयाना, बचोन लोकुर मना पक्ष ते वाया परितोर सब्बे तोर किन मना पक्ष ते कीयाना जरूरी मंता। ग्रामीण इलाकांग लोप्पा माटू उंदी बगिल भूमि-समस्या किन दृढ़ता ते हल कीयाना, खेत-मजदूर ओसो गरीब किसान लोरा पोरो पक्का भरोसा कीयाना ओसो मध्यम किसान लोरा संगे एकता कीयाना, दूसरा बगिल माटू भूमि-समस्या हल कीयानास्के उंदी पक्ष ते मामूली धनी किसान, मध्यम, सुडला जर्मीदार ओसो दूसरा पक्ष ते गद्दार, बुरे शरीफजादा लोर ओसो स्थानीय निरंकुश तत्व कुना नड़मा अंतर कीयाना। गद्दार, बुरे शरीफजादा लोर ओसो स्थानीय निरंकुश तत्व ना बारे ते मना व्यवहार ज्यादा सख्त मंदाना ओसो धनी किसान, मध्यम किसान, सुडला जर्मीदार लोरा पोरो वेल्ले नरम व्यवहार मंदाना। बद जागा ते भूमि-समस्या हल कित्ताद मंता अगा माटू उचुन प्रतिक्रियावादिर किन विड़चसी बाकी पूरा जर्मीदार वर्ग ता बारे ते मना रुझान बदले कीसि नरमी



व्यवहार कीयाना। दुश्मन तत्व कुना संख्या कम कियाला ओसो मुक्त इलाकांग किन सुदृढ़ बने कियाला काजे मनम पिस्वल पिस्सला मुशिकल आसोर मत्ता जमींदार लोर किन मदद कीयाना ओसो दूसरा जागा ने वितसी मत्ता जमींदार लोरकिन वापिस वायला प्रोत्साहित कीयाना। शहर लोप्पा, मजदूर वर्ग, निम्न-पूंजीपति वर्ग ओसो सब्बे प्रगतिशील तत्व संगे एकता कीयाना विड़चसी माटू सब्बे मध्यम वर्ग संगे एकता किया ओसो प्रतिक्रियावादिर किन अलगाव ते वाटना पोरो वेने ध्यान हियाना। क्वोमिंगतांग सेनांग लोप्पा माटू गृहयुद्ध ता सब्बे विरोधिर किन मना पक्ष ते कीयाना ओसो युद्ध किन उकसे कियानोर कुन अलगावा ता परिस्थिति ते वाटना।

5. च्यांग काई शेक ना आक्रमण किन चकनाचूर कियाला काजे माटू मना योजनांग दीर्घकालीन रूप ते बने कीयाना। मना मानव-शक्ति ओसो मना भौतिक साधन कुना इस्तेमाल मनम परताचोन बचे कीयाना ओसो फिजूल खर्च तल बचेमायला काजे बातलाई तेहची पोयसी तासनायो। भ्रष्टाचार ता विज्जा बचोनो जागा ने दिस्ता, अविन जांच-पड़ताल कीसि अविन दूर कीयाना। जरूरत ता सब्बे सामान ता बारे ते ओसो सबसे मुन्ने अनाज ओसो कपड़ा ता बारे ते पूराए आत्मनिर्भर बनेमायला काजे माटू उत्पादन कार्य लोप्पा कड़ी मेहनत कीयाना। माटू कपास ता व्यापक खेती कियाला प्रोत्साहन हियाना। हर परिवार कताई कीयाना ओसो हर नार बुनाई कीयाना। इदु प्रोत्साहन हियाना मना उत्तर-पूर्व ते वेने शुरू कीयाना। वित्त ओसो सच्चाई ता बारे ते माटू आत्मरक्षात्मक युद्ध ता भौतिक जरूरत कु पूरा कीयाना ओसो संगे जनता ना बोजा वेने कम कीयाना अस्के युद्ध कालम ता परिस्थितिंग लोप्पा वने मना मुक्त इलाकांग ना जनता ना पिस्वल उचुन सुधरेमायारा। सारांश ते माटू सिर्फ मना कोशिश कुना पोरो ने पूरा निर्भर मंतोम अनि मना परिस्थिति अजेय मंता, इदु च्यांग काई-शेक ना लेक्का

दूसरा देशकुना पोरो निर्भर आसी मत्ता लेक्का हिल्ले। माटू सादा पिस्वल ओसो मेहनत संगे काम कीतोम, सेना ओसो जनता रेंडासी ना जरूरत कुन ध्यान ते तासिंतोम, इदु च्यांग काई शेक ना इलाकांग लोप्पा अमीर लोकर भ्रष्ट ओसो पतित आसी मंतोर अनि ओरा दोड़ मत्ता जनता वेल्ले कठीन पिस्वल पिस्ससोर मंदाणा परिस्थिति ता बिल्कुल उल्टा मंता। इद्रम ता परिस्थिति ते माटू जरूर जीड़ाकोम।

6. मावा मुन्ने मुश्किलकु मंतांग, मति अविन दूर किया परमूडांता ओसो किया लागियर। सब्बे पार्टी कामरेड्स किन ओसो मुक्त इलाकांग ना पूरा सेनांग ओसो पूरा जनता किन उंदी जीवा आया लागियर, च्यांग काई शेक ना आक्रमण किन पूराए चकनाचूर किया लागियर ओसो उंदी आजाद, शांति ओसो जनवादी पूना चीन ता निर्णय कीयाना।

## नोट

1. “युद्ध-विराम समझौता” फौजी मुठभेड़ किन बंद कीयाना ता बारे ते कित्ता समझौता मत्ता। इदु 10 जनवरी 1946 ते चीनी कम्युनिस्ट पार्टी ता प्रतिनिधिर ओसो च्यांग काई शेक ना क्वोमिंगतांग सरकार ता प्रतिनिधिरा नडमा आत्ता। ताना लोप्पा रेंडासी पक्ष कुना सेनांग 13 जनवरी ते नडुम नरका तन्ना-तन्ना परिस्थिति ते रोमसी तन्ना सब्बे सामरिक कार्रवाईंग किन बंद कीयाना इंजी रास्तद मत्ता। मति असल इत्तेके च्यांग काई शेक इद समझौता किन गंदरगोल कीसि इस्तेमाल कित्तोर अनि अदिन पेरके मंजी युद्ध ता तैयारी कित्तोर, अस्के ने युद्ध-विराम ता आदेश जारी आत्ता, च्यांग काई शेक क्वोमिंगतांग सेनांग किन “सामरिक महत्व ता जागांग किन कब्जा कीयाना” इंजी आदेश हीतोर। अस्के ने ओरु मुक्त इलाकांग पोरो हमला कियाला काजे तन्ना सेनांग किन लगातार हिक्के-हक्के लोहना शुरू कित्तोर। जुलाई एवनल च्यांग काई शेक युद्ध-विराम समझौता किन खुल्लम-खुल्ला हीकसी मत्तोर। अनि मुक्त इलाकांग पोरो नालुंग बगिल तल हमला शुरू कीसि मत्तोर।

2. राजनीतिक सलाहकार सम्मेलन ते क्वोमिंगतांग, चीनी कम्युनिस्ट पार्टी ओसो बाकी राजनीतिक पार्टिंग ना प्रतिनिधिर ओसो बदे पार्टी हिल्वा गणमान्य लोकुर शामिल आतोर। अद सम्मेलन 10 तल 31 जनवरी 1946 एवनल हुंगकिंग ते ताकता। इद सम्मेलन लोप्पा पांच समझौतांग आतांगः
  - 1) सरकार ता संगठन संबंधित समझौता। इद समझौता लोप्पा “राष्ट्रीय सरकार ता संगठनात्मक नियमकुना लोप्पा राष्ट्रीय सरकारी कौंसिल किन चिन्हित कीयाना उद्देश्य ते संशोधन आयार” इंजी वेहताद मत्ता। तीना संगे राष्ट्रीय सरकार ता कौंसिलर लोरा संख्या बेरसी कियमूडायर, “राष्ट्रीय सरकार ता कौंसिलर लोर किन सरकार ता अध्यक्ष क्वोमिंगतांग सदस्य, गैर-क्वोमिंगतांग लोकुरा लोप्पाटल चुनेमायार”, “राष्ट्रीय सरकार ता अध्यक्ष विभिन्न पार्टिंग ना सदस्य लोरा राष्ट्रीय सरकार ता कौंसिलर लेक्का चुनाव अगा मत्ता पार्टिंग ना सलाह संगे कियमूडायर, मति अध्यक्ष इद सलाह किन नामंजूर कीतेके पार्टी पूना पोरोल ता सलाह कियार”, “राष्ट्रीय सरकार ता अध्यक्ष बदे बदे पार्टी हिल्वा सम्मानित मानेय किन सरकारी कौंसिलर लोप्पाटल उंदी तिहाई लोकुर विरोध कीतेके, अध्यक्ष इदिना पोरो ओसो उंदी बेरा विचार कीयाना अनि इद चुनाव काजे बोरे पूना मानेय किन नामांकन कीयाना”, “राष्ट्रीय सरकार ता आधा कौंसिलर क्वोमिंगतांग ता सदस्य मंदानुर ओसो बाकी आधा राजनीतिक पार्टिंग, सम्मानित लोकुरा लोप्पाटल पोयमूडायर।” राष्ट्रीय सरकार ता कौंसिलर कुना परिभाषा अमूर्त रूप ते “राजकीय समस्यांग काजे जिम्मेदार मत्ता सर्वोच्च सरकारी संगठन आंदू”, वैधानिक उसूलकु, प्रशासनिक नीतिंग ओसो मुख्य सैनिक समस्यांग, वित्तीय योजनांग ओसो बजट ता बारे ते राष्ट्रीय सरकारी अध्यक्ष विचार काजे पेश कित्ता समस्यांग ना बारे ते विचार-विमर्श कीयाना ओसो फैसला कीयाना अधिकार मंदियार, मति संगे ने राष्ट्रीय सरकारी अध्यक्ष किन वेल्ले बेहरा अधिकारकु मंदानुंग। इविना लोप्पा बदे पद काजे बोनकिने वेने तासना अधिकार, सापेक्ष वीटो ता अधिकार ओसो संकटकालीन अधिकार शामिल मंता। समझौता लोप्पा राष्ट्रीय सरकार ता “कार्यकारी ख्यान ता सात लेवेके आठ सदस्य गैरक्वोमिंगतांग मंदानुर, ओरु वर्तमान मंत्रालय ता संचालन कियानुर लेवेके प्रस्तावित बिना पोर्टफोलियो ता मंत्रालय ता संचालन कियानुर वेहताद मत्ता।”
  - 2) शांतिपूर्ण राष्ट्रीय पुनर्निर्माण ता प्रोग्राम। इद प्रोग्राम ता 9 धारांग मंतांग, इतेके “आम उसूल”, “जनता ना अधिकार”, “राजनीतिक समस्यांग”, “फौजी समस्यांग”, “विदेशी संबंध”, “आर्थिक ओसो वित्तीय समस्यांग”, “शिक्षा ओसो संस्कृति”, “सहायता ओसो पुनर्वास” अनि “प्रवासी चीनी लोरा बारे ते”। “आम उसूल” बारे ते धार लोप्पा देश ता सब्बे राजनीतिक पार्टिंग “उंदी

एकीकृत, स्वतंत्र ओसो जनवादी पूना चीन ता निर्माण कियाला काजे मजबूती ते एकता आयार”, “राजनीतिक जनवादीकरण, सेनांग ना राष्ट्रीयकरण ओसो सब्बे राजनीतिक पार्टिंग काजे समानता ओसो वैधता” ते अमल कियमूडायार, “राष्ट्र ता शांतिपूर्ण विकास गारंटी कियाला काजे राजनीतिक चर्चांग कुन राजनीतिक तरीका ते हल कीयाना आयारा” “जनता ना अधिकार” बारे ते धारा लोप्पा “जनता काजे, मानेय, विचार, धर्म, विश्वास, भाषण, प्रेस, सभा संगठन, निवास, स्थानान्तरण ओसो पत्र-व्यवहार ता आजादी ता गारंटी कीयाना” ओसो “न्यायपालिका ओसो पुलिस किन विड़चसी बदे वेने संगठन ओसो मानेय किन जनता ना गिरफ्तार कीयाना, ओरा मुकदमा ता सुनवाई कीयाना ओसो ओरकिन सजा हियाना अनुमति इनपडे हिल्ले। बोरु इद नियम ता उल्लंघन कियानुर ओरकिन सजा हियमूडायरा।” “राजनीतिक समस्यांग” ना बारे ते धारा लोप्पा “प्रशासन ता सब्बे स्तर किन पूरा जांचपड़ताल किसी सुधारे कीयाना, ओरा अधिकार, जिम्मेदारिंग ना एकीकरण कीयाना ओसो अविन स्पष्ट रूप ते तय कीयाना, सब्बे दोहरी एजेन्सिंग किन देहचियाना, प्रशासनिक नीतिंग किन सरल रूप हियाना, ओसो हर स्तर ता प्रशासन किन पक्का जिम्मेदारी सौंपे कीयाना आयार”, “सही पदाधिकारिरा रक्षा कीयाना, सरकारी पद कुना पोरो तैनाती पार्टी-संबंध कुना पोरो आधार आसी आयवा क्षमता पोरो वरिष्ठता पोरो आधार आसी कीयाना, उंदी तुकू ज्यादा पद पोरो वरोरे मानेय मंदाना ओसो निजी सलाह संगे चुने कीयाना पोरो प्रतिबंध वाटना आयार”, “निरीक्षण व्यवस्था पोरो सख्ती ते अमल कीयाना, भ्रष्टाचार समस्यांग लोप्पा कड़ी सजा हियाना ओसो जनता किन अदु भ्रष्ट अफसर लोरा पोरो आजादी ते आरोप वाटा परना सुविधा हियाना”, “स्थानीय स्वायत्त शासन किन सक्रियता ते बेरसी कीयाना ओसो बालिग मताधिकार संगे दोड़ स्तर तल पोरोटा स्तर एवनल चुनाव कीयाना”, ओसो “केंद्रीय सरकार ओसो स्थानीय सरकार कुना अधिकार किन सत्ता ते पूर्ण वितरण ता उसूल अनुसार तय कीयाना। स्थानीय सरकारकु स्थानीय परिस्थितिंग ना अनुकूल फैसलांग कियानुंग मति बदे प्रान्त ओसो काउन्टी ता सरकार बने कित्ता कायदा-कानून किन केंद्रीय सरकार ता कायदा-कानून संगे टकरे माया मंदाना” वेहताद मत्ता। “फौजी समस्यांग” ना बारे ते धारा लोप्पा “फौजी संगठनकु ना राष्ट्रीय प्रतिरक्षा ता जरूरत कुना अनुसार वाटना, फौजी प्रणाली लोप्पा सरकार ता जनवादी व्यवस्था ओसो मावा देश ता परिस्थितिंग अनुकूल बने कीयाना, फौजी सत्ता किन राजनीतिक पार्टिंग नल अलग कीयाना, फौजी सत्ता किन सिविल सत्ता तल अलग तासना, फौजी शिक्षा लोप्पा सुधार कीयाना, हालनाचोन साजो-सामान जमा कीयाना, कर्मचारी व्यवस्था ओसो वित्तीय व्यवस्था लोप्पा सुधार कीयाना, अस्के ने उंदी

आधुनिक राष्ट्रीय सेना ता निर्माण आया परिंता”। “राष्ट्रीय फौज किन सैनिक पुनर्गठन योजना अनुसार सही तरिका ते कम कीयाना ओसो पुनर्गठन कीयाना।” “आर्थिक ओसो वित्तीय समस्या” ना बारे ते धारा लोप्पा “नौकरशाही-पूंजी ता विकास किन रोमी कीयाना ओसो सरकारी अफसर लोर किन तम्मा सरकारी पद ओसो प्रभाव ता इस्तेमाल कीसि सट्टेबाजी, इजारेदारी, टैक्स-चोरी, तस्करी, सार्वजनिक पैसा ता गबन ओसो परिवहन साधन कुना गैर कानूनी रूप ते इस्तेमाल कीयाना अनुमति मन्नो”। “लगान ओसो ब्याज कम कीयाना, भूम पुहतना अधिकार कुना रक्षा कीयाना, जमीन लगान ता भुगतान ता गारंटी कीयाना, कृषि काजे कर्ज हियाना किन बेरसी कीयाना, सूदखोरी पोरो सख्त पाबंदी वाटना, अस्के ने किसान लोरा पिस्वल ते सुधार आया, ‘पुहतोनोर के भूमि’ ता उद्देश्य किन पूरा कियाला काजे उंदी भूमि कानून लागू कीयाना” इंजी मत्ता, “वित्तीय बंदोबस्त ता सार्वजनिक रूप ते ऐलान कीयाना, बजट व्यवस्था ओसो वित्तीय रिपोर्ट ता व्यवस्था किन सख्त ते पालन कीयाना, बजट ता खर्च ते वेल्ले कटौती कीयाना, टैक्स ओसो खर्च लोप्पा सुधार कीयाना, केंद्रीय, स्थानीय सरकारी वित्त ता परिभाषा तय कियमूडायर, ताकसोर मत्ता मुद्रा व्यवस्था किन स्थाई रूप हियाना ओसो स्थानीय, विदेशी कर्ज एतना ओसो अदिना इस्तेमाल कीयाना सार्वजनिक रूप ते ऐलान कीयाना लेक्काटा सब्बे काम सार्वजनिक संस्थान कुना देखरेख ते कीयाना आया”, “टैक्स-व्यवस्था ते सुधार कीयाना, सब्बे बेहरा, विविध रकम ता लेविंग ओसो गैर कानूनी टैक्स कुन पूराए खत्म कीयाना।” “शिक्षा ओसो संस्कृति” ता बारे धारा लोप्पा “विद्याकुना अध्ययन-खोज कीयाना आजादी ता गारंटी कीयाना, धार्मिक विश्वास लेवेके राजनीतिक विचार कुना कारण ते बदे वेने स्कूल-कालेज ता प्रशासन लोप्पा दखल हियानायो”। “शिक्षा ओसो संस्कृति काजे राष्ट्रीय बजट लोप्पा कित्ता रकम ता कमी किन बेरसी कीयाना”, ओसो “समाचार पत्र, प्रकाशन, फिल्म, नाटक ओसो डाक-तार पोरो वाटता युद्ध कालीन सैन्सरशिप किन खत्म कीयाना।”

- 3) राष्ट्रीय एसेम्बली संबंधित समझौता। इद समझौता लोप्पा राष्ट्रीय एसेम्बली लोप्पा “विभिन्न पार्टिंग ओसो सार्वजनिक सम्मानित मानेय संगे 700 प्रतिनिधि ओसो बेरसी कीयाना आया” ओसो “प्रथम राष्ट्रीय एसेम्बली ता कर्तव्य ओसो अधिकार ओरु इंदी संविधान तैयार कीयाना अनि अदिन स्वीकार इंजी मंदियारा।”
- 4) संविधान ता मसौदा संबंधित समझौता। इद समझौता लोप्पा क्वोमिंगतांग तैयार कित्ता संविधान ता मसौदा किन संशोधन कियाला काजे उंदी रिव्यू कमेटी ता स्थापना किया लागियर, राष्ट्रीय एसेम्बली ओसो सरकारी संगठन कुना कर्तव्य,

अधिकार किन तय कीयाना उसूल तय कीयाना आयवा “स्थानीय शासन-व्यवस्था” ओसो “जनता ना अधिकार कर्तव्य” कुना बारे ते विशेष रकम ता व्यवस्था कित्ताद मत्ता। “स्थानीय शासन-व्यवस्था” ता बारे ते ताना लोप्पा “प्रान्त स्थानीय स्वशासन ता सबसे पोरोटा इकाई मंदियर”, “केंद्रीय सरकार ता अधिकार ओसो प्रांतीय सरकार ता अधिकार कुन सत्ता ता पूर्ण वितरण ता उसूल कुना पोरो आधार आसी तय कियना आयार”, “प्रांतीय गवर्नर चुनाव जनता कियार”, “प्रांत ता तन्ना अलग संविधान वेने मंदा परिंता, मति अदु राष्ट्रीय संविधान ता उल्लंघन कीयानायो।” “जनता ना अधिकारकु ओसो कर्तव्य” कुना बारे ते ताना लोप्पा “साधारण रूप ते देश ता जनता ना सार्वजनिक इस्तेमाल वाले सब्बे आजादी ओसो अधिकार कुना संविधान संगे रक्षा कीयाना ओसो अविना गैर कानूनी उल्लंघन आयला हियानायो।” “जनता ना आजादी बारे ते कानूनी रूप ते बदे व्यवस्था कीतेके अदिन उद्देश्य इद्रम ता आजादी ता रक्षा कीयाना मंदा ना अदिन सीमित कीयानायो।” “श्रमिक लोरा अनिवार्य भर्ती स्थानीय कानून पोरो आधार आसी कीयाना, राष्ट्रीय संविधान लोप्पा पोरो आधार आसी आयो।” “समुदाय ते मंदा ना अल्पसंख्यक राष्ट्रियताकुना काजे स्वायत्त शासन ता अधिकार ता गारंटी कीयाना” इंजी मंता।

- 5) फौजी समस्यांग संबंधित समझौता। इद समझौता लोप्पा “फौजी व्यवस्था ते सरकारी जनवादी व्यवस्था ओसो मावा देश ता परिस्थिति ता अनुसार सुधार कीयाना”, “अनिवार्य फौजी भरती लोप्पा सुधार कीयाना”, “फौजी शिक्षा सेना निर्माण ता उसूल कुना पोरो आधार आसी हियाना ओसो अदिन किन राजनीतिक पार्टिंग ओसो व्यक्तिगत संबंधकुनागडल हमेशा काजे देहचियाना”। “फौजी सत्ता किन राजनीतिक पार्टिंग नल अलग तासना” ओसो “बदे वेने राजनीतिक पार्टी ओसो मानेय किन सेना किन राजनीतिक संघर्ष ता साधन लेक्का इस्तेमाल कियाला हियानायो।” “फौजी सत्ता किन सिविल सत्ता तल अलग तासना” ओसो “सामरिक सेवा ते नियुक्त कित्ता बोराई सैनिक किन ओना संगे-संगे सिविल अधिकारी ना लेक्का वेने बसके नियुक्त कीयाना आयो।” क्वोमिंगतांग सेनांग ओसो मुक्त इलाकांग ना सेनांग ना पुनर्गठन कीयाना ता बारे ते, इगा वेहता समझौता लोप्पा “मुव्वुर मानेय ना फौजी उपसमिति, योजना अनुसार, परताचोन जल्दी चीनी कम्युनिस्ट पार्टी ता सेनांग ना पुनर्गठन कियाला काजे कीयाना निर्णय कुना बारे ते समझौता कियार ओसो पुनर्गठन ता काम पूरा कियायार।” क्वोमिंगतांग सेनांग ना “नब्बे डिवीजन कुना पुनर्गठन युद्ध मंत्रालय मुन्ने तैयार कित्ता योजना ता अनुसार कीयाना ओसो इदु पुनर्गठन काम परताचोन स्पीड ते 6 महिनांग लोप्पाने पूरा कीया लेक्का आयना।” “इगा वेहता रेंडासी पुनर्गठन काम कु पूरा आत्तास्के, पूरा राष्ट्र ता

सब्बे सेनांग ना एकीकरण कीयाना आयार ओसो अविन पचास लेवेके साठ डिवीजन कुने पुनर्गठन कीयाना आयारा”

राजनीतिक सलाहकार सम्मेलन ते आतांग इव समझौतांग अलग-अलग मात्रा ते जनता काजे अनुकूल ओसो च्यांग काई शेक ना प्रतिक्रियावादी शासन काजे प्रतिकूल मत्तांग। इव समझौतांग किन ओरू स्वीकार कीसि शांति तुकू धोखा हियाला काजे इस्तेमाल कीयाना कोशिश कीसोरे, च्यांग काई शेक उंदी देशव्यापी गृहयुद्ध शुरू कियाला काजे सक्रियता ते फौजी तैयारिंग कित्तोर। राजनीतिक सलाहकार सम्मेलन ता इव समझौतांग किन ओरू जल्दीए उंदी-उंदी कीसि हीकतोर।

# अमेरिका पत्रकार एन्ना लुईस स्ट्रॉंग संगे वार्ता\*।

अगस्त 1946

। \* इदु अन्तरराष्ट्रीय ओसो स्थानीय परिस्थिता ता बारे ते कामरेड माओ त्सेतुंग ना दूसरा विश्व युद्ध मारता पेरके उंदी वेल्ले महत्वपूर्ण स्टेटमेंट मत्ता। तीना लोप्पा कामरेड माओ त्सेतुंग तन्ना दुनिया मेंड प्रचार आता विचार “सब्बे प्रतिक्रियावादी कागज ता डुव्वल आंदू” इंजी पेश कीसि मत्तोरा। इद विचार मना देश ता जनता किन विचारधारा ता दृष्टिकोण ते लैस किता, जीत पोरो ओरा विश्वास किन बेरसी किता ओसो जन-मुक्ति युद्ध लोप्पा वेल्ले महान भूमिका निभे किता। लेनिन साम्राज्यवाद किन “तोड़ियो ता पुत्ती” समझेमातोर, अद्रमे कामरेड माओ त्सेतुंग वेने साम्राज्यवाद ओसो सब्बे प्रतिक्रियावादीर किन कागज ता डुव्वल समझेमातोर; इरवुरासिर ओरा सारतत्व ता बारे ते वेहतोर। इदु विचार क्रांतिकारी जनता ना काजे उंदी बुनियादी रणनीतिक सिद्धांत बने माता। दूसरे क्रांतिकारी गृहयुद्ध ता कालम तल कामरेड माओ त्सेतुंग बार-बार वेहतोर: रणनीतिक रूप ते क्रांतिकारिंर दुश्मन किन कागज ता डुव्वल लेक्का ने आल्सना, ओरा खिलाफ संघर्ष ता साहस कीयाना ओसो जीत दोरकना लेक्का हिम्मत कीयाना; संगे ने युद्ध ओसो कार्यनीतिक रूप ते हर अंश, हर टोस संघर्ष लोप्पा दुश्मन किन असली डुव्वल लेक्का आल्सना ओसो सतर्कता ते काम कीयाना, संघर्ष ता कला किन होशियारी ते अध्ययन कीयाना अनि अलग-अलग कालम ते अलग-अलग जागा ओसो अलग-अलग परिस्थिति ते अनुकूल संघर्ष ता अलग-अलग रूप ते लागू कीयाना। इद्रम कीसि दुश्मन कुन तीरम-तीरम अलगाव ता परिस्थिति ते वाटमूडांता ओसो नष्ट कियमूडांता। 1 दिसम्बर 1958 ता चीनी कम्युनिस्ट पार्टी ता केंद्रीय कमेटी राजनीतिक ब्यूरो ता ऊळांग लोप्पा आता मीटिंग ते कामरेड माओ त्सेतुंग इद्रम इत्तोर: दुनिया लोप्पा बदे वेने चीज ता स्वरूप उंदी हिल्ले (इदु विपरीत तत्व कुना एकता ता नियम आंदू), अद्रमे साम्राज्यवाद ओसो सब्बे प्रतिक्रियावादीरा स्वरूप वेने डबल (रेंडु) मंता। “अदु असली डुव्वल वेने मंता ओसो कागज ता डुव्वल वेने मंता”। हत्ता कालम ते इतिहास लोप्पा दास-मालिक वर्ग, सामंती जर्मीदार वर्ग ओसो पूंजीपति वर्ग राजसत्ता पोरो अधिकार कीयाना तुकू मुन्ने ओसो ताना पेरके वेने उचुन कालम एवनल वेल्ले बेहरा शक्तिशाली क्रांतिकारी ओसो प्रगतिशील मत्ता; अवु असली डुव्वल मत्तांग। मति कालम गडससोरे अविना विपरीत तत्व - दास वर्ग, किसान वर्ग ओसो सर्वहारा वर्ग तीरम-तीरम शक्तिशाली आत्तांग, अविना खिलाफ संघर्ष कीसोर मत्तांग ओसो ज्यादा से ज्यादा सफलतांग दोरकी कीसोर हत्तांग, अदिन काजे शासक वर्ग तीरम-तीरम तन्ना विपरीत तत्व कुने बदलेमात्तांग, प्रतिक्रियावाद लेक्का बदलेमात्तांग, पेरके अरता लोकर लेक्का बदलेमात्तांग, कागज ता डुव्वल लेक्का बदलेमात्तांग। आखरी ते जनता अविन किन तेहकीसि वाटतांग लेवेके वाटनुंग। प्रतिक्रियावादी, पेरके अरतोर ओसो कड़ियता-पुड़ियता वर्ग जनता ना खिलाफ तन्ना आखरी हायना-



**एन्ना लुईस स्ट्रोंग:** मीवा हिसाब ते वायना कालम लोप्पा जल्दीए चीन ता समस्यांग ना राजनीतिक ओसो शांतिपूर्ण समधान ता बदे आशा मंता या?

**माओ त्सेतुंग:** इदु अमेरिका सरकार ता रुझान पोरो आधार आसी मंता। च्यांग काई शेक किन गृहयुद्ध लोप्पा मदद हियाना अमेरिकी प्रतिक्रियावादिर किन अमेरिकी जनता पेरके पिडंगतेके, शांति काजे आशा कियमूडांता।

**सवाल:** इंजे एवनल मदद हीसोर मत्ता अमेरिका च्यांग काई शेक किन इंजे मदद हीवेके<sup>1</sup>, च्यांग काई शेक ओसो बचोन दिया लडेमाया परितोर?

**उत्तर:** उंदी साल तुकू ज्यादा।

**सवाल:** च्यांग काई शेक आर्थिक रूप ते बचोन जोम टिकेमाया परितोर?

**उत्तर:** इंगो, टिके माया परितोर।

---

पिस्सना संघर्ष लोप्पा वेने इदु दोहरा स्वरूप मंदिता। उंदी बगिल अबु असली डुव्वल मंता, मानेय किन तितोर, लाखो-करोडों लोकुर किन तितोर। जनता ना संघर्ष ता काम किन मुशिकल कुन वेंडा लागिता ओसो वेल्ले विको-वंको हरी पोय्या लागिता। चीन लोप्पा साम्राज्यवाद, सामंतवाद ओसो नौकरशाही पूंजीवादी शासन किन नष्ट कियाला चीनी जनता किन सौ साल तुकू ज्यादा टाईम ओसो करोडों लोकुर किन कुर्बानी हिया लागता। अस्के ने 1949 ते सफलता दौरकता। उचुन आल्साटू! इवु जिंदा डुव्वल आयो या, कच्ची ता डुव्वल आयो या, असली डुव्वल आयो या? मति आखरी ते कागज ता डुव्वल लेक्का बदलेमता, डोलता डुव्वल लेक्का बदलेमाता, पीर ता डुव्वल लेक्का बदलेमातोरा। इव ऐतिहासिक तथ्य आंदुंग। लोकुर इव तथ्य कु हूडवा लेवा केंजवा लेवा मत्तोर रा? बदे डानुट हिल्वा वीरा संख्या बचोनो हजार ओसो दसियो हजार मंता! अदिन काजे साम्राज्यवाद ओसो सब्बे प्रतिक्रियावादीर किन सार रूप ते, दीर्घकालीन, रणनीतिक रूप ते ओरा सच्चाई अनुसार कागज ता डुव्वल लेक्का हूडाना। इदिना पोरो आधार आसी रणनीतिक विचारकुना निर्माण कीयाना। दूसरा बगिल ओरु जिंदा डुव्वल वेने मंतोर, कच्ची ता डुव्वल वेने, असली डुव्वल वेने मंतोर अनि लोकुर किन तितोर। इदिना पोरो आधार आसी कार्यनीतिक ओसो युद्ध कला ता मना विचार कुना निर्माण कीयाना।

रणनीतिक रूप ते दुश्मन किन कागज ता डुव्वल आल्सना ओसो कार्यनीतिक रूप ते अदिन किन कागज ता डुव्वल लेक्का हूडना जरूरत ता बारे ते हूडटू: “चीन ता क्रांतिकारी युद्ध ता रणनीति ता बारे ते समस्यांग”, अध्याय 5, परिच्छेद 6, (“माओ त्सेतुंग ना संकलित रचनांग” ग्रन्थ 1); ओसो इदे ग्रन्थ लोप्पा “पार्टी ता वर्तमान नीति ता बारे ते उचुन महत्वपूर्ण समस्यांग”, भाग 11

**सवाल:** अमेरिका च्यांग कार्ई शेक किन इंजे बदे मदद हीवो इंजी स्पष्ट कीतेके बाताल आयर?

**उत्तर:** इंजे अमेरिका सरकार ओसो च्यांग कार्ई शेक कम टाईम ते लड़ाई बंद कियाला आल्सा मंतोर इंदान लेक्कटा बदे पोल्लो दिससोर हिल्ले।

**सवाल:** कम्युनिस्ट पार्टी बस्के एवनल लड़ेमाया परिंता?

**उत्तर:** माटू इत्तेके उंदी दिव्या वेने लड़ेमायला आल्ससोर हिल्लेमा मति मावा परिस्थिति माकिन लड़ेमायलाकाजे मजबूर कीतेके माटू आखरी एवनल लड़ेमाया परिंतोमा।

**सवाल:** अमेरिका जनता नाकिन कम्युनिस्ट पार्टी लड़ाई बारांकु लड़ेमाया मंता इंजी पूछेमातेके नन्ना बाता जवाब हियाकान?

**उत्तर:** बारांकु इत्तेके च्यांग-कार्ई शेक चीनी जनता किन हौकला आल्सा मंतोर, जनता किन पिस्सना इत्तेके आत्मरक्षा किया लागियरा इदु पोल्लो अमेरिकी जनता समझेमाया परिंता।

**सवाल:** अमेरिका सोवियत संघ खिलाफ युद्ध शुरू कीयाना संभावना ता बारे ते मीवा बाता विचार मंता?

**उत्तर:** सोवियत विरोधी युद्ध ता बारे ते कित्ता प्रचार ता रेंडु पहलु मंतांग। उंदी बगिल अमेरिका साम्राज्यवाद सोवियत संघ खिलाफ निज्जमे युद्ध ता तैयारी किया मंता, सोवियत विरोधी युद्ध ता वर्तमान प्रचार ओसो दूसरा सोवियत विरोधी प्रचार सोवियत विरोधी युद्ध काजे राजनीतिक तैयारी आंदू। दूसरा बगिल इदु प्रचार अमेरिका प्रतिक्रियावादिर पुट्टी कित्ता पोयो ता मोथ्युल आंदू, इदिना उद्देश्य अमेरिका साम्राज्यवाद मुन्ने मत्ता वेल्ले वास्तविक अन्तरविरोध कुन मुचनादु मंता। इव अन्तरराष्ट्रीय अमेरिका प्रतिक्रियावादिर ओसो अमेरिका जनता नड़मा, अमेरिका साम्राज्यवाद ओसो दूसरा पूंजीवादी देश कुना नड़मा ओसो अमेरिका साम्राज्यवाद ओसो औपनिवेशिक, अर्ध-औपनिवेशिक देश कुना नड़मा मंता। इंजे सोवियत विरोधी युद्ध शुरू कीयाना अमेरिका नारा असली अर्थ अमेरिका जनता ना दमन कीयाना ओसो पूंजीवादी दुनिया ते तन्ना

आक्रमक ताकत कुना विस्तार कीयाना मंता। हिटलर ओसो ओरा सहयोगी जापानी युद्ध-सरदार लोर तम्मा देश ता जनता किन गुलाम बने कियाला ओसो दूसरा देश कुना पोरो हमला कियाला काजे दीर्घकालीन रूप ते सोवियत विरोधी नारांग ना इस्तेमाल कित्तोर। इंजे अमेरिका प्रतिक्रियावादिर वेने बिल्कुल अदे काम किया मंतोर।

युद्ध शुरू कियाला काजे, अमेरिका प्रतिक्रियावादिर मुन्ने अमेरिका जनता पोरो हमला किया मंतोर। अमेरिका जनता पोरो ओरा हमला ताकसोर मंता। ओरु अमेरिका मजदूर ओसो जनवादी तत्व कुना राजनीतिक ओसो आर्थिक दमन किया मंतोर ओसो अमेरिका लोप्पा फासीवाद तत्ताना तैयारी किया मंतोर। अमेरिका जनता तन्ना देश ता प्रतिक्रियावादिरा हमला ता मुकाबला कियाला काजे तेदतेके बेस आयरा। अदु इद्रम कियार इंजी नन्ना आशा किया मंतान।

अमेरिका ओसो सोवियत संघ नडमा वेल्ले बेहरा इलाका फैलेमासी मंता, ताना लोप्पा योरोप, एशिया ओसो अमेरिका ता वेल्ले पूंजीवादी औपनिवेशिक ओसो अर्ध-औपनिवेशिक देश मंता। इव देश कुन काबू कियवा लेवा सोवियत संघ पोरो हमला कीयाना अमेरिकी प्रतिक्रियावादिरा काजे मुश्किल मंता। नेंडु अमेरिका प्रशान्त महासागर ता उंदी बेहरा इलाका तन्ना कब्जा ते कित्ता इलाका ता क्षेत्रफल मुन्ने ब्रिटिश कब्जा ते मत्ता इलाकांग किनकु ज्यादा मंता, जापान, चीन ता क्वोमिंगतांग शासित प्रदेश, आधा कोरिया ओसो दक्षिणी प्रशान्त माहसागर अदिना कब्जा ते मंता। मध्य अमेरिका ओसो दक्षिणी अमेरिका ते अदु वेल्ले कालम तल तन्ना कब्जा तासिस मंता। अदु पूरा ब्रिटिश साम्राज्य ओसो पश्चिमी योरोप किन वेने तन्ना कब्जा ते कियाला आल्सता। अमेरिका रक-रकम ता बहाना कीसोरे वेल्ले देश कुना बेहरा स्तर ते सेना तैनात किया मंता ओसो तन्ना फौजी अड्डा बने किया मंता। दुनिया लोप्पा हर जागा ते अमेरिका बने कीयाना फौजी कैंपकु, लेवेके बने कीयाना तैयारी ते मत्ता कैंपकु सब्बे अमेरिका प्रतिक्रियावादिरा अनुसार सोवियत संघ खिलाफ मंतांग। निज्जमे फौजी कैंपकु सोवियत संघ खिलाफ मंता। मति इंजे

अमेरिका हमलांग ना शिकार मुन्ने सोवियत संघ आयवा फौजी कैपकु मत्ता देश आतांगा देश उत्पीड़न बोर किया मंतोर, सोवियत संघ लेवेके अमेरिका इंजी जरूर समझेमायार इंजी विश्वास कीताना। अमेरिका प्रतिक्रियावादी बदे उंदी दिव्य सब्बे दुनिया ता जनता खिलाफ आयार।

बदे डावुट हिल्वा, नावा हिसाब ते अमेरिकी प्रतिक्रियावादिरा सोवियत संघ पोरो हमला कीयाना लक्ष्य हिल्ले। सोवियत संघ विश्वशांति ता रक्षक मंतोर ओसो अमेरिका प्रतिक्रियावादिर किन सब्बे दुनिया पोरो कब्जा कियाला रोमी कीयाना शक्तिशाली तत्व आंदू। सोवियत संघ मंदानास्के अमेरिका ओसो दुनिया ता प्रतिक्रियावादिरा गलत विचार बद्रमाई पूरा आया परवो। अद्रमासी सोवियत संघ तल अमेरिका प्रतिक्रियावादिर वेल्ले होंग आतोर अनि इद समाजवादी देश किन खत्म कीयाना सपना हूड़तोर। मति नेंडु दूसरा विश्व युद्ध मारसी वेल्ले कालम आत्ताद हिल्ले, अमेरिका प्रतिक्रियावादिर अमेरिका-सोवियत युद्ध ता बारे ते कोलार कित्ता ओसो ओरु पुट्टी कित्ता गंदा माहौल ता कारण ते ओरा असली लक्ष्य पोरो कोंडा वाटवा लेवा मनमूड़ायो। अद्रमासी सोवियत विरोधी नारा ता कवर ते मंजी वेल्ले बेय्यल आसी अमेरिका मजदूर ओसो जनवादी तत्व कुना पोरो हमला किया मंतोर ओसो अमेरिका विस्तार ता शिकार मत्ता, अमेरिका कब्जा ते मत्ता देश कुना पोरो हमला आंदू। नावा हिसाब ते अमेरिकी जनता किन ओसो अमेरिकी हमला ता खतरा ता शिकार सब्बे देश कुना जनता किन अमेरिका प्रतिक्रियावादिर ओसो अलग-अलग देश कुना लोप्पा मत्ता ओरा पालतू नैकु ना हमला ना मुकाबला कियाला काजे उंदी आयना। इद संघर्ष लोप्पा जीत दोरकी कीसिए तीसरा विश्वयुद्ध किन रोमी कियमूड़ांता, लेवेके इदिन रोमी किया परमूड़ायो।

**सवाल:** इदु वेल्ले बेसता पोल्लो मंता। मति अमेरिका परमाणु-बम ता इस्तेमाल कीतेके? ओसो अमेरिका आइसलैंड, ओकीनावा ओसो चीन लोप्पा निल्पी कीयाना तम्मा कैपकु नल सोवियत संघ पोरो बमबारी कीतेके?

**उत्तर:** परमाणु-बम उंदी कागज ता डुव्वल आंदू, इद लोकरु किन वेरयी क्रियाला काजे अमेरिकी प्रतिक्रियावादिर इस्तेमाल क्रिया मंतोरा। इदिन हूडतेके वेरी वेसनल दिसिंता मति असल ते अदु वेरियना लेक्का हिल्ले। परमाणु बम लाखों लोकरु किन उंदी बेरा हौकना बेहरा हथियार आंदू इंदाना लोप्पा बदे डावुट हिल्ले, मति युद्ध ता हार-जीत ता निर्णय जनता कींता, उंदी लेवेके रेंडु पूना रकम ता हथियार आयो।

सब्बे प्रतिक्रियावादी कागजी डुव्वल आंदुर। प्रतिक्रियावादिर किन हूडतेके ओरू वेल्ले वेरिवस्सना दिसिंतोर, मति असल ते ओरू वेल्ले शक्तिशाली मन्नोर आंतोरा। दूरदृष्टि ते हूडतेके प्रतिक्रियावादिर आयवा जनता शक्तिशाली मंदिंता। रूस लोप्पा 1917 फरवरी क्रांति तुकू मुन्ने बदु पक्ष निज्जमे शक्तिशाली मत्ता? बाहर तल हूडतेके अस्के जार शक्तिशाली मत्तोर, मति फरवरी क्रांति उंदी वडिय तेने वडियतोर। लास्ट ते रूस लोप्पा मजदूर, किसान ओसो सैनिक लोरा शक्ति सोवियता पक्ष ते मत्ता। जार सिर्फ उंदी कागज ता डुव्वल मत्तोर। बस्के ने हिटलर वेने शक्तिशाली मत्तोर? मति इतिहास ओनकिन कागज ता डुव्वल साबित कित्ता। इद्रमे मुसोलिनी वेने मत्तोर, इद्रमे जापानी साम्राज्यवाद वेने मत्ता। इदिना विपरित, सोवियत संघ ओसो सब्बे देश कुना जनवाद, आजादी तुन जीवा कीयाना जनता बचोनो ज्यादा शक्तिशाली साबित आत्ता।

च्यांग काई शेक ओसो ओना दादाल अमेरिकी प्रतिक्रियावादिर वेने कागजी डुव्वले मंता। अमेरिकी साम्राज्यवाद ता चर्चा कीयानास्के लोकरु किन अदु वेल्ले शक्तिशाली मत्ता लेक्का दिसिंता। चीन ता प्रतिक्रियावादिर अमेरिका ता “शक्ति” ता इस्तेमाल चीनी जनता किन वेरयी क्रियाला काजे क्रिया मंतोरा। मति इतिहास ता सब्बे प्रतिक्रियावादिरा लेक्काने अमेरिका प्रतिक्रियावादिर वेने ज्यादा शक्ति हिल्ले इंजी साबित आयार। अमेरिका लोप्पा दूसरा रकम ता लोकरु - अमेरिका जनता - निज्जमे शक्तिशाली मंता।

उदाहरण तुकू चीन ता परिस्थिति किने हूडाटू। माटू नेंडु सिर्फ कोद्दा ओसो बंदूक पोरो निर्भर आसी मंतोम, मति इतिहास आखरी ते मावा कोद्दा

ओसो बंदूक ता जोड़ी च्यांग काई शेक ना हवाई जहाज ओसो टैंक ता जोड़ी तुकू ज्यादा शक्तिशाली मंता इंजी साबित कियार। चीनी जनता मुन्ने इंजे वेने वेल्ले मुशिकलकु मंतांग, चीनी जनता वेल्ला कालम एवनल अमेरिका साम्राज्यवाद, चीनी प्रतिक्रियावादिरा नालुंग बगिल ता हमलांग ना कारण ते वेल्ले मुशिकल कुना सामना कियार, मति बदे उंदी दिव्या इव प्रतिक्रियावादी ताकत कु हारे मायनुंग अनि माटू जीडाकोम। इदिना कारण बदे दूसरा आयवा इदे आंदू: प्रतिक्रियावादी प्रतिक्रिया ता प्रतिनिधित्व कींतोर ओसो माटू प्रगति ता प्रतिनिधित्व कींतोमा।

## नोट

1. जनता ना खिलाफ गृहयुद्ध शुरू कीयाना लोप्पा च्यांग काई-शेक ना समर्थन कियाला काजे अमेरिकी साम्राज्यवाद ओना सरकार ता वेल्ले मदद कित्ता। जून 1946 ता आखरी एवनल, अमेरिका 45 क्वोमिंगतांग डिविजन कुन फौजी साजो-सामान संगे लैस कीसि मत्ता। अदु क्वोमिंगतांग ता 1 लाख 50 हजार फौजी कर्मचारिं किन प्रशिक्षित कीसि मत्ता। तीना लोप्पा भूम सेना, एर सेना, वायु सेना, जासूस, कम्युनिकेशन-पुलिस, स्टाफ अफसर, मेडिकल अफसर, सप्लाई कर्मचारिं लेक्कटोर शामिल मंतोरा। अमेरिका युद्ध पोत ओसो विमान क्वोमिंगतांग ता 14 फौजी कोर (41 डिवीजनकु) ना ओसो कम्युनिकेशन-पुलिस कोर ता 8 रेजीमेट ता कुल 5 लाख 40 हजार तुकू ज्यादा लोकुर किन मुक्त इलाकांग पोरो हमलांग कीयाना मोर्चा एवनल एवसी कित्ता। अमेरिका सरकार तन्ना एर सेना ओसो पैदल सेना यूनिटकुना 90 हजार सैनिक लोर किन चीन लोहता ओसो अविन शांघाई, छिंगताओ, थ्येनचिन, पेफिंग ओसो छिनह्वांगताओ लेक्कटा महत्वपूर्ण शहर कुने तैनात कित्ता। ओरु उत्तरी चीन लोप्पा क्वोमिंगतांग ता कम्युनिकेशन कुना रक्षा कियानोरा। अमेरिका विदेश विभाग 5 अगस्त 1949 ते प्रकाशित “चीन संगे अमेरिका संबंध” (श्वेतपत्र) लोप्पा हिता सामग्री अनुसार, जापानी आक्रमण विरोधी युद्ध तल 1948 एवनल अमेरिका च्यांग काई शेक सरकार किन 450 करोड़ डॉलर तुकू ज्यादा ता सहायता कित्तोर (जापानी आक्रमण विरोधी युद्ध ताकनास्के हीता अमेरिकी सहायता ता ज्यादातर हिस्सा क्वोमिंगतांग जनविरोधी गृहयुद्ध काजे जमा कीसि मत्ता।) मति च्यांग काई शेक किन हीता असली सहायता इद आंकड़ा तुकू

बचोनो ज्यादा मत्ता। अमेरिका श्वेतपत्र लोप्पा अमेरिका सहायता च्यांग काई शेक सरकार ता “कुल मुद्रा-खर्च ता 50 प्रतिशत तुकू ज्यादा हिस्सा ता बराबर मत्ता ओसो अद सरकार ता बजट किन हूडसोरे, अमेरिका युद्ध समाप्त आत्ता पेरके पश्चिम योरप ता बदे वेने देश किन हीता सहायता तुकू ज्यादा मत्ता।”

दुश्मन ता फौज कुन उंदि-उंदि कीसि  
नष्ट कियाला काजे  
उच्च सैन्य-शक्ति किन केंद्रित कीमुट\*<sup>1</sup>

16 सितम्बर 1946

- 1) दुश्मन ता फौज कुन उंदि-उंदि कीसि नष्ट कियाला<sup>1</sup> काजे उच्च सैन्य शक्ति किन केंद्रित कीसि लड़ेमायना तरिका सिर्फ उंदी अभियान ता सैन्य-विन्यास (युद्ध इसाब ते सेना ता तैनाती) ते इस्तेमाल कीयाना जरूरीए आयवा उंदी लड़ाई ता सैन्य-विन्यास लोप्पा वेने इस्तेमाल कीयाना जरूरी मंदिता।
- 2) उंदी अभियान ता सैन्य-विन्यास, दुश्मन वेल्ले ब्रिगेड<sup>2</sup> (लेवेके रेजीमेंट) ता इस्तेमाल कीसि बचोनो सेक्शन कुने ओसो बचोनो दिशा नल मना फौज ता खिलाफ अभियान कित्तास्के मना फौज काजे लगातार दुश्मन ता ताकत तुकू 6 गुना, 5 गुना, 4 गुना लेवेक कम से कम 3 गुना बेहरा सेना किन केंद्रित कीयाना जरूरी आंता ओसो उंदी अनुकूल मौका हूडसी सबसे मुन्ने दुश्मन ता उंदी ब्रिगेड (लेवेके उंदी रेजीमेंट) किन घेराव कीयाना ओसो नष्ट कीयाना। इदु ब्रिगेड (लेवेके रेजीमेंट) दुश्मन ता ब्रिगेड (लेवेके रेजीमेंट) लोप्पाटल तुलनात्मक रूप ते कमजोर मंदांना ओसो सहायता कम दोरकना लेक्का लेवेके

---

<sup>1</sup> इदु निर्देश कामरेड माओ त्सेतुंग केवल चीनी कम्युनिस्ट पार्टी ता केंद्रीय कमेटी ता क्रांतिकारी फौजी कमीशन काजे तैयार कीसि मत्तोर।



बदे जागा ते डेरा वाटसी मत्तागडा जागा ओसो अगाटा जनता मावा काजे वेल्ले अनुकूल मंदाना ओसो दुश्मन काजे प्रतिकूल मंदाना जरूरी मंता। माटू कम सेना ता इस्तेमाल कीसि दुश्मन ता पिस्ता ब्रिगेड (लेवेके रेजीमेंट) कुन लेसी कीसि तासना, अस्केने माटू घेराव कीसोर मत्ता ओसो माटू हमला कीसोर मत्ता ब्रिगेड (लेवेके रेजीमेंट) किन जल्दी मदद एवसी कीयानातुक वेने रोमी किया परितोम, माटू अद ब्रिगेड (लेवेके रेजीमेंट) किन मुन्ने ने नष्ट किया परितोमा। इद लक्ष्य पूरा आत्ता पेरके माटू परिस्थिति अनुसार दुश्मन ता ओसो उंदी ब्रिगेड लेवेके बचोनो ओसो ब्रिगेड किन नष्ट कीयाना लेवेके वायना लड़ाई ता तैयारी काजे मना फौज किन गुचिह कीसि अविन आराम कियाला हियाना अनि सुदृढ बने कीयाना। (इगा मुन्नेटा ता बारे ते रेंडु उदाहरणकु पेश कीमूड मंता। सू ख्वी ओसो थान चुन-लिन ना नेतृत्व ते मना फौज रुकाओ गरे 22 अगस्त ते दुश्मन ता कम्युनिकेशन कोर<sup>3</sup> ता पांच हजार पुलिस ओसो 26 अगस्त ते दुश्मन ता उंदी ब्रिगेड ता ओसो 27 अगस्त ते दुश्मन ता डेढ ब्रिगेड किन नष्ट कित्ता।<sup>4</sup> ल्यू पो-छंग ओसो तंग श्याओ-फिंग ना नेतृत्व ते मना फौज तिंगथाओ गरे 3 ओसो 6 सितम्बर नडमा दुश्मन ता उंदी ब्रिगेड किन ओसो 6 सितम्बर ता तुपार ते ओसो उंदी ब्रिगेड किन ओसो 7-8 सितम्बर ते रेंडु ब्रिगेड किन खत्म कित्ता।<sup>5</sup>) उंदी अभियान ता सैन्य-विन्यास लोप्पा माटू लडेमायला दुश्मन ता शक्ति किन कम समझेमातांकु मना फौजी शक्ति किन समान-विभाजित कीसि दुश्मन ता सब्बे सेक्शन कुना मुकाबला कीयाना तरीका किन जरूर इनकार कीयाना। बारांकु इत्तेके इद्रम कीतेके माटू दुश्मन ता उंदी वेने सेक्शन किन नष्ट किया परवोम, अनि मनम खुद किन खतरा ते वार्टितोमा।

- 3) उंदी लड़ाई ता सैन्य-विन्यास कीयानास्के, माटू मावा उच्च सैन्य-शक्ति किन केंद्रित कीसि दुश्मन ता उंदि कालम किन ( लेवेके उंदी ब्रिगेड लेवेके रेजीमेंट किन) घेराव किसोर मत्तेके, हमला कीयाना मना फौजी फार्मेशन कुन (लेवेके यूनिटकु) घेराव ते फंसेमासी मत्ता

सबबे दुश्मन तुन उंदे बेरा नष्ट कियाला कोशिश कीयानायो। इद्रम मना शक्ति किन सबबे जागा तूससि हर जागा हमला कितेके बदे वेने जागा ते हालनाचोन शक्ति वाटा परवोमा इद्रम कीतेके मना किन बातले सफलता दोरको आयार। इद आयवा माटू लगातार मावा उच्च सेना किन दुश्मन ता सेना तुकू 6 गुना, 5 गुना, 4 गुना लेवेके कम से कम 3 गुना बेहरा सेना किन केंद्रित कीयाना। मना पूरा लेवेके ज्यादातर तोपखाना किन केंद्रित कीयाना, दुश्मन ता मोर्चाबंदी लोप्पा उंदी तुलनात्मक कमजोर जागा किन (रेंडु आयो) चुने कीयाना, ताना पोरो तीव्र हमला कीयाना ओसो निश्चित रूप ते जीत दोरकी कीयाना। इद लक्ष्य पूरा आत्तास्के तुरंत जीत ता विस्तार कीसि दुश्मन ता फौज कुन उंदी-उंदी कीसि नष्ट कीयाना।

- 4) इद तरीका ते लड़ेमातेके इद्रमता नतीजा दोरकिंता - पहला, पूराए खत्म कीयाना, दूसरा, निर्णय कीयाना। सिर्फ पूराए खत्म कीतेके ने दुश्मन पोरो वेल्ले कारगर रूप ते नुकसान कियमूड़ांता, बारांकु इतेके माटू ओरा उंदी रेंजीमेंट किन नष्ट कीतेके ओरगा उंदी रेजीमेंट कम आयार, ओसो माटू ओरा उंदी ब्रिगेड किन नष्ट कीतेके ओरगा उंदी ब्रिगेड कम आयार। इद तरीका दूसरा सेना ता कमी मत्ता दुश्मन खिलाफ वेल्ले कारगर साबित आंता। पूराए खत्म कीयाना मना फौज ता नुकसान भरपाई रूप ते कीयाना आंता। इंजे इदु सिर्फ मना हथियार, गोला-बारूद ता मुख्य स्रोत आयवा मानव-शक्ति ता वेने उंदी महत्वपूर्ण स्रोत आंदू। पूराए खत्म कीयाना तुकू दुश्मन ता फौज ता हिम्मत कमजोर आंता अनि ओरा समर्थक लोर निराश आंतोरा ओसो मना फौज ता हिम्मत बेरसोर दांता ओसो मना जनता किन पूना प्रेरणा दोरकिंता। तुरंत निर्णय कीतेके मना फौज दुश्मन ता फौजी सेक्शन कुन उंदी-उंदी कीसि नष्ट कीयाना लेवेके अदिन टुकड़ांग कीसि दायाना। लड़ाई ओसो अभियान ताकनास्के तुरंत निर्णय कीयाना दीर्घकालीन युद्ध ता रणनीति काजे उंदी जरूरी शर्त मंता।

- 5) फौजी कार्रवाई ताकवा कालम ते सेना किन केंद्रित कीसि दुश्मन ता फौज किन उंदी-उंदी कीसि नष्ट कीयाना उसूल ता अनुमोदन कियानोर मावा फौजी कार्यकर्ता लोरा लोप्पा वेल्ले लोकर इंजे वेने मंतोर, मति फौजी कार्रवाई ताकनास्के वेर इदिन बस्केने इस्तेमाल किया परवो आंतोरा इदिना कारण दुश्मन ता ताकत किन कमजोर समझोमायना ओसो गहन शिक्षा ओसो अध्ययन ता कमी मंता। पाड़ना लड़ाईंग ना उदाहरण किन विस्तार ते वेहना ओसो च्यांग काई शेक ना हमलांग किन हारे कीयाना इदे मुख्य तरीका इंजी इदिन बार बार वेहाना जरूरत मंता। इद तरिका पोरो अमल कीतेके माटू जीत दोरकी कीतोमा इदिना उल्टा कार्रवाई कीतेके माटू हारेमायकोमा
- 6) उंदी शताब्दी तुकू वेने ज्यादा कालम मुन्नेटल, बस्केटल मना सेना ता स्थापना आत्ता अस्केटल दुश्मन ता फौज कुन उंदी-उंदी कीसि नष्ट कियाला काजे सेनांग केंद्रित कीयाना उसूल मना सेना ता उंदी बेसता रिवाज मंता। इदिन माटू पहली बेरा पेश कीसोर हिल्लेमा मति जापानी आक्रमण विरोधी युद्ध ताकनास्के छापामार लड़ाई काजे मना सेना किन विकेंद्रित कीयाना मुख्य काम मत्ता ओसो चलायमान लड़ाई काजे मना सेना किन केंद्रित कीयाना पूरक काम मत्ता। वर्तमान गृहयुद्ध लोप्पा परिस्थिति बदलेमातांकु लड़ेमायना तरीका वेने बदलेमायना। चलायमान लड़ाई काजे मना सेना किन केंद्रित कीयाना मुख्य काम ओसो छापामार लड़ाई काजे मना सेना किन विकेंद्रित कीयाना पूरक काम मंदाना। नेंडु च्यांग काई शेक ना सेना किन ज्यादा शक्तिशाली हथियार दोरकतांग, दुश्मन ता फौज कुन उंदी-उंदी कीसि खत्म कियाला काजे उच्च सेना किन केंद्रित कीयाना तरिका पोरो विशेष जोर हियाना मना सेना काजे जरूरी आत्ता।
- 7) दुश्मन हमला ता स्थिति ते मत्तेके ओसो माटू रक्षात्मक स्थिति ते मत्तेके इदे तरिका ता इस्तेमाल कीयाना। मति दुश्मन रक्षात्मक स्थिति ते मंतोर ओसो माटू हमला ता स्थिति ते मंतोम अस्के माटू इव रेंडासी रकम ता परिस्थितिंग नड़मा फर्क हूडना अनि अलग-अलग तरिकांग

ना इस्तेमाल कीयाना। मना सेना बेहरा मत्तास्के ओसो अगा मंदाना दुश्मन मनकिनकु कमजोर आत्तास्के लेवेके माटू दुश्मन पोरो अचानक हमला कीसोर मत्तेके, माटू ओरा बचोनो फौजी युनिटकुना पोरो उंदे बेरा हमला किया परितोम। उदाहरण तुकू 5 तल 10 जून एवनल शानतुंग प्रान्त लोप्पा मना फौज छिंगताओ-चीनान ओसो थ्येनचिन-फूखओ रेलवे-लाईन कुनिगा मत्ता 10 तुकू ज्यादा शहर ओसो नाहकुना पोरो उंदे बेहरा हमला कित्ता अनि अविना पोरो कब्जा कित्ता।<sup>6</sup> दूसरा उदाहरण: 10 तल 21 अगस्त एवनल मना फौज ल्यू पो-छंग ओसो तंग श्याओ-फिंग ना नेतृत्व ते लुंगहाएरेलवे-लाईन ता खाएफंग, श्वीचओ नडमा ता सेक्शन ते मत्ता 10 तुकू ज्यादा शहर ओसो नाहकुना पोरो हमला कीसि कब्जा कित्ता।<sup>7</sup> दूसरा बगिल मना फौजी शक्ति वेल्ले हिल्वेके मनम दुश्मन ता कब्जा ते मत्ता शहर ओसो नाहकुन उंदी-उंदी कीसि मना कब्जा ते कीयाना अनि उंदे बेरा बचोनो शहर ओसो नाहकुना लोप्पा दुश्मन पोरो हमला कीयानायो। इदे तरिका लागू कीसि शानशी प्रान्त लोप्पा मना सेना ताथुंग-फूचओ रेलवे-लाईन तिगा मत्ता शहर ओसो नाहकुन पोरो कब्जा कित्ता।<sup>8</sup>

- 8) मना सेना ता मुख्य शक्ति दुश्मन किन खत्म कियाला काजे केंद्रित आतेके, अदिन मना कार्रवाइंग ना समन्वय प्रदेश ता फौजी फार्मेशन, स्थानीय छापामार दलम, मिलिशिया संगे कीयाना। प्रदेश ता फौजी फार्मेशन (लेवेके युनिटकु) दुश्मन ता उंदी रेंजीमेंट, बटालियन लेवेके कम्पनी पोरो हमला कीतेके ओरिन वेने दुश्मन ता फौज कुन उंदी-उंदी कीसि खत्म कियाला काजे मना सेना किन केंद्रित कीयाना उसूल लागू कीयाना।
- 9) दुश्मन ता फौज कुन उंदी-उंदी कीसि खत्म कियालाकाजे मना सेना किन केंद्रित कीयाना उसूल ता मुख्य उद्देश्य दुश्मन ता प्रभावकारी ताकत किन खत्म कीयाना मंता। बदे वेने जागा तुन मना कब्जा ते सुरक्षित तासना लेवेके ताना पोरो कब्जा कीयाना आयो। दुश्मन ता फौज कुन खत्म कियाला काजे मना सेना किन केंद्रित कीयाना उद्देश्य

लेवेके मना सेना ता मुख्य ताकत दुश्मन ता फौज ता बेहरा हमलांग नल बचेमायला ओसो अदिन वायना कालम ता लड़ाई काजे आराम कियाला, खुद किन सदृढ बने कियाला सुविधा दोरकना उद्देश्य ते बदे परिस्थिति लोप्पा उचुक जागांग किन विड़िसियाना अनुमति हीमुड़ आंता। बस्के मावा सेना दुश्मन किन बेहरा संख्या ते खत्म किया परना लेक्का आंता, अस्के पोहता जागांग किन ओसो दोरकी कीयाना ओसो अविना पोरो अधिकारा कीयाना, पूना जागांग पोरो कब्जा किया परना आयरा। अस्के दुश्मन ता बेहरा शक्ति किन नष्ट कियानोर किन लाल सलाम वेहना। इद पोल्लो सिर्फ दुश्मन ता नियमित सेना किन नष्ट कियानोरा पोरो ने आयवा ओरा शांति-रक्षा कोर, “तम्मा नाहकुने मलसी दायना दलमकु” ओसो बाकी स्थानीय प्रतिक्रियावादी सशस्त्र गिरोह कुन नष्ट कियानोरा पोरो वेने लागू आंता। मति माटू तुलनात्मक रूप ते कब्जा किया परना लेक्का मत्ता जागांग लेवेके अविना पोरो कब्जा कीयाना लेवेके अभियान लेवेके लड़ाईंग कुना हिसाब ते महत्व तासना जागांग किन सुरक्षित तासना। इद्रम कियवा मंदाना गलत आयारा। अदिन काजे बोर् इद्रम ता जागांग किन सुरक्षित तासना लेवेके अविना पोरो कब्जा कियाला सफल आतोर ओरा तारीफ कीयाना।

## नोट

1. “दुश्मन किन नष्ट कीयाना”, “दुश्मन किन खत्म कीयाना” ओसो “दुश्मन किन पूराए खत्म कीयाना” इव वाक्यांग किन इद पुस्तक लोप्पा उंदे अर्थ काजे इस्तेमाल कित्ताद मंता। इविना लोप्पा दुश्मन ता सैनिक लोर किन नुकसान कीयाना ओसो कैद कीयाना शामिल मंता।
2. क्वोमिंगतांग ता नियमित सेना ता हर फौजी कोर लोप्पा मुन्ने मूंड (बस्के-बस्के रेंडु) डिवीजनकु मंदानवु ओसो हर डिवीजन ते मूंड रेजीमेंटकु मंदानवु। मई 1946 तल पीली डोड्डा ता दक्षिण ते मत्ता नियमित क्वोमिंगतांग सेना ता पुनर्गठन कित्ताद

मत्ता, मुन्ने उंदी फौजी कोर मत्ता अदु उंदी ब्रिगेड बनेमाता, हर ब्रिगेड ते मूंड (बस्के-बस्के रेंडु) रेजीमेंट मत्तांग। पीली डोड्डा ता उत्तर बगिल तैनात कित्ता क्वोमिंगतांग सेना ता पुनर्गठन आयवा मत्ता ओसो अदिना फौजी संगठन ता पोरो अद्रमे मत्ता। उचुक पुनर्गठन डिवीजन किन पेरके वेंडे मुन्ने लेक्काने फौजी कोर ता पोरोल हियमूडाता।

3. क्वोमिंगतांग ता कम्प्युनिकेशन पुलिस कोर ता स्थापना मार्च 1945 ते आत्ता जापान आत्मसमर्पण कित्ता पेरके अदिन रेलवे लाईन ता रक्षा कीयाना इंजा बहाना बने कीसि कम्प्युनिकेशन लाईन पोरो तैनात कित्ताद मत्ता। मति असल ते अदिन पुलिस ता गुप्त कामकाज काजे तैनात कित्ताद मत्ता। इदु क्वोमिंगतांग गृहयुद्ध काजे इस्तेमाल कीयाना शक्तिंग लोप्पाटल उंदी मत्ता अनु।
4. जुलाई 1946 ते क्वोमिंगतांग फौजी च्यांगसू-आनह्वेइ मुक्त इलाकांग पोरो बेहरा स्तर ते हमला कित्ता ओसो मावा फौज आत्मरक्षा काजे वीरता ते लड़ेमाता। मध्य च्यांगसू मुक्त इलाका पोरो हमला कीयाना क्वोमिंगतांग फौज कुना लोप्पा थांग अन-पो ना अधीन 15 ब्रिगेड शामिल मत्तांग। अविना लोप्पा लगभग 1 लाख 20 हजार सैनिक मत्तोर। पूर्वी चीन जन-मुक्ति सेना ता 18 रेजीमेंट सू ख्वी, थान चन-लिन ओसो बाकी कामरेड्स लोरा नेतृत्व ते 13 जुलाई ते 27 अगस्त एवनल मध्य चांगसू ता थाएशिंग, रुकाओ, हाएआन ओसो शाओपो ता ना इलाका ते मना उच्च सेना किन केंद्रित कित्ता अनि सफलता ते लगातार सात लड़ाईंग लड़ेमाता। मना फौजकु दुश्मन ता 6 ब्रिगेड ओसो कम्प्युनिकेशन कोर ता 5 बटालियनकुन नष्ट कित्ता। इगा इव लड़ाईंग लोप्पाटल रेंडु ना सफलतांग ना बारे ते वेहताद मंता।
5. अगस्त 1946 ते क्वोमिंगतांग फौजकु श्वीचओ ओ चंगचओ इलाकांग नल रेंडु हारिंग पोरो अभियान कीसोरे शानशी-हपे-शानतुंग-मुक्त इलाका पोरो हमला कित्ता। इद इलाका ता जन मुक्ति सेना (पीएलए) ल्यू पो-छंग, तंग श्याओ फिंग ओसो उचुन कामरेड्स ना नेतृत्व ते उच्च सेना किन केंद्रित कीसि चंगचओ तल अभियान किसोर मत्ता दुश्मन ता मुकाबला कित्ता। 1 तल 8 सितम्बर एवनल शांतुंग प्रान्त ता होत्से, तिगयाओ ओसो छाओ श्येन इलाका लोप्पा लगातार दुश्मन ता नालुंग ब्रिगेड किन खत्म कित्ता।
6. जून 1946 ता शुरू ते शानतुंग जन-मुक्ति सेना छिंगताओ-चीनान ओसो थ्येनचिन-फूखओ रेलवे-लाईन ते तैनात मत्ता कठपुतली सेना खिलाफ अभियान कित्ता ओसो 10 तुकू ज्यादा शहर ओसो नाहकुन मुक्त कित्ता, अविना लोप्पा च्याओश्येन, चांगत्येन, चओछुन, तचओ, थाएआन ओसो चाओच्वांग शामिल मत्ता।
7. 10 तल 12 अगस्त 1946 एवनल शानशी-हपे-शानतुंग-हनान जन मुक्ति सेना (पीएलए) मध्यवर्ती मैदान बगिल पूर्व चीन जन मुक्ति सेनांग किन युद्ध ते सहयोग हियाला काजे बचोनो हरी नल लुंगहाए रेलवे-लाइन ता खाएफंग-श्वीचओ सेक्शन

ते तैनात मत्ता दुश्मन ता फौज पोरो हमला कित्ता अनि दस तुकू ज्यादा शहर ओसो नाहकुना पोरो कब्जा कित्तोरा अविना लोप्पा तांगशान, लानफंग, ह्वांगखओ, लीच्चांग ओसो यांगशी शामिल मत्ता।

8. जुलाई 1946 ते हू चुंग-नान ओसो येन शी-शान ना अधीन क्वोमिंगतांग फौजकु दक्षिणी शानशी मुक्त इलाकांग पोरो हमला कित्ता। शानशी-हपे-शानतुंग-हनान जन मुक्ति सेना (पीएलए) ता थाएय्वे यूनिटकु ओसो शानसी-श्वेय्वान जन मुक्ति सेना (पीएलए) ता उंदी हिस्सा दक्षिणी शानशी लोप्पा दुश्मन पोरो जवाबी हमला कीसि हारे कित्ता। अगस्त ते ओरा ताथुंग-फूचओ रेलवे-लाइन ते मत्ता लिनफन ओसो लिंगशि नडमा तैनात मत्ता दुश्मन पोरो हमला कीसि हुंगथुंग, चाओछंग, ह्वोश्येन, लिंगशिन ओसो फनशी शहर कुन मुक्त कित्ता।
9. जनताना मुक्ति युद्ध ताकनास्के मुक्त इलाकांग ना उचुन जर्मीदार ओसो स्थानीय निरंकुश तत्व क्वोमिंगतांग इलाका ने वित्तोरा। क्वोमिंगतांग फौज संगे कलियसी मुक्त इलाकांग पोरो आक्रमण कियाला काजे अविन क्वोमिंगतांग “तम्मा नाटे वापिस मलसी दायना दलम”, “तम्मा नाटे मलसी वायना सेना” ओसो उचुन प्रतिक्रियावादी सशस्त्र दलकुने संगठित कित्तोरा। वीरु हर जागा लूट-खसोट ओसो हत्यांग कित्तोरा अनि सब्बे रकम ता अत्याचारकु कित्तोरा।

## अमेरिका “मध्यस्थता” ता सच्चाई ओसो चीन ता गृहयुद्ध ता वायना कालम अमेरिका पत्रकार ए. टी. स्टील संगे वार्ता

26 सितम्बर 1946

**ए.टी.स्टील:** जनाब, मीटू चीन ता गृहयुद्ध लोप्पा मध्यस्थता कियाला अमेरिका ता कोशिश कु विफल आतांग इंजी आल्सिंतिर? अमेरिका नीति नेटा लेक्का ने मत्तेके बाताल आयार?

**माओ त्सेतुंग:** नाकिन अमेरिका सरकार ता नीति “मध्यस्थता” ता नीति पोरो वेल्ले डारुट मंता। च्यांग काई शेक किन उंदी बेहरा स्तर ते गृहयुद्ध शुरू कीयाना तैयार कियाला काजे अमेरिका बचोन सहायता हिया मंतायो अदिन हूडसी अमेरिका सरकार ता नीति मध्यस्थता किन गंदरगोलम कीसि अदिन कवर ते मंजी च्यांग-काई शेक किन हर रकम ते मजबूत कीयाना ओसो च्यांग काई शेक ता जनता की हौकना नीति संगे चीन ता जनवादी ताकत कुना पोरो दमन कीसि चीन किन उंदी उपनिवेश बने कीयाना नीति आंदू इंजी इंदा लागिंगता। अदिना इद नीति इद्रमे मत्तेके चीन ता कौंटा-कौंटा ते सब्बे देशभक्त जनता तेदियर अनि दृढ़ता ते अदिना विरोध कियार।

**सवाल:** चीन लोप्पा गृहयुद्ध बस्के एवनल ताकियर? इद ताकतेके बाताल आयार?



**उत्तर:** अमेरिका सरकार च्यांग कार्ई शेक किन सहायता हियाना वर्तमान नीति किन विड़सतेके, चीन लोप्पा इंजेटा परिस्थिति मना सेनांग किन गुचिह कीतेके ओसो सोवियत संघ, अमेरिका ओसो ब्रिटिश ता विदेश मंत्रिरा मास्को सम्मेलन ते आत्ता समझौता<sup>2</sup> किन अमल कीतेके चीन लोप्पा गृहयुद्ध जल्दीए खत्म आयार। लेवेके इद गृहयुद्ध उंदी दीर्घकालीन युद्ध ता रूप धारण किया परिंता। इदु बदे डारुवुट हिल्ला उंदी बगिल चीनी जनता किन मुशिकल कुना सामना किया लागिंता, मति दूसरा बगिल इदिनगडल चीनी जनता जरूर एकताबद्ध आयार, आत्मरक्षा काजे लड़ेमायार ओसो तन्ना पिस्वल ता निर्णय खुद कियार। मुशिकलकु-तिप्पलकु बचोन वातेकार्ई चीनी जनता स्वाधीनता, शांति ओसो जनवाद दोरकी कीसिए विड़सियार। बदे वेने देशी ओसो विदेशी दमनकारी शक्ति इद काम किन पूरा कियाला बाधा बनेमाया परवो।

**सवाल:** मीटू च्यांग कार्ई शेक किन चीनी जनता ना “जन्मजात नेता” मानेमांतिरा? चीनी कम्युनिस्ट पार्टी च्यांग कार्ई शेक ना पांच मांग<sup>3</sup> कुन बद्रमाई कीसि अस्वीकार किया मंताया? क्वोमिंगतांग कम्युनिस्ट पार्टी ता सहमति लेवाए राष्ट्रीय एसेम्बली केयना कोशिश कीतेके<sup>4</sup> कम्युनिस्ट पार्टी बाता कार्ईवाई कियार?

**उत्तर:** दुनिया लोप्पा “जन्मजात नेता” पोरोल ता बदे चीज हिल्ले। च्यांग कार्ई शेक चीन ता राजनीतिक, फौजी, आर्थिक ओसो दूसरा समस्यांग किन इयेटा जनवरी ते कित्ता युद्ध विराम समझौता<sup>5</sup> अनुसार ओसो राजनीतिक सलाहकार सम्मेलन ते स्वीकार कित्ता संयुक्त प्रस्ताव<sup>6</sup> कुना अनुसार हल कीयाना कोशिश कींता। अविन “पांच मांग” लेवेके दस मांग कुना अनुसार उंदी बगिल तल कित्ता मांग आंदुंग ओसो इव समझौतांग ओसो इगा मत्ता संयुक्त प्रस्ताव कुना विरुद्ध मत्तेके वेने माटू ओरा संगे कलियसी काम कियार मंदाकोम। राष्ट्रीय एसेम्बली राजनीतिक सलाहकार सम्मेलन ता प्रस्ताव कुना अनुसार, अलग-अलग पार्टिंग संयुक्त रूप ते केयना: लेवेके माटू दृढ़ता ते अविना विरोध कियाकोम।

## नोट

1. दिसम्बर 1945 ते अमेरिका सरकार जार्ज सी. मार्शल किन अमेरिका प्रेसीडेंट ता विशेष प्रतिनिधि ना रूप ते चीन लोहता अनि अमेरिका आक्रमणकारी ताकत ओसो प्रतिक्रांतिकारी क्वोमिंगतांग ता शासन किन मजबूत कियाला काजे “क्वोमिंगतांग ओसो चीनी कम्युनिस्ट पार्टी ता सैनिक मुठभेड़ ते मध्यस्थता” किन उंदी पर्दा लेक्का इस्तेमाल कित्ता। गृहयुद्ध ता तैयारिंग कियाला काजे टाईम दोरकी कीयाना उद्देश्य ते च्यांग काई शेक अमेरिका ता साम्राज्यवाद ता इसारा ते गृहयुद्ध बंद कीयाना चीनी कम्युनिस्ट पार्टी ओसो चीनी जनता ना मांग किन स्वीकार कीयाना दिखावा कित्ता। जनवरी 1946 ते क्वोमिंगतांग सरकार ओसो चीनी कम्युनिस्ट पार्टी ता प्रतिनिधि लोर उंदी युद्ध-विराम समझौता पोरो हस्ताक्षर कित्तोर। युद्ध-विराम ता आदेश जारी कित्तोर अनि अमेरिका प्रतिनिधिर किन शामिल कीसि “मुवुर सदस्य लोरा कमेटी” ओसो “पेफिंग कार्यकारी हेडक्वार्टर” ता गठन कित्तोर। “मध्यस्थता” लोप्पा मार्शल मुन्ने उत्तर-पूर्वी चीन लोप्पा ओसो ताना परेके उत्तरी, पूर्वी मध्य चीन लोप्पा मुक्त इलाकांग पोरो हमला कियाला क्वोमिंगतांग सेनांग ना मदद कियाला काजे बहाना लेक्का बचोनो चाल कुना मदद एतित्ता, अदु क्वोमिंगतांग सेनांग किन वेल्ले प्रशिक्षित ओसो हथियारकु संगे लैस कित्ता अनि च्यांग काई शेक किन वेल्ले हथियार, युद्ध सामग्री ता सप्लाई कित्ता। जून 1946 एवनल च्यांग काई शेक मुक्त इलाकांग पोरो हमला कियाला काजे मोर्चा ते तम्मा नियमित सेना किन (लगभग बीस लाख सैनिक) ता 80 प्रतिशत हिस्सा किन जमा कित्तोर, ताना लोप्पटल 5 लाख 40 हजार तुकू ज्यादा सैनिक सीधा अमेरिका सशस्त्र सेनांग ना युद्धपोत ओसो विमानकु मोर्चा ते रेहतोर। तम्मा सेनांग ना सैन्य-विन्यास पूरा आत्ता परेके जुलाई ते च्यांग काई शेक देशव्यापी प्रतिक्रांतिकारी युद्ध शुरू कित्तोर। ताना परेके 10 अगस्त ते मार्शल ओसो चीन ते मत्ता अमेरिका राजदूत लीटन स्टुअर्ट जोरशोर ते गृहयुद्ध ताकी कियाला च्यांग काई-शेक किन उंदी संयुक्त बयान जारी कित्तोर, ताना लोप्पा “मध्यस्थता” विफल आत्ता इंजी ऐलान कीसि मत्तोर।
2. इगा दिसम्बर 1945 ते सोवियत संघ, अमेरिका ओसो ब्रिटिश ता विदेश मंत्रिरा मास्को सम्मेलन ते चीन ता बारे ते आत्ता समझौता ता बारे ते वेहताद मंता। सम्मेलन ता स्टेटमेंट लोप्पा मूंड विदेश मंत्रिर “चीन ता अंदरूनी समस्यांग लोप्पा दखल हियानायो इंजी मत्ता नीति पोरो नितसी मंदाणा इंजी ओसो उंदी बेरा वेहतद मत्ता”। सोवियत सेनांग ओसो अमेरिका सेनांग परताचोन जल्दी-जल्दी चीन तल गुचिह कीयाना। इद समझौता ता शर्त किन सोवियत संघ ईमानदारी ते पूरा कित्ता।

क्वोमिंगतांग सरकार बार-बार आग्रह कीतांकु सोवियत सेनांग चीन तल गुचना तम्मा टाईम तुन कैसल कीतांगा। 3 मई 1946 ते सोवियत संघ ता सशस्त्र सेनांग उत्तर-पूर्वी चीन तल गुचना काम पूरा कीतांगा। मति अमेरिका सरकार तन्ना क्रिया किन पूराए देहता, तम्मा सेनांग कुनि गुचिह कियाला इनकार कित्ता अनि चीन ता लोपपटा समस्यांग ने तन्ना दखलअंदाजी बेरसी कित्ता।

3. जून ओसो अगस्त 1946 ते रेंडु बेरा च्यांग काई शेक चीनी कम्युनिस्ट पार्टी मुन्ने तन्ना “पांच मांग” तासतोर अनि गृहयुद्ध बंद कीयाना सवाल पोरो क्वोमिंगतांग, कम्युनिस्ट पार्टी इव पांच मांग किन मानेमाता परेके ने आल्सियार इंजी ऐलान कित्ता। इव पांच मांग कुना लोप्पा चीनी जन मुक्ति सेना (पीएलए) दोड़ रास्ता जागानल गुचना इंजी वेहताद मत्ता: 1. लुंगहाए रेलवे ता दक्षिण लोप्पा मत्ता सब्बे इलाकांग, 2. छिंगताओ-चीनान रेलवे ता पूरा इलाका, 3. छंगते ओसो अदिना दक्षिण ता इलाका, 4. उत्तर-पूर्वी चीन ता ज्यादातर इलाका, 5. मुक्त इलाकांग ना जनता ना सशस्त्र सेनांग शानतुंग ओसो शानशी प्रान्त लोप्पा 7 जून 1946 परेके कठपुतली सेनांग नल मुक्त कित्ता सब्बे इलाकांग। इव सब्बे प्रतिक्रांतिकारी मांग किन मानेमायला चीनी कम्युनिस्ट पार्टी दृढ़ता ते इनकार कित्ता।
4. जनवरी 1946 ते आत्ता राजनीतिक सलाहकार सम्मेलन ता फैसला अनुसार राष्ट्रीय एसेम्बली किन जनवाद ओसो कता वाले सब्बे राजनीतिक पार्टिंग शामिल मत्ता एसेम्बली बने कीयाना ओसो राजनीतिक सलाहकार सम्मेलन लोप्पा कित्ता समझौता ता शर्त कुन पूरा आत्ता परेके पुनर्गठित कित्ता सरकार ता नेतृत्व ते केयना। 11 अक्तबुर 1946 ते क्वोमिंगतांग सेनांग च्यांगखओ पोरो कब्जा कीतांगा। इद “सफलता” तुकू च्यांग काई शेक गुट अति उत्साहित आत्ता, अनि अदे दिव्या दुपार ते राजनीतिक सलाहकार सम्मेलन ता प्रस्ताव कुना शर्त कुना खुल्लमखुल्ला उल्लाघन कित्तोर अनि क्वोमिंगतांग नियंत्रित उंदी फूट मत्ता तानाशाही “राष्ट्रीय एसेम्बली” केयना आदेश जारी कित्तोर। 15 नवम्बर 1946 तल नानकिंग ते व्यवहारिक रूप ते केयता “राष्ट्रीय एसेम्बली” ता चीनी कम्युनिस्ट पार्टी जनवादी पार्टिंग ओसो सब्बे देश कुना जनता दृढ़ता ते विरोध कित्ता अनि बहिष्कार कित्ता।
5. इदे ग्रन्थ लोप्पा “आत्मरक्षात्मक युद्ध संगे च्यांग काई शेक ना आक्रमण किन गुंडा पोयसी कीयाना” हेडिंग वाले लेख ता नोट 1 हूडाटू।
6. इदे ग्रन्थ लोप्पा “आत्मरक्षात्मक युद्ध संगे च्यांग काई शेक ना आक्रमण किन गुंडा पोयसी कीमुट” हेडिंग वाले लेख ता नोट 2 हूडाटू।

# मूंड महिनांग ना सारांश<sup>\*1</sup>

1 अक्तूबर 1946

1. 20 जुलाई ते पार्टी केंद्रीय कमेटी वर्तमान परिस्थिति ता बारे ते तन्ना निर्देश<sup>1</sup> लोप्पा इत्ता: “माटू च्यांग काई शेक किन हारे किया परितोमा पूरा पार्टी इद पोल्लो पोरो भरोसा कीयाना।” जुलाई अगस्त ओसो सितम्बर ता लड़ाईंग लोप्पटल इदे सही मंता इंजी साबित आत्ता।
2. च्यांग काई शेक हल किया परवा मंदना राजनातिक आर्थिक अंतरविरोधकुन विड़चसी, बदो मावा अनिवार्य जीत ओसो च्यांग ना पक्का हार काजे बुनियादी कारण मंतायो अद फौजी क्षेत्र लोप्पा च्यांग ना वेल्ले बेहरा युद्ध मोर्चांग ओसो ओना फौज कुना कमी नड़मा तीव्र अन्तरविरोध पुटता। इद अन्तरविरोध अनिवार्य रूप ते मना जीत ओसो च्यांग ना हार ता कारण बने मायर
3. मुक्त इलाकांग पोरो हमला कीयाना च्यांग-काई शेक ना कठपुतली फौज, शांति-रक्षा कोर ओसो कम्युनिकेशन-पुलिस कोर लेक्कटा नियमित सेनांग कुल मिले कीसि 190 तुकू ज्यादा ब्रिगेड मंतांग। इदे संख्या आयवा ओरु दक्षिण तल तन्ना फौज ता ओसो उंदी हिस्सा

---

<sup>1</sup> “इदु निर्देश कामरेड माओ त्सेतुंग केवल चीनी कम्युनिस्ट पार्टी ता केंद्रीय कमेटी काजे तैयार कीसि मत्तो। तीना लोप्पा जुलाई 1946 तल देशव्यापी गृहयुद्ध शुरू आत्ता पेरेके मूंड महीनांग ना लड़ाई लोप्पा दोरकी कित्ता उंदी पेरेके उंदी अनुभव कुना विस्तृत सारांश तेंडताद मत्ता, वायना फौजी कार्यवाहिंग काजे जन मुक्ति सेना (पीएलए) ता नीति ओसो अदिना काम तय कित्ताद मत्ता अनि उचुन जोम एवनल मत्ता मुश्किल परिस्थितिंग कुन दूर कित्ता पेरेके माटु जन मुक्ति युद्ध लोप्पा जरूर जीत दोरकी किया परितोम इंजी वेहताद मत्ता। इद दस्तावेज लोप्पा मुक्त इलाकांग लोप्पा भूमि-सुधार ता समस्या, मुक्त इलाकांग लोप्पा उत्पादन ता विकास ता समस्या, क्वोमिंगतांग शासन ते मत्ता इलाकांग लोप्पा जन संघर्ष कुना नेतृत्व किन सुदृढ़ बने कियाल ओसो जनमुक्ति युद्ध ता समर्थन कियाला ओसो ताना संगे तालमेल कियाला काजे जरूरी मत्ता बाकी संबंधित समस्यांग किन वेने नियमानुसार वेहताद मंता।

किन सहायता काजे उत्तर बगिल लोहा परितोर, मति ताना पेरके बदे दूसरा सहायता लोहना मुश्किल आयार। हत्ता मूंड महिनांग लोप्पा इव 190 तुकू ज्यादा ब्रिगेड तल 25 ब्रिगेड किन मना सेना खत्म कित्ता। इद संख्या लोप्पा साल ता फरवरी तल जून एवनल मना सेना उत्तर-पूर्वी चीन लोप्पा खत्म कित्ता सेना शामिल मंता।

4. च्यांग काई शेक किन तन्ना इव 190 तुकू ज्यादा ब्रिगेड लोप्पाटल लगभग आधा ब्रिगेड किन गैरिजन ड्यूटी ते तैनात किया लागता, सिर्फ आधा तुकू ज्यादा किने युद्धभूमि ते तासा परमूडांता। इव युद्ध-सेनांग तय इलाकांग लोप्पा एवतेके इविना उंदी हिस्सा, इदे आयवा ज्यादातर हिस्सांग किन अनिवार्य रूप ते गैरिजन ड्यूटी पोरो तैनात कियमूडायार। बद्रम-बद्रम लड़ाई जारी मंदियर, अद्रम-अद्रम दुश्मन ता रणांगन-सेनांग वेने कम आसोर दायनुंग। इदिना कारण उंदी बगिल अविन लगातरा नष्ट किसोर दायनुंग अनि दूसरा बगिल दुश्मन किन तन्ना फौज ता उंदी बेहरा संख्या किन गैरिजन ड्यूटी (गार्ड इसाब ता ड्यूटी) ते तैनात किया लागियर।
5. हत्ता मूंड महिनांग लोप्पा मनम नष्ट कित्ता 25 ब्रिगेड तल 7 ब्रिगेड थांग अन-पो ना नेतृत्व ते (मुन्ने ली मो-आन ने नेतृत्व ते मत्ता), 2 ब्रिगेड श्वे य्वे ना नेतृत्व ते, 7 ब्रिगेड कू चू-थुंग ना नेतृत्व ते (मुन्ने ल्यू च ना नेतृत्व ते मत्ता), 2 ब्रिगेड हू चुंग-नान ना नेतृत्व ते, 4 ब्रिगेड येन शी-शान ना नेतृत्व ते, 2 ब्रिगेड वांग याओ-ऊ ना नेतृत्व ते ओसो 1 ब्रिगेड तू य्वी-मिंग ना नेतृत्व ते मत्तांग। सिर्फ 4 ग्रुप कुना नेतृत्व ली चुंग-रन, फू च्वो-ई, मा हुंग-ख्वेइ ओसो छंग छयेन ना कैदे मत्ता, इंजे मावा सेना ता खतरनाक हमला आयवा मत्ता, बाकी 7 ग्रुप कुना पोरो माटू गंभीर हमला कित्तोम लेवेके शुरुआती हमला कित्तोम। अविना पोरो गंभीर हमला कित्ता ग्रुपकु तू य्वी-मिंग (इदिना लोप्पा इयेंड फरवरी तल जून एवनल उत्तर-पूर्वी चीन लोप्पा आत्ता लड़ाई वेने शामिल मंतांग), थंग अन-पो, कू चू-थुंग ओसो येन शी-शान ता ग्रुप मत्तांग। शुरुआती हमला कित्ता ग्रुप कु श्वे य्वे, हू चुंग-नान ओसो वांग

याओ-ऊ ना ग्रुप कु मत्तांग। इव सब्बे पोल्ल्लोंग नल मना सेना च्यांग काई शेक किन हारे किया पर्रिता।

6. मावा वायना कालम ता काम दुश्मन ता लगभग 25 ब्रिगेड किन ओसो नष्ट कीयाना मंता। इद काम पूरा आत्ता पेरके च्यांग काई शेक ना आक्रमण किन रोमी कीयाना ओसो मनम पोहता भूमि ता उंदी हिस्सा किन ओसो दोरकी कीयाना सम्भावना पुटिता। इव दूसरा 25 ब्रिगेड किन नष्ट कित्ता पेरके मना सेना जरूर रणनीतिक पहलकदमी दोरकी किया परियर ओसो रक्षात्मक लड़ाई तल बदलेमासी आक्रमणात्मक लड़ाई कियार इंजी अंदाजा वाटमूडांता। अस्के मावा काम दुश्मन ता 25 ब्रिगेड ता तीसरा समूह किन नष्ट कीयाना मंदियर। माटू काम पूरा कीतेके मना पोहता भूमि ता ज्यादातर हिस्सा, इदे आयवा पूरा हिस्सा दोरकी किया पर्रितोम ओसो मुक्त इलाका किन बेरसी किया वेने पर्रितोम। अस्के क्वोमिंगतांग ओसो कम्युनिस्ट पार्टी ता तुलनात्मक सेना लोप्पा अनिवार्य रूप ते बेहरा बदलाव वायारा। इद उद्देश्य किन पूरा कियाला काजे माटू पाड़ना महान सफलतांग ना विकास कीसोरे वायना कालम ता मूंड महिनांग लेवेके इदिनकु ज्यादा कालम ते दुश्मन ता लगभग 25 ब्रिगेड कुन ओसो नष्ट किया लागियर। दुश्मन ओसो मना नड़मा ता परिस्थितिंग किन बदले कीयाना इदे कुंजी मंता।<sup>2</sup>
7. हत्ता मूंड महिनांग लोप्पा, माटू ह्वाएइन, होत्से, छंगते ओसो चीननिंग लेक्कटा दर्जनों मध्यम ओसो सुडला शहरकुन पोहतोम। इविना लोप्पा ज्यादातर शहरकुन विडसना मनाकाजे जरूरी मत्ता। अविन मनाए पहलकदमी ते अस्थाई रूप ते विडसना सही मत्ता। इविना लोप्पा उचुक शहरकुन मजबूर आसी विडसा लागता, बारांकु इत्तके अगा माटू बेस लडेमाताद हिल्ला मत्ता। अद्रमासी माटू इंजेटल बेस लडेमातेके मना पोहता प्रदेश कुन दुबारा दोरकी किया पर्रितोम। वायना कालम ते वेने उचुक जागांग पोरो दुश्मन कब्जा किन रोमी किया पर्रितोम, मति इव सब्बे किन पेरके दोरकी किया पर्रितोम। सब्बे

इलाकांग किन पाड़ना लड़ाई ता तन्ना अनुभव कुना आलोचनात्मक रूप ते मुन्ने ओयना। अस्केने ओरु सबक एता परिंतोर ओसो गलतिंग दुहरे कीयाना तुकू बचेमायनूर।

8. हत्ता मूंड महिनांग लोप्पा मना मध्यवर्ती मैदान मुक्ति सेना तुलना किया परवा लेक्का सहन-शक्ति संगे मुश्किल कुना पोरो जीत दोरकी कित्ता। सिर्फ उंदी हिस्सा किन विड़चसी, पाड़ना मुक्त इलाकांग लोप्पा ताकी कित्ताद मत्ता, अदिना मुख्य सेना दक्षिणी शेनशी ओसो पश्चिमी हुपे ते रेंडु छापामार आधार इलाका ना स्थापना कित्ताद मंता।<sup>3</sup> इदे आयवा, पूर्व ओसो मध्य हुपे ते वेने मना फौजी यूनिटकु डटेमासी छापामार लड़ाई ताकी किया मंतांगा। इव सब्बे पोल्लंगनल पाड़ना मुक्त इलाकांग लोप्पा आयना लड़ाईंग किन वेल्ले बेहरा सहायता दोरकता ओसो इंजे वेने दोरका मंता, इव वायना कालम ते वेने दीर्घकालीन युद्ध लोप्पा ओसो बेहरा भूमिका निभे कीसोर मंदांनुंगा।
9. हत्ता मूंड महीनांग ना युद्ध लोप्पा, माटू च्यांग काई शेक ना उत्तर-पूर्वी चीन लोप्पा लोहता उचुक शक्तिशाली फौजी यूनिटकुन लम्बा दीवार ता दक्षिण ते लेसी कीसि तासतोम ओसो इद्रम माटू उत्तर-पूर्वी चीन लोप्पा मना सेनांग किन आराम हियाला ओसो सुदृढ़ बने कियाला जनता किन जागृत कियाला काजे टाईम दोरकता। इदिन वेने वायना कालम ता संघर्ष काजे वेल्ले महत्व मंता।
10. दुश्मन ता फौज तुन उंदी-उंदी कीसि नष्ट कियाला काजे उच्च सेना कि केंद्रित कीयाना तरीका लड़ाई कीयाना उंदी सही तरिका मंता, अदिन माटू हत्ता मूंड महिनांग लोप्पा दुश्मन ता 25 ब्रिगेड किन नष्ट कीयानास्के लागू कित्ताद मत्ता। दुश्मन ता मुकाबला छै गुना, पांच गुना, चौगुना लेवेके कम से कम तीन गुना ताकत केंद्रित कीसिए माटू मना दुश्मन किन प्रभावी तरिका ते नष्ट किया परिंतोम। अभियान ओसो लड़ाईंग रेंडासी ना लोप्पा इद्रमे कीयाना। लड़ाई ता तरीका किन सिर्फ बेहरा स्तर वाले सब्बे कमांडर किने आयवा मध्यम ओसो दोड़ ता स्तर वाले सब्बे कार्यकर्ता लोर वेने जरूर करियाना।

11. हत्ता मूंड महिनांग लोप्पा दुश्मन ता 25 नियमित ब्रिगेड कुन नष्ट कीयाना विडचसी मना सेना कठपुतली फौज, शांति-रक्षा कोर ओसो कम्युनिकेशन-पुलिस कोर लेक्कटा प्रतिक्रियावादी सेनांग किन वेने बेहरा संख्या ते नष्ट कित्ता। इदु वेने उंदी बेहरा सफलता आंदू। माटू मुन्ने वेने इद्रम ता सेनांग किन लगातार बेहरा संख्या ते नष्ट किसोर मंदाना।
12. हत्ता मूंड महिनांग ना अनुभव तल दुश्मन ता 10,000 सैनिक लोर किन नष्ट कियाला काजे मनम मना 2000 तल 3000 सैनिक लोर किन नुकसान किया लागता। इदु अनिवार्य मंता। दीर्घकालीन युद्ध ता सामना कियाला काजे (हर जागा हर पोल्लो उंदी दीर्घकालीन युद्ध किन ध्यान ते तासिसीए विचार कीयाना), इंजेटल माटू योजना अनुसार मना सेना ता विस्तार कीयाना, हमेशा मना मुख्य सेनांग किन भरपूर संख्या ता गारंटी कीयाना ओसो सैनिक कार्यकर्ता लोर किन बेहरा संख्य ते ट्रेनिंग हियाना। माटू अर्थव्यवस्था ता विकास कीयाना ओसो सप्लाई ता गारंटी कीयाना, एकीकृत नेतृत्व ओसो विकेंद्रित कीयाना पोरो अमल कीयाना अनि सेना, जनता रेंडासी ना सार्वजनिक हित, निजी हित कुना ध्यान तासना उसूल कुन दृढ़ता ते लागू किसोरे, योजना अनुसार उत्पादन ता विकास कीयाना ओसो वित्तीय साधन कुन सुधरे कीयाना।
13. हत्ता मूंड महिनांग ना अनुभव तल इत्तेके बद फौज जनवरी तल जून एवनल युद्ध-विराम ता कालम ते केंद्रीय कमेटी ता निर्देश अनुसार फौजी ट्रेनिंग पोरो जोर हीताद मत्ता (केंद्रीय कमेटी बार-बार विभिन्न इलाकांग किन फौजी ट्रेनिंग, उत्पादन ओसो भूमि-सुधार किन मना मूंड प्रधान कार्य बने कीयाना) फौजकुना युद्ध क्षमता ता स्तर बेहरा मत्ता, बद फौज ट्रेनिंग पोरो जोर हीवो अविना युद्ध-क्षमता ता स्तर वेल्ले कमजोर मत्ता। इंजेटल सब्बे इलाकांग किन फौजी कार्रवाइंग नडमा ता कालम किन इस्तेमाल कीसि फौजी ट्रेनिंग ता काम जोरशोर



ते ताकी कीयाना। सब्बे फौजी यूनिटकु तम्मा राजनीतिक कार्य पोरो जोर हियाना इंजी साबित आत्ता।

14. हत्ता मूंड महिनांग ना अनुभव तल बेगा केंद्रीय कमेटी ता 4 मई ते निर्देश<sup>4</sup> किन दृढ़ता ओसो जल्दी लागू कीसि भूमि समस्या किन गंभीरता ते ओसो पूर्ण रूप ते हल कित्ताद मत्ता, अगाटा किसान च्यांग काई-शेक ना फौज कुना खिलाफ मना पार्टी ओसो मना सेना ता पक्ष ते नितसी मत्तोर। बेगा “4 मई ता निर्देश” किन दृढ़ता ते लागू कित्ताद हिल्ले लेवेके ताना लोप्पा वेहता व्यवस्था किन अमल कियाला वेल्ले लेट कित्ता मत्ता। इद काम किन यांत्रिक रूप ते बचोनो मंजिल कुने तूसिसी कित्ताद मत्ता लेवेके युद्ध लोप्पा मूडंदतोम इंजी बहाना बने कीसि भूमि-सुधार नगडल कौंडा पीहसी मंदना लेक्का मत्तोम, अगा किसान लोर रोमना ओसो केपना रुझान लागू कित्ताद मत्ता। वायना कालम ते उचुक महिनांग लोप्पा सब्बे इलाकांग के युद्ध लोप्पा बचोन मूडंदसी मत्तेकाई भूमि समस्या किन हल कियाला काजे किसान लोरा दृढ़तापूर्वक नेतृत्व कीयाना ओसो भूमि-सुधार पोरो आधार आसी पेरेटा बेहरा स्तर ते उत्पादन-कार्य ता बंदोबस्त कीयाना इंजी साबित आत्ता।

15. हत्ता मूंड महिनांग ना अनुभव लोप्पटल बेगा वेने स्थानीय सशस्त्र शक्तिंग इत्तेके मिलिशिया छापामार दस्ता ओसो सशस्त्र कार्यदल शामिल मंता, बेस संगठित कित्ताद मंता अगा दुश्मन ता बचोनो स्थल ओसो लाइन कुने अस्थाई रूप ते कब्जा कीसि मत्तेकाई माटू विस्तृत ग्रामीण इलाकांग किन नियंत्रित किया परितोम। मति बेगा स्थानीय सशस्त्र ताकत कमजोर मंता अगा ओसो ओरा नेतृत्व कमजोर मत्ता जागा ता दुश्मन किन वेल्ला सुविधा दोरकिता। इंजेटल माटू पार्टी नेतृत्व किन सुदृढ़ बने कीयाना, दुश्मन ता अस्थाई कब्जा कित्ता इलाका लोप्पा स्थानीय सशस्त्र शक्ति ना विकास कीयाना, छापामार लड़ाई जारी तासना, जनता ना हित कुना रक्षा कीयाना ओसो प्रतिक्रियावादिरा कार्रवाइंग किन उंडुल तीहाना इंजी साबित कित्ता।

16. हत्ताता मूंड महिनांग ना लड़ाई क्वोमिंगतांग ता लगभग सब्बे सुरक्षतिक फौज कुन तम्मा संगे पोयता अनि क्वोमिंगतांग शासित इलाकंग लोप्पा अविना सेनांग किन वेल्ला कमजोर कीसितांग। संगेने क्वोमिंगतांग जबरन भरती ओसो अनाज-लेवी वसूली<sup>९</sup> किन ओसो शुरू कीतांकु जनता होंग आत्ता अनि इदिनगल जन संघर्ष ता विकास काजे उदी अनुकूल परिस्थिति उत्पन्न आत्ता। पूरा पार्टी क्वोमिंगतांग शासित इलाकांग लोप्पा जन संघर्ष ता नेतृत्व किन सुदृढ़ कीयाना ओसो क्वोमिंगतांग सेना किन छिन्न-भिन्न कीयाना काम पोरो जोर हियाना।
17. क्वोमिंगतांग प्रतिक्रियावादिर अमेरिका ता निर्देशन ते इयेंड जनवरी ते कित्ता युद्ध-विराम समझौता ओसो राजनीतिक सलाहकार सम्मेलन ता प्रस्ताव कुन भंग कीसि जनता ना जनवादी शक्ति किन नष्ट कियाला काजे गृहयुद्ध शुरू कीयाना संकल्प कित्तोर। ओरा सब्बे मिंगता-मिंगता पोल्लोंग सिर्फ उंदी धोखा मत्तांग, माटू अमेरिका ओसो च्यांग काई शेक ना सब्बे साजिश कुना पर्दाफाश कीयाना।
18. हत्ता मूंड महिनांग लोप्पा क्वोमिंगतांग शासित इलाकांग लोप्पा व्यापक सब्बे जनता, तीना लोप्पा राष्ट्रीय पूंजीपति वर्ग वेने शामिल मंता। क्वोमिंगतांग ओसो अमेरिका सरकार उंदी दूसरा संगे सांठगांठ कीसि गृहयुद्ध शुरू कीयाना ओसो अवु जनता ना उत्पीड़न कीयाना तथ्य ता बारे ते मना समझदारी किन वेल्ले तेजी ते सुधरे कीयाना। मार्शल ता मध्यस्थता सिर्फ उंदी धोखा मत्ता ओसो क्वोमिंगतांगे गृहयुद्ध काजे मुख्य गुनहगार मंता इंदाना सच्चाई किन ज्यादा से ज्यादा लोकुर समझेमातोर। व्यापक जन समुदाय अमेरिका ओसो क्वोमिंगतांग तल निराश आसी इंजे मना पार्टी ता जीत पोरो आशा किया मंतोर। इदु स्थानीय राजनीतिक परिस्थिति मना काजे वेल्ले अनुकूल मंता। अमेरिका साम्राज्यवाद ता प्रतिक्रियावादी नीति विभिन्न देश कुना व्यापक जनता लोप्पा वेल्ले होंग पुट्टी कित्ता। सब्बे देशकुना जनता ना राजनीतिक चेतना ता स्तर दिथ्या-दिथ्या तुकू

बेरसा मंता। सब्बे पूंजीवादी देशकुना लोप्पा जनता ना जनवादी संघर्ष दिव्या-दिव्या तुकू बेहरा रूप एता मंता। बचोनो देशकुना कम्युनिस्ट पार्टींग ना ताकत वेल्ले विकास आत्ता। प्रतिक्रियावाद अविना पोरो दबाव वाटना संभव हिल्ले। सोवियत संघ ता ताकत ओसो अलग-अलग देशकुना जनता लोप्पा अदिना इज्जत दिव्या दिव्या तुकू बेरसा मंता। अमेरिका प्रतिक्रियावादी ओसो अलग-अलग देशकुना लोप्पा पुटसोर मत्ता प्रतिक्रियावादिर अनिवार्य रूप ते दिव्या-दिव्या तुकू अलगाव ता परिस्थिति ते अर्रा मंतोर। इदु अन्तरराष्ट्रीय राजनीतिक परिस्थिति मावा काजे वेल्ले अनुकूल मंता। देश ओसो विदेश रेंडासी ना परिस्थिति पहली विश्वयुद्ध पेरेकेटा परिस्थितिंग वेल्ला अलग मत्तांग। दूसरा विश्वयुद्ध पेरेके क्रांतिकारी ताकत कुना वेल्ले विकास आत्ता। देश-विदेश ता प्रतिक्रियावादिर बचोन प्रभाव मत्तेकाई (इद्रम ता प्रभाव ऐतिहासिक दृष्टि ते अनिवार्य मंता ओसो इदिना लोप्पा उचुन वेने आश्चर्य ता पोल्लो हिल्ले), माटू ओरकिन हारे किया परितोम। सब्बे इलाकांग ना नेतृत्वकारी कामरेड्स पार्टी लोप्पा देश-विदेश ता अनुकूल परिस्थितिंग किन हालनाचोन समझेमायवा कारण ते संघर्ष ता वायना कालम ता बारे ते निराशापूर्ण विचार तासिंतोर पूरा समझे कीयाना। दुश्मन लोप्पा इंजे वेने शक्ति मंता, मना लोप्पा इंजे वेने कमिंग मंतांग ओसो मना संघर्ष इंजे वेने उंदी दीर्घकालीन, क्रूर संघर्षे मंता इंजी बेस समझेमायना। मति माटू जरूर जीत दोरकी किया परितोम इंजी समझे कीयाना। इद विश्वास पार्टी लोप्पा जरूर दृढ़ता ते निल्पी कीयाना।

19. वायना उचुक महिनांग लोप्पटा कालम उंदी महत्वपूर्ण ओसो कठिन कालम मंदिथर। तीना लोप्पा पूरा पार्टी परताचोन ताकत संगे गोलबंद आयना ओसो वेल्ले सावधानी ते योजना पंडसी फौजी कारवाइंग कीयाना अनि फौजी परिस्थिति किन मूल रूप ते बदले कीयाना। सब्बे इलाकांग पोरो वेहता नीतिंग किन दृढ़तापूर्वक लागू कीयाना ओसो फौजी परिस्थितिंग ना आमूल बदलाव काजे पूरा कोशिश कीयाना।

## नोट

1. इंदे ग्रन्थ लोप्पा “आत्मरक्षात्मक युद्ध संगे च्यांग काई शेक ना आक्रमण किन गुंडा कीमुट” हेडिंग वाले लेख हूडाटू।
2. पेरेकेटा परिस्थिति विकास तल दुश्मन ओसो मना नडमा ता परिस्थिति ते जुलाई 1947 ते बदलाव आयना शुरू आत्ता, शानशी-हपे-शानतुंग-हनान जन-मुक्ति सेना सब्बे बाधांग किन परवाह किवा लेवा पीली डोड्डा वेंडसी ताप्ये मेडुंग पोरो कूच कित्ता। अस्के जन मुक्ति सेना (पीएलए)किन युद्ध ताकसोर मत्तादिन बारह महिनांग आसी मत्तांग। हर महीना ते दुश्मन ता औसतन 8 ब्रिगेड किन नष्ट कीसोरे इंजे एवनल दुश्मन ता लगभग 100 ब्रिगेड किन नष्ट कित्ता। इदु संख्या इद लेख लोप्पा अनुमान कित्ता संख्या तुकू वेने ज्यादा बेहरा मत्ता, बारांकु इत्तेके अमेरिका साम्राज्यवाद ता समर्थन ते च्यांग काई शेक तन्ना सब्बे सेनांग किन आक्रमण ते वाटतोर।
3. जून 1946 ता आखरी ते क्वोमिंगतांग ता 30 लाख फौज घेराव कीसि आक्रमण कीयानास्के ली श्ये-ल्येन ओसो चंग वेइ-सान लेक्कटा कामरेड्स ना नेतृत्व ते मध्यवर्ती मैदान मुक्ति सेना पहलकदमी संगे मना सेना ता रणनीतिक रीट्रीट कित्ता अस्के दुश्मन ता घेरेबंदी किन सफलतापूर्वक देहता। कामरेड माओ त्सेतुंग इगा पाइना मुक्त इलाका लोप्पा दायना बवु यूनिटकुना बारे ते रास्तोर अवु वांग चन ओसो बाकी कामरेड्स ना नेतृत्व ते वाले यूनिटकु मत्तांग, दुश्मन ता घेरेबंदी किन देहची शेनशी-कानसू- निंगश्या सीमा इलाका लोप्पा हत्ता। दक्षिणी शेनशी ता छापामार आधार इलाकांग मध्यवर्ती मैदान मुक्ति सेना किन मुख्य शक्ति ता उंदी हिस्सा स्थापित कित्ता। ताना लोप्पा पश्चिमी हनान ता लूशि, शीछवान ओसो दक्षिणी शेनशी ता लोनान, शानयांग पोरोलता जागा शामिल मत्ता। पश्चिमी हुपे ता छापामार आधार इलाका इंदे सेना ता उंदी दूसरा हिस्सा स्थापित कीसि मत्ता अनि अदिना केंद्र उत्तर-पश्चिमी हुपे ते मत्ता ऊतांग मेडु ते मत्ता।
4. इगा “भूमि समस्या ता बारे ते निर्देश” बारे ते वेहताद मंता, इदिन 4 मई 1946 ते चीनी कम्युनिस्ट पार्टी ता केंद्रीय कमेटी जारी कीसि मत्ता। जापान ता आत्मसमर्पण पेरेके जमीन काजे किसान लोरा तीव्र मांग किन हूडसी चीनी कम्युनिस्ट पार्टी ता केंद्रीय कमेटी जापानी आक्रमण विरोधी युद्ध ताकानासेक लागू कित्ता भूमि-नीति किन बदले कीसि जर्मीदार लोरा जमीन जब्त कीसि किसान लोरकिन तूसना नीति लागू कित्ता। “4 मई ता निर्देश” इंदे बदलाव ता बारे ते वेहिंता।
5. अनाज-लेवी इत्तेके जमीन ता टैक्स अनाज ता रूप ते वसूली कीयाना।

# चीनी क्रांति ता पूना बेहरा लहर ता स्वागत\*<sup>1</sup>

1 फरवरी 1947

1. इंजेटा सब्बे रकम ता परिस्थिति किन हूइतेके चीन ता परिस्थिति इंजे विकास ता पूना चरण ते नेंगसोर मत्तादु दिसिंता। इदु पूना चरण लोप्पा साम्राज्यवाद ओसो सामंतवाद खिलाफ देशव्यापी संघर्ष विकसित आसी उंदी महान पूना जन-क्रांति ता रूप एतियारा। नेंडु माटू इद क्रांति ता गर्रे एवसी मंतोमा मना पार्टी ता काम इद पूना बेहरा लहर ता स्वागत काजे ओसो अदिना सफलता काजे संघर्ष कीयाना मंता।
2. फौजी परिस्थिति ता विकास इंजे जनता ना हितकुना अनुकूल दिशा ते आत्ता। हत्ता जुलाई तल इद जनवरी एवनल 7 महिनांग ना लड़ाई ते माटू मुक्त इलाकांग पोरो हमला कीयाना च्यांग काई शेक ना नियमित सेनांग ना 56 ब्रिगेड कुन खत्म कितोमा। इत्तेके औसतन इसाब ते उंदी महीना लोप्पा 8 ब्रिगेड कुन खत्म कित्ताद मता, इदिना लोप्पा माटू तितर-बितर कित्ता च्यांग काई शेक ना नियमित सेनांग ओसो माटू इस्सले खत्म कित्ता बचोनो कठपुतली सेनांग ओसो शांति-रक्षा कोर कु शामिल हिल्लेंगा। दक्षिणी ओसो पश्चिम शानतुंग, शेनशी-कानसू-निंगश्या सीमा इलाका, पेफिंग-हानखओ रेलवे ता उत्तरी हिस्सा ता इलाका ओसो दक्षिणी मंचूरिया ते च्यांग काई शेक ना आक्रमण इंजे वेने जारी मंता मति हत्ता इरंगम कालम ता आक्रमण

---

<sup>1</sup>इदु चीनी कम्युनिस्ट पार्टी ता केंद्रीय कमेटी काजे कामरेड माओ त्सेतुंग तैयार कीसि मत्ता पार्टी निर्देश आंदू।

तुकू वेल्ले कमजोर आतद मंता। च्यांग काई शेक ना सेना लोप्पा सैन्य-विन्यास काजे हालनाचोन सैनिक हिल्लर। इंजे अदु जबरदस्ती तन्ना भरती टागोट किन वेने पूरा किया परवो। इद सच्चाई ओसो ओना युद्ध मोर्चा अनि मानव शक्ति परताचोन कमजोर आयनास्के गंभीर अन्तरविरोध पुटतांग। च्यांग ना सेना ता साहस दिव्या-दिव्या तुकू कमजोर आया मंता। उत्तरू च्यांगसू, दक्षिणी, पश्चिमी शानतुंग ओसो पश्चिमी शानशी ता इस्सल ता लडाई लोप्पा च्यांग ना वेल्ले सेनांग ना साहस वेल्ले कमजोर आत्ता। बचोनो मोर्चांग पोरो मना सेनांग इंजे तम्मा कैदे पहलकदमी पोय्या मंतांग अनि च्यांग काई शेक ना सेनांग पहलकदमी किया परवा लेक्का आया मंतांग। इंजे माटू वायना उचुक महिनांग लोप्पा मनम मुन्ने नष्ट कित्ता ब्रिगेड कुन काल्पसी च्यांग ना पूरा 100 ब्रिगेड कुन खत्म किया परितोम इंजी अंदाजा वाटा परितोमा कठपुतली सेनांग, पुलिस, स्थानीय शांति-रक्षा कोर, कम्युनिकेशन-पुलिस कोर, पृष्ठभागीय सेवा-दल ओसो तकनीकी सेनांग किन विडचसी च्यांग काई-शेक निगा 19 लाख 16 हजार सैनिक वाले 248 ब्रिगेड कुना संगे बनेमासी मत्ता कुल 93 नियमित स्थल ओसो घुडसवार ब्रिगेडकु मंतांग। मुक्त इलाकांग पोरो हमला कीयाना लोप्पा कुल 17 लाख 13 हजार सैनिक वाले ब्रिगेडकुना संगे बनेमासी मत्ता 78 ब्रिगेडकु इत्तके च्यांग काई-शेक ना नियमित सेनांग लगभग 90 प्रतिशत हिस्सा सेना मंता। कुल 2 लाख 3 हजार सैनिक वाले 30 ब्रिगेड कुना संगे बनेमासी मत्ता सिर्फ 15 ब्रिगेडकु इत्तके च्यांग काई-शेक ना नियमित सेनांग ना लगभग 10 प्रतिशत हिस्सा क्वोमिंगतांग ता पृष्ठभागीय इलाकांग लोप्पा मंता। अदिन काजे मुक्त इलाकांग पोरो हमला कियाला काजे च्यांग काई शेक तन्ना पृष्ठभागीय इलाकांगनल इंजे लडेमानया क्षमता वाले 218 ब्रिगेड लोप्पटल चौथा हिस्सा तुकू ज्यादा किन माटू खत्म कित्ताद मंता। माटू खत्म कित्ताविना लोप्पाटल उचुक यूनिटकु शुरुतले नुकसान पूरा कीसि ओसो उंदी बेरा पाडना पोरोल तेने अविन निल्पी कित्ताद मंता मति अविना लडेमायना

क्षमता वेल्ले कमजोर आत्ता। अविनटल ओसो उचुक यूनिटकुना नुकसान भरपाई कीतद मंत्ता मति अविन दुबारा खत्म कित्ताद मंत्ता। पिस्ता उचुक यूनिटकुना नुकसान भरपाई कित्तादे हिल्ले। वायना उचुक महिनांग लोप्पा मना सेनांग 40-50 ब्रिगेड कुन खत्म कित्ता अद्रमासी शुरू तल इंजे एवनल कुल मिलेकीसि 100 ब्रिगेड कुन खत्म कीयाना हिसाब पूरा किया परतेके फौजी परिस्थितिंग लोप्पा उंदी बेहरा बदलाव वायारा।

3. इदे नडमा च्यांग काई-शेक इलाकांग लोप्पा उंदी महान जन आंदोलन विकसित आसोर मत्ता। वेलियसोरे सामान वम्मानोर व्यापारिर पोरो क्वोमिंगतांग अत्याचार कुना कारण ते नीरे 30 नवम्बर ते शांघाई लोप्पा जनताना विद्रोह शुरू आतांग,<sup>1</sup> उंदी चीनी छात्रा ना पोरो अमेरिका सैनिक लोर बलात्कार कीतांकु नीरेटा 30 दिसम्बर तल पेफिंग ते शुरू आत्ता विद्यार्थी आंदोलन<sup>2</sup>, इव रेंडासी घटनांग च्यांग काई शेक इलाकांग ना जनता ना संघर्ष लोप्पा उंदी पूना बेहरा लहर तुकू हरीं पंडतांग। इद विद्यार्थी आंदोलन पेफिंग ते शुरू आसी पूरा देश ता बेहरा शहरकुना लोप्पा फैलेमाता। तीना लोप्पा लाखो विद्यार्थीर हिस्सा एत्ता मंतोर अनि इदु 9 दिसम्बर ता जापानी साम्राज्यवाद विरोधी विद्यार्थी आंदोलन<sup>3</sup> तुकू वेने बेहरा आंदोलन बने माता।
4. मुक्त इलाकांग लोप्पा जनमुक्ति सेना ता जीतकु ओसो च्यांग काई-शेक इलाकांग लोप्पा जन आंदोलन ता विकास चीन लोप्पा साम्राज्यवाद ओसो सामंतवाद विरुद्ध उंदी महान पूना जन क्रांति जरूर वायर ओसो जीड़ियर इंजी वेहिंता।
5. बद परिस्थिति ते इद परिस्थिति पुटता अवु इगा रास्ता लेक्का मंतांग: अमेरिका साम्राज्यवाद ओसो अदिना पालतू नै च्यांग काई-शेक जापानी साम्राज्यवाद ओसो ओरा पालतू नै वांग चिंग-वेइ ना जागा एतितोर ओसो चीन किन अमेरिका उपनिवेश बने क्रियाला काजे गृहयुद्ध कीयाना ओसो फासीवादी तानाशाही किन मजबूत कीयाना

नीतिंग किन लागू कितोर। अमेरिका साम्राज्यवाद ओसो च्यांग काई-शेक ना प्रतिक्रियावादी नीतिंग मुन्ने चीनी जनता काजे संघर्ष कीयाना विड़चसी दूसरा बदे हरीं हिल्ले। स्वाधीनता, शांति ओसो जनवाद काजे संघर्ष कीयानाए वर्तमान कालाम ते वेने चीनी जनता ना बुनियादी मांग मंता। अप्रैल 1945 तेने मना पार्टी ता सातवीं राष्ट्रीय कांग्रेस अमेरिका साम्राज्यवाद ओसो च्यांग काई-शेक इवे प्रतिक्रियावादी नीतिंग किन लागू कियानूर इंजी इविन हारे कियाला काजे इद कांग्रेस उंदी पूर्ण ओसो एकदम सही राजीनीतिक कार्यदिशा वेने तय कीसि मत्ता।

6. अमेरिका साम्राज्यवाद ओसो च्यांग काई-शेक ना प्रतिक्रियावादी नीतिंग चीनी जनता ना सब्बे समूह किन खुदे जिम्मेदारी पोयसी उंदी आयला मजबूर कित्ता। इव सब्बे समूह कुना लोप्पा मजदूर, किसान, शहरी निम्न-पूंजीपति वर्ग, राष्ट्रीय पूंजीपति वर्ग, जागृत शरीफजादा लोर, उचुक देशभक्त तत्व, अल्पसंख्यक जातिंग ओसो दूसरा देश लोप्पा मंदना चीनी नागरिक लोर शामिल मंतांग। इवु पूरा राष्ट्र ता उंदी वेल्ले व्यापक संयुक्त मोर्चा आंदू। जापानी आक्रमण विरोधी युद्ध ताकनास्के संयुक्त मोर्चा ता तुलना ते इद संयुक्त मोर्चा सिर्फ व्यापक रूप ते तन्ना विस्तार लोप्पने आयवा इदिना बुनियाद वेने वेल्ले मजबूत मंता। सब्बे पार्टी कामरेड्स ना काजे इद संयुक्त मोर्चा किन सुदृढ़ बने कीयाना ओसो विकसित कियाला परताचोन कोशिश कीयाना वेल्ले जरूरी मंता। मुक्त इलाकांग लोप्पा “तीन-तिहाई व्यवस्था” ता नीति<sup>4</sup> “पूहतानोनके भूमि” ता नीति किन दृढ़ता ते ओसो पेरके मुन्ने आयवा लेवा लागू कीतेकेने बदे बदलाव आयवा चालू मंदियार। माटू मना राजनीतिक सत्ता ता संगठन लोप्पा ओसो सामाजिक कामकाज लोप्पा कम्युनिस्ट लोरे आयवा पार्टी तुकू बाहर ता व्यापक प्रगतिशील तत्व ओसो मध्यवर्ती तत्व (इत्तेके जागृत शरीफजादा लोरो लेक्काटोर) किन वेने काम सौंपे कीयाना। मुक्त इलाकांग लोप्पा चुनाव ते मतदान कीयाना लेवेके चुनाव काजे



नित्तना अधिकार, वर्ग, लिंग लेवेके विश्वास पोरो आधार आयवा लेवा सब्बे नागरिक किन अधिकार मंता। इदु अधिकार सिर्फ देशद्रोहिर ओसो जनता ना हितकुना विरोध कीसि जनता ना दुश्मन बनेमाता प्रतिक्रियावादिर किन हिल्ले। “पूहतानोनके भूमि” व्यवस्था पूराए लागू आतास्के मुक्त इलाकांग ना जनता ना निजी सम्पत्ती ता अधिकार गारंटी अद्रमे मंदिता।

7. च्यांग काई-शेक सरकार वेल्ले कालम एवनल प्रतिक्रियावादी वित्तीय ओसो आर्थिक नीतिंग किन लागू कीतांकू ओसो च्यांग काई-शेक ना नौकरशाही-दलाल पूंजी उंदी देशद्रोहपूर्ण समझौता इतेके “चीन-अमेरिका समझौता”<sup>5</sup> संगे अमेरिकी साम्राज्यावादी पूंजी संगे जुड़ेमासी मतांकु खतरनाक मुद्रास्फीति वेल्ले तेज विकसित आत्ता। चीन ता राष्ट्रीय पूंजीपति वर्ग ता उद्योग, वाणिज्य रोज कमजोर आसोर दाया मंता, मेहनतकश जनता, सरकारी कर्मचारि ओसो शिक्षक लोरा रोजगार परिस्थिति रोज बिगड़ेमासोर दाया मंता। मध्यम वर्ग ता उंदी बेहरा संख्या तन्ना बचत किन पोहहचि इनपड़े सम्पत्तिहीन आसोर दाया मंता। अदिन काजे मजदूर ओसो विद्यार्थिंरा हड़तालकु ओसो पिस्ता संघर्षकु लगातार ताकसोर मंतांग। चीन लोप्पा वेने सामाजिक समूह कुना जनता उंदी बस्केने हिल्ला बेहरा आर्थिक संकट ता सामना कीयाना मंता। गृहयुद्ध किन जारी तासला काजे च्यांग काई-शेक जापानी आक्रमण विरोधी युद्ध कालम ते लागू कित्ता जबरन भरती ओसो अनाज-वसूली वेल्ले लब्बड़ ता तरीका किन ओसो लागू किया मंतोर, इदु बेहरा ग्रामीण जनता काजे ओसो खासकर गरीब किसान लोरा काजे पिस्सना मुश्किल कित्ता, अद्रमासी किसान-विद्रोह शुरू आत्ता अनि लगातार विकसित आसोर दाया मंतांग। अदिन काजे प्रतिक्रियावादी च्यांग काई-शेक शासक-गुट व्यापक जनता ता समर्थन पोहसिया मंतोर। इदु गुट किन गंभीर राजनीतिक, युद्ध संकट ता सामना किया लागा मंता। इदु परिस्थिति उंदी बगिल च्यांग काई-शेक ना नियंत्रण वाले इलाकांग

लोप्पा साम्राज्यवाद विरोधी, सामंतवाद विरोधी जन आंदोलन कुन दिव्या-दिव्या तुकू मुन्ने ओया मंतांग। दूसरा बगिल इदु च्यांग काई-शोक ना सेनांग ना साहस किन ओसो ज्यादा कमजोर किया मंतांग। अद्रमासी जन मुक्ति सेना (पीएलए) ता जीत ता सम्भावना ओसो ज्यादा बेरसा मंता।

8. च्यांग काई-शोक मना पार्टी ओसो दूसरा जनवादी ताकत कु अलगाव ते वाटला काजे केयता गैरकानूनी ओसो फूटपरस्त “राष्ट्रीय एसेम्बली” बने कित्ता झूठा संविधान ता जनता ना कौडा ते बदे इज्जत हिल्ले। इव रेंडासी मना पार्टी ओसो दूसरा जनवादी ताकतकुन अलगाव ते वाटवा लेवा खुद प्रतिक्रियावादी च्यांग काई-शोक शासक-गुट किन अलगाव ते वाटसिता। मना पार्टी ओसो बाकी जनवादी ताकतकु इद नकली राष्ट्रीय एसेम्बली लोप्पा हिस्सा एतला इनकार कीतांग, अनि एकदम सही मत्ता। प्रतिक्रियावादी च्यांग काई-शोक शासक-गुट चीनी समाज लोप्पा बस्के ने उचुन वेने सम्मान दोरकवा मत्ता नौजवान पार्टी<sup>6</sup> ओसो जनवादी समाजवादी पार्टी<sup>7</sup> पोरोल ता रेंडु सुडला पार्टींग किन तन्ना पक्ष ते कित्ता, संगे ने उचुन “सार्वजनिक सम्मानित लोकुर”<sup>8</sup> किन वेने तन्ना बगिल काल्पता, इंजे उचुन मध्यमार्गी लोकुर प्रतिक्रियावादिरा पक्ष ते हंजोर मत्तादु वेने हूडा मंतोमा बारांकु इत्तेके चीन लोप्पा जनवादी ताकतकु दिव्या-दिव्या तुकू मजबूत आसोर दाया मंतांग अनि प्रतिक्रियावादी ताकतकु दिव्या-दिव्या तुकू अलगाव ते आसोर दाया मंतांग। अदिन काजे वेल्ले स्पष्टता ते दुश्मन ता मोर्चा ओसो मना मोर्चा नडुमा विभाजन-रेखा पिडंगना जरूरत मंता। बद्रमाई पेरेके जनवादी मोर्चा लोप्पा मकसी मंजी जनता किन धोखा हियाना सब्बे तत्व कुन एक्सपोज आयाए लागियर, जनता अविन किन तम्मा लोप्पटल बाहर कियार, इगाग जनता ना साम्राज्यवाद विरोधी ओसो सामंतवाद विरोधी कैडरकु लगातार शक्तिशाली आसोर दायर बारांकु इत्तेके

ओरु तम्मा ओसो तम्मा लोप्पा मकसी मत्ता प्रतिक्रियावादिरा नड्डमा स्पष्ट रूप ते विभाजन रेखा पिडंगतोर।

9. अन्तरराष्ट्रीय परिस्थिति ता विकास चीनी जनता ना संघर्ष तुकू वेल्ले अनुकूल मंता। सोवियत संघ ता बेरसना ताकत ओसो अदिना विदेश-नीति ता सफलतांग, दुनिया ता अलग-अलग देशकुना जनता ना वामपक्ष बगिल लगातार बेरसना ओसो तम्मा देश ओसो विदेश कुना प्रतिक्रियावादी शक्ति ना विरुद्ध अदिना लगातार संघर्ष-इव रेंडासीए अमेरिका साम्राज्यवाद किन ओसो अलग-अलग देश कुना लोप्पा अदिना पालतू नैकुन लगातार ज्यादा से ज्यादा अलगाव ता परिस्थिति ते वाटसोर दाया मंतांग अनि इद्रम वाटसोर मंदानुंग। इव रेंडासी तत्व कुना संगे अमेरिका ता अनिवार्य आर्थिक संकट ता इद तीसरा तत्व किन वेने जोड़े कीतेके अमेरिका साम्राज्यवाद ओसो अलग-अलग देशकुना लोप्पा तन्ना पालतू नैकुन ओसो वेने मुश्किल परिस्थिति ता सामना कियाला मजबूर आया लागियर। अमेरिका साम्राज्यवाद ओसो अदिना पालतू नैकु च्यांग काई-शेक ना ताकत सिर्फ अस्थाई मंता, ओरा आक्रमण किन गुंडा किया परमूडायारा। मना कैडर कुना लोप्पा प्रतिक्रियावादिरा आक्रमण किन गुंडा परमूडायो इंदाना झूठ किन फैले कीयाना संभावनाए मंदानायो। केंद्रीय कमेटी बार-बार अन्तरराष्ट्रीय, अंदरूनी परिस्थिति ता विकास लगातार इद निष्कर्ष किन ज्यादा से ज्यादा सही साबित किसोर दाया मंता इंजी वेहता।
10. च्यांग काई-शेक तन्ना सेना ता नुकसान भरपाई कियाला ओसो पूना आक्रमण शुरू कियाला काजे टाईम दोरकी कियाला काजे, अमेरिका तल पूना कर्ज ओसो युद्ध सामग्री दोरकी कियाला काजे ओसो जनता ना होंग कम कियाला काजे दुबारा मना पार्टी संगे शांति-वार्ता शुरू कीयाना मांग कीसि उंदी पूना डाव वाटना कोशिश किया मंतोर।<sup>9</sup> मना पार्टी ता नीति वार्ता तुकू इनकार कीयाना आयवा इद्रम ता धोखा तुन पर्दाफाश कीयानादु मंता।

11. च्यांग कार्ई-शेक ना आक्रमण तुक पूराए गुंडा कियाला काजे माटू वायना उचुक महिनांग लोप्पा ओना 40-50 ब्रिगेड कुन खत्म कीयाना जरूरत मंता, इदे हर समस्या तुन हल कीयाना कूजी आंदू। इद लक्ष्य किन पूरा कियाला काजे माटू केंद्रीय कमेटी ता नीरेटा 1 अक्तूबर ता “मूंड महिनांग ना सारांश” पोरोल ता निर्देश ओसो दुश्मन ता फौज कुन उंदी-उंदी कीसि नष्ट कियाला काजे मना सेना किन केंद्रित कीयाना ता बारे ते नीरे 16 सितम्बर ते मना फौजी कमीशन हीता निर्देश तुन पूराए लागू कीयाना जरूरत मंता। सब्बे जागा ना कामरेड्स लोरा ध्यान आकर्षित कियाला काजे उचुक मुद्दांग पोरो माटू ओसो उंदी बेरा जोर वाटा मंतोम:

क) **सैनिक समस्या-** हत्ता सात महिनांग ना कठोर लड़ाई लोप्पा मना सेना च्यांग कार्ई-शेक ना आक्रमण किन जरूर पोच्चांग किया परिंता ओसो आखरी जीत दोरकी किया परिंता इंजी साबित कित्ता। साजो-सामान ओसो युद्धकला रेंडासी ना लोप्पा मना सेना मुन्नेटुकू उन्नत स्तर ते एवता। मना सशस्त्र सेनांग ना निर्माण ते इंजेटल मना प्रधान कार्य मना तोपखाना ओसो इंजीनियरिंग कोर ता निर्माण-कार्य तुन मुन्ने ओयला परताचोन कोशिश कीयाना मंता। सुडला-बेहरा सब्बे फौजी इलाकांग ओसो सब्बे युद्धभूम ते मत्ता फौजी फार्मेशनकु तोपखाना ओसो इंजीनियरिंग कोर कुन मजबूत कीयाना लोप्पा वायना सब्बे ठोस समस्यांग किन ओसो मुख्य रूप ते कार्यकर्ता लोरा प्रशिक्षण अनि गोला-बारूद ता उत्पादन लोप्पा वायना समस्यांग किन हल कीयाना जरूरत मंता।

ख) **भूमि समस्या-** केंद्रीय कमेटी ता 4 मई ता निर्देश<sup>10</sup> हर मुक्त इलाका ता लगभग दो-तिहाई हिस्सा लोप्पा लागू कित्ता, अगा भूमि समस्या हल आत्ता ओसो “पूहतानोरके भूमि” नीति तुन अमल कित्ताद मंता, इदु उंदी महान जीत मत्ता। मति लगभग एक-तिहाई हिस्सा लोप्पा जनता किन पूराए जागृत

कीयाना ओसो “पूहतानोरके भूमि” नीति तुन अमल कियाला काजे इंजे ओसो ज्यादा कोशिश कीयाना जरूरत मंता। बव जागाने “पूहतानोरके भूमि” नीति लागू आत्ता अगा वेने इंजे भूमि समस्या ता हल पूर्ण रूप ते आत्ताद हिल्ले, इदिना मुख्य कारण अगाटा जनता किन पूराए जागृत कित्ताद हिल्ले। अदिन काजे जमीन जब्त कीयाना ओसो तूसना काम सम्पूर्ण रूप ते सम्पन्न आया परताद हिल्ले। अद्रमासी आम जनता खुश हिल्ले। इद्रम ता जागा ने माटू वेल्ले सतर्कता ते जांच-पड़ताल कीयाना ओसो कमजोरी किन दूर कीयाना।<sup>11</sup> अस्केने उचुन जमीन वालेर लेवेके भूमिहीन सब्बे किसान लोर किन जमीन दोरकियर अनि बुरे शरीफजादा लोर ओसो स्थानीय निरंकुश तत्व किन सजा हियमूड़ायर। “पूहतानोरके भूमि” नीति तुन लागू कीयानास्के माटू मध्यम किसान लोरा संगे दृढ़ता ते एकता कीयाना ओसो मध्यम किसान (खुशहाल मध्यम किसान संगे) लोरा हित कुना बाताए कारण हिल्ला बदे नुकसान कीयाना आयो। मध्यम किसान लोरा हित कुना बगे नुकसान कित्ताद मत्ताओ अगा माटू ओरा नुकसान ता भरपाई कीयाना ओसो गलती मानेमायना जरूरी मंता। इदे आयवा भूमि-सुधार कीयानास्के ओसो ताना पेरके आम जनता ना विचार अनुसार मामूली धनी किसान ओसो मध्यम, सुडला जर्मीदार लोरा वेने ध्यान तासना, इद काम “4 मई ता निर्देश” अनुसार कीयाना। सक्षिप्त ते ग्रामीण इलाकंग लोप्पा भूमि-सुधार आंदोलन ताकनास्के मनम भूमि सुधार संगे वायना आम जनता (इदिना आबादी 90 प्रतिशत तुकू ज्यादा मंता) संगे एकता कीयाना अनि भूमि सुधार ता विरोध कीयाना मुट्टामेंड सामंती प्रतिक्रियावादी तत्व कुन अलगाव ते वाटना। इद्रम कीतेके “पूहतानोरके भूमि” नीति तुन जल्दी लागू किया परितोम।

ग) **उत्पादन समस्या-** सब्बे जागा ना लोकुर वायना कालम पोरो ध्यान तासिसी योजनांग पंडना। उत्पादन बेरसी कियाला परताचोन कोशिश कीयाना। बचत कीयाना, उत्पादन ओसो बचत पोरो आधार आसी वित्तीय समस्या तुन सही तरिका ते हल कीयाना। इगा पहल उसूल उत्पादन ता विकास कीयाना ओसो सप्लाई ता गारंटी कीयाना मंता। अद्रमासी माटू वित्त ओसो व्यापार पोरो उंदी बगिल जोर हियाणा ओसो कृषि अनि उद्योग ता उत्पादन पोरो कोंडा पीहिसि मंदना गलत दृष्टिकोण ता विरोध कीयाना। दूसरा उसूल सेना ओसो जनता रेंडासी ना ध्यान तासना, सार्वजनिक अनि निजी हितकुना ध्यान तासना। अदिन काजे काजे सिर्फ उंदी पक्ष ता ध्यान तासना ओसो दूसरा पक्ष बगिल कोंडा पीहिसी मंदना गलत दृष्टिकोण ता विरोध कीयाना। तीसरा उसूल इतेके एकिकृत नेतृत्व ओसो विकेंद्रीकृत प्रबंध। परिस्थिति ता मांग बेगा मंता अगा केंद्रित आयना जरूरत मंता अगाटा समस्यांग किन विडचसी बाकी हर जागा परिस्थितिंग ना परवाह कियवा लेवा हर चीज ता केंद्रीकरण कीयाना पक्ष एतना ओसो विकेंद्रिकरण प्रबंध अमल कीयाना साहस कियवा मंदाना गलत दृष्टिकोण ता विरोध कीयाना।

12. मना पार्टी ओसो चीनी जनता किन आखरी जीत दोरकी कीयाना पूरा विश्वास मंता, इदिना बारे ते उचुन वेने डारुट हिल्ले। मति इद्रम इतेके मना मुन्ने बदे मुशिकले हिल्ले इंजी आयो। चीन ता साम्राज्यवाद विरोधी ओसो सामंतवाद विरोधी संघर्ष तन्ना स्वरूप ते उंदी दीर्घकालीन संघर्ष मंता, चीनी ओसो विदेशी प्रतिक्रियावादिर तम्मा पूरा ताकत वाटसी चीनी जनता ना विरोध जारी तासनूर (इवु इलाकांग च्यांग काई-शेक ना नियंत्रण ते मंतांग) अगा फासीवादी शासन ता कब्जा ओसो ज्यादा मजबूत आयार, मुक्त इलाकांग ना बदे-बदे हिस्सा अस्थाई रूप ते दुश्मन ता कब्जा ते मत्ता इलाका लेवेके

छापामार इलाका बनेमायर, क्रांतिकारी ताकतकुना उचुक हिस्सांग किन अस्थाई रूप ते नुकसान तेहा लागियर ओसो दीर्घकालीन युद्ध लोप्पा मानव शक्ति ओसो भौतिक साधन कुना वेने नुकसान आयारा। पूरा पार्टी कामरेड्स इव सब्बे पोल्लोंग कुन पूरा-पूरा ध्यान तासना ओसो दृढ संकल्प संगे ओसो सही तरीका ते सब्बे कठीन परिस्थितिंग कुन दूर कियाला काजे तैयार मंदाना। प्रतिक्रियावादी ताकत कुना मुन्ने वेने कठीन परिस्थितिंग मंदितांग ओसो मना मुन्ने वेने। मति प्रतिक्रियावादी ताकतकुना कठीन परिस्थितिंग दूर किया परवा लेक्काटवु मंदितांग, बारांकु इत्तेके अवु डोल्लना गर्रे एवसी मंदितांग ओसो अदिना पिस्वल ईकड़ ते दाया मंता। मना मुश्किलकुन दूर किया परमूडांता, बारांकु इत्तेके माटू पूना ओसो बेरसोरे मंदना ताकतकु आंदोम ओसो मना पिस्वल वेहच ते दाया मंता।

## नोट

1. अगस्त 1946 तल शांघाई ता क्वोमिंगतांग अधिकारि फेरिवालेर (वेलियसि सामान वम्मानोर) पोरो शहर ता ह्वांगफू ओसो लाओचा इलाकांग लोप्पा तम्मा कारोबार कीयानायो इंजी पाबंदी वाटतोर। नवम्बर ता आखारी ते सामान वमसोरे मत्ता उंदी हजार वेलियसि सामान वम्मानोर किन गिरफ्तार कित्तोर। 30 नवम्बर ते मूंड हजार माने इदिना खिलाफ अर्जी हीतोर अनि प्रदर्शन कीसोर ह्वांगफू इलाका ता पुलिस थाना किन घेरे कित्तोर। क्वोमिंगतांग अधिकारि वेरकिन हौकना आदेश हीतोर, सात दुकानदार डोलतोर अनि वेल्ले बेहरा संख्या ते लोकुर घायल आतोर अनि गिरफ्तार आतोर। 1 दिसम्बर ते फेरीवालेर तम्मा संघर्ष शुरूए तास्तोर। तल लोकुर ओसो डोलसी सौ तुकू ज्यादा लोकुर घायल आतेकाई अद दिव्या संघर्ष लोप्पा हिस्सा एतानोरा संख्या बेरसिसी 5000 तुकू ज्यादा आत्ता। इद संघर्ष ता समर्थन ते शांघाई ता सब्बे दुकानकु बंद आतांग। इद्रम इद घटना च्यांग काई-शेक ना खिलाफ शहरव्यापी जन आंदोलन ता रूप एतिता।
2. इद घटना पेफिंग ते 24 दिसम्बर 1946 ते आत्ता। अमेरिका सैनिक लोर पेफिंग विश्वविद्यालय ता उंदी छात्र पोरो बलात्कार कित्तोर। 30 दिसम्बर 1946 तल

जनवरी 1947 एवनल क्वोमिंगतांग इलाकांग लोप्पा 20 तुकू ज्यादा बेहरा ओसो मध्यम शहर कुना लोप्पा छात्र लोर अमेरिका ओसो च्यांग काई-शेक ना खिलाफ हड़ताल ओसो प्रदर्शन कीसि अमेरिका सेनांग चीन तल वापिस दायना इंजी मांग कित्तोर। इद आंदोलन लोप्पा 5 लाख तुकू ज्यादा छात्र लोर शामिल आतोर।

3. 9 दिसम्बर 1935 ते पेफिंग लोप्पा छात्र शुरू कित्ता देशभक्ति आंदोलना “जापानी साम्राज्यवाद विरोधी कार्यनीति ता बारे ते”, नोट 8 (“माओ त्सेतुंग ना संकलित रचनांग”, ग्रन्थ 1) हूड़टू।
4. “तीन-तिहाई व्यवस्था” जापानी आक्रमण विरोधी युद्ध ताकनास्के संयुक्त मोर्चा ता राजनीतिक सत्ता ता संगठन कुना काजे चीनी कम्युनिस्ट पार्टी ता नीति। इद नीति अनुसार जापान विरोधी जनवादी राजनीतिक सत्ता ता संगठन लोप्पा मुख्य रूप ते एक-तिहाई लोकुर कम्युनिस्ट पार्टी सदस्य, एक-तिहाई वामपंथी प्रगतिशील लोकुर ओसो एक-तिहाई मध्यवर्ती तत्व ओसो बाकी लोकुर मत्तोर।
5. “चीन अमेरिका व्यापार समझौता” इतेके “चीन-अमेरिका दोस्ती, व्यापार, समुद्री जहाज समझौता” च्यांग काई-शेक सरकार ओसो अमेरिका सरकार नइमा 4 नवम्बर 1946 ते नानकिंग लोप्पा आसी मत्ता। चीन ता सत्ता किन वेल्ले बेहरा स्तर ते अमेरिका कैदे वम्मना समझौता ता कुल तीस धारांग मत्तांग। इविना मुख्य विषय-वस्तु दोड़ रास्ता लेक्का मत्ता:
  - 1) अमेरिकी नागरिकर किन चीन ता “पूरा भूम-प्रदेश” लोप्पा मंदाना, तिरियसोर वेलियाना, वाणिज्य-व्यापार कीयाना, माल तैयार कीयाना, प्रोसेसिंग कीयाना, वैज्ञानिक, शैक्षणिक, धार्मिक ओसो जन सेवा कीसोर मंदाना, खनिज साधन कुना खोज कीयाना, अवि तरवना, जमीन पट्टा ते पोय्यना ओसो खुद ता सम्पत्ति बने कीसि तासना ओसो अलग-अलग कामकाज, व्यवसाय ताकी कीयाना अधिकार मंदियरा आर्थिक अधिकारकुना इसाब ते चीन लोप्पा अमेरिका नागरिक लोरा संगे वेने चीनी नागरिक लेक्काने व्यवहार कियमूडायरा।
  - 2) चीन लोप्पा टैक्स वाटना, वम्मना, वितरण कीयाना लेवके इस्तेमाल कीयाना ता बारे ते अमेरिकी वस्तु संगे बदे वेने तीसरा देश ता वस्तुकुना लेवेके चीनी वस्तुकुना लेक्का अनुकूल व्यवहार कियमूडायरा। अमेरिका लोप्पा पंडना, पुट्टना लेवेके तैयार कीयाना बदे वेने चीज ता अमेरिका तल आयात कीयाना लेवेके बदे वेने चीनी माल ता अमेरिका लोप्पा निर्यात कीयाना पोरो चीन बगिल तल “बदे रोक लेवेके प्रतिबंध” मन्नो आयारा।
  - 3) अमेरिका ता जहाज कुन विदेशी व्यापार लेवेके समुद्री जाहज कुना संगे व्यापार काजे मुक्त इसाब ते बदे वेने चीनी बंदरगाह (समुद्री जाहज रोमना



जागा), भूमि लेवेके एर इलाका लोप्पा दायाना-वायना आजादी मंदियर। अव जहाज कुना कर्मचारि किन ओसो अविना लोप्पा बोरसिस मत्ता माल किन चीन ता प्रादेशिक भूमि पोरो “सबसे ज्यादा सुविधा वाले हरी” तल दायाना-वायना आजादी मंदियर। “बदे वेने मुश्किल परिस्थिति” ते युद्ध जहाजकु ओसो सब्बे अमेरिका जहाज कुन चीन लोप्पा “विदेशी व्यापार लेवेके समुद्री जाहज काजे बंद सब्बे बंदरगाह, भूमि लेवेके एर इलाकांग” लोप्पा दायाना-वायना आजादी मंदियर।

- 4) अमेरिका लोप्पा च्यांग काई-शेक ना तत्कालीन राजदूत वेलिंगटन कु खुल्लेआम ओसो लज्जा हिल्ला लेक्का इद समझौता किन “चीन ता पूरा प्रादेशिक भूमि किन अमेरिका व्यापारि काजे” हियाना इंजी वेहतोरा।
6. “चीनी समाज लोप्पा वर्ग विश्लेषण”, नोट 1 (“माओ त्सेतुंग ना संकलित रचनांग”, ग्रन्थ 1) हूडाट।
7. “जनवादी समाजवादी पार्टी” अगस्त 1946 “जनवादी संवैधानिक पार्टी” ओसो “राष्ट्रीय समाजवादी पार्टी” तुन आपस ते काल्पसी बने किताद मत्ता। इदिना सदस्य लोर मुख्य रूप ते उत्तरी युद्ध-सरदार लोरा कालम ता प्रतिक्रियावादी राजनीति नेतालोर ओसो सामंती समाज ता अवशेष मत्तांग।
8. बदे पार्टी हिल्ला लोकुरा कवर ते मंजी च्यांग काई-शेक ना “राष्ट्रीय एसेम्बली” ते तोहला काम वायना लेक्कटा उचुन ‘सार्वजनिक गणमान्य लोकुर’ इतेके वांग युन-ऊ, फू स-न्येन ओसो हू चंग-च लेक्कटा लज्जा हिल्ला राजनीतिक नेतालोरा उदाहरण हियमूडाता।
9. तम्मा युद्ध आक्रमण कुना लोप्पा बार-बार नुकसान कुना सामना किया लागतांकु युद्ध परिस्थिति बिगडेमाता। अद्रमासी 16 जनवरी 1947 ते क्वोमिंगतांग सरकार उचुन नेस्कसी मंजी पूना आक्रमण ता तैयारी कीयाना कोशिश ते चीन ते मता अमेरिका राजदूत लीटन स्टुअर्ट संगे कलिसि चीनी कम्युनिस्ट पार्टी संगे “शांति-वार्ता” काजे तम्मा प्रतिनिधि येनान लोहना इंजी मांग किता। चीनी कम्युनिस्ट पार्टी तुरंत इद पूना अमेरिका-च्यांग षडयंत्र तुन पूराए पर्दाफाश किता। चीनी कम्युनिस्ट पार्टी दुबारा वार्ता शुरू कियाला काजे कम से कम रेंडु शर्त पूरा किया लागिअर इंजी इत्ता: 1) राजनीतिक सलाहकार सम्मेलन ता प्रस्ताव कुन ठुकरे कीसि क्वोमिंगतांग बने किता नकली संविधान किन रद्द किया लागिअर, 2) युद्ध-विराम समझौता किन लागू कीयाना इते 13 जनवरी 1946 परेके मुक्त इलाकांग ना बचोन इलाकांग पोरो क्वोमिंगतांग सेनांग ना कब्जा मंता अव सब्बे किन खाली कीसि क्वोमिंगतांग सेनांग किन गुचुही किया लागिअर, लेवेके इंजेटा शांति वार्ता लोप्पा आयना समझौता तुन वेने क्वोमिंगतांग मुन्नेटा लेक्का ओसो हीकसी वाटनादिना गारंटी मन्नो आयारा।

क्वोमिंगतांग सरकार तन्ना “शांति” ता डाव इंजे ताका परवो इंजी समझेमातास्के 27 ओसो 28 फरवरी ते शांति वार्ता कीयाना ओसो सम्पर्क कीयाना काजे नानकिंग, शांघाई ओसो हुंगकिंग लोप्पा मत्ता चीनी कम्युनिस्ट पार्टी ना सब्बे प्रतिनिधिर किन अधिकृत रूप ते सूचित कीसि अगाटल दायकला वेहता, संगे ने क्वोमिंगतांग ओसो कम्युनिस्ट पार्टी नइमा शांति-वार्ता पूराए भंग आत्ता इंजी ऐलान कित्ता।

10. इगा चीनी कम्युनिस्ट पार्टी ता केंद्रीय कमेटी 4 मई 1946 ते जारी कित्ता “भूमि समस्या ता बारे ते निर्देश” ता बारे ते वेहताद मंता। इदे ग्रन्थ लोप्पा “मूंड महिनांग ना सारांश” हेडिंग वाले लेख ता नोट 4 हूड़ाटू।
11. “कमी किन पूरा कीसि मजबूत कीयाना” भूमि सुधार कार्य तुलनात्मक रूप ते सम्पूर्ण रूप ते आसी मत्ता मुक्त इलाकांग लोप्पा लागू कित्ता नीति मत्ता। इदिना काम - उचुन गरीब किसान ओसो खेती मजदूर लोरगा जमीन ओसो उत्पादन ता दूसरा साधन कुन हालनाचोन हिल्वा मत्ता समस्या किन ओसो भूमि सुधार कार्य ताकनास्के हल आयवा मत्ता समस्यंग कुन हल कीयाना मत्ता। हल कीयाना तरिका - तुलनात्मक रूप ते सुडला स्तर ते, बोनगा बेसता साधन मंतायो ओरगडल पोयसी लब्बड़ ता साधन मंदानोर किन हियाना, बोनगा अंगडम मंदितांग ओरगडल पोयसी कम मत्तोर किन हियाना अस्के जमीन ओसो उत्पादन ता बाकी साधन कुना तूसना कार्य सम्पूर्ण रूप ते पुनर्व्यवस्थित किया परमूडांता।

# अस्थाई रूप ते येनान तल गुचना ओसो शेनशी- कानसू-निगंश्या सीमान्त इलाका ता रक्षा कीयाना बारे ते चीनी कम्युनिस्ट पार्टी, केंद्रीय कमेटी ता रेंडु दस्तावेजकु\*<sup>1</sup>

नवम्बर 1946 ओसो अप्रैल 1947

18 नवम्बर 1946 ता निर्देश

च्यांग काई-शेक तन्ना विनाश ता गॅरे एवतोर। ओरु रेंडु तरिकांग संगे  
मना पार्टी किन नुकसान कीसि खुद किन मजबूत कियाला आल्सा मंतोर:

---

<sup>1</sup> कामरेड माओ त्सेतुंग तैयार कित्ता रेंडु दस्तावेजकुना लोप्पाल पहली दस्तावेज येनान लोप्पा क्वोमिंगतांग हमलांग ना तैयारिग कीसोर मत्तास्के 1946 ता इंगम कालम ते रास्ताद मत्ता, दूसरा दस्तावेज, 19 मार्च 1947 ते क्वोमिंगतांग सेनांग येनान पोरो कब्जा कीसि बीस साल मत्तास्के उत्तरी शेनशी ता हंगशान काउन्टी ता छिंग्यांगछा ते रासिस मत्तोर। मुक्त इलाकांग पोरो नालुंग बागिल आक्रमण कीयाना तन्ना योजनांग विफल आत्तास्के च्यांग काई-शेक तन्ना डोलसोर मत्ता शासन किन पिसहाला काजे उचुक लज्जा हिल्वा लेक्कटा षडयंत्रकु कित्तोर – नकली राष्ट्रीय एसेम्बली केयतोर, क्वोमिंगतांग इलाकांग नल चीनी कम्युनिस्ट पार्टी ता प्रतिनिधिर किन तेंडसितोर अनि चीनी कम्युनिस्ट पार्टी ना केंद्रीय कमेटी मंदाणा जागा येनान पोरो हमला कित्तोर। इव दस्तावेज कुना लोप्पा वेहता लेक्का च्यांग काई-शेक ना डाव कुना कारण ते राजनीतिक रूप ते ओनाए पूर्ण आत्म-विनाश आत्ता। सामरिक रूप ते ओरु तन्ना सेनांग मुक्त इलाकांग ना पूर्वी ओसो पश्चिम पोरो इत्तेके शानतुंग मुक्त इलाकांग ओसो शेनशी-कानसू-निगंश्या मुक्त इलाकांग पोरो, “मोर्चा ता महत्वपूर्ण हिस्सांग पोरो हमला” कीयाना इंजी केंद्रित कित्तोर। मति ओनकिन सौ प्रतिशत असफलताए दोरकता। शेनशी-कानसू-निगंश्या सीमान्त इलाकांग पोरो हमला कीयाना क्वोमिंगतांग सेनांग ना संख्या 2 लाख 30,000 तुकू ज्यादा मत्ता। अदु इलाका लोप्पा उत्तर-पश्चिमी जन-मुक्ति सेना सिर्फ 20,000 तुकू उचुने ज्यादा मत्ता। अद्रमासीए माटु खुद विडुचीसी मत्ता येनान ओसो शेनशी-कानसू-निगंश्या सीमान्त इलाका ता सब्बे काउन्टी केंद्र पोरो दुश्मन सेना कब्जा किया परता। मति चीनी कम्युनिस्ट पार्टी ता केंद्रीय कमेटी ता हेडक्वार्टर ओसो उत्तर-पश्चिमी जन मुक्ति सेना (पीएलए) किन नष्ट कीयाना लेवेके ओरकिन पीली डोड्डा ता पूर्व बगिल पूंडना लक्ष्य तुन दुश्मन पूरा किया परवो आत्ता। उल्टा, ओरकिन मना सेना जबरदस्त देब्बा वाटता। अनि लगभग 1 लाख सैनिक लोरकिन खत्म कित्ता अनि पिस्ता सैनिक लोर हट्टा पोरो कालकु तासिसी सीमान्त इलाका तल वित्तला लागता। हिक्के मना सेना रक्षात्मक युद्ध कियवा

उंदी- “राष्ट्रीय एसेम्बली” केयसी ओसो दूसरा- येनान पोरो हमला कीसिा असल ते ओरकिन बाताल दोरकियारो अदु इदिना बिल्कुले विपरीत मंदियारा। चीनी जनताए च्यांग काई-शेक ना फूटपरस्त “राष्ट्रीय एसेम्बली” ता दृढ़ता ते विरोध कींता, इद एसेम्बली ता उद्घाटन दिय्या च्यांग काई-शेक गुट ता आत्म-विनाश ता दिय्या लेक्का साबित आयारा। नेंडु माटू च्यांग काई-शेक ना सेनांग ना 35 ब्रिगेड कुन खत्म कित्ताद मंता। अनि ओरा आक्रमणकारी ताकत लगभग खत्म आत्तादे मंता। इद्रम ता परिस्थिति ते ओना सेनांग बदे अचानक हमला कीसि येनान पोरो कब्जा कीतेकाई जनताना मुक्ति युद्ध लोप्पा जीत दोरकी कीयाना आम सम्भावना किन बदे नुकसान आयो आयारा। इदे आयवा च्यांग काई-शेक तन्ना पोरो आयना नुकसान तल वेने बचेमाया परवोर आयानूर। संक्षिप्त रूप ते वेहाना इत्तेके च्यांग काई-शेक उंदे तन्ना सर्वनाश ता हरीं पोयताद मंता, ओरु “राष्ट्रीय एसेम्बली” केयना ओसो येनान पोरो हमला कीयाना रेंडासी डाव करस्तोर इत्तेकेने ओना पूरा तिकड़मकुना पर्दाफाश आयार, अद्रमासी

---

लेवा बेहरा उत्तर-पश्चिमी ता मुक्ति काजे जीड़ना लेक्का आक्रमणात्मक युद्ध कियालाता। इदे आयवा उत्तर-पश्चिमी ता युद्धभूमि ता मना सेना वेल्ले कम संख्या ते तन्ना सैनिक वाटसी दुश्मन ता मुख्य ताकत तुन लेस्सी कीसि तासता अनि नष्ट कित्ता। इद्रमे बाकी यूद्धभूमकु लोप्पा मना सेनांग ना सामरिक कार्यवाइंग किन जोरदार सहारा हीतांग; खासकर शानशी-हपे-हनान युद्धभूमि ता मना सेना किन वेल्ले जोरदार सहारा दोरकता, इदिनगडल मना सेनांग रक्षात्मक युद्ध कालम तुन वेंडसी आक्रमणात्मक युद्ध कालम ते वेल्ले जोरदार इसाब ते नैंगता। मार्च 1947 तल (मना सेनांग येनान तल गुचसी मत्तेकाई) उंदी साल पेरके (मना सेनांग उत्तर-पश्चिम ता युद्धभूमि लोप्पा हमला कीयानास्के एवनल) कामरेड माओ त्सेतुंग, चीनी कम्युनिस्ट पार्टी ता केंद्रीय कमेटी ओसो जन मुक्ति सेना (पीएलए) ता जनरल हेडक्वार्टर, इव सब्बे शेनशी-कानसू-निंगश्या सीमान्त इलाका लोप्पाने मत्तांग। इद सच्चाई ता वेल्ले राजनीतिक महत्व मंता। इदु शेनशी-कानसू-निंगश्या सीमान्त इलाका बगिल ओसो देशमेटा हर मुक्त इलाका ता सेना ओसो जनता ना जुझारू संकल्प ओसो जीत ता विश्वास किन वेल्ले प्रेरित कित्ता अनि सम्पूर्ण कित्ता। शेनशी-कानसू-निंगश्या सीमान्त इलाका लोप्पा मंदांनास्के कामरेड माओ त्सेतुंग सिर्फ देश मेटा सब्बे मोर्चांग पोरो आयना जन मुक्ति युद्ध ता निर्देशन किने जारी तासवा उत्तर-पश्चिम ता युद्धभूमि ते आत्ता जन मुक्ति युद्ध ता नेतृत्व वेने व्यक्तिगत रूप ते खुद पोयसी मतोर। इद्रम दस्तावेज लोप्पा पेश कित्ता लक्ष्य किन इत्तेके “शेनशी-कानसू-निंगश्या सीमान्त इलाका ओसो उत्तर-पश्चिम ता मुक्त इलाकांग ना बचाव ओसो विस्तार जुझारू रूप ते कीयाना” लक्ष्य किन सफलतापूर्वक पूरा कित्तोर। उत्तर-पश्चिमी युद्धभूमि ता सामरिक कार्यवाइंग ना बारे ते जानकारी काजे इदे ग्रन्थ लोप्पा “उत्तर-पश्चिम ता महान जीत ता बारे ते ओसो मुक्ति सेना लोप्पा उंदी पूना रकम ता सुदृढिकरण आंदोलन ता बारे ते” हेडिंग वाले लेख हूड़ाटू।

जनताना मुक्ति युद्ध ता प्रगति तुकू मदद आयारा। “राष्ट्रीय एसेम्बली” केयकना ओसो येनान पोरो हमला कीयाना-च्यांग कार्ई-शेक ना डाव कुना सच्चाई हर इलाका लोप्पा, पार्टी लोप्पा ओसो बाहर ता लोकुर किन माटू पूराए समझे कीयाना। च्यांग कार्ई-शेक ना आक्रमण किन पोच्चांग कीयाना ओसो जनवादी चीन ता निर्माण कीयाना संघर्ष लोप्पा पूरा पार्टी ओसो पूरा सेना, पूरा जनता किन एकताबद्ध कीयाना।

### 9 अप्रैल 1947 ता सर्कुलर

डोलसोरे मत्ता तन्ना शासन तुन बचे कियाला काजे क्वोमिंगतांग नकली राष्ट्रीय एसेम्बली केयाना, नकली संविधान बने कीयाना, नानकिंग, शांघाई, छुंगकिंग तल मना पार्टी ता प्रतिनिधि संस्थान किन तेंडना ओसो क्वोमिंगतांग अनि कम्युनिस्ट पार्टी ता आप्सी संबंध देहना ऐलान कीयाना<sup>2</sup> लेक्कटा डावके आयवा उंदी डाका मुन्ने वाटसी मना पार्टी ता केंद्रीय कमेटी ओसो जन मुक्ति सेना (पीएलए) ता जनरल हेडक्वार्टर येनान पोरो ओसो शेनशी-कानसू-निंगश्या सीमान्त इलाका पोरो हमला कितोर।

क्वोमिंगतांग इव पूना डाव करसता सच्चाई तले ओरा शासन मजबूत मंता इंजी इनपडे साबित आयो। उल्टा क्वोमिंगतांग शासन ता संकट वेल्ले गंभीर मत्ता लेक्का दिसिंता। इदे आयवा येनान पोरो ओसो शेनशी-कानसू-निंगश्या सीमान्त इलाका पोरो हमला, उत्तरी-पश्चिम चीन सवाल किन मुन्ने हल कीयाना, मना पार्टी ता दावड़ कैद कोयसी, मना पार्टी ता केद्रीय कमेटी किन ओसो जन मुक्त सेना ता जनरल हेडक्वार्टर किन उत्तर-पश्चिमी चीन तल तेंडसिता पेरके तम्मा सेनांग संगे उत्तरी चीन पोरो हमला कीसि मना सेनांग किन उंदी-उंदी कीसि हारे कीयाना ओरा लक्ष्य विफल आत्ता।

इव परिस्थितिंग लोप्पा केंद्रीय कमेटी दोड़ रास्ता लेक्का निर्णय कीता:

1. माटू शेनशी-कानसू-निंगश्या सीमान्त इलाका ओसो उत्तर-पश्चिम ता मुक्त इलाकांग लोप्पा बचाव ओसो लडाकू इसाब ते विस्तार किया लागियर, इद लक्ष्य किन जरूर पूरा कियमूडायार।
2. मना पार्टी ता केंद्रीय कमेटी ओसो जन मुक्त सेना ता जनरल हेडक्वार्टर किन शेनशी-कानसू-निंगश्या सीमान्त इलाका लोप्पाने मंदा लागियर। इदु इलाका ता टैरेन वेने मुश्किल ता मंता, ओसो इगटा जनता लोप्पा मना मजबूत आधार वेने मंता। इगा डावपेच काजे वेने वेल्ले मौका मंता ओसो सुरक्षा ता वेने पूरा गारंटी मंदना लेक्का मंता।
3. संगे ने मना कामकाज ता देखरेख काजे माटू केंद्रीय कमेटी ता उंदी कार्य-समिति बने कित्ताद मंता। इदु उत्तर-पश्चिनी शानशी लोप्पा लेवेके बदे सही जागा ते दायार अनि अगा मंजी केंद्रीय कमेटी बगिल तल सौपे कित्ता काम तुन पूरा कियार।  
इव मूंड निर्णय कु हत्ता महीना ते कित्ताद मंता। इंजे एवनल इविन लागू वेने कित्ताद मंता। इदु सर्कुलर मीकिन सूचिन कियाला काजे लोहा मंतोमा।

## नोट

1. इव आंकड़ांग जुलाई ता शुरू तल 12 नवम्बर 1946 एवनल तवु मंतांग।
2. शांति वार्ता कीयाना ओसो सम्पर्क कियाला काजे चीनी कम्युनिस्ट पार्टी ता प्रतिनिधि ओसो नानकिंग, शांघाई ओसो छुंगकिंग लोप्पा कर्मचारि किन 27-28 फरवरी 1947 ते क्वोमिंगतांग सरकार तय कित्ता टाईम ते अव जागा ने दायना इंजी मजबूर कित्ता। 15 मार्च 1947 ते क्वोमिंगतांग ता केंद्रीय कार्यकारिणी कमेटी तन्ना तीसरा पूर्ण अधिवेशन केयता। ताना लोप्पा च्यांग काई-शेक कम्युनिस्ट पार्टी संगे क्वोमिंगतांग संबंध-देहना ता ओसो गृहयुद्ध किन आखरी एवनल ताकी कीयाना लक्ष्य ता ऐलान कित्ता।

# उत्तर-पश्चिम ता युद्धभूमि काजे सामरिक कार्रवाई नीति\*<sup>1</sup>

15 अप्रैल 1947

1. दुश्मन इंजे वेल्ले दोगिसी मंता मति इंजे वेने अदु दोगसी कावताद हिल्ले। अदिना राशन-सप्लाई ता मुशिकलकु वेल्ले बेरस्तांग मति नेस्का परवाचोन मुशिकल कुना सामना किया लागसोर हिल्ले। दुश्मन ता 31 वी ब्रिगेड किन खत्म कित्ता<sup>1</sup> पेरकेटल नेंड एवनल मना सेना दुश्मन सेना ता बदे बेहरा हिस्सा किन नष्ट कित्ताद हिल्ले, मति हत्ता बीस दिव्यंग लोप्पा अदिन वेल्ले दोगी कीयाना, अदिना सप्लाई रोमी कीयाना लक्ष्य किन पूरा कित्ताद मंता। इद्रमे अदिन पूराए दोगी कीसि पोच्चांग कीयाना, अदिना राशन-सप्लाई पूराए बंद कीयाना ओसो ओखरी ते अदिन खत्म कियाला काजे अनूकूल परिस्थितिंग पुट्टी कित्ता।
2. इंजेटा दुश्मन ता नीति - तन्ना दोगसी मत्ता ओसो तिंदना-उंडाना ता कमी तुन परवाह कियवा लेवा मना मुख्य सेनांग किन पीली डोड्डा हब्बार पूर्व बगिल पूंडना मंता। ताना पेरके स्वेइते ओसो मीचि ता नाकाबंदी कीयाना अनि “नष्ट” अभियान कुना काजे तना सेना किन तैनात कीयाना मंता। दुश्मन सेना 31 मार्च ते छिंग च्येन एवता मति

---

<sup>1</sup> 'इद चिट्टी कामरेड माओ त्सेतुंग उत्तर-पश्चिमी युद्धभूमित ते मत्ता सेना ता पोरोल ते लोहतद मत्ता। अस्के इद जन मुक्ति सेना (पीएलए) शेनशी-कानसू-निंगश्या मुक्त इलाकांग ओसो शानशी-स्वेय्वान मुक्त इलाकांग ना सेक्शन कुना काल्पसी बनेमासी मत्ता ओसो इदिना नेतृत्व फंग-त-ह्वाए, हो लुंग, शी चुंग-शयुन ओसो बाकी कामरेड्स ना कैदे मत्ता।

अगा एवसी उत्तर बगिल हन्नो आत्ता, अदिना लक्ष्य मना पेसला काजे हर्ी तेरियसी तासनदु मत्ता। अदिना लक्ष्य पश्चिम ते वायाओपाओ बगिल हंजी माकिन स्वेइते ओसो मीचि बगिल पूंडना मत्ता। मना सेना ता बारे ते कबुर दोरकी कीसि वायाओपाओ ता दक्षिण ओसो पश्चिम बगिल मल्ला मंता। ताना पेरके माकिन उत्तर बगिल पूंडला काजे अदे शहर बगिल दायारा।

3. मना नीति-मना मुन्नेटा तरिका पोरो डटेमासी मंदाना, इत्तेके उचुन कालम काजे (लगभग ओसो उंदी महीना काजे) दुश्मन किन इद इलाकाग लोप्पा पूंडसोर मंदाना। इदना लक्ष्य दुश्मन किन पूराए दोगी कीयाना, अदिन राशन सप्लाई रोमी कीयाना, ताना पेरके अदिन नष्ट कीयाना मौका परहकना मंता। य्वीलिन पोरो हमला कियाला काजे उत्तर बगिल लेवेके दुश्मन ता पाड़ना सेक्शन कुना पोरो वार कियाला काजे दक्षिण बगिल वित्तना मना सेना मुख्य सेना किन बदे जरूरत हिल्ले। कमांडर ओसो योद्धा लोर किन ओसो आम जनता किन वेने मना सेना ता इद तरिका दुश्मन पोरो आखरी जीत दोरकी कीयाना अनिवार्य हर्ी मंता इंजी पोल्लो पोंगना एर लेक्का स्पष्ट कीसियाना। दुश्मन किन नेस्का परवा लेक्का दोगी कियवा लेवा आखरी जीत दोरकी किया परमूडायो। इदिन माटू “दोगी कीयाना ओसो खत्म कीयाना” कार्यनीति इंदा परितोम, इत्तेके दुश्मन तुन पूराए दोगी कीसि पोच्चांग कीयाना अनि पेरके अदिन नष्ट कीयाना।
4. इंजे मीटू वायाओपाओ ता पूर्व बगिल उत्तर ता डेरांगने मंतिर। अदिन काजे दुश्मन किन वायाओपाओ ता उत्तर बगिल गति कीसि ओतेके बेस आयार, अस्के ल्याओ आंग<sup>2</sup> सेक्शनकुना कमजोर हिस्सा पोरो हमला कीसि दुश्मन किन पूर्व बगिल ओयमूडायारा। ताना पेरके मीटू आनसाए बगिल मलसी दुश्मन किन दुबार पश्चिम बगिल लेस्सी कीसि ओया परितिर।
5. मति उचुके दिव्यांग लोप्पा मीकिन पूरा 359वी ब्रिगेड किन दक्षिण बगिल दायना तैयारिंग मारिह कीयाना इंजी आदेश हिया लागियार,



अस्केने उंदी हप्ता पेरके अदिन येनछांग-येनान लाइन ता दक्षिण बगिल ईछवान-लोछवान लाइन ता उत्तर वाले इलाकांग पोरो अचानक हमलांग कीसि दुश्मन ता राशन सप्लाई हरीं किन बंद कियाला काजे दक्षिण बगिल लोहा परमूडायार।

6. मीटू इगा वेहता विचार कुना पोरो सही-गलत ता मीवा जवाब लोहकिर इंजी आशा कीतोमा।

## नोट

1. खुद ता पहलकदमी ते येनान तल गुचता पेरके, उत्तर-पश्चिमी जन-मुक्ति सेना तन्ना उंदी सुडला सेक्शन किन दुश्मन ता मुख्य सेना किन वेल्ले जेक येनान ता उत्तर-पश्चिम ते मत्ता आनसाए एवनल लेसी कीसि ओयला काजे लोहताद मत्ता अनि ओना तन्ना मुख्य सेना येनान ता उत्तर-पश्चिम ते मत्ता छिंग्हाप्येन इलाका लोप्पा दुश्मन पोरो हमला कियाला काजे एम्बुश उदसी मत्ता। 25 मार्च 1947 ते ब्रिगेड हेडक्वार्टर ता नेतृत्व ते हू चुंग-नान ना नेतृत्व ते क्वोमिंगतांग सेना ता पुर्नगठित 27वी डिवीजन ता 31 वी ब्रिगेड ता उंदी रेजीमेंट इद एम्बुश लोप्पा लोप्पा हिरकता अनि घंटामेटुकू ज्यादा टाईम लड़ाई लोप्पा अदिन पूराए नष्ट कित्ताद मत्ता।
2. हू चुंग-नान ना नेतृत्व ते क्वोमिंगतांग सेना ता पुर्नगठित 76वी डिवीजन ता कामांडर ल्याओ आंग किन पेरके 11 अक्तूबर 1947 ते छिंग्च्येन ता लड़ाई लोप्पा बंदी बने कियमूडाता।

# च्यांग कार्ड-शेक सरकार पूरा जनता ना घेराव ते अरता\*<sup>1</sup>

30 मई 1947

जनता ना दुश्मन च्यांग कार्ड-शेक सरकार इंजे अदु जनता ना घेराव ते अरता इंजी समझेमाता। सामारिक ओसो राजनीतिक, रेंडासी ना लोप्पा अदिना हार आत्ता। बव ताकत कुन अदु तन्ना दुश्मन ताकत घोषित कित्ता अविना घेराव ते अरता अनि इंजे अगाटल पेसना बदे हर्ही दोरकसोर हिल्ले।

देशद्रोही च्यांग कार्ड-शेक गुट ओसो तन्ना मालिक अमेरिका साम्राज्यवादिर परिस्थिति ता मूल्यांकर कीयाना लोप्पा गलती कित्तोर। ओरु खुद तम्मा ताकत किन वेल्ले बेरसी कीसि आंकलन कित्तोर अनि जनता ना ताकत किन कम कीसि हूडतोर। ओरु दूसरी विश्वयुद्ध पेरके चीन ओसो दुनिया पाडना कालम ते मत्ता लेक्का ने मंता इंजी आल्सतोर, ओरकिन ओरा मंजूरी लेवा बदे बदलाव आयना इंजी मंजूर हिल्ले ओसो ओरा मर्जी खिलाफ वडिय वेने वायनायो इंजी आल्सतोर। जापान आत्मसमर्पण कित्ता पेरके चीन लोप्पा ओरु पाडना व्यवस्था निल्ली कियाला काजे तैयार मत्तोर। राजनीतिक सलाह-मशविरा ओसो फौजी

---

<sup>1</sup> इद टिप्पणी कामरेड माओ त्सेतुंग शिनह्वा समाचार-एजेन्सी काजे रासिस मत्तोर। तीनी लोप्पा चीन ता घटनाक्रम कुना गति लोकरा अंदाजा तुकू ज्यादा तेज मंता ओसो जनता किन चीनी क्रांति ता देशव्यापी जीत काजे सब्बे जरूरी परिस्थितिग जल्दी बने कीयाना इंजी आह्वान कित्ताद मत्ता। इव सब्बे जल्दीए सही साबित आतांग। इद टिप्पणी ओसो "उत्तर-पश्चिम ता युद्धभूमि काजे सामरिक कार्रवाई नीति" हेडिंग ता चिट्ठी रेंडासी दस्तावेज उत्तरी शेनसी ता चिंगप्येन काउन्टी ता वांगच्यावान पोरोल ता जागा ते रास्ताद मत्ता।

मध्यस्थता ता नाटक कीसि मौका दोरकी कित्ता पेरके देशद्रोही च्यांग कार्ई-शेक सरकार 20 लाख सेना जमा कीसि नालुंग बगिल आक्रमण शुरू कित्ता।

इंजे चीन लोप्पा लड़ाई ता रेंडु मोर्चांग मंतांग। पहली मोर्चा च्यांग कार्ई-शेक ना आक्रमणकारी सेनांग ओसो जन-मुक्ति सेना नड़मा ताका मंता। दूसरा मोर्चा, महान ओसो न्यायपूर्ण विद्यार्थी आंदोलन ओसो प्रतिक्रियावादी च्यांग कार्ई-शेक सरकार नड़मा ता तीव्र संघर्ष आंदू। विद्यार्थी आंदोलन ता नारा- “अन्न, शांति, आजादी” ओसो “करवु ता विरोध कीमुट, गृहयुद्ध ता विरोध कीमुट, अत्याचार ता विरोध कीमुट” मत्ता। च्यांग कार्ई-शेक “सार्वजनिक व्यवस्था सही तासला काजे अस्थाई तरीका”<sup>2</sup> पोरोल ता हुक्मनामा जारी कित्तोर। च्यांग कार्ई-शेक ना सेना, पुलिस, फौजी पुलिस ओसो खुफिया पुलिस हर जागा विद्यार्थीरा संगे टकरेमाया मंता। च्यांग कार्ई-शेक हथियार पोयवा लड़ेमासोर मत्ता विद्यार्थीरा पोरो क्रूर शक्ति ता इस्तेमाल किया मंतोर। ओरु ओरकिन गिरफ्तार किया मंतोर। ओरकिन जेल ते वाटा मंतोर। ओरकिन यातनांग हिया मंतोर। ओरकिन हौका मंतोर, अद्रमासी विद्यार्थी आंदोलन दिव्या-दिव्या तुकू बेरससोर दाया मंता। आम लोकुरा पूरा समर्थन विद्यार्थीरा पक्ष ते मंता। ओसो च्यांग कार्ई-शेक ना पालतू नैकु पूराए अलगाव ते अरता, च्यांग ना खूंखार मुक्कम पूराए एक्सपोज आत्ता। विद्यार्थी आंदोलन पूरा जन आंदोलन ताए उंदी हिस्सा आंदू। विद्यार्थी आंदोलन ता लहर ता प्रेरणा ते अनिवार्य रूप ते पूरा जन आंदोलन लोप्पा वेने लहर पुट्टा मंता। इद पोल्लो 1919 ता 4 मई आंदोलन ओसो 1934 ता 9 दिसम्बर आंदोलन ता ऐतिहासिक अनुभव कुनगडल साबित आत्ता।

अमेरिका साम्राज्यवाद ओसो अदिना पालतू नै च्यांग कार्ई-शेक जापानी साम्राज्यवाद ओसो ओरा पालतू नै वांग चिंग-वेइ ना जागा एततास्के चीन किन अमेरिका उपनिवेश बने कीयाना, गृहयुद्ध शुरू कीयाना ओसो फासीवादी तानाशाह शासन किन मजबूत कीयाना नीतिंग लागू कित्तास्के खुद किन ओरु पूरा चीनी जनता ना दुश्मन ऐलान कित्तोर

अनि जनता ना सब्बे समूह कुन करविने ओसो डोलना लेक्कटा परस्थिति ते वाटसितोर। अद्रमासी सब्बे जनता प्रतिक्रियावादी च्यांग काई-शेक सरकार खिलाफ हायना-पिस्सना संघर्ष लोप्पा एकताबद्ध आत्ता अनि इद संघर्ष किन वेल्ले तेज कित्ता। जनता काजे इदिन विडचसी दूसरा बदे हर्षि हिल्वा मत्ता। च्यांग काई-शेक सरकार ता प्रतिक्रियावादी नीतिंगनल उत्पीडित ओसो खुद किन विकसित कियाला काजे एकताबद्ध आत्ता चीनी जनता लोप्पा मजदूर, किसान, शहरी निम्न-पूजीपति वर्ग, राष्ट्रीय पूजीपति वर्ग जागृत शरीफजादा, देशभक्ति तत्व, अल्पसंख्यक जातिंग ओसो प्रवासी चीनी शामिल मंतोर। इदु उंदी वेल्ले व्यापक राष्ट्रीय संयुक्त मोर्चा आंदू।

च्यांग काई-शेक सरकार वेल्ले कालम तिंची लागू कीसोरे मत्ता प्रतिक्रियावादी वित्तीय ओसो आर्थिक नीतिंग पोरो चीन-अमेरिका व्यापार समझौता (उंदी बस्के हिल्वा देशद्रोही समझौता) कीतांकु इव नीतिंग वेल्ले गंभीर आतांग। इद समझौता पोरो आधार आसी अमेरिका इजारेदारी पूजी ओसो च्यांग काई-शेक ना नौकरशाही-दलाल पूजी उंदी दूसरा संगे मजबूत एकता आतांग अनि रेंडासी पूरा देश ता आर्थिक पिस्वल किन तम्मा नियंत्रण ते पोयतांग। इदिना कारण तेने नियंत्रण हिल्वा मुद्रा-स्फीति, मोय्योल पोरो एक्सोर मत्ता मंहगाई, राष्ट्रीय पूजीपति वर्ग ता उद्योग-व्यापार ता बेरसोर मत्ता कोहड़ा ओसो मेहनतकश आम जनता, सरकारी कर्मचारीर ओसो शिक्षक लोरा पिस्वल ता स्तर दिव्या-दिव्या तुकू दोड़ रेयसोर दाया मंता। इव परिस्थिति ने जनता ना सब्बे समूह कुना काजे उंदी आयना ओसो तम्मा पिस्वल काजे संघर्ष कीयाना विडचसी दूसरा बदे हर्षि मन्नो आंता।

फौजी दमन ओसो राजनीतिक धोखाए च्यांग काई-शेक ने रेंडु मुख्य हथियारकु आंदुंग इविना मदद ते ओरु तम्मा प्रतिक्रियावादी शासन किन निल्पी कीसि तासितोर। इंजे लोकर इव हथियार कुन वेल्ले जल्दी पोच्चांग किया मंतोर।

लडाई लोप्पा हर मैदान ते च्यांग कार्ई-शेक ना सेना किन असफल आया लागा मंता। हत्ता जुलाई तल इंजे एवनल 11 महिनांग लोप्पा ओना उंदे नियमित सेना ता 90 ब्रिगेड कुन खत्म कित्ताद मंता। ओरा सेनांग हत्ता साल छांगछुन, छंगते, चांगच्याखओ, होत्से, ह्वाएइन ओसो आनतुंग पोरो कब्जा कीयानास्के ओसो इयेंड लिनई ओसो येनान पोरो कब्जा कीयानास्के पोंगडिंग ओसो घमंड कीसोर मत्तायो अदु वेने उंडुल लेक्का तूडता। च्यांग कार्ई-शेक ओसो छन छंग जन मुक्ति सेना (पीएलए) ना ताकत ता ओसो ओरु लडेमायना तरिका ता गलत अंदाजा वाटतोर। पेरके गुचना मावा डावपेज किन मना कमजोरी ओसो बचोनो शहर कुन विडसना मना तरिका किन मावा हार लेक्के समझेमासी ओरु वेल्ले बकवल लेक्का माकिन मूंड महिनांग लेवेके 6 महिनांग लोप्पा लम्बा दीवार ता दक्षिण ते मत्ता इलाकांग लोप्पा माकिन खत्म कीसि उत्तर-पूर्वी चीन लोप्पा वेने माकिन खत्म कियाकोम इंजी आल्सतोर। मति दस महिनांग पेरके च्यांग कार्ई-शेक ना सब्बे आक्रमणकारी सेनांग नेंडु इनपडे उदास आतांग अनि मुक्त इलाकांग ना जनता ओसो जन मुक्ति सेना (पीएलए) ता घेराव ते पूराए हिरकसी मंतांग। इंजे अविन पेसना हरीं दोरकी कीयाना मुश्किल आया मंता।

मोर्चा ते च्यांग कार्ई-शेक ना सेनांग हारेमायना समचार परताचोन पृष्ठभाग ता इलाकांग लोप्पा बद्रम-बद्रम एविंता, अद्रम-अद्रम ओरा प्रतिक्रियावादी सरकार ता उत्पीडन ते मत्ता व्यापक जनता लोप्पा तम्मा दुक्कम दूर कीयाना ओसो तम्मा पिस्वल सुधरे कीयाना आशा बेरससोर दांता। ऐन बेरा च्यांग कार्ई-शेक ना सब्बे राजनीतिक डावकु बचोन जल्दी ओरु करसा मंतोर अचोने जल्दी पोल्ले आसी तूडा मंतांग। हर पोल्ल प्रतिक्रियावादिरा आशा तुकू प्रतिकूल आया मंता। “संविधान” बने कियाला काजे “राष्ट्रीय एसेम्बली” केयना, एकदलीय सरकार ता “बहुदलीय सरकार” रूप ते पुनर्गठन कीयाना लेक्कटवु बचोनो ओसो बद्रम-बद्रम ता तरिकांग लागू कित्तोर ओसो इव सब्बेना मूल उद्देश्य चीनी कम्युनिस्ट पार्टी ओसो बाकी जनवादी ताकत कुन अलगाव ते वाटनादु

मत्ता। इव तरिकांग ना गलत प्रभाव अरता, चीनी कम्युनिस्ट पार्टी लेवेके बदे दूसरा जनवादी ताकत अलगाव अरवा लेवा अदु खुद प्रतिक्रियावादे अलगाव ते अरता। तीना पेरके चीनी जनता तम्मा अनुभव दोरकी कीसि च्यांग काई-शेक ना “राष्ट्रीय एसेम्बली”, “संविधान” ओसो ओना “बहुदलीय सरकार” असल ते बाताल आंदू इंजी समझेमाता। इदिन मुन्ने चीनी जनता नडमा वेल्ले लोकुरा बगिल मुख्य रूप ते मध्यवर्ती समूह ता लोकुरा विचार ते च्यांग काई-शेक ना डावपेज कुना बारे ते कम लेवेके वेल्ले ज्यादा भ्रम मत्ता। इदे पोल्लो ओना “शांति वार्तांग” पोरो वेने लागू आंता। इंजे च्यांग काई-शेक बचोनो युद्ध-विराम समझौतांग किन हीकसी वाटतोर अनि शांति ता मांग कीयाना ओसो गृहयुद्ध ता विरोध कीयाना आम छात्र लोरा पोरो गंभीर वार कीयाना मंतोर। जनता किन धोखा हियाना लोकुर लेवेक राजनीतिक अनुभव कुना दृष्टि ते एकदम कोरा कागज लेक्का मत्ता लोकुर किन विडचसी इंजे बोनकिने वेने ओना इद शांति वार्ता पोरो उचुन वेने विश्वास वायो आयार।

माटू परिस्थिति ता कित्ता मूल्यांकन लोप्पा सब्बे घटनांग सही साबित आतांग। माटू मुन्ने वेने बार-बार च्यांग काई-शेक सरकार देशद्रोही, गृहयुद्ध ओसो तानाशाही सरकारे आंदू इंजी वेहतोमा। चीन किन अमेरिका उपनिवेश बने कीयाना ओसो खुद तन्ना तानाशाही शासन किन निल्पी कीसि तासला काजे अदु गृहयुद्ध कीसि चीनी कम्युनिस्ट पार्टी ओसो सब्बे जनवादी ताकत कुन खत्म कियाला आल्सता। इद प्रतिक्रियावादी नीतिंग किन लागू कीतांकु इद सरकार राजनीतिक रूप ते तन्ना सब्बे मान-मर्यादा ओसो तन्ना सब्बे ताकत कुन पोहता। च्यांग काई-शेक सरकार ता ताकत सिर्फ पोरो-पोरोए मत्ता, असल इत्तेके इद सरकार पोरो-पोरो मजबूत ओसो लोप्पाटल इनपडे कावसी मत्ता। अदिना आक्रमणकु बेग्गा मत्तेकाई पोच्चांग किया परमूडांता। अनिवार्य रूप ते आम जनता अविना विरोध ते विद्रोह कियार ओसो आक्रमणकारिर मोर्चा विडचसी वित्तनूर ओना सेना पूराए नष्ट ओसो भ्रष्ट आयार। इदु मूल्यांकन इंजे एवनल ता सब्बे घटनांग

किन सही साबित कित्ता। ओसो वायना कालम ते वेने सब्बे घटनांग सही साबित आसोर मंदांनंगा।

चीन ता घटनाक्रम लोकुरा अनुमान तुकू ज्यादा तेजी ते मुन्ने दाया मंता। उंदी बगिल जन मुक्ति सेना (पीएलए) किन जीत दोरका मंता ओसो दूसरा बगिल च्यांग काई-शेक ना नियंत्रण ते मत्ता इलाकांग लोप्पा जनता ना संघर्ष बेरसा मंता, रेंडासीना रफ्तार वेल्ले स्पीड मंता। चीनी जनता उंदी शांतिपूर्ण, जनवादी ओसो स्वाधीन पूना चीन ता स्थापना काजे सब्बे जरूरी परिस्थितिंग जल्दी-जल्दी पुट्टी कीयाना।

## नोट

1. दिसम्बर 1946 तल करवु, गृहयुद्ध ओसो अत्याचार खिलाफ क्वोमिंगतांग इलाका ता व्यापक विद्यार्थी समूह ता जनवादी ओसो देशभक्ति आंदोलन लोप्पा जनताना मुक्ति युद्ध विकास संगे-संगे पूना लहर वात्ता अनि तीरम-तीरम इद आंदोलन च्यांग काई-शेक ना प्रतिक्रियवादी शासन खिलाफ ताकसोर मत्ता संघर्ष ता दूसरा मोर्चा बने माता। दिसम्बर 1946 ता आखरी ते ओसो जनवरी 1947 ता शुरू ते पेफिंग, थ्येनचिन, शांघाई ओसो नानकिंग संगे बीस तुकू ज्यादा बेहरा ओसो मध्यम शहर कुना 5 लाख तुकू ज्यादा विद्यार्थी अमेरिका सैनिक लोर पेफिंग विश्वविद्यालय ता उंदी छात्र पोरो कित्ता बलात्कार विरुद्ध हड़ताल, प्रदर्शन कीसि चीन तल अमेरिका सशस्त्र सेना वापिस दायना इंजी मांग कितोरा। वेल्ले तेजी ते इद संघर्ष तुन मजदूर, अध्यापक, ओसो लोकुरा समर्थन दोरकता। 4 मई 1947 ते शांघाई ता विभिन्न विद्यालय कुना विद्यार्थी गृहयुद्ध ता विरुद्ध प्रदर्शन कितोरा। संगेने आठ हजार मजदूर ओसो विद्यार्थी क्वोमिंगतांग पुलिस ता हेडक्वार्टर पोरो घेराव कितोरा। जल्दिए इदु देशभक्ति आंदोलन नानकिंग, पेफिंग, ह्वांगचओ, शनयांग, छिंगताओ, खाएफंग ओसो वेल्ला शहर कुना लोप्पा फैलेमाता। विद्यार्थी इद आंदोलन ओसो जनता जनवादी आंदोलन किन खत्म कियाला काजे क्वोमिंगतांग प्रतिक्रियावादिर वेल्ले लब्बड ता ओसो पाशाविक तरिकांग ना मदद एतितोरा। 20 मई ते प्रसिद्ध “20 मई नेतुर घटना” लोप्पा नानकिंग ओसो थ्येनचिन ता सौ तुकू ज्यादा विद्यार्थी घायल ओसो गिरफ्तार आतोरा। इद्रम आतेकाई व्यापक आम जनता ना समर्थ मत्ता देशभक्ति विद्यार्थी आंदोलन किन दबे किया परवोर आतोरा। “करविना विरोध कीमुट, गृहयुद्ध ता विरोध कीमुट, अत्याचार ता विरोध कीमुट” लेक्कटा नारांग संगे विद्यार्थी हड़ताल, प्रदर्शन, अलग-अलग व्यवसाय कुना जनता ना अमेरिका विरोधी ओसो च्यांग काई-शेक विरोधी संघर्ष मजदूर, अध्यापक लोरा हड़ताल लेक्का साठ तुकू ज्यादा बेहरा ओसो मध्यम शहर कुना लोप्पा फैलेमाता। मई 1948 ते अमेरिका ता मदद ते जापानी आक्रमणकारी ताकत कुना पुनर्जीवित कीयाना विरोध ते सांस्कृतिक कार्यकर्ता, पत्रकार ओसो बाकी

व्यवसाय कुना लोकुर कलियसी शांघाई विद्यार्थिर उंदी देशभक्ती आंदोलन शुरू कितोर अनि इद आंदोलन वेने वेल्ले तेजी ते बचोनो शहर कुना लोप्पा फैलेमाता। देशव्यापी जीत दोरकी कीयाना जोम विद्यार्थिरा आंदोलनकु उचुन वेने रोमवा लेवा क्वोमिंगतांग किन गोड्डेल देब्बांग हीतांग।

2. च्यांग काई-शेक सरकार 18 मई ते जारी कित्ता हुक्मनामा लोप्पा दस तुकू ज्यादा लोकुरा उंदे बेरा याचिका हियाना ओसो मजदूर, विद्यार्थिरा सब्बे हड़ताल, प्रदर्शन कुना सख्ती ते विरोध कित्ताद मत्ता। तीना लोप्पा क्वोमिंगतांग ता स्थानीय अधिकारिर किन जनता ना देशभक्ति ओसो जनवादी आंदोलन कुना पोरो नेतुर दमन काजे “जरूरी कार्रवाइंग कीयाना” ओसो “संकटकालीन तरिकांग” लागू कीयाना अधिकार वेने हीताद मत्ता।



# मुक्ति युद्ध ता दूसरा साल काजे रणनीति\*<sup>1</sup>

1 सितम्बर 1947

1. नीरटा लड़ाई लोप्पा (नीरटा जुलाई तल इयेटा जून एवनल) माटू दुश्मन ता 97.5 नियमित ब्रिगेडकुन इत्तेके 7 लाख 80 हजार सैनिक लोर ओसो कठपुतली सेनांग, शांति-रक्षा कोर लेक्कटविना 3 लाख 40 हजार सैनिक लोरा कुल 11 लाख 20 हजार दुश्मन सैनिक लोर

<sup>1</sup> ' इदु पार्टी निर्देश चीनी कम्युनिस्ट पार्टी ता केंद्रीय कमेटी काजे कामरेड माओ त्सेतुंग केंद्रीय कमेटी संगे उत्तरी शेनशी ता च्याशेन काउन्टी ता चूकवानचाए पोरोल ता जागा ते मत्तास्के तैयार कीसि मत्तो। निर्देश लोप्पा मुक्ति युद्ध ता दूसरा साल काजे बुनियादी कार्य तय किताद मत्ता। इद कार्य - मना मुख्य सेना किन क्वोमिंगतांग इलाकांग लोप्पा ओसी अव इलाकांग लोप्पा युद्ध फैले कीयाना लोप्पाटा सेनांग संगे लड़ेमायवा लेवा बाहरी सेनांग संगे लड़ेमायना, इत्तेके रणनीतिक रक्षा ता मंजिल वेंडसी रणनीतिक आक्रमण ता मंजिल ते एव्वना। कामरेड माओ त्सेतुंग तय किता रणनीतिक योजना अनुसार जन मुक्त सेना जुलाई-सितम्बर 1947 ते देशव्यापी स्तर ते आक्रमण लोप्पा पहल कियाला काजे मैदान ते रैयता। शानशी-हपे-शानतुंग-हनान युद्ध सैनिक लोर 30 जून ते दक्षिण-पश्चिम शानतुंग लोप्पा जबरदस्ती पीली डोड्डा किन वेंडतो। अगस्त शुरू ते ने अदु लुंगहाए रेलवे किन वेंडसी ताप्ये मेड्रांग ने एवता। शानशी-हपे-शानतुंग-हनान युद्ध मैदान ते मत्ता सेना ता थाएय्ये फौजी फार्मेशन अगस्त ता आखरी ते दक्षिण शानशी तल जबरदस्ती पीली डोड्डा किन वेंडता अनि पश्चिमी हनान ते एवता। पूर्वी चीन युद्ध मैदान ते मत्ता सेना पश्चिमी शानतुंग ते एवता। अदे महिना ते पूर्वी चीन युद्ध मैदान लोप्पा सेना ता फौजी फार्मेशन पूर्वी शानतुंग लोप्पा दुश्मन खिलाफ आक्रमणात्मक फौजी कारवाइंग किता। उत्तर-पश्चिमी युद्धभूमि ते मत्ता सेना अगस्त ता आखरी ते प्रत्याक्रमण शुरू किता। शानशी-छाहाइ-हपे युद्ध मैदान ते मत्ता सेना सितम्बर ता शुरू ते पेफिंग हानखओ रेलवे ता उत्तरी भाग ता आसपास ता इलाकांग लोप्पा दुश्मन ता खिलाफ आक्रमणात्मक फौजी कारवाइ किता। उत्तर-पूर्वी युद्धभूमि लोप्पा मत्ता सेना पूरा उत्तर-पूर्व ते एही कालम आक्रमण अभियान मारता तुरंत पेके सितम्बर तल छांगछुन-चीलिन-सफिंग इलाकांग लोप्पा ओसो पेफिंग-ल्याओनिंग रेलवे ता चिनशी-ईश्येन इलाका लोप्पा बेहरा स्तर ते इंगम कालम आक्रमण अभियान शुरू किता। इव सब्बे यूद्धभूम कुना आक्रमण अभियानकु नगडल पूरा जन मुक्ति सेना (पीएलए) ता आम आक्रमण अभियान बनेमाता। बेहरा स्तर ते इद आक्रमण अभियान मुक्ति युद्ध लोप्पा बदलेमासी उंदी मोड ता रूप एतित अनि इद आक्रमण अभियान युद्ध ता परिस्थिति ते आमूल-चूल बदलाव ता निशान बनेमाता। इदे ग्रन्थ लोप्पा "वर्तमान परिस्थिति ओसो मना कार्य" हेडिंग वाले लेख लोप्पा हूडटू।

किन खत्म कित्तोम। इदु उंदी महान जीत आंदू। इदिना कारण ते दुश्मन तुन गोड्डेल देब्बा अरता, पूरा दुश्मन-शिवर कुना लोप्पा गंभीर असफलता ता फैलेमासी मंता, देशमेटा जनता लोप्पा खुशी फैलेमासी मंता ओसो मना सेना कैदे दुश्मन ता सम्पूर्ण विनाश ओसो मना आखरी जीत ता नीव अरता।

2. मुन्नेटा साल ता लड़ाई लोप्पा दुश्मन तन्ना 248 तल 218 नियमित ब्रिगेडकु इत्तेके 16 लाख तुकू ज्यादा सैनिक लोर किन ओसो विशेष सैनिक दलकु (एर सेना, वड़ी सेना, तोपखाना, इंजीनियरी कोर ओसो बख्तरबंद यूनिटकु) ना ओसो कठपुतली फौज, सप्लाई पुलिस कोर ओसो शांति रक्षा कोर ता लगभग 10 लाख सैनिक लोर किन लगे कीसि मुक्त इलाकांग ना विरुद्ध वेल्ले बेहरा स्तर ते आक्रमणात्मक कार्रवाई कित्ता। मना सेना सही तरीका ते लोप्पटा सेनांग संगे लडेमायना रणनीतिक लागू कित्ता, हर मौका ते हर जागा पहलकदमी तन्ना कैदे पोयला काजे मना 3 लाख तुकू सैनिक नुकसान आसी ओसो बेहरा-बेहरा इलाकांग पोरो दुश्मन कब्जा ता रूप ते बेहरा नुकसान तेहला वेने पेरकेमुन्ने आयो आत्ता। अद्रमासी माटू 11 लाख 20 हजार दुश्मन सैनिक लोर किन खत्म कियाला सफलत आतोम, दुश्मन तुन मना सेनांग तितर-बितर आयला मजबूर कीतांग, खुद मना सेना किन फौलादी ओसो मजबूत बने किया परतोम, उत्तर-पूर्व, जेहोल, पूर्वी हपे, दक्षिणी शानशी ओसो उत्तरी हनान लोप्पा रणनीतिक प्रत्याक्रमण किया परतोम, पोहत्ता बेहरा इलाकांग दुश्मन कैदल दूबारा ऊंदतोम अनि विशाल पूना इलाकांग किन मुक्त किया परतोम।<sup>1</sup>
3. लड़ाई ता दूसरा साल मना सेना ता बुनियादी कार्य देशव्यापी प्रत्याक्रमण शुरू कीयानादु मंता। इत्तेके मना मुख्य सेनांग ना इस्तेमाल कीसोरे बाहरी सेनांग एवनल एवनना, युद्ध किन फैले कीसि क्वोमिंगतांग इलाकांग एवनल ओयना, बाहरी सेनांग ना लड़ाई लोप्पा बेहरा संख्या ते दुश्मन किन खत्म कीयाना ओसो युद्ध किन

लगातार मुक्त इलाकांग लोप्पा ओयना, मुक्त इलाकांग ना मानव शक्ति ओरा भौतिक साधन कु ओसो ज्यादा नष्ट कीयाना ओसो खत्म कीयाना अनि मना काजे वेल्ले जोम डटेमासी मंदा परवा लेक्का कीयाना क्वोमिंगतांग प्रतिक्रांतिकारी रणनीति किन पूराए तोड़ियो तीहना। दूसरा साल ता लड़ाई लोप्पा मना सेना ता आंशिक कार्य मना मुख्य सेनांग ना उंदी हिस्सा ओसो मना प्रादेशिक फौजी सेक्शन कुना बेहरा संख्या ता इस्तेमाल कीसि लोप्पटा सेनांग वाले फौजी कार्रवाईंग किन जारी तासना मंता। अगा दुश्मन किन खत्म कीयाना ओसो पोहता इलाकांग किन दुबारा दोरकी कीयाना कार्य मंता।

4. तीना लोप्पा बाहरी सेनांग वाले फौजी कार्रवाई कीयाना ओसो युद्ध किन फैले कीसि क्वोमिंगतांग इलाकांग एवनल ओयना नीति किन लागू कीयाना लोप्पा मना सेना किन बचोनो मुश्किलकुना सामना किया लागियर। बारांकु इत्तेके क्वोमिंगतांग इलाकांग लोप्पा पूना आधार इलाकांग ना निर्माण कियाला टाईम लागिंगता। रैयना-तरगना आसोर मत्ता बचोनो चलायमान फौजी कार्रवाईंग लोप्पा दुश्मन सैनिक लोरा बेहरा संख्या तुन खत्म कित्तास्के, जन समुदाय किन गोलबंद कित्तास्के, जमीन बंटवारा कित्तास्के, मना राजनीतिक सत्ता निल्पी कित्तास्के ओसो जनता ना सशस्त्र सेनांग ना निर्माण कित्तास्केने माटू सुदृढ़ आधार इलाकांग ना निर्माण किया परितोम। इव सब्बे कीयाना मुन्ने माकिन बचोनो कठीन परिस्थितिंग ना सामना किया लागियर। मति अविना पोरो माटू जीत दोरकी किया परितोम, मनम अविन जीड़नाए। बारांकु इत्तेके दुश्मन ओसो ज्यादा तितर-बितर आयला मजबूर आयनूर अनि चलायमान फौजी कार्रवाईंग काजे मना सेना किन विशाल प्रदेश दोरकियर अद्रमासी माटू चलायमान युद्ध किया परितोम, इद्रम ता प्रदेश कुना विशाल जन समुदाय ता क्वोमिंगतांग पोरो होंग मंदिता ओसो मना समर्थन कींता, दुश्मन सेना ता उंदी हिस्सा लोप्पा तुलनात्मक रूप ते पोरोटा दर्जा ता युद्ध-क्षमता इंजे वेने मंता, अद्रमासी समग्र रूप ते हूड़तेके दुश्मन ता

मनोबल ओसो युद्ध-क्षमता ता स्तर उंदी साल मुन्ने तुकू वेल्ले दोड़ रैयता।

5. क्वोमिंगतांग इलाकांग लोप्पा कीयाना फौजी कार्रवाइंग लोप्पा जीत हासिल कीयाना रेंडु हर्रिंग मंतांगः उंदी लडेमायनास्के डुव्वल लेक्का डेयसी पोय्यला होशियार, बहादुर ओसो गटिंग मंदाना ओसो बचोन लड़ाईंग जीड़ा परितोमो जीड़ना, दूसरा जन समुदाय किन मना पक्ष ते कीयाना नीति किन दृढ़ता ते लागू कीयाना ओसो व्यापक जनसमुदाय किन फायदा दोरकना लेक्का आयना अस्केमे अद मना सेना संगे वायरा। इव रेंडासी हर्रिंग पोयसी ताकतेके सफलता जरूर मनवाए आयारा।
6. इयेंड अगस्त ता आखरी एवनल दुश्मन ता सेनांग (तीना लोप्पा खत्म कित्ता सेनांग लेवेके गेड्डेल देब्बा तीहता सेनांग शामिल मंतांग) ना वितरण इद्रम मत्ताः दक्षिणी मोर्चा ते 157 ब्रिगेड, उत्तरी मोर्चा ते 70 ब्रिगेड ओसो क्वोमिंगतांग ता पृष्ठभाग ता इलाकांग लोप्पा 21 ब्रिगेडकु। पूरा देश लोप्पा दुश्मन ता ब्रिगेडकुना संख्या कुल मिले कीसि इंजे वेने 248 मत्तांग ओसो सैनिक लोरा असल संख्या लगभग 15 लाख मत्ता। विशेष सैनिक दलकु- कठपुतली फौजकु, सप्लाई पुलिस कोर ओसो शांति रक्षा कोर कुना सैनिक संख्या लगभग 12 लाख मत्ता। दुश्मन ता पृष्ठभाग ते मत्ता सामरिक संस्थान कुना गैर-लड़ाकू सैनिक लगभग 10 लाख मत्ता। इद्रम दुश्मन ता कुल सेना ता संख्य लगभग 37 लाख मत्ता। दक्षिणी मोर्चा ता सेनांग लोप्पा 117 ब्रिगेड कू चू-थुंग ना ग्रुप ता 7 ब्रिगेड छंग छयेन ना ग्रुप ता ओसो उचुक ग्रुपकु ओसो 33 ब्रिगेडकु हू चुंग-नान ना ग्रुप तांग मत्तांग। कू चू-थुंग ना ग्रुप ता 117 ब्रिगेडकुना लोप्पटल 63 कुन खत्म कित्तोम लेवेके अविना मोरकुल उरहतोम। इविना लोप्पटल उचुक ब्रिगेड कुना नुकसान भरपाई आत्तादे हिल्ले, उचुक कुना नुकसान भरपाई आसोर मंता मति अविना लोप्पटल उचुक ना लोप्पा उचुने लोकर मंतोर, ओरा युद्ध-क्षमता ता स्तर वेल्ले कम मंता, उचुन ब्रिगेड कुना मानव

शक्ति ओसो सशस्त्र कुना नुकसान भरपाई वेल्ले आतांकु ओरा युद्ध-क्षमता वेने बेरसी कित्ताद मंता मति मुन्ने तुकू वेल्ले कमजोर आसी मंतोरा। कुल 54 ब्रिगेडकु बस्केने देब्बा तित्ताद हिल्ले, अद्रमासी अविन किन नुकसान वेने आत्ताद हिल्ले। कू चू-थुंग ना पूरा सेना लोप्पा 82 तल 85 ब्रिगेड गार्ड लेक्का ड्यूटी ते तैनात मंता ओसो सिर्फ स्थानीय डावपेज संगे वाटमूडांता। सिर्फ 32-35 ब्रिगेड कुन रणनीतिक डावपेज लोप्पा वाटा परमूडांता। छंग छयेन ग्रुप ता ओसो बाकी तोरा 7 ब्रिगेड किन वेने साधारण रूप ते गैररिजन (गार्ड, संतरी लेक्का) ड्यूटी तेने वाटमूडांता। इविना लोप्पटल उंदी ता मोरकुल वेने उरहताद मंता। हू चुंग-नान ग्रुप ता 33 ब्रिगेड (लानचओ ना पूर्व, निंगश्या, य्वीलिन ता दक्षि बगिल लिनफन, लियोंग ता पश्चिम वाले ब्रिगेड कुना संगे) कुनल 12 किन खत्म कित्ताद मंता लेवेके नुकसान कित्ताद मंता। सिर्फ 7 ब्रिगेड कुनाए रणनीतिक डावपेज कुना लोप्पा इस्तेमाल आया परिंता बाकी तवु गैररिजन ड्यूटी ते वाटतद मंता। उत्तरी मोर्चा ते दुश्मन ता कुल मिले कीसि 70 ब्रिगेडकु मंतांग। इविना लोप्पा उत्तर-पूर्वी ग्रुप ता 26 ब्रिगेडकु मंतांग, इविना लोप्पाटल 16 किन खत्म कित्ताद मंता लेवेके तेदा परवा लेक्का देब्बा हीताद मंता, सुन ल्येन-चुंग ग्रुप ता 19 ब्रिगेड मंतांग, इविना लोप्पाटल 8 खत्म कित्ताद मंता लेवेके तेदा परवा लेक्का देब्बा हीताद मंता, फू च्वो-ई ना 10 ब्रिगेडकु मंतांग अविना लोप्पाटल 2 किन तेदा परवा लेक्क देब्बा हीताद मंता, येन शी-शान ना 15 ब्रिगेडकुना लोप्पटला 9 कुना खत्म कित्ताद मंता लेवेके नडी उरिहताद मंता। इवु दुश्मन सेनांग इंजे मुख्य रूप ते रक्षात्मक कार्रवाइंगे क्रिया मंतांग। इविना सिर्फ उंदी सुडला हिस्साए चलायमान कार्रवाई क्रिया मंता। क्वोमिंतांग ता पृष्ठभाग लोप्पा सिर्फ 21 ब्रिगेडकु गैररिजन ड्यूटी ते मंतांग। इविना लोप्पटल 8 ब्रिगेडकु सिनच्यांग ओसो पश्चिमी कानसू लोप्पा, 7 ब्रिगेड सछवान ओसो शीखांग लोप्पा, 2 ब्रिगेडकु युनान लोप्पा, 2 ब्रिगेडकु (खत्म कित्ता 69वी डिवीजन) क्वांगतुंग ते ओसो 2 ब्रिगेड

थाइवान ते मंतांग। हुनान, क्वांगशी, क्वेइचओ, फूच्येन, चच्यांग ओसो च्यांगशी प्रांत लोप्पा बदे नियमित सेना हिल्ले। क्वोमिंगतांग इयेंड अमेरिका ता मदद ते नुकसान भरपाई कियाला काजे 10 लाख पूना भरती कीयाना ओसो बचोनो पूना ब्रिगेडकु अनि नष्ट आत्ता रेजीमेंट कुना जागा किन निहहना, रेजीमेंट कुन प्रशिक्षित कीयाना योजना बने किया मंता। बद्रम आतेकाई मुन्ने साल ता लड़ाई लोप्पा कित्ता लेक्का ओसो दूसरा साल वेने 69 तल 100 ब्रिगेड कुन खत्म (जुलाई ओसो अगस्त ते 16.5 ब्रिगेड कुन खत्म कित्ता) कित्ता लेक्का मना सेना औसतन हर महीना दुश्मन ता 8 ब्रिगेड कुना सफाया कीतेके दुश्मन सेना ओसो ज्यादा कमजोर आयार, रणनीतिक डोवपेज ते वाटता दुश्मन सेनांग ना संख्या घटेमासी सबसे कम पिसियार, देश ता सब्बे हिस्सांग लोप्पा दुश्मन सिर्फ रक्षात्मक कार्रवाइंगे कियालाए मजबूर आया लागियर ओसो ओरकिन हर जागा मना आक्रमण कुना सामना किया लागियर। 10 लाख रंगरूट भरती कीयाना ओसो पूना ब्रिगेड ओसो जागा निहहना रेजीमेंट कुन प्रशिक्षण हियाना क्वोमिंगतांग योजना मंता मति इदिनगडल अदिन बदे फायदा मन्नो आयार। रंगरूट भरती कीयाना ओना तरिका जबरन भरती कीयाना ओसो किराया ते चुने कीयाना तरिका आंदू, अदिन काजे ओना काजे 10 लाख संख्या पूरा कीयाना वेल्ले कठीन आयर अनि वेल्ले रंगरूट वित्तानूर। हिक्के मना सेना वेने बाहरी सेनांग वाले फौजी कार्रवाइंग कीयाना तन्ना नीति किन लागू कीसि दुश्मन ता मानव शक्ति ओसो भौतिक साधन कुन कम कियाला तैयार आयार।

7. मना सेना ता फौजी कार्रवाइंग ताकि कीयाना उसूल इंजे वेने मुन्ने तय कित्तादे मत्तांग:

दुश्मन ता तितर-बितर आत्ता फौज कुना पोरो मुन्ने हमला कीयाना (इदु पोल्लो उंदे बेरा बचोनो ब्रिगेड कुना खिलाफ ताकी कित्ता बेहरा स्तर ता विनाशकारी अभियानकु (इयेटा फरवरी ते ताकी कित्ता लाएऊ अभियान<sup>2</sup> ओसो जुलाई ते ताकी कित्ता दक्षिण-पश्चिमी शानतुंग

अभियान<sup>3</sup> पोरो वेने लागू आंता) दुश्मन केंद्रित ओसो शक्तिशाली फौज कुना पोरो पेरके हमला कीमुट।

मध्यम ओसो सुडला शहर कुना व्यापक ग्रामीण इलाकांग पोरो मुन्ने कब्जा कीमुट, बेहरा शहर पोरो पेरके कब्जा कीमुट।

दुश्मन ता प्रभावकारी ताकत तुन खत्म कीयानादिन मना मुख्य उद्देश्य बने किमूट, बदे जागा किन कब्जा ते तासना ओसो कब्जा कीयानादिन मुख्य उद्देश्य बनेमायनायो, बदे जागा किन कब्जा ते तासना लेवेके कब्जा कीयाना दुश्मन ता प्रभावकारी ताकत तुन खत्म कीयाना कारण आंदू। बदे जागा किन हमेशा काजे कब्जा ते तासना ओसो अदिना पोरो हमेशा काजे कब्जा कीयाना सिर्फ ताना पोरो बार-बार बस्केने मना कब्जा आंता ओसो बस्केने दुश्मन ता कब्जा आतेकेने आंता।

हर लड़ाई लोप्पा मना मुख्य सेना किन केंद्रित कीमुट, दुश्मन ता फौज कुन पूराए घेरे कीमुट, ओरकिन पूराए खत्म कीयाना पूरा कोशिश कियमूट अनि ओरा लोप्पाटल उंदी वेने मना घेराव तल पेसला हियमाटू। विशेष परिस्थितिंग लोप्पा, दुश्मन पोरो बेहरा हमलांग कीयाना तरिका लागू कीमुट, इत्तेके मना सम्पूर्ण ताकत केंद्रित कीसि दुश्मन पोरो मुन्नेटल हमला कीमुट अनि ओरा नालुंग बगिल तल हमला कीमुट। मना सेना दुश्मन ता बाकी फौज कुन खत्म कियाला काजे स्पीड ते तन्ना सैनिक लोर किन बदले कीयाना उद्देश्य ते उंदी हिस्सा तुन खत्म कीयाना ओसो दूसरा हिस्सा तुन तितर-बितर कीयाना।

उंदी बगिल बिना तैयारी ते बदे लड़ाई लड़ेमायनायो। इदे आयवा बद लड़ाई लोप्पा जीड़ना विश्वास हिल्लेयो अद लड़ाई लड़ेमायनाए आयो, हर लड़ाई काजे पूरा तैयार मंदाना पूरा कोशिश कीयाना। दुश्मन ता ओसो मना विशेष परिस्थितिंग किन कोंडा ते तासिसी जीड़ना गारंटी कीयाना कोशिश कीयाना। ओसो दूसरा बगिल मना विकसित युद्ध-शैली ता पूर्ण विकास कीयाना। युद्ध लोप्पा साहस तोहना, कुरबानी तुकू वेरियानायो, दोगना तुकू वेरियानायो ओसो लगातार लड़ेमासोर मंदाना (इत्तेके अल्पकाल तेने उंदी पेरके उंदी लड़ाई लड़ेमासोर दायना)।

दुश्मन तुन चलायमान लड़ाई लोप्पा एरियना कोशिश कीयाना। मति संगे मोर्चाबंदी पोरो हमला कीयाना कार्यनीति करियाना पोरो ओसो तोपखाना, इंजिनियर कोर ता निर्माण तेज कीयाना पोरो वेने पूरा जोर वाटना। अस्के ने दुश्मन मोर्चाबंदी वाले जागा ने ओसो शहर कुना पोरो बेहरा स्तर ते कब्जा किया परमूडांता।

सुरक्षा, प्रतिरोध कमजोर मत्ता दुश्मन ता मोर्चाबंदी वाले सब्बे जागा, शहरकुना पोरो दृढ़ता ते कब्जा कीयाना। सही टाईम ते इत्तेके परिस्थिति अनुकूल मत्तास्के सुरक्षा कमजोर मत्ता दुश्मन मोर्चाबंदी वाले मध्यम जागा ओसो शहरकुना पोरो वेने कब्जा कीयाना। दुश्मन ता सुरक्षा व्यवस्था सुदृढ़ मत्ता मोर्चाबंदी जागांग ओसो शहरकुन इंजेटा काजे विडसाट।

दुश्मन तल ऊंदता सब्बे हथियारकु ओसो ओरा ज्यादातर बंदी सैनिक (80-90 प्रतिशत सिपाहिर ओसो उचुन जूनियर अफसर) लोरा संगे तम्मा ताकत ता नुकसान भरपाई कीमुट। नुकसान ता भरपाई मुख्य रूप ते दुश्मन सेनांग ओसो क्वोमिंगतांग इलाकांग ओसो सिर्फ उचुन पाड़ना मुक्त इलाकांगनल कीयाना कोशिश कीमुट, खासकर इद उसूल दक्षिणी मोर्चा ता फौजकुना पोरो लागू आंता।

पूना ओसो पाड़ना सब्बे मुक्त इलाकांग लोप्पा मनम भूमि-सुधार दृढ़ता ते लागू किया लागियर। दीर्घकालीन युद्ध ता मदद काजे ओसो देशव्यापी जीत दोरकी कियाला काजे भूमि-सुधार सबसे बुनियादी जरूरत आंदू, उत्पादन ता विकास किया लागियर, बचत किया लागियर, युद्ध-उद्योग ता निर्माण पोरो जोर वाटा लागियर, इव सब्बे मोर्चांग लोप्पा जीत दोरकी कायला काजे किया लागियर। इव सब्बे कीतेके माटू दीर्घकालीन युद्ध किन मदद हिया परितोम अनि देशव्यापी जीत दोरकी किया परितोम।

पोरो वेहता पोल्लोंग सालमेटा लड़ाई ता निचोड़ आंदू अनि वायना कालम ता लड़ाई ता उसूल कुन तय कींतांग। सब्बे इलाकांग ना नेतृत्वकारी कामरेड्स लोर किन रेंजीमेंट ओसो रेजीमेंट तुकू पोरोटा स्तर वाले सब्बे कार्यकर्ता लोर एवनल प्रिफेक्चर पार्टी-कमेटी ओसो अदिन पोरोटा स्तर ता कार्यकर्ता लोर एवनल प्रिफेक्चर कमीशनर लोरा कार्यलय



ओसो अदिन कु पोरोटा कार्यलय कुना कार्यकर्ता लोर एनवल एवसी कीयाना। इद्रम कीतेके सब्बे तोर तन्ना-तन्ना काम समझेमायनूर अनि दृढ़ता ते ओसो गटिग नितसी पूरा कियानूर।

## नोट

1. उत्तर-पूर्व, जेहोल ओसो पूर्वी हपे लोप्पा कित्ता रणनीतिक प्रत्याक्रमण उत्तर-पूर्वी जन मुक्ति सेना (पीएलए) 1947 ते कित्ता एही कालम आक्रमण मत्ता। 13 मई ते जन मुक्ति सेना (पीएलए) इगा वेहता मोर्चा पोरो उंदे बेरा आक्रमणात्मक कार्रवाई शुरू कित्ता अनि 1 जुलाई एवनल 80,000 तुकू ज्यादा दुश्मन सेना तुन हौकसी मत्ता ओसो 40 तुकू ज्यादा काउन्टी केंद्र पोरो दुबारा कब्जा कीसि मत्ता। इद्रम उत्तर-पूर्वी चीन लोप्पा मुक्त इलाकांग किन उंदी दूसरा तल अलग कीयाना दुश्मन ता साजिश किन पूराए तहस-नहस कित्ता। चीनी छांगछुन रेलवे ओसो पेफिंग-ल्याओनिंग रेलवे हेरे रेडु हिर्पानि दोबसी मत्ता दुश्मन ता फौजकु मजबूर आसी “महत्वपूर्ण जागा ना रक्षा” कीतांग। अदिना कारण ते उत्तर-पूर्वी चीन ता पूरा परिस्थिति बदलेमाता। दक्षिणई शानशी ओसो उत्तरी हनान ता रणनीतिक प्रत्याक्रमण ते शानशी-हपे-शानतुंग-हनान जन मुक्ति सेना (पीएलए) उत्तरी हनान लोप्पा ओसो दक्षिणी शानशी ते मत्ता ताथुंग-फूचओ रेलवे हेरेटा इलाका लोप्पा मार्च ओसो मई 1947 नडमा कित्ता आक्रमणात्मक कार्रवाईंग शामिल मंतांग। उत्तरी हनान ते मत्ता मना सेना 23 मार्च ते आक्रमण कीयाना शुरू कित्ता। येनचिन, यांगऊ, फूयांग ओसो फंगछ्यू पोरो उंदी पेरके उंदी कब्जा कित्ता पेरके, मना सेना इव सफलतांग ना विस्तार कियाल काजे उत्तर बगिल हत्ता। 28 मई एवनल छयीश्येन, श्युनश्येन, ह्वाश्येन ओसो थांगइन पोरो कब्जा कित्ता अनि 45,000 तुकू ज्यादा दुश्मन सैनिक खत्म कित्ता। दक्षिणी शानशी ते मत्ता मना फौजकु तन्ना आक्रमणात्मक कार्रवाईंग 4 अप्रैल ते शुरू कित्ता। 4 मई एवनल अवु 22 काउन्टी केंद्र पोरो (छवीवो, शिनच्यांग ओसो युंगचि शामिल मत्तांग) पीली डोड्डा ता रेडु महत्वपूर्ण फेरी-घाटकु-ख्वीमनखओ ओसो फंगलिंगतू- पोरो कब्जा कित्ता अनि 18,000 तुकू ज्यादा दुश्मन सैनिक लोर किन खत्म कीसि मत्ता।
2. लाएऊ अभियान पूर्वी चीन जन मुक्ति सेना (पीएलए) शानतुंग प्रान्त लोप्पा चीन ता दक्षिण-पूर्व ते मत्ता लाएऊ इलाका लोप्पा कित्ता चलायमान लड़ाई ता उंदी अभियान मत्ता। जनवरी 1947 आखरी ते क्वोमिंगतांग फौजकु उत्तर ओसो दक्षिण रेडोसी दिशा ने शानतुंग ता मुक्त इलाकांग पोरो हमला कित्ता। दक्षिण बगिल तल

क्वोमिंगतांग ता 8 पुनर्गठित ईहो ओसो शूहो डोड्डांग संगे-संगे मूंड बगिल तल लिनई पोरो हमला कियाला काजे उत्तर बगिल पेसता अनि ताना संगे तालमेल कीसि उत्तर बगिल तल ली श्येन-चओ ना ग्रुप ता मूंड क्वोमिंगतांग फौजी कोर मिंगस्वेइ, चिछवान ओसो पोशान तल दक्षिण बगिल लाएऊ ओसो शिनथाए बगिल पेसता। पूर्वी चीन जन मुक्ति सेना (पीएलए) ता मुख्य ताकत तुन ई-मंग मेड्डा इलाका ते उंदी निर्णयात्मक लड़ाई लोप्पा लेसी कीसि तासना कोशिश कित्ता। मना सेना तन्ना सेना ता उंदी हिस्सा किन दक्षिण बगिल वायना सेना किन रोमी कियाला तैनात कित्ता अनि तन्ना मुख्य सेना किन ली श्येन-चओ ना ग्रुप किन तहस-नहस कियाला काजे उत्तर बगिल लाएऊ बगिल कूच कित्ता। 60,000 तुकू ज्यादा मत्ता दुश्मन ता सब्बे फौजकु 20 फरवरी ता नुल्पेह बेरा आत्ता लड़ाई लोप्पा खत्म कित्ता मंता। क्वमिंगतांग ता श्वीचओ शांति-स्थापना हेडक्वार्टर ता दूसरा शांति –स्थापना इलाका ता डिप्टी-कमांडर ली श्येन-चओ किन बंदी बने कीतोर अनि 13 शहर कुना पोरो दुबारा कब्जा कीतोर।

3. इदु दक्षिण-पश्चिमी शानतुंग अभियान शानशी-हपे-शानतुंग-हनान जन मुक्ति सेना (पीएलए) जुलाई 1947 ते शानतुंग प्रान्त ता दक्षिण-पश्चिम ते मत्ता हात्से, ख्वीनछंग, च्वीये, तिंगश्यांग ओसो छाओश्येन इलाका ते ताकी कित्ता अभियान मत्ता। इद अभियान लोप्पा क्वोमिंगतांग ता 56,000 तुकू ज्यादा संख्या मत्ता 4 डिवीजन हेडक्वार्टर ओसो 9.5 ब्रिगेड कुन खत्म कित्ताद मत्ता।

## चीनी जन मुक्ति सेना (पीएलए) ता घोषणापत्र\*<sup>1</sup>

अक्तूबर 1947

चीनी जन मुक्ति सेना (पीएलए) च्यांग काई-शेक ना आक्रमण किन पोच्चांग कित्ता पेरके इंजे बेहरा स्तर ते प्रत्याक्रमण शुरू कित्ता। दक्षिणी मोर्चा ते मना सेनांग यांगत्सी बैरेड गाटुम बगिल दाया मंतांग। उत्तरी मोर्चा ते मना सेनांग चीनी छांगछुन रेलवे ओसो पेफिंग-ल्याओनिंग रेलवे बगिल दाया मंता। बेगा मना सेनांग दांतांग अगा दुश्मन लोप्पा मुन्ने ने कंदरेम-कोलार पोयिंता अनि जनता वेल्ले गिर्दा आंता। बुनियादी रूप ते मना ओसो दुश्मन ता सम्पूर्ण परिस्थिति सालमेंड मुन्ने तुकू बदलेमता।

इद युद्ध लोप्पा मना सेना ता उद्देश्य राष्ट्र मुन्ने ओसो दुनिया मुन्ने बार-बार ऐलान कित्ता लेक्का चीनी जनता, चीनी राष्ट्र किन मुक्त कीयाना मंता। नेंडु मना उद्देश्य पूरा देश ता जनता ना फौरी मांग किन पूरा कीयाना इत्तेके गृहयुद्ध ता प्रमुख अपराधी च्यांग काई-शेक ना तख्ता पलट कीयाना ओसो उंदी जनवादी संयुक्त सरकार निल्पी कीयानादु मत्ता। अस्केने जनता किन ओसो राष्ट्र किन मुक्त कीयाना आम लक्ष्य पूरा क्रिया परमूडायार।

चीनी जनता तन्ना मुक्ति ओसो राष्ट्रीय स्वाधीनता काजे जापानी साम्राज्यवाद खिलाफ आठ साल एवनल वीरतापूर्वक युद्ध ताकी कित्ता।

---

<sup>1</sup> \* इद राजनीतिक घोषणा पत्र कामरेड माओ चीनी जन मुक्ति सेना (पीएलए) ता जनरल हेडक्वार्टर काजे तैयार कीसि मतोर। तीना लोप्पा चीन ता तत्कालीन राजनीतिक परिस्थिति ता विश्लेषण कित्ताद मत्ता, “च्यांग काई शेक ना तख्ता पलट कीमूट ओसो पूरा चीन किन मुक्त कीमुट!” इंजी नारा पेश कित्ता अनि चीनी जन मुक्ति सेना ता आठ बुनियादी नीतिंग ना ऐलान कित्ता। अवु चीनी कम्युनिस्ट पार्टी ता बुनियादी नीतिंग वेने मत्तांग। इद घोषणापत्र 10 अक्तूबर 1947 ते जारी कित्ताद मत्ता। अदिन काजे इदु “10 अक्तूबर घोषणापत्र” पोरोल ते प्रसिद्ध मंता। इदिन उत्तरी शेनशी ता च्याशेन काउन्टी ता शनछवेनपाओ पोरोल ता जागा ते तैयार कित्ताद मत्ता।

जापान सरेंडर आता पेरके जनता तीव्र रूप ते शांति ता आशा कित्ता, मति च्यांग कार्ई-शेक जनता ना शांति काजे कित्ता सब्बे कोशिश कुन पोल्ले लेक्का तूड़िहतोर अनि उंदी बस्के हूड़वा गृहयुद्ध ता संकट किन ओरा तल्ला पोरो वाटतोर। इद्रम देशमेंड सब्बे समूह कुना जनता मुन्ने च्यांग कार्ई-शेक ना तख्ता पलट कियाला काजे एकताबद्ध आयाना विड़चसी दूसरा बदे हरीं हिल्वा मत्ता।

च्यांग कार्ई-शेक ना गृहयुद्ध ता वर्तमान नीति बदे अचानक आत्ता पोल्लो आयवा तन्ना प्रतिक्रियावादी गुट ओसो खुद बराबर लागू कित्ता जन विरोधी नीति ताए कारण आत्ता। वेल्ले मुन्ने, इत्तेके 1927 तेने च्यांग कार्ई-शेक क्वोमिंगतांग ओसो कम्युनिस्ट पार्टी ता क्रांतिकारी एकता तुक्कु विश्वासघात कित्तोर अनि सुन यात-सेन पेश कित्ता क्रांतिकारी मूंड जन सिद्धांत, मूंड महान नीतिंग किनकु वेने विश्वासघात कित्तोर, अस्के ओरु तानाशाही शासन ता स्थापना कित्तोर, साम्राज्यवाद मुन्ने आत्मसमर्पण कित्तोर अनि दस साल एवनल गृहयुद्ध ताकी कित्तोर। अद्रमासी जापानी डाकु लोर चीन पोरो आक्रमण कित्तोर।

1936 ता शीआन घटना<sup>1</sup> ते चीनी कम्युनिस्ट पार्टी अदिना बदला एतिता ओसो जनरल चांग श्वे-ल्यांग, यांग-हू-छंग संगे कलियसी च्यांग कार्ई-शेक किन रिहा कित्ता। इद्रम, च्यांग कार्ई-शेक तन्ना कित्ता गलती पोरो आल्सानूर अनि पूना पिस्वल शुरू कियानुर ओसो जापानी आक्रमणकारिरा खिलाफ लड़ाई लोप्पा शामिल आयनुर इंजी आशा कीसि कित्तोर। मति च्यांग कार्ई-शेक ओसो उंदी बेरा वेल्ले बेहरा विश्वासघात कित्तोर, ओरु जापानी डाकु लोरा मुकाबला कियाला शामिल आयवा जनता ना पोरो दमन कियाला सक्रिय रूप ते शामिल आतोर अनि कम्युनिस्ट पार्टी पोरो क्रूर व्यवहार कित्तोर। 1945 ते जापान सरेंडर आत्तोर, चीनी जनता ओसो उंदी बेरा च्यांग कार्ई-शेक किन माफ कित्ता अनि गृहयुद्ध किन बंद कियाला मांग कित्ता, जनवादी राजनीति किन अमल कीसोर शांतिपूर्ण राष्ट्रीय पुनर्निर्माण काजे सब्बे पार्टिंग, ग्रुपकु ना संगे एकता कीयाना इंजी मांग कित्ता। मति युद्ध-विराम समझौता पोरो

हस्ताक्षर कीयाना, राजनीतिक सलाहकार सम्मेलन ता प्रस्ताव स्वीकार कीयाना ओसो नालुंग वादा<sup>2</sup> ना ऐलान कीयाना तुरंत पेरके बेईमान च्यांग कार्ड-शेक तन्ना क्रिया कीसि बदलेमातोर। जनता बार-बार सुलह-समझौता ता रुझान लागू कीतेकाई च्यांग कार्ड-शेक अमेरिका साम्राज्यवाद मदद ते देश ओसो राष्ट्र ता पिस्वल तुकू परवाह कीवा लेवा जनता पोरो क्रूर रूप ते नालुंग बगिल तल आक्रमण कीयाना लक्ष्य तास्तोर। जनवरी 1946 तल युद्ध-विराम समझौता ता घोषणा आत्तास्केटल इंजे एवनल च्यांग कार्ड-शेक तन्ना नियमित सेना ता 220 तुकू ज्यादा ब्रिगेड ओसो लगभग दस लाख सैनिक वाले अलग-अलग फौज कुन संगठित कितोर ओसो बेहरा स्तर ते चीनी जनता नेतुर-लड़ाई पेरके जापानी साम्राज्यवाद तल ऊंदसी मत्ता मुक्त इलाकांग ना विरुद्ध आक्रमण शुरू कितोर, ओरु उंदी पेरके उंदी: शनयांग, फूशुन, पनशी, शफिंग, छांगछुन, युंगची, छंगते, चीनिंग, चांगच्याखओ, ह्वाएइन, होत्से, लिनई, येनान ओसो येनथाए शहर ओसो बेहरा ग्रामीण इलाकांग पोरो कब्जा कितोर। च्यांग कार्ड-शेक ना फौज बेगा दायनदु अगा बोड़सना, हौकना, बलात्कार ओसो लूट-पाट कीयानादु। “मूंड रकम ते नष्ट कीयाना” नीति पोरो अमल कीयानादु अनि जापानी डाकु लोरा लेक्काने व्यवहार कीयानादु। हत्ता साल नवम्बर ते च्यांग कार्ड-शेक उंदी बोगस राष्ट्रीय एसेम्बली कियतोर अनि उंदी बोगस संविधान ता घोषणा कितोर। इयेंड मार्च ते ओरु कम्युनिस्ट पार्टी ता प्रतिनिधिर किन क्वोमिंगतांग इलाकांग लोप्पटल तेंडसितोर। इयेंडे जुलाई ते ओरु जनता ना खिलाफ आम लामबंदी ता आदेश जारी कितोर।<sup>3</sup> गृहयुद्ध खिलाफ, करविन खिलाफ ओसो अमेरिका साम्राज्यवाद आक्रमण खिलाफ देश ता अलग-अलग जागाना जनता न्यायपूर्ण आंदोलन ओसो मजदूर, किसान, विद्यार्थिर, शहरवासिर, सरकारी कर्मचारिर ओसो अध्यापक लोर तम्मा पिस्वल काजे कीयाना संघर्ष कुना पोरो च्यांग कार्ड-शेक नीति-दमन कीयाना, गिरफ्तार कीयाना ओसो हौकना इंजी मत्ता। देश ता अलग-अलग अल्पसंख्यक राष्ट्रीयताकुना पोरो ओना नीति-हान-शोविनिज्म लागू

कीयाना, अत्याचार ओसो दमन कियाला पेरके मुन्ने आयनायो इंजी मत्ता। च्यांग काई-शोक शासित सब्बे इलाकांग लोप्पा भ्रष्टाचार, मुखबिर लोरा मनमानी, गिनती हिल्वाचोन टैक्स वसूल कीयाना, मंहगाई, अर्थव्यवस्था कमजोर आसी मत्ता, सब्बे काम-धंधा ठप्प आसी मत्ता, सेना लोप्पा जबरन भर्ती कियानोर अनि जबरदस्ती अनाज वसूल कियानोर, अद्रमासी नालुंग बगिल पूरा दुक्कम ता माहौल फैलेमासी मत्ता, इव सब्बे पोल्लोंग पूरा देश लोप्पटा जनता ना बेहरा संख्या किन संकट ता बेहरा समुद्र लोप्पा मुडंदिहता। इद्रम ता परिस्थिति लोप्पाने साहुकार, भ्रष्ट अफसर, स्थानीय निरंकुश तत्व ओसो बुरे शरीफजादा लोरा सब्बे तोरा सरदार च्यांग काई-शोक मंतोरा ओराए लेक्कटा तम्मा तानाशाही लोरा मदद ते जबरन वसूली कीसि सार्वजनिक हित कुना सेवा कीयाना ढोंग कीसि तम्मा निजी हित कुना लोप्पा बेरसी कीसि जमा कित्तोरा तम्मा तानाशाही किन रक्षा कियाला ओसो गृहयुद्ध किन जारी तासला काजे च्यांग काई-शोक पेरके-मुन्ने आयवा लेवा मना देश ता सत्ता किन विदेशी साम्राज्यवाद कैदे हीतोर, छिंगताओ ओसो उचुक इलाकांग लोप्पाने मंदाना इंजी अमेरिका फौजकुना संगे सांठगांठ कित्तोरा अमेरिका तल इद्रम ता तन्नाए देशवासिर किन हौकला काजे गृहयुद्ध ता कमांडिंग कीयाना ओसो फौज तुम ट्रेनिंग हियाना काम लोप्पा शामिल आयना सलाहकार तत्तोरा गृहयुद्ध काजे वायुयान, टैंक, बंदूक, तोपकु ओसो बचोनो गोला-बारूद अमेरिका तल तत्तोरा अमेरिका तल गृहयुद्ध काजे बेहरा संख्या ते धन पोयतोर। अमेरिका साम्राज्यवादी मदद ता बदला ते च्यांग काई-शोक फौजी अड्डा, हवाई जहाज, समुद्री जहाज कुना अधिकार भेंट कित्तोरा ताना संगे गुलामी ता व्यापार समझौता<sup>4</sup> कित्तोरा इव देशद्रोहपूर्ण कार्रवाईंग ख्वान श-खाए देशद्रोहपूर्ण कार्रवाईंग किनकु बचोनो ज्यादा लब्बड़ मत्तांग। उंदी माटा ते वेहाना इत्तेके च्यांग काई-शोक ना 20 साल ता शासन देशद्रोहपूर्ण, तानाशाही ओसो जन-विरोधी मत्ता। नेंडु पूरा देश ता लोकर बेहरा संख्या ते (उत्तर-दक्षिण ते आई, सेडो-मुयतोर आई), सब्बे तोर ओना गंभीर अपराध कुना बारे ते पुत्तोरा अदिन काजे मना सेना जल्दीए प्रत्याक्रमण

शुरू कियार, च्यांग कार्ई-शेक ना तख्ता पलट कियार अनि पूरा चीन तुन मुक्त कियार इंजी आशा किया मंतोर।

मना सेना चीनी जनता ना सेना आंदू अदु सब्बे समस्यांग लोप्पा चीनी जनता ना विचार किन तन्ना खुद ता विचार मानेमांता। मना सेना ता नीतिंग चीनी जनता ना फौरी मांग कुना प्रतिनिधित्व कींता। अवु नीतिंग लोप्पा मुख्य नीतिंग दोड़ रास्ता लेक्का मंतांग -

1. मजदूर, किसान, सिपाहियों, बुद्धिजीविर, व्यापारीर सब्बे उत्पीड़ित वर्गकु सब्बे जन संगठनकु, जनवादी पार्टिंग, अल्पसंख्यक जातिंग, प्रवासी चीनी लोकुर ओसो उचुन देशभक्त लोरा संगे एकता कीयाना, राष्ट्रीय संयुक्त मोर्चा निल्पी कीयाना, च्यांग कार्ई-शेक ना तानाशाह सरकार ता तख्ता पलट कीयाना, जनवादी संयुक्त सरकार ता स्थापना कीयाना।
2. च्यांग कार्ई-शेक सरदार मत्ता गृहयुद्ध ता अपराधिर किन गिरफ्तार कीयाना, ओरा खिलाप मुकदमा ताकी कीयाना ओसो ओरकिन सजा हियाना।
3. च्यांग कार्ई-शेक ना तानाशाही किन खत्म कीयाना, जनता ना जनवादी व्यवस्था लागू कीयाना ओसो जनता ना भाषण, प्रेस, सभा ओसो संगठन लेक्का आजादी ता गारंटी कीयाना।
4. च्यांग कार्ई-शेक शासन ता कड़ियता-पुड़ियता व्यवस्था तुन खत्म कीयाना, सब्बे भ्रष्ट अफसर लोर किन खत्म कीयाना अनि भ्रष्टाचार मुक्त शासन ता स्थापना कीयाना।
5. नालुंग बेहरा परिवार (च्यांग कार्ई-शेक, टी.वी. सुंग, एच.एच. खुंग ओसो छन ली-फू, ओना तम्मोर) ओसो उचुक मुख्य युद्ध-अपराधिरा सम्पत्ति किन जब्त कीयाना, नौकरशाही-पूंजी किन जब्त कीयाना, राष्ट्रीय पूंजीपति वर्ग ता उद्योग-व्यापार ता विकास कीयाना, मजदूर, कर्मचारिरा पिस्वल सुधरे कीयाना ओसो अकाल-पीड़ित लोकुर, गरीबी दूर कीयाना।

6. सामंती शोषण-व्यवस्था किन खत्म कीयाना ओसो “पूहतानोनके भूमि” ता व्यवस्था किन लागू कीयाना।
7. चीन ता हंदिंग लोप्पा अल्पसंख्यक राष्ट्रीयताकुना समानता, स्वायत्त शासन ता अधिकार किन मान्यता हियाना।
8. च्यांग काई-शेक ना तानाशाह सरकार किन देशद्रोह विदेश नीति किन अस्वीकार कीयाना। सब्बे देशद्रोहपूर्ण समझौतांग किन रद्द कीयाना अनि गृहयुद्ध कालम ते च्यांग काई-शेक पोयता सब्बे विदेशी कर्ज वापिस कियाला इनकार कीयाना। चीन ता स्वतंत्रता काजे खतरा मत्ता अमेरिका सरकार चीन लोप्पा तैनात कित्ता फौज तुन गुचहाना अनि च्यांग काई-शेक किन गृहयुद्ध ताकी कियाला मदद कीयाना ओसो जापानी आक्रमणकारी ताकत किन पुनर्जीवित कीयाना कोशिश कीयाना सब्बे देश कुना विरोध कीयाना। विदेशिरा संगे समानता, आपसी फायदा पोरो आधार आसी व्यापार, दोस्ती समझौतांग कीयाना। मना पूरा संघर्ष लोप्पा मना संगे समानता ता व्यवहार कीयाना दुनिया ता सब्बे राष्ट्र कुना संगे एकता कीयाना।

पोरो वेहता नीतिंग मना सेना ता बुनियादी नीतिंग आंदुंगा मना सेना बेगा दांता, अगा इविन तुरंत लागू कींता। इव नीतिंग मना देश ता 90 प्रतिशत तुकू ज्यादा मत्ता आम जनता ना मांग संगे कलियंतांग।

मना सेना च्यांग काई-शेक ना पक्ष ते सब्बे लोकुरा बहिष्कार कियवा लेवा ओरा पोरो अलग-अलग व्यवहार कीयाना नीतिंग लागू कींता। इत्तेके मुख्य अपराधिर किन जरूर सजा हियाना ओसो दबाव ते मंजी अपराधी बनेमातोर किन सजा हियनायो ओसो बेस काम कितोर किन इनाम हियाना नीति लागू कींता। गृहयुद्ध शुरू कित्ता प्रमुख अपराधी च्यांग काई-शेक ओसो जनता किन तम्मा काल दोड़ विहकसी पोच्चांग कीयाना ओसो जन-समुदाय ता बेहरा संख्या युद्ध-अपराधी मानेमाता ओना संगे तोरकिन ओरु भूमि पोरोटा बदे वेने कौंटा ते मत्तेकाई मना सेना गिरफ्तार कियार अनि अदालत लोप्पा जरूर पेश कीसि सजा हियारा मना सेना बेगुनाह जनता ना नेत्तुर संगे नांदसी हिल्ला च्यांग काई-शेक ना सेना ता सब्बे



अफसर, सिपाहिर, ओना सरकार ता सब्बे अफसर ओसो ओना पार्टी सदस्य लोर किन वेर अपराधिरा अपराध कुना लोप्पा बिल्कुले शामिल आयानायो इंजी चेतावनी हींता। बोरु इंजे एवनल अपराध किसोर मत्तोर, ओरु तुरंत अपराध रोमी कीयाना अनि गलती मानेमासी पूना पिस्वल शुरू कीयाना। च्यांग कार्ई-शेक संगे संबंध देहना, माटू ओरकिन बेसता काम कीसि गलती सुधरे कीयाना मौका हियकोम। मना सेना हथियार वाटसिता च्यांग कार्ई-शेक ना सेना ता सब्बे अफसर, सिपाही लोरकिन अपमान कीयाना लेवेके हौकना कीवो, ओरु मना संगे मंदाला आल्सतेके ओरकिन मना फौज ते तासकोम ओसो ओरु मलसी दायला आल्सतेके ओरकिन लोन लोहचिकोम। च्यांग कार्ई-शेक ता सेना ता युनिटकु बंदो विद्रोह काजे तेदला ओसो मना सेना लोप्पा शामिल आयला तैयार आयनोर, मना सेना काजे खुला लेवेके गुप्त रूप ते काम कियानोर ओरकिन किन मना सेना बगिल तल इनाम हियमूडायर।

परताचोन जल्दी च्यांग कार्ई-शेक ना तख्ता पलट कियाला ओसो जनवादी संयुक्त सरकार निल्पी कियाला काजे, माटू अलग-अलग व्यवसाय कुना देशवासिर किन बेगा मना सेना दांता अगाटा लोकरु प्रतिक्रियावादी ताकत कुन खत्म कीयाना ओसो जनवादी व्यवस्था निल्पी कियाला मावा संगे सक्रियता ते सहयोग कीयाना इंजी आह्वान कींतोमा बेगा मना सेना एव्वो अगाटा लोकरु तम्मा-तम्माए हथियार तेहची जबरन फौज भरती ओसो अनाज-वसूली ता प्रतिरोध कीयाना, भूमि ता बंटवारा कीयाना, कर्ज हियला इनकार कीयाना ओसो दुश्मन हिल्वास्के मौका हूडसी छापामार लड़ाईंग ना विकास कीयाना।

जल्दी-जल्दी च्यांग कार्ई-शेक ना तख्ता पलट कीयाना ओसो जनवादी संयुक्त सरकार निल्पी कियाला काजे, माटू मुक्त इलाकांग ना जनता किन भूमि-सुधार कीयाना, जनवाद ता बुनियाद किन सुदृढ़ बने कीयाना, उत्पादन विकास कीयाना, बचत पोरो सखित ते अमल कीयाना, जनता ना सेनांग किन सुदृढ़ कीयाना, दुश्मन ता पिस्ता कैपकु किन खत्म

कीयाना ओसो अग्रिम मोर्चा ता लड़ाई ता समर्थन कीयाना इंजी आह्वान कीता।

मना सेना ता सब्बे कामरेड्स कमांडर ओसो योद्धा लोर! माटू मना देश ता क्रांति ता इतिहास लोप्पा उंदी वेल्ले महत्वपूर्ण ओसो वेल्ले महान काम मना हट्टा पोरो कांजिसी मंतोमा। माकिन वेल्ले मेहनत ते मना काम किन पूरा लागिंय। मना मेहनत हीकट ते मत्ता मना महान यायालभूम किन वेहचते तत्ताला ओसो मना जीवा ता देशवासिर किन मानेय पिस्सना लेक्कटा पिस्वल हियाला ओसो मना विचार मत्ता सरकार चुने कीयाना दिव्यदंग तत्तियर। मना सेना ता सब्बे अफसर, योद्धा लोर तम्मा युद्ध-कला किन विकसित कीयाना, जीत दोरकी कियाला काजे युद्ध लोप्पा साहसपूर्वक मुन्ने दायना ओसो दृढ़तापूर्वक, समग्र रूप से सम्पूर्ण रूप ते सब्बे दुश्मन किन खत्म कीयाना। ओरु तम्मा राजनीतिक चेतना स्तर किन बेरसी कीयाना, दुश्मन ता ताकत तुन खत्म कीयाना ओसो जन-समुदाय किन जागृत कीयाना क्षमता बेरसी कीयाना, जन-समुदाय संगे गटिंग एकता कीयाना अनि पूना मुक्त इलाकांग ना सुदृढ़ इलाकांग लेक्का बने कीयाना। ओरु तम्मा अनुशासन ता विचार किन बेरसी कीयाना ओसो दृढ़ता ते आदेश कुना पालन कीयाना। मना नीतिंग ना पालन कीयाना। अनुशासन ता मूंड मुख्य नियम कुन ओसो ध्यान हियाना लेक्का 8 पोल्लोंग ना पालन कीयाना। सेना ओसो जनता नडमा ता एकता बने कीयाना। सेना ओसो सरकार नडमा एकता कीयाना, अफसर ओसो सिपाही लोरा नडमा एकता ओसो पूरा सेना किन एकताबद्ध कीयाना, अनुशासन भंग कीयाना अनुमति बिल्कुल हिल्ले। मना सब्बे अफसर, योद्धा लोर हमेशा उंदी महान जन मुक्ति सेना (पीएलए) आंदु इंजी सुरता तासना। माटू महान चीनी कम्युनिस्ट पार्टी ता नेतृत्व ते ताकना सेना आंदोम इंजी सुरता तासना। माटू पार्टी निर्देश कुन लगातार पालन कीसोर मत्तेके माटू जरूर जीड़ा परितोमा।  
च्यांग काई-शेक ना तख्ता पलट कीमूट!  
पूना चीन जिंदाबाद!

## नोट

1. “च्यांग कार्ई-शेक ना स्टेटमेंट ता बारे ते स्टेटमेंट”, नोट 1 (“माओ त्सेतुंग ना संकलित रचनांग”, ग्रन्थ 1) हूडाटू।
2. 1946 ते च्यांग कार्ई-शेक कीसि मत्ता “नालुंग वादा” राजनीतिक सलाहकार सम्मेलन ता उद्घाटन अधिवेशन ते कितोर, अवु इगा रास्ता लेक्का मंतांग: जनता ना स्वतंत्रता ता गारंटी कीयाना, राजनीतिक पार्टिंग ना कानूनी दर्जा ता गारंटी कीयाना, आम चुनाव कीयाना ओसो राजनीतिक बंदिर किन रिहा कीयानावु मत्तांग।
3. 4 जुलाई 1947 ते प्रतिक्रियावादी क्वोमिंगतांग सरकार च्यांग कार्ई-शेक ना “आम लामबंदी बिल” स्वीकार कित्ता अनि इदिना तुरंत पेरके “कम्युनिस्ट डाकु लोरा विद्रोह पोरो दमन कियाला काजे आम लामबंदी ता आदेश” जारी कित्तोर। असल इत्तेके, च्यांग कार्ई-शेक आम लामबंदी किन तम्मा प्रतिक्रांतिकारी गृहयुद्ध काजे वेल्ले मुन्नेटले लागू कित्तोर। अस्के एवनल चीनी जन मुक्ति सेना (पीएलए) देशव्यापी आक्रमण शुरू कीसि मत्ता। च्यांग कार्ई-शेक खुद तन्ना शासन उंदी “गंभीर संकट” ते मंता इंजी मानेमांतोर। “आम लामबंदी आदेश” ओरु डोल्लनास्के हीतोर।
4. इदु “चीन-अमेरिका दोस्ती, व्यापार ओसो समुद्री जहाज उद्योग समझौता” च्यांग कार्ई-शेक सरकार ओसो अमेरिका सरकार नडमा 4 नवम्बर 1946 ते नानकिंग ते आत्ता। इदिना अनुसार चीन ता प्रभुसत्ता ता वेल्ले बेहरा हिस्सा किन अमेरिका कैदे वमसितोर। इदे ग्रन्थ लोप्पा “चीनी क्रांति ता पूना लहर ता स्वागत” हेडिंग वाले लेख ता नोट 5 हूडाटू।

# अनुशासन ता मूंड मुख्य नियमकु ओसो ध्यान हियाना लेक्काटा 8 पोल्लोंग ओसो उंदी बेरा जारी कीयाना ता बारे ते चीनी जन मुक्ति सेना (पीएलए) ता जनरल हेडक्वार्टर ता आदेशकु

10 अक्तूबर 1947

मना सेना लोप्पा अनुशासन ता मूंड मुख्य नियमकु ओसो ध्यान हियाना लेक्काटा 8 पोल्लोंग बचोनो साल तल अमल आया मंतांग।<sup>1</sup> मति इविना विषय-वस्तु अलग-अलग इलाकांग ना फौजी यूनिटकुना लोप्पा उचुन-उचुन अलग मंता। इंजे इविना लोप्पा एकरूपता वाया मंता ओसो इविन दुबारा जारी कियमूड़ाया मंता। इविन सेना लोप्पा गहन शिक्षा हियाला काजे ओसो सख्ती ते लागू कियाला काजे आदेश लेक्का मानेमायमूड़ायर इंजी आशा कीतोमा। ध्यान हियाना लेक्काटा बाकी पोल्लोंग, अलग-अलग इलाकांग ना फौजी हाई कमान अगाटा विशिष्ट परिस्थितिंग ना अनुसार उचुकु पोल्लोंग किन तय कीसि लागू कीयाना आदेश जारी किया परिता।

1. अनुशासन मूंड मुख्य नियमकु दोड़ रास्ता लेक्का मंतांग:
  - 1) मना सब्बे कार्रवाइंग लोप्पा माटू आदेश ता पालन कीयाना।
  - 2) आम जनता ना उंदी सुई लेवेके उंदी टुकड़ा धागा वेने डोंगनायो। दुश्मन ता जब्त कित्ता हर सामान सार्वजनिक इस्तेमाल काजे जमा कीयाना।
2. ध्यान हियाना लेक्काटा 8 पोल्लोंग दोड़ रास्ता लेक्का मंतांग:

- 1) जीवा कीसि वड़कना।
- 2) बाताल अस्सिंतोमो अदिना सही-सही रेट हियाना अनि बाताल वम्मिंतोम अदिना सही-सही रेट पोय्यना।
- 3) उधार पोयता हर चीज वापिस कीयाना।
- 4) खराब कित्ता हर चीज ता कीमत हियाना।
- 5) जनता संगे मारपीट कीयानायो।
- 6) फसल किन नुकसान कीयानायो।
- 7) बंदिरा संगे गलत व्यवहार कीयानायो।

## नोट

1. अनुशासन ता मूंड मुख्य नियम ओसो ध्यान हियाना लेक्कटा 8 पोल्लोंग, कामरेड माओ रास्ता दूसरी क्रांतिकारी गृहयुद्ध ताकनास्के चीनी मजदूर-किसान ता लाल सेना काजे निर्धारित कित्ता अनुशासन ता नियमकु आंदुंगा। इवु नियमकु लाल सेना ता राजनीतिक कार्य ता महत्वपूर्ण अंग मत्तांग ओसो इवु जनता ना सेना ता निर्माण कीयाना लोप्पा आपसी संबंध किन सही तरिका ते लागू कीयाना, आम जनता ना संगे एकता कीयाना ओसो बंदिरा पोरो जन सेना ता सही नीति निर्धारित कीयाना लोप्पा महान भूमिका निभे कीतांग। लाल सेना ता स्थापना बिल्कुल शुरू तले कामरेड माओ त्सेतुंग सैनिक लोरगडल आम जनता संगे जीवा कीसि वड़कना, बाताल अस्सिंतोम अदिना सही-सही रेट हियाना ओसो बाताल वम्मिंतोम अदिना सही-सही रेट पोय्यना, जनता किन बेगार ते वाटनायो अनि अदिन रांगनायो, मारपीट कीयाना आयो इंजी मांग कित्तोर। 1928 ता वसंत ते मजदूर-किसान ता लाल सेना चिंगकांगशान मेड्वांग लोप्पो मत्ता, कामरेड माओ त्सेतुंग अनुशासन ता मूंड नियमकु निर्धारित कीतोर - 1. तन्ना कारवाइंग लोप्पा आदेश कुना पालन कीयाना, 2. मजदूर-किसान लोरगडल बदे चीज अहे पोय्यनायो ओसो 3. स्थानीय निरंकुश तत्व तल पोयता हर चीज किन सार्वजनिक इस्तेमाल काजे जमा कीयाना। अदे साल एही कालम ते ओसो 6 ध्यान हियाना लेक्कटा पोल्लोंग पेश कीतोर: 1. बद कीवाइ मीटू तारला काजे तेंडतिरो अदिन अगाने वाटाटु, 2. बेगाटल तारला काजे पीरी पोयतिरो अदिन अगाने तासटु, 3. जीवा कीसि वड़काटु, 4. बाताल अस्सिंतोमो अदिना सही-सही रेट हियाना ओसो बाताल वम्मिंतोमो अदिना सही-सही रेट

पोय्यना, 5. उधार पोयता हर चीज किन वापिस कीमुट, 6. खराब कित्ता हर चीज ता कीमत हियाना। 1929 पेरेके कामरेड माओ त्सेतुंग इविना लोप्पा इव बदलावकु कीतोर: नियम 2- “आम जनता ना उंदी सुई लेवेके उंदी टुकड़ा धागा वेने तेहना आयो”, नियम 3- “वसूल कित्ता धनराशी सार्वजनिक इस्तेमाल काजे जमा कीयाना”, ताना पेरेके इदिन सुधरे कीसि -’दुश्मन तल जब्त कित्ता हर चीज सार्वजनिक इस्तेमाल काजे जमा कीयाना।” अनुशासन ता मूंड नियमकु ओसो ध्यान हियाना लेक्कटा 8 पोल्लोंग ना मूल रूप इदे मत्ता।

# वर्तमान परिस्थिति ओसो मना काम\*<sup>1</sup>

25 दिसम्बर 1947

1

चीनी जनता ना क्रांतिकारी युद्ध इंजे उंदी पूना मोड़ ते एवता। इतेके चीनी जन मुक्ति सेना (पीएलए) संयुक्त राज अमेरिका ता पालतू नेय्य मंदना

“इद रिपोर्ट कामरेड माओ त्सेतुंग चीनी कम्युनिस्ट पार्टी ता केंद्रीय कमेटी ता उत्तरी शेनशी प्रान्त ता मीचि काऊटी ता यांगच्याकओ लोप्पा 25 तल 28 दिसम्बर 1947 एवनल आत्ता मीटिंग लोप्पा पेश कितोरा इद मीटिंग लोप्पा शामिल आत्ता केंद्रीय कमेटी सदस्या लोर ओसो वैकल्पिक सदस्य लोरे आयवा शेनशी-कानसू-निंगश्या सीमान्त इलाका ओसो शानशी-स्वेय्वान सीमान्त इलाकांग ता जिम्मेदारा कामरेडस वेने मत्तोरा इद मीटिंग लोप्पा इगा हीता रिपोर्टे आयवा कामरेड माओ त्सेतुंग रास्ता उंदी दूसरा दस्तावेज “वर्तमान अन्तरराष्ट्रीय परिस्थिति ता मूल्यांकन ता बारे ते उचुक पोल्लंग” (इदे ग्रन्थ लोप्पा हूडाटू) पोरो वेने विचार-चर्चा कित्ताद मत्ता अनि इव दस्तावेज कुन स्वीकार कित्ताद मत्ता। कामरेड माओ त्सेतुंग ना रिपोर्ट ता बारे ते कित्ता निर्णय लोप्पा “इद रिपोर्टे प्रतिक्रियावादी च्यांग काई-शेक शासक गुट ता तखता पलट ओसो उंदी नव-जनवादी चीन ता स्थापना कीयाना पूरा कालम ते राजनीतिक, सैनिक ओसो आर्थिक क्षेत्र लोप्पा उंदी कार्यक्रम दस्तावेज मत्ता। पूरा पार्टी ओसो पूरा सेना इद दस्तावेज किन ओसो इदिना संबधित 10 अक्तूबर 1947 ते छपे मात्ता दस्तावेज कुन (इतेके ‘चीनी जन मुक्ति सेना (पीएलए) ता घोषणापत्र’, ‘चीनी जन मुक्ति सेना (पीएलए) ता नारा’, ‘अनुशासन ता मूंड मुख्य नियमकु ओसो ध्यान हियाना लेक्कटा 8 पोल्लोंग किन दुबारा जारी कीयाना ता बारे ते’, ‘चीन ता भूमि-कानून ता रूपरेखा’ ओसो ‘चीन ता भूमि-कानून ता रूपरेखा ता ऐलान ता बारे ते चीनी कम्युनिस्ट पार्टी ता केंद्रीय कमेटी ता प्रस्ताव’) कुन आधार बने कीसि मना कैडर किन गहराई ते शिक्षित कीयाना ओसो इव दस्तावेज कुन सखित ते अमल कीयाना। अलग-अलग जागा ने नीतिंग किन लागू कीयानास्के रिपोर्टे ते पेश कित्ता उसूल कुन बदे वेने रकम ता भटकाव आतेके तुरंत अदिन दूर कीयाना।” मीटिंग लोप्पा कित्ता बाकी महत्वपूर्ण निर्णय दोड़ रास्ता लेक्का मत्तांग:

1) चीनी जनता ना क्रांतिकारी युद्ध किन लगातार पूर्ण रूप ते जीत एवनल ओयला काजे हर संभव तरिका लागू कीयाना। दुश्मन कु जनता पोरो उंदी पूना हमला कियाला काजे आराम ओसो पुनर्गठन कीयाना मौका दोरकवा लेक्का कार्यनीति (शांति-वार्ता) लागू कीयाना अनुमति हियानायो।

2) उंदी क्रांतिकारी केंद्रीय कमेटी ता स्थापना काजे इंजे परिस्थिति अनुकूल हिल्ले ओसो इदिन पोरो मना जन सेना इदिनकु ज्यादा बेहरा जीत दोरकी कित्ता पेरके ने आल्समूडायरा अद्रमासी संविधान ता घोषणा कीयाना इतेके वेल्ले जेक ता पोल्लो मंता।

च्यांग कार्ई-शेक ना दस लाख तुकू ज्यादा प्रतिक्रियावादी सैनिक लोरा हमलांग किन हारे कित्ता अनि खुद आक्रमण शुरू कित्ता। वर्तमान युद्ध तुकू मुन्नेटा साल ते जुलाई 1946 तल जून 1947 एवनल जन-मुक्ति सेना बचोनो मोर्चांग ने च्यांग कार्ई-शेक ना हमलांग किन हारे कित्ता अनि अदिना रक्षात्मक परिस्थिति ते मंदाना लेक्क कीसिता। युद्ध ता दूसरा साल ता पहली 3 महीनांग इत्तेके जुलाई-सितम्बर 1947 तल जन मुक्ति सेना (पीएलए) राष्ट्रव्यापी स्तर ते आक्रमण शुरू कित्ता अनि च्यांग कार्ई-शेक मुक्त इलाकांग किन पूराए नष्ट कियाला काजे लड़ाई किन लगातार मुक्त इलाकांग एवनल एव्वला काजे कित्ता प्रतिक्रांतिकारी साजिश कुन तोड़ियो ते काल्पतोर। इंजे लड़ाई मुख्य रूप ते मुक्त इलाकांग लोप्पाने आयवा क्वोमिंगतांग-शासित इलाकांग लोप्पा आया मंता, जन-मुक्ति सेना ता मुख्य सेनांग इंजे लड़ाई क्वोमिंगतांग शासित इलाकांग एवनल एवसी कित्ता।<sup>1</sup> चीन ता इद भूमि पोरो जन मुक्ति सेना (पीएलए) प्रतिक्रांतिकारी - अमेरिका साम्राज्यवाद ओसो अदिना पालतु नै च्यांग कार्ई-शेक डाकू गुट ता पहिया किन पेरके दुरसिसी सर्वनाश गरें एवसी कित्ता अनि क्रांति ता पहिया किन मुन्ने दुरसिसी जीत हर्दे एवनासी कित्ता। इदु इतिहास ता उंदी पूना मोड़ आंदू च्यांग कार्ई-शेक ना बीस साल ता प्रतिक्रांतिकारी शासन काजे इदु विकास ता सर्वनाश बगिल ओयना मोड़ आंदू चीन लोप्पा साम्राज्यवाद ता सौ साल तुकू ज्यादा पाड़ना शासन काजे इदु विकास तल सर्वनाश बगिल ओयना मोड़ आंदू। इदु उंदी महान घटना आंदू। इदु उंदी महान बारांकु आंदू इत्तेके इदु 47 करोड़ 50 लाख आबादी वाले देश ते आया मंता, इदिना पेरके जरूर पूरा देश लोप्पा जीत दोरकियार। इदे आयवा उंदी महान घटना बारांकु मंता इत्तेके इदु पूर्व ते आया मंता, इगा 100 करोड़

---

मीटिंग लोप्पा पार्टी ता वर्तमान रुझान ओसो भूमि-सुधार ओसो जन आंदोलन ता उचुक विशेष नीतिंग पोरो वेने विस्तारपूर्वक विचार-चर्चा कित्ताद मंता। इद विचार-चर्चा पेरके कामरेड माओ त्सेतुंग “पार्टी ता वर्तमान नीति संबंधित उचुक महत्वपूर्ण समस्यांग” हेडिंग वाले लेख लोप्पा (इदे ग्रन्थ लोप्पा ने मंता) पेश कित्ताद मंता। इद ग्रन्थ लोप्पा इद रिपोर्ट तल पोयसी 20 मार्च 1948 ते रास्ता “परिस्थिति ता बारे ते उंदी सकूलर” हेडिंग रासना एवनल सब्बे लेख उत्तरी शेनशी प्रान्त ता मीचि काउन्टी ता यांगच्याकओ ते रास्ताद मंता।



तुकू ज्यादा लोकुरा लोप्पा आधा आबादी मानव जाति साम्राज्यवादी उत्पीड़न संगे ग्रस्त मंता। चीनी जनताना मुक्ति युद्ध रक्षात्मक परिस्थिति तल आक्रमणात्मक परिस्थिति ते बदलेमातेके इव उत्पीड़ित राष्ट्र कुन खुशी ओसो प्रेरणा दोरकियार। इद्रम आतेके योरोप ओसो रेंडासी अमेरिका ता अलग-अलग देश कुना लोप्पा इंजेटा संघर्ष कीयाना उत्पीड़ित जनता किन वेने मदद दोरकियार।

## 2

बस्केटल च्यांग काई-शोक तन्ना प्रतिक्रियावादी युद्ध शुरू कितोर अस्केटले माटू ओनकिन हारे किया परितोम इंजी इंतोमा। मनम ओनकिन हारे कीयाना, बारांकु इत्तेके चीनी राष्ट्र ता स्वाधीनता ओसो चीनी जनता ना मुक्ति खिलाफ शुरू कित्ता अमेरिका साम्राज्यवाद ता निर्देशन ते ताकी कीयाना युद्ध उंदी प्रतिक्रांतिकारी युद्ध आंदू। दूसरा विश्वयुद्ध मारना ओसो जापानी साम्राज्यवादी ता तख्ता पलट कित्ता पेरके चीनी जनता ना मुन्ने-राजनीतिक, आर्थिक ओसो सांस्कृतिक इलाका नवजनवादी बदलाव पूरा कीयाना, राष्ट्रीय एकीकरण ओसो स्वाधीनता दोरकी कीयाना ओसो चीन किन उंदी कृषि-प्रधान देश तल उंदी औद्योगिक देश ते बदले कीयाना काम मंता। मति अस्केने फासीवाद विरोधी दूसरी विश्वयुद्ध ता सफलतापूर्वक समाप्त आत्ता पेरके अमेरिका साम्राज्यवाद ओसो अलग-अलग देश कुना लोप्पा मत्ता अदिना पालतू नैकु जर्मन, जापान साम्राज्यवाद ओसो ओरा नैकुना कोज्जी पोयसी ताकसोरे, सोवियत संघ खिलाफ, योरोप ता जन लोकशाही देश कुना खिलाफ, पूंजीवादी देश कुना मजदूर आंदोलन कुना खिलाफ, उपनिवेश, अर्ध-उपनिवेश कुना राष्ट्रीय आंदोलन खिलाफ ओसो चीनी जनता ना मुक्ति खिलाफ उंदी प्रतिक्रियावादी ग्रुप बनेकितोर। अस्केने च्यांग काई-शोक सरदार मत्ता चीनी प्रतिक्रियावादिर अमेरिका साम्राज्यवाद ता पालतू नै ता भूमिका निभे कितोर। वांग चिंग-वेइ जापानी साम्राज्यवाद काजे कित्ता लेक्का-ओरु चीन किन अमेरिका कैदे वम्मसितोर अनि चीनी जनता ना मुक्ति कार्य किन मुन्ने ओयना खिलाफ युद्ध शुरू कितोर। अस्के माटू कमजोर आसी मत्तेके ओसो पेरके गुचसी

मत्तेके प्रतिक्रांतिकारी युद्ध ता मुकाबला क्रांतिकारी युद्ध संगे कियाला काजे दृढता ते तेदना साहस कीवेके चीन उंदी हीकट मत्ता दुनिया लेक्का बनेमासी मनवर ओसो मना राष्ट्र ता वायना कालम खतरा ते अरसी मनवर। चीनी कम्युनिस्ट पार्टी च्यांग काई-शेक ना आक्रमण खिलाफ दृढतापूर्वक उंदी देशभक्तिपूर्ण, न्यायपूर्ण ओसो क्रांताकारी युद्ध ताकी कियाला चीनी जन मुक्ति सेना (पीएलए) ता नेतृत्व कित्ता। चीनी कम्युनिस्ट पार्टी मार्क्सवाद-लेनिनवाद वैज्ञानिक सिद्धांत पोरो आधार आसी अन्तरराष्ट्रीय ओसो स्थानीय परिस्थिति ता स्पष्ट मूल्यांकन कित्ता पेरेके देश-विदेश ता प्रतिक्रियावादिरा सब्बे हमलांग किन सिर्फ हारे कीयाना इंजी आयवा हारे किया परमूडांता इंजी समझेमाता। मोय्योल पोरो मुस्सुर मोय्योर पोयतेके माटू जल्दिए मोय्योल तुन पेरेके दुरससोरे पोडदु चिलचिल आसोर पेसियार इंजी इंतोमा जुलाई 1946 ते च्यांग काई-शेक डाकू-ग्रुप देशव्यापी प्रतिक्रांतिकारी युद्ध शुरू कित्ता, अदु जन मुक्ति सेना (पीएलए) किन हारे कियाला सिर्फ 3-6 माहिनांग पोय्यार इंजी आल्सता। ओरु तम्मा 20 लाख नियमित सेना मंता, 10 लाख तुकू ज्यादा अनियमित सेना मंता ओसो पृष्ठभाग ता फौजी संस्थान फौजी युनिटकुना लोप्पा 10 लाख तुकू वेने ज्यादा सैनिक मंतोर, पूरा काल्पसी 40 लाख तुकू ज्यादा सैनिक शक्ति मंता इंजी आल्सतोर, ओरु मौका दोरकी कीसि हमला कीयाना पूरा तैयारी कित्तोर, ओरु बेहरा शहरकुन ओसो उंदी बेरा तम्मा कब्जा ते पोयतोर, ओरा कब्जा ते मत्ता इलाकांग ना आबादी 30 करोड़ तुकू ज्यादा मंता, ओरु 10 लाख आक्रमणकारी जापानी सेना ता सब्बे साजो-सामान तम्मा कब्जा ते कित्तोर, अविन अमेरिका सरकार तल वेल्ले बेहरा मात्रा ते फौजी, वित्तीय सहायता दोरकता। ओरु जन मुक्ति सेना (पीएलए) जापानी आक्रमण विरोधी युद्ध लोप्पा 8 साल एवनल लड़ेमाता पेरेके वेल्ले दोगता अनि संख्या ओसो साजो-सामान क्वोमिंगतांग सेना तुकू बचोनो कम स्तर ते मंता इंजी आल्सतोर, मुक्त इलाकांग ता आबादी सिर्फ 10 करोड़ तुकू उचुन ज्यादा मत्ता अनि इविना लोप्पटल ज्यादातर इलाकांग लोप्पा प्रतिक्रियावादी सामंती ताकत कुन इंजे खत्म आत्ताद

हिल्ले ओसो भूमि-सुधार इंजे व्यापक रूप ते ओसो सही तरीका ते पूरा कित्ताद हिल्ले। दूसरा माटा ने वेहाना इत्तेके जन मुक्ति सेना (पीएलए) ता पृष्ठभाग किन इंजे मजबूत बने कित्ताद हिल्ले। इद मूल्यांकन पोरो आधार आसी च्यांग कार्ई-शेक डाकू-गुट चीनी जनता ना शांति ता विचार किन नजरअंदाज कित्ता, जनवरी 1946 ते कित्ता क्वोमिंगतांग ओसो कम्युनिस्ट पार्टी ता युद्ध-विराम समझौता किन ओसो पूरा पार्टींग ना राजनीतिक सलाहकार सम्मेलन ता प्रस्ताव किन आखरी ते हीकसी वाटतोर अनि उंदी तिप्पल मत्ता युद्ध शुरू कित्तोर। माटू अस्के च्यांग कार्ई-शेक ना सेना ता ताकत सिर्फ अस्थाई मंता, सिर्फ अस्थाई भूमिकाए निभे किया परिंता, अद्रमे अमेरिका साम्राज्यवादी सहायता वेने उंदी अस्थाई भूमिकाए निभे किया परिंता इंजी वेहतोम। च्यांग कार्ई-शेक ना युद्ध ता जन विरोधी स्वरूप ओसो जनता ना भावनांग स्थाई भूमिका निभे कींतांग अद्रमासी जन मुक्त सेना बेस स्थिति ते मंता। मना देशभक्तिपूर्ण, न्यायपूर्ण ओसो क्रांतिकारी स्वरूप कारण, जन मुक्ति सेना (पीएलए) ताकी कीयाना युद्ध किन अनिवार्य रूप ते पूरा देश ता जनता ना समर्थन दोरकियारा। इदु च्यांग कार्ई-शेक किन हारे कीसि मना जीत ता राजनीतिक आधार आंदू। युद्ध ता अठारह महिनांग ना अनुभव मना इद निष्कर्ष किन सही साबित कित्ता।

### 3

17 महिनांग ना लड़ाई लोप्पा (जुलाई 1946 तल नवम्बर 1947 एवनल दिसम्बर ता आंकड़ांग इंजे दोरकताद हिल्ले), माटू च्यांग कार्ई-शेक ना 16 लाख 90 हजार नियमित ओसो अनियमित सेनांग किन घायल ओसो बंदी बने कित्तोम। ताना लोप्पा 6 लाख 40,000 सैनिक लोर घायल आतोर अनि 10 लाख 50,000 सैनिक लोर किन बंदी बने कित्ताद मंता। इद्रमे माटू च्यांग कार्ई-शेक ना आक्रमण किन हारे कित्तोम। मुक्त इलाकांग ना बुनियादी इलाकांग ना रक्षा कित्तोम अनि खुद आक्रमण शुरू कित्तोम। फौजी दृष्टि ते आल्सतेके, माटू सही रणनीति लागू कीतांके इद्रम किया परतोम। फौजी कार्यवाई ता बारे ते मना उसूलकु दोड़ रास्ता लेक्का मंतांग:

- 1) दुश्मन ता विर्केद्रित फौजकुना पोरो मुन्ने हमला कीयाना, दुश्मन ता केंद्रित, शक्तिशाली फौज कुना पोरो पेरके हमला कीयाना।
- 2) सुडला, मध्यम शहरकु ओसो व्यापक ग्रामीण इलाकांग पोरो मुन्ने कब्जा कीयाना, बेहरा शहरकुना पोरो पेरके कब्जा कीयाना।
- 3) दुश्मन ता प्रभावकारी ताकत किन खत्म कीयाना किन मुख्य उद्देश्य बने कीयाना, बदे वेने शहर ओसो जागा किन कब्जा ते तासना ओसो ताना पोरो कब्जा कीयाना किन मुख्य उद्देश्य बनेकीयानायो। बदे शहर लेवेके जागा किन कब्जा ते तासना लेवेके अदिना पोरो कब्जा कीयाना दुश्मन ता प्रभावकारी ताकत किन खत्म किता पेरकेने आया परिंता। बदे शहर लेवेके बदे जागा पोरो हमेशा काजे कब्जा ते तासना लेवेके ताना पोरो हमेशा काजे कब्जा कीयाना इत्तेके ताना पोरो बार-बार बस्केने मना कब्जा आंता ओसो बस्केने दुश्मन ता कब्जा आतेकेने आया परिंता।
- 4) हर लड़ाई लोप्पा मनम लगातार श्रेष्ठ सेना किन (दुश्मन ता ताकत तुकू दो गुना, तीन गुना, चार गुना ओसो बस्के-बस्के पांच गुना लेवेके छै गुना वेने मंदा परिंता) केंद्रित कीयाना। दुश्मन ता फौज किन पूराए घेरे कीयाना। ओरकिन पूराए खत्म कीयाना पूरा कोशिश कीयाना। ओरा लोप्पटल वरोन किन वेने घेराव तल पेसला हियानायो। विशेष परिस्थितिंग लोप्पा दुश्मन पोरो वेल्ले खतरनाक हमला ता तरिका लागू कीयाना। ओरा उंदी हिस्सा किन खत्म कीसि दूसरा हिस्सा किन तितर-बितर कीयाना उद्देश्य ते मना सम्पूर्ण ताकत किन केंद्रित कीसि दुश्मन पोरो मुन्नेटल हमला कीयाना ओसो उंदी बगिल तल लेवेके ओरा रेंडु बगिल तल वेने हमला कीयाना। अस्केने मना सेना दुश्मन ता बाकी फौज कुन खत्म कियाला काजे जल्दीए तन्ना सैनिक लोर किन बदले किया परिंता। मना फायदा तुकू ज्यादा नुकसान आयना लेक्कटा ओसो फायद अनि नुकसान बराबर आयना लेक्कटा दोगना-एर्रियाना लड़ाईंग लोप्पाटल बचेमायला काजे पूरा कोशिश कीयाना। इद्रम

संख्या कम मत्तेकाई माटू हर अंश लोप्पा ओसो हर ठोस अभियान लोप्पा लगातार मजबूत आसोर दायकोम अनि हर अभियान लोप्पा मना जीत ता गारंटी आयार। टाईम गड़ससोरे माटू वेने सब्बे रकम ते मजबूत आसोर दायकोम अनि आखरी ते दुश्मन ना पूरा ताकत तुन खत्म कियकोम।

- 5) तैयारी लेवा बदे लड़ाई कीयाना आयो, जीड़ना संभावना हिल्वा बदे वेने लड़ाई लड़ेमायनायो, हर लड़ाई काजे पूराए तैयार मंदाना पूरा कोशिश कीयाना। दुश्मन ओसो मना विशेष परिस्थितिंग किन सुरता तासिसी जीत ता गारंटी कीयाना सब्बे कोशिश कीयाना।
- 6) मना युद्ध कला ता पूर्ण विकास कीयाना - युद्ध लोप्पा साहस तोहना, कर्बानी तुकू वेरियनायो, दोगना तुकू वेरियानाओ ओसो लगातार लड़ेमासोर दायना इत्तेके आराम कियवा लेवा कम टाईम तेने उंदी पेरेके उंदी लड़ाई लड़ेमासोर दायना।
- 7) दुश्मन किन लगातार खत्म कीयाना परताचोन कोशिश कीयाना। संगेने मोर्चाबंदी पोरो हमला कीयाना कार्यनीति पोरो ज्यादा ध्याना हियाना अनि दुश्मन ता मोर्चाबंदी वाले जागा ओसो शहर कुना पोरो कब्जा कीयाना।
- 8) शहर कुना पोरो हमला कीयानास्के दुश्मन ता प्रतिरक्षा व्यवस्था कमजोर मत्ता सब्बे मोर्चाबंदी वाले जागा ओसो शहर कुना पोरो दृढ़ता ते कब्जा कीयाना। परिस्थिति अनुकूल मत्तास्के दुश्मन ता प्रतिरक्षा व्यवस्था उचुन बेस मत्ता सब्बे मोर्चाबंदी जागांग ओसो शहर कुना पोरो कब्जा कीयाना।
- 9) दुश्मन तल ऊंदिता सब्बे हथियारकु ओसो ओरा ज्यादातर बंदी सैनिक लोरा संगे मना शक्ति ता नुकसान भरपाई कीयाना। मना सेना काजे मानव शक्ति ओसो युद्ध-सामग्री ता मुख्य स्रोत मोर्चा लोप्पा ने मंता।
- 10) अभियान नड़मा ता टाईम तुन मना सैनिक लोरा आराम, ओरा सुदृढ़ीकरण ओसो ओरा ट्रेनिंग काजे सही इस्तेमाल कीयाना।

आराम कीयाना, सुदृढ़ बने कीयाना ओसो ट्रेनिंग हियाना टाईम ज्यादा लम्बा मंदानायो ओसो दुश्मन किन उचुन वेने रोमला हियनायो।

जन-मुक्ति सेना इव नियमकु च्यांग काई-शेक किन हारे कियाला काजे लागू कीसि मत्ता। इव जन मुक्ति सेना (पीएलए) स्थानीय ओसो अंतरराष्ट्रीय दुश्मन खिलाफ दीर्घकालीन युद्ध लोप्पा कच्ची बने मात्ता अद्रमासी मना नेटा परिस्थिति वेल्ले अनुकूल मंता। च्यांग काई-शेक डाकु-गुट ओसो चीन ते मत्ता अमेरिका साम्राज्यवादी फौज ता कर्मचारि मना इव फौजी तरिकांग किन बेस पुत्तोर। इविना मुकाबला कीयाना तरिकांग परहकसोरे च्यांग काई-शेक तन्ना जनरल ओसो फील्ड अफसर लोर किन ट्रेनिंग काजे जमा कियानोर अनि युद्ध लोप्पा दोरकता मना फौजी साहित्य ओसो दस्तावेज कुन अध्ययन कियाला काजे ओरा लोप्पा तूससोर मंदानोर। अमेरिका फौजी कर्मचारि जन मुक्ति सेना (पीएलए) किन नष्ट कियाला काजे च्यांग काई-शेक किन रक-रकम ता रणनीति ओसो कार्यनीति लागू कियाला वेहानदु, ओरु च्यांग काई-शेक ना सैनिक लोर किन ट्रेनिंग हीतोर, फौजी सामग्री सप्लाई कित्तोर। मति इद्रम ता बदे वेने कोशिश च्यांग काई-शेक डाकु-गुट किन हारेमायना तुकू बचे किया परोर। बारांकु इत्तेके मना रणनीति ओसो कार्यनीति लोकयुद्ध पोरो आधार आसी मंता, मना रणनीति ओसो कार्यनीति किन जनता ना विरोध कीयाना बदे वेने सेना इस्तेमाल किया परवो। लोकयुद्ध पोरो आधार आसी सेना ओसो जनता नडमा एकता कीयाना, कमांडर ओसो योद्धा लोरा नडमा एकता कीयाना अनि दुश्मन फौज तुन छिन्न-भिन्न कीयाना उसूल कुना पोरो आधार आसी जन मुक्ति सेना (पीएलए) तन्ना जोरदार क्रांतिकारी राजनीतिक कार्य ता निर्माण कित्ता। इदु दुश्मन पोरो जीत दोरकी कियाला काजे उंदी महत्वपूर्ण तत्व आंदू। दुश्मन सेना ता खतरनाक हमलांग नगडल बचेमायला काजे ओसो मना सेना किन बदली कीसि गतिशील रूप ते दुश्मन ता फौज तुक नष्ट किया परना इंजी माटू खुद मनाए पहलकदमी ते वेल्ले शहरकु खाली कित्तोम अस्के मना दुश्मन तोर गिर्दा आतोर। ओरु

इदिन तम्मा सफलता ओसो मावा विफलता समझेमातोर। ओरु इद बित्तामेंड “सफलता” ता गर्व ते बेय्यल आत्ता लेक्का आतोर। तन्ना प्रतिक्रियावादी शासन अस्केटले थाएशान मेट्टा लेक्का उदितापु च्यांग काई-शेक चांगच्याखओ पोरो कब्जा कित्ता दिव्या दुपार ते तन्ना प्रतिक्रियावादी राष्ट्रीय एसेम्बली केयना आदेश वेने जारी कित्तोर। चीन किन उंदी अमेरिका उपनिवेश लेक्का बदले कीयाना ओरा लब्बड़ ता स्कीम इंजे बदे बाधा हिल्वा पूरा आया मंता इंजी अमेरिका साम्राज्यवाद वेने गिर्दा आसी एंदिता। मति कालम गड़ससोरे च्यांग काई-शेक ओसो तन्ना मालिक अमेरिका तन्ना व्यवहार बदले कीयाना शुरू कित्तोर। इंजे मना सब्बे दुश्मन, स्थानीय ओसो अंतरराष्ट्रीय बदे वेने निराश आतोर। ओरु संकटकाल ता कोलार पोयंतोर अनि गिर्दा ता बदे चिन्हा तोहोर आंतोर। हत्ता अठारह महिनांग लोप्पा च्यांग काई-शेक ना ज्यादातर उच्च फील्ड कमांडर लोर किन लड़ाई लोप्पा हारेमाया लागतांकु ओरा पद तल गुचिह कित्ताद मंता। ओरा लोप्पा-ल्यू च (चंगचओ), शे खे (श्वीचओ), ऊ छी-वेइ (उत्तरी च्यांगसू), थांग अन-पो (दक्षिणी शानतुंग), वांग चुंग-ल्येन (उत्तरू हनान), तू ख्वी-मिंग ओसो श्युंग श-ह्वेइ (शनयांग) ओसो सुन ल्येन-चुंग (पेफिंग)। छन छंग किन वेने च्यांग काई-शेक ना चीफ ऑफ जनरल स्टाफ ता पद तल (वीना कैदे सम्पूर्ण फौजी कार्रवाई ता कमान मत्ता) गुचिह कित्तोर अनि ओरा अपमान कीसि सिर्फ उत्तर-पूर्व ता मोर्चा ता कमान सौंपे कित्तोर।<sup>2</sup> मति अस्के ने च्यांग काई-शेक छन छंग ना जागा ते सबसे बेहरा कमाना तन्ना कैदे पोयतोर। अद्रमासी परिस्थिति बदलेमाता अनि ओना फौजकु आक्रमण कीयाना जागा ते रक्षा कीयाना शुरू कीतांग अनि जन मुक्ति सेना (पीएलए) रक्षा कीयाना जागा ते आक्रमण कीयाना शुरू कित्ता। इंजे एवनल प्रतिक्रियावादी च्यांग काई-शेक गुट ओसो अमेरिका किन तम्मा गलती समझेमायना मत्ता। शांति दोरकी कियाला काजे ओसो गृहयुद्ध ता विरोध कियाला काजे चीनी कम्युनिस्ट पार्टी चीनी जनता ना विचार कुना प्रतिनिधित्व किसोरे जापान ता आत्मसमर्पण कित्ता पेरके वेल्ले कालम एवनल कित्ता सब्बे कोशिश कुन वेरीं ओसो कमजोरी

ता निशानी समझेमातोर। ओरु खुद तन्ना ताकत किन वेल्ले ज्यादा ओसो क्रांति ता शांति किन वेल्ले कम कीसि हूइतोर अनि दुस्साहसता संगे युद्ध शुरू कित्तोर। इद्रम ओरु खुद तम्माए जाल ते फंसे मातोर। मना दुश्मन ता रणनीतिक अनुमान तोड़िय ते कलियता।

#### 4

जन मुक्ति सेना (पीएलए) ता पृष्ठभागीय इलाका अठारह महीनांग मुन्ने तुकू इंजे बचोनो ज्यादा सुदृढ बनेमाता। इदिना कारण मना पार्टी किसान लोरा दृढतापूर्वक पक्ष एतसोरे भूमि-सुधार नियम तुन लागू कीयानादु आंदू जापानी आक्रमण विरोधी युद्ध ताकनास्के वेने जापानी साम्राज्यवाद ता विरोध कियानोरा संगे ओसो क्वोमिंगतांग संगे जापान विरोधी संयुक्त मोर्चा बने कीयाना उद्देश्य ते मना पार्टी खुद तन्ना पहलकदमी ते जमींदार लोरा जमीन जब्त कीयाना ओसो किसान लोरा लोप्पा तूसना, युद्ध तुकू मुन्नेटा नीति किन लगान ओसो सूद कम कीयाना नीति ते बदले कित्ता। इद्रम कीयाना वेल्ले जरूरी मत्ता। जापान ता आत्मसमर्पण पेरके किसान लोर जमीन दोरकी कीयाना फौरी मांग कित्तोर अनि माटू तुरंत भूमि संबंधित नीति किन लगान ओसो सूद कम कीयाना नीति संगे जमींदार लोरा जमीन जब्त कीयाना ओसो किसान लोरा लोप्पा तूसना नीति लेक्का बदले कीयाना निर्णय एतितोम। मना पार्टी ता केंद्रीय कमेटी 4 मई 1946 ते जारी कित्ता निर्देश<sup>3</sup> इद बदलाव ता चिन्ह आंदू सितम्बर 1947 ते मना पार्टी राष्ट्रीय भूमि सम्मेलन केयता अनि चीन ता भूमि-कानून ता रूपरेखा<sup>4</sup> तैयार कित्ता। इदिन तुरंत सब्बे इलाकांग लोप्पा लागू कित्ताद मत्ता। इद निर्णय सिर्फ हत्ता सालकुना “4 मई ता निर्देश” लोप्पा पेश कित्ता नीति ता बारे तेने आयवा इद निर्देश ता उचुक कमजोरिंग किन वेने दूर कित्ता। चीन ता भूमि-कानून ता रूपरेखा ते हर मानेय हिसाब ते भूमि ता बराबर वितरण कीयाना व्यवस्था कित्ताद मत्ता।<sup>5</sup> इदिना आधार सामंती ओसो अर्धसामंती शोषण वाले भूमि व्यवस्था किन खत्म कीयाना ओसो “पूहतानोरके भूमि” ता भूमि व्यवस्था लागू कीयाना उसूल आंदू इदु सामंती व्यवस्था किन मोदोल तिंचे खत्म कीयाना तरिका आंदू इदु



चीन ता व्यापक किसान समुदाय ता मांग कुना संगे पूराए मिले मांता। भूमि सुधार किन गट्टिग इसाब ते लागू कियाला काजे ग्रामीण इलाकांग लोप्पा भूमि सुधार किन लागू कीयाना कानूनी संस्थांग लेक्का सिर्फ खेती-मजदूर लोर किने आयवा व्यापक जन आधार मत्ता गरीब किसान ओसो मध्यम किसान लोरा किसान सभाग ओसो अविना चुने कित्ता कमेटिंग ना संगठन कीयानाए आयवा सबसे मुन्ने गरीब किसान संघ (तीना लोप्पा गरीब किसान, खेती मजदूर शामिल मंतोर) ओसो ओरु चुने कित्ता कमेटिंग ना संगठन कीयाना। इव गरीब किसान संघ कु ग्रामीण इलाकांग लोप्पा ताकी कीयाना सब्बे संघर्ष कुना नेतृत्व ता मोरकुल लेक्का मंदाना। मना नीति गरीब किसान लोरा पोरो निर्भर आसोरे मध्यम किसान लोरा संगे सुदृढ़ एकता निल्पी किसोरे जमींदार वर्ग ओसो पाड़ना रकम ता धनी किसान लोर कीयाना शोषण ता सामंती, अर्धसामंती व्यवस्था किन खत्म कीयाना। जमींदार, धनी किसान लोर किन आम किसान लोरकिनकु ज्यादा जमीन ओसो सम्पत्ति हियानायो। मति 1931-34 ते लागू कित्ता “जमींदार लोरकिन बदे जमीन हियवा मंदाना ओसो धनी किसान लोर किन लब्बड़ ता जमीन हियाना” गलत उग्र-वामपंथी नीति किन वेने दुबारा लागू कीयानायो। ग्रामीण इलाकांग ना आबादी लोप्पा जमींदार, धनी किसान लोरा संख्या हर जागा अलग-अलग मंता मति (परिवार ता दृष्टि ते) साधारण रूप ते सिर्फ 8 प्रतिशत मंता। कुल जमीन ता 70-80 प्रतिशत हिस्सा पोरो ओरा कब्जा मंता। अदिन काजे मना भूमि सुधार ता निशाना बनेमायनोरा संख्या वेल्ले कम मंता ओसो नाह कुना लोप्पा इद्रम तोरा संख्या वेल्ले मंता “परिवार ता दृष्टि ते लगभग 90 प्रतिशत तुकू ज्यादा मंता” भूमि सुधार काजे निल्पी कीयाना संयुक्त मोर्चा लोप्पा शामिल आया परिंता अनि शामिल आयना वेने। इगा रेंडु बुनियादी नियम कुना पोरो ध्यान हियाना जरूरी मंता: 1. गरीब किसान ओसो खेती मजदूर लोरा मांग किन पूरा कीयाना, इदु भूमि सुधार ता सबसे बुनियादी काम आंदू। 2. मध्यम किसान लोरा संगे दृढ़तापूर्क एकता कीयाना ओसो ओरा हित किन नुकसान कीयानायो। बस्के एवनल माटू इव रेंडु बुनियादी नियम कुन अमल

कीसोर मंदितोम अस्के एवनल माटू भूमि सुधार ता मना काम किन जरूर सफलतापूर्वक पूरा किसोर मंदाकोमा चीन लोप्पा धनी किसान लोरा स्वरूप साधारण रूप ते सामंती ओसो अर्धसामंती शोषक वर्ग लेक्का मत्तांकु समान वितरण ता नियमकुना अनुसार पाड़ना रकम ता धनी किसान लोरा अतिरिक्त भूमि तुन ओसो सम्पत्ति ता उंदी हिस्सा किन तूसमूड़ाता, ओरा लोप्पा ज्यादातर लोकुर तम्मा जमीन किन लगान ते हींतोर अनि सूदखोरी कींतोर, अर्धसामंती शर्त अनुसार मजदूर तासिंतोर<sup>6</sup> इदे आयवा, धनी किसान लोरगा तुलनात्मक रूप ते ज्यादा ओसो बेसता जमीन मंता<sup>7</sup>, अदिन काजे बस्के एवनल इद जमीन ता बंटवारा आयो अस्के एवनल गरीब किसान, खेत मजदूर लोरा मांग पूरा आया परवो। मति भूमि कानून ता रूपरेखा ता अनुसार धनी किसान लोरा बारे ते साधारण रूप ते जमींदार लोरकिनकु अलग व्यवहार कीयाना। भूमि सुधार लोप्पा मध्यम किसान समान वितरण ता अनुमोदन किंतोर बारांकु इत्तेके इद्रम कीतेके ओरा हितकुन बदे नुकसान आयो आंता। समान वितरण कीयानास्के मध्यम किसान लोरा उंदी हिस्सा ता जमीन मत्ता लेक्का मंदिता ओसो दूसरा हिस्सा ता जमीन लोप्पा बढ़ोत्तरी आंता, सिर्फ खुशहाल मध्यम किसान लोरगाने उचुन अतिरिक्त जमीन मंदिता ओसो ओरु इद जमीन तुन समान वितरण काजे हियाना तैयार आंतोर। बारांकु इत्तेके ओरा भूमि-कर ता बोझा हल्को आंता। इद्रम आतेकाई अलग-अलग जागा ने भूमि ता समान वितरण कीयानास्के मध्यम किसान लोरा राय एतना जरूरी मंता ओरु इनकार कीतेके ओरकिन छूट हियाना। सामंती वर्ग ता जमीन, जायदाद किन जब्ता ओसो वितरित कीयानास्के मध्यम किसान लोरा जरूरत कुना पोरो ध्यान हियाना। बोर बद वर्ग ते इंजी तय कीयानास्के पूरा ध्यान हियाना ओसो मध्यम किसान लोरकिन गलती ते धनी किसान लोरा जागा ते तासनायो। सक्रिय मध्यम किसान लोर किन किसान सभा ता कमेटींग ओसो सरकार ता काम लोप्पा शामिल कीयाना। भूमि-कर ता बोझा ओसो युद्ध ता समर्थन कीयाना बोझा तेहना ता बारे ते निष्पक्ष हिसाब ते सही रुझान लागू कीयाना नियम किन लागू कीयाना। इवु मना पार्टी मध्यम

किसान लोरा संगे सुदृढ़ एकता कीयाना रणनीतिक कार्य पूरा कीयानास्के लागू कीयाना ठोस नीतिंग आंदुंग। पूरा पार्टी भूमि व्यवस्था लोप्पा पूर्ण सुधार कीयाना वर्तमान कालम ते चीनी क्रांति ता उंदी बुनियादी कार्य आंदू माटू भूमि समस्या किन व्यापक रूप ते ओसो पूर्ण रूप ते हल कीतेके माटू मना सब्बे दुश्मन तुन हारे कियाला काजे उंदी सबसे बुनियादी परिस्थिति तैयार कीतोम।

## 5

भूमि सुधार किन दृढ़तापूर्वक ओसो पूर्ण रूप ते लागू कीयाना ओसो जन मुक्ति सेना (पीएलए) ता पृष्ठभागीय इलाकांग किन मजबूत कियाला काजे मना पार्टी ता कैडर कुन जरूर सदृढ़ किया लागियर। जापानी आक्रमण विरोधी युद्ध ताकनास्के पार्टी लोप्पा ताकी कित्ता दोष-निवारण आंदोलन सफल आत्ता। अदिना मुख्य सफलता इतेके - मना नेतृत्वकारी संगठन कु ओसो व्यापक कार्यकर्ता, पार्टी सदस्य लोर मार्क्सवाद-लेनिनवाद ता सर्वव्यापी सच्चाई किन चीनी क्रांति ता ठोस व्यवहार संगे काल्पना बुनियादी कार्यदिशा किन ओसो ज्यादा दृढ़तापूर्वक अमल कीयाना इंजी समझे मात्तोर। इद्रम कीयानास्के मना पार्टी जापानी आक्रमण विरोधी युद्ध तुकू मुन्ने सब्बे ऐतिहासिक काल कुना तुलना ते वेल्ले प्रगति कित्ता। मति पार्टी ता स्थानीय संगठन कुना लोप्पा खासकर ग्रामीण इलाकांग लोप्पा मत्ता बुनियादी स्तर ता संगठन कुना लोप्पा मना कैडर ता वर्ग-संरचना ओसो मना कार्यशैली लोप्पा मत्ता अशुद्धता समस्या इंजे हल आत्ताद हिल्ले। 1936 तल 1947 एवनल 11 साल कुना लोप्पा मना पार्टी सदस्यता 10 हजार तल बेरसिसी 27 लाख आत्ता, इदु उंदी वेल्ले बेहरा सफलता मत्ता। इदु मना पार्टी किन चीन ता इतिहास लोप्पा उंदी अभूतपूर्व शक्तिशाली पार्टी बने कित्ता। इदु मना लोप्पा जापानी साम्राज्यवाद किन हारे कीयाना क्षमता पुट्टी कीसिता। च्यांग काई-शेक ना आक्रमण कुन हारे कीयाना, 10 करोड़ तुकू ज्यादा आबादी वाले मुक्त इलाकांग ना नेतृत्व कीयाना, 20 लाख सैनिक वाले जन मुक्ति सेना (पीएलए) ता नेतृत्व कीयाना लेक्कटा क्षमता पुट्टी कित्ता। मति तीना संगे उचुक कमजोरिंग वेने

वातांगो। इत्तेके वेल्ले जर्मीदार, धनी किसान ओसो गुंडा लोर मौका ता फायदा एतसी मना पार्टी लोप्पा नेंगतोरा। इद्रमतोर ग्रामीण इलाकांग लोप्पा बचोनो पार्टी संगठन, सरकारी संगठन ओसो जन संगठन कुना पोरो कब्जा कित्तोर, मना सत्ता तुन वेल्ले गलत इस्तेमाल कींतोर, जनता ना हट्टा ते तुपाई वाटसी पार्टी नीतिंग किन तोड़-मोड़ कींतोर, इव संगठन कु जनता तल अलग कीतांग, भूमि सुधार किन पूर्ण रूप ते लागी किय्या हीवोंग आंतांग। इद गंभीर परिस्थिति ते मना कार्य मना पार्टी ता कैडर कुन सुदृढ़ कीयानादु मंता। बस्के एवनल माटू इद काम किन पूरा कीवोम अस्के एवनल माटू ग्रामीण इलाकांग लोप्पा मुन्ने दाय्या परवोम। पार्टी ता राष्ट्रीय भूमि सम्मेलन इद समस्या पोरो पूर्ण रूप ते विचार-विमर्श कित्ता अनि सब्बे तरिकांग ओसो नियमकु बनेकित्ता। इव तरिका ओसो नियमकुन इंजे भूमि ता समान वितरण ता निर्णय संगे-संगे हर जागा दृढतापूर्वक लागू आया मंतांग। सबसे मुन्ने ओसो सबसे महत्वपूर्ण पोल्लो पार्टी लोप्पा आलोचना ओसो आत्मालोचना कीयाना ओसो पार्टी ता कार्यदिशा तल भटकेमाता स्थानीय संगठन कुना लोप्पा मत्ता गलत विचारकु, गंभीर परिस्थितिंग ना पूरा पर्दाफाश कीयाना। पार्टी पूरा व्यापक मेहनतकश जनता संगे उंदी दिशा ते दायाना ओसो विकास हर्दे अदिना नेतृत्व कियाला काजे सब्बे पार्टी सदस्य लोर भूमि समस्या किन हल कीयाना ओसो दीर्घकालीन युद्ध ता समर्थन कीयाना, पार्टी संगठन तल गलत रूझानकुन दूर कीयाना, पार्टी कैडर कुन सुदृढ़ कीयाना इंजी समझेमायना।

## 6

सामंती वर्ग ता जमीन किन जब्ता कीसि किसान लोरा लोप्पा तूसना, च्यांग काई-शेक, टी.वी. सुंग, एच.एच. खुंग ओसो छन ली-फू ना इजारेदार पूंजी किन जब्ता कीसि नवजनवादी राज्य कैदे सोंपे कीयाना, राष्ट्रीय पूंजीपति वर्ग ता उद्योग, वाणिज्य ता रक्षा कीयाना, इव नवजनवादी क्रांति ता मूंड मुख्य नीतिंग आंदुंग। च्यांग काई-शेक, खुंग ओसो छन लेक्काटोरा बीस साल कुना शासनकाल ते हंदी हिल्ला दौलत जमा कित्तोर इदिना कीमत 1000 करोड़ तल 2000 करोड़ अमेरिका डालर एवनल

मंता। ओरु पूरा देश ता आर्थिक पिस्वलता स्रोत कुना लोप्पा तम्मा इजारा वाटतोर। इदु इजारेदारी पूंजी राजसत्ता संगे काल्पसी राजकीय-इजारेदार पूंजीवाद बनेमाता। इदु इजारेदार पूंजीवाद विदेशी साम्राज्यवाद, स्थानीय जमींदार वर्ग ओसो पाड़ना रकम ता धनी किसान लोरा संगे घनिष्ठ संबंध निल्पी कीसि दलाल, सामंती, राजकीय-इजारेदार पूंजीवाद बनेमाता। इदु च्यांग काई-शेक ना प्रतिक्रियावादी शासन ता आर्थिक आधार आंदू। इदु राजकीय इजारेदार पूंजीवाद सिर्फ मजदूर, किसान लोरा उत्पीड़ने आयवा शहरी निम्न पूंजीपति वर्ग ता उत्पीड़न वेने कींता अनि मध्यम पूंजीपति वर्ग किन नुकसान कींता। इदु राजकीय इजारेदार पूंजीवादी जापानी आक्रमण विरोधी युद्ध कालम ते ओसो जापान आत्मसमर्पण पेरके विकसित आत्ता, इदु नवजनवादी क्रांति काजे हालनाचोन भौतिक परिस्थितिंग तैयार कित्ता। इदु पूंजी किन चीन लोप्पा साधारण रूप ते नौकरशाही-पूंजी इंतोर। इदु पूंजीपति वर्ग, इत्तेके नौकरशाही पूंजीपति वर्ग चीन ता बड़े पूंजीपति वर्ग आंदू। नवजनवादी क्रांति ता कार्य चीन लोप्पा साम्राज्यवाद ता विशेष अधिकार कुन खत्म कीयानाए आयवा जमींदार वर्ग ओसो नौकरशाही पूंजीपति वर्ग (बड़े पूंजीपति वर्ग) कीयाना शोषण, उत्पीड़न किन खत्म कीयाना, दलाल, सामंती उत्पादन-संबंध कुन बदले कीयाना ओसो उत्पादन शक्ति किन बंधन मुक्त कीयाना मंता। खुद वेने पूंजीपति वर्ग ताए उंदी हिस्सा मत्तेकाई जमींदार वर्ग, नौकरशाही पूंजीपति वर्ग ओसो ओरा राजसत्ता ता उत्पीड़न ता हिस्सा मत्ता निम्न-पूंजीपति वर्ग ता उच्च श्रेणी ओसो मध्यम पूंजीपति वर्ग नवजनवादी क्रांति लोप्पा शामिल आयाना लेवेके उंदी बगिल नितसी मंदाना संभव मंता। ओरा साम्राज्यवाद संगे बदे संबंध हिल्वेके लेवेके तुलनात्मक रूप ते कम संबंध मत्तेके ओसो असली राष्ट्रीय पूंजीपति वर्ग ता हिस्सा मंदितोर। नवजनवादी राजसत्ता बेगा फैलेमातेकाई अगा दृढ़ता ते ओसो पेरके-मुन्ने आयवा लेवा वेरा रक्षा कीयाना। च्यांग काई-शेक शासन मत्ता इलाकांग लोप्पा निम्नपूंजीपति वर्ग ता उच्च श्रेणी ओसो मध्यम पूंजीपति वर्ग ता उचुन मुल (दक्षिण पंथी मंतोर) लोप्पा प्रतिक्रियावादी राजनीतिक रुझानकु मंतांग। वीरु अमेरिका

साम्राज्यवाद ओसो प्रतिक्रियावादी च्यांग काई-शेक गुट ता बारे ते भ्रम फैले किया मंतोर ओसो जनता ना जनवादी क्रांति ता विरोध कींतोर। बस्के एवनल ओरा प्रतिक्रियावादी रुझान आम जनता पोरो प्रभाव वाटिंतांग अस्के एवनल माटू ओरा प्रभाव ते वात्ता लोकुरा मुन्ने ओरकिन एक्सपोज कीयाना, आम जनता लोप्पा ओरा राजनीतिक प्रभाव तुन देब्बा वाटना ओसो आम जनता किन ओरा प्रभाव तल मुक्त कीयाना। मति राजनीतिक हमला कीयाना ओसो आर्थिक दृष्टि ते खत्म कीयाना, इव रेंडासी अलग-अलग समस्यांग आंदुंगा। माटू इव रेंडासी किन उंदी दूसरा संगे हिरकी कीतेके माटू गलतिंग कियाकोमा। नवजनवादी क्रांति ता उद्देश्य सिर्फ सामंतवाद ओसो इजारेदार पूंजीवाद ता सिर्फ जमींदार वर्ग ओसो नौकरशाह-पूंजीपति वर्ग (बड़े पूंजीपति वर्ग) किन खत्म कीयाना, अदिना उद्देश्य पूंजीवाद ता साधारण रूप ते खत्म कीयाना ओसो निम्नपूंजीपति वर्ग ता उच्च श्रेणी ओसो मध्यम पूंजीपति वर्ग किन खत्म कीयाना हिल्ले। चीन ता आर्थिक व्यवस्था पेरके अरतांकु क्रांति ता देशव्यापी जीत पेरके वेने व्यापक निम्नपूंजीपति वर्ग ता उच्च श्रेणी ओसो मध्यम पूंजीपति वर्ग प्रतिनिधित्व कीयाना अर्थव्यवस्था ता पूंजीवादी तत्व ता अस्तित्व किन वेल्ले कालम एवनल अद्रमे तासा लागियर, ओसो राष्ट्रीय अर्थव्यवस्था लोप्पा श्रम-विभाजन ता अनुसार, इद पूंजीवादी तत्व ता राष्ट्रीय अर्थव्यवस्था काजे फायदा मंदान लेक्काटा सब्बे हिस्सांग किन विकसित कीयाना अस्के वेने जरूरी आयार, इदु पूंजीवादी तत्व पूरा राष्ट्रायी अर्थव्यवस्था ता उंदी जरूरी हिस्सा मंदियार। इगा निम्न पूंजीपति वर्ग ता उच्च श्रेणी लोप्पा तम्मा मजदूर ओसो कर्मचारिर तासना सुडला उद्योगपति ओसो व्यापारिर शामिल मंतोर। इदे आयवा उंदी बेहरा संख्या ते मजदूर लेवेके कर्मचारिर तासवा मंदाना सुडला स्वतंत्र दस्तकारिर ओसो व्यापारिरा दृढता ते रक्षा कीयाना। देशमेंड क्रांति ता जीत आत्ता पेरके नवजनवादी राज्य लोप्पा नौकरशाह पूंजीपति वर्ग तल पोयता बेहरा-बेहरा राजकीय कारोबारकु मंदानुंग ओसो देश ता आर्थिक पिस्वल ता स्रोत कुन नियंत्रित कियानुंग, सामंतवाद ता पंजा तल मुक्त कृषि अर्थव्यवस्था वेने

मंदिर, अदिन वेल्ले जोम बुनियादी रूप ते बिखरेमासी मत्ता पेरके तीरम-तीरम सहकारिका ता दिशा ते विकास कियाला काजे प्रेरित कियमूडायरा। इद्रम ता पारिस्थिति ते सुडला ओसो मध्यम पूंजीवादी तत्व कुना अस्तित्व ओसो विकास तल बदे खतरा मन्नो आयारा। इदे पोल्लो भूमि सुधार पेरके ग्रामीण इलाकांग लोप्पा अनिवार्य रूप ते पुट्टना पूना धनी किसान अर्थव्यवस्था पोरो वेने लागू आंता। अर्थव्यवस्था लोप्पा निम्नपूंजीपति वर्ग ता उच्च श्रेणी ओसो मध्यम पूंजीपति वर्ग पोरो मना पार्टी 1931-34 ते लागू कित्ता लेक्कटा गलत उग्र-वामपंथी नीतिंग किन दुबारा लागू कीयाना अनुमति हिल्ले। तीना लोप्पा गलत तरिका ते श्रम शर्त कुन लागू कीयाना, गलत तरिका ते ज्यादा आयकर दर लागू कीयाना, भूमि सुधार ताकनास्के उद्योगपति, व्यापारिरा हित कुना लोप्पा दखलअंदाजी कीयाना, उत्पादन ता विकास कीयाना, आर्थिक विकास कीयाना, सार्वजनिक हितकु ओसो निजी हित कुना ध्यान तासना ओसो श्रम, पूंजी रेंडासी किन फायदा वायना लेक्का काम कीयाना विडचसी श्रमिक कल्याण ता लक्ष्य तय कीयाना, उंदी अदूरदर्शिता पूर्ण ओसो एकांगी धारणा मत्ता। इद्रम ता गलतिंग किन दुबारा कीतेके मेहनतकश जनता ओसो नवजनवादी राज्य रेंडासी ना हितकुन नुकसान आयारा। चीन ता भूमि कानून ता रूप रेखा ता उंदी धारा लोप्पा: “उद्योगपति ओसो व्यापारिरा सम्पत्ति ओसो ओरा कानूनी कारोबार कुन दखलअंदाजी तल बचे कीयाना” इंजी वेहताद मत्ता। इगा “उद्योगपतिर ओसो व्यापारिर” इत्तेके सब्बे सुडला स्वतंत्र दस्तकार, व्यापारिर ओसो सब्बे सुडला, मध्यम पूंजीवादी तत्व कुना बारे ते वेहताद मंता। संक्षिप्त ते पूना चीन ता आर्थिक ढांचा इद्रम मंदिता: 1. राजकीय मालिकना मंदना अर्थव्यवस्था, अदे अर्थव्यवस्था ता नेतृत्व कियारा। 2. कृषि-अर्थव्यवस्था - तीरम-तीरम व्यक्तिगत अर्थव्यवस्था तल सामूहिक अर्थव्यवस्था बगिल विकसित आयारा, 3. सुडला स्वतंत्र दस्तकार व्यापारिरा अर्थव्यवस्था ओसो सुडला अनि मध्यम निजी पूंजी ता अर्थव्यवस्था। इव सब्बे कलियसी पूरा नवजनवादी राष्ट्रीय अर्थव्यवस्था बनेमांता। नवजनवादी राष्ट्रीय

अर्थव्यवस्था ता मार्गदर्शन कीयाना नियम कुन उत्पादन ता विकास कीयाना, आर्थिक समृद्धि किन बेरसी कियाला, सार्वजनिक हित ओसो निजी हितकुना ध्यान तासना, श्रम ओसो पूंजी तुकू फायदा आयना लेक्कटा आम लक्ष्य ता अनुसार मंदाना। बद नियम नीति लेवेके तरिका इद आम लक्ष्य तल भटकेमांता अदु गलत मंदिता।

7

जन मुक्ति सेना (पीएलए) अक्तूबर 1947 ते उंदी घोषणापत्र जारी कित्ता अदिना उंदी अंश दोड़ रास्ता लेक्का मंता:

मजदूर, किसान, सिपाही, बुद्धिजीवी, व्यापारी सब्बे उत्पीड़ित वर्ग, सब्बे जन संगठन, जनवादी पार्टिंग, अल्पसंख्यक राष्ट्रीयता, प्रवासी चीनी लोकुर ओसो देशभक्त लोरा संगे एकता कीयाना, राष्ट्रीय संयुक्त मोर्चा निल्पी कीयाना, च्यांग काई-शेक ना तानाशाह सरकार ता तख्ता पलटे कीयाना, जनवादी संयुक्त सरकार ता स्थापना कीयाना।

इदु जन मुक्ति सेना (पीएलए) ओसो चीनी कम्युनिस्ट पार्टी ता बुनियादी राजनीतिक कार्यक्रम आंदू। बाहर तल हूड़तेके मना क्रांतिकारी राष्ट्रीय संयुक्त मोर्चा वर्तमान कालम ते जापानी आक्रमण विरोधी युद्ध कालम तुकू संकीर्ण आत्ता लेक्का दिसिंता। असल ते वर्तमान कालम तेने च्यांग काई-शेक मना राष्ट्रीय हित कुन अमेरिका साम्राज्यवाद कैदे वम्मतद मंता ओसो जनता ना खिलाफ देशव्यापी गृहयुद्ध शुरू कित्तोरा। अमेरिका साम्राज्यवाद ओसो प्रतिक्रियावादी च्यांग काई-शेक शासक-गुट ता अपराध कुना चीनी जनता ना मुन्ने पूराए पर्दाफाश आत्तास्के मना राष्ट्रीय संयुक्त मोर्चा निज्जमे व्यापक आंता। जापानी आक्रमण विरोधी युद्ध कालम ते च्यांग काई-शेक ओसो क्वोमिंगतांग चीनी जनता नडुमा तल मोद्दोल तिंची खत्म आत्ताद हिल्ले अद्रमासी इंजे वेने अदु बचोनो रकम ते अदिन धोखा हियाला सफल आया मंता। मति इंजे परिस्थिति अलग मंता, ओरा सब्बे धोखांग किन ओराए कामकाज संगे एक्सपोज आतांग, इंजे आम जनता ओरकिन लागू कीवो, ओरू पूराए अलगाव ता परिस्थिति ते अरतोर। क्वोमिंगतांग ता विपरीत, चीनी कम्युनिस्ट पार्टी



किन सिर्फ मुक्त इलाकांग ना व्यापक जनता ना विश्वासे आयवा क्वोमिंगतांग शासित इलाकांग, क्वोमिंगतांग नियंत्रित बेहरा शहरकुना व्यापक जनता ना समर्थन वेने दोरकताद मंता। 1946 ते च्यांग काई-शेक ना शासन लोप्पा निम्नपूजीपति वर्ग ता उच्च श्रेणी ओसो मध्यम पूजीपति वर्ग ता बुद्धिजीविरा लोप्पा उचुन मुल इंजे तीसरा हर्ही<sup>8</sup> ता विचार किन तम्मा जीवा ते तासिस मत्तोर, इंजे इद विचार कमजोर साबित आत्ता। मना पार्टी उंदी सही भूमि नीति लागू कित्ता अदिन काजे अदिन जापानी आक्रमण विरोधी युद्ध कालम तुकू किसान ओसो वेल्ले व्यापक जन समूह ता हार्दिक समर्थन दोरकता। अमेरिका साम्राज्यवाद आक्रमण, च्यांग काई-शेक ना उत्पीड़न ओसो मना पार्टी जनता ना हित कुन दृढ़ता ते रक्षा कीयाना सही नीति लागू कीतांकु मना पार्टी च्यांग काई-शेक शासित इलाकांग ना मजदूर, किसान, शहरी निम्न पूजीपति वर्ग ओसो मध्यम पूजीपति वर्ग ता व्यापक जन समूह ता समर्थन दोरकी कित्ता। करवु, राजनीतिक उत्पीड़न ओसो च्यांग काई-शेक ना जन विरोधी गृहयुद्ध तले मजबूर आसी व्यापक जन समूह अमेरिका साम्राज्यवाद ओसो च्यांग काई-शेक ना प्रतिक्रियावादी सरकार खिलाफ लगातार संघर्ष कीसोर मंता, अदिना बुनियादी नारा करविन खिलाफ, अत्याचार, गृहयुद्ध ओसो चीन ता अंदरूनी समस्यांग लोप्पा अमेरिका ता हस्तक्षेप खिलाफ मंतांग। ओरा जगृति ता स्तर मुन्ने बस्के ने इचोन ज्यादा बेरसवा मत्ता- जापानी आक्रमण विरोध युद्ध तुकू मुन्ने, युद्ध ताकनास्के, जापान आत्मसमर्पण पेरेके वेने नेंडु लेक्का हिल्ला मत्ता। अदिन काजे मना नवजनवादी क्रांतिकारी संयुक्त मोर्चा इंजे मुन्नेटा बदे वेने कालम तुकू ज्यादा व्यापक ओसो ज्यादा सुदृढ़ बनेमाता। इदु पोल्लो सिर्फ मना भूमि नीति ओसो शहरी नीतिंग संबंधिते आयवा पूरा राजनीतिक परिस्थिति तल जन मुक्ति सेना (पीएलए) ता जीत तले, च्यांग काई-शेक ना आक्रमणात्मक युद्ध किन रक्षात्मक युद्ध लोप्पा बदलेमायना तल, जन मुक्ति सेना (पीएलए) ता रक्षात्मक युद्ध ता जागा ते आक्रमणात्मक युद्ध कीयाना तल ओसो चीनी क्रांति लोप्पा उंदी पूना बेहरा लहर ता वायना तल वेने घनिष्ठ रूप ते संबंधित मंता। च्यांग काई-

शोक ना शासन ता अनिवार्य रूप ते पतन आयनदू हूडसी लोकुर चीनी कम्युनिस्ट पार्टी, जन मुक्ति सेना (पीएलए) पोरो आशा किया मंतोर अनि इदु स्वाभाविके मंता। पूरा राष्ट्र ता आबादी ता बहुसंख्या ता व्यापक संयुक्त मोर्चा लेवा चीन ता नवजनवादी क्रांति लोप्पा जीत दोरकी कीयाना संभव मन्नो आयारा। इदे आयवा इद संयुक्त मोर्चा किन चीनी कम्युनिस्ट पार्टी ता सुदृढ़ नेतृत्व लेवा बदे वेने क्रांतिकारी संयुक्त मोर्ता जीत दोरकी किया परवो। 1927 ते उत्तरी अभियान वेल्ले बेरसतास्के मना पार्टी ता नेतृत्वकारी संगठन लोप्पा मत्ता आत्मसमर्पणवादीर तम्मा विचार ते किसान समुदाय, शहरी निम्न-पूंजीपति वर्ग ओसो मध्यम पूंजीपति वर्ग पोरो पार्टी ता नेतृत्व विडसतोर अनि खासकर सशस्त्र सेनांग लोप्पा पार्टी ता नेतृत्व विडसतोर अद्रमासी क्रांति किन असफलता ता सामना किया लागता। जापानी आक्रमण विरोधी युद्ध ताकनास्के मना पार्टी इद्रम ता आत्मसमर्पणवादी विचार कुना विरोध कित्ता, इव विचारकु क्वोमिंगतांग ता जन विरोधी नीतिंग किन छूट हियाना, क्वोमिंगतांग पोरो आम जनता तुकू ज्यादा विश्वास कीयाना, जन-संघर्ष शुरू कीयाना ओसो ओरा पूर्ण विकास कीयाना साहस कियवा मंदाना, जापान कब्जा ते मत्ता इलाकांग लोप्पा मुक्त इलाकांग ना विस्तार कीयाना ओसो जन सेनांग किन बेरसी कीयाना साहस कीयाना अनि जापानी आक्रमण विरोधी युद्ध ता नेतृत्व किन स्वोमिंगतांग कैदे सौपे कीयानावु मत्तांग। मना पार्टी मार्क्सवाद-लेनिनवाद नियम कुना उल्लंघन कीयाना कमजोर ओसो पतनशील विचारकुना खिलाफ दृढ़तापूर्वक संघर्ष ताकी कित्ता अनि “प्रगतिशील ताकत कुना विकास कीयाना, मध्यवर्ती ताकत कुन तम्मा पक्ष ते कीयाना ओसो कट्टरपंथी ताकत कुन अलगाव ते वाटना” राजनीतिक कार्यदिशा ता दृढ़ता ते पालन कित्ता ओसो मुक्त इलाकांग, जनमुक्ति सेना ता दृढ़तापूर्वक विस्तार कित्ता। अद्रमासी सिर्फ मना पार्टी जापानी आक्रमण कालम ते जापानी साम्राज्यवाद किन हारे किया परिंता इंजी आयावा जापान आत्मसमर्पण पेरके च्यांग काई-शेक तन्ना प्रतिक्रांतिकारी युद्ध शुरू कित्तास्के मना पार्टी बिना नुकसान तेहवा लेवा च्यांग काई-शेक ना

प्रतिक्रियावादी युद्ध ता मुकबला क्रांतिकारी लोक युद्ध संगे कीयाना हर्दे किया परिंता ओसो कम टाईम तेने बेहरा सफलता दोरकी किया परिंता इंजी गारंटी आंता। सब्बे पार्टी कामरेड्स इतिहास ता इव सबक कुन पक्का सुरता तासना।

## 8

प्रतिक्रियावादी च्यांग काई-शेक गुट 1946 लोप्पा जनता खिलाफ देशव्यापी गृहयुद्ध शुरू कित्तास्के च्यांग काई-शेक मुख्य रूप ते अमेरिका साम्राज्यवाद पोरो निर्भर मत्तोर, अमेरिका कैदे परमाणु बम मत्तांकु ओरु अदिन किन “दुनिया ता सबसे शक्तिशाली देश” समझेमायनोर। इद गुट ता लोकुर उंदी बगिल अमेरिका साम्राज्यवाद पोंगना एर लेक्का फौजी सामान ता सप्लाई कीसि ओरा फौजी, वित्तीय जरूरत कु पूरा किया परिंता इंजी समझेमायनोर, दूसरा बगिल ओरु वेल्ले बर्बरता ते “अमेरिका ओसो सोवियत संघ नडमा युद्ध आयना जरूरी मंता” ओसो “तीसरा विश्वयुद्ध शुरू आयना जरूरी मंता” इंजी पोंगडिंग कियानोर। अमेरिका साम्राज्यवाद पोरो निर्भर आयना दूसरा विश्वयुद्ध पेरके सब्बे देश कुना प्रतिक्रियावादी ताकत कुना उंदे लेक्कटा लक्षण मंता। अद्रमासी विश्व पूंजीवाद किन दूसरा विश्वयुद्ध ताकनास्के सामना किया लागता हमलांग नाए तीव्रता दिसिंता, इदिनगडल सब्बे देशकुना प्रतिक्रियावादी ताकत कुना कमजोरी ओरा वेरीं ओसो ओरा आत्मविश्वास ता कमी दिसिंता, अद्रमासी दुनिया ता क्रांतिकारी ताकत मजबूत दिसिंता। इव सब्बे कारण ते सब्बे देशकुना प्रतिक्रियावादि अमेरिका साम्राज्यवाद ता समर्थन पोरो निर्भर मंदाना विडचसी दूसरा बदे हरीं हिल्ले इंजी आल्सा मंतोर। मति दूसरी विश्वयुद्ध पेरके अमेरिका साम्राज्यवादी निज्जमे च्यांग काई-शेक ओसो दूसरा देश कुना प्रतिक्रियावादि समझेमाताचोन शक्तिशाली आत्ताद मंता या? अदु निज्जमे पोंगना एर लेक्का राशन सप्लाई कीयाना परिंता या? हिल्ले, इद्रम इन्पडे हिल्ले। दूसरी विश्व युद्ध ताकनास्के बेरसता अमेरिका साम्राज्यवाद ता आर्थिक ताकत अस्थिर ओसो दिथ्या-दिथ्या तुकू कमजोर आसोर मत्ता स्थानीय हाटुम, विदेशी हाटुम ता सामना किया लागता मंता। इव हाटुम कु

ओसो ज्यादा सुडला आतांकु आर्थिक संकट पुडियर। अमेरिका लोप्पा युद्ध कालीन आर्थिक लहर सिर्फ अस्थाई रूप तेने वासी मत्ता। अमेरिका ता ताकत सिर्फ पोरो-पोरो ओसो अस्थाई मंता। बस्केने हल आया परवा स्थानीय ओसो अन्तरराष्ट्रीय अन्तरविरोध, उंदी ज्वालामुखी लेक्का अमेरिका साम्राज्यवाद काजे पूना खतरा पुडिह किसोर मंतांग, अमेरिका साम्राज्यवाद इदे ज्वालामुखी पोरो उद्दसी मंता। इद्रम ता परिस्थिति त अमेरिका साम्राज्यवाद किन दुनिया तुन गुलाम बने कीयाना उंदी योजना कियाला मजबूर कींता। योरप, एशिया ओसो दुनिया ता बाकी हिस्सांग लोप्पा जंगली जानवर कुना लेक्का बेय्यल आसी वित्तला, सब्बे देश कुना प्रतिक्रियावादी ताकत कुन, धोखा हीसी जेक वाटसिता ओरा देश ता जनता किन संगठित कीयाना, सोवियत संघ नेतृत्व कीयाना सब्बे जनवादी ताकत कुना खिलाफ उंदी साम्राज्यवादी, जनवाद विरोधी गुट बने कियाला मजबूर कींता। इद्रम अदु वायना कालम ते बस्के ने ओरु इव जनवादी ताकत कुन हारे कियाला काजे तीसरा विश्वयुद्ध शुरू कीयाना आशा ते कींता। इदु उंदी लब्बड ता योजना आंदू दुनिया ता जनवादी ताकत कु इद योजना तुन तोड़ियो ते काल्पना, इदिन ओरु पक्का तोड़ियो ते काल्पा परिंतोर। दुनिया ता साम्राज्यावाद विरोधी गुट ता ताकत साम्राज्यवाद गुट तुकू ज्यादा आत्ता। माटू बेरससोर मंतोम, दुश्मन आयो। सोवियत संघ ता नेतृत्व ते मत्ता साम्राज्यावाद विरोधी गुट निल्पी कित्ताद मंता। समाजवादी सोवियत संघ संकट तल मुक्त मंता, अदु विकसित आसोर दाया मंता अनि दुनिया ता व्यापक जनता अदिना सम्मान कींता, अदिन ताकत गंभीर संकट ता सामना कीसोर मत्ता, पतन आसोर मत्ता, दुनिया ता व्यापक जनता ना विरोध ता सामना किया लागसोर मत्ता साम्राज्यावादी अमेरिका तुकू मुन्ने बेरसता। योरप लोप्पा जन लोकशाही देश अंदरूनी रूप ते खुद किन सुदृढ़ किया मंतांग अनि उंदी दूसरा संगे एकता किया मंतांग। योरप ता पूंजीवादी देश कुना लोप्पा साम्राज्यवाद विरोधी जनशक्तिंग ना विकास आया मंता, फ्रांस, इटली इदिना लोप्पा सबसे मुन्ने मंतांग। अमेरिका लोप्पा वेने जनता ना जनवादी ताकत कु मंतांग, अवु दिव्या-दिव्या तुकू

मजबूत आसोर दाया मंतांग। लेटिन अमेरिका ता जनता अमेरिका साम्राज्यवाद ता आज्ञाकारी गुलाम हिल्ले। पूरा एशिया लोप्पा उंदी महान राष्ट्रीय मुक्ति आंदोलन ता उदय आत्ताद मंता। साम्राज्यवाद विरोध गुट ता सब्बे ताकतकु उंदी आया मंतांग ओसो विकसित आसोर मंतांग। नौ योरपीय देश कुना कम्युनिस्ट, मजदूर पार्टिंग तम्मा सूचना-ब्यूरो बने कीतांग अनि साम्राज्यवाद ता गुलाम बनेमायना योजना ता खिलाफ तेदना इंजी दुनिया ता जनता किन आह्वान कीतांग।<sup>9</sup> इद आह्वान दुनिया ता उत्पीड़ित जनता किन प्रेरित कित्ता, अदिन संघर्ष ता दिशा हीता अनि जीत ता बारे ते ओरा विश्वास किन सुदृढ़ कित्ता। अद आह्वान पूरा दुनिया ता प्रतिक्रियावादि किन वेरीं कित्ता, ओरा लोप्पा कोलार पोयसी कित्ता। पूर्व ता देशकुना सब्बे साम्राज्यवाद विरोधी ताकतकु वेने आपस ते एकताबद्ध आयाना, साम्राज्यवादी, स्थानीय प्रतिक्रियावादि कीयाना उत्पीड़न ता मुकाबला कीयाना ओसो पूर्व ता 100 करोड़ तुकू ज्यादा उत्पीड़ित जनता ना मुक्ति किन तम्मा संघर्ष ता उद्देश्य बने कीयाना। माटू मना किस्मत ता मालिक पक्का माटे बनेमायना। माटू सब्बे कमजोर विचार कुन मना कैडर तल बाहर कीयाना। दुश्मन ता ताकत किन ज्यादा ओसो जनता कम कीसि हूडना सब्बे विचार कु गलत मंतांग। माटू दुनिया ता सब्बे जनवादी ताकत कुना संगे मंतांग, माटू सब्बे भरपूर कोशिश कीतेके साम्राज्यवादी ता गुलाम बने कीयाना योजना किन तोड़ियो तीहा परिंतांग, तीसरा विश्व युद्ध किन रोमी किया परिंतांग, सब्बे प्रतिक्रियावादी शासन कुना तख्ता पलट किया परिंतांग अनि मानव जाति काजे स्थाई रूप ते शांति दोरकी किया परिंतांग। माटू मना प्रगति हरदे इंजे वेने वेल्ले तिप्पलकु-मुश्किलकुना सामना किया लागिंय ओसो मना सब्बे स्थानीय, विदेशी दुश्मन कीयाना प्रतिरोध ओसो परताचोन संघर्ष कुना मुकाबला कियाला काजे तैयार मंदांन इंजी पुत्तोमे। मति बस्के एवनल माटू मार्क्सवाद-लेनिनवादी विज्ञान किन लागू कियाकोम, जनता पोरो विश्वास तासकोम, घनिष्ठ रूप ते जनता ना पक्षपोषण कियाकोम ओसो मुन्ने दायला काजे ओरा नेतृत्व कियाकोम अस्के एवनल माटू हर मुश्किल कुन दूर किसोर दायकोम ओसो हर तिप्पल

कुना पोरो जीत दोरकी कीसोर दायकोम, मना ताकत जीडियर। इदु  
ऐतिहासिक युग लोप्पा विश्व पूंजीवाद ओसो साम्राज्यवाद तन्ना सर्वनाश  
बगिल दाय मंता ओसो विश्व समाजवाद अनि जनता ना जनवाद जीत  
बगिल अभियान किया मंता। पोड़द पेसलाता, माटू भरपूर कोशिश  
कीयाना।

## नोट

1. जन मुक्ति सेना (पीएलए) उंदी पेरके उंदी अलग-अलग मोर्चा लोप्पा आक्रमणात्मक युद्ध शुरू कीयाना ओसो युद्ध किन क्वोमिंगतांग शासित इलाकांग एवनल एवसी कीयाना ता बारे ते इदे ग्रन्थ लोप्पा “उत्तर-पश्चिम ता महान जीत ता बारे ते ओसो मुक्ति सेना लोप्पा उंदी पूना रकम ता सुदृढीकरण आंदोलन ता बारे ते” हेडिंग वाले लेख ता नोट 2 हूडाटू।

2. हनान प्रान्त ता चंगचओ लोप्पा क्वोमिंगतांग ता शांति स्थापना हेडक्वार्टर ता निर्देशनक ल्यू च किन सितम्बर 1946 ते दक्षिण-पश्चिम शानतुंग प्रांत लोप्पा तिगथाओ अभियान लोप्पा हारेमातांकु नवम्बर ते बरखास्त कियमूडाता। च्यांगसू प्रांत ता श्चीचओ लोप्पा क्वोमिंगतांग ता शांति स्थापना हेडक्वार्टर ता निर्देशक श्वे ख्वे किन मार्च 1947 ते बरखास्त कियमूडाता, बारांकु इत्तेके ओना कमान ते क्वोमिंगतांग फ़ौज किन सिलसिलेवार बेहरा विफलतांग ना सामना किया लागता, दिसम्बर 1946 ते च्यांगसू प्रांत लोप्पा सूछ्येन ता उत्तर ते मत्ता इलाका ता अभियान लोप्पा हारेमातोर, जनवरी 1947 ते दक्षिणी शानतुंग ता अभियान लोप्पा हारेमातोर, फरवरी 1947 ते मध्य शानतुंग ता लाएऊ अभियान लोप्पा हारे मातोर। श्वीनओ लोप्पा क्वोमिंगतांग ता शांति स्थापना हेडक्वार्टर ता उपनिर्देशक ऊ छी-वेइ किन मार्च 1947 ते बरखास्त कियमूडाता। बारांकु इत्तेके ओरु दिसम्बर 1946 ते सूछ्येन ता उत्तरते मत्ता इलाका ना अभियान कुना लोप्पा हारेमातोर। क्वोमिंगतांग ता पहली सेना ता कमांडर यांग अन-पो किन जून 1947 ते बरखास्त कियमूडाता। वीरू क्वोमिंगतांग ता पुनर्गठित 34वीं डिवीजन ता मई ते दक्षिणी शानतुंग ता मंगल्यांगकु अभियान लोप्पा खत्म कीतोर। क्वोमिंगतांग ता चौथी सेना ता कमांडर वांग चुंग-ल्येन किन अगस्त 1947 ते बरखास्त कियमूडाता। वीरू जुलाई ते दक्षिण-पश्चिमी शानतुंग ता अभियान लोप्पा हारेमातोर। उत्तर-पूर्व ते क्वोमिंगतांग शांति रक्षा हेडक्वार्टर ता कमांडर तू ख्वी-मिंग ओसो उत्तर-पूर्व ते क्वोमिंगतांग ता जनरलिज्मो हेडक्वार्टर ता निर्देशक श्यंग श-वेइ किन जून 1947 ते उत्तर-पूर्व ते जन मुक्ति सेना (पीएलए) ता ग्रीष्मकालीन आक्रमणात्मक युद्ध लोप्पा जबरदस्त हार ता सामना किया लागतांकु बरखास्त कियमूडाता। क्वोमिंगतांग ता ग्यारवीं युद्ध इलाका ता कमांडर सुन ल्येन-सुंग किन पद तल तेंडसी हपे प्रांत ता पाओनिंग लोप्पा शांति स्थापना हेडक्वार्टर ता निर्देशक बने कियमूडाता। वीरू जून 1947 ते छिंग-छांग अभियान लोप्पा ओसो पाओनिंग ता उत्तर ते मत्ता श्वीश्वेइ इलाका ता अभियान ते हारेमातोर। च्यांग काई-शेक ना चीफ ऑफ जनरल स्टाफ छन छंग ना पद तल तेंडसी अगस्त 1947 ते उत्तर-पूर्व ता गवर्नर जनरल बने कियमूडाता बारांकु इत्तेके शानतुंग प्रांत लोप्पा ताकता अभियान कुना निर्देशन कीसि मतोर अनि अविना लोप्पा उंदी पेरके उंदी हार ता सामना किया लागता।

3. इगा चीनी कम्युनिस्ट पार्टी ता केंद्रीय कमेटी 4 मई 1946 ते जारी कित्ता “भूमि समस्या ता बारे ते निर्देश” ता बारे ता रास्तद मंता। इदे ग्रन्थ लोप्पा “मूंड महिनांग ना सारांश” हेडिंग वाले लेख ता नोट 4 हूड़ाटू।

4. चीनी कम्युनिस्ट पार्टी ता राष्ट्रीय भूमि सम्मेलन सितम्बर 1947 ते हपे प्रांत ता फिंगशान काउन्टी ता शीपाएफो नाटे ताकता। अद सम्मेलन 13 सितम्बर ते स्वीकार कित्ता “चीन लोप्पा भूमि-कानून ता रूपरेखा” ओसो चीनी कम्युनिस्ट पार्टी ता केंद्रीय कमेटी 10 अक्तूबर 1947 ते प्रकाशित कित्ता। तीना लोप्पा दोड़ रास्ता लेक्का व्यवस्था कित्ताद मत्ता।

- सामंती, अर्धसामंती शोषण वाले भूमिव्यवस्था किन खत्म कीसि, “पूहतानोरके भूमि” ता व्यवस्था लागू कीयाना।

- जमींदार लोरा पूरा जमीन ओसो सब्बे सार्वजनिक ग्रामीण भूमि पोरो स्थानीय किसान सभाग ना कब्जा मंदाना, अदिना बाकी जमीन संगे ग्रामीण ता पूरा आबादी लोप्पा लिंगभेद लेवेके आयुभेद कियवा लेवा समान रूप ते तूसना।

- ग्रामीण किसान सभाग जमींदार लोरा पूहना-कांजना काम वायना पशु, कृषि-औजार, लोहकु, अनाज ओसो बाकी सम्पत्ति किन तम्मा कब्जा ते पोयना, धनी किसान लोरा पोरो वेहता अतिरिक्त सम्पत्ति किन तम्मा एधिकार ते पोयना, इद्रम सब्बे सम्पत्ति किन इदिना कमी मत्ता किसान ओसो गरीब लोकुरा लोप्पा तूसना अनि अचोने हिस्सा जमींदार लोर किन वेने हियाना।

इद्रम 1946 ते “4 मई ता निर्देश लोप्पा” तय कित्ता भूमि-कानून ता रूपरेखा लोप्पा सिर्फ “जमींदार लोरा जमीन जब्त कीयाना ओसो किसान लोरा लोप्पा तूसना” नियम ता बारे तेने आयवा निर्देश लोप्पटा जमींदार लोरा काजे जरूरत तुकू ज्यादा छूट हियाना कमी किन वेने दूर कित्ताद मंता।

5. परेके “चीन ता भूमि कानून ता रूपरेखा” किन लागू कीयानास्के भूमि ता समान वितरण कीयाना तरिका ता बारे ते कित्ता व्यवस्था लोप्पा बदलाव कित्ताद मंता। फरवरी 1947 ते चीनी कम्युनिस्ट पार्टी ता केंद्रीय कमेटी “पाड़ना, अर्ध-पाड़ना मुक्त इलाकांग लोप्पा भूमि सुधार संबंधित कार्य कीयाना ओसो पार्टी सुदृढ़ी करण कार्य ता बारे ते निर्देश” लोप्पा सामंती व्यवस्था ता तख्ता पलट आत्ता पाड़ना ओसो अर्ध-पाड़ना मुक्त इलाकांग लोप्पा जमीन ता दुबारा समान वितरण कीयानाए आयवा जरूरत आत्तास्के भूमिहीन, कम भूमि ओसो बेसता भूमि मतोरगाडल पोयसी लब्बड़ता भूमि वाले किन हियाना तरिका लागू कीसि, पुनर्व्यवस्थिति किसोरे, उचुन जमीन ओसो उत्पादन ता बाकी साधन कुन इंजे वेने सामंती जुआ कांजिसी मत्ता गरीब किसान, खेत मजदूर लोर किन हियाना। मध्यम किसान लोर किन औसत दर्जा ता गरीब किसान लोरा तुलना ते ज्यादा जमीन तासना अनुमति हियानायो। बव इलाकांग लोप्पा सामंती व्यवस्था इंजे वेने मंता अगा सिर्फ जमींदार लोरा जमीन-जायदाद ओसो पाड़ना रकम ता धनी किसान लोरा अतिरिक्त



जमीन-जायदाद ता समान वितरण कीयाना। सब्बे इलाकांग लोप्पा मध्यम किसान ओसो पूना रकम ता धनी किसान लोरा अतिरिक्त जमीन ता पुनर्व्यवस्था कीयाना उद्देश्य ते निज्जमे जरूरत आतास्के ओसो जमीन ता मालिक राजी आतास्के ने अधिग्रहण कीयाना। पूना मुक्त इलाकांग लोप्पा भूमि-सुधार ताकनास्के बोरे वेने मध्यम किसान जमीन ता अधिग्रहण कीयानायो।

6. चीन ता खास ऐतिहासिक, आर्थिक परिस्थितिंग लोप्पटल पुटता चीन ता भूमि सुधार लोप्पा धनी किसान लोरा सवाल उंदी खास रकम ता सवाल मंता। चीन ता धनी किसान ओसो वेल्ले पूंजीवादी देशकुना धनी किसान लोरा नड्मा रेंडु पोल्लोंग ना फर्क मंता - पहली ओरा स्वरूप साधारण रूप ते सामंती ओसो अर्थ सामंती शोषक वर्ग ता स्वरूप ज्यादा मंता ओसो दूसरा धनी किसान अर्थव्यवस्था ता देश ता कृषि अर्थव्यवस्था ते बदे महत्वपूर्ण जागा हिल्लो। चीन लोप्पा जमींदार वर्ग किता सामंती शोषण खिलाफ संघर्ष ताकनास्के व्यापक रूप ते किसान, खेती-मजदूर लोर धनी किसान लोर कीयानास्के सामंती, अर्धसामंती शोषण किन खत्म कीयाना मांग वेने कित्तोर। मुक्ति युद्ध ताकनास्के चीनी कम्युनिस्ट पार्टी धनी किसान लोरा अतिरिक्त जमीन-जायदाद ता अधिग्रहण कीसि किसान लोरा लोप्पा तूसना नीति लागू किता अनि व्यापक गरीब किसान, खेत मजदूर लोरा मांग किन पूरा किता ओसो जनताना मुक्ति युद्ध लोप्पा जीत दोरकी कीयाना गारंटी किता। इदु युद्ध जीत बगिल बद्रम हत्ता अद्रमे चीनी कम्युनिस्ट पार्टी ता केंद्रीय कमेटी फरवरी 1947 ते पूना मुक्त इलाकांग लोप्पा भूमि सुधार काजे पूना नीतिंग तय कियमूडाता। भूमि सुधार किन रेंडु चरण कुने विभाजित कीसि, पहली चरण लोप्पा धनी किसान लोर किन उंदी बगिल कीयाना ओसो मना हमलांग जमींदार लोरा पोरो खासकर बेहरा जमींदार लोरा पोरो केंद्रित कीयाना इंजी वेहताद मंता, दूसरा चरण लोप्पा जमींदार लोरा जमीन तुन समान रूप ते वितरण कीयानास्के, धनी किसान लोर लगान ते हीता ओसो ओरगा अतिरिक्त मत्ता जमीन तुन वेने समान रूप ते वितरण कीयाना। मति धनी किसान लोरा संगे जमींदार लोरकिनकु अलग व्यवहार कीयानायो (इदे ग्रन्थ लोप्पा “पूना मुक्त इलाकांग लोप्पा भूमि सुधार संबंधित उचुक महत्वपूर्ण पोल्लोंग” लोप्पा हूडाटू। चीन लोक गणराज्य ता स्थापना पेरके केंद्रीय जन-सरकार जून 1950 लोप्पा भूमिसुधार कानून घोषित किता। ताना लोप्पा भूमि सुधार कीयानास्के सिर्फ धनी किसान लोरा लगान ते हियाना जमीन ताए आंशिक रूप ते लेवेके पूर्ण रूप ते अधिग्रहण कीयाना ओसो ओरा पिस्ता जमीन ता रक्षा कीयाना इंजी वेहताद मत्ता। समाजवादी क्रांति ता वायना चरण ते कृषि सहकारिता आंदोलन तेज आसोर हत्ता ओसो ग्रामीण अर्थव्यवस्था ता विकास आयोर हत्ता, अद्रमे धनी किसान अर्थव्यवस्था वेने खत्म आसोर हत्ता।

7. इदिना अर्थ उंदी धनी किसान परिवार लोप्पा औसतन उंदी गरीब किसान परिवार तुकू ज्यादा ओसो बेसता जमीन मंता। पूरा देश लोप्पा इद्रमे आल्सतेके चीन ता धनी किसान लोरगा मत्ता उत्पादन साधन कुना मात्रा ओसो अविना कृषि उत्पादन ता

मात्रा वेल्ले कम मत्ता। चीन ता ग्रामीण अर्थव्यवस्था लोप्पा धनी किसान अर्थव्यवस्था ता बदे महत्वपूर्ण जागा हिल्ला मत्ता।

8. जनताना मुक्ति युद्ध ता शुरूआत ते उचुन जनवादी लोकुरा दिमाग ते क्वोमिंगतांग ता नेतृत्व ते ताकना बेहरा जर्मीदार वर्ग, बेहरा पूंजीपति वर्ग ता तानाशाही ओसो चीनी कम्युनिस्ट पार्टी ता नेतृत्व ते ताकना जनता ना जनवादी तानाशाही तुकू अलग उंदी तीसरा हरीं वेने परहका परमूडांता इंजी आल्ससोर मत्तोरा इद तीसरा हरीं असल ते ब्रिटिश, अमेरिका हांचा ते पूंजीपति वर्ग ता तानाशाही तत्ताना हरीं मत्ता।

9. कम्युनिस्ट, मजदूर पार्टींग ना सूचना-ब्यूरो ता स्थापना सितम्बर 1947 ते पोलैंड ता बारसा शहर ते बलगेरिया, कमानिया, हंगरी, पोलैंड, सोवियत संघ, फ्रांस, चेकोस्लोवाकिया, इटली ओसो युगोस्लाविया देश कुना कम्युनिस्ट, मजदूर पार्टींग ना प्रतिनिधिरा उंदी सम्मेलन लोप्पा कित्ताद मत्ता। पेरके जून 1947 ते कमानिया लोप्पा आत्ता उंदी मीटिंग लोप्पा इद ब्यूरो युगोस्लाव कम्युनिस्ट पार्टी ता ब्यूरो तल तेंडसियाना ऐलान क्रियमूडाता, बारंकु इत्तेके अदु मार्क्सवाद-लेनिनवाद विरोधी रुझान पोरो नितसी मत्ता अनि सोवियत संघ, समाजवादी गुट ता विरोध कीयाना रुझान लागू कित्ता। सूचना-ब्यूरो “अन्तरराष्ट्रीय परिस्थितिंग ना बारे ते घोषणापत्र” जारी कित्ता, ताना लोप्पा पूरा दुनिया ता जनता किन साम्राज्यवाद ता गुलाम बने कीयाना योजना खिलाफ तेदना इंजी आह्वान कित्ता। इदे घोषणापत्र ता बारे ते कामरेड माओ त्सेतुंग इगा वेहताद मंता। इदिन सूचना-ब्यूरो ता सितम्बर 1947 ते आत्ता मीटिंग लोप्पा स्वीकार कित्ताद मंता।

# रिपोर्ट हियाना व्यवस्था बने कीयाना ता बारे ते\*<sup>1</sup>

7 जनवरी 1948

बदे घटना तल बचेमायला लेवेक पेरेके सब्बे इलाकांग किन गलतिंग कीयाना तुकू बचे कियाला काजे ओसो क्रांतिकारी युद्ध लोप्पा महान जीत दोरकी कियाला काजे केंद्रीय कमेटी किन टाईम ते सूचना हियाला काजे रिपोर्ट हियाना व्यवस्था दोड़ रास्ता लेक्का बने कित्तोमा इदु इयेंड लागू आया।

1. केंद्रीय कमेटी ओसो अदिना अध्यक्ष निंगा केंद्रीय कमेटी ता हर ब्यूरो ओसो उपब्यूरो बगिल तल हर दो महीना पेरके संश्लेषित रिपोर्ट लोहना जिम्मेदारी ब्यूरो ओसो उपब्यूरो ता सचिव ना मर्दिता (इदु रिपोर्ट बारे सहायक आयवा खुद सचिव रासना)। रिपोर्ट लोप्पा सामरिक,

---

<sup>1</sup> इदु पार्टी निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे तैयार कित्ताद मत्ता। निर्देश लोप्पा तय कित्ता रिपोर्ट हियाना व्यवस्था जनवादी केंद्रीयता किन बचे कीसि तासला ओसो अनुशासनहीनता ओसो अराजकता ता रुझान ता मुकाबला कीयाना केंद्रीय कमेटी ता दीर्घकालीन संघर्ष ता पूना परिस्थिति लोप्पा उंदी विकास मत्ता। अस्के इदु समस्या क्रांतिकारी परिस्थिति लोप्पा वेल्ले प्रगति आसी मत्तांकु खास महत्वपूर्ण मत्ता। बचोनो मुक्त इलाकांग उंदी दूसरा संगे कलियसी मत्तांग, बचोनो शहर मुक्त आसी मत्तांग लेवेके मुक्त कीयाना जन मुक्ति सेना (पीएलए) ओसो जन-मुक्ति युद्ध लोप्पा मुन्ने तुकू बचोनो ज्यादा नियमितता तत्तादु मत्ता। देशव्यापी जीत स्पष्ट दिससोर मत्ता। इदु परिस्थिति ता कारण ते पार्टी लोप्पा ओसो सेना लोप्पा मत्ता अनुशासनहीनता लेवेके अराजकता ता बदे वेने परिस्थिति पोरो जल्दी काबू कीयाना ओसो परताचोन अधिकार कुन केंद्रीय कमेटी कैदे केंद्रित कीयाना जरूरी मत्ता। इदु उद्देश्य किन पूरा कियाला काजे कित्ता महत्वपूर्ण निर्णय कुना लोप्पा उंदी रिपोर्ट हियाना कड़ी व्यवस्था कीयाना। इदु सवाल ता बारे ते इदे ग्रन्थ लोप्पा “1948 ते भूमि सुधार ओसो पार्टी सुदृढीकरण ता काम” हेडिंग वाले लेख ता छटा हिस्सा ओसो “सितम्बर मीटिंग ता बारे ते-चीनी कम्युनिस्ट पार्टी ता केंद्रीय कमेटी ता सरकुलर” पोरोल ता लेख ता चौथा मुद्दा हूडाटू।

राजनीतिक, भूमि-सुधार संबंधित, पार्टी सुदृढिकरण संबंधित, आर्थिक, प्रचार-कार्य संबंधित ओसो सांस्कृतिक गतिविधिग, इव गतिविधिग ताकनास्के वायना समस्यांग ओसो दिस्सना रुझानकु अनि इद्रम समस्यांग किन हल कीयाना तरिकांग किन शामिल कीयाना। हर रिपोर्ट लगभग उंदी हजार शब्द एवनले सीमित मंदाना। बदे विशेष समस्यांग किन विड़चसी बदे वेने रिपोर्ट रेंडु हजार शब्द तुकू ज्यादा मंदानायो। सब्बे सवाल उंदे रिपोर्ट लोप्पा रासा परवेके, उंदी आयवा रेंडु रिपोर्टकु रासना। लेवेके पहली रिपोर्ट लोप्पा उचुक ठोस सवाल कुना पोरो पूरा ध्यान केंद्रित कीयाना ओसो बाकी सवाल कुन संक्षिप्त रूप ते रासना अनि ताना पेरके दूसरा रिपोर्ट लोप्पा पाड़ना बाकी ता सवाल किना पोरो ध्यान केंद्रित कीसोरे पाड़ना ध्यान हीता सवाल कुना पोरो संक्षिप्त रूप ते रासना। संश्लेषित रिपोर्ट विषय-वस्तु ता दृष्टि ते संक्षिप्त ओसो भाषा ता दृष्टि ते सरल मंदाना। ताना लोप्पा समस्यांग लेवेके विवादित सवाल कुन वेहचियाना। हर रिपोर्ट विषम संख्या वाले महीना ता शुरू ते रासिस टेलिग्राम ते लोहना। इद रिपोर्ट उंदी नियमित रिपोर्ट आंदू ओसो हिदायत काजे उंदी नियमित अनुरोध आंदू। इदिन केंद्रीय कमेटी ओसो अदिना अध्यक्ष निगा लोहना व्यक्तिगत जिम्मेदारी हर ब्यूरो ओसो उपब्यूरो ता सचिव ना मंता। सचिव मोर्चा ते सामरिक गतिविधिग ना निर्देशन किसोर मत्तास्के ओरु तम्मा व्यक्तिगत रिपोर्ट संगे-संगे तन्ना कार्रवाई सचिव लेवेके उपसचिव किन पृष्ठभागीय इलाकांग ना गतिविधिग ना बारे ते रिपोर्ट लोहना अधिकार हियाना। खास मौका ने लोहना रिपोर्ट ओसो सलाह एतला काजे पोरो वेहता रिपोर्ट ओसो पोरो वेहता मांग कुना श्रेणी ते वायोंग ओसो इद्रम ता रिपोर्ट इद्रम ता मांग किन केंद्रीय कमेटी किन लोहना हर ब्यूरो ओसो हर उपब्यूरो किन मुन्ने लेक्कने जारी तासना।

नीति संबंधित नियमित संश्लेषित रिपोर्ट ओसो मार्गदर्शन एतला काजे कीयाना नियमित मांग कुना इद व्यवस्था किन माटू बारांकू क्रिया लागता इत्तेके मना पार्टी ता सातवीं राष्ट्रीय कांग्रेस पेरके वेने, ब्यूरो लेवेके उपब्यूरो ता उचुन कामरेड्स हर घटना आत्ता मुन्ने लेवेके पेरके केंद्रीय

कमेटी किन रोपोर्ट लोहना ओसो ताना सलाह एतना जरूरत किन समझेमायोर, ओरु केवल तकनीकी मद्दांग पोरु ने सलाह एतितोर अनि रिपोर्टकु लोहितोर, अद्रमासी (गौण लेवेके तकनीकी रकम ता आयो) ओरा प्रमुख गतिविधिंंग ओसो नीतिंग ना बारे ते केंद्रीय कमेटी किन स्पष्ट जानकारी ओसो परताचोन स्पष्ट जानकारी दोरको आंता। अद्रमासी उचुक पोल्लोंग ना बारे ते जानकारी दोरकिंता लेवेके दोरका परवो वेने आंता, इद्रम आसी बस्के अदिना हल आयो आंता लेवेके मुशिकल आंता, बस्के-बस्के हल आयावा मुन्ने ने माकिन नुकसान आत्ताद मंदिंता। बद ब्यूरो ओसो उपब्यूरो मुन्ने ने सलाह एतसी मंदिंता अदु इद्रम ता नुकसान आयला हीताद हिल्ले लेवेके नुकसान कुन कम आत्ताद मंता। साल ता शुरू कीसि पार्टी ता सब्बे नेतृत्वकारी संस्थांग तम्मा पोरुटा स्तर तुकू मुन्ने सलाह एतना ओसो पोरुटा स्तर तुकू रिपोर्ट लोहवा मंदांना गलत आदत किन दूर कीयाना। ब्यूरो ओसो उपब्यूरो केंद्रीय कमेटी बगिल तल सौंपे कित्ता काम किन पूरा कियाला काजे नियुक्त कित्ता देगवा हिल्ला युनिट आंदू। अदिना केंद्रीय कमेटी संगे परताचोन घनिष्ठ संपर्क मंदांना जरूरी मंदिंता। इद्रमे पार्टी ता प्रांतीय कमेटींग, प्रादेशिक कमेटींग, केंद्रीय कमेटी ता ब्यूरो, उपब्यूरो संगे घनिष्ठ संपर्क तासना जरूरी मंदिंता। इंजे क्रांति उंदी पूना लहर ते नेंगा मंता, अदेनके इद संपर्क किन मजबूत बने कीयाना वेल्ले जरूरी आत्ता।

2. युद्ध मैदान ते मत्ता सेना ओसो फौजी इलाकांग ना नेता लोरा काजे सही टाईम ते फौजी कार्रवाई संबंघित नीतिंग ना रिपोर्ट हियांना ओसो ओरा बारे ते सलाह एतना कर्तव्य तुन पूरा कियाला ओसो लड़ाई ता फायदा, नुकसान, गोला-बारूद ता खपत ओसो सेनांग ना असली बल ता बारे ते रिपोर्ट हियांना मुन्नेटले तय आत्ता कर्तव्य किन पूरा कीयानाए आयवा, इयेंड शुरू कीसि हर दूसरा महीना नीति संबंघित उंदी संश्लेषित रिपोर्ट लोहचोर मंदांना ओसो सलाह एतसोर मंदांना। इविना लोप्पा इव विषय कुना सुरता तासना - सैनिक अनुशासन ता स्थिति, ओरा रहन-सहन ता स्थिति, कमांडर, योद्धा लोरा स्थिति, ओरा नडमा बदे भटकाव दिस्तेके भटकाव कुना जांच कीयाना ओसो दूर कीयाना नीतिंग, तकनीक ओसो

युद्ध कला ता विकास, दुश्मन ता सेना ता कमजोरी ओसो मजबूती ओसो हिम्मत, साहस लेवेके हार, मना सेना ता राजनीतिक कार्य, मना सेना ता भूमि-नीति, शहरी नीति ओसो बंदी संबंधित नीतिंग लागू कीयाना स्थिति ओसो इव नीतिंग किन लागू कीयाना लोप्पा वायना भटकावकुना पोरो काबू कियाला काजे लागू कित्ता तरिकांग, सेना ओसो जनता नड़मा ता संबंध, जनता ना अलग-अलग समूह कुना लोप्पा मत्ता रुझानकु मंदितांग। इव रिपोर्ट कुना लम्बाई, इविन रासना तरिका ओसो इविन लोहनास्के वेने केंद्रीय कमेटी ता ब्यूरो ओसो उपब्यूरो काजे तय लेक्काने कीयाना। रिपोर्टकाजे तय कित्ता टाईम (इत्तेके हर विषम संख्या वाला महीना ता शुरू ता दिव्या) वात्तास्के घमासान लड़ाई ताकसोर मत्तास्के रिपोर्ट लोहना टाईम उचुन दिव्या पेरके-मुन्ने आया परिंता, मति इद्रमता परिस्थिति ते लेट आयना ता कारण वेने वेहाना। रिपोर्ट लोप्पा राजनीतिक कार्य ता हिस्सा ता मसौदा सेना ता राजनीतिक विभाग ता निर्देशक तैयार कीयाना, फौजी कमांडर ओसो राजनीतिक कमिसार अदिन जांच ओसो सुधरे कीयाना ओसो मुव्वुरासी ना ताना पोरो दस्तखत मंदाना। इद रिपोर्ट पार्टी ता फौजी कमीशन ता अध्यक्ष निगा टेलिग्राम ते लोहना। नीति संबंधित इव संश्लेषित रिपोर्ट कुना जरूरत वेने ब्यूरो ओसो उपब्यूरो ता रिपोर्ट कुना लेक्काने जरूरत मंदिता।

# पार्टी ता वर्तमान नीति संबंधित उचुक महत्वपूर्ण समस्यांग\*<sup>1</sup>

18 जनवरी 1948

## 1. पार्टी लोप्पा मत्ता गलत रुझान कुना खिलाफ संघर्ष कीयाना समस्या

दुश्मन ता ताकत किन ज्यादा आंकलन कीयाना तुकू विरोध कीमुटा उदाहरण तुकू- अमेरिका साम्राज्यवाद तुकू वेरियाना, लड़ाई किन क्वोमिंगतांग इलाका लोप्पा ओयना तुकू वेरियाना, दलाल-सामंती व्यवस्था किन खत्म कीयाना, जमींदार लोरा जमीन ता समान वितरण कीयाना ओसो नौकरशाही पूंजी तुन जब्त कीयाना तुकू वेरियाना, दीर्घकालीन युद्ध तुकू वेरियाना, लेक्कटवु। इव सब्बे गलत रुझानकु आंदुंगा। साम्राज्यवाद पूरा दुनिया लोप्पा ओसो प्रतिक्रियावादी च्यांग काई-शेक गुट ता शासन चीन लोप्पा कड़ियसी पुड़ियताद मंता। अद्रमासी ताना बदे पिस्वले हिल्ले। मनगा ओरकिन सूडला समझेमायना कारण मंता ओसो मना देश लोप्पा ओसो बाहर चीनी जनता ना सब्बे दुश्मन किन हारे कियाकोम इंजी विश्वाम मंता। मति हर अंश ता दृष्टि ते हर ठोस, संघर्ष (सैनिक, राजनीतिक, आर्थिक लेवेके विचारधारात्मक संघर्ष) ता दृष्टि ते माटू दुश्मन किन अंगडम इनपड़े समझेमायनायो, इदिन विपरित, माटू दुश्मन ता पूरा जानकारी कोंडा ते तासना अनि मना सब्बे ताकत कुन लड़ाई लोप्पा केंद्रित कीयाना, अस्केने जीड़ा परितोमा। माटू रणनीतिक रूप

---

\* इद पार्टी निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे तैयार कीसि मत्तोर। इदे ग्रन्थ लोप्पा "वर्तमान परिस्थिति ओसो मना कार्य" हेडिंग ता लेख ता परिचयात्मक टिप्पणी।

ते दुश्मन किन सूडला समझेमायना ओसो दूसरा बगिल हर अंश ता दृष्टि ते हर ठोस समस्या ता दृष्टि ते दुश्मन किन इनपड़े सूडला समझेमायनायो। हर रकम ते माटू मना दुश्मन ता ताकत किन ज्यादा हूडतेके ओरा तख्ता पलट कीवेके जीत दोरकी कीवेके माटू दक्षिणपंथी अवसरवादी गलती कियाकोम। हर अंश ता दृष्टि ते हर ठोस, समस्या ता दृष्टि ते माटू बुद्धिजीवीरा संगे काम कीवेके, संघर्ष कला ता सावधानी ते अध्ययन कीवेके, मना सब्बे ताकत किन लड़ाई काजे केंद्रित कीवेके, मना सब्बे दोस्त लोर (मध्यम किसान, सुडला स्वतंत्र दस्तकारी, व्यापारि, मध्यम पूंजीपति वर्ग, विद्यार्थि, अध्यापक, प्रोफेसर, साधारण बुद्धिजीवि, साधारण सरकारी कर्मचारि, आजाद पेशा वाले लोकुर ओसो जागृत शरीफजादा लोर) किन मना पक्ष ते कीयाना पोरो ध्यान हीवेके माटू “वामपंथी” अवसरवादी गलती कियाकोम।

पार्टी लोप्पा “वामपंथी” ओसो दक्षिणपंथी भटकाव कुना मुकाबला कियाला काजे माटू मना नीतिंग किन ठोस परिस्थिति अनुसार तय कीयाना। उदाहरण तुकू सेना किन जीत दोरकतास्के “वामपंथी” भटकाव कुनल सतर्क मंदा ओसो हारेमात्तास्के ओसो बचोनो हारकु आत्तास्के दक्षिणपंथी भटकाव कुनल सतर्क मंदाना। भूमि सुधार ताकनास्के बेगटा जन समूह किन इंजे बेस जागृत कित्ताद हिल्ले ओसो संघर्ष ता इंजे विकास आत्ताद हिल्ले अगा दक्षिणपंथी भटकाव कुना मुकाबला कीयाना। बेगटा जन समूह किन बेस जागृत कित्ताद मंता ओसो संघर्ष ता विकास आत्ताद मंता अगा वामपंथी भयकाव कुनल सतर्क मंदाना।

## 2. भूमि सुधार ओसो जन आंदोलन कुना लोप्पा नीति संबंधित उचुक ठोस समस्यांग

1) गरीब किसान ओसो खेत मजदूर लोरा हित ओसो गरीब किसान संघ किना नेतृत्वकारी भूमिका ते माटू सबसे मुन्ने ध्यान हियाना। मना पार्टी भूमि-सुधार ता काम गरीब किसान ओसो खेत मजदूर संगे कीयाना।



ओरकिन किसान सभाग लोप्पा ओसो ग्रामीण इलाकांग ना राजसत्ता ता संगठनकुना लोप्पा नेतृत्वकारी भूमिका निभे कीयाना मौका हियाना। इद अग्रवर्ती भूमिका ता अर्थ संघर्ष काजे मध्यम किसान लोरा संगे एकता कीयाना आंदु, मध्यम किसान लोर किन उंदी बगिल कीसि पूरा काम लोप्पा तम्मा इजारेदारी कीयाना आयो। मध्यम किसान लोरा बहुसंख्या मत्ता ओसो गरीब किसान अनि खेत मजदूर अल्पसंख्या ते मत्ता पाड़ना मुक्त इलाकांग लोप्पा मध्यम किसान लोरा स्थिति महत्वपूर्ण मंता। “गरीब किसान ओसो खेत-मजदूर देश तुन जीड़ितोर ओसो ओरे देश पोरो शासन कीयाना” - इद नारा गलत मत्ता। नाटे खेत मजदूर, गरीब किसान, मध्यम किसान ओसो बाकी मेहनतकश लोकुर एकताबद्ध आसी, चीनी कम्युनिस्ट पार्टी ता नेतृत्व ते देश जीड़ितोर ओरे देश पोरो शासन कीयाना। सिर्फ गरीब किसान ओसो खेत-मजदूर लोरे देश जीड़ा परवोर अद्रमासी सिर्फ ओरे देश पोरो शासन कीयानायो।

पूरा देश ता दृष्टि ते आल्सतेके मजदूर, किसान (पूना धनी किसान काल्पसी), सुडला स्वतंत्र दस्तकार, व्यापारी, प्रतिक्रियावादी ताकत कुनल उत्पीड़ित आत्ता मध्यम ओसो सुडला पूंजीपति, विद्यार्थी, अध्यापक, प्रोफेसर, साधारण बुद्धिजीवी, आजाद पेशा वाले लोकुर, जागृत शरीफजादा, साधारण सरकारी कर्मचारि, उत्पीड़ित अल्पसंख्यक राष्ट्रीयताकु ओसो प्रवासी चीनी सब्बे मजदूर वर्ग ता (कम्युनिस्ट पार्टी ता माध्यम ते) नेतृत्व ते एकता आसी देश पोरो शासन कीयाना। सिर्फ मुडामेंड लोकुर देश पोरो शासन किया परवोर, ओसो इद्रम कीयानाए गलत आंता।

2) माटू मध्यम किसान लोरा पोरो बदे वेने रकम ता दुस्साहसवादी नीति लागू कीयानायो। मध्यम किसान ओसो बाकी समूह कुना लोकुरा वर्ग चिह्नित कीयाना लोप्पा गलत निर्णय कित्तोम इतेके अद गलती किन जरूर सुधरे कीयाना। ओरा बदे सम्पत्ति ता कब्जा कीसि तूसी मत्तेके अदिन परताचोन वापिस कीयाना। मध्यम किसान लोर किन किसान प्रतिनिधिरा कैडर तल किसान कमेटींग नल अलग तासना रुझान ओसो भूमि सुधार संबंधित संघर्ष ताकनास्के गरीब किसान ओसो खेत मजदूर लोरा पक्ष ते

नित्तना रुझान किन सुधरे कीयाना। आमदनी ता उंदी हिस्सा शोषण संगे दोरकी कीयाना किसान लोर, आमदनी ता 25 प्रतिशत तुकू कम मत्तेके ओरकिन मध्यम किसान वर्ग ते तासना ओसो इदिनकु ज्यादा आमदनी मत्तेके धनी किसान वर्ग ते तासना।' खुशहाल मध्यम किसान लोरा जमीन वितरण मालिक लोरा अनुमति लेवा कीयानायो।

3) माटू मध्यम ओसो सुडला उद्योगपति, व्यापारिरा बारे ते बदे वेने रकम ता दुस्साहसवादी नीति लागू कीयानायो। हत्ता कालम ते मुक्त इलाकांग लोप्पा लागू कित्ता नीति अनुसार राष्ट्रीय अर्थव्यवस्था काजे फायदा मत्ता सब्बे निजी उद्योग-व्यापार विकास ता रक्षा कीसि अविना विकास काजे इनाम हित्तादू सही मत्ता अदिन वायना कालम ते वेने जारी तासना। जर्मीदार, धनी किसान लोर किन उद्योग-वाणिज्य ते बदले कियाला काजे प्रोत्साहन हियाना नीति वेने (लगान, सूद कम कीयानास्के लागू कित्ताद मत्ता) सही मत्ता, इद्रम ता बदलाव कु उंदी “धोखा” समझेमासी अदिना विरोध कीयाना ओसो इद्रम बदलाव कित्ता सम्पत्ति किन जब्त कीयाना वितरित कीयाना गलत मंता। जर्मीदार, धनी किसान लोरा औद्योगिक, व्यापारिक कारोबार कुना रक्षा कीयाना, सिर्फ नौकरशाही-पूंजी ओसो असली प्रतिक्रांतिकारी स्थानीय निरंकुश तत्व कुना औद्योगिक, व्यापारिक कारोबार कुने जब्त कियमूझायार। जब्त कित्ता औद्योगिक, व्यापारिक कारोबार कुना लोप्पा राष्ट्रीय अर्थव्यवस्था काजे फायदा मत्ता, राज्य ओसो जनता ना अधिकार ते वात्ता पेरके लगातार ताकसोर मत्ता, अविन बंद आयला लेवेके बिखरेमायला हियानायो। राष्ट्रीय अर्थव्यवस्था काजे फायदा मत्ता उद्योग-वाणिज्य पोरो टैक्स अदिना विकास तुकू बाधा आयवा लेक्का वाटना। हर सार्वजनिक कारोबार लोप्पा प्रशासन ओसो ट्रेड यूनियन प्रबन्ध-कार्य किन सुदृढ़ कियाला काजे उंदी संयुक्त प्रबन्ध समिति बने कीयाना। इदिना लोप्पा लगात कम कीयाना ओसो उत्पादन बेरसी कीयाना, सार्वजनिक, व्यक्तिगत हित कुना बगिल ध्यान हियानदु मंदाना। निजी पूंजीवादी कारोबार किन वेने इद्रमे काम ते तत्ताला कोशिश कीयाना, ताना लोप्पा

लगात कम कीयाना ओसो उत्पादन बेरसी कीयाना, श्रम ओसो पूंजी किन फायदा कीयाना। मजदूर लोरा पिस्वल सुधरे कीयाना जरूरी मंता, मति ज्यादा वेतन ओसो सुविधांग हियाना तुकू बचेमायना।

4) माटू विद्यार्थीर, अध्यापक, प्रोफेसर, वैज्ञानिक कार्यकर्ता लोर, कलाकार ओसो साधारण बुद्धिजीविरा बारे ते बदे वेने रकम ता दुस्साहसवादी नीति लागू कीयाना तुकू बचेमायना। चीन ता विद्यार्थी आंदोलन ओसो क्रांतिकारी संघर्ष कुना अनुभव तल लोकुरा उंदी हिस्सा क्रांति लोप्पा हिस्सा एता परिंता लेवेके शामिल आयवा मंदिता इंजी साबित आंता, कट्टर प्रतिक्रियावादिरा संख्या वेल्ले कम मंता। अदिन काजे मना पार्टी विद्यार्थीर, अध्यापक, प्रोफेसर, वैज्ञानिक कार्यकर्ता लोर, कलाकार ओसो साधारण बुद्धिजीविरा बारे ते वेल्ले सतर्कता ता रुझान लागू कीयाना। माटू ओरा अलग-अलग परिस्थिति किन ध्यान ते तासिसी ओरा संगे एकता कीयाना। ओरकिन शिक्षित कीयाना ओसो नियुक्त कीयाना। माटू ओरा लोप्पाटल सिर्फ मुट्टामेंड कट्टर प्रतिक्रांतिकारी लोरा पोरो ने पूरा जन दिशा लागू कीयाना।

5) जागृत शरीफजादा लोरा समस्या ता बारे ते। जापानी आक्रमण विरोधी युद्ध ताकनास्के मुक्त इलाकांग ना राजसत्ता ता संगठन (प्रतिनिधि सभाग ओसो सरकार) लोप्पा मना पार्टी ता जागृत शरीफजादा लोरा संगे एकता कीयाना जरूरी मंता। इद्रम कीयानादु सफल आत्ता। जागृत शरीफजादा लोर मना पार्टी संगे मुश्किल ओसो तिप्पल ते मंतोर ओसो निज्जमे वेल्ले योगदान वेने हीतोर ओरा अलग-अलग परिस्थिति किन हूडसी ओरा खास ध्यान तासना। तीना लोप्पा भूमि सुधार तुन बदे नुकसान आयनायो। बोरु राजनीति ता दृष्टि ते तुलनात्मक रूप ते बेस मंतोर ओसो सुयोग्य वेने मंतोर ओरकिन उच्च सरकारी संगठन लोप्पा मंदाला हियाना ओसो पूरा कार्य सौंपे कीयाना। बोरु राजनीतिक दृष्टि ते तुलनात्मक रूप ते बेस मंतोर मति सुयोग्य मंतोर ओरा पिस्वल ता गारंटी हियाना। खुद जर्मीदार लेवेके धनी किसान मंतोर वीरा पोरो जनता ना गंभीर होंग मंता ओरकिन सामंती जमीन जायदाद ता भूमि कानून अनुसार तूसना। मति वीरु

संघर्ष ता निशाना बनेमायावा लेक्का हूडना। मौका दोरकी कीसि मना राजसत्ता ता संगठन लोप्पा वांतोर ओसो हमेशाए गलत मंदितोर, जनता ना काजे उचुन वेने काम वायोर ओरा पोरो व्यापक जनता लोप्पा वेल्ले होंग मंता, जन अदालत कुन सौंपे कीयाना अनि मुकदमा ताकी कीसि स्थानीय निरंकुश तत्व कुना लेक्काने सजा हियाना।

6) मनम पूना धनी किसान ओसो पाड़ना धनी किसान<sup>2</sup> लोरा नड़मा अंतर कीयाना। लगान, सूद कम कीयानास्के, पूना धनी किसान ओसो खुशहाल मध्यम किसान लोर किन प्रोत्साहन हियाना, मध्यम किसान लोरकिन आश्वासन हियाना ओसो मुक्त इलाकांग ना कृषि उत्पादन ता विकास कीयाना दृष्टि ते कारगर साबित आत्ता। जमीन ता समान विकास कित्ता पेरके माटू किसान लोरकिन उत्पादन ता विकास कीयाना इंजी आह्वान कीयाना। ताना लोप्पा ओरकिन वेल्ले तिंदना-उंडना, कपड़ा-लत्ता दोरकियर। ओरकिन कृषि लोप्पा आपसी सहायता ओसो सहकारिता पोरो अमल कीयाना संगठन बने कीयाना इंजी सलाह हियाना। श्रम-विनिमय दल, आपसी-सहायता दल ओसो कार्य-विनिमय दल लेक्कटवु। जमीन ता समान वितरण कीयानास्के, पाड़ना मुक्त इलाकांग पूना धनी किसान लोरा संगे वेने खुशहाल मध्यम किसान लोरा लेक्काने व्यवहार कीयाना, ओरा जमीन ता बंटवारा मालिक ना अनुमति लेवा कीयानायो।

7) पाड़ना मुक्त इलाकांग ना जमींदार, धनी किसान लोर लगान ओसो सूद कम कीयानास्के तम्मा रहन-सहन ता तरिकांग बदले कित्तोर ओरा लोप्पा बोर पांच साल लेवेके ज्यादा कालम एवनल शरीफजादा लोरा लेक्का काम कित्तोर ओसो बोर धनी किसान लोरा परिस्थिति तीन साल लेवेके ज्यादा कालम तले मध्यम किसान लेवेके गरीब किसान लेक्का मंता ओरा वर्ग वर्तमान परिस्थिति अनुसार ओरा बेसता व्यवहार हूडसी बदलेमाया परिंता। बोर इंजे वेल्ले ज्यादा अतिरिक्त सम्पत्ति ता मालिक मंतोर, ओरु तम्मा अतिरिक्त सम्पत्ति किन किसान लोरा मांग अनुसार सौंपे कीयाना।

8) भूमि सुधार ता केंद्र इतेके सामंती वर्ग ता जमीन ओसो ओरा बाकी सम्पत्ति (तीना लोप्पा अनाज, मवेशी, खेती-औजार शामिल मंतांग) ता समान वितरण कीयाना मंता। (धनी किसान सिर्फ तम्मा अतिरिक्त जमीन ओसो सम्पत्ति तुने सौंपे कीयाना), माटू भूमि ते मिस्सता धन ता खोज कीयाना संघर्ष पोरो ज्यादा जोर हियानायो। खासकर इदिना कारण ते काम पोरो बाधा वांता इतेके इदिना खोज पोरो ज्यादा टाईम वेस्ट कीयानायो।

9) जमींदार, धनी किसान लोरा संगे मनम भूमि कानून इसाब ते अलग-अलग व्यवहार कीयाना।

10) जमीन समान वितरण कीयाना उसूल कुना ढांचा लोप्पा माटू बेहरा, मध्यम ओसो सुडला जमींदार लोरा संगे अलग-अलग व्यवहार कीयाना ओसो उंदी हिसाब ते स्थानीय निरंकुश तत्व ओसो इद्रम हिल्ला वेने मंदिंतोर इद्रम ता जमींदार ओसो धनी किसान लोरा संगे वेने अलग-अलग व्यवहार कीयाना।

11) क्रांतिकारी व्यवस्था निल्पी कीसि तासला काजे जन अदालत कु वेल्ले क्रूर अपराध कित्ता मुद्रामेंड कट्टर अपराधिरा पोरो गंभीरतापूर्वक मुकदमा ताकी कीयाना वेल्ले जरूरत मंता। इद्रम तोर किन सजा हियाना, सरकार संगठनकु (काउंटी स्तर ते लेवेके उपक्षेत्र स्तर ते संगठित कित्ता कमेटींग) ओरकिन फैरिंग कीसि हौकला अनुमोदन कीयाना ओसो ओरकिन हीता मृत्यु-दंड ता ऐलान कीयाना। इदु इद समस्या ता सिर्फ उंदी पहलू आंदू। इदिना दूसरा पहलू माटू कम से कम मानेय ना जीवा एतना पोरो जोर हियाना, अंधाधुंध हौकना किन सखित ते मना कीयाना। ज्यादा लोकुरा जीवा एतना ओसो अंधाधुंध हौकना ता रूझान गलत मंता, इद्रम कीतेके सिर्फ मना पार्टी दूसरोरा समर्थन पोहियर, आम जनता तल संबंध देहियर अनि अलगाव ता परिस्थिति ते वायरा जन अदालत कुना लोप्पा मुकदमा ताकी कीयाना ओसो सजा हियाना तरिका (भूमि कानून ता रूपरेखा लोप्पा तय कित्ता संघर्ष ता उंदी रूप आंदू) किन गंभीरतापूर्वक अमल कीयाना, इदु किसान समुदाय ता उंदी शक्तिशाली हथियार आंदू,

इदिन जमींदार, धनी किसान लोरा सबसे खराब तत्व पोरो हमला कियाला काजे इस्तेमाल कीयाना आंता, इदिना संगे अंधाधुंध मारपीट कीयाना लेवके हौकला काजे इस्तेमाल कीयाना गलती तुकू बचेमायमूड़ांता। सही कालम वात्तास्के (भूमि संघर्ष तेज आत्तास्के) माटू आम जनता किन तम्मा खुद ता दीर्घकालीन हित कुन समझेमायना इंजी वेहाना - युद्ध संबंधित कोशिश कुन ओसो भूमि सुधार किन तहस-नहस कीयाना जिद्द कियवा मंदाना ओसो पूरा देश लोप्पा करोड़ों संख्या मत्ता (ग्रामीण ता लगभग 36 करोड़ आबादी लोप्पा लगभग 3 करोड़ 60 लाख मंता) जमींदार लोर, धनी किसान लोर किन देश ता श्रमशक्ति समझेमायना, ओरकिन पिस्सला हियाना ओर किन सुधरे कीयाना। मना काम सामंती व्यवस्था किन तेहकसी वाटनदु मंता, जमींदार लोर किन उंदी वर्ग रूप ते खत्म कीयाना, व्यक्ति रूप ते आयो। माटू मना भूमि कानून ता अनुसार उत्पादन साधन ओसो पिस्वल पिस्सना साधन हियाना मति इवु किसान लोरकिनकु ज्यादा हियानायो।

12) माटू उचुन गंभीर गलतिंग कित्ता कार्यकर्ता लोर, पार्टी सदस्य लोर ओसो मजदूर, किसान लोरा नड़मा मत्ता लब्बड़ तत्व कुना आलोचना कियना ओसो अविना खिलाफ संघर्ष कीयाना। इद्रम ता आलोचनांग ओसो संघर्ष ताकनास्के माटू आम जनता किन सही तरिकांग सही तरिका ते लागू कीयाना ओसो जल्दबाजी कार्रवाइंग कीयाना तुकू बचेमायना इंजी समझे कीयाना। इद समस्या सिर्फ उंदी पहलू आंदा, इदिना दूसरा पहलू इद्रम ता कार्यकर्ता लोर, पार्टी-सदस्य लोर ओसो बुरे तत्व कु आम जनता तल बदला एतना कार्रवाइंग कीयानायो इंजी किरिया कीयाना। आम जनता किन सिर्फ स्वतंत्र रूप ते ओरा आलोचना कीयाना अधिकार मंता। जनता किन जरूरत आत्तास्के पद तिंची गुचिह कीयाना ओसो पार्टी तल बाहर कीयाना प्रस्ताव पेश कीयाना अधिकार मंता। सबसे दुष्ट तत्व कुन मुकदम्मा ताकी कीयाना सजा हियाला काजे जन अदालत किन सौंपे कीयाना अधिकार वेने मंता।

### 3. राजसत्ता ता समस्या ता बारे ते

1. नवजनवादी राजसत्ता साम्राज्यवाद ओसो सामंतवाद खिलाफ आम जनता ना उंदी मजदूर वर्ग नेतृत्व वाले राजसत्ता आंदू। इगा आम जनता लोप्पा मजदूर वर्ग, किसान वर्ग, शहरी निम्न-पूंजीपति वर्ग ओसो साम्राज्यवाद अनि प्रतिक्रियावादी क्वोमिंगतांग शासन ता प्रतिनिधित्व कीयाना नौकरशाह-पूंजीपति वर्ग (बड़े पूंजीपति वर्ग) ओसो जमींदार वर्ग ता उत्पीड़न ता शिकार आसी मत्ता राष्ट्रीय पूंजीपति वर्ग शामिल मंता। आम जनता ना मुख्य दस्ता लोप्पा मजदूर, किसान (सैनिक, मुख्य रूप ते वर्दीधारी किसान लोरे मंतोर) ओसो बाकी मेहनतकश लोकुर शामिल मंतोर। आम जनता तन्ना खुद ता राज्य (चीन लोक गणराज्य) ता स्थापना कीता अनि इद राज्य ता प्रतिनिधित्व कियालाकाजे उंदी सरकार (चीन लोक गणराज्य ता केंद्रीय सरकार) ता स्थापना कीता। मजदूर वर्ग तन्ना हिरावल दस्ता चीनी कम्युनिस्ट पार्टी संगे आम जनता ना इद राज्य लोप्पा ओसो अदिन सरकार लोप्पा तन्ना नेतृत्व किन लागू कीता। इद लोक गणराज्य ओसो इदिना सरकार विरोध कीयाना दुश्मन विदेशी साम्राज्यवाद ओसो स्थानीय क्वोमिंगतांग प्रतिक्रियावादी अनि क्वोमिंगतांग प्रतिक्रियावाद ता प्रतिनिधित्व कीयाना नौकरशाह पूंजीपति ओसो जमींदार वर्ग शामिल मंतांग।

2. चीन लोक गणराज्य लोप्पा सत्ता लागू कीयाना संगठन अलग-अलग स्तर ता जन-प्रतिनिधि सभाग ओसो इव जन-प्रतिनिधि सभाग चुने कित्ता अलग-अलग स्तर ता सरकारकु आंदुंग।

3. वर्तमान ते ग्रामीण इलाकांग लोप्पा माटू किसान लोरा मांग कुना अनुसार, शांग लेवेके नाहकुना सरकार चुने कियाला काजे श्यांग लेवेके नाहकुना किसान लोरा सम्मेलन कीयाना ओसो जिला सरकार चुने कियाला काजे जिला ता किसान लोरा प्रतिनिधि-सम्मेलन केयना। काउंटी लेवेके म्युनिसिपल स्तर ता सरकारकु लेवेके इदिनकु पोरो स्तर ता

सरकारकु सिर्फ ग्रामीण किसान लोरा प्रतिनिधित्व आयवा कस्बा, काउन्टी-केंद्र, प्रांतीय राजधानिंग ओसो बेहरा औद्योगिक, व्यापारिक शहर कुना सब्बे समूह, व्यवसाय कुना लोकुरा वेने प्रतिनिधित्व कीतांग। अदिन काजे माटू काउंटी, म्युनिसिपल, प्रांतीय, हंदी इलाकांग ना स्तर ते जन प्रतिनिधि सभाग केयाना। इवु तम्मा-तम्मा स्तर ते सरकार चुने किया परितांग। वायना कालम ते पूरा देश लोप्पा क्रांति जीइतेके केंद्रीय सरकार, सब्बे स्तर ता स्थानीय सरकारकु अलग-अलग स्तर कुना जन प्रतिनिधि सभाग चुने कीयाना।

#### 4. क्रांतिकारी संयुक्त मोर्चा ते नेतृत्व कियानोरा ओसो अदिना नेतृत्व ते काम कियानोरा आपसी संबंध कुना समस्यांग

नेतृत्व कीयाना वर्ग ओसो नेतृत्व कीयाना पार्टी रेंडासी तम्मा नेतृत्व ते काम कीयाना वर्ग, समूह, राजनीतिक पार्टींग, जन-संगठन कुना पोरो तम्मा नेतृत्व कियाला काजे रेंडु शर्त कुना पूरा कियाना:

क) मना नेतृत्व दोड़ काम कियानोर (मना दोस्त वर्गकुना) नेतृत्व कीसि सब्बेतोरा उंदि मंदना दुश्मन खिलाफ दृढ़तापूर्वक संघर्ष कीयाना ओसो जीत दोरकी कीयाना,

ख) मना नेतृत्व ते काम कियानोरकिन भौतिक फायदा हियाना, लेवेके कम से कम ओरा हित कुन नुकसान कीयानायो संगेने ओरकिन राजनीतिक शिक्षा हियाना।

इव रेंडु शर्त कुम पूरा कियवा लेवा ओसो इविना लोप्पा उंदि शर्त पूरा कीसि नेतृत्व किया परमूडायो। उदाहरण तुकू कम्युनिस्ट पार्टी मध्यम किसान लोरा नेतृत्व कियाला काजे ओरु मना संगे कलियसी सामंती वर्ग खिलाफ दृढ़तापूर्वक संघर्ष कीयाना लेक्का ओसो (जमींदार लोरा सशस्त्र ताकत कुन नष्ट कीसोरे ओरा जमीन कुना समान वितरण कीसोरे) जीत दोरकी कीयाना लेक्का व्यवहार कीयाना। दृढ़तापूर्वक संघर्ष कियवेके, संघर्ष कित्ता पेरके वेने जीत दोरकवेके मध्यम किसान डुलमुल आयारा। इदे



आयवा माटू जर्मीदार लोरा जमीन, बाकी अतिरिक्त सम्पत्ति ता उंदी हिस्सा गरीब किसान लोरा लोप्पा तूसना अनि खुशहाल मध्यम किसान लोरा हित कुन नुकसान कीयानायो। किसान सभाग ओसो श्यांग सरकार, जिला सरकार कुना लोप्पा माटू मध्यम किसान लोरा सक्रिय तत्व कुन काम ते वाटना ओसो ओरा काजे सही कोटा तय कीयाना (उदाहरण तुकू कमेटी-सदस्या लोरा लोप्पा एक तिहाई लोकर ओराए लोप्पटल पोय्यना)। मध्यम किसान लोरा वर्ग ता निर्णय कीयानास्के गलती कीयानायो। भूमि-कर ओसो सिविलियन युद्ध-सेवा ता बारे ते न्यायोचित रुझान लागू कीयाना। संगेने मध्यम किसान लोरकिन राजनीतिक शिक्षा वेने हियाना। माटू इव सब्बे पोल्लोंग पोरो अमल कीवेके मध्यम किसान लोरा समर्थन दोरकी किया परवोम। शहर कुना लोप्पा मजदूर वर्ग, कम्युनिस्ट पार्टी वेने मध्यम पूंजीपति वर्ग, जनवादी पार्टींग, जन-संगठन कुना पोरो (प्रतिक्रियावादी ताकत कुना उत्पीड़न संगे उत्पीड़ित आसोर मत्तावु) मना नेतृत्व ते लागू कीयानास्के इद्रमे कीयाना।

## नोट

1. ग्रामीण इलाकांग लोप्पा वर्ग विश्लेषण कीयाना सही कसौटी बाताल मंदना, इदिना काजे “ग्रामीण इलाकांग लोप्पा वर्ग-विश्लेषण बद्रम कीयाना? लेख हूडाटू” (“माओ त्सेतुंग ना संकलित रचनांग”, ग्रन्थ 1) ओसो “चीनी क्रांति ओसो चीनी कम्युनिस्ट पार्टी” अध्याय 2 परिच्छेद 4 (“माओ त्सेतुंग ना संकलित रचनांग” ग्रन्थ 2)।

2. पूना धनी किसान क्रांतिकारी आधार इलाकांग लोप्पा मध्यम ओसो गरीब किसान लोर तम्मा श्रम संगे पूना धनी किसान बनेमातोर। पाड़ना धनी किसान क्रांतिकारी आधार इलाकांग ना स्थापना तुकू मुन्ने वेने धनी किसान मत्तोर आंदुर। पाड़ना धनी किसान साधारण रूप ते वेल्ले बेहरा सामंती ओसो अर्ध सामंती शोषण कियानोर। पूना धनी किसान उचुन कम शोषण कियानोर।

## सेना लोप्या जनवादी आंदोलन\*<sup>1</sup>

30 जनवरी 1948

मना फौजी युनिट कुना लोप्या राजनीतिक कार्य काजे लागू कीयाना नीतिंग इगा रास्ता लेक्का मंतांगः केंद्रिकृत नेतृत्व ते उंदी जनवादी आंदोलन संगे मूंडु मुख्य उद्देश्य (उंदी बेहरा स्तर ता राजनीतिक एकता, रहन-सहन लोप्या सुधार ओसो फौजी तकनीक, युद्धकला ता विकास) कुना पूर्ती कियाला काजे आम सैनिक, कमांडर ओसो सब्बे कर्मचारि किन पूराए जागृत कीयाना। मना फौजी युनिट कुना लोप्या इंजे वेल्ले जोरदार अमल आसोर मत्ता “मूंड रकम ता जांच” ओसो “मूंड रकम ता सुधार”<sup>1</sup> मत्ता लक्ष्य तुन राजनीतिक, आर्थिक जनवाद तरिका संगे पोरो वेहता रेंडु उद्देश्य कुना पूर्ति कीयाना।

आर्थिक जनवाद तुन सैनिक लोर चुनेकिता प्रतिनिधिर किन तम्मा कम्पनी काजे राशन ओसो किचन ता व्यवस्था कियाला कम्पनी ता नेतृत्व ता मदद कीयाना अधिकार जरूर हियाना, मति अदिना अवहेलना कीयानायो।

फौजी जनवाद-ट्रेनिंग हियानास्के अफसर ओसो सैनिक लोरा नडमा ओसो खुद सैनिक लोरा नडमा वरोर-दूसरोर किन करिहाना काम कीयाना, युद्धकला लोप्या मोर्चा ते मंदानास्के कम्पनिंग अलग-अलग रकम ता सुडला-बेहरा मीटिंग कीयाना। कम्पनी नेतृत्व ता निर्देशन ते आम सैनिक लोर किन दुश्मन ता मोर्चा ते बद्रम हमला कीयाना ओसो ओरा पोरो बद्रम

---

<sup>1</sup> इदु पार्टी निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी ता क्रांतिकारी फौजी कमीशन काजे तैयार कित्ताद मत्ता।

कब्जा कीयाना अनि लड़ाई ता बाकी काम बद्रम पूरा कीयाना इंजी प्रोत्साहित कीयाना। लड़ाई बचोनो दियंग एवनल ताकतेके इद्रम ता बचोनो मीटिंग कीयाना। इद्रम ता फौजी जनवाद उत्तरी शेनशी लोप्पा फानलुंग अभियान<sup>2</sup> लोप्पा ओसो शानशी-छाहाड़-हपे इलाका लोप्पा शच्याच्चांग अभियान<sup>3</sup> लोप्पा वेल्ले सफलतापूर्क अमल कित्ताद मंता। इद्रम अमल कीतेके सिर्फ फायदा आयर नुकसान आयना बदे संभावना मन्नो आंता इंजी साबित आत्ता।

कारवाइंग नड़मा मत्ता लब्बड़ तत्व कुना गलतिंग ओसो ओरा अपराध कुना पर्दाफाशकीयाना अधिकार आम सैनिक लोर किन मंदाना। मनम कार्यकर्ता लोरा लोप्पा बेसता ओसो तुलनात्मक रूप ते बेसतोर किन सब्बे आम सैनिक लोर जीवा कींतोर इंजी विश्वास कीयाना। इदे आयवा आम सैनिक लोर किन दोड़ ता स्तर ता कार्यकर्ता-पद कुना काजे जरूरत आत्तास्के तम्मा नड़मा ता विश्वास मंदानोरा नामांकन कीयाना ओसो चुने कियाला काजे पोरो स्तर तल मंजूरी एतना अधिकार मंता। दोड़ ता स्तर ता कार्यकर्ता लोरा वेल्ले कम मत्तास्के इद्रम ता नामांकन वेल्ले काम वांता। मति इदिन नियम बने कीयानायो, इद्रम ता नामांकन सिर्फ जरूरी आत्तास्केने कीयाना।

## नोट

1. “मूंड रकम ता जांच” ओसो “मूंड रकम ता सुधार” पार्टी ओसो सेना किन सुदृढ़ बने कियाला उंदी महत्वपूर्ण आंदोलन मत्ता। इदिन मना पार्टी जनताना मुक्ति युद्ध ताकनास्के भूमि सुधार संगे-संगे लागू कीसि मत्ता। गैर फौजी इलाकांग लोप्पा “मूंड रकम ता जांच” इत्तेके वर्ग-उत्पत्ति, विचारधारा ओसो कार्यशैली ता जांच कीयानादु, फौजी युनिट कुना लोप्पा इदिना अर्थ वर्ग-उत्पत्ति, कार्यतत्परता ओसो जुझारू संकल्प ता जांच कीयाना। “मूंड रकम ता सुधार” इत्तेके संगठन किन सुदृढ़ कीयाना, विचारधारात्मक शिक्षा हियाना ओसो कार्यशैली सुधार कीयाना।

2. फानलुंग येनान ता उत्तर-पूर्व लोप्पा मत्ता उंदी कस्बा मत्ता इगा उत्तर-पश्चिमी जन मुक्ति सेना (पीएलए) मई 1947 ते हू-चुंगनान ना कमान ते लड़ेमायना 6,700 तुकू ज्यादा क्वोमिंगतांग सैनिक लोरकिन घेरे कित्ता अनि खत्म कित्ता।

3. शच्याच्चांग किन शानशी-छाहाङ-हपे हंदी इलाका ता जन मुक्ति सेना (पीएलए) ता युनिटकू 12 नवम्बर 1947 ते मुक्त कीतांग। अगा तैनात मत्ता दुश्मन ता 24,000 तुकू ज्यादा गैरिजन सेना किन पूराए नष्ट कित्ता। इदु उत्तरी चीन लोप्पा जन मुक्ति सेना (पीएलए) मुक्त कित्ता पहली महत्वपूर्ण शहर मत्ता।

**अलग-अलग इलाकांग लोप्पा**  
**भूमि कानून लागू कियाला अलग-अलग**  
**कार्यनीतिकु**  
**3 फरवरी 1948**

भूमि कानून लागू कीयानास्के मूंड रकम ता इलाकांग हूडना अनि इव मूंड इलाकांग लोप्पा मूंड अलग-अलग कार्यनीतिंग लागू कीयाना जरूरी मंता।

1. जापान ता आत्मसमर्पण तुकू मुन्ने स्थापित कित्ता पाड़ना मुक्त इलाकांग। इव इलाकांग लोप्पा जमीन ता बंटवारा साधारण रूप ते वेल्ले मुन्ने आत्ता। अद बंटवारा लोप्पा सिर्फ उंदी हिस्सा किने पुनर्व्यवस्थित कीयाना जरूरत मंता। इगा मना काम ता केंद्र फिंगशान काउंटी लोप्पा दोरकी कित्ता अनुभव<sup>1</sup> अनुसार पार्टी लोकुर ओसो पार्टी तुकू बाहर लोकुरा कोशिश कुन काल्पसी मना पार्टी ता कैडर किन शिक्षा हियाना ओसो अदिन सुदुद कीयाना काम कीयाना। पार्टी ओसो आम जनता नडमा ता अंतरविरोध तुन हल कीयाना काम कीयाना। इव पाड़ना मुक्त इलाकांग लोप्पा मना काम भूमि कानून अनुसार जमीन ता दुबारा बंटवारा कीयाना लेवेके किसान सभाग ना नेतृत्व कियाला काजे गरीब किसान संघ कुन पोरो-पोरो ओसो विचार वात्ता लेक्का संगठित कीयाना आयवा माटू किसान सभाग लोप्पाने गरीब किसान ग्रुप संगठित कीयाना। इव ग्रुप कुना सक्रिय तत्व किसान सभाग लोप्पा ओसो ग्रामीण राजसत्ता ना संगठनकु ना लोप्पा नेतृत्वकारी पद एता परिंतांग, मति पद सिर्फ

गरीब किसान लोरकिने दोरकिंता, मध्यम किसान लोरकिन बहिष्कार कीयाना इंजी बदे नियम बने कीयानायो। इव इलाकांग लोप्पा किसान सभाग ना ओसो राजसत्ता ता संगठन कुना नेतृत्वकारी पद गरीब ओसो मध्यम किसान लोरा लोप्पटल सक्रिय तत्वकु एतना (वीरा विचार सही मंदाना ओसो कामकाज ताकी कियाला निष्पक्ष ओसो न्यायप्रिय मंदान)। इव इलाकांग ना मुन्नेटले गरीब मत्ता किसान लोरा लोप्पा ज्यादातर लोकुर इंजे मध्यम किसान बनेमातोर। ग्रामीण आबादी लोप्पटा ज्यादातर हिस्सा इंजे मध्यम किसाने मंता, अदिन काजे माटू मध्यम किसान नडमा ता सक्रिय तत्व कुन इव ग्रामीण इलाकांग ना नेतृत्व कार्य ते मदद कियाला चुने कीयाना।

2. जापान आत्मसमर्पण कित्ता पेरके ओसो प्रत्याक्रमण ताकना मुन्ने सितम्बर 1945 ओसो अगस्त 1947 नडमा ता रेंडु साल कुना लोप्पा मुक्त इलाका आत्ता इलाकांग। मुक्त इलाकांग लोप्पा वेल्ले इलाकांग उचुन पाड़ना मुक्त इलाकांग इंदा परितोमा। इव इलाकांग लोप्पा पाड़ना रेंडु साल कुने हिसाब एतना संघर्ष कारण ते “4 मई निर्देश”<sup>2</sup> किन अमल कितांकु, आम जनता ना राजनीतिक चेतना ता स्तर ओसो संगठन ता स्तर वेल्ले विकसित आत्ता अनि भूमि समस्या ता शुरुआती हल आत्ताद मंता। मति आम जनता ना राजनीतिक चेतना ओसो संगठन ता स्तर इंजे वेल्ले पोरो तेदताद हिल्ले ओसो भूमि समस्या ता इंजे वेने पूर्ण रूप ते हल आत्ताद हिल्ले। इव इलाकांग लोप्पा भूमि कानून पूर्ण रूप ते लागू आतगा जमीन ता बंटवारा सर्वव्यापी ओसो सही तरिका ते कीयाना। मनम इद काम पहली बेरा सही तरिका ते आयवेके दुबारा बंटवारा आयार ओसो ताना पेरके माटू उंदी लेवेके रेंडु बेरा जांचपड़ताल किया लागियर इंजी सुरता तासना अनि इद्रम कियाला तैयार मंदाना। इव इलाकांग लोप्पा मध्यम किसान लोरा संख्या अल्पसंख्या ते मंता। ओरु

इंजे रोमना हूड़ना-जांच कीयाना रुझान लागू किया मंतोर। गरीब किसान लोरा संख्या वेल्ले मंता ओरु गिर्दा ते जमीन ता मांग किया मंतोर। अदिन काजे गरीब किसान संघ कुना संगठन बने कीयाना ओसो किसान सभांग लोप्पा ग्रामीण राजसत्तांग ना संगठन कुना लोप्पा ओरा नेतृत्वकारी जागा बने कीयाना वेल्ले जरूरी मंता।

3. आम प्रत्याक्रमण पेरके इंजेने मुक्त आत्ता इलाकांग। इव इलाकांग लोप्पा आम जनता किन इंजे जागृत कित्ताद हिल्ले। क्वोमिंगतांग, जर्मीदार ओसो धनी किसान लोरा प्रभाव इंजे वेने वेल्ले मंता। मना पूरा काम इंजे एवनल इव इलाकांग लोप्पा तन्ना मोद्दोल पोयताद हिल्ले। अदिन काजे इव इलाकांग लोप्पा पूरा भूमि कानून उंदे बेरा लागू कीयाना कोशिश कियवालेवा, इदिन रेंडु मंजिलकुने लागू कीयाना। पहली मंजिल ते धनी किसान लोरकिन उंदी बगिल तासिसी मना हमला ता निशाना जर्मीदार किन बने कीयाना। इद मंजिल किन रक-रकम ते कीयाना-प्रचार-कार्य, शुरूआती संगठन-कार्य, बेहरा जर्मीदार लोरा चल-सम्पत्ति<sup>3</sup> ता बंटवारा, सुडला जर्मीदार लोर किन उचुन छूट हीसी बेहरा ओसो मध्यम जर्मीदार लोरा जमीन ता बंटवारा ओसो आखरी ते पूरा जर्मीदार वर्ग ता जमीन तुन तूसना। इद मंजिल किन तय कीयानास्के गरीब किसान संघ ता नेतृत्व ता मोरकुल लेक्का संगठित कीयाना अनि किसान सभांग किन वेने गरीब किसान अविना मुख्य अंग बनेमायना लेक्का संगठित कीयाना। दूसरा मंजिल लोप्पा धनी किसान लोरा लगान ते हीता जमीन, ओरा अतिरिक्त जमीन ओसो ओरा बाकी सम्पत्ति ता उंदी हिस्सा तूसा लागियर, पहली मंजिल ते सही तरिका ते तूसवा मत्ता जर्मीदार लोरा जमीन तूसा लागियर। पहली मंजिल तय कीयाना लोप्पा लगभग रेंडु साल ओसो दूसरा मंजिल तय कियाला उंदी साल वाटना। जल्दबाजी कीतेके बदे फायदा

आयो आथार। पाङना ओसो उचुन पाङना मुक्त इलाकांग लोप्पा भूमि सुधार ओसो पार्टी सुदृढीकरण ता काम पूरा कियाला वेने (इद जनवरी तल शुरू कीसि) मूंड साल ता टाईम पोय्यियर, इद काम लोप्पा वेने जल्दबाजी कीतेके बदे फायदा आयो आथार।

### नोट

- 1) हपे प्रान्त ता पश्चिम ते मत्ता फिंगशान काउन्टी अस्के शानशी-छाहाङ-हपे मुक्त इलाका ते मत्ता। फिंगशान भूमि-सुधार कीयानास्के ग्रामीण इलाकांग ना शुरुआती पार्टी संगठन कुना सुदृढीकरण लोप्पा मदद कियाला काजे पार्टी तुकू बाहर ता लोकुर किन वेने पार्टी मीटिंग लोप्पा शामिल कित्ता अनुभव ता बारे ते वेहताद मंता।
- 2) इगा 4 मई 1946 ते चीनी कम्युनिस्ट पार्टी ता केंद्रीय कमेटी जारी कित्ता “भूमि-समस्या ता बारे ते निर्देश” ता बारे ते वेहताद मंता। इदे ग्रन्थ लोप्पा “मूंड महिनांग ना सारांश” हेडिंग वाले लेख ता नोट 4 हूङाटू।
- 3) “चल-सम्पत्ति” इत्तेके अनाज, पैसा, कपडा-लता लेक्कटवु।



# भूमि सुधार प्रचार-कार्य लोप्पा “वामपंथी” गलतिंग ना सुधार कीमूट\*<sup>1</sup>

11 फरवरी 1948

हत्ता उचुक महिनांग लोप्पा वेल्ले जागा ने मना समाचार एजन्सींग ओसो मना समाचार पत्र बदे रकम ता विवेचना लेवेके विश्लेषण कियवा लेवा बचोनो गलत समाचार ओसो लेख कुना प्रचार कीतांग। अविना लोप्पा “वामपंथी” भटकाव ता गलतिंग मंतांग। अविना उचुक उदाहरणकु:

1. अवु सामंती व्यवस्था किन खत्म कियाला काजे गरीब किसान ओसो खेत मजदूर लोरा पोरु आधार आसी मंदाना ओसो मध्यम किसान लोरा संगे सुदृढ एकता बने कीयाना कार्यदिशा ता प्रचार कियवा उंदी बगिल गरीब किसान, खेत मजदूर लोरा कार्यदिशा ता प्रचार कीतांग। अवु सर्वहारा वर्ग किन साम्राज्यवाद, सामंतवाद ओसो नौकरशाही पूंजीवादी शासन किन तेहकीसि वाटना ओसो चीन लोक गणराज्य ओसो जनता ना जनवादी सरकार ता स्थापना कियाला काजे सब्बे मेहनतकश जनता ओसो बाकी उत्पीडित लोकर इत्तेके राष्ट्रीय पूंजीपति वर्ग, बुद्धिजीवि ओसो उचुन देशभक्त (तीना लोप्पा भूमि सुधार ता विरोध कियवा मंदाना जागृत शरिफजादा लोर शामिल मंतोर) लोरा संगे एकता कीयानाए आयवा गरीब किसान ओसो खेत

---

<sup>1</sup> इद पार्टी निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमिटी काजे तैयार कीसि मत्तोर  
255 | माओ त्से तुंग संकलित रचनांग, ग्रंथ 4

मजदूर देश जीड़ितोर ओसो ओरे देश पोरो शासन कीयाना इंजी एकतरफा प्रचार कीतांग अनि जनवादी सरकार सिर्फ किसान लोराए सरकार मंदाना इंजी, इद सरकार मजदूर, गरीब किसान ओसो खेत मजदूर लोराए राय केंजना, मध्यम किसान, स्वतंत्र श्रमिक, राष्ट्रीय पूंजीपति वर्ग ओसो बुद्धिजीविरा बारे ते आल्सना वेने आयो इंजी प्रचार कीतांग। इवु उंदी गंभीर सैद्धांतिक गलतिंग आंदुंगा इद्रम मत्तेकाई मना समाचार-एजेन्सिंग ओसो मना समाचारपत्र, रेडियो स्टेशन कु इद्रम ता समाचार कुना प्रचार-प्रसार कीतांग। बचोनो जागा ना पार्टी कमेटिंग ना प्रचार विभाग इव गलतिंग ना खिलाफ बदे निर्णय एतोंग आतांग। इद्रम ता प्रचार व्यापक रूप ते आयवेकाई हत्ता उचुक महिनांग लोप्पा बार-बार लोकुरा लोप्पा भटकाव ओसो सही नेतृत्वकारी विचार कुना प्रतिनिधित्व इदे प्रचार किया मंता बहे इंजी विश्वास कीयाना शुरू कित्तोर। उत्तरी शेनशी रेडियो तल उचुन गलत समाचार-विवरण प्रसारित आतेके लोकुर इदिन केंद्रीय कमेटी तिंची अनुमोदन आत्ता इंजी वेने आल्सा परितोर।

2. पार्टी सुदृढीकरण ता सवाल कुना बारे ते उचुक इलाकांग लोप्पा बेगा वर्ग-उत्पत्ति बगिल तल कोंडांग पिहची मंदाना ता विरोध कीयाना अगा वर्ग उत्पत्ति आयवा बाकी हर चीज बगिल तल कोंडांग पिहची मंदाना ता वेने विरोध कीयाना इंजी जोरदार प्रचार आत्ता, इदे आयवा सिर्फ वर्ग-उत्पत्ति पोरोने ध्यान हियाना समर्थन कीयाना गलत प्रचार वेने आत्ता।
3. भूमि सुधार ता सवाल बारे ते उचुक इलाकांग लोप्पा पेरके-मुन्ने ओसो जल्दबाजी रेंडासी ना खिलाफ प्रचार काम वेल्ले आत्ता, मति वेल्ले इलाकांग लोप्पा जल्दबाजी किन बेरसी कित्ताद मंता, अदिना बारे वेल्ले बेस आत्ता इंजी लेख छप्पेमातांग। नेतृत्व ओसो जन-समुदाय नइमा ता संबंध कुना सवाल कुना बारे ते उचुक इलाकांग लोप्पा आदेशशाही ओसो दुमछल्लावाद (तोकावाद, इत्तेके तोका पोयसी पेरके-पेरके ताकना) ता विरोध कीयाना प्रचार कार्य ताकी

कीयाना पोरो ध्यान हीताद मंता मति वेल्ले इलाकांग लोप्पा “हर काम जन-समुदाय ना अनुसार आयना” इंदाना गलत जोर हीताद मत्ता। जन-समुदाय नडमा गलत विचार कुना पोरो समझौतावादी रुझान लागू कित्ताद मत्ता। जन समुदाय ताए आयवा उचुन व्यक्तिगत लोकुरा गलत विचार कुन वेने खंडन कियवा लेवा मानेमाताद मंता। इद्रम कीतांकु पार्टी नेतृत्वकारी भूमिका ता निषेध आंता ओसो दुमछल्लावाद (तोकावाद) किन बेरसी कीयाना लेक्का आंता।

4. उद्योग, वाणिज्य ओसो मजदूर आंदोलन संबंधित नीतिंग लोप्पा उचुक मुक्त इलाकांग लोप्पा मत्ता गंभीर “वामपंथी” भटकाव कुना समर्थन कित्ताद मंता लेवेके अविन नजरअंदाज कित्ताद मंता।

सारांश ते हत्ता उचुक महिनांग लोप्पा मना प्रचार कार्य मना महान संघर्षकु, युद्ध, भूमि सुधार, पार्टी-सुदृढीकरण, उत्पादन ओसो मोर्चा ता समर्थन- किन सही तरिका ते प्रतिनिधित्व कित्ताद मंता। अविना सही तरिका ते मार्गदर्शन कित्ताद मंता ओसो इव संघर्ष कुना लोप्पा महान सफलतांग दोरकी कियाला मदद हीताद मंता, इद मना प्रचार किराय ता मुख्य पहलू आंदू अदिन काजे सबसे इदिनकुने मानेमाया लागियर। संगे ने उचुक गलतिंग ओसो कमजोरिंग वेने मंतांग अविना पोरो ध्यान हिया लागियर। इव गलतिंग ओसो कमजोरिंग ना स्वरूप उग्र-वामपंथी मंतांग। इविना लोप्पाटल उचुक मार्क्सवादी-लेनिनवाद सिद्धांत ओसो दृष्टिबिंदु ता उल्टा मंतांग ओसो केंद्रीय कमेटी ता कार्यदिशा तल इनपडे लेसताद मंता। केंद्रीय कमेटी ता ब्यूरो ओसो उपब्यूरो, प्रचार विभाग, शिनह्वा समाचार-एजेन्सी ता केंद्रीय ओसो प्रादेशिक मुख्य कार्यालय ओसो अखबार लोप्पा काम कीयाना सब्बे कामरेड्स मार्क्सवाद-लेनिनवाद सिद्धांत ओसो केंद्रीय कमेटी ता कार्यदिशा पोरो आधार आसी, हत्ता उचुक महिनांग ना प्रचार कार्य ता जांच-पड़ताल किंतिर, मना सफलतांग कुना विस्तार कियाकिर, गलतिंग सुधरे कियाकिर इंजी आशा किया मंतोमा युद्ध, भूमि-सुधार, पार्टी-सुदृढीकरण, मजदूर आंदोलन लेक्कटा महान संघर्ष कुना जीत ता गारंटी कियाला ओसो पूरा साम्राज्यवाद-विरोधी, सामंतवादी विरोधी

क्रांति ता जीत ता गारंटी कियाला मदद कीयाना पोरो ध्यान हियाकिर इंजी आशा किया मंतोमा इद जांच-पड़ताल ता मुख्य जिम्मेदारी सब्बे इलाकांग लोप्पटा पार्टी कमेटींग ना प्रचार विभाग ओसो शिनह्वा समाचार एजेन्सी ता केंद्रीय कार्यलय एतना। ओरु इज जांच-पड़ताल ता रिजल्ट ता बारे ते नीति संबंधित रिपोर्ट किन खुद तन्ना पोरोल तेने केंद्रीय कमेटी ता प्रचार विभाग मुन्ने पेश कीयाना।

पूना मुक्त इलाकांग लोप्पा  
भूमि सुधार संबंधित उचुक महत्वपूर्ण  
पोल्लोंग\*<sup>1</sup>

15 फरवरी 1948

1. जल्दबाजी कीयानायो। भूमि सुधार ता रफतार परिस्थितिंग, जन-समुदाय कुना राजनीतिक चेतना ता स्तर ओसो नेतृत्वकारी कार्यकर्ता लोरा ताकत अनुसार तय कीयाना। भूमि-सुधार उचुके महिनांग लोप्पा पूरा कीयाना कोशिश कियवा लेवा हर इलाका लोप्पा अदिन रेंडु लेवेके मूंड साल लोप्पा पूरा कीयाना तैयारी कीयाना। इदे पोल्लो पाड़ना ओसो उचुन पाड़ना इलाकांग पोरो वेने लागू आंता।
2. पूना मुक्त इलाकांग लोप्पा भूमि सुधार काम किन रेंडु मंजिल ते कीयाना। पहली मंजिल लोप्पा जमींदार पोरो देब्बा वाटना ओसो धनी किसान लोर किन उंदी ओदा तासना। इद मंजिल ता काम किन वेने बचोनो रकम ते कीयाना, मुन्ने बेहरा जमींदार पोरो देब्बा वाटना ओसो ताना पेरके पिस्ता जमींदार लोरा पोरो। स्थानीय निरंकुश तत्व मंदना लेवेके हिल्वा जमींदार लोरा संगे अलग-अलग व्यवहार किया लागियर, ओसो इद्रमे बेहरा, मध्यम, सुडला जमींदार लोरा संगे वेने किया लागियर। दूसरा मंजिल लोप्पा जमीन ता समान बंटवारा कीयाना। इद बंटवारा लोप्पा धनी किसान लोर लगान ते हीता अतिरिक्त जमीन वेने वायर। मति धनी किसान लोरा संगे कित्ता

---

<sup>1</sup> इदु पार्टी निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे तैयार कीसि मत्तोर  
259 | माओ त्से तुंग संकलित रचनांग, ग्रंथ 4

व्यवहार जमींदार लोरा संगे कित्ता व्यवहार तुकू अलग मंदाना। बोना पोरो देब्बा वाटना मंता ओरा कुल संख्या कुल परिवारता 8 प्रतिशत लेवेके कुल आबादी ता 10 प्रतिशत तुकू ज्यादा मंदानायो। उचुन पाड़ना मुक्त इलाकांग लोप्पा वेने व्यवहार ता इद अंतर ओसो देब्बा वाटना निशाना बने कीयाना कुल संख्या इदे मंदाना। पाड़ना मुक्त इलाकांग लोप्पा इव सवालकु तेदोंग आंतांग, अगाटा जमीन तूसनास्के आत्ता कमी किन पूरा कीसि गलती सुधरे' कीयाना जरूरत मंता।

3. मुन्ने गरीब किसान संघ किन संगठित कीयाना, उचुक महिनांग पेरेके किसान सभाग किन संगठित कीयाना। किसान सभाग ओसो गरीब संघ लोप्पा जमींदार ओसो धनी किसान लोरा मौका दोरकी कीसि नेंगना पोरो सख्ती वाटना। गरीब किसान संघ कुना सक्रिय तत्व कुन किसान सभाग ना नेतृत्व ता मोरकुल बने कीयाना, संगेने मध्यम किसान लोरा सक्रिय तत्व कुना उंदी हिस्सा तुन वेने किसान सभाग लोप्पा हिस्सा एतला काजे मध्यम किसान लोर किन जरूर पिड़ंगना ओसो ओरा हितकुना ध्यान तासना।
4. काम सब्बे जागा उंदी बेरा शुरू कीयानायो। सही कार्यकर्ता लोर किन चुनेकीसि उचुन जागा ने काम कीसि अनुभव दोरकी कित्ता पेरेके उचुक अनुभव कुन तीरम-तीरम विस्तार कीयाना ओसो काम ता विस्तार लहर कुना लेक्का कीयाना। इद पोल्लो पूरा रणनीतिक इलाका पोरो वेने लागू आंता ओसो बदे उंदी काउन्टी लोप्पा वेने संगेने इदु पाड़ना ओसो उचुन पाड़ना मुक्त इलाकांग लोप्पा बने लागू आंता।
5. सुदुद्ध मुक्त इलाकांग ओसो छापामार इलाकांग नड़मा अंतर कीयाना। सुदुद्ध मुक्त इलाकांग लोप्पा भूमि सुधार कामकाज तीरम-तीरम मुन्ने ओयमूड़ांता। मति छापामार इलाकांग लोप्पा मना काम ता प्रचार, गुप्त संगठन-कार्य, गुप्त संगठन-कार्य ओसो बदे खास हंदी एवनल चल-सम्पत्ति तूसना एवनले सीमित कीयाना। जनता किन दुश्मन तल

बचे कियाला काजे खुल्ला जन-संगठनकु बने कीयानायो अनि भूमि सुधार कीयानायो।

6. जर्मीदार लोरा प्रतिक्रियावादी सशस्त्र दल ओसो प्रतिक्रियावादी जासूसी संगठन कुन खत्म कीयाना ओसो अविन मना काजे इस्तेमाल कीयानायो।
7. प्रतिक्रियावादी तत्व कुन खत्म कीयाना मति अंधाधुंध हौकना ता सख्त मना मंता: जीवा बचोन कम एतितेके अचोने बेस। सब्बे मृत्यु-दंड कुना पोरो पुनर्विचार कीयाना ओसो अविना अनुमोदन कीयाना काम काउन्टी स्तर ते बनेमाता उंदी कमेटी कीयाना। अविना पोरो राजनीतिक डायुट मत्ता समस्यांग ना सुनवाई ओसो अविना फैसला कीयाना अधिकार जिला पार्टी कमेटी स्तर ता कमेटींग किन मंता। इदु पोल्लो पाड़ना ओसो उचुन पाड़ना मुक्त इलाकांग पोरो समान रूप ते लागू आंता।
8. स्थानीय क्रांतिकारी बुद्धिजीवी ओसो अर्ध-बुद्धिजीवी जर्मीदार-परिवारकु लेवेके धनी किसान परिवारकु ना लोप्पा पुटसी भूमि सुधार ता समर्थन कीतेके ओरकिन आधार इलाकांग ना निर्माण काम ते शामिल कीयाना। मति संगेने इद्रम तोरा नड़मा मना शैक्षणिक काम लोप्पा वेने तेज कीयाना। ओरु भूमि सुधार काम लोप्पा बाधा वायनातुकू रोमी कियाला काजे ओरकिन सत्ता पोरो कब्जा कियाला हियानायो। साधारण रूप ते माटू ओरकिन ओरा पुटता भूमि वाले जिलांग लेवेके श्यांग लोप्पा काम कियाला हियानायो। किसान-परिवार कुना बुद्धिजीविर ओसो अर्ध बुद्धिजीविर कुन चुने कीयाना पोरो जोर हियाना।
9. उद्योग ओसो वाणिज्य ना रक्षा काम पोरो सख्ती ते ध्यान हियाना। आर्थिक ओसो वित्तीय समस्यांग ना योजना बने कीयानास्के वायना कालम पोरो वेने कौंडा तासना। सशस्त्र सेनांग ओसो जिला-सरकार, श्यांग-सरकार कुन वेस्ट कीयाना तुकू पूरा कोशिश कीयाना।

## नोट

- 1) इदे ग्रन्थ लोप्पा “चीनी क्रांति ता पूना बेहरा लहर कुना स्वागत” हेडिंग वाले लेख ता नोट 11 हूड़ाटू।



# उद्योग ओसो व्यापार संबंधित नीति ता बारे ते\*।

27 फरवरी 1948

1. उचुक जागा ने पार्टी संगठनकु पार्टी ता केंद्रीय कमेटी बने कित्ता उद्योग ओसो व्यापार संबंधित नीति ना उल्लंघन कित्ताद मंता। इदिना लोप्पा उद्योग ओसो व्यापार रेंडासी ना वेल्ले नुकसान आत्ता। इव गलतिंग किन जल्दी सुधरे कीयाना। अविन सुधरे कियाला इव जागा ना पार्टी कमेटींग जीवा कीसि इव रेंडु पहलु ने जांच पड़ताल कियाना: निर्देशक नियम कुना पहलू ओसो नेतृत्व कीयाना तरिकांग ना पहलु।
2. निर्देशक नियमकु। ग्रामीण इलाकांग लोप्पा जर्मीदार ओसो धनी किसान लोरा संगे संघर्ष कीयाना ओसो सामंती ताकत कुन खत्म कियाला काजे बद तरिका ते काम कित्ताद मंता अवु शहर लोप्पा लागू कीयाना गलती तुकू बचेमायला मुन्नेने सतर्क मंदांना। जर्मीदार, धनी किसान कीयाना सामंती शोषण किन मोदोल तिंची तेहकसी वाटना ओसो जर्मीदार, धनी किसान ताकी कीयाना उद्योग, व्यापार संबंधित कारोबार कुना रक्षा कीयाना नडमा सख्त अंतर कीयाना। उत्पादन विकास कीयाना, आर्थिक विकास किन वेरसी कीयाना, सार्वजनिक हितकु, निजी हित कुना ध्यान तासना ओसो श्रम-पूंजी रेंडासी किन फायदा आयना सही उसूल ओसो झूठी “छूट हीयना” एकतरफा ओसो संकीर्ण उसूल कुना नडमा बदो मजदूर लोरा कल्याण कुना रक्षा कीयाना गारंटी कीता, मति असल ते उद्योग, व्यापार किन नुकसान कीसि जन क्रांति ता काम किन कमजोर कीता,

\* इदु पार्टी निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे तैयार कित्ते।

इदिना लोप्पा सरख्त अंतर कीयाना। मजदूर वर्ग ता व्यापक, दीर्घकालीन हित कुन मरंगसी सिर्फ फौरी ओसो आंशिक हित कुने ध्यान तासनायो इंजी मजदूर संघ ता कामरेड्स ओसो मजदूर समुदाय नइमा शैक्षणिक कार्य कीयाना। सार्वजनिक हित कुन, निजी हित कुना ध्यान तासना, श्रम, पूंजी रेंडासी किन फायदा कीयाना ओसो युद्ध किन सहायता हियाना उद्देश्य काजे लागत घटे कीयाना, उत्पादन बेरसी कीयाना ओसो बिक्री बेरसी कीयाना कोशिश कियाला काजे स्थानीय सरकार ता समर्थन ते मना उत्पादन-प्रबंध समितिग संयुक्त रूप ते संगठित कीयाना लोप्पा मजदूर ओसो पूंजीपतिरा मार्गदर्शन कीयाना। पोरो वेहता नियमकुना लोप्पा सब्बे नियमकुना लोप्पा ज्यादातर नियम कुन वेल्ले जागा ने लागू कियवा मंदानदे गलती कारण आंदू केंद्रीय कमेटी ता ब्यूरोंग ओसो उपब्यूरोंग इव सवाल कुन स्पष्ट रूप ते तेहता विश्लेषण कीयाना, जांच-पड़ताल कीयाना, सही नियम बने कीयाना ओसो पार्टी निर्देश ओसो सरकारी आदेश जारी कीयाना।

3. नेतृत्व कीयाना तरिकांग। नियमकु तय आयना ओसो निर्देश जारी आत्तास्के केंद्रीय कमेटी ता ब्यूरु ओसो उपब्यूरु ता इलाका पार्टी कमेटीग ओसो प्रिफेक्चर पार्टी कमेटीग ओसो अविन लोहता कार्य-दल संगे चिट्टी लेवेके टेलीफोन संगे, गाड़ी संगे लेवेके घुड़सवार संगे लेवेके व्यक्तिगत मुलाकात संगे घनिष्ठ सम्पर्क तासना, अखबार तन्ना संगठन-कार्य ओसो नेतृत्व-कार्य ता वेल्ले महत्वपूर्ण साधन लेक्का इस्तेमाल कीयाना। सही टाईम ते काम ता विकास पोरो बेस पकड़ बने कीयाना, अनुभव कुना आदान-प्रदान कीयाना ओसो गलतिंग किन सुधार कीयाना। व्यापक जांच-पड़ताल कीयाना ओसो गलतिंग किन व्यापक रूप ते सुधरे कियाला काजे अनुभव कुना निचोड़ तेंडना, सभा-सम्मेलन केयला काजे बचोनो महिनांग, आधा साल एवनल लेवेके उंदी साल एवनल रोमनायो। रोमतेके वेल्ले नुकसान आयार अनि गलतिंग आतेके तुरंत सुधरे कीतेके नुकसान कम आंता।

साधारण परिस्थिति ने केंद्रीय कमेटी ता ब्यूरोंग तम्मा दोड़ ता संगठन कुना संगे घनिष्ठ सम्पर्क तासना, बाता कीयाना ओसो बाता कीयानायो इंदाना नड़मा स्पष्ट विभाजन-रेखा पिड़ंगना लोप्पा सतर्क मंदाना ओसो तम्मा दोड़ ता संगठन कुन गलती कीयाना तुकू बचे कियाला काजे लगातार सुरता हीसोर मंदाना पूरा कोशिश कीयाना। इव सब्बे सवाल कु नेतृत्व ता तरिकांग संबंधित आंदुंग।

4. सब्बे पार्टी कामरेड्स दुश्मन इंजे पूरा अलग-थलग आत्ता इंजी सुरता तासना। मति ओरा अलग-थलग आयना इत्तेके मावा जीत आयो आंता। माटू मना नीति ते गलतिंग कीतेके जीत इंजे वेने मना कैदे वायो आयारा। ठोस रूप ते पाँच नीतिंग, इत्तेके युद्ध, पार्टी-सुदृढीकरण, भूमि-सुधार, उद्योग-व्यापार (वाणिज्य) ओसो प्रतिक्रांतिकारीरा दमन संबंधित नीतिंग लोप्पाटल बदे उंदी वेने नीति लोप्पा माटू गलती कीसि अदिन सुधरे कीवेके असफल आंतोमा। उंदी क्रांतिकारी पार्टी ता नीति अदिना सब्बे व्यवहारिक कार्रवाइंग ना शुरूआत कीयाना बिंदू मंदिता, ओसो अद पार्टी ता कार्रवाइंग ना प्रक्रिया ओसो अदिना आखरी रिजल्ट कुना लोप्पा दिसिंता। उंदी क्रांतिकारी पार्टी बदे कार्रवाई कींतायो अस्के अदु बदे आई नीति किने लागू कींता। अदु बदे विशेष नीति किन जागरूक आसी लागू किसोरे हिल्लेर इत्तेके अद कानाल लेक्का काम कींता। बदिन माटू अनुभव ता पोरोल हींतोम अदु बदे नीति किन लागू कीयाना प्रक्रिया ओसो अदिना आखरी रिजल्टे आंदू। सिर्फ जनता लोप्पा अमल आयना लोप्पा ने इत्तेके अनुभव संगेने माटू बदे नीति सही लेवेके गलत मंदा इंजी परख किया परितोम ओसो बचोन सही लेवेके गलत मंता इंजी तय किया परितोम। मति लोकुरा अमल खासकर उंदी क्रांतिकारी पार्टी ओसो क्रांतिकारी जन समुदाय ता अमल बदाई नीति संगे दोहवा लेवा मंदा परवो। अदिन काजे बदे वेने कार्रवाई कीयाना मुन्ने माटू ठोस परिस्थिति तुन सुरता तासिसी तय कित्ता मना नीति किन पार्टी-सदस्य ओसो गैरपार्टी जन-समुदाय मुन्ने स्पष्ट कीयाना। लेवेके पार्टी-सदस्य

ओसो गैरपार्टी जन समुदाय मना नीति ता मार्गदर्शन तल भटकेमांता,  
समझेमायवा लेवा कार्रवाइंग कियानुर ओसो उंदी गलत नीति तुन  
लागू कियानुर।

# राष्ट्रीय पूंजीपति वर्ग ओसो जागृत शरीफजादा लोरा सवाल ता बारे ते\*<sup>1</sup>

1 मार्च 1948

वर्तमान मंजिल ते चीनी क्रांति तन्ना स्वरूप इसाब ते सर्वहारा वर्ग ता नेतृत्व ते व्यापक जन समुदाय ता साम्राज्यवाद-विरोधी, सामंतवाद विरोधी ओसो नौकरशाही-पूंजीवाद-विरोधी क्रांति आंदू। व्यापक जन समुदाय इत्तेके साम्राज्यवाद, सामंतवाद ओसो नौकरशाही-पूंजीवाद तल उत्पीड़ित आसोर मत्तांग लेवेके ओरा गुलामी संगे दोहची मत्तांग इत्तेके चीनी जन मुक्ति सेना (पीएलए) ता अक्तूबर 1947 ता घोषणापत्र लोप्पा स्पष्ट कित्ता लेक्का सब्बे मजदूर, किसान, सैनिक, बुद्धिजीवी, व्यापारी ओसो बाकी सब्बे देशभक्त उत्पीड़ित मत्तोर।<sup>1</sup> घोषणापत्र लोप्पा “बुद्धिजीवी” ता अर्थ इत्तेके अत्याचार ता शिकार आत्ता ओसो बंधनकुना संगे दोहची मत्ता बुद्धिजीविरा बारे ते वेहताद मंता। “व्यापारी” इत्तेके राष्ट्रीय पूंजीपतिरा अत्याचार ता शिकार आत्ता ओसो ओरा बंधन कुना संगे दोहची मत्ता इत्तेके मध्यम पूंजीपति वर्ग ओसो निम्न-पूंजीपति वर्ग ता सब्बे लोकुरा बारे ते वेहताद मंता। “दूसरे देशभक्त” इत्तेके मुख्य रूप ते जागृत शरीफजादा लोरकुने मंता। वर्तमान ते चीनी क्रांति ना मंजिल सब्बे लोकुर उंदी आसी साम्राज्यवाद, सामंतवाद ओसो नौकरशाह-पूंजीवाद खिलाफ बने कित्ता उंदी संयुक्त मोर्चा ता मंजिल मंता ओसो अदिना मुख्य संघटक मेहनतकश जनता मंता। मेहनतकश जनता इत्तेके शारीरिक श्रम कीयाना मजदूर,

<sup>1</sup> इदु पार्टी निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमिटी काजे तैयार कीसि मत्तोर।

किसान, दस्तकार लेक्काटोर ओसो मानसिक रूप ते श्रम कियानोर मंतोर बदो शारीरिक श्रम कियानोरा गर्गे मंतोर ओसो शोषक आयवा शोषित मंदानोर आदुर। वर्तमान मंजिल ते चीनी क्रांति ता लक्ष्य साम्राज्यवाद-सामंतवाद ओसो नौकरशाही पूंजीवाद शासन ता तख्ता पलट कीयाना ओसो व्यापक जन समुदाय ता उंदी नव जनवादी गणराज्य स्थापना कीयाना मंता, इदिना मुख्य संघटक मेहनतकश जनता मंता ओसो साधारण रूप ते पूंजीवाद तुन खत्म कीयानायो।

जागृत शहीफजादा लोर मुन्ने माकिन मदद कित्तोर ओरु इंजे वेने माकिन मदद किया मंतोर, अमेरिका ओसो च्यांग काई-शेक ना विरोध कीयाना, भूमि सुधार कीयाना ता समर्थन किया मंतोर ओरकिन मनम विडसनायो। शानशी-स्वेय्वान हंदी इलाका ता ल्यू शाओ-पाए ओसो शानशी-कानसू-निंगश्या हंदी इलाका ता ली तिग-मिंग<sup>2</sup> लेक्कटोरा उदाहरण हूडा परितोमा ओरु जापानी आक्रमण विरोधी युद्ध ताकनास्के ओसो ताना पेरकेटा मुश्किल कालम ते मना वेल्ले मदद कित्तोर। माटू भूमि सुधार कार्य कीयानास्के ओरु बदे बाधा वाटोर, भूमि सुधार ता विरोध वेने कीवोर अदिन काजे ओरा संगे एकता कीयाना मना नीति जारी तासना। मति ओरा संगे एकता कीयाना इत्तेके माटू ओरकिन चीनी क्रांति ता स्वरूप तय कीयाना उंदी ताकत लेक्का मानेमायनायो। बदे क्रांति ता स्वरूप तय कीयाना ताकत इत्तेके उंदी बगिल अद क्रांति ता मुख्य दुश्मन मंदिंतोर ओसो दूसरा बगिल मुख्य क्रांतिकारी। वर्तमान ते मना मुख्य दुश्मन साम्राज्यवाद, सामंतवाद ओसो नौकरशाह पूंजीवाद मंतोर। इव दुश्मन कुना खिलाफ संघर्ष ताकनास्के मना मुख्य ताकतकु शारीरिक ओसो मानसिक श्रम ते मत्ता सब्बे जनता (देशता आबादी लोप्पा 90 प्रतिशत) मंता। अद्रमासी वर्तमान मंजिल ते मना क्रांति तन्ना स्वरूप ता दृष्टि ते उंदी नवजनवादी क्रांति मंता। जनता ना जनवादी क्रांति आंदू, अक्तूबर क्रांति लेक्का समाजवादी क्रांति तुकू अलग रकम ता क्रांति मंता।

राष्ट्रीय पूंजीपति वर्ग लोप्पा उचुन दक्षिणपंथी लोकुर तम्मा साम्राज्यवाद, सामंतवाद ओसो नौकरशाह-पूंजीवाद संगे जुडेमांतोर अनि

जनता ना जनवादी क्रांति ता विरोध कींतोर, ओरु वेने क्रांति ता दुश्मने मंदितोर। राष्ट्रीय पूंजीपति वर्ग लोप्पा उचुन वामपंथी लोर तम्मा किन मेहनतकश जनता संगे जुड़े कींतोर ओसो प्रतिक्रियावादिरा विरोध कींतोर, ओरु वेने क्रांतिकारी मंदितोर। सामंती वर्ग संगे संबंध देहची अलग आत्ता उचुन जागृत शरीफजादा लोर वेने क्रांतिकारी मंदितोर। इद्रम मत्तेकाई मुन्नेटा लेक्कटा लोकुर दुश्मन ता पक्ष ता मुख्य संघटक हिल्लेर ओसो दूसरा लेक्कटा लोकुर क्रांतिकारी पक्ष ता मुख्य संघटक मन्नोर आंतोर। अदिन काजे ओरा लोप्पटल बोरे वेने क्रांति ता स्वरूप तय किया परना ताकत बनेमाया परवोर। राष्ट्रीय पूंजीपति वर्ग उंदी राजनीतिक रूप ते कमजोर ओसो डुलमुल आसोर मत्ता वर्ग आंदू। इद वर्ग ता ज्यादातर लोकुर जनता ना जनवादी क्रांति लोप्पा हिस्सा एतितोर लेवेके अद क्रांति तल उंदी बगिल नितसी मंदानूर, बारांकु इत्तेके ओरु वेने साम्राज्यवाद, सामंतवाद ओसो नौकरशाह पूंजीवाद ता अत्याचार ता शिकार आसी मंतोर अनि ओरा बंधन कुना संगे दोहची मंदितोर। ओरु व्यापक जन समुदाय ता अंग मंदितोर मति अदिना मुख्य संघटक मन्नो आंतोर। अद्रमासी क्रांति ता स्वरूप वेने तय किया परवो आंतोर। इद्रम आतेकाई ओरु आर्थिक रूप ते महत्वपूर्ण मंतोर ओसो अद्रमासी अमेरिका लेवेके च्यांग काई-शेक ना खिलाफ संघर्ष ते हिस्सा मंतोर। इद्रम आयवेके अद संघर्ष लोप्पाटल उंदी बगिल नितसी मंदितोर। अदिन काजे ओरा संगे एकता किया परितोम ओसो मना काजे जरूरी मंता। चीनी कम्युनिस्ट पार्टी ता जन्म तुकू मुन्ने सुन यात-सेन ना नेतृत्व ते क्वोमिंगतांग राष्ट्रीय पूंजीपति वर्ग ता प्रतिनिधि लेक्का अस्केटा चीनी क्रांति (पाड़ना तरिका ता अपूर्ण जनवादी क्रांति) ता नेतृत्व कितोर। मति चीनी कम्युनिस्ट पार्टी ता जन्म आत्ता पेरके ओसो अदिन क्षमता दिसता पेरके क्वोमिंगतांग चीनी क्रांति (नवजनवादी क्रांति) ता नेतृत्व किया परवो। राष्ट्रीय पूंजीपति वर्ग 1924-27 ता क्रांतिकारी आंदोलन लोप्पा हिस्सा एतितो। 1927-31 ते (18 सितम्बर 1931 ता घटना तुकू मुन्ने) अद वर्ग ता लोकुरा बेहरा संख्या च्यांग काई-शेक ना प्रतिक्रियावाद ता समर्थन कित्ता। इद्रम आतांकु बोरे

वेने अद कालम ते राष्ट्रीय पूंजीपति वर्ग किन राजनीतिक रूप ते मना बगिल काल्पना ओसो आर्थिक रूप अदिना रक्षा कीयाना कोशिश कीयानाए आयो इंजी आल्सनायो। अद कालम ते राष्ट्रीय पूंजीपति वर्ग ता बारे मना उग्र-वामपंथी नीति उंदी दुस्साहसवादी नीति हिल्वा मत्ता। इदिना उल्टा अस्केटा मना नीति राष्ट्रीय पूंजीपति वर्ग ता रक्षा कीयाना ओसो अद वर्ग किन मना पक्ष ते काल्पना नीतिए मंदानादु मत्ता। अस्केने माटू पूरा ताकत मना मुख्य दुश्मन संगे लड़ेमायना पोरोने केंद्रित किया परितोमा जापानी आक्रमण विरोधी युद्ध कालम ते राष्ट्रीय पूंजीपति वर्ग युद्ध ते शामिल आत्ता डुलमुल वर्ग मत्ता। अदु बस्केने क्वोमिंगतांग वर्ग बगिल मत्ता ओसो बस्केने कम्युनिस्ट पार्टी बगिला। वर्तमान ते राष्ट्रीय पूंजीपति वर्ग ता बहुसंख्य इद्रमे मंता। अदिना विचार ते अमेरिका लेवेके च्यांग काई-शोक ना पोरो होंग बेरससोरे दाया मंता, अद वर्ग ता वामपंथी लोकुर तम्मा किन कम्युनिस्ट पार्टी संगे ओसो दक्षिणपंथी लोकुर क्वोमिंगतांग संगे जोड़े कींतोर अनि नड़मा मंदानोर रेंडासी पार्टींग बारे ते पेरके-मुन्ने आंतोर, बेके वड़िय दांता हक्के दायाना लेक्कटा रुझान लागू कींतोर। इद्रम ता परिस्थिति ते राष्ट्रीय पूंजीपति वर्ग ता बहुसंख्या मना बगिल काल्पना ओसो अल्पसंख्या तुन अलगाव ते वाटना मना काजे हल्को आंता ओसो जरूरी वेने मंता। इद लक्ष्य तुन पूरा कियाला काजे माटू इद वर्ग ता आर्थिक परिस्थिति ना सवाल किन हल कियाला ओरा मदद कीयाना ओसो नियमानुसार बदे भेदभाव कियवा लेवा ओरा रक्षा कीयाना नीति लागू कीयाना। लेवेके माटू राजनीतिक गलतिंग कियाकोमा।

जागृत शरीफजादा लोर जमींदार वर्ग ओसो धनी किसान वर्ग ता जनवादी रुझान वाले इरवुर-मुवुरे लोकुर मंतोर। इद्रम तोरकिन ओसो नौकरशाह पूंजीवाद, साम्राज्यवाद नड़मा ओसो उंदी हंद एवनल ओरा ओसो सामंतवाद जमींदार ओसो धनी किसान नड़मा वेने अतरविरोध मंदितांग। ओरु राजनीतिक रूप ते शक्तिशाली मंतोर इंजी लेवेके आर्थिक रूप ते ओरा बदे खास महत्व मंता इंजी (ओरु सामंती व्यवस्था अनुसार कब्जा कित्ता ओरा जमीन ओरा अनुमति एतसीए किसान लोरा लोप्पा



तूसना) ओरा संगे एकता कीवोम आंतोमा माटू ओरा संगे जापानी आक्रमण विरोधी युद्ध ताकनास्के ओसो अमेरिका, च्यांग-काई-शेक खिलाफ संघर्ष ताकनास्के ओरु राजनीतिक रूप ते मना वेल्ले मदद कीतांके एकता कीतोमा भूमि सुधार कीयानास्के उचुन जागृत शरीफजादा लोर मना भूमि सुधार ता समर्थन कीतेके देशमेंड भूमि सुधार कार्य किन वेने फायदा आयार। इदिनगडल खासकर पूरा देश ता बुद्धिजीविर (तीना लोप्पा ज्यादातर जमींदार-परिवारकु ओसो धनी किसान-परिवार ते पुटतोर), राष्ट्रीय पूंजीपति वर्ग (ज्यादातर लोकुरा जमीन संगे संबंध मंता) ओसो जागृत शरीफजादा (बचोनो लाख मंता) लोर किन मना बगिल काल्पना ओसो संगेने चीनी क्रांति ता मुख्य दुश्मन प्रतिक्रियावादी च्यांग काई-शेक गुट किन अलगाव ते वाटला सहायता दोरकियार। तम्मा इदे भूमिका ते शरीफजादा लोर वेने साम्राज्यावाद-विरोधी सामंतवाद विरोधी ओसो नौकरशाह पूंजीवाद विरोधी क्रांतिकारी संयुक्त मोर्चा ता उंदी तत्व आंदू, अदिन काजे ओरा संगे एकता कीयाना सवाल पोरो वेने जरूर ध्यान हियाना। जापानी आक्रमण विरोधी युद्ध ताकनास्के जागृत शरीफजादा लोरगडल माटू जापान ता प्रतिरोध कीयाना ता समर्थन कीयाना इंजी मांग कीयाना, जनवाद ता रक्षा कीयाना (वीरू कम्युनिस्ट विरोधी मंदानायो) ओसो लगान, सूद कम कीयाना ता समर्थ कीयाना, वर्तमान मंजिल ते माटू ओरकिन अमेरिका विरोधी ओसो च्यांग काई-शेक विरोधी संघर्ष ता समर्थन कीयाना, जनवाद ता रक्षा कीयाना भूमि सुधार ता रक्षा कीयाना इंजी मांग कीतोमा। इव मांग कुन पूरा कीतेके माटू बिना अपवाद ते एकता कीयाना ओसो एकता कीयानास्के ओरकिन शिक्षित वेने कीयाना।

## नोट

1. इदे ग्रन्थ लोप्पा “चीनी जन मुक्ति सेना (पीएलए) ता घोषणापत्र” हेडिंग वाले लेख लोप्पा क्रमानुसार 8 नीतिंग लोप्पटल पहली नीति हूडाटा।

2. ल्यु शाओ-पाए शानशी-स्येस्वान हंदी इलाका ता वरोर जागृत शरीफजादाल मत्तोर। वीनकिन शानओ-स्वेय्वान हंदी इलाका ता अस्थाई प्रतिनिधि-सभा ता उपाध्यक्ष चुने कित्ताद मत्ता। ली तिग-मिंग उत्तरी शेनशी प्रांत ता वरोर जागृत शरीफजादाल मत्तोर, ओनकिन शेनशी-कानसू निंगश्य हंदी इलाका सरकार ता उपाध्यक्ष चुने कित्ताद मत्ता।

# उत्तर-पश्चिम ता महान जीत कुना बारे ते ओसो मुक्ति सेना लोप्पा उंदी पूना रकम ता सुदृढीकरण आंदोलन ता बारे ते\*<sup>1</sup>

7 मार्च 1948

उत्तर-पश्चिमी जन मुक्ति सेना (पीएलए) ता इंजेटा जीत कुना बारे ते वेहचोरे जन मुक्ति सेना (पीएलए) ता जनरल हेडक्वार्टर ता वरोर प्रवक्ताल इद्रम इत्तोर: इद जीत उत्तर-पश्चिम ता परिस्थिति बदले कीसिता अनि देश ता मध्य ते मत्ता मैदान ता परिस्थिति पोरो वेने प्रभाव वाटियरा इदु “तिप्पल कुना बारे ते वेहाना” ओसो “मूंड रकम ता जांच कीयाना” तरिका ना

---

<sup>1</sup> \* इद लेख कामरेड माओ त्सेतुंग चीनी जन मुक्ति सेना (पीएलए) ता जनरल हेडक्वार्टर ता प्रवक्ता ना काजे तैयार कीसि मत्तोर। अस्के उत्तर-पश्चिम ता युद्धभूमि लोप्पा दुश्मन ता आक्रमण किन गुंडा किताद मत्ता अनि मना सेना खुद तन्ना आक्रमण शुरू कित्ता। इदिना लोप्पा उत्तर-पश्चिम ता युद्धभूमि ता परिस्थिति ता विश्लेषण किताद मत्ता ओसो दूसरा युद्धभूमि ता परिस्थिति ता रूपरेखा वेने पेश किताद मत्ता। इदिना लोप्पा महत्वपूर्ण पोल्लो “तिप्पल कुना बारे ते वेहाना” ओसो “मूंड रकम ता जांच कीयाना” तरिकांग संगे सेना लोप्पा उंदी सुदृढीकरण आंदोलन ताकी कीयाना महत्व पोरो जोर हीताद मत्ता। पूना रकम ता आंदोलन जन मुक्ति सेना (पीएलए) ता राजनीतिक कार्य ओसो जनवादी आंदोलन ता उंदी महत्वपूर्ण विकास मत्ता। सब्बे मुक्त इलाकांग लोप्पा भूमि सुधार कीयाना ओसो पार्टी किन सुदृढ कीयाना आंदोलनकु अस्के जोरशोर ते ताकसोर मत्तांग, सेना लोप्पा अवे आंदोलन कुना छाप मत्ता। इद आंदोलन सब्बे अफसर ओसो सैनिक लोरा राजनीतिक चेतना, अनुशासन ओसो युद्ध-क्षमता किन वेल्ले बेरसी कित्ता। संगे ने इदु बंदी क्वोमिंगतांग सैनिक लोर किन बेहरा संख्या ते मुक्ति सेना ता योद्धा बने कियाला काजे ओरा सुधार कीयाना प्रक्रिया किन वेल्ले कारगर तरिका ते तेज कित्ता। इद्रमे इदु जन मुक्ति सेना (पीएलए) किन सुदृढ बने कीयाना ओसो अदिन विस्तार कीयाना, युद्धभूमि ते जीत ता गारंटी कियाला काजे महत्वपूर्ण भूमिका निभे कित्ता। इद आंदोलन ता महत्व किन समझेमायला काजे इदे ग्रन्थ लोप्पा “सेना लोप्पा जनवादी आंदोलन”, “शानशी-स्वेव्यान मुक्ति इलाका ना कार्यकर्ता लोरा सम्मेलन लोप्पा भाषण”, “सितम्बर मीटिंग ता बारे ते चीनी कम्युनिस्ट पार्टी ता केंद्रीय कमेटी ता सरकुलर” हेडिंग वाले लेख हूडूटू।

इस्तेमाल कीसि जन मुक्ति सेना (पीएलए) उंदी पूना रकम ता सुदृढीकरण आंदोलन संगे खुद किन सफल बने कियारा।

**प्रवक्ताल:** इंजे उत्तर-पश्चिमी जन मुक्ति सेना (पीएलए) ईछवान लोप्पा दुश्मन ता उंदी ब्रिगेड किन अचानक घेरे कित्ता, हू चुंग-नान तन्ना 29वी फौजी कोर ता कमांडर ल्यू खान किन कुमक लेक्का लोछवान-ईच्युन लाईन तल रेंडु पुनर्गठित डिविजन कुना नालुंग ब्रिगेडकु जल्दीए ईछवान लोहना इंजी आदेश हीतोर। इव नालुंग ब्रिगेड, पुनर्गठित 27वी डिवीजन ता 31वी ओसो 47 वी ब्रिगेड ओसो पुनर्गठित 90वी डिवीजन ता 53वी ओसो 61वी ब्रिगेड मत्ता। इविना लोप्पा कुल 24,000 तुकू ज्यादा सैनिक मत्तोर, इव ब्रिगेडकु 28 फरवरी ते ईछवान ता दक्षिण-पश्चिम ता इलाकांग लोप्पा एवता। उत्तर-पश्चिमी जन मुक्ति सेना (पीएलए) दुश्मन खिलाफ विनाश ता लड़ाई शुरू कित्ता अनि 29 फरवरी ओसो 1 मार्च ते तीस घंटांग लड़ाई लोप्पा दुश्मन सेनांग किन पूराए खत्म कीतांगा। 18,000 तुकू ज्यादा दुश्मन सेनांग किन बंदी बने कित्ता अनि 5,000 तुकू ज्यादा घायल आतोर। खुद ल्यू खान, 90वी डिवीजन ता कमांडर येन मिंग ओसो बाकी अफसर शहीद आतोर। पेरके 3 मार्च ते माटू ईछवान पोरो कब्जा कित्तोम अनि अगा वेने मगर बचाव काजे तैनात कित्ता दुश्मन ता पुनर्गठित 76वी डिवीजन ता 24वी ब्रिगेड ता 5,000 तुकू ज्यादा सैनिक लोर किन खत्म कित्ता। इद अभियान लोप्पा माटू कुल मिले कीसि दुश्मन ता उंदी फौजी कोर हेडक्वार्टर, रेंडु डिवीजन हेडक्वार्टर ओसो पाँच ब्रिगेड (कुल संख्या 30,000) किन खत्म कित्ता। इद उत्तर-पश्चिम ता युद्धभूमि लोप्पा मना पहली महान जीत मत्ता।

उत्तर-पश्चिम ता युद्धभूमि ता परिस्थिति ता विश्लेषण कीसोरे प्रवक्ताल: हू चुंग-नान ना सीधा कमान ते “केंद्रीय सेना” ता 28ब्रिगेड लोप्पाटल 8 ब्रिगेड कुना मूंड मुख्य डिवीजनकु इत्तेके पुनर्गठित पहली, 36वी ओसो 90वी डिवीजन कुना हिस्सा मत्ता। इव डिविजनकुना लोप्पाटल पुनर्गठित पहली डिवीजन ता पहली ब्रिगेड तुन सितम्बर 1946 ते दक्षिणी शानशी ते फशान पोरोल ता जागा ते कित्ताद मत्ता। इगा मुन्ने

वेने अदे डिवीजन ता 167वी ब्रिगेड ता मुख्य सेना तुन हत्ता साल मई महीना ते उत्तरई शेनशी ता फानलुंग कस्बा लोप्पा खत्म कित्ताद मंता। अद्रमे पुनर्गठित 36वी डिवीजन ता 123वी ओसो 165वी ब्रिगेड कुन हत्ता साल अगस्त ते उत्तरी शेनशी ता मीचि काउन्टी ता शाच्याल्येन पोरोल ता जागा ते खत्म कित्ताद मंता। इंजे पुनर्गठित 90वी डिवीजन ता वेने पूराए खत्म कित्तोम। हु चुंग-नान ना मुख्य सेना ता पिस्ता सेना लोप्पाटल सिर्फ पुनर्गठित पहली डिवीजन ता 78वी ब्रिगेड ओसो पुनर्गठित 36वी डिवीजन ता 28वी ब्रिगेड तुम खत्म किया परताद हिल्ले। अदिन काजे हु चुंग-नान ना पूरा सेना लोप्पा उंदे फौजी युनिट मंता इंजी इंदा परितोमा सीधी हू चुंग-नान कमान ते मत्ता ईछवान लोप्पा आत्ता विनाश ता लड़ई ता कारण ते 28 नियमित ब्रिगेड लोप्पाटल इंजे सिर्फ 23 पिस्तांगा। इव 23 ब्रिगेडकु इव इलाकांग लोप्पा फैलेमासी मंतांगः दक्षिणी शानशी लोप्पा लिनफन पोरोल ता जागा ते 1 ब्रिगेड मंता, अदिन बदे काम वायवा लेक्का कित्ताद मंता, अदु पक्का नाश आयना लेक्का मंता। 9 ब्रिगेड शेनशी-हनान- हंदी ते ओसो छन कंग ओसो श्ये फू-च ना कमान ते लड़मायना मना युद्धभूमि ते मत्ता सेना संगे लड़ेमायला काजे लोयांग-थुंगक्वान लाइन ते तैनात मत्ता। ओसो उंदी ब्रिगेड दक्षिणी शेनशी लोप्पा हानचुंग इलाका ता रखवाली किया मंता। बाकी 12 ब्रिगेडकु थुंगक्वान तल पाओची ओसो श्येनयांग तल येनान एवनल “टी” आकार वाले कम्युनिकेशन-लाईन कुना पोरो बेगा-अगा तैनात आसी मंतांग। इविना लोप्पाटल 3 “नुकसान आत्ता ब्रिगेडकु”<sup>1</sup> मंतांग। अविना सिर्फ रंगरूटे (पूनापूना भर्ती आत्तोर) लोरे मंतांग। 2 ब्रिगेड कुन मना सेना पूराए खत्म कित्ता अनि अविना इंजे पूना गठन कित्ताद मंता। ओसो 2 ब्रिगेडकु मना कैदे बेहरा देब्बा तित्तांग अनि 5 किन उचुन कम नुकसान आत्ता। इव सेनांग वेल्ले कमजोरे आतांकु गैरिजन ड्यूटीए किया परित्तांग। हू चुंग-नान ना सेना ता अतिरिक्त 2 ब्रिगेडकु तंग पाओ-शान ना दोड़ ख्वीलिन बचाव काजे तैनात मंता ओसो निगंश्या प्रान्त ता मा हुंग-ख्वेइ ओसो छिंगहाए प्रान्त ता मा पू-फांग ना दोड़ 9 ब्रिगेडकु सानप्येन ओसो लुंगतुंग इलाकांग लोप्पा

विस्तृत आसी मंतांग। इंजे हू चुंग-नान, तंग पाओ-शान ओसो मा हुंग-ख्वेइ ओसो मा पू-फांग ना दोड़ मत्ता सब्बे नियमित सेनांग ना कुल 34 ब्रिगेडकु मंतांग। इविना लोप्पा उंदी-उंदी लेवेके रेंडु-रेंडु बेरा खत्म आत्ता पेरेके पूना गठन कित्ता युनिटकि वेने मंतांग।

उत्तर-पश्चिम ते दुश्मन ता परिस्थिति इद्रमे मंता। इंजे वाटू “टी” आकार ते कम्युनिकेशन-लाइन कुना पोरो। इगा 5 ब्रिगेडकु ओसो कम नुकसान आत्तावु मंतांग। अविना लोप्पटल 2 येनान लोप्पा हिरकी मंतांग। 3 बहारी क्वानचुंग इलाका ते मंतोरा। बाकी ब्रिगेड कुना लोप्पटा ज्यादातर कुना पूना गठन कित्ताद मंता। इविन पूरा बहारी क्वानचुंग इलाका लोप्पा ओसो खासकर कानसू प्रान्त लोप्पा दुश्मन ता सेनांग विस्तृत आतांग अनि कमजोर मंतांग, जन मुक्ति सेना (पीएलए) ना आक्रमणात्मक कार्रवाइंग किन रोमी किया परवोंग इंदा परितोमा। इद परिस्थिति दक्षिणी मोर्चा ते च्यांग कार्ई-शेक कीयाना सैन्य-तैनाती ता उंदी अंश पोरो ओसो सबसे मुन्ने छं कंग ओसो श्ये फू-च ना कैदे मत्ता मना युद्ध मैदान ते मत्ता सेना ता तुलना ते हनान-शेनशी हंदी ते च्यांग कार्ई-शेक कीयाना सैन्य-तैनाती पोरो जरूर प्रभाव वाटियर। दक्षिण बगिल मना वर्तमान आक्रमण लोप्पा उत्तर-पश्चिमी जन मुक्ति सेना (पीएलए) तन्ना झंडा तरहना संगे-संगे जीत दोरकी कित्ता। उत्तर-पश्चिमी ते मना ओसो दुश्मन नड़मा ता ताकत किन बदले कित्ता। इंजेटल इदु सेना दक्षिणी मोर्चा ते जन मुक्ति सेना (पीएलए) ता सेनांग संगे ओसो वेने सही तरिका ते तालमेल कीसि फौजी कार्रवाइंग किया परित्ता इंतोरा।

**प्रवक्ताल:** हत्ता एही कालम ते ओसो हिरंगम तल इंजे एवनल ल्यू पो-छंग ओसो तंग श्याओ-फिंग, छन ई ओसो सू ख्वी, छन कंग ओसो श्ये फू-च ना कमान ते मना सेना मूंड युद्ध मैदान ता सेना पीली डोड्डा वेंडसी दक्षिण बगिल हत्ता अनि यांगत्सी बेरेड़, ह्वाए बेरेड़, पीली बेरेड़ ओसो हानश्चेइ बेरेड़ नड़मा ता प्रदेश लोप्पा अदिना कोंटा-कोंटा ते निंडसी मत्ता। ओरु वेल्ले संख्या ते दुश्मन सेना किन खत्म कित्तोरा। दक्षिणी मोर्चा ते च्यांग कार्ई-शेक ना कुल 160 तुकू ज्यादा ब्रिगेड लोप्पटल 90 ब्रिगेड कुन

तन्ना बगिल पिङ्गतोर, ओना सेना किन पूराए निष्क्रिय आयना लेक्का कीसितोर, निर्णायक रणनीतिक भूमिका निभे कीसि पूरा देश ता जनता ना विश्वास जीड़तोर।<sup>2</sup> 0 तले 30 डिग्री दोड़ एवनल मत्ता हिरंगम किन वेल्ले साहस संगे झेलेमासी उत्तर-पूर्वी युद्ध मैदान ते मत्ता सेना तन्ना शीतकालीन आक्रमणात्मक कार्रवाई संगे दुश्मन ता ज्यादातर सेना किन खत्म कित्ता। उंदी पेरके उंदी बचोनो बेहरा शहर कुना पोरो कब्जा कीसि पूरा देश लोप्पा फैलेमाता।<sup>3</sup> हत्ता साल ता वीरतापूर्ण लड़ाईंग लोप्पा बेहरा संख्या ते दुश्मन सेनांग किन खत्म कित्ता<sup>4</sup> पेरके शानशी-छाहाड़-हपे इलाका, शानतुंग, उत्तरी च्यांगसू ओसो शानशी-हपे-शानतुंग-हनान इलाका ता मना युद्धभूमि ते मत्ता सेना नीरटा हिरंगम कालम ते तन्ना किन सुदृढ़ बने कियाल ओसो ट्रेनिंग दोरकी कीयाना काम पूरा कित्ता। अदु इंजे जल्दिए तन्ना वसंतकालीन आक्रमणात्मक कार्रवाईंग शुरू कियारा। पूरा परिस्थिति लोप्पाटल माटू रूढ़ीवाद, दुश्मन अनि तिप्पल कुना साहस संगे डटेमासी विरोध कीतेके ओसो माटू पार्टी ता केंद्रीय कमेटी ता आम रणनीति ता ओसो फौजी कार्रवाई संबंधित दस मुख्य नियमकु<sup>6</sup> ना बारे ते आदेश कुना पालन कीतेके माटू मना आक्रमणात्मक कार्रवाई शुरू किया परितोम इंजी साबित आत्ता। बेहरा संख्या ते दुश्मन सेनांग किन खत्म किया परितोम, च्यांग काई-शेक डाकू ग्रुप ता सेनांग पोरो देब्बा वाटा परितोम। इद्रम कीसि माटू ओरकिन जवाबी कार्रवाई किया परवा लेक्का ओसो तात्कालीन रूप ते तम्मा किन मना देब्बा तिंची वेने बचे किया परवा लेक्का कीयाना अनि उंदी-उंदी कीसि ओरा पूरा सेना किन खत्म कीयाना।

**प्रवक्ताल:** मना उत्तर-पश्चिमी युद्धभूमि ते मत्ता सेना ता युद्ध क्षमता हत्ता साल तुकू बचोनो ज्यादा बेरसता।<sup>7</sup> हत्ता साल ता फौजी कार्रवाईंग लोप्पा उत्तर-पश्चिमी युद्धभूमि ते मत्ता सेना उंदी हमला लोप्पा ज्यादा से ज्यादा रेंडु दुश्मन ब्रिगेड कुन नष्ट किया परनादु। इंजे ईछवान अभियान लोप्पा उंदे हमला ते पांच दुश्मन ब्रिगेड कुन नष्ट किया परता। इदु बस्केने आयवा लेक्कटा सफलता ता बचोनो कारण कु मत्तांग, अविना लोप्पा उचुक इगा वेहाकोम - मोर्चा ते नेतृत्वकारी कामरेड्स लोरा अडिग ओसो

लचीला कमान, पृष्ठभाग लोप्पा नेतृत्वकारी कामरेड्स ओसो व्यापक जनता तल दोरकना समर्थन, दुश्मन सेना ता तुलनात्मक अलगाव ता परिस्थिति ते मंदाना ओसो प्रकृति मना अनुकूल मंदानादु शामिल मंतांग। इद्रम मत्तेकाई सबसे ज्यादा महत्वपूर्ण कारण सेना लोप्पा पूना रकम ता सुदृढीकरण आंदोलन मत्ता। इद आंदोलन हत्ता हिरंगम कालम ते रेंडु महीना तुकू ज्यादा टाईम एवनल “दुक्कम कुना बारे ते वेहाना” ओसो “मूंड रकम ता जांच कीयाना” तरिकांग इस्तेमाल कीसि ताकी कीयानादु मत्ता। दुक्कम कुन (पाड़ना समाज ओसो मेहनतकश जनता पोरो प्रतिक्रियावादिर कीयाना तिप्पल कुना) बारे ते वेहाना ओसो मूंड रकम ता जांच (वर्ग-उत्पत्ति, कार्य-तत्परता ओसो जुझारू संकल्प कुना जांच) कीयाना आंदोलन किन सही तरीका ते ताकी कीतांकु पूरा सेना ता कमांडर, योद्धा लोरा लोप्पा शोषित मेहनतकश जनता किन मुक्त कीयाना, देशव्यापी भूमि-सुधार कीयाना ओसो जनता ना दुश्मन च्यांग काई-शेक डाकू गुट किन नष्ट कियाला काजे लड़ेमायना राजनीतिक चेतना ता स्तर वेल्ले बेरसता। संगेने इदु कम्युनिस्ट पार्टी ता नेतृत्व ते सब्बे कमांडर, योद्धा लोरा सदृढ एकता किन वेल्ले मजबूत कित्ता। इदिना पोरो आधार आसी सेना ता कैडरकुना सुधारीकरण आत्ता, अविना लोप्पा अनुशासन बेरसता, फौजी ट्रेनिंग काजे उंदी जन आंदोलन ता विकास आत्ता। सही नेतृत्व संगे ओसो सही तरिकांग संगे ओरा लोप्पा राजनीतिक, आर्थिक ओसो सैनिक जनवाद ता विकास आत्ता। इद्रम मना सेना एकजुट आत्ता, नड़मा दोरकता मौका, मांग ते ताना लोप्पा हर मानेय तन्ना विचारकु ओसो तम्मा शक्ति ता योगदान हियाणा शुरू कित्तोर, अदु कुरबानिंग हियाला वेरियवा मंदाना सेना ओसो भौतिक मुश्किल कुना पोरो काबू किया परना सेना लेक्का बनेमासी दुश्मन किन नष्ट कीयाना सामूहिक वीरता ओसो साहस ता परिचय हियाणा सेना बनेमाता। इद्रम ता सेना बस्केने हारेमायो।

**प्रवक्ताल:** सेना लोप्पा पूना रकम ता सुदृढीकरण आंदोलन सिर्फ उत्तर-पश्चिम तेने आयवा देशमेटा जन मुक्ति सेनांग लोप्पा इद आंदोलन ताकी कित्ताद मंता लेवेके ताकसोरे मंता। लड़ाइंग नड़मा मौका



दोरकतास्के ताकी कीसोर मत्तांकु इदु आंदोलन लड़ाई लोप्पा बाधा वाटो आंता। सेना ता सदृढकरण आंदोलन किन इंजे मना पार्टी ताकी कीसोर मत्ता पार्टी किन सुदृढ बने कीयाना ओसो भूमि सुधार कीयाना आंदोलन कुना संगे जोड़े कियमूडांता। वायना हमला ता निशाना किन केवल साम्राज्यवाद, सामंतवाद ओसो नौकरशाही-पूंजीवाद ता विरोध एवनले सीमित कीयाना, अंधाधुन्ध मारपीट ओसो हौकना ता सख्त खिलाफ मंदाना (हौकनदु बचोन कम मत्तेके अचोन बेस) ओसो देश मेटा आबादी ता 90 प्रतिशत तुकू ज्यादा हिस्सा शामिल मत्ता आम जनता संगे दृढता ते एकता कित्तास्के ओसो इद आंदोलन तुन मना पार्टी ता शहर संबंधित सही नीति संगे ओसो राष्ट्रीय पूंजीपतिरा उद्योग-वाणिज्य ता दृढता ते रक्ष कीयाना ओसो अदिन विकास कीयाना पार्टी नीति संगे जोड़े कीतेके, इद आंदोलन किन पार्टी लागू कीसोरे मंता उंदी सही नीति संगे जोड़े कीतेके इद आंदोलन जन मुक्ति सेना (पीएलए) किन जरूर जीत दोरकी कियारा। चीनी जनता ना जनवादी क्रांति ता महान संघर्ष खिलाफ च्यांग काई-शेक डाकू-गुट ओसो ओना मालिक अमेरिका साम्राज्यवाद बचोन कोशिश कीतेकाई जीत सिर्फ मावाए आयारा।

## नोट

1. “नुकसान भरपाई कित्ता ब्रिगेडकु” इत्तेके क्वोमिंगतांग सेना ता हर ब्रिगेड ता ज्यादा हिस्सा युद्धभूमि लोप्पा चीनी जन मुक्ति सेना (पीएलए) खत्म कीसि मत्ता, मति पृष्ठभाग लोप्पा नुकसान कित्ता पेरके अविना मूल पोरोल मुन्नेटा लेक्काने तासतद मत्ता।—हिंदी अनु.
2. 30 जून 1947 ते ताकना शुरू कीसि ल्यू पो-छंग, तंग-श्याओ-फिंग ओसो बाकी कामरेड्स ना नेतृत्व ते शानशी-हपे-शानतुंग-हनान युद्धभूमि ता सेना 7 सेक्शन कु जबरदस्ती पीली बेरेड वेंडिह कित्तोर अनि ताप्ये मेट्टा बगिल दायना शुरू कित्तोरा। इद्रम जन मुक्ति सेना (पीएलए) ता रणनीतिक आक्रमण शुरू आत्ता। मार्च 1948 आखरी एवनल 1,00,000 तुकू ज्यादा दुश्मन सेना खत्म कित्ताद मत्ता अनि हुपे-हनान हंदी पोरो पश्चिमी आनह्वेइ लोप्पा, हुपे-हनान हंदी ता पुइपो मेट्टा इलाका ते,

यांगत्सी ओसो हानश्वेइ डोड्डा नड्मा ता मैदानी इलाकांग लोप्पा अनि बाकी जागाने पूना आधार इलाकांग निर्माण कित्ताद मत्ता। अगस्त 1947 ते शानतुंग प्रान्त ते दुश्मन ता केंद्रित आक्रमण किन पोच्चांग कित्ता पेरके छन ई, सू ख्वी पूना दूसरा कामरेड ना नेतृत्व ते पूर्वी चीन युद्धभूमि ता 8 सेक्शनकु दक्षिण-पश्चिमी शानतुंग ओसो हनान-आनह्वेइ-च्यांगसू सीमान्त इलाका लोप्पा एवता, अणु 1,00,000 तुकू ज्यादा दुश्मन सैनिक लोर किन खत्म कित्तांग अनि हनान-च्यांगसू मुक्ति इलाका ता विकास कीसि दुश्मन ता रणनीतिक महत्व मत्ता केंद्र, खाएफंग ओसो चंगचओ किन अलगाव ते वाटसितांग। छन फंग, श्ये फू-च ओसो बाकी कामरेड्स ना कमान ते शानशी-हपे-शानतुंग इलाका ता थाएव्हे फौजी फार्मेशन ता रेंडु सेक्शनकु ओसो उंदी फौजी कोर अगस्त 1947 ते दक्षिणी शानशी ते जबरदस्ती पीली बेरेड वेंडता अनि पश्चिमी हनान लोप्पा नेंगता। इदु अभियान लोप्पा ओरु 40,000 तुकू ज्यादा दुश्मन सेना किन खत्म कित्तोर। ताना पेरके हनान-शेनशी-हपे हंदी ओसो दक्षिणी शेनशी ते आधार इलाकांग बने कित्तोर अनि पश्चिमी हनान लोप्पा दुश्मन ता रणनीतिक महत्व मत्ता केंद्र लोयाड किन पूराए अलगाव ते वाटसी थुंगक्वान काजे खतरा बनेमातोर।

3. 15 दिसम्बर 1947 तल 15 मार्च 1948 एवनल लिन प्याओ, लो रंगह्वान ओसो बाकी कामरेड्स ना नेतृत्व ते उत्तर-पूर्वी युद्धभूमि सेना ता 10 सेक्शन ओसो 12 स्वतंत्र डिवीजनकु चीनी छांगछुन रेलवे ता सफिंग-तालिछ्याओ सेक्शन ओसो पेफिंग-ल्याओनिंग रेलवे ता शानहाएक्वान-शनयांग सेक्शन संगे कलियसी मत्ता इलाकांग लोप्पा बेहरा स्तर ते शीतकालीन आक्रमण कित्ता। पूरा 90 दिव्यंग लगातार लडेमाता पेरके 1,56,000 तुकू ज्यादा दुश्मन सेना ता केंद्र सफिंग ओसो 18 शहर कुना पोरु कब्जा कित्ता। इंग्वओ ना रक्षा काजे तैनात दुश्मन ता उंदी डिवीजन विद्रोह कीसि मना बगिल वात्ता। चीलिन शहर ता रक्षा काजे तैनात मत्ता दुश्मन सेना छांगछुन बगिल कावसी पूरा उत्तर-पूर्व ता कुल 1 प्रतिशत हिस्साए पिस्ता। छांगछुन-शनयांग-चिनचओ लाइन संगे कलियसी मत्ता शहर कुना लोप्पा दुश्मन ता अड्डा अलगाव ते वात्ता।
4. 1947 ते सितम्बर ता शुरूआत तल नवम्बर नड्मा एवनल ल्ये तंग-चन ओसो बाकी कामरेड्स ना नेतृत्व ते शानशी-छाहाइ-हपे युद्ध-सेना ता 5 सेक्शनकु ताछिंग डोड्डा ता उत्तर बगिल ता इलाकांग ओसो छिंगफइल्येन ता इलाकांग लोप्पा उंदी पेरके उंदी लगातार बचोनो अभियानकु ताकी कीतांग। संगेने शच्याच्वांग ता मुक्ति अभियान ताकी कीतांग। इव अभियान कुना लोप्पा कुल 50,000 दुश्मन सेना किन खत्म कित्तोर। शानशी-छाहाइ-हपे मुक्त इलाका ओसो शानशी-हपे-शानतुंग-हनान मुक्त इलाका किन उंदी दूसरा संगे काल्पसी उंदी अखंड इलाका बने कित्तोर। सितम्बर तल दिसम्बर 1947 एवनल पूर्वी चीन युद्ध-सेना ता शानतुंग फौजी

फार्मेशन ता मूंड सेक्शनकु ओसो स्थानीय सशस्त्र सेना श्री श-यओ, थान चन-लिन ओसो बाकी कामरेड्स ना नेतृत्व ते पूर्वी शानतुंग अभियान ताकी कितोर। ताना लोप्पा ओरू 63,000 तुकू ज्यादा दुश्मन सेना किन खत्म कितोर दस तुकू ज्यादा काउंटी केंद्र दुश्मन तल वापिस ऊंदतोर, अद्रमासी शानतुंग प्रांत ता पूरा परिस्थितिए बदलेमाता। अगस्त तल दिसम्बर 1947 एवनल पूर्वी चीन युद्ध सेना ता उंदी हिस्सा उत्तरी च्यांगसू लोप्पा येनछंग, लीपाओ अनि उचुक जागांग पोरो उंदी परेके उंदी अभियानकु ताकी कीसि 24,000 तुकू ज्यादा दुश्मन सेना किन खत्म कित्ता अनि उत्तरी च्यांगसू लोप्पा बेहरा इलाका दुश्मन तल ऊंदता। दिसम्बर 1947 श्री श्यांग-छयेन ओसो उचुन कामरेड्स ना नेतृत्व ते शानशी-हपे-शानतुंग-हनान युद्ध सेना ता उंदी हिस्सा उत्तर-पश्चिमी युद्धभूमि ता उंदी हिस्सा संगे समन्वय कीसि लडेमाता अनि युनछंग पोरो कब्जा कीसि 13,000 तुकू ज्यादा दुश्मन सेना किन नष्ट कित्ता, इद्रम दक्षिण-पश्चिमी शानशी ता सब्बे दुश्मन सेनांग किन खत्म कित्ता अनि लिनफन लोप्पा तैनात मत्ता दुश्मन सेना किन अलगाव ते वाटता।

5. 1947 ता हिरंगम कालम ते फौज किन सुदृढ़ कीयाना ओसो ट्रेनिंग हियाना काम पूरा आत्ता परेके 1948 ता वसंत कालम ते जन मुक्ति सेना (पीएलए) ता युद्ध सेना उंदी परेके उंदी बचोना वसंतकालीन आक्रामण शुरू कित्ता। मार्च ओसो मई नडमा शानशी-छाहाड़-हपे युद्ध सेना ओसो शानशी-हपे-शानतुंग-हनान युद्ध सेना ता उंदी हिस्सा ओसो शानशी-स्वेय्वान युद्ध सेना ता उंदी हिस्सा दक्षिणी छाहाड़, पूर्वी स्वेय्वान ओसो शानशी ता लिनफन इलाका लोप्पा अभियान ताकी कित्ता। अविना लोप्पा 43,000 तुकू ज्यादा दुश्मन सेना किन खत्म कित्ता ओसो बेहरा इलाका दुश्मन ता ऊंदिता। 8 मार्च तल 23 मई एवनल मध्यवर्ती मैदान युद्ध सेना ता उंदी हिस्सा ओसो पूर्वी चीन युद्ध सेना ता उंदी हिस्सा लोयाड़ ओसो सुछहो ओसो नानयांग ता पूर्व, पश्चिम इलाकांग लोप्पा उंदी परेके उंदी लगातार अभियानकु ताकी कीसि 56,000 तुकू ज्यादा दुश्मन किन खत्म कित्ता। इद्रम मध्यवर्ती मैदान ते दुश्मन ता रक्षा-व्यवस्था किन गुंडा कीसि अगाटा मुक्त इलाकांग ना विस्तार कीसि मजबूत कित्ता। 11 मार्च तल 8 मई एवनल पूर्वी चीन युद्ध सेना ता शानतुंग फौजी फारमेशन मुन्ने छिंगताओ-चीनान रेलवे ता पश्चिमी सेक्शन ते ओसो ताना परेके वेइश्येन ते अभियानकु ताकी कित्ता अनि अविना लोप्पा 84,000 तुकू ज्यादा दुश्मन सेना किन खत्म कित्ता। इद्रमे चीनान, छिंगताओ, लिनई ओसो येनचओ लेक्कटा उचुक केंद्र कुन विड़चसी (इव इंजे क्वोमिंगातांग कब्जा ते मत्तांग) पूरा शानतुंग प्रांत किन मुक्त कित्ताद मत्ता। मार्च ते उत्तरी व्यांगसू फौजी फार्मेशन ईलिन लोप्पा सफलतापूर्क अभियान ताकी कित्ता।

6. फौजी कार्रवाई संबंधित दस मुख्य उसूल कुना जानकारी काजे इदे ग्रन्थ लोप्पा "वर्तमान परिस्थिति ओसो मना कार्य" हेडिंग वाले लेख ता तीसरा हिस्सा हूड़ाट्।

7. फंग त-ह्वाए, हो लुंग, शी चुंग-श्युन ओसो बाकी कामरेड्स ना नेतृत्व ते उत्तर-पश्चिमी युद्ध सेना 1947 ता एही कालम ते उत्तरी शेनशी ता फौजी कार्रवाई ते कुल 25,000 तुकू ज्यादा सैनिक लोरा रेंडु सेक्शन ओसो रेंडु ब्रिगेड कुना मुख्य सेना ता इस्तेमाल कित्तोरा 1948 ता वसंत एवनल इद मुख्य सेना बेरसिसी पांच सेक्शन बनेमाता, तीना लोप्पा सैनिक लोरा कुल संख्या 75,000 तुकू ज्यादा मत्ता। सालमेटा लडाई लोप्पा ओसो 1947 ता हिरंगम ते सेना लोप्पा पूना रकम ता सुदृढीकरण आंदोलन लोप्पा फौलाद बनेमातांकु अफसर ओसो सैनिक लोरा व्यापक समुदाय ता राजनीतिक चेतना ओसो फौजी यूनिट कुना युद्ध-क्षमता वेल्ला बेरसता। अद्रमासी उत्तर-पश्चिमी युद्ध सेना मार्च 1948 ते बाहरी सेना ता फौजी कार्रवाइंग काजे अनुकूल परिस्थिति तैयार कियमूडाता। ईछवान बेहरा सफलता पेरके उत्तर-पश्चिमी युद्ध सेना 12 अप्रैल ते शीफ (शीआन ता पश्चिम ते मत्ता चिंगश्वेइ ओसो वेइश्वेइ बेरेड नडमा ता मैदानी इलाका) ओसो पूर्वी कानसू ते उंदी अभियान शुरू कित्ता। चिंगश्वेइ ओसो वेइश्वेइ डोड्डा नडमा ता मैदान ता बेहरा इलाका लोप्पा अभियान कीसि शीआन-लानचओ राजमार्ग किन देहता अनि 22 अप्रैल ते येनान किन दुश्मन ता कब्जा तल वापिस ऊंदता।

# परिस्थिति ता बारे ते उंदी सर्कुलर\*<sup>1</sup>

20 मार्च 1948

- 1 इस्सल उचुक महिनांग लोप्पा केंद्रीय कमेटी तन्ना पूरा ध्यान पूना परिस्थिति ते भूमि सुधार, उद्योग, वाणिज्य, संयुक्त मोर्चा, पार्टी सुदृढीकरण ओसो पूना मुक्त इलाकांग ना काम ता बारे ते बचोना ठोस नीतिंग ओसो कार्यनीतिंग ना संबंधित समस्यांग किन हल कीयाना पोरो केंद्रित कित्ता, अदु पार्टी लोप्पटा दक्षिणपंथी ओसो “वामपंथी” भटकाव कुना मुख्य रूप ते “वामपंथी” भटकाव कुना विरोध कित्ता। मना पार्टी ता इतिहास हूडतेके मना पार्टी क्वोमिंगातांग संगे संयुक्त मोर्चा बने कीयानास्के पार्टी लोप्पा दक्षिणपंथी भटकाव कु मंदाना संभावना मंदिता। मना पार्टी क्वोमिंगातांग संगे संबंध देहनास्के पार्टी लोप्पा “वामपंथी” भटकावकु मंदाना संभावना मंदिता। इंजे “वामपंथी” भटकाव मुख्य रूप ते इगा वेहता लेक्का मंतांग:- मध्यम किसान ओसो राष्ट्रीय पूंजीपति वर्ग ता हित कुन नुकसान कीयाना, मजदूर आंदोलन लोप्पा मजदूर लोरा फौरी हित कुना पोरो एकतरफा जोर हियाना, जमींदार लोरा संगे कीयाना व्यवहार ओसो धनी किसान लोरा संगे कीयाना व्यवहार लोप्पा बदे अंतर हिल्वा मंदाना, बेहरा, मध्यम ओसो सुडल जमींदार लोरा संगे कीयाना व्यवहार लोप्पा ओसो स्थानीय निरंकुश तत्व मत्ता ओसो स्थानीय निरंकुश तत्व हिल्वा मत्ता जमींदार लोरा संगे कीयाना

---

<sup>1</sup> इदु पार्टी सर्कुलर कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे रासिस मत्तोरा ताना पेरके केंद्रीय कमेटी शेनसी कानसू-निंगश्या हंदी इलाका तल शानशी-स्वेय्वान मुक्त इलाका हर्दे शानशी-छाहाड- हपे मुक्त इलाका लोप्पा हत्ता अनि मई 1948 ते पश्चिमी हपे प्रान्त ता फिंगशान काउन्टी ता शीपोफो नाटे एवता।

व्यवहार लोप्पा अंतर कियवा मंदाना, समान वितरण ता सिद्धांत उल्लंघन कीसि जमींदार लोरगा पिस्वल पिस्सला काजे जरूरी साधन कुन विड़सना, प्रतिक्रांतिकारी किन खत्म कीयाना संघर्ष लोप्पा नीति ता उल्लंघन कीयाना, राष्ट्रीय पूंजीपति वर्ग ता प्रतिनिधित्व कीयाना राजनीतिक पार्टिंग ना पिस्वल किन विचार कीयाना, जागृत शरीफजादा लोर किन विचार कीयाना, पूना मुक्त इलाकांग लोप्पा हमलांग ना निशाना ता दूरी किन सुडला कीयाना (इत्तेके धनी किसान ओसो सुडला जमींदार लोर किन उंदी बगिल कीयाना) कार्यनीतिक महत्व तु नजरअंदाज कीयाना, हर कदम काम कीयाना हिम्मत पोहना। हत्ता लगभग रेंडु साल इव “वामपंथी” भटकावकु लगभग सब्बे मुक्त इलाकांग लोप्पा हूडला दोरकितांग अनि बस्के-बस्के इवु गंभीर दुस्साहसवादी रुझान कुना रूप वेने एतितांग। इव भटकावकुन सुधरे कीयाना वेल्ले मुशिकल हिल्ले, हत्ता उचुक महिनांग लोप्पा अविन साधारण रूप ते सुधरे कित्ताद मंता लेवेके सुधरे कीयाना पूरा कोशिश ताका मंता। मति सब्बे स्तर ते सेनांग पूरा कोशिश कीतेकेने इद्रम ता भटकाव कुन पूराए सुधरे कियमूडायारा। दक्षिणपंथी भटकाव मुख्य रूप ते वेहता लेक्का मंतांग: दुश्मन ता ताकत किन बेरसी कीसि हूडना, च्यांग काई-शेक किन बेहरा स्तर ते हियाना अमेरिका सहायता तुकू वेरियाना, दीर्घकालीन युद्ध तल दोगना, अन्तरराष्ट्रीय जनवादी ताकत कुन मजबूत कीयाना ता बारे ते डावुट कीयाना, सामंती व्यवस्था नष्ट कियाला काजे आम जनता किन पूराए जागृत कीयाना लोप्पा हिम्मत ते काम कियवा मंदाना ओसो पार्टी ती वर्ग-सरंचना ओसो कार्यशैली लोप्पा मत्ता कमजोरिंग पोरो दुक्कम पोयसी मत्ता व्यवहार कीयानावा मंतांग। मति इद्रम ता दक्षिणपंथी भटकावकु इंजे प्रमुख भटकावकु हिल्लेंग, इदिन सुधरे कीयाना वेने मुशिकल हिल्ले। इंजेटा उचुक महिनांग लोप्पा मना पार्टी युद्ध लोप्पा भूमि सुधार, पार्टी ओसो सेना लोप्पा सुदृढिकरण काम लोप्पा, पूना मुक्त इलाकांग बने कीयाना काम लोप्पा ओसो जनवादी पार्टिंग किन मना

पक्ष ते कीयाना काम लोप्पा सफलता दोरकी कित्ताद मंता। काम ते इव क्षेत्र कुना लोप्पा मत्ता भटकावकुन जोरदार तरीका ते सुधरे कित्ताद मंता लेवेके सुधरे कीयाना काम ताका मंता। इद्रम चीन ता पूरा क्रांतिकारी आंदोलन सही विकास हर्दे मुन्ने दाया परियार। पार्टी ता सब्बे नीतिंग ओसो कार्यनीतिंग सही हर्दे ताकतेकेने चीनी क्रांति ता जीत संभव आया परिता। नीति ओसो कार्यनीति पार्टी ता जीवा आंदुंगा। सब्बे स्तर ता नेतृत्वकारी कामरेड्स किन इविना बगिल पूरा ध्यान हियाना ओसो इविना पोरो लापरवाही ता व्यवहार इनपडे कीयानायो।

- 2 उचुन विशिष्ट जनवादी लोकुर अमेरिका ओसो च्यांग कार्ड-शेक ना बारे ते भ्रम ते मत्तांकु ओसो देश-विदेश ता सब्बे दुश्मन किन पूराए हारे कीयाना लोप्पा मना पार्टी ओसो जनता ना ताकत पोरो डावुट मत्तांकु ओरु उंदी “तीसरा हर्दी”<sup>1</sup> इंजे वेने संभव मंता इंजी समझे मायनोर। अनि तम्मा किन क्वोमिंगतांग ओसो कम्युनिस्ट पार्टी नडुमा ता सुविधानुसार तासानोर। क्वोमिंगतांग ता अचानक आयना हमलांग मुन्ने खुद किन निष्क्रिय तासनोर अद्रमासी जनवरी 1948 ते ओरु वेने मना पार्टी ता नारा मना काजे ओसो च्यांग कार्ड-शेक अनि अमेरिका ता विरोध कीयाना ओसो कम्युनिस्ट पार्टी ता सहयोग कीयाना, सोवियत संघ संगे एकता कीयाना इंजी ऐलान कित्तोर।<sup>2</sup> माटू इद्रम तोरा संगे एकता कीयाना नीति लागू कीयाना अनि वीरा गलत दृष्टिकोण ता परताचोन आलोचना कीयाना। वायना कालम ते केंद्रीय जनताना सरकार ता स्थापना कीयानास्के वीरा लोप्पाटल उचुन मुल किन सरकारी काम लोप्पा शामिल आयला काजे केयना जरूरी ओसो फायदा वेने आयार। इद्रम लोकुरा विशेषतांग इगा वेहता लेक्का मंतांग- वीर लोकुर मेहनतकश जनता लोप्पा सम्पर्क तासना विचार कीवोर आंतोर। बेहरा शहर कुना पिस्वल ता आदत मंदिता ओसो मुक्त इलाकांग लोप्पा वायला पेरके-मुन्ने आंतोर। मति इद्रमतोर बद सामाजिक आधार ता प्रतिनिधित्व कींतोर, अदिना

राष्ट्रीय पूंजीपति वर्ग ता महत्व मंता अदिन काजे अदिन नजरअंदाज कीयानायो। अदिनके माटू वीरकिन मना पक्ष ते कियाला कोशिश कीयाना। माटू ओसो वेने बेहरा जीत दोरकी कीतेके शनयांग, पेफिंग ओसो थ्येनचिन लेक्कटा बचोनो शहर कुना पोरो कब्जा किया परितोमा। इंजे कम्युनिस्ट पार्टीए जीड़ियर, क्वोमिंगतांग पक्का हारेमायर इंजी स्पष्ट आत्तास्के वीर लोकर केंद्रीय जनताना सरकार लोप्पा शामिल आयना कबुर दोरकी कीसि मना संगे काम कियाला काजे मुक्त इलाकांग लोप्पा वायला तैयार आयना संभावना मंदिता।

- 3 इयेंड केंद्रीय जनताना सरकार ता स्थापना कियाला काजे माटू तैयार हिल्लेम बारांकु इत्तेके अदिना काजे अनुकूल परिस्थिति वात्ताद हिल्ले। इयेंडे च्यांग काई-शेक ना बोगस राष्ट्रीय एसेम्बली च्यांग काई-शेक किन प्रेसीडेंट चुने कियार<sup>3</sup> ओसो ओना सम्मान ओसो ज्यादा कम आयारा। माटू ओसो बेहरा जीत दोरकी कित्तास्के, मना इलाका ना ओसो ज्यादा विस्तार कीतेके वेने मुन्ने हंजी माटू देश ता पहली दर्जा ता शहर कुना लोप्पटल उंदी लेवेके रेंडु पोरो कब्जा किया परितोमा। उत्तर-पूर्वी चीन, उत्तरी चीन, शानतुंग, उत्तरी च्यांगसू, हनान, हपे ओसो आनह्वेइ किन काल्पसी उंदी अखंड इलाका बने कियमूडायर। अस्के केंद्रीय जनताना सरकार ता स्थापना कीयाना वेल्ले जरूरी आयारा। इद परिस्थिति लगभग 1949 ते वायारा। इंजे माटू शानशी-छाहाड़-हपे इलाका, शानशी-हपे-शानतुंग-हनान इलाका ओसो शानतुंग ता पोहाए इलाका किन उंदे पार्टी कमेट्टी (उत्तरी चीन ब्यूरो), उंदे सरकार ओसो उंदे फौजी कमान लोप्पा तासिसी उंदी दूसरा संगे काल्पसी उंदी किया मंतोम (पोहाए इलाका किन शामिल कियाला उचुन टाईम पोय्या परिरता)। इव मूंड इलाकांग लुंगहाए, रेलवे ता उत्तर, थ्येनचिन-फूखओ रेलवे ओसो पोहाए खाड़ी ता पश्चिम, ताथुंग-फूचओ रेलवे ता पूर्व ओसो पेफिंग-स्वेव्वान रेलवे ता दक्षिण ते मत्ता बेहरा इलाका मंता।<sup>4</sup> इव इंजे उंदी अखंड इलाका लेक्का आपस ते जुडेमासी मंतांग, इदिना आबादी पांच करोड़ मंता



ओसो इविन काल्पना काम कम टाईम तेने पूरा आयारा। तीना लोप्पा माटू दक्षिण मोर्चा ता युद्ध किन जोरदार मदद हियाना ओसो वेल्ले कार्यकर्ता लोरा तबादला कीसि पूना इलाका लोप्पा लोहा परितोमा इद अखंड इलाका ता नेतृत्व-केंद्र शच्यांच्वांग लोप्पा मंदियारा। केंद्रीय कमेटी वेने उत्तरी चीन दायना तैयारी किया मंता ओसो अदिना कार्य-समिति लोप्पा कलियारा।

- 4 दक्षिण मोर्चा ता मना बचोनो सेनांग दिसम्बर तल फरवरी एवनल आराम कित्ता अनि खुद किन सुदृढ़ कीता: इव सेनांग लोप्पा शानतुंग फौजी फारमेशन ता 9 ब्रिगेड, उत्तरी च्यांगसू फौजी फारमेशन ता 7 ब्रिगेड, पीली बेरेड ओसो ह्वाए बेरेड नडमा ता इलाकांग ना फौजी फारमेशन ता 21 ब्रिगेड, हनान-हुपे-शेनशी इलाका ता फौजी फारमेशन ता 10 ब्रिगेडकु, यांगत्सी बेरेड, ह्वाए बेरेड ओसो हानश्वेइ बेरेड नडमा ता इलाका ता फौजी फारमेशन ता 19 ब्रिगेड, उत्तर-पश्चिमी चीन ता फौजी फारमेशन ता 12 ब्रिगेडकु ओसो दक्षिणी शानशी ओसो उत्तरी हनान ता फौजी फारमेशन ता 12 ब्रिगेडकु शामिल मंतांग। उंदी बेरा यांगत्सी बेरेड, ह्वाए बेरेड ओसो हानश्वेइ बेरेड नडमा ता इलाका ते ल्यू पो-छंग ओसो तंग श्याओ-फिंग ना फौजी फारमेशन ता मुख्य शक्ति, पाए छुंगशी तन्ना सेनांगकिन ताप्ये मेट्टा पोरो हमला कियाला काजे जमा कीतांकु अदिन आराम कीयाना ओसो खुद किन सुदृढ़ कीयाना मौका दोरकी आत्ता,<sup>5</sup> फरवरी ता आखरी ते इद मुख्य शक्ति तन्ना उंदी हिस्सा किन आराम कियाला ओसो सुदृढ़ कियाला काजे ह्वाए बेरेड ता उत्तर बगिल लोहता। हत्ता बीस महिनांग ना लडाई लोप्पा पहली बेरा मना फौज कुन बेहरा स्तर ते आराम कीयाना ओसो सुदृढ़ कीयाना टाईम दोरकता। आराम ओसो सुदृढ़ीकरण ताकनास्के लागू कित्ता तरीकांग इगा वेहता लेक्का मंतांग: जन समुदाय किन स्पष्ट रूप ते तम्मा दुःख (पाइना समाज ओसो प्रतिक्रियावादिरा मेहनतकश जनता पोरो कीयाना उत्पीड़नकु) ना बारे ते चर्चा कीयाना मौका हियाना, मूंड रकम ता

जांच (वर्ग-उत्पत्ति, कार्य-तत्परता ओसो जुझारू संकल्प ता जांच) कीयाना ओसो जनव्यापी फौजी ट्रेनिंग हियाना (अफसर लोर सिपाही लोर किन ओसो सिपाही लोर अफसर लोर किन ओसो सिपाही लोर सिपाही लोर किन करहाना)। इव तरिकांग संगे काम कीसि माटू पूरा सेना ता कमांडर लोर ओसो योद्धा लोरा लोप्पा पोरो स्तर ता क्रांतिकारी सक्रियता ता विकास कित्तोम। उचुन फौजी यूनिटकुना लोप्पा दोरकता जमींदार, धनी किसान ओसो लब्बड़ ता तत्व किन सुधरे कीयाना लेवेके चुने कीसि बाहर कीयाना। अनुशासन ता स्तर किन पोरो तेहताद मंता, भूमि सुधार लोप्पा लागू कित्ता अलग-अलग नीतिंग किन स्पष्ट समझे कित्ताद मंता, सेना लोप्पा जनवादी कार्यशैली ता विकास कित्ताद मंता ओसो मना फौजी तकनीक, युद्ध कला ता स्तर तुन पोरो तेहताद मंता। अद्रमासी मना सेना तन्ना जुझारू क्षमता किन वेल्ले बेरसी कित्ता। ल्यू पो-छंग ओसो तंग श्याओ-फिंग ना फौजी फारमेशन ता सिर्फ उंदे हिस्सा किन विड़चसी (इदु इंजे वेने आराम ओसो सुदृढीकरण कीयाना) मना पिसता सब्बे फौजी फारमेशन कु फरवरी ता आखरी ते लेवेके मार्च ता शुरू तल पूना फौजी कार्रवाइंग शुरू कीतांग अनि रेंडु हप्तंग लोप्पा दुश्मन ता 9 ब्रिगेड कुन खत्म कीतांग। उत्तरी मोर्चा ता सेना इत्तेके उत्तर-पूर्व फौजी फारमेशन ता 46 ब्रिगेड, शानशी-छाहाड़-हपे इलाका ता फौजी फारमेशन ता 18 ब्रिगेडकु ओसो शानशी-स्वेय्वान इलाका ता फौजी फारमेशन ता 2 ब्रिगेड ता बेहरा हिस्सा पूरा हिरंगम कालम ते लड़ेमासोर मत्ता, सिर्फ उंदी सुडला हिस्साए आराम ओसो सुदृढीकरण कित्ता। ल्याओहो बेरेड़ जम्मेमाता पेरके फायदा एतसी उत्तर-पूर्व फौजी फारमेशन मूंड महिनांग लड़ेमाता। ताना लोप्पा 8 दुश्मन ब्रिगेड कुन खत्म कीयाना ओसो 9 दुश्मन ब्रिगेड लोप्पा विद्रोह कीसि मना पक्ष ते कियाला सफलता दोरकी कित्ताद मंता। चांगऊ, फाखू, शिनलीथुन, ल्याओयांग, आनशान, इंगखओ ओसो सफिंग पोरो कब्जा कीसि चीलिन पोरो दुबारा कब्जा कित्ताद मंता। इद फौजी

फारमेशन आराम ओसो सुदृढीकरण कीयाना इंजे शुरू कित्ता। आराम ओसो सुदृढीकरण पेरके इद फौजी फारमेशन छांगछुन पोरो हमला कियार लेवेके पेफिंग-ल्याओनिंग रेलवे हेरेटा इलाकांग लोप्पा मत्ता दुश्मन पोरो हमला कियार। शानशी-छाहाड़-हपे इलाका ता फौजी फारमेशन आराम ओसो सुदृढीकरण लोप्पा उंदी महीना तुकू ज्यादा टाईम वाटता ओसो इंजे पेफिंग-स्वेय्वान रेलवे बगिल दाया मंता। शानशी-स्वेय्वान इलाका ता फौजी फारमेशन तुलनात्मक रूप ते सुडला मंता ओसो अदिना मुख्य जिम्मेदारी येन शी-शान ता सेनांग किन रोमी कीयाना मंता। सारांश ते इंजे माटू उत्तरी ओसो दक्षिणी, रेंडु मोर्चांग पोरो सुडला-बेहरा 10 फौजी फारमेशन मंतांग। अविना लोप्पा नियमित सेनांग ना कुल 50 सेक्शन कु (हर सेक्शन क्वोमिंगतांग ता उंदी पुनर्गठित डिवीजन ता बराबर मंता) लेवेके कुल 156 ब्रिगेड (हर ब्रिगेड क्वोमिंगतांग ता उंदी पुनर्गठित ब्रिगेड ता बराबर मंता) ओसो हर ब्रिगेड (3 रेजीमेंट) लोप्पा औसतन 8,000 सैनिक मंता- इद्रम मना नियमित सेना ता कुल संख्या 13 लाख 22,000 तुकू ज्यादा वेने मंता। इदे आयवा प्रादेशिक फौजी फारमेशन, प्रादेशिक फौजी टुकडिंग, छापामार दस्ता, पृष्ठभागीय फौजी संस्थान ओसो फौजी अकादमिंग ना 11 लाख 68,000 तुकू ज्यादा अनियमित सेना वेने मंता (तीना लोप्पा लड़ाकू सैनिक संख्या तुकू ज्यादा अनियमित सेना वेने मंता)। इद्रमे मना पूरा सेना ता कुल संख्या 24 लाख 91,000 तुकू ज्यादा मंता। मति जुलाई 1946 तुकू मुन्ने मना 28 सेक्शनकु लेवेके 118 ब्रिगेड कुना लोप्पा हर ब्रिगेड (3 रेजीमेंट) औसतन 5,000 तुकू वेने कम सैनिक मत्तोर, कुल 6 लाख 12,000 तुकू ज्यादा नियमित सेना ओसो 6 लाख 65,000 तुकू ज्यादा अनियमित सेना-कुल 12 लाख 78,000 तुकू ज्यादा सैनिक मत्तोर। इदिन हूडतेके मना सेना इंजे बेरसता। ब्रिगेड कुना संख्या बेरसताद हिल्ले मति हर ब्रिगेड ता सैनिक संख्या वेल्ले बेरसता। बीस महीनांग ना लड़ाई पेरके मना जुझारू क्षमता वने वेल्ले बेरसता।

5 जुलाई 1946 तल 1947 ता एही कालम एवनल क्वोमिंगतांग ता नियमित सेना लोप्पा कुल 248 ब्रिगेड वाले 93 डिवीजन मत्ता। इंजे ओरगा 279 ब्रिगेड वाले 104 पोरोल ता डिवीजनकु मंतांग। अदिना विस्तार इगा रास्ता लेक्का मंता: उत्तरी मोर्चा ते 93 ब्रिगेड वाले 29 डिवीजनकु (शनयांग लोप्पा वेइ ली-ह्वांग ना कैदे 45 ब्रिगेड वाले 13 डिवीजनकु, पेफिंद ते फू च्वो-ई ना कैदे 33 ब्रिगेड वाले 11 डिवीजन ओसो थाएय्वान लोप्पा येन शी-शान ना कैदे 15 ब्रिगेड वाले 5 डिवीजनकु) मंतांग इविना कुल सैनिक संख्या लगभग 5 लाख 50,000 मंता। दक्षिणी मोर्चा ते 158 ब्रिगेड वाले 66 डिवीजन (चंगचओ लोप्पा कू पाए छुंग-शी ना कैदे 86 ब्रिगेड वाले 38 डिवीजनकु, च्योच्यांग लोप्पा पाए छुंग-शी ना कैदे 33 ब्रिगेड वाले 14 डिवीजनकु ओसो शीआन लोप्पा हु चुंग-नान ना कैदे 36 ब्रिगेड वाले 14 डिवीजनकु मंतांग। इविना कुल संख्या 10 लाख 60,000 मंता। दूसरा सेनांग 28 ब्रिगेड वाले 9 डिवीजनकु (उत्तर-पश्चिमी इलाका इत्तेके लानचओ ता पश्चिम ता इलाका लोप्पा 8 ब्रिगेड वाले 4 डिवीजनकु, दक्षिणी-पश्चिमी इलाका इत्तेके मछवान, शीखांग, युनान ओसो क्वेइचओ प्रांत लोप्पा 10 ब्रिगेड वाले 4 डिवीजनकु, दक्षिण-पूर्व इलाका इत्तेके यांगत्सी बेरेड ता दक्षिण प्रांत कुना लोप्पा 8 ब्रिगेड ओसो थाएवान लोप्पा 2 ब्रिगेडकु वाले 1 डिवीजन मंता) इदिना कुल सैनिक संख्या लगभग 1 लाख 96,000 मंता। क्वोमिंगतांग ता नियमित सेना ता फौजी यूनिटकुना पोरोलकुना संख्या बेरसना कारण ओरा सेना ता बेहरा संख्या तुन मना सेना नष्ट कित्ताद आंदू ओसो ओरा सेनांग रणनीतिक आक्रामण तल मलसी रणनीतिक बचाव कीयाना परिस्थिति ते मत्तास्के क्वोमिंगतांग किन तम्मा सेना ता वेल्ले कमी आत्तापू आत्ता। अदिन काजे अदु बचोनो जागा ना सशस्त्र यूनिट ओसो कठपुतली सेनांग ना दर्जा बेरसी कित्ता लेवेके पुनर्गठित कीसि तम्मा नियमित सेना लोप्पा काल्यता। इद्रम उत्तरी मोर्चा ते वेइ ली-ह्वांग ना कमान ते 14 ब्रिगेड वाले 3

डिवीजनकु ओसो फू च्वो-ई ना कमान ते 6 ब्रिगेड वाले 2 डिवीजनकु ओसो जोड़े कित्ताद मत्ता। दक्षिणी मोर्चा ते कू चू- थुंग ना कमान ते 9 ब्रिगेड वाले 6 डिवीजनकु ओसो हू चुंग-नान ना कमान ते 2 ब्रिगेड किन ओसो जोड़े कियमूड़ाता। कुल मिले कीसि 31 ब्रिगेड वाले 11 डिवीजनकुना बढ़ोत्तरी आत्ता। अद्रमासी क्वोमिंगतांग सेना लोप्पा इंजे 93 आयवा 104 डिवीजनकु ओसो 248 आयवा 279 ब्रिगेडकु मंतांग। मति असल इत्तेके हत्ता उचुक महीनांग लोप्पा (20 मार्च एवनल) माटू खत्म कित्ता 29 ब्रिगेड वाले 6 डिवीजनकु कु इंजे सिर्फ पोरोल तुके पिस्तांगः अविन पुनस्थापित कीयाना लेवेके पूना भरती संगे पूरा कीयाना टाईम दोरकताद हिल्ले ओसो उचुक किन इत्तेके बस्के वेने पुनस्थापना लेवेके पूना भरती संगे पूरा किया परमूड़ायो। अदिन काजे, क्वोमिंगतांग सेना लोप्पा इंजे सिर्फ 250 ब्रिगेड वाले 98 डिवीजनके मंतांग। इत्तेके हत्ता एदी पेरके इंजे एवनल पोरोल तुके कुल 5 डिवीजनकु ओसो असल ते 2 ब्रिगेडकुनाए बढ़ोत्तरी आत्ता। दूसरा माटा निज्जमे 250 ब्रिगेडकु मंतांगो अविना लोप्पा सिर्फ 118 ब्रिगेड कुना लोप्पाने मना सेना गोडेल देब्बा वाटा परताद हिल्ले बाकी 132 ब्रिगेड कुन मना सेना उंदी-उंदी बेरा लेवेके रेंडु-रेंडु बेराए आयवा मूंड-मूंड बेरा वेने देब्बा वाटसी खत्म कित्ताद मंता। ताना पेरके पूना भरती संगे अदिना भरपाई कित्ताद मंता। ताना पेरके वेने मना अविना पोरो उंदी-उंदी बेरा, रेंडु-रेंडु बेरा, मूंड-मूंड बेरा बेहरा देब्बा वाटता (ब्रिगेड ता संबंध ते खत्म कीयाना इत्तेके अदिन पूराए खत्य कीयाना लेवेके अदिना ज्यादातर हिस्सा किन खत्म कीयाना आंदू ओसो बेहरा दब्बा वाटना इत्तेके अदिना मुख्य सेना किने आयवा अदिना उंदी लेवेके उंदी तुकू ज्यादा रेंजीमेंट कुन खत्म कीयाना आंदू) ओसो ओरा हिम्मत ओसो जुझारू क्षमता ता स्तर दोड़ रेयता। बेहरा देब्बा तल बनेमाता 118 ब्रिगेड कुना लोप्पटल उचुक दूसरा सेना तल ट्रेनिंग एतना पूना भरती संगे गठित कित्ताव ओसो उचुक स्तर बेरसी कित्ता स्थानीय सशस्त्र यूनिट ओसो

कठपुतली सेनांग संगे पुर्गठित कित्ताद मंता, ओरो जुझारू क्षमता वेने वेल्ले कमजोर मंता। तीसरा माटा क्वोमिंगतांग ता सशस्त्र सेनांग ना संख्या वेने कम आत्ता। जुलाई 1946 तुकू मुन्ने क्वोमिंगतांग लोप्पा 20 लाख नियमित सैनिक, 7 लाख 38,000 अनियमित सैनिक, विशेष सेनांग ना 3 लाख 67,000 सैनिक, एर सेना ओसो वडी सेना ता 1 लाख 90,000 सैनिक, पृष्ठभागीय सेवा-संस्थान ओसो फौजी अकादमिंग ना 10 लाख 10,000 सैनिक, इत्तेके कुल 43 लाख 5,000 सैनिक मत्तोर। फरवरी 1948 ते ओरगा 18 लाख 10,000 नियमित ओसो 5 लाख 60,000 अनियमित सैनिक, विशेष सेना ता 2 लाख 80,000 सैनिक, एर सेना ओसो वायु सेना ता 1 लाख 90,000 सैनिक ओसो पृष्ठभागीय सेवा-संस्थान अनि फौजी अकादमिंग ना 8 लाख 10,000 सैनिक, कुलमिले कीसि 36 लाख 50,000 सैनिक पिसिस मत्तोर। इत्तेके ओरा सैनिक लोरा कुल संख्या लोप्पा 6 लाख 55,000 ता कमी आत्ता। जुलाई 1946 तल जनवरी 1948 एवनल उन्नीस महीनांग लोप्पा मना सेना क्वोमिंगतांग सेना ता कुल 19 लाख 77,000 सैनिक लोर किन खत्म कित्ता (पूरा फरवरी ओसो मार्च पेरकेटा आंकड़ांग किन इंजे जोड़े कित्ताद हिल्ले मति इदु संख्या ठोस रूप ते 1 लाख 80,000 मंदियार)। दूसरा माटा ने वेहाना इत्तेके क्वोमिंगतांग युद्ध ताकनास्के 10 लाख तुकू ज्यादा पूना भरती कित्तोरकिन पोहता, ताना संगेने तन्ना मुन्नेटा सैनिक लोर किने वेने वेल्ले बेहरा संख्या ते पोहता। इद्रम ता परिस्थिति ते मना नीति तुकू विपरीत मत्ता क्वोमिंगतांग लागू कित्ता नीति इत्तेके तन्ना ब्रिगेड कुन पूरा सैनिक संख्या वाले ब्रिगेड बने कीयाना आयवा हर ब्रिगेड ता सैनिक लोरा संख्या कम कीयाना ओसो ब्रिगेड पोरोल ता संख्या बेरसी कीयाना नीति लागू कित्ता। 1946 ते उंदी क्वोमिंगतांग ब्रिगेड ते औसतन 8,000 सैनिक मंदानोर अनि इंजे लगभग 6,500 सैनिक लोर मंतोर। इंजेटल मना सेना कब्जा कित्ता इलाका दिथ्या तुकू ज्यादा विस्तार आसोर दायनुंग अनि क्वोमिंगतांग काजे सेना

ओसो राशन जमा कीयाना इलाका रोज-रोज कम आसोर दायनुंग। वायना वसंत एवनल इत्तेके उंदी दूसरा पूरा साल ता लड़ाई पेरेके मना सेना ओसो क्वोमिंगतांग सेना संख्या अनुसार ठोस रूप ते बराबर आयना संभावना मंता। मना नीति जल्दी सफलता दोरकी कीयाना नीति आयवा अविचल रूप ते मुन्ने हंजोरे सही निशाना पोरो देब्बा वाटनदु मंता, माटू हर महीना क्वोमिंगतांग ता निमित सेना ता औसतन 8 ब्रिगेड कुन लेवेके हर साल ओरा 100 ब्रिगेड कुन खत्म कीयाना कोशिश कीयाना। असल ते हत्ता हिरंगम कालम ते औसत संख्या ज्यादा मत्ता इंजे इदिनकु वेने ज्यादा बेरसोर दाया परिंता। लगभग पांच साल लोप्पा (जुलाई 1946 तल गिनती कीसि)<sup>6</sup> क्वोमिंगतांग ता पूरा सेना तुन खत्म किया लागिया।

- 6 इंजे दक्षिणी ओसो उत्तरी मोर्चांग ने रेंडु इलाकांग लोप्पा दुश्मन तोरगा चलायमान कार्रवाई ताकी कीयाना लेक्का तुलनात्मक रूप ते बेहरा सेना इंजे वेने मंता। इगा दुश्मन आक्रामण अभियान ताकी कियमूडांता ओसो मना सेना किन उचुन जोम काजे कठिन परिस्थिति ते वाटा परमूडांता। पहली इलाका ताप्ये मेट्टा ते मंता। इगागा दुश्मन तोरगा 14 ब्रिगेडकु मंतांग इविन चलायमान कार्रवाई ते वाटा परमूडांता। दूसरा इलाका ह्वाए बेरेड़ ता उत्तर ते मंता। इगा दुश्मन तोरगा इद्रम ता लगभग 12 ब्रिगेडकु मंतांग। इव रेंडु इलाकांग लोप्पा पहलकदमी इंजे वेने क्वोमिंगतांग सेना ताए मंता। ह्वाए बेरेड़ ता उत्तर बगिल ता इलाकांग लोप्पा पहलकदमी, माटू मना मुख्य ताकत वाले ब्रिगेड कुना लोप्पटल 9 किन दूसरा इलाकांग लोप्पा इस्तेमाल कीयाना तैयारी काजे आराम ओसो सुदृढीकरण क्रियाला पीली बेरेड़ ता उत्तर ते लोहतांकु ओरा कैदे मंता। बाकी सब्बे रणभूमिग लोप्पा दुश्मन सेनांग सब्बे कमजोर आसी देब्बा तिंदा मंतांग। बव युद्धभूमिग लोप्पटा परिस्थिति मना काजे अनुकूल मंता अवु उत्तर-पूर्व, शानतुंग, उत्तर-पश्चिम, उत्तरी च्यांगसू, शानशी-छाहाड़-हपे इलाकांग, शानशी-हपे-शानतुंग-हनान इलाका ओसो चंगचओ-हानखओ रलवे ता

पश्चिम, यांगत्सी बेरेड़ ता उत्तर ओसो पीली बेरेड़ ता दक्षिण ते मत्ता बेहरा इलाकांग मंतांग।

## नोट

1. इदे ग्रन्थ लोप्पा “वर्तमान परिस्थिति ओसो मना कार्य” हेडिंग वाले लेख ता नोट 8 हूडाटू।
2. अक्तुबर 1947 ते प्रतिक्रियावदी क्वोमिंगतांग सरकार जनवादी संघ किन भंग कीयाना आदेश जारी कित्ता। क्वोमिंगतांग प्रतिक्रियावादिरा दबाव ते वासी जनवादी संघ ता उचुन डुलमुल तत्व जनवादी संघ किन भंग कीयाना ओसो अदिना सब्बे कार्रवाइंग बंद कीयाना घोषणा कीतांग। अस्के दूसरा जनवादी पार्टिंग वेने क्वोमिंगतांग प्रतिक्रियावादिर अत्याचार कुना शिकार मत्ता, क्वोमिंगतांग शासित इलाकांग लोप्पा खुलेआम काम किया परसोर हिल्वा मत्तांग। जनवरी 1948 ते जनवादी संघ ता शान च्युन-क ओसो बाकी नेता लोर हांगकांग ते उंदी मीटिंग केयतोर अनि जनवादी संघ ता नेतृत्वकारी संगठन किन पुनर्गठन कीयाना ओसो संघ ता कार्रवाइंग ओसो शुरू कीयाना फैसला कित्तोर। अदे महीना ते क्वोमिंगतांग ता जनवादी पक्ष ता ली पी-शन लेक्का बचोनो सदस्य लोर वेने हांगकांग लोप्पा क्वोमिंगतांग ता क्रांतिकारी कमेटी ता स्थापना कित्तोर। अस्के इव रेंडासी संस्थांग ना वर्तमान परिस्थिति ते बारे ते कम्युनिस्ट पार्टी ता राय किन मानेमासी चीनी कम्युनिस्ट पार्टी सो बाकी जनवादी पार्टिंग संगे एकता कियाला, च्यांग काई-शेक ना तानाशाही किन तेहकसी वाटला चीन ता अंदरूनी समस्यांग ने अमेरिका ता सशस्त्र दखल ता विरोध कीयाना आह्वान कीसोर घोषणापत्र जारी कित्तोर। जनवादी संघ ता डुलमुल तत्व वेने अस्के इव नारांग किन मानेमातांग।
3. क्वोमिंगतांग प्रतिक्रियावादिर 23 मार्च तल 1 मई 1948 एवनल नानकिंग ते उंदी बोगस “राष्ट्रीय एसेम्बली” केयतोर। तीना लोप्पा च्यांग काई-शेक किन “प्रेसीडेंट” ओसो ली चंग-रन किन “वाइस-प्रेसीडेंट” चुने कित्तोर।
4. मई 1948 ते शानशी-छाहाड़-हपे मुक्त इलाका ओसो शानशी-हपे-शानतुंग-हनान मुक्त इलाका किन काल्पसी उंदी इलाका बने कित्ताद मत्ता अनि उत्तरी चीन संयुक्त प्रशासन परिषद ओसो उत्तरी चीन फौजी इलाकांग ना स्थापना कित्ताद मत्ता। अदे साल अगस्त ते उत्तरी चीन संयुक्त प्रशासन-परिषद पोरोल बदले कीसि उत्तरी चीन जन-सरकार बने कित्ताद मंता।
5. दिसम्बर 1947 ते पाए छुंग-शी कुल 33 ब्रिगेड पोयसी ताप्ये मेट्टा ता इलाका पोरो हमला कित्तोर।



6. अद कालम ते पूरा क्वोमिंगतांग सेना खत्म कियाला काजे पांच साल पोयार इंजी अंदाजा वाटतद मत्ता। पेरके इद अंदाजा ता टाईम घटेमासी तीन साल आत्ता। इदे ग्रन्थ लोप्पा “चीन ता फौजी परिस्थिति लोप्पा बेहरा बदलाव” हेडिंग वाले लेख हूडाटू।

# शानशी-स्वेय्वान मुक्त इलाका ना कार्यकर्ता सम्मेलन लोप्पा भाषण

1 अप्रैल 1948

कामरेड्स

नन्ना नेंडु मुख्य रूप ते शानशी-स्वेय्वान मुक्त इलाका ता मना काम ता बारे ते, पूरा देश ता मना काम ता बारे ते ओसो उचुक समस्यांग ना बारे ते वड़क्काना।

1

नावा हिसाब ते चीनी कम्युनिस्ट पार्टी ता केंद्रीय कमेटी ता शानशी-स्वेय्वान उपब्यूरो ता नेतृत्व ते मत्ता इलाकांग लोप्पा भूमि-सुधार कीयाना ओसो पार्टी तुन सुदृढ़ बने कीयाना सालमेटा काम सफल आत्ता।

इदिन माटू रेंडु पहलु ने हूड़ा परितोमा। उंदी बगिल शानशी-स्वेय्वान पार्टी-संगठन दक्षिणपंथी भटकाव कुना खिलाफ संघर्ष कित्ता, जन-संघर्ष कुना सूत्रपात कित्ता ओसो इद इलाका ता कुल 30 लाख तुकू ज्यादा आबादी लोप्पटल 20 लाख तुकू वेने ज्यादा लोकुरा लोप्पा भूमि-सुधार कीयाना ओसो पार्टी किन सुदृढ़ बने कीयाना काम पूरा आत्ताद मंता ओसो आयवेके इंजे पूरा आया मंता। दूसरा बगिल अदु इव आंदोलन कुना लोप्पा पुटसी मत्ता “वामपंथी” भटकाव कुन वेने दुरुस्त कित्ता अनि तन्ना पूरा काम किन सही विकास हरदे ओता। इवे रेंडु पहलुंग किन हूड़सी नन्ना शानशी-स्वेय्वान मुक्त इलाका लोप्पा भूमि-सुधार कीयाना ओसो पार्टी किन सुदृढ़ कीयाना काम किन सफल आत्ता इंजी मानेमांताना।

इंजेटल बस्केने दूसरोरा उत्पीड़िन कीयाना, भ्रष्टाचारी बने मायना ओसो सामंतवादी बने मायना हिम्मत आयो आयार इंतोर इंजी शानशी-

स्वेयवान मुक्त इलाका ता लोकर इंतोर। भूमि-सुधार कीयाना ओसो पार्टी किन सुदृढ़ कीयाना मना काम ता बारे ते लोकुरा निष्कर्ष इदे मंता। “इंजे बस्के ने सामंतवाद बने मायना हिम्मत बोनके आयो आयर” इंतोर, इतेके माटू पूना मुक्त इलाकांग लोप्पा सामंती शोषण व्यवस्था, पाड़ना ओसो अर्ध पाड़ना मुक्त इलाकांग लोप्पा अदिन पिस्ता अंश कुन नष्ट कीयाना लेवेके खत्म कीसोरे मत्ता संघर्ष कुना नेतृत्व कित्तादु मंता। ओरु “इंजे बस्केने दूसरोरा उत्पीड़न या भ्रष्टाचारी आयो आयर” इंदानास्के हत्ता उचुक दिव्याने मना पार्टी संगठनकु ओसो सरकारी संगठन कुना वर्ग-संरचना ओसो कार्यशैली लोप्पा वेल्ले कमजोरिंग मंतांग इंजी समझेमायना, वेल्ले लब्बड़ लोकुर मौक दोरकी कीसि पार्टी संगठन ओसो सरकारी संगठन लोप्पा नैंगसी मत्तोर, वेल्ले लोकुर नौकरशाही कार्यशैली पोयसी मत्तोर, ओरु तम्मा सत्ता ता गलत इस्तेमाल कीयाना ओसो लोकुर किन परेशान कीयाना कीसोरे मत्तोर, काम कियाला जबरदस्ती कियानोर ओसो आदेश हियानोर अद्रमासी आम जनता लोप्पा नाराजगी फैलेमासोर मत्ता। ओरु पूरा भ्रष्टाचारी मंदाना लेवके आम जनता ना हितकुना पोरो हमला कीयाना कीसोर मत्तोर, मति भूमि सुधार कीयाना ओसो पार्टी किन सुदृढ़ कीयाना सालमेटा काम पेरके इद परिस्थिति बुनियादी रूप ते बदलेमाता।

इगा मत्ता वरोर कामरेड नाकिन इत्तोर “बदिनगडल माकिन मुन्ने खतरा मत्ता अदिन माटू दूर कित्ताद मंता। मुन्ने बस्के ने दोरकवा मत्ताविन दोरकी कित्ताद मंता।” “खतरनाक” इत्तेके पार्टी संगठन ओसो सरकारी संगठन कुना वर्ग-संरचना ओसो कार्यशैली लोप्पा मत्ता नाराजगी आंदू। बुनियादी रूप ते इद परिस्थिति इंजे बदलेमाताद मंता। “मुन्ने बस्केने दोरकवा मत्ताविन दोरकी कीयाना” इत्तेके गरीब किसान संघ, पूना किसान सभा, जिला ओसो नाटे ना जन प्रतिनिधि सम्मेलन ओसो भूमि सुधार कीयाना, पार्टी किन सुदृढ़ बने कीयाना काम ता कारण ते ग्रामीण इलाका लोप्पा पूना वात्तावरण बने मात्ता।

नावा हिसाब ते इवु विचारकु वर्तमान परिस्थिति ता सही रिपोर्ट पेश कींतांग।

शानशी-स्वेव्यान मुक्त इलाकांग लोप्पा भूमि सुधार कीयाना ओसो पार्टी किन सुदृढ़ कीयाना काम ता महान सफलता इद्रमे मत्ता। सफलता ता इदु पहला पहलू आंदू। सालमेंड इदिना पोरोने आधार आसी शानशी-स्वेव्यान पार्टी संगठन महान जनताना मुक्ति युद्ध ता समर्थन कीयाना बारे ते वेल्ले फौजी कार्रवाइंग कियमूडाता। भूमि सुधार कीयाना ओसो पार्टी किन सुदृढ़ कीयाना लोप्पा मना सफल काम बिना फौजी भूमिका लेवा कीयाना मुश्किल मंता।

दूसरा बगिल मना काम ताकनास्के पुटना उचुन “वामपंथी” भटकाव कुन वेने शानशी-स्वेव्यान पार्टी संगठन दुरुस्त कित्ता। इद्रम ता भटकावकु मुख्य रूप ते मूंड मत्तांग। पहली, भटकाव वेल्ले जागाने वर्ग विश्लेषण कीयानास्के वेल्ले मेहनतकश लोकुर किन गलत तरीका ते जर्मीदार लेवेके धनी किसान लेक्का गिनती कित्ताद मत्ता। ओरु सामंती शोषण इनपडे कीवा मंदानोर लेवेके वेल्ले उचुन कियानोर, इद्रम ता हमला ता निशाना गलत तरीका ते वेल्ले बेरसता, अनि भूमि सुधार काम लोप्पा नाहकुना लगभग 92 प्रतिशत परिवार लेवेके 90 प्रतिशत लोकुर इत्तेके सब्बे मेहनतकश जनता संगे एकता कीसि सामंती व्यवस्था खिलाफ संयुक्त मोर्चा बने कीयाना मना काजे हल्को ओसो जरूरी मत्ता सबसे महत्वपूर्ण रणनीतिक उसूल तुन मरंगताद मत्ता। इद भटकाव इंजे दुरुस्त कित्ताद मंता। इद्रम जनता किन दुबारा बेस लागता अनि क्रांतिकारी संयुक्त मोर्चा सुदृढ़ बनेमाता। दूसरा भटकाव- भूमि सुधार काम लोप्पा जर्मीदार ओसो धनी किसान लोरा उद्योग ओसो वाणिज्य संबंधित कारोबार लोप्पा वेने गलत तरीका ते दखल हीताद मत्ता, आर्थिक क्षेत्र लोप्पा प्रतिक्रांति ता पर्दाफाश कीयाना, संघर्ष लोप्पा जांच-पड़ताल कीयाना हंदी वेंडताद मत्ता, ओसो कर-नीति लोप्पा उद्योग ओसो वाणिज्य किन देब्बा हीताद मत्ता। उद्योग ओसो वाणिज्य संबंधित समस्यांग हल कीयानास्के इव “वामपंथी” भटकावकु मत्तांग। इंजे इविन दुरुस्त कित्ताद मंता अदिन काजे उद्योग ओसो वाणिज्य कुन सुधार कीसि अविन विकसित कियमूडाता। तीसरा भटकाव- सालमेंड भूमि-सुधार ता भीषण संघर्ष लोप्पा शानशी-स्वेव्यान

पार्टी-संगठन अंधाधुंध मारपीट ओसो हौकना ता सख्त रोक लगे कीयाना मना पार्टी नीति ता खुल्ला रूप ते पालन कीयाना लोप्पा गलती आत्ता। अद्रमासी बचोनो जागा ने भूमि सुधार ताकनास्के उचुन जमींदार ओसो धनी किसान लोर किन जरूरत हिल्वाए हौकताद मंता अनि ग्रामीण इलाकांग लोप्पा लब्बड़ लोकरु इदिना फायदा एतसी बदला एतला काजे बचोनो मेहनतकश जनता ना क्रूर रूप ते हत्या कित्तोर। मना हिसाब ते बेहरा-बेहरा अपराधिर किन, जनता ना जनवादी क्रांति ता सक्रियता संगे ओसो हताश आसी विरोध कित्तोरकिन, भूमि सुधार लोप्पा तोड़फोड़ कित्तोरकिन (इत्तेके गंभीर प्रतिक्रांतिकारी ओसो स्थानीय निरंकुश तत्व मत्तोरिन) जन अदालत केयसी ओसो जनवादी सरकार संगे हौकना सजा हियाना वेल्ले जरूरी मंता। इद्रम कीवेके जनवादी व्यवस्था निल्पी किया परमूडायो। मति क्वोमिंगतांग पक्ष ता मामूली कर्मचारिर, मामूली जमींदार ओसो धनी किसान, मामूली अपराधिर किन अन्धाधुंध हौकना रोमी कीयाना वेने जरूरी मंता। संगेने अपराधिरा खिलाफ अदालत लोप्पा कार्रवाई कीयानास्के जन अदालत, जनवादी सरकार किन शारीरिक सजा हियाना तुकू परहेज कीयाना। इद्रम ता भटकावकु हत्ता उंदी साल लोप्पा शानशी-स्वेव्वान इलाका लोप्पा आत्ताविन वेने दुरुस्त कित्ताद मंता।

इव सब्बे भटकाव कुन सतर्कता ते दूर कित्ता पेरेके इंजे माटू केंद्रीय कमेटी ता शानशी-स्वेव्वान उपब्यूरु ता नेतृत्व ते ताकना पूरा काम सही विकास हर्दे मंता इंजी इंदा परिंतोम।

मना काम संबंधित नीतिंग किन वास्तविक परिस्थिति ना अनुसार तय कीयाना तरीका काम कीयाना सबसे बुनियादी तरीका आंदू। इदिन सब्बे कम्युनिस्ट लोर बेस सुरता तासना। माटू मना गलतिंग ना कारण कुना अध्यायन कींतोम अस्के अव सब्बे गलतिंग माटू सही टाईम ओसो जागा ता वास्तविक परिस्थितिंग किन सुरता तासीसि मना काम संबंधित नीतिंग तय कीयाना लोप्पा मनोगतावादी रुझान लागू कीतांकु आतांग इंजी समझेमांता। इविनगडल सब्बे कामरेड्स उंदी सबक एतना।

प्राथमिक स्तर ता पार्टी संगठन कुन सुदृढ बने कीयाना लोप्पा मना पाइना ओसो अर्ध-पाइना मुक्त इलाकांग लोप्पा भूमि सुधार कीयाना ओसो पार्टी किन सुदृढ बने कीयाना काम संबंधित केंद्रीय कमेटी ता निर्देश' अनुसार शानशी-छाहाङ-हपे मुक्त इलाका ता फिंगशान काउन्टी ता अनुभव ता फायदा एतिता, इत्तेके मना पार्टी-शाखा ता मीटिंग लोप्पा शामिल आयला काजे गैरपार्टी जन समुदाय नइमा तल वेने सक्रिय लोक्कुर किन केयताद मत्ता, पार्टी संगठन ता वर्ग-सरचना ओसो कार्यशैली लोप्पा मत्ता कमजोरिंग किन दूर कियाला काजे आलोचना ओसो आत्मालोचना कित्ताद मत्ता ओसो इद्रम ता पार्टी किन जनसमुदाय संगे ओसो वेने गटिंग संबंध जोडे कीयाना लेक्का बने कित्ताद मत्ता। अद्रमासी मीटू पार्टी संगठन किन सुदृढ बने कियाला सम्पूर्ण काम किन पक्का पूरा किया परितिर।

इद्रम गलतिंग कित्तोर किन शिक्षित कियमूडांता ओसो इनपडे सुधरेमाया परवा मत्तोरगल अलग मत्ता सब्बे पार्टी सदस्य ओसो कार्यकर्ता लोर किन वेने शिक्षित कीयाना ओरा वर्ग उत्पत्ति बद्रमता मत्तेकाई ओरकिन विडसनायो। मीटू इद नीति ता पालन वेने किया मत्तिर।

सामंती व्यवस्था विरोधी संघ लोप्पा गरीब किसान संघ ओसो किसान सभांग पोरो आधार आसी जिला ओसो नाहकुना (श्यांग) स्तर ते जन प्रतिनिधि सम्मेलन ता गठन कीयाना अनुभव वेल्ले मूल्यवान मत्ता। व्यापक जन समुदाय ता संकल्प किन आधार बने कीयाना सम्मेलने निज्जम ता जन प्रतिनिधि सम्मेलन मंदिता। सब्बे मुक्त इलाकांग लोप्पा इद्रम ता जन प्रतिनिधि सम्मेलन बनेमायना इंजे संभव मत्ता। बनेमाता तुरंत पेरेके इद्रम ता सम्मेलन कुन जनसत्ता ता स्थानीय संगठन बनेमायना ओसो सब्बे सही अधिकार कु इवे सम्मेलन ओसो इविना संगे चुनेमाता सरकारी परिषद कुन सौपे कीयाना। इद्रम मत्तास्के गरीब किसान संघ ओसो किसान सभांग इविना सहायक बनेमांतांग। बस्केने माटू ग्रामीण इलाका लोप्पा जन प्रतिनिधि सम्मेलन कुना गठन मुख्य रूप ते भूमि सुधार काम पूरा आत्ता पेरेके कीयाना इंजी आल्संतोमा मति इंजे दूसरा मुक्त इलाकांग लोप्पा जिला ओसो नाटे ना स्तर ते जन प्रतिनिधि सम्मेलन ओसो इविन चुने

कित्ता सरकारी परिषद कुना स्थापना भूमि सुधार संघर्ष ताकनास्के वेने कियमूडांता इंजी अनुभव दोरकी कित्ताद मंता। अदिन काजे इंजे मीटू इदे हरदे ताकना। सब्बे मुक्त इलाकांग इद्रमे कीयाना। जिला ओसो नाटेना स्तर ते सम्मेलनकुना गठन आत्ता पेरके काउन्टी स्तर वेने स्थापित कियमूडांता। काउन्टी स्तर एवनल जन प्रतिनिधि सम्मेलन ता स्थापना आत्ता पेरके ओसो वेने पोरो स्तर ता जन सम्मेलनकुना स्थापना कीयाना हल्को आयारा। अलग-अलग स्तर ता जन प्रतिनिधि सम्मेलन कुना लोप्पा बेगा आया परिंता अगा सब्बे जनवादी समूह-मजदूर, किसान, स्वतंत्र श्रमिक, आजाद पेशावाले लोकुर, बुद्धिजीविर, राष्ट्रीय पूंजीपति वर्ग ता उद्योगपतिर व्यापारिर ओसो जागृत शरीफजादा लोरा प्रतिनिधिर किन शामिल किया लागियर। इंगो, इद काम यांत्रिक तरीका ते कीयानायो, कस्बा वाले ग्रामीण इलाकांग ओसो बिना कस्बा वाले ग्रामीण इलाकांग नडमा अलग-अलग आकार ता कस्बांग नडमा ओसो शहर ओसो ग्रामीण नडमा अंतर कीयाना अस्केने सब्बे जनवादी समुह कुन एकताबद्ध कीयाना मना काम किन यांत्रिक तरीका ते आयवा स्वाभाविक रूप ते पूरा किया परिंतोमा।

भूमि सुधार ओसो पार्टी किन सुदृढ़ बने कीयाना महाना जन संघर्ष दसियों हजार सक्रिय तत्व ओसो कार्यकर्ता लोर किन शिक्षित कित्ता अनि दूसरा स्तर ते तच्ची निल्पी कित्ता। ओरु जन समुदाय कुना संगे सम्पर्क तासिंतोर अनि चीन लोक गणराज्य काजे वेल्ले मूल्यवान साबित आयनूरा। इंजेटल माटू ओरा शिक्षण-कार्य किन मुन्ने ओया लागियर, अस्केने ओरु तम्मा काम लोप्पा लगातार प्रगति किया परिंतोर। संगेने ओरकिन सफलता ओसो प्रशंसा दोरकतांकु अति-उत्साह ता शिकार आयनायो इंजी वेने चेतावनी हियाना।

इव सब्बे पोल्लोंग किन हूडतेके इव अलग-अलग काम कुना लोप्पा दोरकता सफलतांग किन हूडसोरे, माटू शानशी-स्वेव्वान मुक्त इलाका इंजे मुन्ने तुकू ज्यादा सुदृढ़ आत्ता इंदा परिंतोमा। इदे दिशा ते मना काम किन मुन्ने ओयना बाकी मुक्त इलाकांग वेने इद्रमे सुदृढ़ बनेमायर

नेतृत्व बारे ते शानशी-स्वेव्वान मुक्त इलाका ता  
सफलतांग ना मुख्य कारण दोड़ रास्ता लेक्का मंतांगः

1. हत्ता वसंत कालम ओसो एद्दी कालम ते लिनश्येन काउन्टी ता हाओच्याफो प्रशासनिक नाटे कामरेड खांग शंग कित्ता काम तल मदद दोरकतांकु शानशी-स्वेव्वान उपब्यूरो हत्ता जून ते प्रिफेक्चर पार्टी-कमेटिंग ना सचिव लोरा सम्मेलन केयता। सम्मेलन पाड़ना काम लोप्पा मत्ता दक्षिणपंथी भटकाव कुना खंडन कित्ता, पार्टी ता कार्यदिशा तल अलग आयना रक-रकम ता भटकाव कुना गंभीर परिस्थिति ता पूराए पर्दाफाश कित्ता अनि भूमि-सुधार कीयाना, पार्टी किन सुदृढ़ कीयाना काम किन सही तरीका ते शुरू कीयाना नीतिंग बने कित्ता। साधारण रूप ते सम्मेलन सफल आत्ता। इद्रमे कियवेके बेहरा स्तर ते भूमि-सुधार कीयाना ओसो पार्टी किन सुदृढ़ बने कियाला सफलता दोरको आसी मनवड़। सम्मेलन ता कमिंग वेहता लेक्का मत्तांगः पाड़ना, अर्ध-पाड़ना ओसो पूना मुक्त इलाकांग ना अलग-अलग परिस्थितिंग ना अनुसार काम कीयाना अलग-अलग नीतिंग तय कीयाना लोप्पा विफल आत्ता, वर्ग-रूप तय कीयाना सवाल पोरो अति-वामपंथी नीति लागू कित्ता, सामंती व्यवस्था किन खत्म कीयाना तरीका ता सवाल पोरो भूम लोप्पा मिसता जर्मीदार लोरा सम्पत्ति तुन परहकना पोरो जरूरत तुकू ज्यादा जोर हीता, जन-समुदाय ता मांग कुना सवाल कुन सही विश्लेषण किया परवा लेवाए “हर काम जन-समुदाय अनुसार कीयाना” इंजी नारा हीता। तीना लोप्पा आखरी सवाल जन-समुदाय संगे पार्टी संबंध ता मंता अदिना लोप्पा पार्टी तन्ना परिस्थिति ता वेहच ते जन-समुदाय ता नेतृत्व कीसि तन्ना सब्बे सही रुझान किन लागू कीयाना अनि सफल बने कीयाना ओसो जनता किन शिक्षित कीसि अदिना सब्बे गलत रुझान



कुन सुधरे कीयाना मंदिता। प्रिफेक्चर पार्टी-कमेटिंग ना सचिव लोरा सम्मेलन सिर्फ पार्टी किन जन-समुदाय ता रुझान कुन लागू कीयाना पोरो ज्यादा जोर हीता। इद सम्मेलन पार्टी किन जन-समुदाय ता शिक्षण ओसो नेतृत्व वेने कीयाना इंदाना पोल्लो किन नजरअंदाज कित्ता। अद्रमासी इद सम्मेलन उचुक जागा ने कामरेड्स ना पोरो गलत प्रभाव वाटता अनि ओरा दुमछल्लावादी गलती ता मोदोल ओसो ज्यादा मजबूत कीसिता।

2. इयेंड जनवरी ते शानशी-स्वेय्वान उपब्यूरो “वामपंथी” भटकाव कुन सुधरे कियाला काजे सब्बे तरिकांग लागू कित्ताद मत्ता। केंद्रीय कमेटी ता दिसम्बर ते आत्ता मीटिंग<sup>2</sup> तल वापिस वात्ता पेरके उपब्यूरो ता कामरेड्स इव तरीकांग किन लागू कित्ता। इद उद्देश्य संगे उपब्यूरो उंदी पांचसूत्री निर्देश<sup>3</sup> जारी कित्ता। भटकाव कुन दूर कीयाना इव तरीकांग जन-समुदाय अनुसार बने कित्ताद मत्ता। इव वेल्ले स्पीड ते ओसो सही तरीका ते लागू आसी मत्तांकु उचुने टाईम लोप्पा लगभग सब्बे “वामपंथी” भटकाव कुन सुधरे कियमूडाता।

### 3

जापानी आक्रमण विरोध युद्ध ताकनास्के शानशी-स्वेयय्वान पार्टी संगठन कुना नेतृत्वकारी कार्यदिशा बुनियादी हिल्ला मत्ता। इदु पोल्लो लगान ओसो सूद कम कीयाना लोप्पा साबित आत्ता, कृषि-उत्पादन, स्थानीय कलाई-बुनाई, युद्ध-उद्योग ओसो उचुन सुडला उद्योग कुना वेल्ले पुनरुद्धार ओसो विकास कीयाना लोप्पा, पार्टी-संगठन ता नीव वाटना लोप्पा, जनवादी सरकार ता स्थापना कीयाना लोप्पा, ओसो लगभग एक लाख सैनिक लोरा जन सेना ता गठन कीयाना लोप्पा साबित आत्ता। इदे काम पोरो आधार आसी माटू प्रतिरोध युद्ध लडेमासी जीडतोम अनि येन शी-शान ओसो उचुन प्रतिक्रियावादिरा हमलांग किन विफल कितोम। अस्के पार्टी ओसो सरकार लोप्पा कमजोरिंग मत्तांग इंदाना लोप्पा बदे डावुट हिल्ले। अव कमजोरिंग, इंजे माटू सब्बे समझेमाता लेक्का: पार्टी ओसो

सरकार ता वर्ग-सरंचना ओसो कार्यशैली लोप्पा उचुन कमजोरिंग मत्तांगा। अदे आयवा मना काम पोरो अवांचनीय प्रभाव अरता। मति पूरा हूइतेके प्रतिरोध-युद्ध ताकनास्के काम सफल आत्ता। इद्रम माटू इद्रमता अनुकूल परिस्थितिंग दोरकतांग इविना लोप्पा माटू जापान ता आत्मसमर्पण पेरके च्यांग काई-शेक ना प्रतिक्रांतिकारी हमलांग किन हारे किया परतोमा। प्रतिरोध-युद्ध ताकनास्के शानशी-स्वेयवान पार्टी-संगठन ता नेतृत्व ता कमजोरिंग लेवेके गलतिंग मुख्य रूप ते पार्टी-संगठन ओसो सरकारी संगठन कुना वर्ग-सरंचना ओसो कार्यशैली लोप्पा मत्ता कमजोरिंग किन ओसो काम लोप्पा मत्ता गलत प्रभाव कुन दूर कीयाना लोप्पा व्यापक जनता पोरो आधार आसी मंदाना लोप्पा विफल आत्ता। अद जिम्मेदारी इंजे मीवा पोरो मंता। अद परिस्थिति ता उंदी कारण अद कालम ते शानशी ओसो स्वेयवान ता उचुन नेतृत्वकारी कामरेड्स लोप्पा पार्टी ओसो जन-समुदाय ता असल परिस्थिति ता समझदारी ता कमी मत्ता। कामरेड्स ना काजे इद उंदी सबक लेक्का मंदाना।

#### 4

शानशी-स्वेयवान पार्टी-संगठन ता काम भूमि-सुधार कीयाना ओसो पार्टी किन सुदृढ़ कीयाना कार्य सम्पन्न कियाला काजे, जनता ना मुक्त युद्ध किन जारी तासना ओसो ओरा समर्थन कियाला काजे जनता ना पोरो बोजा आयला हियवा अद बोजा किन पूर्ण रूप ते हल्को कियाला काजे ओसो उत्पादन ता पुनरुद्धार ओसो विकास कियाला काजे वेल्ले कोशिश कीयाना। इंजे मीटू उत्पादन ता सवाल पोरो उंदी सम्मेलन किया मंत्रि। वायाना सालकुना लोप्पा उत्पादन ता पुनरुद्धार ओसो विकास कियाला उद्देश्य आया अद बगिल जनता ना पिस्वल सुधरे कीयाना ओसो दूसरा बगिल जनता ना मुक्त युद्ध ता समर्थन कीयाना मंता। मीवगा विस्तीर्ण कृषि ओसो दस्तकारी उद्योग मंता, संगेने मशीन कुना इस्तेमाल कीयाना उचुक सुडला ओसो बेहरा उद्योग वेने मंतांगा। इव उत्पादन कुन विकसित कियाला मीटू सफलता दोरकी कियाकिर इंजी आशा मंता, इद्रम कियवेके

मीटू सही मार्क्सवादी आयविर। कृषि लोप्या नुकसान आत्ता श्रम-विनिमय दल ओसो सहकारी समितिग<sup>4</sup> किन नौकरशाही तत्व तम्मा मुट्टा ते पोयसी मत्तांग अद्रमासी जनता किन नुकसान आत्ता अव सब्बे खत्म आतांग। इंजी समझेमायमूडांता ओसो इदिना काजे उचुन वेने दुक्कम पोय्यना लेक्का हिल्ले। मीवा काम जन समुदाय ता समर्थन दोरकी कित्ता श्रम-विनिमय दल, सहकारी समितिग ओसो बाकी आर्थिक सगंठन कुन बचे कीसि तासना विकसित कीयाना ओसो अविन हर जागा विस्तार कीयाना मंता।

## 5

राष्ट्रीय परिस्थिति मना कामरेड्स ना काजे वेल्ले बेसता विषय मंदिता। पार्टी ता नीरे टा राष्ट्रीय भूमि-सम्मेलन पेरके ताना लोप्या पूना नीतिंग लागू कीयाना ओसो भूमि-सुधार कीयाना ओसो पार्टी किन सुदृढ़ बने कीयाना काम किन मुन्ने ओयना इंजी निर्णय आत्ता। लगभग सब्बे मुक्त इलाकांग लोप्या पार्टी किन सुदृढ़ बने कीयाना ओसो भूमि-सुधार कीयाना सवाल पोरो कार्यकर्ता लोरा बेहरा-बेहरा सम्मेलन आतांग। इव सम्मेलन कुना लोप्या मत्ता दक्षिणपंथी विचार कुना खंडन कियमूडाता। पार्टी ता वर्ग-सरंचना ओसो कार्यशैली लोप्या मत्ता गलतिंग ना पर्दाफाश कित्ताद मत्ता। ताना पेरके बचोनो इलाकांग लोप्या “वामपंथी” भटकाव कुन दूर कीयाना काम ताका मंता। इद्रम पूना राजनीतिक परिस्थिति ओसो पूना राजनीतिक कार्यभार वात्ता परके मना पार्टी पूरा देश लोप्या तन्ना काम किन स्वस्थ विकास किया परता। हत्ता उचुक महीनांग लोप्या लगभग पूरा जन मुक्ति सेना (पीएलए) लोप्या लड़ाईंग नडमा दोरका मौका किन वेल्ले बेहरा स्तर ते सुदृढ़ीकरण अनि ट्रेनिंग काजे इस्तेमाल कित्ताद मत्ता। इद काम पूर्ण रूप ते निर्देशित, सही ओसो जनवादी तरीका ते ताकता। अद्रमासी इदु कमांडर ओसो योद्धा लोरा बेहरा जन समुदाय ता क्रांतिकारी गिर्दा किन बेरसी कित्ता। ओरकिन युद्ध ता लक्ष्य किन स्पष्ट रूप ते समझेमायना लेक्का, सेना लोप्या मत्ता गलत विचारधारात्मक रुझान कुन खत्म कीयाना लेक्का,

कार्यकर्ता ओसो योद्धा लोरा किन शिक्षित कीयाना ओसो सेना ता युद्ध-क्षमता किन वेल्ला बेरसी कीयाना लेक्का बने कित्ता। इंजे माटू सेना लोप्पा इद पूना रकम ता सुदृढ़ीकरण आंदोलन किन उंदी जनवादी ओसो जनव्यापी आंदोलन लेक्का ताकी कीयाना। माटू स्पष्ट रूप ते पार्टी किन सुदृढ़ बने कीयानाई, सेना किन सुदृढ़ बने कीयाना लेवेके भूमि सुधार कीयानाई (माटू पूरा कित्ता काम कुना महाना ऐतिहासिक महत्व मंता) मूंडासी काम कुना लोप्पाटल उंदी ता वेने मना दुश्मन क्वोमिंगतांग जिम्मेदारी एतताद हिल्ले इंजी हूडा परिंतोम। मना बारे ते हूडतेके मनम कमजोरिंग किन दूर कियाला वेल्ले कोशिश किया मंतोम, माटू पूरा पार्टी किन ओसो पूरा सेना किन उंदी जीवा लेक्का एकताबद्ध कित्ताद मंता ओसो जनता ना संगे गड्डिंग एकता कित्ताद मंता, मना पार्टी ता केंद्रीय कमेटी तय कित्ता सब्बे नीतिंग, कार्यनीतिंग किन माटू कारगर रूप ते अमल किया मंतोम। जनता ना मुक्ति युद्ध सफलतापूर्वक ताकी किया मंतोम। हक्के मना दुश्मन ता परिस्थिति मना हर पोल्लो तुकू उल्टा मंता। भ्रष्टाचार संगे मुडंदसी मंता, बेरससोरे दायना ओसो बस्केने हल आया परवा अंदरूनी झगड़ा लोप्पा हिरकसी मंता। जनता अदिन किन ठुकरे कित्ता, सबसे अलग-थलग आसी मंता, लड़ाई लोप्पा बचोनो बेरा हारेमातांकु अदिना सर्वनाश तुन रोमी किया परवा लेक्का आत्ता। चीन लोप्पा क्रांति ओसो प्रतिक्रांति ता पूरा परिस्थिति इद्रमे मंता।

इद्रम ता परिस्थिति लोप्पा पूरा पार्टी कामरेड्स काजे पार्टी ता आम कार्यदिशा किन इत्तेके नवजनवादी क्रांति ता कार्यदिशा किन गंभीर रूप ते ग्रहण कीयाना। नवजनवादी क्रांति बदे दूसरा क्रांति आयवा सिर्फ सर्वहारा वर्ग नेतृत्व ते व्यापक जनता साम्रज्यवाद, सामंतवाद ओसो नौकरशाही पूंजीवाद खिलाफ ताकी कीयाना क्रांति आंदू। इत्तेके इद क्रांति ता नेतृत्व बदे दूसरा वर्ग बदे दूसरा पार्टी आयवा सिर्फ सर्वहारा वर्ग ओसो चीनी कम्युनिस्ट पार्टीए किया परिंता। असल इत्तेके इव्वे इदिना नेतृत्व कीयाना।

इत्तेके इद क्रांति लोप्पा शामिल आयनोरा संयुक्त मोर्चा वेल्ले व्यापक मंता ओसो तीना लोप्पा मजदूर, किसान, स्वतंत्र श्रमिक, आजाद

पेशा वालेर, बुद्धिजीवी, राष्ट्रीय पूंजीपति वर्ग ओसो जर्मीदार वर्ग तल संबंध देहची मत्ता जागृत शरीफजादा लोर वांतोर। वीरु सब्बे कलियसी उंदी समूह बनेमांतोर इदिन किने माटू उंदी व्यापक जन-समूह इंतोमा व्यापक जन समुदाय बद राज्य, बद सरकार ता स्थापना कियार अद राज्य चीन लोक गणराज्य मंदियर अनि अद सरकार सर्वहारा वर्ग ता नेतृत्व लोप्पा सब्बे जनवादी वर्ग ता एकता वाले जनवादी संयुक्त सरकार मंदियर। इद क्रांति लोप्पा तेहकसी वाटना दुश्मन साम्राज्यवाद, सामंतवाद ओसो नौकरशाही पूंजीवादे मंदिता। अविन तेहकसी वाटलाए लागियर। इव सब्बे दुश्मन ता केंद्रित रूप च्यांग काई-शेक ना क्वोमिंगतांग ता प्रतिक्रियावादी शासन आंद।

सामंतवाद, साम्राज्यवाद नौकरशाह पूंजीवाद ता संश्रयकारी आंदू ओसो ओरा शासन ता नींव वेने आंदू। अदिन काजे भूमि व्यवस्था लोप्पा सुधार चीन नवजनवादी क्रांति ता प्रधान समस्या आंदू। भूमि सुधार ता आम कार्यदिशा गरीब किसान पोरो निर्भर असी मंता, मध्यम किसान लोरा संगे एकता कीयाना, सामंती शोषण-व्यवस्था किन हर कदम ते ओसो बारीकी ते अंतर कीसोरे अदिन खत्म कीयाना ओसो कृषि-उत्पादन ता विकास कीयाना। भूमि-सुधार लोप्पा बुनियादी ताकत पोरो निर्भर मंदाना, अद गरीब किसान लोराए मंदाना। खेत-मजदूर लोर किन काल्पसी ओरा संख्या चीन ता ग्रामीण आबादी ता 70 प्रतिशत मंता। भूमि सुधार ता मुख्य ओसो प्रत्यक्ष कार्य गरीब किसान, खेत मजदूर लोरा मांग कुन पूरा कीयाना मंता। भूमि सुधार लोप्पा मध्यम किसान लोरा संगे एकता कीयाना जरूरी मंता, गरीब किसान ओसो खेत मजदूर लोर किन ग्रामीण आबादी ता लगभग 20 प्रतिशत संख्या वाले मध्यम किसान लोरा संगे सुदृढ़ संयुक्त मोर्चा बने किया लागियर। लेवेके गरीब किसान ओसो खेत मजदूर खुद किन अलगाव ता परिस्थिति ते तासिंतोर अनि भूमि सुधार कार्य विफल आयार। भूमि सुधार कार्य लोप्पा उचुन मध्यम किसान लोरा मांग पूरा कीयाना वेने मंता। आम गरीब किसान औसतन दोरकी कित्ता जमीन तुकू उचुन ज्यादा जमीन मध्यम किसान लोरा उंदी हिस्सा लोप्पा मंदा हिया

लागियर। माटू किसान लोरा बराबर जमीन वितरण कीयाना मांग ता समर्थन सामंती जमींदार वर्ग ता भूस्वामित्व व्यवस्था किन जल्दी खत्म कियाला काजे व्यापक किसान समुदाय किन जागृत कियाला मदद आथार इंजी कींतोम, मति इदिना लोप्पा निरपेक्ष समानतावाद ता समर्थन कीवोम। बोरु निरपेक्ष समानतावाद ता समर्थन कींतोर ओरु गलत मंदितोर। इस्सल ग्रामीण लोप्पा उद्योग ओसो वाणिज्य ता मोद्दोल कारसी जमीन बंटवारा लोप्पा निरपेक्ष समानतावाद ता पक्ष एतना उंदी रकम ता विचार फैलेमाया मंता। इद्रम ता विचार ता स्वरूप प्रतिक्रियावादी, पेरके अरता ओसो प्रतिगामी मंदिता। माटू अदिना खंडन किया लागियर। भूमि सुधार ता निशाना सिर्फ उंदे मंदाना: अदु जमींदार वर्ग ओसो पाड़ना रकम ता धनी किसान लोरा सामंती शोषणक कीयाना व्यवस्था। राष्ट्रीय पूंजीपति वर्ग पोरो कै तेहना या जमींदार लेवेके धनी किसान लोरा उद्योग ओसो वाणिज्य संबंधित कारोबार पोरो कै तेहनायो। मध्यम किसान, स्वतंत्र दस्तकार, आजाद पेशा वाले लोकुर ओसो पूना रकम ता धनी किसान लोरा हित कुन बदे नुकसान आयवा लेक्का खास ध्यान हियाना, वीर सब्बे तोर वेल्ले कम शोषण कींतोर लेवेके इनपडे कीवोर आंतोर। भूमि सुधार ता उद्देश्य सामंती शोषण व्यवस्था किन खत्म कीयाना मंता। इत्तेके सामंती जमींदार लोर किन व्यक्ति लेक्का आयवा वर्ग रूप ते खत्म कीयाना। अदिन काजे जमींदार लोर किन वेने किसान लोरकिन हीताचोने जमीन-जायदाद हिया लागियर, ताना पेरके उत्पादन श्रम कियाला करियाना ओसो देश ता आर्थिक पिस्वल ता कैडर लोप्पा शामिल आयला मजबूर किया लागियर। व्यापक जन समुदाय गंभीर विरोध कीसोरे मत्ता, अपराधी साबित आत्ता ओसो सजा हियाना जरूरी आसी मत्ता क्रूर प्रतिक्रांतिकारी ओसो स्थानीयि निरंकुश तत्व कुन विडचसी, बाकी सब्बे तोरा संगे विनम्रता ता नीति लागू कीयाना ओसो बदे वेने रकम ता अंधाधुंध मारपीट कीयाना लेवेके हौकना ता अनुमति हिल्ले। सामंती शोषण-व्यवस्था किन हर कदम ते उंदी निश्चित कार्यनीति अनुसार खत्म कीयाना जरूरी मंदिता। संघर्ष शुरू कीयानास्के माटू मना कार्यनीति किन परिस्थिति अनुसार ओसो किसान

लोरा राजनीतिक चेतना ओसो संगठन पोरो निर्भर आसी मंदना। माटू उंदी नर्काए पूरा सामंतवादी शोषण कीयाना व्यवस्था किन खत्म कीयाना कोशिश कीयानायो। चीन ता नाहकुना लोप्पा सामंतवादी शोषण कीयाना व्यवस्था ता वास्तविक परिस्थिति इसाब ते हगूडतेके भूमि सुधार कीयानास्के आमतौर ते पूरा ग्रामिण परिवारकुना 8 प्रतिशत लेवेके पूरा ग्रामिण आबादी ता 10 प्रतिशत तुकू विड़ना आयो। पाड़ना ओसो अर्ध पाड़ना मुक्त इलाका कुना लोप्पा इतेके इद ओसो कम मंदना। गलती ते माटू इद हमला कुन ज्यादा कितेके अदु वास्तविक परिस्थितिकुन जेक दायना खतरा वायार। पूना मुक्त इलाका कुना लोप्पा इतेके अलग-अलग जागा ओसो अलग-अलग चरण लोप्पा ओसो ज्यादा ध्यान हिया लागियर। जागा ता अंतर ता अर्थ बातल इतेके अगा माटू स्थानीय जनता ना विचार कुना अनुसारे सही भूमि सुधार कीयाना कोशिश कीयाना। बवु इलाकांग किन इंजे मना कैदे तासना मुश्किल मंता अगा परिस्थिति बदले मायनाजोम भूमि सुधार कीयाना जल्दी कीयानायो। वर्तमान परिस्थितिंग लोप्पा बचोन ओसो परताचोन आम जनता काजे फायदा आंता अचोने कीयाना। परिस्थिति किन समझेमायना इतेके इंजेटा जन मुक्ति सेना (पीएलए) ता अधिकार ते आत्ता जागा ने माटू धनी किसान लोर किन उंदी बगिल कियाला ओसो मध्यम जमींदार, सुडला जमींदार किन उंदी बगिल कीयाना कार्यनीति पेश कीयाना ओसो अदिन लागू कीयाना। अस्के माटू मावा हमला ता निशाना किन प्रतिक्रियावादी क्वोमिंगतांग ना सेना, बुरे शरीफजादालोरकिन औसो स्थानीय निरंकुशतत्वकुना पोरो वाटना तुक सीमित कीयाना। माटू पूना मुक्त आत्ता इलाकांग लोप्पा पहली चरण ता कार्यकुन पूरा कीयाना। इदिना पेरके माटू उंदी डाका पेरके उंदी डाका इसाब ते मुन्ने हंजोरे, जनता ना बेरसना राजनीतिक चेतना ओसो संगठनुकना पोरो आधार आसी सामंतवादी शोषणकारी व्यवस्था ता पूरा उन्मूलन कीयाना बगिल दायना। पूना मुक्त आत्ता इलाका कुना लोप्पा माटू चल संपत्ति ओसो जमीन ता बंटवारा तुलनात्मक रूप ते बहुसंख्यक जनता पूरा कार्रवाई लोप्पा लगेमातास्के ओसो परिस्थिति मजबूत आत्तास्केने

कीयाना, लेवेके आदु दुस्साहसवादी ओसो गैर भरसोसेमंद आयर, इद फायदा आयवा नुकसाने कियार। प्रतिरोध युद्ध लोप्पा गडसता अनुभवकुन पूना मुक्त इलाका कुना लोप्पा पक्काए इस्तेमाल कीयाना। न्यायपूर्ण तरिका ते सामंतवाद ता उन्मूलन कीयाना अर्थ इतेके माटू जमींदार ओसो धनी किसान लोप्पा, बेहरा, मध्यम ओसो सुड़ला जमींदारकुना लोप्पा, जमींदार ओसो धनी किसान कुना लोप्पा वेने स्थानीय ओसो बहारी अत्याचार कियानोर लोप्पा अंतर कीयाना। भूमि ता सामान वितरण ओसो जमींदारी उन्मूलन लोप्पा वेने माटू सब्बेतोरकिन उंदी इसाब ता इलाज कीयाना आयो, अलग-अलग अंतर ओसो परिस्थितिकुना इसाब ते अलग-अलग इलाज कीयाना। माटू इद्रम कितेके लोकुर मावा काम किन पूरा न्यायपूर्ण इसाब ते हूड़ानोर। भूमि सुधार ता फौरी लक्ष्य कृषि उत्पादन ता विकास मंता। इद्रम ता परिस्थिति सामंतवादी व्यवस्था किन पूरा उन्मूलन कितेकेने बने कीमुड़ आंता। हर इलाका ते, बच्चोन जल्दी सामंतवाद किन खत्म कीसिकोम ओसो बच्चोन जल्दी भूमि सुधार पूरा किंतोम अच्चोन जल्दी पार्टी ओसो जनवादी सरकार बगिल तल कृषि उत्पादन ता विकास ता कार्यभार शुरू कीमुड़ आयर। पूरा ग्रामीण इलाका ते मंदाना तमाम ताकतकुन इद कार्यभार ते लगे कीयाना, सोसाईटी ओसो एक दूसरा ता मदद संगठित कीयाना, कृषि तकनीककुना लोप्पा सुधार कीयाना, बेसता बीज चुने कीयाना ओसो सिंचाई सुविधा बने कीयाना – इद सब्बे उत्पादन बेरसी कीयाना किन गारंटी मंदियर। ग्रामीण इलाक कुना लोप्पा मंदना मावा पार्टी संगठन महान उर्जा संगे कृषि उत्पादन ता विकास ओसो सुडला शहरकुना लोप्पा वेने ओद्योगिक उत्पादन ता विकास कीयाना लोप्पो मीडंदसियना। शुरूआत ओसो विकास किन तेज कीयाना प्रक्रिया लोप्पा माटू मावा बगिल तल पूराए जोर वाटसियाना, सामंती व्यवस्था किन उन्मूलन कीयाना मावा संघर्ष ता प्रक्रिया लोप्पा माटू उत्पादन और जीविका ता बेसता साधनकुन बचे कीयाना, इदिना विनाश कीयाना ओसो खराब कियानोरा खिलाफ सही कार्रवाई कीयाना, फीजूलखर्ची तींदाना-उंडाना कियानोरा विरोध कीयाना ओसो बचे कीयाना अर्थव्यवस्था पोरो



ध्यान हियाना। वर्तमान परिस्थिति लोप्पा बच्चोन आया परिंतायो अच्चोन कृषि उत्पादन विकास ता प्रक्रिया लोप्पा माटू किसानलोर किन संगठिन आयला, मजदूरी लेवा काम कियाला ओसो तीरम-तीरम प्राइवेट मालिकाना अधिकार लोप्पा रक-रकमता उत्पादन कीयाना ओसो उपभोक्ता कापरेटिव सोसायटी बने कियाला प्रोत्साहित कीयाना। सामंती व्यवस्था ता उन्मूलन ओसो कृषि उत्पादन ता विकास औद्योगिक उत्पादन ता पाया वाटियर ओसो उंदी कृषि प्रधानदेश किन औद्योगिक देश लोप्पा बदले कीसियर। इदे नवजनवादी क्रांति ता आखिरी लक्ष्य आंदू।

मावा पार्टी चीनी क्रांति का आम लाइन ओसो आम नीति लेक्का वेल्ले कार्यभार इसाब ते विशेष लाइन ओसो विशेष नीति वेने पोयत्ताद मंता इंजी वीर सब्बे कामरेड्स पुत्तादे मंता। मति कार्यभार इसाब ते पोयता विशेष लाईन ओसो विशेष नीतिकुन वेल्ले कामरेड्स सूरता तासिंतोर ओसो बस्के-बस्के आम लाईन ओसो आम नीति किन मरंगितोर। माटू असल ते पार्टी ता आम कार्यदिशा ओसो आम नीति किन मरंगतेके माटू दिशाहीन, अपरिपक्व ओसो लेसता दिमाग वाले क्रांतिकारी बनेमायकोमा इद्रम ता परिस्थिति ते मना कार्य किन बदे विशेष कार्यदिशा ओसो विशेष नीति किन लागू कीयानास्के मना दिशा लेसतेके बस्केने डावड़ बगिल तो बस्केने तिन्नड़ बगिल लेस्कसोर मंदाकोमा। इद्रम आतेके मना कार्य किन नुकसान आयार।

नावा माटांग ओसो उंदी बेरा वेहकानः

सर्वहारा वर्ग ता नेतृत्व ते व्यापक जन समुदाय साम्राज्यवाद, सामंतवाद ओसो नौकरशाही-पूंजीवाद खिलाफ कीयाना क्रांति चीन ता नवजनवादी क्रांति आंदू। इतिहास ता वर्तमान कालम ते चीनी कम्युनिस्ट पार्टी ता आम कार्यदिशा ओसो अदिना आम नीति इदे मंता।

गरीब किसान लोरा पोरो आधार आसी मंदाना, मध्यम किसान लोरा संगे एकता कीयाना, सामंती शोषण व्यवस्था किन खत्म कीयाना ओसो कृषि उत्पादन ता विकास कियानाए नवजनवादी क्रांति लोप्पा ताकना भूमि

सुधार काम लोप्पा चीन कम्युनिस्ट पार्टी ता आम कार्यदिशा ओसो आम नीति मंदिता।

## नोट

1. चीनी कम्युनिस्ट पार्टी ता केंद्रीय कमेटी 22 फरवरी 1948 ते जारी कित्ता निर्देश लोप्पा अलग-अलग मुक्त इलाकांग लोप्पा भूमि सुधार कीयाना ओसो पार्टी किन सुदृढ़ बने कीयाना काम ता अनुभव कुना समीक्षा पेश कित्ताद मंता। भूमि सुधार कीयाना पार्टी किन सुदृढ़ बने कियाला काजे नीतिंग ओसो तरीकांग ना उंदी श्रृंखला बने कित्ताद मत्ता। उचुन इलाकांग लोप्पा इव रेंडासी कार्य लोप्पा पुट्टना “वामपंथी” भटवाकव कुन दूर कीयाना पोरो जोर हीताद मत्ता।
2. इद मीटिंग ता बारे ते इदे ग्रंथ लोप्पा “वर्तमान परिस्थिति ओसो मना कार्य” हेडिंग वाले लेख ता परिचय ता टिप्पणी हूडाटू।
3. इगा “वर्ग तय कीयाना लोप्पा आत्ता गलतिंग दूर कीयाना ओसो मध्यम किसान लोरा संगे एकता कीयाना बारे निर्देश” ता बारे ते वेहताद मंता, इदिन चीनी कम्युनिस्ट पार्टी ता केंद्रीय कमेटी ता शानशी-स्वेय्वान उपब्यूरो 13 जनवरी 1048 ते जारी कित्ता। निर्देश पांच हिस्सा ने मत्ता। मुख्य मुद्दांग दोड़ रास्ता लेक्का मंतांग:
  - 1) वर्ग तय कीयाना लोप्पा स्पष्टता हिल्वा कारण ते किसान लोरा आम मांग मत्तेकमाई बचोने लोकुर किन गलत तरीका ते जर्मीदार लेवेके धनी किसान लोरा लोप्पा गिनती कित्ताद मत्ता ओसो खासकर खुशहाल मध्यम किसान लोर किन गलत तरीका ते धनी किसान लोरा लोप्पा शामिल कित्ताद मत्ता। मध्यम किसान लोरा संगे एकता कीयाना कोशिश पोरो इदिना गलत प्रभाव अरता। इद्रम आयानदु गलत मंता।
  - 2) इव गलतिंग दूर कियाला काजे किसान लोर किन समझे कीसि राजी कीयाना दिशा ते समन्वयित कार्रवाई दृढ़ता ते कीयाना। जब्त कित्ता जायदाद किन वापिस कीयाना।
  - 3) किसान ओसो कार्यकर्ता लोर किन वर्ग तय कीयाना इतेके सिर्फ शोषण संबंघ किने मानेमायाना इंजी समझे कीयाना। वर्ग तय कीयाना लोप्पा आत्ता गलतिंग दूर कीयाना।
  - 4) गरीब किसान ओसो खेत-मजदूर पोरो निर्भर मंदाना ओसो मध्यम किसान लोरा संगे एकता कीयाना उसूल किन मानेमासी ताकना। मध्यम किसान लोर किन किसान-प्रतिनिधि सम्मेलन ता ओसो किसान सभाग ना नेतृत्वकारी संगठन ता एक तिहाई सदस्यता दोरकी कियाला तैयार कीयाना। कर तय कीयाना ओसो भूमि सुधार कीयाना लोप्पा ओरा हित कुन ध्यान ते तासना।

5) जिम्मेदार कार्यकर्ता लोर ग्रामीण इलाकांग काजे पार्टी ता वर्ग नीति ता बेस अध्ययन कीयाना। मध्यम किसान लोरा संबंध ते पार्टी नीतिंग नल भटकेमातेके गलतिंग किन दूर कीयाना, इव गलतिंग जन समुदाय संगे दूर कीयाना।

इद पांचसूत्री निर्देश जारी आयना संगेने शानशी स्वेख्वान उपब्यूरो भूमि सुधार ताकनास्के उद्योग-वाणिज्य लोप्पा गलत तरीका ते कै वाटना भटकाव कुन दूर कियाला काजे “उद्योग ओसो वाणिज्य ता रक्षा ता बारे ते निर्देश” वने जारी कित्ता।

4. इगा सप्लाई ओसो अस्सना-वम्मना सहकारी समितिंग ना बारे ते वेहताद मंता।

## “शानशी-स्वेख्वान दैनिक” ता सम्पादकीय विभाग ता सदस्य लोरा संगे वार्तालाप

2 अप्रैल 1948

मना नीति ना जानकारी सिर्फ नेता लोर ओसो कार्यकर्ता लोर किने आयवा व्यापक जन समुदाय किन वेने हियाना। नीति संबंधित सवाल कुना साधारण रूप ते पार्टी पत्र ओसो पत्रिकांग लोप्पा प्रचार-प्रसार कीयाना। इंजे माटू भूमि व्यवस्था ता सुधार किया मंतोम। भूमि सुधार संबंधित नीतिंग किन पत्रिकांग लोप्पा प्रकाशित कीयाना ओसो रेडियो ते प्रसारित कीयाना। अस्केने व्यापक जन समुदाय किन अदिना जानकारी दोरकियारा। जन समुदाय उंदी बेरा सच्चाई ता बारे ते पुत्तेके उंदी आसी उंदे बेरा काम कियाला तैयार आयार। इद वेने लड़ाई लोप्पा शामिल आयना लेक्का मंता, लड़ाई जीइला काजे सिर्फ कार्यकर्ता लोरे आयवा योद्धा लोरा वेने उंदी जीवा आयना जरूरी मंता। उत्तरी शेनशी ता सेनांग सुदृढीकरण ओसो ट्रेनिंग ता काम पूरा कित्तास्के ओसो पाइना समाज-व्यवस्था हीता दुक्कम कुना बारे ते वेहना आंदोलन ताकी कीतेके योद्धा लोरा राजनीतिक चेतना बेरसता अनि ओरकिन बारांकु लड़ेमाया मंतोम इंजी ओरु बद्रम लड़ेमायना इंजी स्पष्ट रूप ते समझेमाता, लड़ाई काजे हर मानेय ना हौसला बुलंद आत्ता अनि लड़ाई ता मैदान ते रैयसी जीत दोरकी कित्तोरा। जन समुदाय उंदी जीवा आतेके सब्बे हल्को आंता। मार्क्सवाद-लेनिनवाद ता बुनियादी उसूल जन समुदाय किन तम्मा हित कुन समझेमासी एकताबद्ध आसी तम्मा हित कुना काजे संघर्ष कीयाना लेक्का बने कीयाना मंता। अखबार कुना भूमिका ओसो अविना ताकत पार्टी कार्यक्रम, पार्टी ता

कार्यदिशा, पार्टी ता सामान्य ओसो विशिष्ट नीतिंग, अविना कार्य ओसो काम कीयाना तरीकांग किन वेल्ले जल्दी ओसो वेल्ले व्यापक स्तर ते आम जनता लोप्पा एवसी कीयाना पोरो आधार आसी मंदिंता।

उचुक जागा ने मना नेतृत्वकारी संगठन लोप्पा पार्टी नीतिंग ना जानकारी सिर्फ नेता लोरा लोप्पाने मत्तेके हालिंता ओसो इद जानकारी जन समुदाय किन हियाना जरूरत हिल्ले इंजी आल्सना नेता लोर वेने मंतोरा। इद पोल्लो ता उंदी बुनियादी कारण मना उचुक काम बेस कियवा मंदानदु आंदू। हत्ता बीस साल तुकू ज्यादा कालम तल मना पार्टी रोज जन कार्य किया मंता। हत्ता दस-बारह साल तल रोज जन दिशा ता चर्चा किया मंता। मना राय हमेशा क्रांति किन जन समुदाय पोरो निर्भर आसी मंदाना, सब्बे लोकुरा पोरो आधार आसी मंदाना सिर्फ मुट्टा लोकुरा आदेश जारी कीयानादिना हमेशा माटू विरोध कित्ताद मंता। मति इंजे वेने उचुन कामरेड्स तम्मा काम लोप्पा जनदिशा किन लागू कीवोर आंतोर, ओरु इंजे वेने इरवुर-मुवुरा पोरो आधार आसी मंतोर अनि अलग-थलग मंजी काम कींतोर। इदिना कारण- ओरु तम्मा नेतृत्व ते ताकनोर किन वेहला पेरके-मुन्ने आंतोर अनि तम्मा नेतृत्व ते ताकनोरा पहलकदमी ओसो सृजनशक्ति ता बद्रम ओसो बारांकु विकास कीयाना इंजी पुनवा मंदानादे आंदू। मनोगत रूप ते ओरु वने हर मानेय काम कीयाना मति असल ते ओरु दूसोर किन बाता कीयाना ओसो बद्रम कीयाना इंजी वेहोर आंतोर। इद्रम ता परिस्थिति ते हर मानेय सक्रिय आयना ओसो बदे काम बेस आया परिंता इंजी बद्रम आशा किया परिंतोम? इद समस्या किन हल कियाला काजे बुनियादी पोल्लो बदे डावुट हिल्ला जनदिशा ता विचारधारात्मक शिक्षा हियाना, मति संगेने माटू इद्रम ता कामरेड्स किन काम ता वेल्ले ठोस तरीकांग वेने करहाना। इद्रमताए उंदी तरीका अखबार ता भरपूर इस्तेमाल कीयाना वेने मंता। उंदी अखबार किन बेस ताकी कीयाना अदिन रुचिदार ओसो जीवा किन बेस लगेमायना बने कियाला पार्टी ता सामान्य, विशिष्ट नीतिंग ना सही तरीका ते प्रचार-प्रसार कीयाना ओसो जन समुदाय

संगे पार्टी ता सम्पर्क किन मजबूत कीयाना सवाल वेने मना पार्टी ता काम लोप्पा उंदी महत्वपूर्ण उसूली सवाल मंता। इदिन कम समझेमायनायो।

कामरेड्स! मीटू समाचार पत्र चलेकियानोर आंदुर। मीवा काम जन समुदाय किन शिक्षित कीयाना, जन समुदाय किन तम्मा हित कुन चीनेमायना लेक्का, तम्मा कार्य ओसो पार्टी ता सामान्य, विशिष्ट नीतिंग किन समझेमायना लेक्का बने कीयाना मंता। अखबार ताकि कीयाना वेने बाकी सब्बे काम लेक्काने मंता, अदिने बेस ताकी कीतेके, अदिन जीवा लेक्का बने कीयाना इत्तेके अदिन पूरा सही तरीका ते ताकी किया लागियार। मना अखबार कुन ताकी कीयाना बारे ते वेने माकिन मीवा पोरो आधार आसी मंदाना लागियर, विशाल जन समुदाय पोरो आधार आसी मंदाना लागियार, पूरा पूर्ती पोरो आधार आसी मंदा लागियर। लोन लोप्पा उदसी काम कीयाना मुट्टामेंड लोकुरा पोरो आधार आतेके काम ताको आंता। जनदिशा ता चर्चा मना अखबार रोज कींता मति खुद अखबार ता ऑफिस ता काम लोप्पा जनदिशा ता अमल आयो आंता। उदाहरण तुकू अखबार लोप्पा छापे कीयानास्केटा गलतिंग सिर्फ अद काम किन बेस कियवा मत्तांके आंतांग। माटू जनदिशा ता तरीकांग पोरो अमल कीतेके छापे कीयानास्के गलतिंग पोरो कोंडा अरता इत्तेकेने मनम अखबार ता सब्बे कर्मचारिर किन जमा कीसि सिर्फ अव गलतिंग ना सवाल पोरो चर्चा कीयाना, इद्रम ता सभा लोप्पा बदे दूसरा पोल्लो तेहनाए आयो, कर्मचारिर स्पष्ट रूप ते बाता गलत मंता बारांकु आंता ओसो इविन दूर बद्रम किया परमूडांता इंजी समझे कीयाना, इव सब्बे समझे कित्ता पेरके हर मानेय अद सवाल पोरो गंभीरतापूर्ण ध्यान हियाना इंजी मांग कीयाना। मूड-नालुंग बेरा इद्रम ता सभाग कीतेके जरूर इद्रम गलतिंग किन दूर कियमुडांता। इद पोल्लो सिर्फ सुडला सवाल कुना पोरोने आयवा बेहरा सवाल कुना पोरो वेने लागू आंता।

कुशलतापूर्क पार्टी ता नीति किन जन समुदाय ता कार्रवाई लोप्पा बदले कीयाना ओसो सिर्फ नेतृत्वकारी कार्यकर्ता लोरा नड्माए आयवा व्यापक जन समुदाय नड्मा वेने मनम शुरू कीयाना हर आंदोलन ओसो

हर संघर्ष ता समझदारी पुट्टी कीयाना ओसो ओरकिन इव आंदोलन कु ओसो संघर्ष लोप्पा निपुण बने कीयानाए मार्क्सवादी-लेनिनवादी नेतृत्व ता कला आंदू इद उंदी विभाजन-रेखा वेने मंता इदु माट मना काम लोप्पा गलती किया मंतोमा हिल्लेम इंदानदु निर्णय कीता। माटू जन समुदाय जागृत आयना मुन्ने पहलकदमी कीतेके दुस्साहसवाद आयरा। माटू जन समुदाय ता विचार कुना विपरीत बदे काम कियाला काजे ओरा नेतृत्व कीयाना जिद्द कीतेके माटू जरूर असफल आंतोमा। माटू जन समुदाय ता मुन्ने दायना मांग आतेके वेने मुन्ने हन्नवेके दक्षिणपंथी अवसरवाद आयारा। छन तू-शू ना अवसरवादी गलती इद्रमे मत्ता। ओरु जन समुदाय ता जागृति संगे समन्वय कीयाना लोप्पा विफल आतोर अनि मुन्ने दायला जन समुदाय ता नेतृत्व कियाला विफल आतोर, ओरु जन समुदाय ता मुन्ने दायना ता विरोध कित्तोर। वेल्ले कामरेड्स इंजे वेने इव सवाल किन समझेमायोरो। मना अखबार कु इव विचार कुना बेस प्रचार-प्रसार कीयाना अस्केने सब्बे तोर इविन समझेमायनूरा।

जन समुदाय किन शिक्षा हियाला काजे अखबार कुना लोप्पा काम कियानोर सबसे मुन्ने खुद जन समुदाय तल करियाना। मीटू सब्बे कामरेड्स बुद्धिजीविर आंदिरा। बुद्धिजीविर हमेशा वेल्ले सीधा मंदितोर ओसो व्यवहारिक पोल्लोंग ना अनुभव ओरकिन मन्नो आंता लेवेके वेल्ले कम मंदिता। 1933 ते जारी कित्ता “ग्रामीण इलाकांग लोप्पा वर्ग-विश्लेषण बद्रम कीयाना?” पोरोल ता पुस्तक तुन इद्रमे समझेमायना मीवा काजे हल्को आयार, इदिना लोप्पा किसान मीकिनकु ज्यादा तेज मंतोर, बारांकु इत्तेके इदिना बारे ते ओरु पूराए समझदारी दोरकी कींतोर। क्वेश्येन काउन्टी ता रेंडु जिलांग ना 180 तुकू ज्यादा किसान लोर पांच दिथ्या ना मीटिंग कित्तोर अनि जमीन ता बंटवारा संबंधित बचोनो समस्यांग किन हल कित्तोर। अवे समस्यांग पोरो मीवा सम्पादकीय विभाग विचार कियाला अरतेके मीकिन रेंडु हप्पांग बहस कीतेके वेने हल किया परविर आसी मन्नेरिर बहे। इदिना कारण एकदम स्पष्ट मंता, इव समस्यांग किन मीटू समझेमायाए परविर। समझदारी ता कमी मंदानास्के समझदारी दोरकी

कियाला काजे खुद काम कीयाना जरूरी मंदिता, इत्तेके अदिन करियाना मंदिता। अखबार लोप्पा काम कीयाना कामरेड्स बारी-बारी ते उचुन जोम काजे जन-कार्य ते, भूमि सुधार कार्य लोप्पा हिस्सा एतना, वेल्ले जरूरी मंता। बस्के एवनल मीटू जन संघर्ष लोप्पा हिस्सा एतविर अस्के एवनल मीटू जन समुदाय ता आंदोनल ता बारे ते वेल्ले सामग्री पड़ेमायना ओसो केंजना, इद्रम ता सामग्री पोरो टाईम वाटसी अध्ययन कीयाना कोशिश कीयाना। सैनिक लोर किन ट्रेनिंग हियानास्के मना नारा: “अफसर सैनिक लोरिन करहना अनि सैनिक लोर अफसर लोरिन करहना ओसो वरोर सैनिक दूसरा सैनिक निगडल करियाना”। योद्धा लोरगा लडाई ता वेल्ले अनुभव मंदितांग। अफसर लोर योद्धा लोरगडल करियाना अनि दूसरोरा अनुभव किन लागू कीतेके ओरा कार्य-क्षमता मुन्ने तुकू ज्यादा बेरसियारा। अखबार लोप्पा काम कीयाना कामरेड्स लोर वेने दोड़ ता स्तर तल वात्ता सामग्री ता अध्ययन लगातार कीयाना। अदिन तम्मा व्यवहारिक जानकारी बेरसी कीयाना ओसो अनुभवी बनेमायना। सिर्फ इद्रमे मीटू मीवा काम बेस किया परिंतिरा। जन समुदाय किन शिक्षित कीयाना मीवा जिम्मेदारी किन बेस पूरा किया परिंतिरा।

हत्ता जून महीना ते आत्ता प्रिफेक्चर पार्टी कमेटी सचिव लोरा सम्मेलन पेरकेटल “शानशी-स्वेय्वान दैनिक” वेल्ले विकसित आत्ता। अस्के इद अखबार विषय-वस्तु ता दृष्टि ते पूर्ण रूप ते सम्पन्न, तीखा, मर्मस्पर्शी, संजीव मत्ता, इद जन समुदाय ता महान संघर्ष किन दोहनदु, जन समुदाय ता पक्ष एतनदु। इदिन पड़ेमायना वेल्ले बेस लागिंता। मति इयेंड जनवरी तल इत्तेके “वामपंथी” भटकाव कुन सधरे कीयाना शुरू आत्तास्केटल मीवा अखबार मीवा सजीवपन किन पोहता लेक्का मंता, इदिन बचोन स्पष्ट मंदानद मत्ताचोन स्पष्ट हिल्ले, वेल्ले मर्मस्पर्शी वेने पिस्ताद हिल्ले। इदु मुन्नेटाचोन जानकारी वेने हीवो ओसो पाठक लोरा काजे बदे विशेष आकर्षक वेने पिस्ताद हिल्ले। इंजे मीटू मीवा काम ता जांच-पड़ताल किया मंतिर ओसो मीवा अनुभव कुना समीक्षा किया मंतिर, इदु वेल्ले बेसता पोल्लो मंता। मीटू दक्षिणपंथी ओसो “वामपंथी”



भटकाव कुना मुकाबला कीयाना अनुभव कुना निचोड़ तेंडतिर अनि मुन्ने तुकू ज्यादा स्पष्ट समझदारी दोरकी कीतेके मीवा काम सुधरेमायार।

हत्ता साल जून तल “शानशी-स्वेय्वान दैनिक” दक्षिणपंथी भटकाव कुना खिलाफ कित्ता संघर्ष बिल्कुल सही मत्ता। अद संघर्ष लोप्पा मीटू वेल्ले बेस काम कीतिर अनि जन आंदोलन ता असल परिस्थिति किन पूराए तोहता। बद दृष्टिकोण ओसो विवरण किन मीटू गलत समझेमातिर, अविना सम्पादकीय टिप्पणी लेक्का समीक्षा कीतिर। मीवा पेरके वायना समीक्षांग लोप्पा उचुक गलतिंग वेने मत्तांग, मति मीवा उद्देश्य ता भावना बेस मत्ता। मीवा मुख्य गलतिंग इत्तेके मीटू मीवा विल्ल-काड़ी ता डोरी किन जरूरत तुकु ज्यादा पीडंगतिर, विल्ल-काड़ी ता डोरी जरूरत तुकू ज्यादा सख्ती ते पिडंगतेके देगिता। पाड़ना कालम ता लोकर “राजा वन ओसो राजा ऊ ना सिद्धांत वेल्ले सख्ती ओसो ढिलाई ता परिस्थिति बदले कीसोरे मंदाणा इंजी मत्ता” इंदानोरा।<sup>1</sup> अदिन काजे इंजे उचुन “ढिलाई” हीमुट, इद्रम कीतेके कामरेड्स ना लोप्पा स्पष्ट समझदारी पुडिंता। मीवा मुन्नेटा काम लोप्पा सफलता दोरकी कीतिर मति संगे ने ताना लोप्पा गलतिंग वेने मत्तांग मुख्य रूप ते “वामपंथी” भटकाव आतांग। इंजे मीटू नालुंग बगिल तल निचोड़ तेंडा मंतिर अनि “वामपंथी” भटकाव कुन दूर कित्ता पेरके मीकिन ओसो बेहरा सफलतांग दोरकानुंग।

माटू भटकाव कुन सुधरे कीयानास्के उचुन मुल पाड़ना कालम ता पूरा काम किन इनपड़े बेकार ओसो सौ प्रतिशत गलत समझेमांतोरा। इद्रम आल्सना गलत मंता। इद्रमतोर पार्टी ता नेतृत्व ते बचोनो किसान लोर जमीन दोरकी कित्तोर, सामंतवाद किन तेहकसी वाटताद मंता, पार्टी तन्ना संगठन कुन सुदृढ़ बने कित्ता ओसो कार्यकर्ता लोरा कार्यशैली किन सुधरे कित्तादु हूडोर आंतोरा। इंजे “वामपंथी” भटकाव कुन वेने दूर कित्ताद मंता ओसो कार्यकर्ता, जन समुदाय किन वेने शिक्षित कित्ताद मंता इंजी हूडोर आंतोरा। इव सब्बे सफलतांग महान हिल्ले या? मना कार्य किन ओसो जन समुदाय कार्य ता आंकलन लोप्पा विश्लेषणात्मक रुझान लागू कीयाना ओसो सब्बे कामकज ता निषेध कीयानायो। पाड़ना कालम ते “वामपंथी”

भटकाव लोकुर किन बदे अनुभव हिल्वांके आत्ता। अनुभव लेवा गलतिंग नल बचेमायना मुशिकल मंता। अनुभव दोरकी कीयाना वेल्ले जरूरी मंता। हत्ता साल जून तल इंजे एवनल कम टाईम तेने दक्षिणपंथी ओसो “वामपंथी” भटकाव कुना खिलाफ संघर्ष आत्ता, अविनगडल वेंडसी लोकुर दक्षिणपंथी भटकाव कुना खिलाफ संघर्ष इत्तेके बाताल ओसो “वामपंथी” भटकाव कुना खिलाफ संघर्ष इत्तेके बाताल आंता इंदानादु इद प्रक्रिया तले समझेमायमूडांता।

मीटू मीवा काम ता जांच-पड़ताल कित्तास्के ओसो मीवा अनुभव दोरकि कित्ता पेरेके मीटू पक्का अखबार ओसो ज्यादा बेस ताकियर इंजी विश्वास मंता। मीटू जरूर मीवा अखबार ता मुन्नेटा स्तर किन बचे कीयाना। अदिन तीखा, मर्मस्पर्शी ओसो स्पष्टवादी बने कीयाना ओसो वेल्ले बेस ताकी कीयाना। सच्चाई ता समर्थन साहस संगे कीयाना ओसो सच्चाई तुकू उंदी स्पष्ट दृष्टिबिंदु ता जरूरत मंदिता। मना दृष्टिकोण किन मक्किह कीयाना माटू कम्युनिस्ट लोर हमेशाए मना खिलाफ समझेमाताद मंता। मना पार्टी ताकी कीयाना अखबार ओसो मना पार्टी ता पूरा प्रचार कार्य किन सजीव, स्पष्ट ओसो तीखा मंदाना ओसो अविन बस्केने छेड़छाड़ कीयानायो। इदे जुझारू शैली लागू कियाला काजे क्रांतिकारी सर्वहारा वर्ग काजे सही मंता। इद जुझारू शैली ता जरूरत जनता किन सच्चाई ता जानकारी दोरकी कीयाना शिक्षा हियाला आल्सिंतोम अदिन खुद तन्ना मुक्ति संघर्ष काजे जागृत कियाला काजे मंदिता।

### नोट

1. “विधि सहिता” पोरोल ता लेख ता “फुट कर अभिलेख” ता भाग-2 तल रास्तद मंता।

# लोयांग शहर पोरो दुबारा कब्जा कित्ता पेरके लोयांग मोर्चा ता हेडक्वार्टर किन चिट्ठी\*<sup>1</sup>

8 अप्रैल 1948

लोयांग पोरो इंजे दुबारा कब्जा कित्ताद मंता<sup>1</sup> ओसो इंजे अदिन पक्का मनाए कैदे तासमूडायरा। शहरी नीति ता बारे ते दोड़ रास्ता पोल्लोंग पोरो ध्यान हीमूटः

1. क्वोमिंगतांग शासन ता संस्थाकुन खत्म कीयाना लोप्पा वेल्ले सतर्कता ते काम कीयाना, सिर्फ मुख्य प्रतिक्रियावादिर किने गिरफ्तार कीयाना ओसो जरूरत तुकू ज्यादा लोकर किन पोय्यनायो।
2. नौकरशाही पूंजी ता बारे ते स्पष्ट विभाजन रेखा पिड़ंगना, क्वोमिंगतांग सदस्य लोर ताकी कीयाना सब्बे औद्योगिक, व्यापारिक कारोबार कुन नौकरशाही पूंजी ता पोरोल हियानायो ओसो अविन जन्त कीयानायो। जनवादी सरकार क्वोमिंगतांग ता केंद्रीय, प्रांतीय, काउंटी ओसो म्युनिसिपल सरकार कुना संचालन ते ताकना इत्तेके पूरा सरकारी संस्थान कुना संचालन ते ताकसोर मत्ता सब्बे औद्योगिक ओसो व्यापारिक कारोबार किन तम्मा कैद पोयसी ताकियर इंजी सिद्धांत बने कीयाना। मति इंजे जनवादी सरकार अविन तन्ना कैदे पोयला तैयार हिल्वेके लेवेके इद्रम किया परवेके बोर मानेय

---

<sup>1</sup>इद चिट्ठी कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे तैयार कीसि मत्तो। इदिना विषय-वस्तु सिर्फ लोयांग पोरोने आयवा बुनियादी रूप ते सब्बे जन मुक्त मुक्ति शहर कुना पोरो लागू आयनदु, अदिन काज इद चिट्ठी लोयांग मोर्चा संगे-संगे बाकी प्रांत ओसो उचुक इलाकांग ना नेतृत्वकारी कामरेड्स ना पोरोल ते लोहताद मत्ता।

मुन्ने अदिना देखरेख ता जिम्मेदारी संभाले कींतोरो ओरकिने इंजे इद जिम्मेदारी सौंपे कीयाना। इव कारोबार बस्के एवनल ताकसोर मंतांग अस्के एवनल इविन संभाले कियानोर किन जनवादी सरकार नियुक्त कीयानायो। इव औद्योगिक, व्यापारिक कारोबार लोप्पा काम कीयाना मजदूर ओसो तकनीशियन लोर किन काम लोप्पा शामिल आयाला काजे संगठित कीयाना ओसो ओरा कार्य-कुशलता पोरो भरोसा कीयाना। क्वोमिंगतांग कर्मचारी विततेके ओसो कारोबार ठप्प आतेके मजदूर ओसो तकनीशियन लोरा निर्वाचित प्रतिनिधिरा उंदी समिति बने कीयाना। ताना पेरेके जनवादी सरकार मजदूर लोरा संगे कलियसी कारोबार ता प्रबंध कार्य कीयाना प्रबंधक ओसो निर्देशक लोर किन चुने कीयाना। क्वोमिंगतांग ता कुख्यात नौकरशाह संचालित कारोबार कुन पोरो वेहता सिद्धांत ओसो तरीकांग संगे हल कीयाना। मति उद्योग ओसो वाणिज्य कारोबार किन सुडला नौकरशाह लेवेके जर्मीदार लोर ताकी कींतोर अविन जव्त कीयाना आयो। राष्ट्रीय पूंजीपतिरा संचालन ते ताकना कारोबार किन कैदे वाटना सख्त मना मंता।

3. जर्मीदार लोर किन पोयना ओसो हिसाब कियाला काजे शहर ते नेंगतेके किसान-संगठन किन रोमी कीयाना। जर्मीदार लोरा जमीन ग्रामीण इलाका लोप्पा मंता ओसो खुद शहर ते मंतोर, ओरगडल जनवादी म्युनिसिपल सरकारे कानून ता अनुसार हल कीयाना। बोरु गंभीर अपराध कितोर ओरकिन किसान-संगठन कु तय कित्ता लेक्का ओरकिन नाटे लोहचियाना।
4. शहर ते नेंगतास्के शुरू तेने मजदूरी बेरसी कीयाना ओसो काम ता घंटा कम कीयाना नारा हल्कोए वाटनायो। युद्धकालम ते उत्पादन जारी तासना ओसो काम ता घंटांग ओसो मजदूरी दर मत्ता लेक्काने तासतेके वेने बेस आयार। पेरेके वेने काम ता घंटांग जरूरत मत्ताचोन घटे कीयाना लेवेके कीयानायो ओसो मजदूरी बेरसी कीयाना लेवेके

कीयानायो, इत्तेके निर्णय आर्थिक परिस्थिति बद्रम मंता इत्तेके कारोबार बेरसिंता या बेरसो इंदाना पोरो आधार आसी मंदिता।

5. जनवादी सुधार कीयाना ओसो रहन-सहन किन सुधरे कियाला काजे शहर ता जनता किन संगठित कियाला जल्दबाजी कीयानायो। शहर-प्रशासन बेस ताकनास्के जनता शांत आंता, सुक्ष्म जांच-पड़ताल संगे स्थानीय परिस्थिति ता बारे ते उंदी स्पष्ट धारणा बनेमासी मंदियर ओसो सब्बे तरीकांग तेंडतास्केने परिस्थिति ता वेहच ते इव सवाल कुन सही तरीका ते हल किया परमूड़ांता।
6. इंजे बेहरा शहर कुना प्रधान समस्या अनाज ओसो ईंधन ता समस्या मंता, इदिन योजनाबद्ध तरीका ते हल किया लागियर। बदे शहर ता मना प्रशासन लोप्पा वातेके शहर ता गरीब लोकुरा पिस्वल ता सवाल योजनाबद्ध तरीका ते हल किया लागियर। “गरीब लोर किन राहत हियाला काजे अनाज ता भंडार खोले कीयाना” इंजी नारा हियानायो। सहायता काजे सरकार ता तोड्डी हूडना साहस ओरा लोप्पा पुड्डी कीयानायो।
7. क्वोमिंगतांग ओसो ओरा मूंड जन-सिद्धांत नौजवान संघ ता सदस्य लोरा सही तरीका ते जांच-पड़ताल कीसि ओरा पोरोल रजिस्टर कीयाना।
8. हर चीज ता योजना भविष्य किन हूडसी बने कीयाना। सार्वजनिक सम्पत्ति मत्तेके लेवेके निजी सम्पत्ति, उत्पादन बदे वेने साधन किन नष्ट कीयाना सख्त मना मंता, अद्रमे उपभोक्ता-सामग्री किन बरबाद कीयाना वेने सख्त मना मंता। फीजूलखर्ची ते तिंदना-उंडना अनुमति हिल्ले ओसो बचत, कमखर्ची पोरो ध्यान हियाना।
9. पार्टी ता म्युनिसिपल-कमेटी ता सचिव ओसो मेयर पद ते नीति किन बेस समझेमाता ओसो योग्य मत्तोर किन चुने कीयाना। ओरु तम्म सब्बे कर्मचारीर किन प्रशिक्षित कीयाना ओसो शहरी नीतिंग, कार्यनीतिंग किन समझेकीयाना। शहर ता मालिक इंजे जनता मंता, अदिन काजे हर भावना ते ताकी कीयाना शहर प्रबंध ता जिम्मेदारी

खुद जनता पोरोने मंता। क्वोमिंगतांग प्रशासन ते मत्ता शहर कुना काजे तय कित्ता मना नीतिंग ओसो कार्यनीतिंग किन जनता ना प्रशासन ते वात्ता शहर कुना पोरो लागू कीयाना गलत आयरा।

## नोट

1. लोयांग हनान प्रांत ता पश्चिम ते मत्ता क्वोमिंगतांग सेनांग ना उंदी महत्वपूर्ण गढ़ मत्ता। जन-मुक्ति सेना मुन्ने 14 मार्च 1948 ते लोयांग पोरो कब्जा कित्ता पेरके दुश्मन ता प्रभावकारी ताकत तुन खत्म कियाला काजे खुद ता पहलकदमी ते शहर खाली कित्ता अनि 5 अप्रैल 1948 ते ओसो उंदी बेरा अदिना पोरो कब्जा कित्ता।

## पूना मुक्त इलाकांग लोप्या ग्रामीण काम ता कार्यनीति बारे ते समस्यांग

24 मई 1948

पूना मुक्त इलाकांग लोप्या ग्रामीण काम ता कार्यनीति बारे ते समस्यांग पोरो समग्र रूप ते ध्यान हियाना जरूरी मंता। इव इलाकांग लोप्या माटू जापानी आक्रमण विरोधी युद्धकाल ते दोरकता अनुभव कुन पूरा इस्तेमाल किया लागियर, इविना मुक्ति ता वेल्ले जोम पेरके एवनल इव इलाकांग लोप्या लगान, सूद कम कीयाना ओसो विज्जा, खत्तु ता सप्लाई काम सही तरीका ते कीयाना सामाजिक नीति पोरो ओसो बोजा ता न्यायसंगत बंटवारा कीयाना वित्तीय नीति पोरो अमल कीयाना, मना मुख्य हमला ता निशाना राजनीतिक रूप ते क्वोमिंगतांग संगे मत्तोर पोरो ओसो मना पार्टी, सेना ता गंभीर विरोध कियानोर पोरो मंदना, माटू प्रतिरोध-युद्ध कीयानास्के सिर्फ गद्दार लोर किने गिरफ्तार कित्ता लेक्का ओसो सिर्फ ओराए जायदाद जब्त कित्ता लेक्का कीयाना, चल-सम्पत्ति ओसो जमीन ता बंटवारा ता समाज-सुधार नीति किन टाईम वेस्ट कियवा लेवा लागू कीयाना जल्दी कीयानायो। बारांकु इत्तेके उचुने सहासी लोकर चल-सम्पत्ति तुन टाईम तुकू मुन्ने बंटवारा कीयाना ता स्वागत कियानूर अनि बुनियादी जन-समुदाय कैदे उचुन वेने वायो आयार अद्रमासी जनता होंग आयारा। इदे आयवा सामाजिक धन वेने जल्दिए खत्म आत्तेके सेना किन वेने असुविधा आयारा। जमीन ता टाईम तुकू मुन्ने बंटवारा कीतेके सामरिक मांग कुना पूरा बोजा जर्मीदार, धनी किसान लोरें आयवा टाईम तुकू मुन्ने आम किसान लोरा हट्टा पोरो आयारा। अदिन काजे समाज सुधार लोप्या चल-सम्पत्ति

ओसो जमीन ता बंटवारा कियवा लेवा लगान ओसो सूद किने व्यापक रूप ते कम कीयाना अस्केने आम किसान लोर किन ठोस फायदा आयार, ओसो वित्तीय नीति अनुसार पूरा बोजा सिर्फ जमींदार, धनी किसान लोरा पोरो अर्नायो इंजी न्यायसंगत बंटवारा कीसियाना। इद्रम कीसि सामाजिक धन तुन बचे कियमूड़ायर अनि सार्वजनिक व्यवस्था वेने ज्यदा स्थिर आयार, इद्रम आतेके मना पूरा ताकत क्वोमिंगतांग प्रतिक्रियावादिर किन नष्ट कीयाना काम पोरोने केंद्रित कियाला मदद आयार। उंदी-रेंडु लेवेके मूंड साल पेरके, विस्तृत आधार इलाकांग नल क्वोमिंगतांग प्रतिक्रियावाद खत्म आत्तास्के, परिस्थिति अनुकूल आत्तास्के, जन समुदाय जागृत ओसो संगठित आत्तास्के युद्ध विस्तार आसी मत्तास्के माटू भूमि सुधार ता मंजिल ते इत्तेके उत्तरी चीन लेक्काने चल सम्पत्ति ओसो जमीन ता बंटवारा कीयाना मंजिल ते नेंगा परितोमा। लगान ओसो सूद कम कीयाना मंजिल किन बदे वेने पूना मुक्त इलाका लोप्पा डेयसी वेंडा परमूड़ायो, मति माटू इद्र मंजिल तुन वेंडवा लेवा डेयसी वेंडला कोशिश कीतेके माटू गलतिंग कियाकोमा। वेहता कार्यनीति किन उत्तरी, उत्तर-पूर्वी ओसो उत्तर-पश्चिमी चीन ता बेहरा मुक्त इलाकांग ना सीमा दुश्मन कैदे मत्ता इलाकांग ना हंदी संगे बोयसी मत्ता हिस्सांग लोप्पा वेने लागू कीयाना।



# 1948 ता भूमि-सुधार ओसो पार्टी-सुदृढीकरण कार्य\*<sup>1</sup>

25 मई 1948

1

मौसमकुना पोरो ध्यान हियाना वेल्ले जरूरी मंता। केंद्रीय कमेटी ता प्रादेशिक ब्यूरो ओसो उपब्यूरो चीने कित्ता इलाकांग लोप्पा वायना इंगम कालम ते इत्तेके इथेटा सितम्बर तल वायना साल ता मार्च एवनल सात महिनांग दोड़ रास्ता काम किन उंदी-उंदी कीसि पूरा कियाना:

1. ग्रामीण इलाका ता परिस्थिति जांच-पड़ताल कियाना।
2. सही नीति अनुसार पार्टी ता सुदृढीकरण ता प्राथमिक कार्य सम्पन्न कियाना। उच्च संगठन ग्रामीण इलाका ते लोहता कार्य-ग्रुप ओसो कार्य-दल सबसे मुन्ने स्थानीय पार्टी शाखा ना सब्बे सक्रिय सदस्य ओसो तुलनात्मक रूप ते बेसता सदस्य लोरा संगे एकता कियाना ओसो ओरा संगे कलियसी भूमिसुधार कियाना काम ता नेतृत्व कियाना।
3. गरीब किसान संघ ओसो किसान सभाग संगठित ओसो पुनर्गठित कियाना लेवेके मजबूत कियाना ओसो भूमि सुधार काजे संघर्ष कियाना।
4. सही जांच-पड़ताल संगे वर्ग तय कियाना।
5. सामंती जमीन ओसो सम्पत्ति ता वितरण सही नीति अनुसार कियाना। इद वितरण लोप्पा सब्बे मुख्य तबकांग ना लोकर

<sup>1</sup> इद पार्टी निर्देश कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे तैयार कित्ताद मत्ता।

- अदिन न्यायिक ओसो सही समझेमायना ओसो जर्मीदार वेने ओरा काजे पिस्वल पिस्सला कमाई कीयाना हर्ी दोरकता ओसो इदिना गारंटी मंता इंजी आल्सना लेक्का आयना।
6. श्यांग (नार), जिला ओसो काउंटी स्तर ता जन-प्रतिनिधि सम्मेलन ता स्थापना कीयाना ओसो सरकारी परिषद कुना चुनाव कीयाना।
  7. जमीन ता मालिकाना तय कियाला काजे भूमि-पट्टा जारी कीयाना।
  8. कृषि-कर (सार्वजनिक अनाज) दर किन पुनर्व्यवस्थित ओसो सुधरे कीयाना। इव दर कुन सार्वजनिक हित ओसो निजी हित रेंडासी ना ध्यान तासना उसूल अनुसार तय कीयाना, दूसरा माटा ने अवु उंदी बगिल युद्ध ता समर्थन कीयाना अनुकूल मंदाना ओसो दूसरा बगिल किसान लोरा लोप्पा उत्पादन ता पुनरुद्धार, विकास कीयाना कार्य कियाला तैयार मंदाना, ताना लोप्पा ओरा रहन-सहन ते सुधार कियाला मदद आयार।
  9. सही नीति अनुसार पार्टी शाखांग ना संगठनात्मक सुदृढीकरण कार्य पूरा कीयाना।
  10. मना कार्य किन भूमि सुधार संगे कृषि उत्पादन ता पुनरुद्धार ओसो विकास कीयाना सामान्य संघर्ष संगे ग्रामीण ता पूरा मेहनतकश जनता किन गोलबंद कीयाना ओसो जर्मीदार, धनी किसान लोरा श्रमशक्ति किन संगठित कीयाना कार्य ते बदले कीयाना। खुद ता मर्जी ते शामिल आयना ओसो समान मूल्य पोरो आधार आसी विनिमय कीयाना उसूल अनुसार सुडला स्तर ते श्रम-विनिमय ग्रुप ओसो सहकारी इकाईंग किन संगठित कीयाना शुरू कीयाना, विज्जा, खत्तु ओसो ईंधन तैयार कीयाना, उत्पादन कार्य ता योजनांग तैयार कीयाना, जरूरत आत्तास्के ओसो संभव आत्तास्के कृषि-ऋण (मुख्य रूप ते उत्पादन साधन कुन अस्सला काजे हियाना ऋण जरूर चुकता कीयाना ओसो

इद्रम ता ऋण ओसो सहायता-अनुदान कुना नडमा सख्ती ते फर्क कीयाना) जारी कीयाना, बेगा संभव आतगा जल-सरंक्षण परियोजनांग ना निर्माण ता योजनांग बने कीयाना।

इद भूमि सुधार तल उत्पादन एवनल काम ता पूरा प्रक्रिया आदू, इदिन भूमि सुधार लोप्पा सीधा शामिल आयना कामरेड्स किन समझे कीयाना। इद्रम कीतेके कामरेड्स लोर तम्मा काम लोप्पा वरोर आयना तुकू बचेमाया परितोर ओसो मौका पोहवा लेवा वायना हिरंगम कालम ते इगा वेहता काम किन पूरा कीयाना।

## 2

पोरो वेहता उद्देश्य किन दोरकी कियाला काजे वायना मूंड महीनांग लोप्पा (जून तल अगस्त आखरी एवनल) दोड़ रास्ता कार्य पूरा कियाना:

1. भूमि सुधार काजे इलाका तय कीयाना। हर इलाका किन दोड़ रास्ता लेक्का मूंड शर्त जरूर पूरा कियाना:
  - अगा दुश्मन ता सब्बे सशस्त्र सैन्य-शक्ति किन खत्म कित्ता लेक्का मंदना, परिस्थिति अनुकूल आसी मंदना ओसो अद इलाका अस्थिर छापामार इलाका मंदानायो।
  - अगा बुनियादी जन समुदाय (खेत-मजदूर, गरीब किसान ओसो मध्यम किसान) ता अल्पसंख्या आयवा बहु संख्या जमीन ता बंटवारा ता मांग कीसोर मंदाना।
  - इगा भूमि-सुधार कार्य किन जरूर तन्ना कैदे तासिसी ताकी कियाला काजे, संख्या, गुण रेंडासी ना दृष्टि ते हालनाचोन पार्टी-कार्यकर्ता लोर मंदाना ओसो इद कार्य किन जन समुदाय ता स्वतःस्फूर्त कार्रवाई ना भरोसा ते विडसनायो।

बद इलाका लोप्पा मूंड शर्त कुना लोप्पटल उंदी वेने शर्त लागू आयवेके, अदिन 1948 ते भूमि सुधार काजे चुने कीयाना आयो। उदाहरण तुकू माटू इयेटा भूमि सुधार योजना लोप्पा उत्तरी, पूर्वी, उत्तर-पूर्वी ओसो

उत्तर-पश्चिमी चीन ता मुक्त इलाका ना दुश्मन कब्जा ते मत्ता इलाकांग ना हंदी ते मत्ता इलाकांग किन शामिल कीयानायो ओसो केंद्रीय कमेटी ता मध्यवर्ती मैदान प्रादेशिक ब्यूरो ता इलाकाधिकार वाले यागंतसी बेरेड, ह्वाए डोड्डा, पीली डोड्डा ओसो हानश्वेइ डोड्डा नडमा मत्ता ज्यादातर इलाकांग किन शामिल कीयानायो। बारांकु इत्तेके इव इलाकांग पहली शर्त किन पूरा कीवोंगा। अविन वायना साल ता योजना ते शामिल कियमूडायर लेवेके कियमूडायो। इंदानदु परिस्थिति पोरो आधार आसी मंदिता। इव इलाकांग लोप्पा माटू जापानी आक्रमण विरोधी युद्ध ताकनास्के दोरकता अनुभव कुना पूरा-पूरा इस्तेमाल कीयाना। लगान, सूद कम कीयाना ओसो विज्जा, अनाज ता सप्लाई किन पूरा पुनर्व्यवस्थिति कीयाना सामाजिक नीति किन ओसो ताना संगे जिम्मेदारी बंटवारा कीयाना वित्तीय नीति किन लागू कीयाना। अस्केने सब्बे सामाजिक ताकत संगे एकता कीयाना लेवेके अविन किन उंदी बगिल कियमूडायर। बविना संगे एकता कियमूडंता, बवि किन उंदी बगिल कियमूडंता ओसो जन मुक्त सेना किन क्वोमिंगतांग ता पूरा सशस्त्र सेना किन खत्म कियाला ओसो राजनीतिक रूप ते वेल्ले प्रतिक्रियावादी मत्ता स्थानीय निरंकुश तत्व कुना पोरो हमला कियाला मदद आंता। इव इलाकांग लोप्पा जमीन ता बंटवारा कीयानायो, चल-सम्पत्ति ता वेने बंटवारा कीयानायो। बारांकु इत्तेके इव पूना इलाकांग लेवेके दुश्मन कब्जा ते मत्ता इलाकांग ना हंदी ते मत्ता इलाकांग आंदुंग अद्रमासी अगा इद्रम कीयाना क्वोमिंगतांग प्रतिक्रियावादी ताकत किन खत्म कीयाना बुनियादी कार्य पूरा कियाला काजे एकता किया परना, ओसो इंदी बगिल किया परना सब्बे सामाजिक ताकत कुना संगे एकता कीयाना ओसो अविन उंगी बगिल कीयाना बदे फायदा हिल्ले।

1. कार्यकर्ता सम्मेलन किन सफल बने कीयाना। भूमि सुधार ओसो पार्टी सुदृढीकरण संबंधित कार्य बारे ते आयना कार्यकर्ता सम्मेलन लोप्पा इव रेंडासी कार्य संबंधित सब्बे सही नीतिंग ना बारे ते पूर्ण रूप ते वेहाना। बद काम कीयाना, बद काम कीयानायो इंजी स्पष्ट रूप ते समझे कीयाना। भूमि सुधार ओसो

पार्टी-सुदृढीकरण कार्य कीयाना सब्बे कार्यकर्ता लोरगडल ओरु  
 केंद्रीय कमेटी जारी कित्ता सब्बे महत्वपूर्ण दस्तावेज कुना सही  
 तरीका ते अध्ययन कीयाना ओसो बेस समझेमायना इंजी मांग  
 कीयाना, कार्यकर्ता लोर किन ओरु इव सब्बे दस्तावेज कुन  
 अमल कीयाना ओसो अविना लोप्पा बदे बदलाव कीयानायो  
 इंजी मांग कीयाना। इव दस्तावेद कुना उचुन हिस्सा स्थानीय  
 परिस्थिति संगे कलियवेके, अविना लोप्पा संशोधन  
 कियमूडांता, इद्रम कीयाना वेने मति अविन लोप्पा बदे रकम ता  
 बदलाव कीयाना मुन्ने केंद्रीय कमेटी ता मंजूरी एतना जरूरी  
 मंता। इयेंड अलग-अलग स्तर ते आसोरे मत्ता कार्यकर्ता  
 सम्मेलन काजे अलग-अलग इलाकांग लोप्पा उच्च नेतृत्वकारी  
 संगठनकु हालनाचोन सही तैयारी कीयाना। इत्तेके सम्मेलन  
 केयना मुन्ने उचुन मुल नडमा (ओरा लोप्पटल वरोर तन्ना पोरो  
 मुख्य जिम्मेदारी एतना) विचार-विनिमय कीयाना। इद्रम  
 कीयानास्के सवाल कीयाना ओसो अविन विश्लेषण कीयाना,  
 उंदी लिखित रूपरेखा तैयार कीयाना, विषय-वस्तु ओसो  
 शब्दावली वेल्ले ध्यान ते तैयार कीयाना (जरूर अदु स्पष्ट ओसो  
 संक्षिप्त मंदाणा, लम्बा-चौड़ा मंदाणायो)। ताना पेरके कार्यकर्ता  
 सम्मेलन लोप्पा उंदी रिपोर्ट पेश कीयाना, वाद-विवाद शुरू  
 कीयाना, वाद-विवाद कीयानास्के वात्ता विचार कुन ग्रहण  
 कीसि रूपरेखा पूरा कीयाना अनि ताना लोप्पा संशोधन  
 कीयाना। अदिन आखरी रूप हियाना ओसो आखरी रूप ते  
 तैयार कित्ता दस्तावेज किन पूरा पार्टी लोप्पा वितरित कीयाना।  
 परताचोन समाचारपत्र लोप्पा वेने प्रकाशित कीयाना।  
 अनुभववादी तरीका ते मीटिंग केयना ता विरोध कीयाना इत्तेके  
 मुन्ने तैयारी कियवा लेवा बदे सवाल कियवा ओसो अदिना  
 विश्लेषण कियवा लेवा ओसो कार्यकर्ता सम्मेलन ते पेश  
 कियाला काजे ध्यानपूर्वक तैयारी कित्ता ओसो दमदार विषय-

वस्तु, संगठित शब्दावली वाले रिपोर्ट लेवा मीटिंग केयना ओसो इव मीटिंग लोप्पा हिस्सा एतना लोकरु किन अंगडम ता पोल्लोंग कियाला हियाना ता विरोध कीयाना। अधिवेशन लोप्पा बदे स्पष्ट ओसो बेस आल्सिसी, समझेमासी बदे निष्कर्ष ते एववा लेवा लम्बा बहस कीयाना ता विरोध कीयाना। केंद्रीय कमेटी ता बदे प्रादेशिक ब्यूरो लेवेके उपब्यूरो, बदे इलाका, प्रांत लेवेके प्रिफेक्चर पार्टी कमेटी ना नेतृत्व-कार्य लोप्पा इद नुकसानदायक अनुभववादी तरीका दिसतेके अदिन खत्म कीयाना बगिल ध्यान हियाना। नीति ना बारे ते विचार-विमर्श कियाला काजे कित्ता सम्मेलन लोप्पा वेल्ले ज्यादा लोकरु किन केयना अनि बेस तैयारी कीसि मत्तेके सम्मेलन ता टाईम कम कियमूडांता। साधारण रूप ते उंदी दर्जन तुकू ज्यादा लेवेके बीस तल तीस, चालीस-पचास लोकरु (इद संख्या परिस्थिति अनुसार कम-ज्यादा कियमूडांता) लगभग उंदी हप्ता ता सम्मेलन कीयाना। नीति ता प्रचार-प्रसार कियाला काजे कीयाना मीटिंग लोप्पा तुलनात्मक रूप ते ज्यादा लोकरु हिस्सा एता परिंतोर मति ओरु वेने ज्यादा लम्बा बहस कीयानायो। सिर्फ पार्टी ता उच्च ओसो मध्यम स्तर ता कार्यकर्ता लोर किन पार्टी ता समुद्वृद्धीकरण काजे केयसी मत्ता सम्मेलन कुना लोप्पा तुलनात्मक रूप ते ज्यादा लोकरु हिस्सा एता परमूडांता, इवे सम्मेलन कुन तुलनात्मक रूप ते ज्यादा टाईम एवनल ताकी कियमूडांता।

2. सितम्बर ता पहली हप्ता एवनल लेवेके दूसरा हप्ता एवनल भूमि सुधार कार्य लोप्पा सीधा शामिल आयना कार्यकर्ता लोर नाटे एव्वना अनि काम शुरू कियना। लेवेके भूमि सुधार पार्टी-सुद्वृद्धीकरण ओसो राजनीतिक सत्ता ता संगठन कुना निर्माण कार्य पूरा कियाला ओसो वसंत कालम ता जुलाई ता तैयारी

कियाला काजे वायना इरंगम कालम ता इस्तेमाल किया परमूडायो आयारा।

### 3

कार्यकर्ता लोरा सम्मेलन लोप्पा ओसो संगेने ओरा काम ताकनास्के कार्यकर्ता लोर किन निपुणता ते ठोस परिस्थिति ता विश्लेषण बद्रम कीयाना ओसो अलग-अलग ऐतिहासिक परिस्थितिंग वाले अलग-अलग इलाकांग ना ठोस परिस्थिति तल वेंडसी उंदी तय जागा ओसो टाईम ते काम ओसो काम कीयाना तरीकांग ना निर्णय बद्रम कीयाना इंजी करहाना। शहर ओसो ग्रामीण इलाकांग नडमा, पाडना ओसो अर्धपाडना मुक्त इलाकांग, दुश्मन कब्जा ते मत्ता इलाका ना हंदी ते मत्ता इलाकांग ओसो पूना मुक्त इलाकांग नडमा विभाजन रेखा पिडंगना लेवेके गलतिंग आयनुंगा।

### 4

बव इलाकांग लोप्पा सामंती व्यवस्था किन पूर्ण रूप ते खत्म कित्ताद मंता। अगा सब्बे गरीब किसान ओसो खेत-मजदूर लोर मुख्य रूप ते जमीन किन औसत मात्र ते दोरकी कित्ताद मंता। बेगा इंजे वेने ओरा जमीन ओसो मध्यम किसान लोरा जमीन नडमा फर्क मंता (इदिना अनुमति मंता) मति इद फर्क वेल्ले हिल्ले, अगा जमीन ता समस्या हल आत्ता इंजी समझेमायना। इद्रम ता जागा ते भूमि सुधार ता सवाल तेहनायो। इव इलाकांग लोप्पा मना मुख्य कार्य: उत्पादन ता पुनरुद्धार ओसो विकास कीयाना, पार्टी किन सुदृढ बने कीयाना ओसो राजनीतिक सत्ता ता संगठन कुना निर्माण कीयाना कार्य पूरा कीयाना, मोर्चा ता समर्थन कीयाना। इव इलाकांग ना बदे नाटे उचुन जमीन ता बंटवारा कीयाना लेवेके अदिन पुनरुद्धार कीयाना इंजे वेने मंता, बोराई वर्ग तय कीयाना लोप्पा इंजे ओसो विचार कीयाना जरूरत मत्तगा, उचुन भूमि-पट्टा जारी कीयाना इंजे पिस्ता

जागा ते बदे डावुट हिल्वा इव काम असल परिस्थिति अनुसार पूरा कीयाना।

## 5

सब्बे मुक्त इलाकांग लोप्पा इत्तेके अविना भूमि सुधार कार्य पूरा आतेकाई, आयवेकाई माटू इद हिरंगम काल ते गोहकु वीतना ओसो जमीन ता उंदी हिस्सा तुन पूहना इंजी किसान लोरा निर्देशन कीयाना। हिरंगम कालम ते ओरु खतु जमा कीयाना इंजी किसान लोरा आह्वान कीयाना। इव सब्बे 1949 ते मुक्त इलाकांग ना कृषि-उत्पादन ओसो फसल काजे वेल्ले महत्वपूर्ण मत्ता, इविन जन-कार्य संगे तालमेल कीसि कीयाना प्रशासनिक कारवाइंग संगे पूरा कीयाना।

## 6

बचोनो जागा ने मत्ता अनुशासनहीनता ओसो अराजकता रुझान कुना पोरो दृढता ते काबू कीयाना जरूरी मंता। अधिकार लेवा, केंद्रीय कमेटी ओसो उच्च पार्टी कमेटींग मानेमाता नीतिंग ओसो कार्यनीतिंग लोप्पा संशोधन कियानोर ओसो एकीकृत संकल्प ओसो अनुशासन विरुद्ध मत्तेकाई सही समझेमासी वेल्ले नुकसानदायक नीतिंग ओसो कार्यनीतिंग किन लागू कियानोर वेने मंतोर। काम लोप्पा रम्मेमासी मंदाना नाटक कीसि बदे कारवाई कीयाना मुन्ने सलाह एतवा मंजी पेरके रिपोर्ट पेश कियवा मंदाना गलत रुझान लागू कीयाना, तम्मा प्रशासन लोप्पटा इलाका किन उंदी स्वतंत्र राज्य समझेमायना लोकुर वेने मंतोर। वीर सब्बे क्रांति ता हित कुना काजे वेल्ले नुकसानदायक मंतोर। सब्बे स्तर ता पार्टी कमेटींग इद्रमतविना पोरो बार-बार विचार-विमर्श कीयाना ओसो इद्रम ता अनुशासनहीनता, अराजकता पोरो काबू कीयाना पूरा कोशिश कीयाना। अस्केने इद्रम ता केंद्रित किया परता ओसो केंद्रित कीयाना सब्बे सत्ताधिकार केंद्रीय कमेटी ओसो अदिना एजेन्सिंग<sup>1</sup> कैदे केंद्रित आयना।



केंद्रीय कमेटी, अदिना प्रोदेशिक ब्यूरो (प्रादेशिक उपब्यूरो), क्षेत्रीय (प्रांतीय) पार्टी कमेटिंग ओसो प्रिफेक्चर काउन्टिंग, जिला पार्टी कमेटिंग नल पार्टी शाखांग ना स्तर एवनल कमेटिंग उंदी दूसरा संगे गटिंग संपर्क बने कीयाना, अस्केने आंदोलन ता रुझान कुन बेस अमल कियमूडांता ओसो समचार, अनुभव कुन लगातार आदाम-प्रदान कियमूडांता, गलतिंग किन तुरंत सुधरे कियमूडांता, सफलतांग ना विकास कियमूडांता। इव लक्ष्य कुन पूरा कियाला काजे रेडियो, चिट्ठी, टेलीफोन, डाक ओसो संदेशवाहक लेक्कटा कम्युनिकेशन-साधन कुना पूरा-पूरा इस्तेमाल कीयाना, सुडला-सुडल मीटिंग (चार-पांच लोकुरा), संयुक्त स्थानीय सम्मेलन (उचुन काउन्टिंग ना) ओसो व्यक्तिगत वार्ता लेक्कटा विचार-विमर्श तरीकांग ना ओसो सुडला निरीक्षक-ग्रुप (तीन तल पांच लोकुरा) लेवेके बदे सम्मानित कमेटी सदस्य कीयाना निरीक्षण दौरा ता पूरा-पूरा इस्तेमाल कीयाना, ओसो समाचार-एजेन्सिंग अनि समाचारपत्र कुना इस्तेमाल कीयाना। दोड़ ता संगठनकु पोरोटा संगठन कुन सारांश रिपोर्ट पेश कीयाना ओसो पोरोटा संगठनकु दोड़ ता संगठन कुन आम निर्देश हियाला बचोनो महिनांग लेवेके आधा साल लेवेके इदिनकु वेने ज्यादा टाईम एवनल रोमी कीसि तासनायो। बारांकु इत्तेके इद्रम ता रिपोर्ट ओसो इद्रम ता निर्देश पाड़ना आंता अनि अविन आंशिक ओसो पूर्ण इस्तेमाल आयो आंता। गलतिंग आंतांग अनि अविन सही टाईम ते सुधरे किया परमूडायो आंता अद्रमासी अवु गंभीर रूप धारण कींतांग। पार्टी किन सामयिक, सजीव ओसो ठोस रिपोर्ट ओसो निर्देश ता फौरी जरूरत मंता।

नेतृत्व कीयानास्के केंद्रीय कमेटी ता प्रादेशिक ब्यूरो ओसो उपब्यूरो, इलाका, प्रांत, प्रिफेक्चर ओसो म्युनिसिपलटी पार्टी कमेटिंग शहरी ओसो

ग्रामीण कार्य पोरो पूरा ध्यान हियाना। औद्योगिक उत्पादन ओसो कृषि-उत्पादन रेंडासी रकम ता कार्य पोरो पूरा ध्यान हियाना। इत्तेके अवु भूमि सुधार ओसो कृषि उत्पादन ता नेतृत्व कीसोर मत्तांकु शहर ता काम ओसो औद्योगिक उत्पादन ता नेतृत्व तुकू नजरअंदाज कीयानायो। इद कोशिश लोप्पा बदे ढिलाई वायला हियानायो। इंजे मनगा वेल्ले बेहरा, मध्यम, सुडला शहर कु मंतांग मति मना उद्योग-धंधा, खदान ओसो कम्युनिकेशन-लाइन ना व्यापक जाली फैलेमातांकु बदे वेने संबंधित नेतृत्वकारी संगठन इदिना लोप्पा लापरवाही कीतेके ओसो ढिलाई ते काम कीतेके माटू गलतिंग कियाकोम।

## नोट

1. इगा केंद्रीय कमेटी ता एजेन्सिंग इत्तेके प्रादेशिक ब्यूरो ओसो उप ब्यूरो ना बारे ते वेहताद मंता।

# ल्याओशी-शनयांग अभियान<sup>1</sup> काजे फौजी कार्रवाई संबंध ते नीति\*<sup>1</sup>

सितम्बर ओसो अक्तुबर 1948

"इव रेंडासी चिटिंग कामरेड माओ त्सेतुंग लिन प्याओ, लो रंग-ह्वान ओसो बाकी कामरेड्स ना पोरोल ते चीनी कम्युनिस्ट पार्टी ता केंद्रीय कमेटी ता क्रांतिकारी फौजी कमीशन काजे रासिस मत्तोर। कामरेड माओ त्सेतुंग पेश कीसि मत्ता ल्याओशी-शनयांग अभियान काजे फौजी कार्रवाई ना नीतिंग किन पेरेके पूरा लागू कियमूडाता। इद अभियान ता रिजल्ट ते -

1. 4 लाख 70,000 दुश्मन-सैनिक लोर किन खत्म कीयाना ओसो अद टाईम ते दूसरा युद्धभूमि लोप्या जीत दोरकी कीयाना कारण ते जन मुक्ति सेना (पीएलए) संख्या ता दृष्टि ते वेने क्वोमिंगतांग सेना तुकू ज्यादा बेहरा आत्ता।
2. उत्तर-पूर्वी चीन ता पूरा प्रदेश मुक्त कियमूडाता अनि पेफिंग प्येनचिन ओसो पूरा उत्तरी चीन ता मुक्ति काजे अनुकूल परिस्थिति पुट्टता।
3. मना सेना बेहरा स्तर ते विनाश ता लडाईं ताकी कीयाना अनुभव दोरकी कित्ता।
4. उत्तर-पूर्वी चीन तुन मुक्त कीतांकु मुक्ति युद्ध काजे रणनीतिक दृष्टि ते सुरक्षित ओसो बेसत औद्योगिक आधार वाले उंदी पृष्ठभागीय इलाका पोरो कब्जा कियमूडाता। पार्टी जनता काजे कदम-कदम ते आर्थिक पुनर्स्थापना कार्य कियाला अनुकूल परिस्थितिंग पुटतांग।

ल्याओशी-शनयांग अभियान चीनी जन मुक्ति युद्ध ताकनास्के निर्णायक महत्व तासना मूंड वेल्ले बेहरा अभियान कुना लोप्या पहली अभियान मत्ता। बाकी रेंडु अभियानकु: ह्वाए-हाए अभियान ओसो पेफिंग थ्येनचिन अभियान। इव मूंड बेहरा अभियानकुना लोप्या (नालुंग महीनांग ताकता) दुश्मन ता नियमित सेना ता 144 ब्रिगेड ओसो अनियमित सेना ता 29 ब्रिगेड, कुल मिले कीसि 15 लाख 40,000 तुकू ज्यादा सैनिक लोर किन खत्म कित्ताद मत्ता। इद कालम ते जन मुक्ति सेना (पीएलए) दूसरा मोर्चा पोरो वेने आक्रमण कित्ता, ताना लोप्या दुश्मन ता बेहरा संख्या किन खत्म कित्ताद मत्ता। उद्ध शुरु आत्ता रेंडु साल लोप्या जन मुक्ति सेना (पीएलए) हर महीना औसतन लगभग दुश्मन ता 8 ब्रिगेड कुन खत्म कित्ता। अस्के जन मुक्ति सेना (पीएलए) कैदे दुश्मन सेना किन नष्ट कीयाना संख्या हर महीना औसतन 8 ब्रिगेड आयवा 38 ब्रिगेड आत्ता। इव मूंड अभियान कुना लोप्या क्वोमिंगता प्रतिक्रांतिकारी गृहयुद्ध ताकी कीसोर

## 7 सितम्बर ता चिट्ठी

जुलाई 1946 तल पांच साल लोप्पा<sup>2</sup> क्वोमिंगतांग किन बुनियादी रूप ते तेहकसी वाटला काजे तैयार आसी मंतोम। इद्रम कीयाना संभव मंता। माटू हर साल क्वोमिंगतांग ता नियमित सेना ता लगभग सौ-सौ ब्रिगेड, इत्तेके पांच साल लोप्पा पांच सौ ब्रिगेड, नष्ट कीतेके मना लक्ष्य पूरा आया परिंता। हत्ता रेंडु साल लोप्पा मना सेना दुश्मन ता नियमित सेना ता कुल 191 ब्रिगेड किन खत्म कित्ता, औसतन 95.5 ब्रिगेड साल लोप्पा लेवेके 8 तुकू उचुन कम बेहरा हमलांग आंतांग। वायना मूंड साल लोप्पा मना सेना दुश्मन ता नियमित सेना ता 300 तुकू ज्यादा ब्रिगेड कुन खत्म कीयाना जरूरत मंता। इद जुलाई तल वायना साल ता जून एवनल माटू दुश्मन ता नियमित सेना ता 115 ब्रिगेड नष्ट कियाकोम इंजी आशा किया मंतोम। इद संख्या ता बंटवारा अलग-अलग युद्ध सेना ओसो फौजी फार्मेशन कुना नडमा कित्ताद मंता<sup>3</sup> पूर्वी चीन युद्ध सेना लगभग 40 ब्रिगेड (तीना लोप्पा जुलाई ते खत्म कित्ता 7 ब्रिगेड वेने शामिल मंता) खत्म कींता इंजी आशा कीयाना। चीनान शहर ओसो उत्तरी च्यांगसू पूर्वी हनान ओसो उत्तरी आनह्वेइ ता बेहरा, मध्यम ओसो सुडला शहर कुना बेहरा संख्या पोरो कब्जा कीयाना। मध्यवर्ती मैदान युद्ध सेना लगभग 14 ब्रिगेड ता (तीना लोप्पा वेने जुलाई ते खत्म कित्ता रेंडु ब्रिगेड शामिल मंतांग) खत्म कीयाना इंजी आशा कीयाना। हपे, हनान ओसो आनह्वेइ प्रांत ता बचोनो शहर कुना पोरो कब्जा कीयाना इंजी आशा कीयाना। उत्तर-पश्चिमी युद्ध सेना लगभग 12 ब्रिगेड कुन (तीना लोप्पा अगस्त ते खत्म कित्ता 1.5 ब्रिगेड वेने शामिल मंता) खत्म कीयाना इंजी आशा कीयाना। श्वी श्यांग-छ्येन ओसो चओ शी-ली ना कमान ते मत्ता फौजी फार्मेशन उत्तरी ते मंता, अदु येन शी-शान ता लगभग 14 ब्रिगेड (तीना लोप्पा जुलाई ते खत्म कित्ता 8

---

मत्ता दुश्मन ता मेन-मेन सेनांग किन बुनियादी रूप ते खत्म कित्ताद मंता। संगेने अव अभियान कु देशमेंड मुक्ति युद्ध ता जीत वेल्ले तेज कित्ता। ह्वाए-हाए अभियान ओसो पेफिंग थ्येनचिन अभियाना ता बारे ते जानकारी काजे इदे ग्रन्थ लोप्पा “ह्वाए-हाए अभियान काजे फौजी कार्रवाई संबंधित नीतिंग” ओसो “पेफिंग-थ्येनचिन अभियान काजे फौजी कार्रवाई संबंधित नीतिंग” हेडिंग वाले लेख हूडट।

ब्रिगेड वेने शामिल मंता) खत्म कीयाना ओसो थाएय्वान पोरो कब्जा कीयाना इंजी आशा किंतोमा मीटू रुइ-छिंग ओसो यांग छंग-ऊ ना कमान ते मत्ता 2 फौजी फार्मेशन संगे तालमेल कीसि वेइ ली-ह्वंग ओसो फू च्यो-ई ना रेंडु सैन्य दल कुना लगभग 35 ब्रिगेड (तीना लोप्पा यांग छंग-ऊ जुलाई महीना ते खत्म कित्ता 1 ब्रिगेड वेने शामिल मंता) किन खत्म कीयाना अनि पेफिंग, थ्येनचिन ओसो शनयांग किन विड़चसी पेफिंग-ल्याओनिंग, पेफिंग-स्वेय्वान, पेफिंग-छंगते ओसो पेफिंग-पाओतिंग रेलवे पोरो वायना सब्बे शहर कुना पोरो कब्जा कीयाना इंजी आशा कींतोमा इद लक्ष्य तुन पूरा कियाला काजे निर्णायक कड़ी: अभियान लोप्पा सेना-विन्यास ओसो सेना-संचालन अनि लड़ाई ओसो आराम नड़मा समन्वय कीयानादु मंता। माटू सितम्बर ओसो अक्तूबर ते लेवेके उचुन लेट कीसि चिनचओ तल थांगशान एवनल लाईन लोप्पा दुश्मन किन खत्म किया परतेके चिनचओ, शानहाएक्वान ओसो थांगशान पोरो कब्जा किया परतेके मीटू दुश्मन ता 18 ब्रिगेड खत्म कीयाना लक्ष्य तुन पूरा परिंत्रि। इदिना काजे मीटू इंजे मीवा मुख्य सेना इदे लाईन ते वाटना तैयारी किया लागियर ओसो छांगछुन ओसो शनयांग मत्ता दुश्मन ता फौजी किन इंजे अगाने मंदा हिया लागियर। चिनचओ पोरो हमला कियास्के मीटू चिनचओ ता मदद कियालाकाजे छांगछुन ओसो शनयांग तल वायना दुश्मन फौज कुन खत्म कियाला तैयार मंदाना। चिनचओ, शानहाएक्वान ओसो थांगशान, गर्रे-गर्रे दुश्मन फौजकु उंदी दूसरा तल अलग आत्ता, अदिन काजे अविना पोरो हमला कीसि खत्म कीयाना हल्को आयार अनि चिनचओ पोरो कब्जा कीसि दुश्मन पोरो हमला कियाला सफलता हासिल कियमूड़ायर। मति छांग छुन ओसो शनयांग तल वायना दुश्मन सेनांग पोरो हमला कीयाना तैयारी ते मीटू मीवा मुख्य सेना शिनमिन ओसो ताना हेरे उत्तरी इलाकांग लोप्पा तासतेके दुश्मन बाहर पेसना हिम्मत कीवोर आयनुर। बारांकु इत्तेके इद्रम ता परिस्थिति ते दुश्मन तुकू वेल्ले खतरा मंदिता। उंदी बगिल छांगछुन ओसो शनयांग तल दुश्मन बाहरे पेसनायो, दूसरा बगिल चिनचओ, शानहाएक्वान ओसो थांगशान गर्रे-गर्रे

ता इलाकांग बगिल लोहना मीवा सेना वेल्ले कम मंदियर अदिन काजे अगाटा दुश्मन सेना (ताना लोप्पा 18 ब्रिगेड मंता) चिनचओ ओसो थांगशान बगिल मलतेके ताना पोरो हमला कीयाना मुशिकल आयर, मति मीकिन ताना पोरो हमला किया लागियर अनि मीवा टाईम ओसो मीवा ताकत अंगडम आयर अनि मीटू कमजोर आयकिरा। अद्रमासी मीटू छांगछुन ओसो शनयांग मत्ता दुश्मन किन विडसतेके मीवा पूरा ध्यान चिनचओ, शानहाएक्वान ओसो थांगशान ते मत्ता दुश्मन ता मुकाबला कीयाना बगिल ध्यान हीतेके बेस आयरा। ओसो उंदी पोल्लो: इयेंड सितम्बर तल दूसरा साल ता जून एवनल दस महिनांग लोप्पा मीकिन मूंड बेहरा अभियान ताकी कीयाना तैयारी वेने किया लागियर, हर अभियान पोरो रेंडु-रेंडु महिनांग वाटा लागियर, इद्रम कुल मिले कीसि लगभग 6 महिनांग लागनुंग अनि बाकी 4 महीनांग मीकिन आराम कियाला काजे तासा लागियर। चिनचओ-शानहोक्वान-थांगशान अभियान (पहली बेहरा अभियान) ताकनास्के छांगछुन ओसो शनयांग ते मत्ता दुश्मन चिनचओ किन बचे कियाला काजे तन्ना पूरा ताकत संगे बाहर वांता (मीवा मुख्य सेना ता वितरण शिनमिन ते आयवा चिनचओ हेरे आयर, अदिन काजे वेइ ली-ह्वांग मदद काजे वितसी वायनूर), अस्के चिनचओ-शानहाएक्वान-थांगशान लाइन तल गुचवा लेवा मीट तुरंत दुश्मन पोरो लगातार बेहरा स्तर ते खत्म कीयाना हमला कीयाना परिंतिर अनि वेइ ली-ह्वांग ना सब्बे फौज तुन खत्म कीयाना कोशिश किया परिंतिर। इद उंदी वेल्ले आदर्श परिस्थिति मंदिंता। अदिन काजे मीटू इव पोल्लोंग पोरो ध्यान हियाना:

1. चिनचओ, शानहाएक्वान ओसो थांगशान पोरो हमला ओसो कब्जा कीयाना ओसो पूरा लाइन पोरो कब्जा कीयाना संकल्प पोरो दृढ़ मंदाना।
2. मीटू बस्केने बेहरा-बेहरा लड़ाईंग लड़ेमासी मत्तेके बेहरा स्तर ता विनाश ता लड़ाई लड़ेमायना संकल्प पोरो दृढ़ मंदाना, इत्तेके वेइ

ली ह्वांग ना पूरा सेना मदद काजे वातेके ताना संगे लड़ेमायना साहस कीयाना।

3. इव रेंडासी संकल्प कुना अनुसार सामरिक कार्रवाई ता मना योजना पोरो पूना तरीका ते विचार कीयाना, मना पूरा सेना ता फौजी जरूरत कुन (राशन, गोला-बारूद, रंगरूट लेक्कटवु) पूरा कियाला काजे ओसो लड़ाई लोप्पा पोयता बंदी लोरा संगे मुकाबला कीयाना योजना पंडना।

पोरो वेहता पोल्लोंग पोरो विचार कीमुट ओसो चिट्टी संगे जवाब हीमुटा

## 10 अक्तुबर ता चिट्टी

1. चिनचओ पोरो मीवा हमला कित्ता दिव्या तले सामरिक परिस्थिति वेल्ले कठीन आयारा। मीटू हर दूसरा-तीसरा दिव्या माकिन रेडियो संगे दुश्मन परिस्थिति चिनचओ ता बचाव काजे तैनात दुश्मन सेना ता प्रतिरोध-ताकत, हूलुताओ, चिनशी संगे ओसो शनयांग तल वायना दुश्मन ता प्रगति ओसो छांगछुन लोप्पा दुश्मन सेना ता वर्तमान आया परना लेक्कटा फौजी कार्रवाईंग) ओसो मना परिस्थिति (शहर पोरो मावा हमला, शहर पोरो हमला कीयाना ओसो दुश्मन किन रोमी कीयाना कार्रवाईंग ताकनास्के घायल आत्ता सैनिक लोरा संख्या) ता बारे ते सूचना हीसोर मंदाकिर।
2. मीटू वेहता लेक्का, इंजे सामरिक परिस्थिति मना वेल्ले अनुकूल आयना संभव मंता इत्तेके चिनचओ ता बचाव काजे तैनात मत्ता दुश्मन-सेनांग नाए आयवा हूलुताओ ओसो चिनशी तल वायना दुश्मन ता उंदी हिस्सा ओसो छांगछुन तल वित्तना दुश्मन सेनांग किन वेने खत्म किया परमूडांता। मीवा चिनचओ पोरो कब्जा कित्ता पेरके शनयांग तल वात्ता दुश्मन तालिंग डोड्डा ता उत्तर वाले इलाका बगिल हत्ता अनि घेरे कियालाकाजे मीवा सेना किन अगाटल गुचला

तैयार आतेके मीटू इद दुश्मन सेना तुन खत्म किया परिंत्रित। इद लक्ष्य तुन पूरा कीयाना कुंजी चिनचओ पोरो उंदी हसा लोप्पा कब्जा कीयाना कोशिश कीयाना।

3. चिनचओ पोरो हमला ता प्रगति ओसो चिनचओ बगिल पूर्व, पश्चिम रेंडासी बगिल दायना दुश्मन सेना ता प्रगति अनुसार दुश्मन कि रोमी कियाला काजे मीवा सेना-विन्यास ता बारे ते फैसला कीयाना। शनयांग तल वायना सेना तीरम-तीरम वासोर मत्तेके (चिनचओ पोरो मीवा हमला आयानास्के छांगछुन लोप्पा घेराव ते अरता दुश्मन सेना घेराव तल बाहर पेसियर मति मना 12 वी कालम ओसो बाकी सेनांग अविन पोयसी खत्म कियानुंग। अद्रमासी शनयांग तल वायना दुश्मन सेना वेल्ले तेजी ते वाया मंता अस्के अव इलाकांग लोप्पा लोहना सेना ता उंदी हिस्सा किन खत्म कियाला सबसे मुन्ने ओरा एडवांस आयना किन रोमी कियाला मीवा चौथी ओसो 11वी कालम कुना मदद काजे मीवा आम रिजर्व सेना किन वाटला तैयार मंदाना। हूलूताओ ओसो चिनशी तल वायना दुश्मन सेना किन मना चौथी ओसो 11वी कालम ओसो बाकी सेनांग लेसी कीसि तासतेके ओसो रोमी कीसि तासतेके अदु तीरम-तीरम मुन्ने वासोर मत्तेके लेवेके रोमसी मत्तेके, छांगछुन लोप्पा घेराव ते अरता दुश्मन सेना घेराव तल पेसा परवेके, शनयांग तल वायना दुश्मन सेना वेल्ले स्पीड ते वासोर मत्तास्के, चिनचओ लोप्पा ज्यादातर दुश्मन सेना खत्म कीसि मत्तेके ओसो पूरा शहर मना कब्जा ते वात्तास्के मीटू मीवा शनयांग तल वायना दुश्मन सेना किन तालिंग डोड्डा ता उत्तर वाले इलाका लोप्पा वेल्ले लोप्पा एवनल नेंगला हियाना। अनि मौका हूडसी मना सेना ओरा बगिल लोहची घेराव कीयाना अनि सुविधा अनुसार ओरकिन खत्म कीयाना।

4. मीटू मीवा ध्यान चिनचओ ता सामरिक कार्रवाइंग पोरो केंद्रित कीयाना ओसो बचोन जल्दी आतेके अचोन जल्दी शहर पोरो कब्जा कीयाना कोशिश कीयाना। दूसरा बदे वेने लक्ष्य पूरा आयवेके ओसो



सिर्फ चिनचओ पोरो मना कब्जा आतेके वेने पहलकदमी मीवा कैदे वायार अस्के मना जागा ते उंदी महान जीत आयार। इगा वेहता पोल्लोंग पोरो बेस ध्यान हियाकिर इंजी आशा कींतोमा खासकर चिनचओ पोरो कब्जा कीयाना लड़ाई ता शुरूआत ते पूर्व, पश्चिम रेंडासी बगिल तल वायना दुश्मन बदे बेहरा कदम तेहा परवो, ओसो मीकिन चिनचओ ता मोर्चा ता फौजी कार्रवाइंग पोरोने मीवा पूरा ताकत केंद्रित कीयाना।

## नोट

1. ल्याओशी-शनयांग अभियान उत्तर-पूर्वी जन मुक्ति सेना (पीएलए) 12 सितम्बर तल 2 नवम्बर 1948 नड़मा ल्याओनिंग प्रांत ता पश्चिमी हिस्सा ते ओसो शनयांग-छांगछुन इलाका लोप्पा ताकी कित्ता बेहरा अभियान मत्ता। इद अभियान तुकू मुन्ने उत्तर-पूर्वी चीन लोप्पा क्वोमिंगतांग ता कुल सेना 4 सेनांग ना मत्ता ताना लोप्पा कुल 14 फौजी कोर लेवेके 44 डिवीजन मत्तांग। इव सेनांग मीवा मोर्चा कम कीसि छांगछुन, शनयांग ओसो चिनचओ ता मूंड इलाकंग लोप्पा उंदी-दूसरा तल अलग-थलग आसी मत्ता सेना जमा आत्ता। उत्तर-पूर्व ता दुश्मन सेना तुन पूराए खत्म कीयाना ओसो पूना उत्तर-पूर्व ते जल्दी-जल्दी मुक्त कीयाना उद्देश्य ते अद इलाका ता जन मुक्ति सेना (पीएलए) स्थानीय व्यापक जनता ना सहयोग ते मना मुख्य सेना (12 कालम ओसो 1 तोपखाना-कालम शामिल मत्ता) ओसो इलाका ता सशस्त्र सेना किन काल्पसी कुल 53 ब्रिगेड इत्तेके 7,00,000 तुकू ज्यादा सैनिक बल पोरो सितम्बर 1948 ते ल्याओशी-शनयांग अभियान शुरू कित्ता। पेफिंग-ल्याओनिंग रेलवे पोरो मत्ता चिनचओ शहर उत्तर-पूर्वी ओसो उत्तरी चीन नड़मा रणनीतिक महत्व ता कड़ी मत्ता। चिनचओ इलाका ता रक्षा काजे तैनात मत्ता दुश्मन ता 1,00,000 तुकू ज्यादा सैनिक लोरा 8 ब्रिगेड मत्ता, अविना कमान क्वोमिंगतांग ता उत्तर-पूर्वी “डाकू-दमन” हेडक्वार्टर ता डिप्टी कमांडर इन-चीफ फान हान-च्ये ना कैदे मत्ता। कामरेड माओ त्सेतुंग ना आदेश कुन अमल कीसोर उत्तर-पूर्वी जन मुक्ति सेना (पीएलए) छांगछुन तुन घेराव कीसि तासना काम पोरो 1 कालम ओसो 7 स्वतंत्र ब्रिगेड वाटताद मत्ता, चिनचओ किन घेरेकीसि ताना पोरो हमला कीयाना काम पोरो 6 कालम, 1 तोपखाना-कालम ओसो 1 टैंक बटालियन किन वटताद मत्ता: चिनचओ किन मदद कियाला चिनशी, हूलूताओ ओसो शनयांग तल वाया परना दुश्मन सेना किन रोमी कीयाना काम पोरो चिनचओ ता दक्षिण-पश्चिम ते

थाशान-पाओछ्याओ इलाका लोप्पा 2 कालम ओसो हेशान-ताहूशान-वांगऊ इलाका लोप्पा 3 कालम तैनात किताद मत्ता। चिनचओ इलाका ते लड़ाई 12 सितम्बर ते शुरू आत्ता। ईश्येन पोरो कब्जा किता परेके मना सेना चिनचओ ता शहर-सीमा पोरो तैनात दुश्मन ता सेना तुन खत्म कीसोर मत्ता। च्यांग काई-शेक फौजी कार्रवाईंग ना संचालन सीधा तन्ना कैदे पोयला काजे कंदेरेमासी उत्तर-पूर्व बगिल हत्तोर अनि पेफिंग-ल्याओनिंग रेलवे पोरो मत्ता तम्मा उत्तर चीन “डाकू-दमन” हेडक्वार्टर तल 5 ब्रिगेड ओसो शानतुंग प्रांत तल 2 ब्रिगेड किन चिनसी ता 4 ब्रिगेड संगे कलियाला काजे तुरंत लोहताद मत्ता: इव 11 ब्रिगेड 10 अक्तूबर ते थाशान ता मना जागा पोरो बेहरा आक्रमण शुरू कितोर, मति ओरकिन सफलता दोरको आत्ता। अगा ल्याओ पाओ-श्यांग ता कमान ते 11 ब्रिगेड ओसो 3 घुड़सवार ब्रिगेड वाले पूना क्वोमिंगतांग सेना चिनचओ किन बचे कियाला काजे तुरंत शनयांग तल पेसिस मत्ता, अदिन मना सेना हेशान ओसो ताहूशान ता उत्तर-पूर्व तेने रोमी किता। चिनचओ पोरो मना सेना 14 अक्तूबर ते हमला शुरू किता अनि 31 घंटा ता घमासान लड़ाई परेके बचाव काजे तैनात दुश्मन सेना तुन पूरा खत्म कीता: दुश्मन ता उत्तर-पूर्वी “डाकू-दमन” हेडक्वार्टर ता डिप्टी कमांडर इन-चीफ फान हान-श्ये, छठी सेना ता कमांडर ल्यू चुन छयेन ओसो ओरा कमान ते 1,00,000 तुकू ज्यादा सेना किन मना सेना बंदी बने किता। चिनचओ ता मुक्ति आत्ता परेके छांगछुन ता दुश्मन सेना ता उंदी हिस्सा क्वोमिंगतांगता खिलाफ विद्रोह किता अनि बाकी मना मुन्ने आत्मसमर्पण किता। उत्तर-पूर्व ते क्वोमिंगतांग सेनांग पूराए खत्म आयनादु पक्का आत्ता। मति चिनचओ पोरो दुबारा कब्जा कीयाना ओसो उत्तर-पूर्वी चीन ओसो उत्तरी चीन नड़मा दुबारा कम्युनिकेशन-व्यवस्था बने कीयाना सपना हूडसोर च्यांग काई-शेक ल्याओ याओ-श्यांग ना दोड़ मत्ता सेना किन सख्त आदेश हीसी चिनचओ बगिल एडवांस आयना जारी तासला वेहतोर। चिनचओ पोरो कब्जा किता परेके उत्तर ते हेशान तल ओसो दक्षिण ते ताहूशान तल ल्याओ ना सेना किन घेरे कियाला काजे उत्तर-पूर्वी जन मुक्ति सेना (पीएलए) तुरंत उत्तर पूर्व ते मलता। 26 अक्तूबर किन जन मुक्ति सेना (पीएलए) हेशान-ताहूशान-शिनमिन इलाका लोप्पा दुश्मन किन घेरे कियाला काम सफल आत्ता अनि रेंडु दिव्या उंदी नरका ता घमासान लड़ाई परेके दुश्मन सेना तुम पूरा खत्म किता अनि सेना कमांडर ल्याओ याओ-श्यांग ओसो फौजी कोर कमांडर ली थाओ, श्यांग फंग-ऊ ओसो चंग थिंग-ची ओसो ओना कमान ते मत्ता 1,00,000 तूकू ज्यादा सैनिक लोर किन बंदी किताद मत्ता। इद जीत परेके मना सेना तम्मा कार्रवाई किन जारी तासता अनि 2 नवम्बर ते शनयांग ओसो इखओ किन मुक्त किता ताना संगे ने 1,49,000 तुकू ज्यादा दुश्मन सैनिक वेने खत्म किता। इद्रमे पूरा उत्तर-पूर्व ते मुक्त किता। इद

अभियान लोप्पा कुल 4 लाख 70,000 तुकू ज्यादा दुश्मन सैनिक लोर किन खत्म किता।

2. इदे ग्रन्थ लोप्पा “परिस्थिति ता बारे ते उंदी सर्कुलर” हेडिंग वाले लेख ता नोट 6 हूडाटू।
3. चीनी कम्युनिस्ट पार्टी ता केद्रीय कमेटी ता राजनीतिक ब्यूरो ता सितम्बर मीटिंग ता फैसला अनुसार केंद्रीय कमेटी ता क्रांतिकारी फौजी कमीशन 1 नवम्बर 1948 ते अलग-अलग बेहरा रणनीतिक इलाकांग ना सब्बे सेनांग ना युद्ध सेना, क्षेत्रीय सेना ओसो छापामार सेना लेक्का वर्गीकरण किताद मत्ता। युद्ध सेना किन युद्ध सेना लेक्का संगठित किताद मत्ता। उंदी युद्ध सेना बचोनो फौजी फार्मेशन, उंदी फौजी फार्मेशन लोप्पा बचोनो फौजी कोर (मुन्ने टा कालमकु), उंदी फौजी कोर लोप्पा बचोनो ब्रिगेड ओसो उंदी ब्रिगेड लोप्पा बचोनो रेजीमेंट तासताद मत्ता। अलग-अलग इलाका अनुसार युद्ध सेना पोरोल तासमूडाता: चीनी जन मुक्त सेना ता उत्तर-पश्चिमी युद्ध सेना, मध्यवर्ती मैदान युद्ध सेना, पूर्वी चीन युद्ध सेना, उत्तर-पूर्वी युद्ध सेना ओसो उत्तरी चीन युद्ध सेना। हर युद्ध सेना ता फौजी फार्मेशन फौजी कोर ओसो ब्रिगेड ता संख्या हर बेहरा राजनीतिक इलाका ता ठोस परिस्थिति ना अनुसार अलग-अलग मत्ता। पेरके उत्तर-पश्चिमी युद्ध सेना ता पूना पोरोल पहली युद्ध सेना इंजी तासताद मत्ता। ताना लोप्पा रेंडू फौजी फार्मेशन मत्ता, मध्यवर्ती मैदान युद्ध सेना ता पूना दूसरा युद्ध सेना तासताद मत्ता। ताना लोप्पा मूंड फौजी फार्मेशन मत्ता, पूर्वी चीन युद्ध सेना ता पूना पोरोल तीसरी युद्ध सेना इंजी तासताद मत्ता तीना लोप्पा नालुंग फौजी फार्मेशन मत्ता, उत्तरी-पूर्वी युद्ध सेना ता पूना पोरो चौथी युद्ध सेना मत्ता, तीना लोप्पा नालुंग फौजी फार्मेशन मत्ता। उत्तरी चीन युद्ध सेना लोप्पा शामिल मूंड फौजी फार्मेशन किन चीनी जन मुक्ति सेना (पीएलए) ता जनरल हेडक्वार्टर ता सीधा कमान ते तास्तद मत्ता।

# पार्टी-कमेटी व्यवस्था किन सुदृढ़ बने कीयाना बारे ते\*<sup>1</sup>

20 सितम्बर 1948

पार्टी कमेटी व्यवस्था पार्टी ता उंदी महत्वपूर्ण व्यवस्था मंता तीना संगे सामूहिक नेतृत्व ता गारंटी मंदिता अनि कामकाज पोरु बोरे वरोर मानेय ना कब्जा आया परवो आंता। इंजे उचुन नेतृत्वकारी संगठन लोप्पा (बदे डावुट हिल्वा सब्बे तोर आयो) बोरे वरोर मानेय कामकाज पोरु तन्ना कब्जा तासिंतोर अनि महत्वपूर्ण समस्यांग किन वरोरे फैसला कींतोर इंदानदु समझेमाता। महत्वपूर्ण समस्यांग ना फैसला पार्टी-कमेटी ता मीटिंग लोप्पा आयवा बोरे वरोर मानेय कींतोर अनि पार्टी कमेटी ना सदस्यता सिर्फ पोरुल तुके मंदिता। कमेटी ता सदस्य लोरा नडमा ता मतभेद कुन दूर किया परमूडायो अनि ओर किन वेल्ले जोम हल कियवा लेवाए विडसिंतोर। पार्टी कमेटी ता सदस्य लोरा नडमा सिर्फ बाहरी एकता मंदिता। असली एकता आयो। इद परिस्थिति तुक बदले कीयाना जरूरत मंता। इंजे सब्बे नेतृत्वकारी संगठन लोप्पा पार्टी कमेटी ता मीटिंग ता उंदी सुदृढ़ व्यवस्था बने कीयाना। इदु केंद्रीय कमेटी ता प्रादेशिक ब्यूरो तल प्रिपेक्चर ता पार्टी कमेटिंग एवनल सब्बे लोप्पा मंतांग, मोर्चा ता पार्टी कमेटींग नल पोयसी ब्रिगेड कुना पार्टी कमेटिंग ओसो फौजी इलाकांग (क्रांतिकारी फौजी कमीशन ता उप-कमीशन ओसो नेतृत्वकारी ग्रुप) एवनल सब्बे लोप्पा मंता, सरकारी संगठन, जन संगठन ओसो समाचार-एजेन्सिंग,

---

<sup>1</sup> इद फैसला कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे रासिस मत्तोर।

समाचार-पत्र ना कार्यलय कुना नेतृत्वकारी पार्टी-सदस्य लोरा ग्रुप लोप्पा मंतांग। सब्बे महत्वपूर्ण समस्यांग किन (डावुट हिल्ला महत्वहीन सुडल-बेहरा समस्यांग किन लेवेके वाद-विवाद संगे हल तेंडना समस्यांग आयवा सिर्फ लागू कियाला पिस्ता समस्यांग) कमेटींग मुन्ने वाद-विवाद काजे पेश कीयाना अनि मत्ता कमेटी सदस्य लोर अविना पोरो तम्मा राय हियाना अनि फैसला कीयाना, ताना पेरके सदस्य लोर लागू कीयाना। प्रिफेक्चर ओसो ब्रिगेड तल दोड़ स्तर ता पार्टी कमेटींग किन वेने इदे तरीका लागू कीयाना। उच्चतर नेतृत्वकारी संगठन लोप्पा वेन अलग-अलग विभानग (उदाहरण तुकू प्रचार विभाग ओसो संगठन विभाग), कमीशन (उदाहरण तुकू मजदूर-कमीशन, महिला-कमीशन ओसो नौजवान-कमीशन), स्कूल (उदाहरण तुकू पार्टी-स्कूल) ओसो कार्यालय (उदाहरण तुकू अनुसंधान कार्यालय) ता नेतृत्वकारी कार्यकर्ता लोरा वेने सामूहिक मीटिंग केयना। बदे डावुट हिल्ला माटू इव मीटिंग ज्यादा लम्बा ओसो बार-बार कीयानायो अनि अविना लोप्पा सुडला-बेहरा समस्यांग पोरो बहस कियाला टाईम पोहवा लेवा ओसो काम लोप्पा बाधा वायवा लेक्का ध्यान हियाना। जटिल मत्ता ओसो मतभेद मत्ता महत्वपूर्ण समस्यांग ना बारे ते मीटिंग तुकू मुन्ने ने सदस्य लोरा संगे व्यक्तिगत सलाह-मशविरा कीसि अविना बारे ते विचार-विमर्श कीयाना। इद्रम कीतेके मीटिंग लोप्पा निर्णय आयवा मत्ता लेवेके निर्णय आत्ता निर्णय कु पोरोल ते मन्नोंग आयनुंग। पार्टी कमेटी ता मीटिंग किन रेंडु श्रेणि ने तूसना, स्थाई समिति ता मीटिंग ओसो पूर्ण अधिवेशन, इव रेंडासी किन उंदी दूसरा संगे काल्पनायो। इदे आयवा माटू सामूहिक नेतृत्व किन नजरअंदाज कीसि व्यक्तिगत जिम्मेदारी पोरो जरूरत तुकू ज्यादा जोर हियानायो ओसो व्यक्तिगत जिम्मेदारी तुन नजरअंदाज कीसि सामूहिक नेतृत्व पोरो जरूरत तुकू ज्यादा जोर हियाना इंजी ध्यान हियाना। सेना लोप्पा कमान संभाले कीयाना अफसर लोर किन लड़ाई ताकसोर मत्तास्के ओसो परिस्थिति अनुसार एमरजेन्सी फैसला कीयाना अधिकार मंदिता।

# सितम्बर मीटिंग ता बारे ते चीनी कम्युनिस्ट पार्टी, केंद्रीय कमेटी ता सरकुलर<sup>\*1</sup>

10 अक्तूबर 1948

1. सितम्बर 1948 ते केंद्रीय कमेटी राजनीतिक ब्यूरो ता उंदी मीटिंग कित्ता ताना लोप्पा राजनीतिक ब्यूरो ता 7 सदस्य, केंद्रीय कमेटी ता 14 सदस्य, वैकल्पिक सदस्य ओसो 10 महत्वपूर्ण कार्यकर्ता शामिल आतोर। ताना लोप्पा उत्तरी चीन, पूर्वी चीन, मध्यवर्ती मैदान, उत्तर-पश्चिमी चीन ता पार्टी, सेना ता प्रमुख नेतृत्वकारी कामरेड्स मत्तोर। जापान आत्मसमर्पण कित्ता पेरके केंद्रीय कमेटी बचोन मीटिंग केयता अव सब्बेटविनकु इद मीटिंग लोप्पा सबसे ज्यादा संख्या मत्ता। मीटिंग लोप्पा पाड़ना कामकाज ता जांच-पड़ताल कित्ता अनि वायना कालम काजे कार्य तय कित्ता।

2. अप्रैल 1945 ते पार्टी ता सातवीं राष्ट्रीय कांग्रेस पेरकेटल केंद्रीय कमेटी ओसो पूरा पार्टी ता नेतृत्वकारी कार्यकर्ता लोरा एकता दिसता, इद एकता जापानी आक्रमण विरोधी युद्ध ताकनास्के मत्ता एकता तुकू बचोनो ज्यादा मत्ता। इद एकता मना पार्टी किन जापानी आत्मसमर्पण पेरके पूरा मूंड साल लोप्पा देश लोप्पा ओसो देश तुकू बाहर आत्ता बचोने महत्वपूर्ण

---

<sup>1</sup>इद पार्टी सरकुलर कामरेड माओ त्सेतुंग चीनी कम्युनिस्ट पार्टी ता केंद्रीय कमेटी काजे रासतोर। सितम्बर 1948 ता मीटिंग हपे प्रांत ता फिंगशान काउंटी ता शीपोफो नाटे कित्ताद मत्ता। जापान आत्मसमर्पण कित्ता पेरके केंद्रीय कमेटी बचोन मीटिंग कित्ता अव सब्बेटविनकु ज्यादा संख्या वात्तोर। इदिनकु मुन्ने इचोन बेहरा मीटिंग क्रिया परताद हिल्वा मत्ता बारांकु इत्तेके कमेटी ता ज्यादातर सदस्य अलग-अलग इलाकांग लोप्पा जोरदार मुक्ति युद्ध ता नेतृत्व कीसोर मत्तोर अनि हिक्के-हक्के दायना-वायना तिप्पल वासोर मत्ता।

घटनांग ना मुकाबल कीयाना लेक्का बने कित्ता, इव घटनांग आतांग अस्के मना पार्टी चीन क्रांति किन मुन्ने ओता, चीनी जनता ना विशाल समुदाय नडमा अमेरिका साम्राज्यवाद ता राजनीतिक प्रभाव किन चकनाचूर कित्ता। क्वोमिंगतांग कित्ता विश्वासघात<sup>1</sup> खिलाफ जोरदार संघर्ष कित्ता अनि ओरा फौजी हमलांग किन पेरके अरहता। जन मुक्ति सेना (पीएलए) किन तन्ना रक्षात्मक कार्रवाई किन आक्रमणात्मक कार्रवाई ते बदले कीयाना लेक्का बने कित्ता।

जुलाई 1946 तल जून 1948 एवनल हत्ता रेंडु साल कुना लड़ाई लोप्पा, जन मुक्ति सेना (पीएलए) दुश्मन ता 26 लाख 40,000 सैनिक लोरकिन खत्म कित्ता। तीना लोप्पा बंदी बने कित्ता 16 लाख 30,000 सैनिक लोर वेने शामिल मंतोरा। इव रेंडु साल लोप्पा जब्त कित्ता युद्ध-सामग्री मुख्य रूप ते इगा रास्ता लेक्का मंता: लगभग 9 लाख राइफलकु, 64,000 तुकू ज्यादा हैवी लेवेके लाईट मशीनगकु, 8000 तुकू ज्यादा हल्को तोप, 5000 तुकू ज्यादा पैदल सेना ता तोपकु ओसो 1100 तुकू ज्यादा माउन्टेन, फील्ड गना। इव रेंडु साल लोप्पा जन मुक्ति सेना (पीएलए) ता संख्या 12 लाख तल 28 लाख आत्ता। मना नियमित सेना 118 ब्रिगेड तल 176 ब्रिगेड आत्ता। इत्तेके नियमित सेना ता संख्या 6 लाख 10,000 तल 14 लाख 90,000 आत्ता। मुक्त इलाका इंजे 23 लाख 50,000 वर्ग-किलोमीटर लोप्पा फैले माता, इदु चीन ता कुल 95 लाख 97,000 वर्ग किलोमीटर क्षेत्रफल ता 24.5 प्रतिशत मंता। अगाटा जनसंख्या 16 करोड़ 80 लाख मंता, इदु चीन ता कुल 47 करोड़ 50 लाख जनसंख्या ता 35.3 प्रतिशत मता: अगा काउन्टी-केंद्र तल पोरो एवनल कुलमिले कीसि 586 बेहरा, मध्यम, सुडला शहरकु मंतांग, इव चीन ता कुल 2,009 शहर कुना 29 प्रतिशत मंता।

मना पार्टी भूमि व्यवस्था ता सुधार कीयाना काम लोप्पा किसान लोरा दृढ़तापूर्वक नेतृत्व कित्ता अदिन काजे लगभग 10 करोड़ आबादी वाले इलाका लोप्पा भूमि ता सवाल सही तरीका ते हल आत्ता। जर्मीदार वर्ग ओसो पाड़ना रकम ता धनी किसान लोरा जमीन ता ग्रामीण जनता ना

नड़मा, सबसे मुन्ने गरीब किसान, खेत मजदूर नड़मा ठोस रूप ते समान वितरण कित्ताद मंता।

मना पार्टी ता सदस्य संख्या, मई 1945 ते 12 लाख 10,000 मत्ता, इंजे 30 लाख आत्ता। (1927 ते क्वोमिंगतांग क्रांति तुकू गदारी कीयाना मुन्ने इद संख्या 50,000 मत्ता, अद साल ते क्वोमिंगतांग गदारी कित्ता पेरेके संख्या घटेमासी लगभग 10,000 पिस्ता, 1934 ते भूमि-क्रांति सफलतापूर्वक विकसित आतांकु इद संख्या 3 लाख आत्ता, 1937 ते दक्षिण ते क्रांति ता हार आतांकु<sup>2</sup> इद संख्या कम आसी लगभग 40 हजार पिस्ता, 1945 ते जापानी आक्रमण विरोधी युद्ध सफल विकास आत्तास्के इद सदस्य संख्या 12 लाख 10,000, आत्ता, इंजे च्यांग काई-शेक विरोधी युद्ध ओसो भूमि क्रांति सफल विकास आतांकु इद संख्या 30 लाख आत्ता।) उंदी बगिल, पार्टी हत्ता साल उचुक गलत रुझान कुन दूर कित्ता अनि दूर कीसोर दाया मंता, अवु:- वर्ग-संरचना लोप्पा अस्पष्टता (जर्मीदार ओसो धनी किसान तत्व), विचारधारा लोप्पा अस्पष्टता (जर्मीदार, धनी किसान लोरा विचारधारा) ओसो कार्यशैली लोप्पा स्पष्टता (नौकरशाही, आदेशशाही)। दूसरा बगिल पार्टी हत्ता साल भूमि-समस्या किन हल कीयाना संघर्ष लोप्पा किसान समुदाय किन बेहरा स्तर ते गोलबंद कीयानास्के वात्ता उचुक “वामपंथी” गलतिंग किन दूर कित्ता ओसो किया मंता: अवु:- मध्यम किसान लोरा उंदी हिस्सा वेल्ले संख्या वाले लोकुरा हित कुन देब्बा वाटना, उचुक निजी औद्योगिक, व्यापारिक कारोबार किन नुकसान कीयाना ओसो बेगा-बेगाने प्रतिक्रांतिकारी दमन कीयाना नीतिंग लागू कीयानास्के उचुन नियमकुना उल्लंघन कीयानावु मंतांग। हत्ता मूड साल, खासकर हत्ता साल ता महान, तीव्र क्रांतिकारी संघर्ष संगे, ओसो खुद तन्ना गलती किन सही तरीका ते सुधरे कीतांकु, पूरा पार्टी राजनीतिक मजबूती हासिल कीता।

क्वोमिंगतांग इलाका लोप्पा पार्टी काम किन वेल्ले सफलता दोरकता। इद सच्चाई तुन हूडतेके बेहरा शहर लोप्पा माटू व्यापक मजदूर, विद्यार्थि, अध्यापक, प्रोफेसर, सांस्कृतिक कार्यकर्ता, साधारण नागरिक,



राष्ट्रीय पूंजीपतिर किन ओसो संगेने सब्बे जनवादी पार्टिंग, जन-संगठन किन मना पार्टी ता पक्ष ते कीयाना ओसो इद्रम माटू क्वोमिंगतांग दमन ता प्रतिरोध कित्ताद मंता ओसो क्वोमिंगतांग किन पूराए अलगाव ते वाटताद मंता। दक्षिण ते बचोनो बेहरा इलाकांग लोप्पा (फूच्येन-क्वांगतुंग-च्यांगशी, हुनान-क्वांगतुंग-च्यांगशी, क्वांगतुंग-च्यांगशी, क्वांगतुंग-क्वांगशी ओसो क्वांगशी-युनान हंदी इलाका ते दक्षिणी युनान, आनह्वेइ-चच्यांग-च्यांगशी हंदी इलाका ओसो पूर्वी, दक्षिणी चच्यांग लोप्पा) छापामार युद्ध ता आधार इलाका बने कित्ताद मंता ओसो अगाटा छापामार लोरा संख्या 30,000 तुकू ज्यादा आत्ता।

हत्ता रेंडु साल लोप्पा खासकर हत्ता साल माटू जन मुक्ति सेना (पीएलए) लोप्पा उंदी सही नेतृत्व वाले जनवादी आंदोलन ताकी कित्तोम ताना लोप्पा सब्बे योद्धा लोर, कमांडर लोर हिस्सा एतितोर। इद आंदोलन लोप्पा माटू आत्मालोचना कित्तोम, सेना लोप्पा नौकरशाही मनोवृत्ति किन दूर कित्तोम ओसो सेना ता अलग-अलग स्तर ते पार्टी कमेटींग अनि कम्पनिकुना सिपाही-कमेटी व्यवस्था किन (1927 तल 1932 एवनल वेल्ले उपयोगी साबित आतांग) मति अविन पेरके खत्म कित्ताद मत्ता, ओसो लागू कित्ताद मत्ता। इव सब्बे पोल्लोंग कमांडर, योद्धा लोर किन राजनीतिक गिर्दा, चेतना किन वेल्ले ज्यादा बेरसी कित्ता। अविना युद्ध-क्षमता, अनुशासन किन वेल्ले मजबूत बने कित्ता। बंदी बने कित्ता लगभग 8 लाख क्वोमिंगतांग सैनिक लोर किन मना लोप्पा शामिल कीयाना ओरकिन तम्मा बंदूक मलिहची क्वोमिंगतांग खिलाफ लडेमायना मुक्ति योद्धा लोरा<sup>3</sup> लेक्का बने कियाला मना सहायता कित्ता। हत्ता रेंडु साल लोप्पा मुक्त इलाकांग लोप्पा माटू लगभग 16 लाख किसान लोर किन जन मुक्ति सेना (पीएलए) लोप्पा शामिल आयला गोलबंद कित्तोम।

मनगा रेलवे, खदान, उद्योग-धंधा वेल्ले संख्या ते मंता ओसो मना पार्टी बेहरा स्तर ते उद्योग-धंधा बद्रम ताकी कीयाना ओसो व्यापार बद्रम कीयाना इंजी करिया मंता। हत्ता रेंडु साल लोप्पा मना युद्ध-उद्योग वेल्ले बेरसता। मति इंजे वेने युद्ध ता जरूरत कुन पूरा किया परताद हिल्ले। मनगा

उचुक महत्वपूर्ण कच्चा माल, मशीन कुना कमी मंता अद्रमासी माटू इंजे वेने इस्पात तैयार किया परवोम।

4 करोड़ 40 लाख आबादी वाले उत्तरी चीन ता इलाकांग लोप्पा, माटू एकीकृत जन-सरकार स्थापित कित्ताद मंता, ताना लोप्पा मना पार्टी गैरपार्टी जनवादी लोकुरा संगे एकता कींता। मोर्चा ता सहायता कीयाना कार्य किन मुन्ने ओयला काजे माटू मूंड इलाकांग (उत्तरी चीन, पूर्वी चीन (इदिना आबादी 4 करोड़ 30 लाख मंता) ओसो उत्तर पश्चिम (इदिना आबादी 70 लाख मंता) लोप्पा अर्थव्यवस्था, वित्त, व्यापार, बैंकिंग, कम्युनिकेशन ओसो युद्ध-उद्योग ता नेतृत्व कीयाना काम ता एकीकरण कीयाना जिम्मेदारी इस सरकार किन सौपे कीयाना अनि माटू इंजे दूसरा रेंडु इलाकांग उत्तर-पूर्व, मध्यवर्ती मैदानी इलाकांग लोप्पा वेने इद्रम ता एकीकरण किन अमल कियाला तैयार आयना।

3. हत्ता रेंडु साल कुना लड़ाई लोप्पा दोरकी कित्ता सफलतांग ओसो दुश्मन ओसो मना नड़मा ता परिस्थिति ता वेहच ते, केंद्रीय कमेटी ता समझदारी इद्रम बने मात्ता इत्तेके – माटू 50 लाख माने ना जन मुक्ति सेना (पीएलए) बने कीयाना, लगभग पाँच साल लोप्पा (जुलाई 1946 तल) दुश्मन ता नियमित सेना ता कुलमिले कीसि लगभग 500 ब्रिगेड (उंदी साल लोप्पा 100 ब्रिगेड औसत) खत्म कीयाना, ओरा नियमित, अनियमित सेना ओसो विशेष सेना काल्पसी लगभग 75 लाख सैनिक (लगभग 15,00,000 सैनिक हर साल) खत्म कीयाना अनि क्वोमिंगतांग प्रतिक्रियावादी शासन किन मोदोल तिंचे तेहकसियाना।

क्वोमिंगतांग फौजी ताकत जुलाई 1946 ते 43 लाख सैनिक मत्तोर। हत्ता रेंडु साल लोप्पा ओरा 30 लाख 90,000 सैनिक खत्म कियमूडाता लेवेके ओरकिन विड़चसी वितितोर अनि 24 लाख 40,000 पूना सैनिक भर्ती कित्तोर। ओरा वर्तमान ताकत 36 लाख 50,000 सैनिक मंतोर। वायना मूंड साल लोप्पा क्वोमिंगतांग ओसो 30 लाख 00,000 पूना सैनिक भर्ती किया परंता ओसो लगभग 45 लाख सैनिक लोर किन खत्म कियमूडाता लेवेके ओरु सेना विड़चसी वित्तानूर इंजी अंदाजा

वाटमूडांता। इद्रम पाँच साल कुना लड़ाई ते क्वोमिंगतांग ता मेयता-पिस्त फौजी ताकत सिर्फ 20 लाख सैनिक पिसियरा मना सेना लोप्पा सब्बे 28 लाख सैनिक मंतोर। वायना मूंड साल लोप्पा मना सेना बंदी बने कित्ता 17 लाख सैनिक (कुल सैनिक लोरा लोप्पा 60 प्रतिशत) किन मना फौज लोप्पा शामिल कियाकोम अनि 20 लाख किसान लोर किन मना सेना लोप्पा भर्ती कियाला काजे गोलबंद कियाकोम। सेना किन उचुन नुकसान तेहा लागियरा। मना सेना पाँच साल कुना लड़ाई कारण ते 50 लाख सैनिक संख्या एवियरा। पाँच साल कुना लड़ाई ता इव सफलतांग दोरकतेके माटू क्वोमिंगतांग ता प्रतिक्रियावादी शासन किन पूराए तेहका परितोम इंजी समझेमाया परितोम।

इद कार्य किन पूरा कियाला काजे माट हर साल दुश्मन ता नियमित सेनांग ना लगभग 100 ब्रिगेड कुन खत्म कीयाना वेल्ले जरूरी मंता। पाँच साल कुना लोप्पा कुल लगभग 500 ब्रिगेड कुन खत्म कीयाना। सब्बे समस्यांग किन हल कीयाना इत्तेके इद्रमे किया लागियरा। माटू मुन्ने साल दुश्मन ता नियमित सेनांग किन खत्म कीतेके, खत्म कित्ता नियमित सेनांग 97 ब्रिगेड मंता ध्यान तासना। दूसरा साल दुश्मन ता नियमित सेनांग किन खत्म कित्ता सेनांग 94 ब्रिगेड मत्तेके माटू मना लक्ष्य तुन पूरा किया परितोम। क्वोमिंगतांग ता कुल 36 लाख 50,000 सैनिक वर्तमान सेना लोप्पटल 70 प्रतिशत मोर्चा ते तैनात मंता (यांगत्सी बैरेड ओसो पाषाण मेंट्रांग ना उत्तर बगिल, लानचओ, होलान मेट्रांग ना पूर्व ओसो छंगते-छांगछुन लाइन ता दक्षिण ते)। सिर्फ 30 प्रतिशत सैनिक पृष्ठभाग ते मंता (ताना लोप्पा यांगत्सी बैरेड, पाषाण मेट्रांग ना दक्षिण बगिल, ओसो लानचओ, होलान मेट्रांग ना पश्चिम बगिल मत्ता सेना शामिल मंता)। क्वोमिंगतांग ता सब्बे नियमित सेनांग लोप्पाटल 285 ब्रिगेड लेवेके 19 लाख 80,000 सैनिक शामिल मंतोर। 249 ब्रिगेड लेवेके 17 लाख 42,000 सैनिक मोर्चा ते मंता (99 ब्रिगेड लेवेके 6 लाख 94,000 सैनिक उत्तरी मोर्चा ते ओसो 150 ब्रिगेड लेवेके 10 लाख 48,000 सैनिक दक्षिणी मोर्चा ते)। सिर्फ 36 ब्रिगेड लेवेके 2 लाख 38,000 सैनिक लोरे

पृष्ठभाग लोप्पा मंतोरा वीरा लोप्पाटल ज्यादातर वेल्ले कम युद्ध-क्षमता वाले पूना युनिटकु मंतांग। अदिन काजे केंद्रीय कमेटी तीसरा साल ते पूरा जन मुक्ति सेना (पीएलए) यांगत्सी बेरेड ता उत्तर ते ओसो उत्तरी चीन ओसो उत्तर-पूर्व ते युद्ध कीसोर मंदियर इंजी फैसला कींता। दुश्मन किन खत्म कीयाना काम किन पूरा कियाला काजे उंदी योजना अनुसार मुक्त इलाकांग ना जनता किन सेना लोप्पा भर्ती कियाला काजे गोलबंद कीयाना संगेने बंदी सैनिक लोरा बेहरा संख्या किन वेने बेस इस्तेमाल कीयाना।

4. मना पार्टी ओसो मना सेना वेल्ले जोम दुश्मन अलग-अलग हिस्सा ने तूसिस मत्ता, छापामार युद्ध ताकी कीसोर मत्ता, ग्रामीण इलाकांग लोप्पा फैलेमासी मत्ता परिस्थिति ते मत्तोम अदिन काजे माटू अलग-अलग इलाकांग लोप्पा पार्टी, सेना ता नेतृत्वकारी संगठन किन वेल्ले छूट हीताद मत्ता। इद परिस्थिति ते पार्टी संगठन, सशस्त्र सेनांग किन तम्मा पहलकदमी, सक्रियता किन विकसित किया परना लेक्का ओसो वेल्ले मुश्किल परिस्थितिंग लोप्पाटल सफलतापूर्क पेसा परना लेक्का बने कित्ता। मति तीना संगेने इद परिस्थिति मावा लोप्पा अनुशासनहीनता, अराजकता, स्थानीयतावाद, छापामारवाद लेक्का रुझान कुन वेने पुट्टी कित्ता। इव क्रांतिकारी कार्य काजे नुकसानदायक मत्तांग। नेटा परिस्थिति अनुसार मना पार्टी अनुशासनहीनता, अराजकता, स्थानीयतावाद, छापामारवाद ता रुझान कुन दूर कियाला कोशिश कीयाना वेल्ले जरूरत मंता। केंद्रीय कमेटी, अदिना एजेन्सिंग ना कैदे मत्ता सत्ता केंद्रित कीयाना। इद्रम कीतेके छापामार युद्ध किन नियमित युद्ध लेक्क बदले कियमूडांता। हत्ता रेंडु साल लोप्पा सेना ओसो सामरिक कार्रवाइंग ना स्वरूप मुन्ने तुकू ज्यादा नियमित आतांग, मति इदु हालनाचोन हिल्ले तीसरा साल लोप्पा ओसो उंदी बेहरा कदम तेहा लागिथर। इद उद्देश्य किन पूरा कियाला काजे माटू यातायात ता आधुनिक साधन-रेल, सड़क, एर जहाज कुना रिपेयर कीसि इस्तेमाल कीयाना कोशिश कीयाना। शहर ओसो उद्योग कुना प्रशासन किन मजबूत कीयाना अनि पार्टी काम ता गुरुत्व-केंद्र किन ग्रामीण इलाकांग लोप्पाटल शहर बगिल ओयना।

5. देशव्यापी स्तर ते राजनीतिक सत्ता ऊंदना काम काजे मना पार्टी किन वेल्ले जल्दी ओसो योजनाबद्ध तरीका ते बेहरा संख्या ते कार्यकर्ता लोर किन प्रशिक्षित कीयाना। अस्केने ओरु फौजी राजनीतिक, आर्थिक पार्टी-संबंधित, सांस्कृतिक, शैक्षणिक विषय कुन संचालन किया परितोर। युद्ध ता तीसरा साल माटू दोड़, मध्यम, बेहरा स्तर ते काम कीयाना तीस तल चालीस हजार कार्यकर्ता तैयार कीयाना। इद्रम कीसि चौथा साल, सेना मुन्ने वातेके ओरा संगे कूच किया परंतोम, लगभग पाँच तल दस करोड़ आबादी वाले पूना मुक्त इलाकांग लोप्पा सही प्रशासन स्थापना कीयाना। चीन ता भूभाग वेल्ले बेहरा मंता। अदिना आबादी वेल्ले मंता अनि क्रांतिकारी युद्ध वेल्ले तेजी ते विकसित आया मंता: मति कार्यकर्ता लोरा सप्लाई हालनाचोन हिल्ला मंदानदु वेल्ले बेहरा समस्या मंता। तीसरा साल कार्यकर्ता लोर किन तैयार कीयाना लोप्पा इंदी बेहरा हिस्सा ता सप्लाई काजे माटू पाड़ना मुक्त इलाकांग पोरो निर्भर मंदाना, अगा क्वोमिंगतांग ता कब्जा ते मंदाना बेहरा शहर कुना कार्यकर्ता लोर किन भरती कीयाना काम पोरो वेने ध्यान हियाना। क्वोमिंगतांग इलाकांग लोप्पा मत्ता बेहरा शहर कुना लोप्पा इद्रम ता वेल्ले मजदूर ओसो बुद्धिजीवि लोकुर मंतोर वीरु मना काम ते हिस्सा एता परितोर ओसो अस्के ओरा सांस्कृतिक स्तर पाड़ना मुक्त इलाकांग ना मजदूर ओसो किसान लोरा सांस्कृतिक स्तर तुकू पोरो मंता। माटू क्वोमिंगतांग ता आर्थिक, वित्तीय, सांस्कृतिक, शैक्षणिक संस्थान लोप्पा काम कीयाना कर्मचारिरा (प्रतिक्रियावादी तत्व कुन विडचसी) बेहरा संख्या ता इस्तेमाल कीयाना। मुक्त इलाका लोप्पा स्कूल शिक्षा शुरू कीयाना अनि विकसित कीयाना।

6. राजनीतिक सलाहकार सम्मेलन केयना नारा<sup>1</sup> क्वोमिंगतांग इलाका ता सब्बे जनवादी पार्टींग, जन-संगठन ओसो निर्दलीय जनवादी लोकुर किन मना पार्टी गोलबंद कित्ता। माटू इव पार्टींग, संगठन कुना प्रतिनिधिरा मुक्त इलाकांग लोप्पा वायना लेक्का किया मंतोम। चीन लोक गणराज्य ता अस्थाई केंद्रीय सरकार स्थापना कीयाना इंजी 1949 ते चीन

ता सब्बे जनवादी पार्टिंग, जन-संगठनकु ओसो निर्दलीय जनवादी लोकुरा प्रतिनिधिरा उंदी सम्मेलन कीयाना तैयारी किया मंतोम।

7. मुक्त इलाका लोप्पा औद्योगिक उत्पादन, कृषि-उत्पादन किन पुनर्स्थापित, विकसित कीयाना युद्ध ता समर्थन कीयाना ओसो क्वोमिंगतांग प्रतिक्रियावादि किन हारे कियाला काजे उंदी महत्वपूर्ण कड़ी मंता। केंद्रीय कमेटी कित्ता मीटिंग अनुसार उंदी बगिल जन मुक्ति सेना (पीएलए) क्वोमिंगतांग इलाकांग लोप्पा सफलतापूर्वक हमला ना विस्तार कीयाना ओसो क्वोमिंगतांग पक्ष ओसो ओरा इलाकांग संगे युद्ध काजे जरूरी मानव शक्ति, भौतिक साधन कुना सप्लाई ना वेल्ले दोरकी कीयाना, दूसरा बगिल पाड़ना मुक्त इलाकांग लोप्पा औद्योगिक उत्पादन, कृषि-उत्पादन किन पुनर्स्थापित, विकसित कियाला कोशिश कीयाना। इव रेंडु काम कु पूरा कियाला काजे क्वोमिंगतांग ता प्रतिक्रियावादी शासन किन तहस-नहस कीयाना गारंटी किया परमूड़ांता, लेवेके इद्रम कीयाना संभव हिल्ले।

इव रेंडु काम किन पूरा कीयानास्के वेल्ले मुश्किल कुना सामना किया लागियर। मना विशाल सेनांग बिना पृष्ठभाग ता लेवेके बिना उपयुक्त पृष्ठभाग ता फौजी कार्रवाइंग कियाला काजे क्वोमिंगतांग इलाका लोप्पा नेंगतेके मना सब्बे लेवेके ज्यादातर फौजी सप्लाई तन्ना-तन्नाए बिल्कुल डेरा एवनाल किया लागियर। औद्योगिक उत्पादन पूना कृषि-उत्पादन किन पुनर्स्थापित, विकसित कियाला काजे बेस संगठनात्मक कार्य ता जरूरत मंदिता, मुक्त इलाकांग ना हाटुम किन बेस ताकी कीयाना अनि बाहरी इलाका नल व्यापार पोरो नियंत्रण कीयाना ओसो उचुन मशीनरी, कच्चा माल ता कमी किन दूर कीयाना समस्या किन ओसो सबसे मुन्ने कम्युनिकेशन, परिवहन समस्या ओसो रेल, सड़क, जलमार्ग कुन रिपेयर कीयाना समस्यांग किन हल कीयाना जरूरत मंदिता। इंजे मुक्त इलाकांग ना आर्थिक, वित्तीय परिस्थिति तल गंभीर मुश्किलकु मंतांग। अदिन काजे मना मुश्किलकु क्वोमिंगतांग ता मुश्किल कुनक वेल्ले कम मंतांग। मुख्य मुश्किलकु मनगा मत्ता भौतिक साधन, मानव-शक्ति युद्ध ता जरूरत

अनुसार कम मंतांग। महंगाई वेल्ले बेरसता। इव मुशिकल कुना उंदी कारण मना संगठनात्मक कार्य, खासकर वित्तीय, आर्थिक स्थिति कमजोर मंदाना। माटू इव मुशिकल कुन दूर कियमूडांता इंजी विश्वास कीतोमा मुशिकल कुन दूर कीयाना संघर्ष तल माकिन फिजुलखर्च ता विरोध कीयाना ओसो बचत कीयाना। मोर्चा ते माटू दुश्मन तल जब्त कित्ता हर चीज किन जमा कीयाना, मना प्रभावकारी ताकत किन बचे कीसि तासना, हथियार ता वेल्ले बेस तासना, गोला-बारूद ता बचत कीयाना ओसो बंदी बने कित्ता क्वोमिंगतांग सैनिक लोरा रक्षा कीयाना पोरो ध्यान हियाना। पृष्ठभाग लोप्पा माटू सरकारी खर्च किन कम कीयाना, फौरी जरूरत हिल्वेके मानव शक्ति ओसो बोजा कांजना जानवर कुन कम कीयाना, सभाग लोप्पा खर्च कीयाना टाईम बचे कीयाना, सही टाईम ते कृषि-कार्य पूरा कियाला काजे कृषि मौसम पोरो ध्यान हियाना, औद्योगिक उत्पादन ता लागत किन कम कीयाना, श्रम-उत्पादन किन बेरसी कीयाना, औद्योगिक उत्पादन, कृषि-उत्पादन कियाला ओसो व्यापार कार्य करियाला काजे पूरा पार्टी किन गोलबंग कीयाना, मुक्त इलाकांग ना अर्थव्यवस्था किन बेस संगठित कियाला काजे कोशिश कीयाना, हाटुम ता अव्यवस्था किन खत्म कीयाना अनि सब्बे सट्टेबाजी, चालबाजी ता खिलाफ संघर्ष जरूर ताकी कीयाना। माटू इव सब्बे कार्य कीतेके मना मुन्ने मत्ता मुशिकल कुना पोरो जरूर काबू किया परितोमा।

8. कार्यकर्ता लोरा सैद्धांतिक स्तर किन बेरसी कीयाना ओसो पार्टी लोप्पा जनवाद किन व्यापक बने कीयाना। रेंडासी पोल्लोंग पोरो वेहता कार्य किन पूरा कियाला काजे महत्वपूर्ण कडिंग आंदुंगा। केंद्रीय कमेटी कित्ता मीटिंग पार्टी लोप्पा जनवाद किन व्यापक बने कीयाना बारे ते उंदी महत्वपूर्ण निर्णय किन स्वीकार कित्ता। अदु कार्यकर्ता लोरा सैद्धांतिक स्तर किन बेरसी कीयाना समस्या पोरो वेने वाद-विवाद कित्ता अनि मीटिंग लोप्पा मत्ता सब्बे कामरेड्स ना ध्यान इद समस्या बगिल पिडंगता।

9. छठी राष्ट्रीय श्रमिक कांग्रेस सफलतापूर्वक कित्ताद मत्ता। अखिल चीन ट्रेड यूनियन फेडरेशन ता स्थापना आत्ता। वायना साल ता पहली 6

महीनांग लोप्पा अखिल चीन जनवादी महिला संघ, स्थापना कियाला काजे उंदी राष्ट्रीय महिला कांग्रेस कीयाना, अखिल चीन नौजवान संघ, निल्पी कियाला काजे उंदी राष्ट्रीय नौजवान कांग्रेस कीयाना ओसो नवजनवादी नौजवान संघ ता स्थापना कीयाना आयार।

## नोट

1. क्वोमिंगतांग 1927 ते पहली बेरा विश्वासघात कित्ता। इगा पूना विश्वासघात जापानी आक्रमण विरोधी युद्ध मारता पेरके क्वोमिंगतांग ता चौतरफा प्रतिक्रांतिकारी गृहयुद्ध बारे ते वेहताद मंता।
2. दक्षिण ते क्रांति ता हार इत्तेके 1934 ते क्वोमिंगतांग ता “घेराव कीयाना ओसो विनाश कीयाना” अभियान ता खिलाफ चीनी लाल सेना ता पांचवी अभियान ता हार ओसो दक्षिण ता क्रांतिकारी आधार इलाकांग लोप्पाटल लाल सेना ता मुख्य सेना किन गुचिह कीयाना। इद हार पार्टी लोपपा तीसरी “वामपंथी” कार्यदिशा ता कारण ते आत्ता। इदिना प्रतिनिधित्व वांग मिंग कित्तोर।
3. इगा जनमुक्ति सेना बंदी बने कित्ता पेरके प्रतिक्रियावागी क्वोमिंगतांग सेना तल छुटकारा दोरकता अनि शिक्षित आत्ता पेरके जन मुक्ति सेना (पीएलए) ता कैडर ते शामिल आत्ता क्वोमिंगतांग सैनिक लोरा बारे ते वेहताद मंता।
4. राजनीतिक सलाहकार सम्मेलन केयना नारा कामरेड माओ त्सेतुंग पेश कित्तोर। 1 मई 1948 ते चीनी कम्युनिस्ट पार्टी ता केंद्रीय कमेटी “मई दिसव ता नारा” जारी कीसि मत्ता अविना लोप्पा कामरेड माओ त्सेतुंग ना सुझाव ते इद नारा वेने शामिल कित्ताद मत्ता: “सब्बे जनवादी पार्टिंग, जन संगठन ओसो सम्मानित लोकुर उंदी जनप्रतिनिधि सभा केयना अनि जनवादी संयुक्त सरकार बने कीयाना कार्य बारे ते आल्सना अनि अदिन लागू कियाला काजे उंदी राजनीतिक सलाहकार सम्मेलन जल्दीए केयना।” इद नारा किन तुरंत क्वोमिंगतांग शासित इलाकांग ना जनवादी पार्टिंग, जन-संगठन ओसो निर्दलीय जनवादी लोकुरा हार्दिक समर्थन दोरकता। पेरके राजनीतिक सलाहकार सम्मेलन ता पोरोल बदले कीसि पूना राजनीतिक सलाहकार सम्मेलन तास्तोर अनि आखरी ते ताना पोरोल चीनी जन राजनीतिक सलाहकार सम्मेलन इंजी तास्तोर। इदे ग्रन्थ लोप्पा “पूना राजनीतिक सलाहकार सम्मेलन ता तैयारी कमेटी लोप्पा भाषण” हेडिंग वाले लेख ता नोट 1 हूडाटू।
5. इगा अलग-अलग स्तर ते पार्टी कांग्रेस, सम्मेलन कीयाना बारे ते चीनी कम्युनिस्ट पार्टी ता केंद्रीय कमेटी ता प्रस्ताव ता बारे ते वेहताद मंता। इद प्रस्ताव लोप्पा पार्टी



ता नियमित जनवादी पिस्वल ता निर्माण कीयाना, अदिन व्यापक रूप ते हियाला काजे दोड़ रास्ता व्यवस्था कीता: पार्टी संविधान अनुसार अलग-अलग स्तर ता पार्टी-कमेटींग तम्मा-तम्मा स्तर ते नियमित रूप ते पार्टी कांग्रेस, सम्मेलन कीयाना। इव कांग्रेसकु, सम्मेलनकुन पार्टी संविधान लोप्पा वेहता सब्बे अधिकार हियाना। इव अधिकार कुना उल्लंघन कीयानायो। मीटिंग केयना मुन्ने परताचोन तैयारी कीयाना। पार्टी लोप्पाटा विवाद कुना बारे ते तुरंत पूरा सच्चा संगे उच्चतर स्तर ता रिपोर्ट हियाना अनि महत्वपूर्ण विवाद कुना बारे ते केंद्रित कमेटी किन रिपोर्ट कीयाना। इदे आयवा प्रस्ताव लोप्पा पार्टी कमेटी व्यवस्था किन सुदृढ़ बने कीयाना कार्य वेने तय कित्ताद मंता ओसो हर स्तर ता पार्टी कमेटी इद नियम तुन लागू कीयाना, महत्वपूर्ण पोल्लोंग पोरो सामूहिक रूप ते विवाद कीयाना अनि फैसला कीयाना, इद्रम ता पोल्लोंग काजे व्यक्तिगत फैसला कीयाना अधिकार हिल्ले, बदे महत्वपूर्ण पोल्लो पोरो व्यक्तिगत फैसला कीयानायो इंजी मांग कित्ताद मत्ता। इदिना लोप्पाने सामूहिक नेतृत्व किन नजरअंदाज कीसि व्यक्तिगत जिम्मेदारी पोरो जरूरत तुकू ज्यादा जोर हियानायो ओसो व्यक्तिगत जिम्मेदारी तुन नजरअंदाज कीसि सामूहिक नेतृत्व पोरो वेने जरूरत तुकू ज्यादा जोर हियानायो इंजी मांग कित्ताद मंता।

6. छठी राष्ट्रीय श्रमिक कांग्रेस 1948 अगस्त ते हारचिन लोप्पा कित्ताद मत्ता। इद कांग्रेस लोप्पा चीनी मजदूर वर्ग एकीकृत राष्ट्रीय संगठन अखिल चीन ट्रेड यूनियन फेडरेशन किन दुबारा स्थापना कित्ताद मत्ता। अद्रमासी मुन्नेटा पाँच राष्ट्रीय श्रमिक कांग्रेस क्रमशः 1925, 1925, 1926, 1927 ओसो 1920 ते आत्ता।
7. पहली राष्ट्रीय महिला कांग्रेस मार्च 1934 ते पेफिंग ते आत्ता। इद कांग्रेस लोप्पा देशमेटा बेहरा संख्या ते महिला समुदाय संगठन किना नेतृत्वकारी संस्था अखिल चीन जनवादी महिला संघ ता स्थापना कियमूडाता। पेरके इदिना पोरोल बदले कीसि अखिल चीन महिला संघ तासतद मत्ता।
8. राष्ट्रीय नौजवान कांग्रेस ता पहला अधिवेशन मई 1949 ते पेफिंग लोप्पा कित्ताद मत्ता। इद अधिवेशन ते अखिल चीन जनवादी नौजवान संघ ता स्थापना कित्ताद मत्ता। पेरके इदिन पोरोल बदले कीसि अखिल चीन नौजवान संघ कीतद मत्ता।
9. चीनी कम्युनिस्ट पार्टी ता केंद्रीय कमेटी कित्ता उंदी फैसला अनुसार जनवरी 1949 ते पेफिंग ते इदिना पहली राष्ट्रीय कांग्रेस कियमूडाता। मई 1957 ते अदिना तीसरी राष्ट्रीय कांग्रेस ते पोरोल बदले कीसि कम्युनिस्ट नौजवान संघ तासमूडाता।

# ह्वाए-हाए अभियान काजे फौजी कार्रवाई संबंधित नीतिंग<sup>1</sup>

11 अक्तुबर 1948

ह्वाए-हाए अभियान<sup>2</sup> काजे कीयाना सेना-विन्यास ता बारे ते ध्यान हियाना लेक्का उचुक पोल्लॉंग इगा हिया मंतोम:

1. इद अभियान ता पहली मंजिल ता मुख्य कार्य मना सेना किन केंद्रित कीसि ह्वांग पो-थाओ ता सेना तुन खत्म कीयाना, दुश्मन ते मोर्चा किन नड़मा तल देहना अनि शिनआनचन, बेहरा नहर रेलवे-स्टेशन, छाओपाची, ईश्येन, चाओच्वांग, निलछंग, हानेच्यांग, शुयांग, फेइश्येन, थानछंग, थाएअडच्वांग, लिनई लेक्काटा जागा पोरो कब्जा कीयाना मंदिता। इविन पूरा कियाला काजे मीटू दुश्मन ता हर ब्रिगेड तुन खत्म कियाला रेंडु-रेंडु कालम कुना इस्तेमाल कायना, इत्तेके दुश्मन ता 25वी, 63वी ओसो 64वी ब्रिगेड किन अलग-अलग

---

<sup>1</sup> "पूर्वी चीन युद्ध सेना ओसो मध्यवर्ती मैदान ता युद्ध सेना, इव रेंडासी इलाकांग लोप्पा मत्ता चीन कम्युनिस्ट पार्टी ता केंद्रीय कमेटी ता रेंडु प्रादेशिक ब्यूरोंग पोरोल ते लोहता चिट्टी कामरेड माओ त्सेतुंग पार्टी ना केंद्रीय कमेटी ता क्रांतिकारी फौजी कमीशन काजे रास्ताद मत्ता। ह्वाए-हाए अभियान चीनी जन मुक्ति सेना (पीएलए) ता मूंड सबसे बेहरा निर्णायक अभियान कुना लोप्पाटल उंदी मत्ता। इद अभियान किन पूर्वी चीन युद्ध सेना ओसो मध्यवर्ती मैदान ता युद्ध सेना, पूर्वी चीन, मध्यवर्ती मैदान किन प्रादेशिक फौजकु संयुक्त रूप ते ताकी कित्तांग। इद अभियान लोप्पा क्वोमिंगतांग ता 5,55,000 तुकू ज्यादा सैनिक लोर किन खत्म कित्तोर। इद अभियान संबंधित कामरेड माओ त्सेतुंग इद चिट्टी लोप्पा पेश कित्ता नीतिंग माकिन पूर्ण सफलता दोरकीह कित्तांग। असल इत्तेके इद अभियान आल्सतादिनकु बचोनो ज्यादा बेस मुन्ने हत्ता अदिन काजे जीत वेने आल्सतादिनकु बचोनो ज्यादा तेजी ते दोरकता। इद अभियान पेरके प्रतिक्रियावादी क्वोमिंगतांग सरकार ता राजधानी नानकिंग किन जन मुक्ति सेना (पीएलए) ता सीधा खतरा आत्ता। ह्वाए-हाए अभियान 10 जनवरी 1949 ते मारता अनि 21 जनवरी ते च्यांग कार्ड-शोक "सेवा-निवृत्त" आयाना घोषण कित्तोर। ताना पेरके नानकिंग ता प्रतिक्रियावादी क्वोमिंगतांग शासक गुट छिन्न-भिन्न आयाना शुरू आत्ता।

कीसि अदिन खत्म कियाला 6-7 कालम कुना इस्तेमाल कीयाना। दुश्मनन किन रोमी कियाला ओसो ताना पोरो हमला कियाला काजे 5-6 कालम कुने काम कीयाना। उंदी लेवेके रेंडु कालम कुन इस्तेमाल कीसि लिनछंग ओसो हानच्चांग लोप्पटल ली मी लोप्पा वायना ब्रिगेड तुन खत्म कीयाना अनि श्रीचओ किन उत्तर बगिल तल खतरा ते वाटला काजे इव रेंडासी ना पोरो कब्जा कीयाना पूरा कोशिश कीयाना। इद्रम कीतेके छ्यू छिंग-छवेन ओसो ली मी ते मत्ता सेनांग पूरा दल-बल संगे पूर्व बगिल दायना हिम्मत कीवोंग आयनुंग। छ्यू छिंग-छवेन ता सेना ता उंदी हिस्सा किन लेसी कीसि तासला काजे दक्षिण-पश्चिम शानतुंग ते उंदी कालम ओसो प्रादेशिक फौजी फारमेशन किन इस्तेमाल कीसि रेलवे ता श्रीचओ-शांगछ्यू सेक्शन पोरो उंदी बगिल तल हमला कीयाना (सुन ख्वान-ल्यांग ना दोड़ दुश्मन ता मूंड ब्रिगेड इंजे पूर्व बगिल वाया मंतांग इदिन काजे ल्यू पो-छंग, छन ई ओसो तंग श्याओ-फिंग चंगचओ-श्रीचओ रेलवे-लाइन पोरो हमला कियाला काजे तुरंत सेना विन्यास कीयाना अनि सुन ख्वान-ल्यांग ता सेना किन लेसी कीसि तासा परितोम इंजी आशा कीतोम)। ली मी ता सेना किन लेसी कीसि तासला काजे मीटू सुछयेन-स्वेनिंग-लिंगपी इलाका लोप्पा फौजी कार्रवाई कियाला काजे उंदी लेवेके रेंडु कालम कुना इस्तेमाल कीयाना। इगा वेहता सेना विन्यास इत्तेके माटू मना पूरा सेना लोप्पाटा आधा तुकू ज्यादा हिस्सा किन छ्यू छिंग-छवेन ओसो ली मी ना दोड़ रेंडासी सेनांग संगे लेसी कीसि तासना, अविन रोमी कीसि हमला कायना ओसो अविना उंदी हिस्सा किन खत्म कीयाना काम ते वाटना। अस्के माटू ह्वांग पो-थाओ ता सेना ता मूंड डिवीजन कुन खत्म कीयाना लक्ष्य तुन पूरा कियाकोम। इद सैन्य विन्यास साधारण रूप ते हत्ता सितम्बर ते माटू चीनान पारो कब्जा कियाला ओसो दुश्मन पोरो हमला कियाला काजे कित्ता सैन्य विन्यास लेक्का कीयाना,<sup>3</sup> लेवेके ह्वांग पो-थाओ सेना ता मूंड ब्रिगेड किन खत्म कीयाना लक्ष्य पूरा कीयाना असंभव

आयरा। अभियान शुरू कीयाना रेंडु-मूंड हमांग लोप्पा ने मीटू पहली मंजिल पूरा कीयाना कोशिश कीयाना।

2. दूसरा मंजिल ते लगभग पाँच कालम कुना इस्तेमाल कीसि हाएचओ, शिनफू, ल्येनयुनकांग ओसो क्वानयुन लोप्पा दुश्मन पोरो हमला कीसि खत्म कीयाना अनि रेंडु लेवेके इगा वेहता शहर कुना पोरो कब्जा कीयाना। अस्के एवनल दुश्मन ता 54वी ओसो 32वी ब्रिगेड परताचोन छिंगचाओ तल गुचसी समुद्र-मार्ग तल हाए चओ-शिनफू-ल्येनयुनकांग इलाका ते एवना संभावना मंता।<sup>3</sup> इद इलाका ते मुन्ने टल मत्ता उंदी ब्रिगेड संगे दुश्मन ता कुल मूंड ब्रिगेडकु मंदितांगः अदिन काजे अविन पोरो हमला कियाला काजे माटू पाँच कालम कु वाटा लागियक अनि बाकी सेना (मना मुख्य सेना) छ्यू छिंग-छवेन ओसो ली मी ता रेंडासी सेनांग किन रोमी कियाला वाटा लागियर माटू हत्ता सितम्बर ते चीनान पोरो कब्जा कीयाना ओसो दुश्मन पोरो हमला कियाला काजे लागू कित्ता सैन्य विन्यास सिद्धांत तुन लागू किया लागियर। इद दूसरा मंजिल किन वेने रेंडु-मूंड हमांग लोप्पाने खत्म कीयाना कोशिश कीयाना।
3. तीसरी मंजिल ते लड़ाई ह्वाएइन ओसो ह्वाएआन इलाकांग लोप्पा आयारा। अस्केने एवनल दुश्मन तन्ना सेना लोप्पा लगभग उंदी ब्रिगेड ता पंडसी मंदानूर (येनथाए लोप्पा मत्ता पुनर्गठित आठवी ब्रिगेड किन समुद्री जहाज संगे दक्षिण ते एवसी किया मंतोर), अदिन काजे माटू हमला कीयाना सेना लेक्का माटू लगभग पाँच कालम कुन इस्तेमाल कियाला ओसो मना मुख्य सेना ता पिस्ता हिस्सा तुन दुश्मन पोरो हमला कीयाना ओसो अदिन रोमी कीसि तासल तैयार मंदाना इंजी सुरता तासना। इद मंजिल तुन वेने लगभग रेंडु-मूंड हमांग लोप्पाने मारी कीयाना।

इव मंजिकु पूरा आयला लगभग डेढ़-दो महीनांग लागनुंगः

4. ह्वाए-हाए अभियान मीकिन नवम्बर-दिसम्बर ता रेंडु महीनांग लोप्पा पूरा किया लागियर। वायना जनवरी ते मीटू मीवा सेना किन आराम

कियाला हियाना अनि अविन सुदृढ बने कीयाना। मार्च तल जुलाई एवनल मीटू ल्यू पो-छंग ओसो तंग श्याओ-फिंग संगे तालमेल कीसि दुश्मन किन यांगत्सी बेरेड ओदा मोर्चाबंदी वाटसी मत्ता जागा निके पूंडला काजे लड़ेमासोर मंदाकिर। हिरंगम कालम एवनल मीवा मुख्य सेना यांगत्सी बेरेड वेंडला काजे लड़ेमासोर मंदियर।

## नोट

1. ह्वाए-हाए अभियान उंदी निर्णायक अभियान मत्ता, इदिन जन मुक्ति सेना (पीएलए) उंदी बेहरा प्रदेश तल ताकी किता। इदिना केंद्र श्चीओ मत्ता। इदिना विस्तार पूर्व ते हाएओ तल पश्चिम ते शांगछ्यू एवनल, उत्तर ते लिनछंग (इंजे श्वेछंग) तल दक्षिण ते ह्वाए बेरेड एवनल मत्ता। इद इलाका लोप्पा मत्ता क्वोमिंगतांग सेना लोप्पा पाँच सेनांग ओसो मूंड शांति स्थापना इलाकांग ना फौजी यूनिट शामिल मत्तांग। क्वोमिंगतांग ता श्चीओ ते मत्ता “डाकू-दमन” हेडक्वार्टर ता कमांडर ल्यू ची ओसो डिप्टी-कमांडर तू ख्वी-मींग ना कमान ते नालुंग सेनांग ओसो मूंड शांति स्थापना इलाकांग ना फौजी यूनिटकु ओसो ह्वांग वेइ ता सेना, पेरके इदिन मध्य चीन तल अगा लोहताद मत्ता। इद अभियान लोप्पा जन मुक्ति सेना (पीएलए) ता 6 लाख तुकू ज्यादा सेना शामिल आत्ता, ताना लोप्पा पूर्वी ओसो पूर्वी चीन फौजी इलाकांग, मध्यवर्ती मैदान ता युद्ध सेना ता 7 कालमकु, पूर्वी चीन फौजी इलाकांग, मध्यवर्ती मैदान फौजी इलाकांग ओसो उत्तरी चीन फौजी इलाकांग लोप्पा हपे-शानतुंग-हनान फौजी इलाकांग ना प्रादेशिक फौजी यूनिटकु शामिल मत्तांग। इद अभियान 6 नवम्बर 1948 तल 10 जनवरी 1948 एवनल कुल 65 दिव्यांग ताकतः क्वोमिंगतांग ता चुनिंदा सेनाता 22 फौजी कोर इत्तेके 56 ब्रिगेड कुना कुल 5,55,000 सैनिक लोर किन खत्म किताद मत्ता (तीना लोप्पा विद्रोह कीसि मना बगिल वायना 4.5 ब्रिगेड वेने शामिल मत्ता)। इदे आयवा ल्यू श-मिंग ओसो ली येन-ल्येन दोड मत्ता रेंडु सेनांग (नानकिंग तल कुमक लेक्का वासी मत्तांग) किन पेरके पूंडताद मत्ता। इद अभियान ता कारण ते पूर्वी चीन ओसो मध्यवर्ती मैदान ता (यांगत्सी बेरेड ता उत्तर ते मत्ता हिस्सा) लगभग सब्बे इलाकांग मुक्त कीतांद मत्ता। इद अभियान मूंड मंजिल कुने पूरा आत्ता। 6 तल 22 नवम्बर एवनल पहली मंजिल लोप्पा पूर्वी चीन युद्ध सेना मध्यवर्ती मैदान युद्ध सेना ता तालमेल संगे श्वेचओ ता पूर्व ते शिनआनचन- ल्येनच्यांग इलाका लोप्पा ह्वांग पो-थाओ तुन खत्म किताद मत्ता अनि ल्येनक्वांग ता पूर्व ते लुंगहाए रेलवे ता रेंडासी बगिल ता इलाकांग, थ्येनचिन-ल्युखओ रेलवे ता श्चीओ-पंगपू सेक्शन ता रेंडासी बगिल ता इलाकांग

ओसो श्चीचओ ता पश्चिम, उत्तर ता इलाकांग संगे बेहरा प्रदेश किन मुक्त कित्ताद मत्ता। आएअंडक्वांग-चाओक्वांग इलाका लोप्पा क्वोमिंगतांग ता तीसरा शांति स्थापना इलाकांग ता 3.5 ब्रिगेड (इविना लोप्पा कुल 23,000 तुकू ज्यादा सैनिक लोर मत्तोर) विद्रोह कीसि मना बगिल वासी कलियता। 23 नवम्बर तल 15 दिसम्बर एवनल दूसरा मंजिल ते मध्यवर्ती मैदान युद्ध सेना पूर्वी चीन युद्ध सेना ता मुख्य सेना संग तालमेल कीसि सूयेन ता दक्षिण-पश्चिम ते श्वांगल्येंगची इलाका ते ह्वांग वेइ ना सेना किन घेरे कीसि खत्म कित्ता अनि अद सेना ता कमांडर ह्वांग वेइ ओसो डिप्टी कमांडर ऊ माओ-चओ किन बंदी कित्ता। इद सेना ता उंदी ब्रिगेड विद्रोह कीसि मना बगिल वासी कलियता। संगे ने मना सेना सुन ख्वान-ल्यांग ना दोइ मत्ता सेना (श्चीचओ तल पश्चिम बगिल वासोर मत्ता) किन खत्म कित्ता। वरोरो सुन ख्वान-ल्यांगे तम्मा जीवी पिसी कीसि वित्तला सफल आतोर। 6 तल 10 जनवरी 1949 एवनल ता तीसरी मंजिल लोप्पा पूर्वी चीन युद्ध सेना मध्यवर्ती मैदान ता युद्ध सेना ता तालमेल संगे युंगछंग ता उत्तर-पूर्व ते छिंग लुंगची-छनक्वानच्यांग इलाका लोप्पा क्वोमिंगतांग ता श्चेचओ तल पश्चिम बगिल वायना ओसो उंदी छ्यू छिंग-छवेन ना कमान ते ओसो दूसरा मी ली ना कमान ते मत्ता, इव रेंडासी सेनांग सीधी तू ख्वी-मिंग ना व्यक्तिगत कमान ते मत्तांग। तू ख्वी-मिंग किन बंदी बनेकियमूडाता, छ्यू छिंग-छयेन किन हौकमूडाता अनि सिर्फ ली मी ए मुशिकल ते तन्ना जीवा पिसी कीसि वित्तितोर। इद्रम इद बेहरा ह्वाए-हाए अभियान सफलतापूर्वक समाप्त आत्ता।

2. “चीनान पोरो कब्जा कीयाना ओसो दुश्मन पोरो हमला कीयाना” युद्ध कला ता बारे ते वेहताद मत्ता। इद युद्ध कला 1948 सितम्बर ता मध्य ते चीनान अभियान ताकनास्के जन मुक्ति सेना (पीएलए) लागू कीसि मत्ता। चीनान शानतुंग प्रांत लोप्पा क्वोमिंगतांग ता उंदी रणनीतिक महत्व मत्ता इदिना रक्षा काजे क्वोमिंगतांग ता दूसरा शांति स्थापना इलाकांग ना 1 लाख 10,000 तुकू ज्यादा सैनिक तैनात कीसि मत्ता। इदे आयवा क्वमिंगतांग ता मुख्य सेना लगभग 1 लाख 70,000 वाले 23 ब्रिगेड मत्ता, इविन श्चीचओ इलाका ते तैनात कित्ताद मत्ता। चीनान ता मदद काजे उत्तर बगिल वायला तैयार मत्ता। मना पूर्वी चीन युद्ध सेना तन्ना 3 कालम कुना उंदी सेना किन चीनान शहर पोरो हमला कियाला काजे 8 कालमकुना उंदी दूसरा सेना दल दुश्मन पोरो हमला कियाला काजे तैयार कित्ता। चीनान पोरो हमला 26 सितम्बर 1948 ता नुल्येह बेरा शुरू आत्ता। आठ दिव्यांग ओसो आठ नरकांग लगाताग हमला परेके 24 सितम्बर ते दुश्मन ता गैरजन फौज कुन पूराए खत्म कियमूडाता (अदिन लोप्पाटल उंदी फौजी कोर विद्रोह कीसि मना बगिल वासी कलियता) अनि क्वोमिंगतांग ता दूसरा शांति स्थापना इलाका ता कमांडर वांग थाओ-ऊ किन बंदी कियमूडाता। मना सेना चीनान पोरो वेल्ले जल्दी कब्जा कित्ता अद्रमासी श्चीचओ

ता दुश्मन सेना किन चीनान ता मदद कियाला काजे उत्तर बगिल वायना हिम्मते आयो आत्ता।

3. असल ते दुश्मन सेना ता इव रेंडासी ब्रिगेड किन अगा वायना हिम्मते आयो आत्ता।

# दुनिया ता क्रांतिकारी ताकत उंदी आयमूट, साम्राज्यवादी आक्रमण खिलाफ संघर्ष कीमुट! \*<sup>1</sup>

नवम्बर 1948

इंजे दुनिया ता जागृत मजदूर वर्ग ओसो सब्बे सच्चवी क्रांतिकारी जनता वेल्ले गिर्दा ते सोवियत संघ ता महान अक्तुबर समाजवादी क्रांति ता 31वी वर्षगांठ मानेमाया मंतोरा। इद मौका ते नाकिन कामरेड स्टालिन अक्तुबर क्रांति ता पहली वर्षगांठ ता बारे ते 1918 ते रास्ता लेख सुरता वाया मंता। अद लेख लोप्पा कामरेड स्टालिन इद्रम रासिस मत्तोर:

अक्तूबर क्रांति ता महान विश्वव्यापी महत्व मुख्य रूप ते इगा वेहता पोल्लोंग पोरो आधार आसी मंता:

1. इदु राष्ट्रीय सवाल किन व्यापक बने कित्ता, अदिन यूरोप ते राष्ट्रीय उत्पीड़न ता मुकाबला कीयाना खास सवाल तल उत्पीड़ित जनता, उपनिवेश ओसो अर्ध-उपनिवेश लोकर किन साम्राज्यावाद तल मुक्त कीयाना आम सवाल लेक्का बने कीता:
2. इदु अदिना मुक्ति काजे व्यापक संभावनांग पैदा कित्ता। मुक्ति बगिल दायना हरीं तेरियता अनि पश्चिम, पूर्व ता उत्पीड़ित जनता ना मुक्ति

---

<sup>1</sup> "अक्तूबर क्रांति ता 31वी वर्षगांठ मौका ते कामरेड माओ त्सेतुंग यूरोप ते कम्युनिस्ट पार्टींग ओसो मजदूर पार्टींग ना सूचना ब्यूरो ता "स्थाई शांति काजे जनता ना जनवाद काजे" पोरोल ता मुखपत्र काजे रासिस मत्तोर। इदु 1948 ते पत्रिका ता 21वी अंक लोप्पा प्रकाशित आत्ता।



कार्य किन वेल्ले मुन्ने ओता। ओरकिन साम्राज्यवाद खिलाफ सफलतापूर्वक संघर्ष ता विशाल धारा लोप्पा शामिल कीता:

3. अद्रमासी इदु विश्व साम्राज्यवाद विरुद्ध क्रांतिकुना उंदी पूना मोर्चा ता निर्माण कित्ता, इदु पश्चिम ता सर्वहारा तल पोयसी, रूसी क्रांति तल पूर्व ता उत्पीड़ित जनता एवनल फैलेमाता, समाजवादी पश्चिम ओसो गुलामी ता संकल संगे दोहची मत्ता पूर्व नड़मा उंदी पुल ता निर्माण कित्ता।<sup>1</sup>

इतिहास स्टालिन वेहता दिशा ते मुन्ने हत्ता। अक्तूबर क्रांति दुनिया ता सब्बे जनता ना मुक्ति काजे व्यापक संभावना पुट्टिह कित्ता अनि मुन्ने दायला काजे सही हरीं तेरियता। अक्तूबर क्रांति विश्व साम्राज्यवाद विरुद्ध क्रांतिंग ना उंदी पूना मोर्चा ता रचना कित्ता, अदु पश्चिम ता सर्वहारा तल पोयसी, रूसी क्रांति तल पूर्व ता उत्पीड़ित जनता एवनल फैलेमाता। क्रांतिंग ना इद मोर्चा कामरेड लेनिन ओसो और शहीद आत्ता पेरके कामरेड स्टालिन ना विवेकपूर्ण निर्देश कुना संगे स्थापित ओसो विकसित आत्ता मंता।

क्रांति कीयाना इत्तेके ताना काजे उंदी क्रांतिकारी पार्टी जरूर मंदना। उंदी मार्क्सवादी-लेनिनवादी क्रांतिकारी सिद्धांत पोरो आधार आसी, मार्क्सवादी-लेनिनवादी क्रांतिकारी शैली ते निर्माण आसी मत्ता क्रांतिकारी पार्टी लेवा व्यापक जनता ना नेतृत्व कीसि साम्राज्यवाद ओसो ओरा पालतु नौकुनू हारा कीयाना असंभव मंता। मार्क्सवाद ता जन्म पेरके सौ तुकू ज्यादा साल लोप्पा अक्तूबर क्रांति ता नेतृत्व कियाला, समाजवादी निर्माण ता नेतृत्व कियाला ओसो फासीवादी आक्रमण किन हारे कियाला रूसी बोलशेविक लोरा पोरो आधार आसी दुनिया लोप्पा पूना रकम ता क्रांतिकारी पार्टिंग ना स्थापना ओसो विकास आत्तांग। इद्रम ता क्रांतिकारी पार्टिंग ना जन्म आतांकु विश्व-क्रांति ता रूप बदलेमाता। इद बदलाव वेल्ले बेहरा मंता। इव बदलाव कुना बारे ते पाड़ना पीड़ी ता लोकुर उचुन वेने आल्सवा मत्तोर। चीनी कम्युनिस्ट पार्टी सोवियत संघ ता कम्युनिस्ट पार्टी तुन हूडसी पंडताद मत्ता अनि विकसित कित्ताद मत्ता। चीनी कम्युनिस्ट

पार्टी ता जन्म पेरकेटल चीनी क्रांति उंदी पूना क्रांतिकारी पार्टी लेक्का बनेमाता। इदु सच्चाई एकदम स्पष्ट मंता या?

दुनिया ता क्रांतिकारी संयुक्त मोर्चा - इदिना नेतृत्व सोवियत संघ किसोरे मत्ता - फासीवाद जर्मनी, इटली ओसो जापान किन हारे कित्ता। इदु अक्तूबर क्रांति कारण तेने आत्ता। अक्तूबर क्रांति आयवेके, सोवियत संघ ता कम्युनिस्ट पार्टी हिल्वेके, सोवियत संघ हिल्वेके ओसो पश्चिम तल पूर्व सोवियत संघ ता नेतृत्व ते साम्राज्यवाद विरोधी क्रांतिकारी संयुक्त मोर्चा आयवेके बदे फासीवादी जर्मनी इटली, जापान ओसो ओरा पालतू नैकुन खत्म कीसि जीत हासिल कीयाना बोरे आल्सा परवा लेक्का मंदियर? बेगा अक्तूबर क्रांति दुनिया ता मजदूर वर्ग ओसो उत्पीड़ित राष्ट्र कुना मुक्ति काजे व्यापक संभावनांग पुट्टी कित्ता, अविना बगिल दायला काजे सही हरीं तेरियता अगा फासीवादी विरोधी दूसरा विश्वयुद्ध ता जीत दुनिया ता मजदूर वर्ग ओसो उत्पीड़ित राष्ट्र कुना मुक्ति काजे ओसो ज्यादा व्यापक संभावनांग पुट्टी कित्ता अनि अविना बगिल दायला काजे ओसो ज्यादा सही हरीं तेरियता। दूसरा विश्व युद्ध ता जीत ता महत्व किन कम कीसि हूडना वेल्ले बेहरा गलती आयार।

दूसरा विश्वयुद्ध ता जीत पेरके अमेरिका साम्राज्यवाद अलग-अलग देश कुना तन्ना पालतू नैकु फासीवाद जर्मनी, इटली ओसो जापान ता जागा एतितान्ग, अवु बेय्यल आत्ता लेक्का उंदी पूना विश्व युद्ध ता तैयारी किया मंतांग अनि पूरा दुनिया काजे खतरा पुट्टिह किया मंतांग: अद्रमासी पूंजीवादी दुनिया ता पतन ओसो डोल्लना वेरीं दिस्सा मंता। इदु दुश्मन इंजे वेने शक्तिशाली मंता, अदिन काजे हर देश लोप्पा सब्बे क्रांतिकारी ताकत कु उंदी आयना अनि दुनिया लोप्पा सब्बे देश ता क्रांतिकारी ताकत कुन वेने उंदी आयना, सोवियत संघ ता नेतृत्व ते उंदी साम्राज्यवाद विरोधी संयुक्त मोर्चा बने कीयाना अनि सही नीतिंग किन लागू कीयाना, लेवेके जीत दोरकी किया परमूडायो। इदु दुश्मन ता उंदी कमजोर ओसो होले मासोर मत्ता नींव आंदु, लोप्पटल छिन्न-भिन्न आया मंता, जनता तल अलग-थलग आसी मंता, गंभीर आर्थिक संकट कुना सामना किया लागा

मंता, अदिन काजे अदिन हारे कीयाना संभव मंता। दुश्मन ता ताकत किन बेरसी कीसि हूडना ओसो क्रांतिकारी ताकत तुन कम कीसि हूडना वेल्ले बेहरा गलती आंदू।

चीनी कम्युनिस्ट पार्टी ता नेतृत्व ते वायना चीनी जनता ना महान जनवादी क्रांति (चीन लोप्पा अमेरीकी साम्राज्यवाद ता बेय्यल आत्ता लेक्का कीसोर मत्ता आक्रमण खिलाफ ओसो वतनफरोशी, तानाशाही ओसो गृहयुद्ध संगे चीनी जनता किन हौकना प्रतिक्रियावादी क्वोमिंगतांग सरकार खिलाफ ताकी कित्ता) इंजे जबरदस्त जीत हासिल कित्ता। जुलाई 1946 तल जून 1948 एवनल रेंडु साल लोप्पा चीनी कम्युनिस्ट पार्टी ता नेतृत्व ते जन मुक्ति सेना (पीएलए) प्रतिक्रियावाद क्वोमिंगतांग सरकार ता 43 लाख सैनिक लोर कीयाना हमलांग किन हारे कित्ता अनि रक्षात्मक युद्ध तल आक्रमणात्मक युद्ध कीयाना शुरू कित्ता। इव रेंडु साल कुना लड़ाई लोप्पा (जुलाई 1948 ओसो ताना पेरके आत्ता घटनांग शामिल मंतांग) जन मुक्ति सेना (पीएलए) क्वोमिंगतांग फौज ता 26 लाख 40,000 सैनिक लोर किन बंदी बने कित्ता लेवेके खत्म कित्ता। चीन ता मुक्त इलाकांग इंजे 23, लाख 50,000 वर्ग-किलोमीटर ते फैले मात्ता, इत्तेके देश ता क 95 लाख 97,000 वर्ग किलोमीटर क्षेत्रफल ता 24.5 प्रतिशत, इगाटा आबादी लोप्पटा 35.3 प्रतिशत, इद इलाका लोप्पा 586 शहर मंतांग इत्तेके देश ता कुल 2,009 शहर कुना 29 प्रतिशत मंता। मना पार्टी भूमि सुधार कियाला किसान लोरा दृढता ते नेतृत्व कीतांकु लगभग 1 करोड़ आबादी वाले इलाकांग लोप्पा भूमि समस्या सही तरीका ते हल आत्ताद मंता। जर्मीदार ओसो पाड़ना रकम ता धनी किसान लोरा जमीन किसान लोरा लोप्पा मुख्य रूप ते गरीब किसान, खेत-मजदूर लोरा लोप्पा बराबर तूसताद मंता। चीनी कम्युनिस्ट पार्टी ता सदस्य संख्या (1945 ते 12 लाख 10,000 मत्ता अदु नेंडु 30 लाख आत्ता। चीनी कम्युनिस्ट पार्टी कार्यभार पूरा देश ता क्रांतिकारी ताकत कुन एकताबद्ध कीसि अमेरीकी साम्राज्यवाद ता आक्रमणकारी ताकत किन बाहर वाटना ओसो उंदी एकीकृत, जनवादी लोग गणराज्य ता स्थापना कीयाना मंता। माटू मना

मुन्ने बचोनो मुशिकलकु मत्तादु पुत्तोमे। मति माटू अविन हूडसी वेरियोमु। माटू मुशिकलकुन दूर कीयाना ओसो अविन दूर किया परमूडांता इंजी विश्वास कीतोमा।

अक्तूबर क्रांति ता वेहच माकिन हरीं तोहा मंता। मुशिकल ते मत्ता चीनी जनता तम्मा मुक्ति दोरकी कीयाना अदु इद्रम किया परिंता इंजी पक्का विश्वास कीयाना। चीन ता क्रांतिकारी संघर्ष (हत्ता कालम ते हमेशा अलगाव ते मत्ता) इंजे अक्तूबर क्रांति ता जीत पेरके अलगाव ते मत्ता लेक्का हिल्ले। माकिन दुनियामेटा कम्युनिस्ट पार्टींग ओसो मजदूर वर्ग ता समर्थन दोरकता। चीनी क्रांति ता नेताल डा. सुन यात-सेन इद पोल्लो किन बेस समझेमासी साम्राज्यवाद खिलाफ सोवियत संघ संगे एकता कीयाना नीति पास कित्तोर। हायनास्के ओरु सोवियत संघ किन उंदी चिट्टी रास्तोर (ओना वसीयत ता उंदी हिस्सा मत्ता)। इदु क्वमिंगतांग ता च्यांग काई-शेक डाकू गुट (सुन यात-सेन ना नीति तुकू गदारी किया मंता) साम्राज्यवादी प्रतिक्रियावादी मोर्चा ता पक्ष ते नितसी मंता तन्नाए देश ता जनता ना विरोध किया मंता। मति लोकुर जल्दिए चीनी जनता क्वोमिंगतांग ता प्रतिक्रियावादी शासन किन पूराए नष्ट कीयानादू हूडानूर। चीनी जनता उंदी बहादुर जनता आंदू, चीनी कम्युनिस्ट पार्टी वेने उंदी बहादुर पार्टी आंदू इव रेंडासी पूरा चीन किन मुक्त कियाला काजे किरिया कीसि मंतांग।

## नोट

1. जे.वी. स्टालिन, “अक्तूबर क्रांति ता विश्वव्यापी महत्व”, “अक्तूबर क्रांति ओसो राष्ट्रीय सवाल” हेडिंग वाले लेख ता तीसरा परिच्छेद।

## चीन ता फौजी परिस्थिति लोप्पा बेहरा बदलाव\*<sup>1</sup>

14 नवम्बर 1948

चीन ता फौजी परिस्थिति उंदी पूना मोड़ ते एवता इत्तेके युद्ध लोप्पा रेंडासी पक्ष कुना नड़मा ताकत बेरसी कीयाना लोप्पा उंदी बुनियादी बदलाव आत्ता। गुण ता दृष्टि ते जन मुक्ति सेना (पीएलए) वेल्ले मुन्ने बेरसिस मत्ता, इंजे अदु संख्या ता दृष्टि ते बेरसता। इदु चीनी क्रांति ता जीत दोरकी कीयाना ओसो चीन लोप्पा शांति पुट्टी कीयाना टाईम वात्ता इंजी सूचना हियाना लेक्काटा पोल्लो आंदू।

युद्ध ता दूसरा साल ता आखरी ते इत्तेके इयेटा जून ता आखरी ते क्वोमिंगतांग सैनिक लोरा कुल संख्य लगभग 36 लाख 50,000 पिस्ता। क्वोमिंगतांग देशव्यापी गृहयुद्ध ताकी कीसोर मत्तास्के इत्तेके जुलाई 1946 ते क्वोमिंगतांग सैनिक संख्या 43 लाख मत्ता। इद्रम अदिना संख्या कुल 6 लाख 50,000 सैनिक कम आत्ता। रेंडु साल ता युद्ध कालम ते क्वोमिंगतांग 24 लाख 40,000 पूना भरती कित्ता अदिन काजे लगभग 30 लाख 90,000 सैनिक लोर किन खत्म कियमूडाता लेवेके बंदी बने कित्ताद मंता लेवेके ओरु तम्मा जीवा पिसी कीसि वित्तितोर। इंजे उंदी अचानक बदलाव आत्ता युद्ध ता तीसरा साल ता पहली नालुंग महीनांग

---

<sup>1</sup> \*इद पोल्लो कामरेड माओ त्सेतुंग शिनह्वा समाचार-एजेन्सी काजे रासिस मत्तोर। तीना लोप्पा उंदी पूना परिस्थिति इत्तेके ल्याओशी-शनयांग अभियान परेके दुश्मन ओसो मना नड़मा ता ताकत लोप्पा आत्ता बदलाव पोरो आधार आसी कामरेड माओ त्सेतुंग जन मुक्ति युद्ध ता जीत काजे जरूरी टाईम ता उंदू पूना अंदाजा पेश कीसि मत्तोर। ताना लोप्पा क्वोमिंगतांग ता प्रतिक्रियावादी शासन किन तेहकसी वाटला नवम्बर 1948 तल शुरू कीसि सिर्फ उंदी साल लागियर ईंजी वेहतोर। चीन ता फौजी परिस्थिति लोप्पा ताना परेके आत्ता घटनांग कामरेड माओ त्सेतुंग ना वायना कालम ता बारे ते अंदाजा तुन पूराए सही साबित कित्तांग।

लोप्पा इत्तेके इयेंड 1 जुलाई तल 2 नवम्बर ते शनयांग ता मुक्ति दिव्या एवनल क्वोमिंगतांग सेना किन तम्मा 10 लाख सैनिक पोहा लागता। इद टाईम ते क्वोमिंगतांग सैनिक लोरा बचोन नुकसान आत्ता इंदानदु जानकारी दोरकतद हिल्ले, अदु 3 लाख पूना सैनिक भरती कीतेके असली कमी 7 लाख आया। अद्रमे भूम सेना, एर सेना, वड़ी सेना, नियमित सेना, अनियमित सेना, लड़ाई यूनिटकु ओसो पृष्ठभाग ता सेवा-संस्थान कुना कर्मचारि सव्बे तोर किन काल्पसी वने क्वोमिंगतांग ता पूरा सशस्त्र सेना इंजी सिर्फ लगभग 29 लाख मंता। दूसरा बगिल जन मुक्त सेना ता संख्या जून 1946 ते कुल 12 लाख मत्ता, जून 1948 ते 28 लाख आत्ता अनि इंजे 30 लाख तुकू ज्यादा आत्ता। इद्रम संख्या ता दृष्टि ते क्वोमिंगतांग सेना ता बढ़ोत्तरी कम आत्ता। इदु हत्ता नालुंग महीनांग लोप्पा देश ता सव्बे युद्धभूमि लोप्पा जन मुक्ति सेना (पीएलए) कित्ता वीरतापूर्ण लड़ाईंग नाए सफलता आंदू। खासकर दक्षिण मोर्चा ते स्वे-छी अभियान<sup>1</sup>, चीनान अभियान<sup>2</sup> ओसो उत्तरी मोर्चा ते चिनचओ, छांगछुन, ल्याओशी ओसो शनयांग अभियान<sup>3</sup> ता सफलता आंदू। इयेंड जून आकरी एवनल वेने क्वोमिंगतांग तन्ना 285 ब्रिगेड पोरोले तासिस मंता बारांकु इत्तेके अदु वेल्ले बेय्यल आत्ता लेक्का तन्ना अनियमित सेनांग किन नियमित सेनांग लोप्पा शामिल कित्ता। इव नालुंग महीनांग लोप्पा नुकसान कित्ता बटालियन कुन ओसो बटालियन कुना लोप्पटाल बेहरा यूनिट कुन जन मुक्ति सेना खत्म कित्ताविन काल्पसी 83 ब्रिगेड कुना बराबर आंतांग, इविना लोप्पा 63 ब्रिगेडकु मत्तांग।

इद्रम युद्ध मना मूल अंदाजा तुकू बचोनो कम टाईम एवनल ताकियरा मना मूल अंदाजा प्रतिक्रियावादी क्वोमिंगतांग सरकार किन पूराए तेहकसी वाटला जुलाई 1946 तल शुरू कीसि पाँच साल लागियर इंजी मत्ता। मति इंजे माटू इदिन सिर्फ उंदी साल लोप्पाने तहकसी वाटा परिंतोम इंजी दिसिंता। इंगो, देश ता सव्बे हिस्सांग लोप्पा सव्बे प्रतिक्रियावादी ताकत किन खत्म कीसि जनता पूर्ण मुक्त दोरकी कियाला तूलनात्मक रूप ते ज्यादा टाईम लागियर।

दुश्मन वेल्ले जल्दी मुट्टा मंतोरा। मति कम्युनिस्ट, जन मुक्ति सेना (पीएलए) ओसो पूरा देश ता अलग-अलग व्यवसाय कुना जनता किन उंदी जीवा आसी तम्मा कोशिश कुन बेरसी कीसोर मंदाना: सिर्फ इद्रम कीसिए माटू प्रतिक्रियावादी ताकत कुन मोदोल तिंची खत्म किया परितोम अनि पूरा देश लोप्पा एकीकृत जनवादी लोक गणराज्य ता स्थापना किया परितोम।

## नोट

1. स्वे-छी अभियान किन (पूर्वी हनान अभियान पोरोल ते वेने पुनडांता) इद इलाका लोप्पा जन मुक्ति सेना (पीएलए) लोप्पा ताकी कित्ता। तीना लोप्पा खाएफंग, श्वेश्येन ओसो छीश्येन पोरोल ता जागा वातांगा। इद अभियान 17 जून 1948 ते शुरू आत्ता। 22 जून ते मना सेना खाएफंग पोरो कब्जा कित्ता। प्रतिकूल फौजी परिस्थिति तल बचेमायला काजे च्यांग काई-शेक खुद मोर्चा ते हत्तोरें, अनि फौजी कमान व्यक्तिगत रूप ते संभाले कित्तोरा। छ्यू छिंग-छ्येन, को शओ-ल्येन ओसो ह्वांग पो-थाओ किन ना कमान ते मूंड सेनांग ना खाएफंग पोरो नालुंग बगिल तल उंदी बेरा हमला कियाला काजे जमा कित्तोरा। मना पूर्वी चीन युद्ध सेना ता छै कालमकु, मध्यवर्ती मैदानी युद्ध सेना ता रेंडु कालमकु ओसो क्वांगतुंग-क्वांगशी कालम (27 जून तल 6 जुलाई एवनल) स्वेश्येन-छीश्येन इलाका ते ओ शओ-ल्येन ओसो ह्वांग पो थाओ ना कमान ते ताकना सेनांग किन घेरें कीसि तासता अनि नौ दिव्यंग, नौ नरका ना घमासान लड़ाई पेरके ओ शओ-श्येन ना सेना ता 2 ब्रिगेड, इतेके 6 ब्रिगेड ओसो ह्वांग पो-थाओ ना सेना ता उंदी हिस्सा कुल 90,000 तुकू ज्यादा सेना तुन खत्म कित्तोरा। सेना ता कमांडर ओ शओ-ल्येन ओसो पुनर्गठित 75वी ब्रिगेड ता कमांडर शन छंग-श्येन किन पोयताद मत्ता।
2. चीनान अभियान ता बारे ते इदे ग्रन्थ लोप्पा “ह्वाए-हाए अभियान काजे फौजी कार्रवाई संबंधित नीति” हेडिंग वाले लेख ता नोट 2 हूडाटू।
3. उत्तर-पूर्वी चीन ता चिनचओ, छांगछुन, ल्याओशी ओसो शनयांग अभियान ता संयुक्त पोरो ल्याओशी-शनयांग अभियान मत्ता। इदे ग्रन्थ लोप्पा “ल्याओशी-शनयांग अभियान काजे फौजी कार्रवाई संबंधित नीति” हेडिंग वाले लेख ता नोट 1 हूडाटू।

# पेफिंग-थ्येनचिन अभियान<sup>2</sup> काजे फौजी कार्रवाई संबंधित नीतिंग<sup>\*1</sup>

11 दिसम्बर 1948

1. चांगच्याखओ, शिनपाओआन ओसो ह्याएलाइ ना पूना पेफिंग, थ्येनचिन, थांगकू ओसो थांगशान इलाका ता पूरा दुश्मन सेनांग लोप्पा (35 वी, 62वी, 94वी फौजी कोर कुना उचुक ब्रिगेडकुना लेक्कटा उचुक यूनिट कुन विड़चसी, मोर्चाबद्ध जागांग ना बचाव काजे सबसे बेस युद्ध-क्षमता इंजे वेने मंत्ता) आक्रमण कीयाना ताकत उचुन वेने हिल्ले, ओरु पिट्टेंग लेक्का विल दा टक्कराव तुके सांगा मंतोरा। इदु पोल्लो खासर मीटू लम्बा दीवार ता दक्षिण बगिल दायानास्केटल दिस्सा मंता। मीटू दुश्मन ता युद्ध क्षमता बेरसी कीसि बिल्कुले हूडनायो। मना उचुन कामरेड्स दुश्मन ता युद्ध क्षमता किन बेरसी कीसि हूडतांकु नुकसान आत्ता, मति आलोचना कित्ता पेरेके ओरु सही समझेमातोरा। चांगच्याखओ ओसो शिनपाओआन रेंडासी जागा ने दुश्मन जरूर घेराव ते अरतोर अनि घेराव देहची वित्तना वेल्ले मुश्किल मंता। 16वी फौजी कोर ता लगभग आधा हिस्सा किन खत्म

---

<sup>1</sup> 'इद चिट्टी कामरेड माओ त्सेतुंग सिन प्याओ, ली रंग-ह्वान ओसो बाकी कामरेड्स ना पोरोल ते चीनी कम्युनिस्ट पार्टी ता केंद्रीय कमेटी ता क्रांतिकारी फौजी कमीशन काजे रासिस मंतोरा। पेफिंग-थ्येनचिन अभियान चीनी जन मुक्ति युद्ध ता मूंड सबसे बेहरा निर्णायक अभियानकु मतांगा। इद अभियान लोप्पा माटु क्वोमिंगतांग ता 5,30,000 तुकू ज्यादा सैनिक लोर किन खत्म कीतोम लेवेके ओरकिन पुनर्गठित कीतोम, पेफिंग, थ्येनचिन ओसो चांगच्याखओ पोरोल ता महत्वपूर्ण शहर किन मुक्त कीतोम अनि उत्तरी चीन ता मुक्ति लड़ाई किन सफल कीतों। इद अभियान ता फौजी कार्रवाई संबंधित नीति किन(कामरेड माओ त्सेतुंग पेश कीसि मंतोर) पूरा लागू कीतोम।



कित्तोर। दुश्मन ता ह्वाएलाइ मत्ता 104वी फौजी कोर वेल्ले जल्दबाजी ते दक्षिण बगिल हत्ता अनि इस्सले अदु खत्म आयना लेक्का मंता इंजा अंदाजा मंता। इद काम आत्ता पेरके मीटू नानखओ ओसो पेफिंग किन उंदी दूसरा तल अलग कियाला काजे तैयार कीयाना। मनम इद्रम कीयाना हल्को मंदियर बारांकु इत्तेके 94 वी फौजी कोर ओसो 16 वी फौजी कोर ता पिस्ता सेना वेल्ले जल्दी पेफिंग मलसी वायर लेवेके 94वी, 16वी ओसो 92 फौजी कोर संयुक्त रक्षा काजे नानखओ-छांगफिंग-शाओचन इलाका लोप्पा जमा आयार। मति मना चौथी कालम ता इद डावपेज पेफिंग ता उत्तर-पश्चिमी ओसो उत्तरी उपशहर कुना काजे सीधा खतरा आयार अनि दुश्मन किन तम्मा जागा तल मलियवा लेक्का रोमी कीसि तासा परियर। ओरु 35वी फौजी कोर किन कुमक हियाला काजे पश्चिम बगिल दायला साहस कीतेके माटू सीधा ओरा पेरके गुचना हरीं बंद किया परितोम लेवके पेफिंग पोरो सीधा हमला किया परितोम, अदिन काजे ओरु इंजे पश्चिम बगिल दायना साहस किया परवा लेक्का संभावना मंता। यांग त-च, लो रंग-छिंग ओसो कंग प्याओ ना कमान ते उत्तरी चीन ते मत्ता फौजी फार्मेशन कु दुश्मन ता 35 फौजी कोर ता मूंड डिवीजन कुन घेराव काजे तम्मा नौ डिवीजन कु तैनात कित्ता, अवु निरपेक्ष बढोत्तरी ता स्थिति ते मंता। अविना सुझाव दुश्मन ता ब्रिगेड कुन जल्दी खत्म कीयाना इंजी मंता। मति मना लक्ष्य अविना इंजे हमला कीयाना हिल्ले, पेफिंग ओसो थ्येनचिन लोप्पा मत्ता दुश्मन ता जाली अर्तेके ओरा काजे समुद्री हरीं तल वित्तला काजे फैसला कीयाना मुश्किल आयार। इंजे ओरु 35वी फौजी कोर किन घेराव कियाला काजे रेंडु कालम ओसो 104वी फौजी कोर किन रोमी कियाला काजे उंदी कालम ता इस्तेमाल कित्तोर अनि दुश्मन ता रेंडु सेनांग किन देब्बा वाटसी पेरके पूंडतोर।

2. इंजे माटू मीवा पेफिंग, नानखओ ओसो ह्वाएशओ मत्ता दुश्मन काजे उत्तर-पूर्व बगिल तल कंदरेह कियाला काजे दुश्मन ता पांचवी कालम

लगातार नानखओ गर्रे लोहला तैयार मंतोमा। इदु कालम किन पेरेके (10-15 दिव्यांग यांग त-च, लो रुइ-छिंग ओसो कंग प्याओ ना कमान ताकना उत्तरी चीन ता फौजी फारमेशन 35वी फौजी कोर किन कित्ता) मीवा चौथी कालम किन पूर्व ते काम संभाले कियाला काजे विड़सना अनि पांचवी कालम किन अदु नेंडु पश्चिम बगिल हंजोरे मंदाणा इंजी आदेश हियाना।

3. तीसरी कालम किन बद्रमासी नानखओ आयवा 9 तारीख ते मना चिट्टी अनुसार अदु पूर्व बगिल तल पेफिंग काजे खतरा पुट्टी कियाला काजे पेफिंग ता पूर्व ओसो थुंगश्येन ता दक्षिण ते मत्ता इलाकागं ने एव्वना अनि चौथी, ग्यारहवी, पांचवी कालम कुना संगे कलियसी पेफिंग किन नालुंग बगिल तल घेराव कीयाना।
4. मति मना वास्तविक लक्ष्य मुन्ने पेफिंग किन घेरे कीयानाए आयवा मुन्ने थ्येनचिन, थांगकू, लूथाए ओसो थांगशान लेक्कटा जागांग किन घेराव कीयाना।
5. मना हिसाब ते मीवा दसवी, नौवी, छठी ओसो आठवी कालम मीवा तोपखाना कालम ओसो सातवी कालम लगभग 15 दिसम्बर एवनल ख्वीथ्येन किन केंद्र बने कीसि ताना नालुंग बगिल ता इलाका लोप्पा जमा आत्ता। माटू 20 ओसो 25 दिसम्बर नडमा वेल्ले स्पीड ते कार्रवाई कीयाना ओसो थ्येनचिन, थांगकू, लूथाए ओसो यांगशान लोप्पा दुश्मन ता परिस्थिति अस्के वेने इंजे मत्ता लेक्काने मत्ता। अद्रमासी छै कालम-तीसरी कालम (पेफिंग ता पूर्वी उपशहर तल पूर्व बगिल दाया मंता), छठी, सातवी, आठवी, नौवी ओसो दसवी कालम किन तैनात कीसि नालुंग बगिल तल दुश्मन किन घेरे कीयाना। रेंडु कालम कुन ऊछिंग ता नालुंग बगिल लाइफांग, लूथाए, थांगशान ओसो कुए ते मत्ता दुश्मन मत्ता जागा ने दुश्मन तोरा संपर्क कट आयाना लेक्का नेंगी कीयाना। इव सब्बे कालम कु नालुंग बगिल नाकेबंदी कीयाना अनि दुश्मन बद्रमाई बचेमासी वित्तवा लेक्का हूडाना। ताना पेरेके ओरु आराम कीयाना अनि तम्मा सेना किन सुदुद

बने कीयाना, आराम कित्ता पेरके दुश्मन ता उचुन तुलनात्मक सुडला दल कुन खत्म कीयाना। अस्के एवनल चौथी कालम पेफिंग ता उत्तर-पश्चिम बगिल कंग प्याओ ना कमान ते ताकना उत्तरी चीन ता फौजी फारमेशन चौथी कालम गुचना शुरू कीयाना मुन्ने ने शिनपाओआन ते तैनात मत्ता दुश्मन कुन खत्म कीयाना। पूर्व ता परिस्थिति अनुसार, मुन्ने थांगकू ते तैनात दुश्मन तुन खत्म कीयाना अनि इद समुद्री बंदरगाह किन कब्जा कीयाना पूरा कोशिश कीयाना। इव रेंडु जागांग (थांगकू (सबसे महत्वपूर्ण), शिनपाओआन) पोरो कब्जा कीतेके पूरा युद्ध लोप्पा पहलकदमी मीवा कैदे वायारा। असल इत्तेके इगा वेहता सेना विन्यास इत्तेके च्यांगच्याखओ, शिनपाओआन, नानखओ, पेफिंग, ह्वाएओ, श्युनई, थुंगश्येन, वानफिंग (च्वोश्येन ओसो न्यांग-श्यांग पोरो मना कब्जा आत्ता), फंगथाए, थ्येनचिन, थांगकू, लूथाए, थाइशान ओसो खाएफिंग लोप्पा दुश्मन पोरो मना भरपूर घेराबंदी आंदू।

6. इद तरीका साधारण रूप ते मीटू ईश्येन चिनचओ, चिनशी, शिंगफंग, रबेइचुंग, शानहाएक्वान ओसो ल्वान-श्येन तल दायना लाइन पोरो लड़ेमायनास्के लागू कित्तादु आंदू<sup>2</sup>
7. नेटल रेंडु हसांग एवनल (11 तल 25 दिसम्बर एवनल) बुनियादी सिद्धांत घेराव कीयाना मति हमला कीयानायो (वांग क्याखओ ओसो शिनपाओआन ते कित्ता लेक्का) इंजी मंदियार अनि उचुन परिस्थितिने बुनियादी सिद्धांत सम्पर्क देहना मति घेराव कीयानायो (पेफिंग, थ्येनचिन ओसो थुंगचओ ते सिर्फ रणनीतिक घेराव कीसि दुश्मन सेना तुन आपसी सम्पर्क किन देहची वेने अभियान संबंधित घेराव कीवा मत्ता लेक्का) इंजी मंदाना। अस्केने माटू मना सेना विन्यास पूरा आत्ता पेरके दुश्मन तुन उंदी-उंदी कीसि खत्म क्रिया परतोमा। खासकर, च्यांगच्याखओ, शिनपाओआन, नानखओ लोप्पा मत्ता दुश्मन ता पूरा सेना तुकू खत्म कीयानायो बारांकु इत्तेके इद्रम

कीतेके नानखओ ता पूर्व ते मत्ता दुश्मन तुरंत वित्तला तैयार आयनूर।  
माटू इद पोल्लो किन वेल्ले बेस समझेमायना।

8. च्यांग काई-शेक किन जल्दी पेफिंग-थ्येनचिन तल तन्ना सेनांग गुचिह कीसि समुद्र हरीं तल दक्षिण बगिल लोहना तुकू रोमी कियाला काजे माटू ल्यू पो-छंग, तंग श्याओ-फिंग, छन ई ओसो सू ख्वी ना ह्वांग वेइ ता सेना तुन खत्म कित्ता पेरके तू ख्वी-मिंग ना दोड़ मत्ता छ्यू छिंग-छवेन, ली मी ओसो सुन ख्वान-ल्यांग ना सेनाग (इविना लोप्पा लगभग आधा नष्ट कित्ताद मत्ता) ना पिस्ता अंश कुन इंजे बचे कीसि तासना अनि अविन पूरा खत्म कियाला काजे रेंडु हप्तंग बदे सेना विन्यास कीयानायो इंजी आदेश हिया मंतोर।
9. दुश्मन किन छिंगताओ बगिल वित्तला रोमी कियाला काजे माटू शानतुंग ता मना सेनांग किन चीनान हेरे पीली बेरेड़ ता उंदी हिस्सा ते तम्मा कब्जा तासला काजे उचुन सेना जमा कीसि तासना अनि छिंगताओ-चीनान रेलवे आसापास ता इलाकांग लोप्पा तैयारिंग कीयाना इंजी आदेश हिया मंतोम।
10. दुश्मन श्वीचओ, चंगकूओ, शीआम लेवेके स्वेख्वान बगिल वित्तना संभावना वेल्ले कम मंता।
11. मना उंदी लेवेके मुख्य परेशानी दुश्मन तोर समुद्र हरीं तल वित्तनोर इंजी मंता। अदिन काजे वायना रेंडु हप्तंग लोप्पा घेराव कीयाना मंति संपर्क देहवा लेक्का घेराव कीयाना तरीका लागू कित्ताद मत्ता।
12. इद योजना दुश्मन आल्सा परवा लेक्कटा योजना आंदू, मीवा आखरी सेना विन्यास पूरा आयना जोम समझेमायना ओरा काजे मुश्कल मंता। इंजे दुश्मन तोर मीटू पेफिंग पोरो हमला किया मंतिर इंजी आल्सा मंतोर बहे।
13. दुश्मन हमेशा मना सेना ता सक्रियता किन कम ओसो तम्मा ताकत तुन ज्यादा हूडिंतोर, मति ओरू विल काड़ी ता डोरी ता आवाज केंजी सांगना पिट्टे लेक्काने मंतोर। पेफिंग ओसो थ्येनचिन ते तैनात मत्ता

दुश्मन मीटू 25 दिसम्बर तुकू मुन्ने इद सैन्य विन्यास कीयाना पूरा कियाकिर इंजी आल्साए परवो।

14. इदु सैन्य विन्यास 25 दिसम्बर तुकू मुन्ने पूरा कियाला काजे मीटू मीवा सेना तुन रेंडु हत्तांग लोप्पा लोप्पा दोगाड़ तुकू परवाह कियवा मंदाला, संख्या घटेमायना तुकू वेरियवा मंदना ओसो हिरंगम-करविनकु वेरियवा मंदाला प्रेरित कीयाना।
15. मुख्य रूप ते हमलांग ना क्रम इद्रम मंदियरः पहला हमला थांगकू-लूथाए इलाका, दूसरा हमला शिनपाओआन, तीसरा हमला वांगशान इलाका पोरो, चौथा हमला थ्येनचिन ओसो चांगच्याखओ रेंडु इलाकांग पोरो ओसो आखरी हमला पेफिंग इलाका पोरो आयारा।
16. इद योजना ता बारे ते मीवा विचार बाताल मंता? इदिन कमिंग बातांग मंतांग? इदिन लागू कियाला बदे मुश्किल हिल्ले बा? मीटू इव सब्बे पोल्लोंग पोरो आल्सिसी जवाब हीमुटा।

## नोट

1. चिन प्याओ, लो रंग-ह्वान, ल्ये रंग-चन ओसो बाकी कामरेड्स ना कमान ते उत्तर-पूर्वी युद्ध सेना ओसो उत्तरी चीन जन मुक्ति सेना (पीएलए) ता रेंडु फौजी फारमेशनकु ताकी कित्ता पेफिंग-थ्येनचिन अभियान, उत्तर-पूर्व ता ल्याओशी-शनवांग अभियान ता सफलतापूर्वक समाप्त आत्ता तुरंत पेरके दिसम्बर 1948 ते शुरू ते शुरू आत्ता कामरेड माओ त्सेतुंग ना आदेश लागू कीसोरे उत्तर-पूर्वी युद्ध सेना पूरा उत्तर-पूर्व किन मुक्त कीयाना तन्ना कार्य किन सफलतापूर्वक पूरा कित्ता तुरंत पेरके लम्बा दीवार ता दक्षिण बगिल एवता अनि उत्तरी चीन जन मुक्ति सेना (पीएलए) ता फौजी फारमेशन कुना संगे कलियसी उत्तरी चीन ते क्वोमिंगतांग सेनांग किन घेरे कीसि खत्म कीयाना शुरू कीतांग। क्वोमिंगतांग ता उत्तरी चीन “डाकू-दमन” हेडक्वार्टर ता कमांडर-इन-चीफ फू च्वो-ई ना कै दोड़ 6,00,000 तुकू ज्यादा क्वोमिंगतांग सेना उत्तर-पूर्व ते जनमुक्ति सेना ता जीत तुकू वेरियसी समुद्री हरी तले दक्षिण बगिल लेवेक पश्चिम ते स्वेघ्वान प्रांत बगिल वित्तना जल्दी ते तम्मा मोर्चा तुन जमा कीतांग। वेल्ले स्पीड ते मुन्ने हंजी मना सेनांग दुश्मन तुन तितर-वितर कीसि पाँच जागा (पेफिंग, थ्येनचिन, चांगच्याखओ, शिनपाओआन ओसो थांगकू लोप्पा) अलग-अलग घेराव कीतांग अनि दक्षिण ओसो

पश्चिम बगिल वित्तला हियवा हरीं बंद कीतांग। 22 दिसम्बर ते शिनपाओआन किन घेरे कीसि दुश्मन ता मुख्य ताकत (35वीं फौजी कोर हेडक्वार्टर ओसो अदिना रेंडु डिवीजन) कुन खत्म कित्ता। 24 दिसम्बर ते चांगच्याखओ पोरो कब्जा कित्ता अनि दुश्मन ता ग्यारहवी सेना ता उंदी फौजी कोर हेडक्वार्टर ओसो अदिना सात ब्रिगेड (कुल मिलेकीसि 54,000 तुकू ज्यादा सेना मत्ता) तुन पूरा खत्म कित्ता। 14 जनवरी 1949 ता थ्येनचिन ता घेराबंदी काजे तैनात कित्ता मना सेनांग दुश्मन ता गैरिजन-सेना ता कमांडर छन छांग-च्चे ना आत्मसर्पण तुकू इनकार कित्ता पेरके शहर पोरो हमला कित्ता। 29 घंटांग घमासान लड़ाई पेरके शहर किन मुक्त कीसि दुश्मन ता 1,30,000 तुकू ज्यादा गैरिजन सेना तुन खत्म कियमूडाता। अद्रममासी दुश्मन पेफिंग ते तैनात मत्ता 2,00,000 तुकू ज्यादा गैरिजन सेना मना सेना ता घेराव ते अरता अनि हिक्के-हक्के वित्ता परवा लेक्का आत्ता। अविन मना पक्ष ते कियाला कोशिशा कीतांकु जनरल फू क्वो-ई ना कमान ते मत्ता दुश्मन पेफिंग ते तैनात मत्ता पूरा गैरिजन सेना शांतिपूर्ण पुनर्गठित कियाला काजे तैयार आत्ता। 31 जनवरी ते मना सेनांग पेफिंग ते नेंगता अनि शहर ता शांतिपूर्ण मुक्ति ता ऐलान कित्ता। इद्रम पेफिंग-थ्येनचिन अभियान सफलतापूर्क समाप्त आत्ता। अद अभियान तल समुद्री हरीं तले वित्तना थांगकू ता गैरिजन सेना ता 50,000 तुकू ज्यादा दुश्मन सेना किन विडचसी क्वोमिंगतांग ता कुल 5,20,000 तुकू ज्यादा सेना किन खत्म कित्ता मंता। लेवेके अविना पुनर्गठन कित्ताद मंता। सितम्बर 1949 ते स्वेय्वान प्रांत लोप्पा तैना मत्ता क्वोमिंगतांग सेनांग चिद्री हीसी विद्रोह कीसि जनता ना पक्ष ते वासी कलियतांग अनि तम्मा पुनर्गठन काजे तैयार आतांग इंजी ऐलान कीतांग।

2. इगा “दक्षिण-पश्चिम” इत्तेके नानखओ ता दक्षिण-पश्चिम इलाका।
3. सितम्बर 1948 ते पेफिंग-ल्याओनिंग रेलवे पोरो वायना ईश्येन, चिनचओ, नितशी, शिंगछंग, स्वेइचुंग, शानहाएक्वान, ल्वानश्येन ओसो छांगली पोरोल ता जागा ने दुश्मन सेना किन तम्मा मोर्चा किन सुडला कीसोरे केंद्रित कीयाना तुकू रोमी कियाला काजे अद रेलवे गरें-गरें ता इलाकांग लोप्पा कार्याही कीयाना मना उत्तर-पूर्वी युद्ध सेना मुन्ने तम्मा सेना ता उंदी हिस्सा किन इस्तेमाल कीसि इव जागा ना दुश्मन यूनिट कुन घेराव की उंदी दूसरा तल अलग कित्ता अनि पेरके उंदी-उंदी कीसि ओरकिन खत्म कीयाना तरीका लागू कित्ता।

# तू ख्वी-मिंग ओसो बाकी लोकरु किन आत्मसमर्पण कियाला काजे प्रेरित कीयाना संदेश<sup>\*1</sup>

17 दिसम्बर 1948

जनरल तू ख्वी-मिंग, जनरल छ्यू छिंग-छवेन, जनरल ली मी ना कमान ते मत्ता रेंडु सेनांग ना पूरा फौजी कोर, ब्रिगेड ओसो रेंजीमेंट कमांडर लोर:

15 तारीख ते नरका ह्वांग वेइ ना सेना पूरा खत्म कित्ताद मंता, ली येन-ल्येन ना सेना मैदान विड़चसी दक्षिण बगिल वित्तिता, हंजी अदिन कलियला इनपड़े आल्सनायो। मीटू घेराव देहची पेसला आल्सा मंतिरा? मीटू बचेमासी बद्रम वित्ता परंतिर? हत्ता उचुक दिथ्यंग मीटू बचेमासी वित्तला पूरा कोशिश कीतिर मति पैसा परतिरा? मीवा हवाई जहाज ओसो टैंक वेने अंगडम आतांग। मावागा मीकिनकु ज्यादा हवाई जहाज ओसो टैंक मंतांग (इत्तेके तोपखान ओसो गोला-बारूद) इविन जनता देसी हवाईजहाज ओसो टैंक इंजी इंता। इद मीवा विदेशी हवाई जहाज, टैंक तुकू दस गुना ज्यादा शक्तिशाली हिल्ले या? मीवा सेना सुन ख्वान-ल्यांग ना कमान ते मत्ता सेना खत्म आत्ता इंजे मीवा रेंडु सेनांग ना पिस्ता सेना घायल आत्ता लेवेके बंदी कित्ताद मंता। श्वीनओ ता अलग-अलग संगठन कुना वेल्ले अंगडम ता लोकरु ओसो वेल्ले नौजवान विद्यार्थिर् किन मीटू पोयसी तत्तिर अनि जबरदस्ती मीवी सेना ते शामिल कीतीर, इद्रमतोर बद्रम

---

<sup>1</sup> \* मध्यवर्ती मैदान ओसो पूर्वी चीन जन मुक्ति सेनांग ना हेडक्वार्टर तल संदेश कामरेड माओ त्सेतुंग रास्ताद मत्ता।

लड़ेमाया परितोर? दस तुकू ज्यादा दिव्यंग मीटू उंदी चक्रव्यूह लोप्पा फंसेमासी मंतिर, उंदी पेरके उंदी गोड्डेल देब्बा तिंदा मंतिर अनि मीवा एरिया वेल्ले कम आत्ता। मीवगा दस वर्ग ली तुकू उचुने ज्यादा एरिया मंता। मीवा सब्बे लोकरु इचोन कम जागा ते जमा आसी मत्तांकु मावा उंदे गोला मीवा वेल्ले लोकरु किन खत्म किया परिता। मीवा घायल सैनिक, परिवार (फौज संगे मत्ता) मीवी पिस्वल काजे भगवान तल प्रार्थना किया मंता। मीवा सैनिक ओसो वेल्ले अफसर लोरा लोप्पा इंजे ज्यादा लड़ेमायना ताकत हिल्ले। डिप्टी कमांडर-इन-चीफ ना रूप ते सेनांग, फौजी कोर, ब्रिगेड ओसो रेजीमेंट कुना कमांडर लोरा लेक्का मीटू मीवा कमान ते मत्तोर किन ओरा परिवार कुन समझेमायना अनि ओरकिन जीवा कीयाना ओरा पिस्वल ता सम्मान कीयाना जल्दी-जल्दी ओरा काजे हरीं परहकना, अंगडमे होमूर तिके दोबमाटू।

इंजे ह्वांग वेइ ना सेना पूराए खत्म आत्ताद मंता। ओसो ली येन-ल्येन ना सेना पंगपू बगिल वित्तता, माटू मीवा ताकत तुकू बचोनो गुना ज्यादा बेहरा हमला किया परितोमा। इंजे माटू सिर्फ 40 दिव्यंगे लड़ेमातोम माटू ह्वांग पो-थाओ ना कमान ता 10 ब्रिगेड, ह्वांग वेइ ना कमान ते 11 ब्रिगेड, सुन ख्वान-ल्यांग ना कमान ते 4 ब्रिगेड, फंग च-आन ना कमान 4 ब्रिगेड, सुन ल्यांग-छंग ना कमान ते 2 ब्रिगेड, ल्यू रु-मिंग ना कमान ते 1 ब्रिगेड, सूश्येन ते मत्ता 1 ब्रिगेड ओसो लिंगपी ते मत्ता 1 ब्रिगेड ता कुल 34 ब्रिगेड कुन पोहताद मंता। तीना लोप्पटल मावा सेना 27.5 ब्रिगेड कुन पूराए खत्म कित्ता, सिर्फ हो ची-फंग, चांग ख-श्या ना नेतृत्व ते 3.5 ब्रिगेड ओसो ल्याओ युन-चओ ना नेतृत्व ते 1 ब्रेगेड (विद्रोह कीसि मना बगिल वासी कलियता), सुन ल्यांग-छंग ना नेतृत्व ते 1 ब्रिगेड ओसो चाओ पी-क्वान, ह्वांग चि-ह्वा ना नेतृत्व 2 अर्ध-ब्रिगेड (आत्मसमर्पण कीतांग) कुना कमी मत्ता।<sup>2</sup> ह्वांग पो-याओ, ह्वांग वेइ, सुन ख्वान-ल्यांग ना कमाल ते मूंड सेनांग ना बाताल आत्तायो मीटू मीवा कोंडा ते हूइतिरे। मीटू छांगछुन ता जनरल चंग तुंग-क्वो ना उदाहरण ते ओसो फौजी कोर कमांडर सुन ल्यांग-छंग ओसो ब्रिगेड कमांडर चाओ पी-क्वांग, ह्वांग चि-ह्वा ना इंजेटा उदाहरण



तल सबक एतसी मीवा सब्बे सेना किन तुरंत हथियार वाटसी प्रतिरोध बंद कियाला आदेश हियाना। मना सेना मीकिन (उच्च पद, सब्बे अफसर, सैनिक) लोरा सुरक्षा, पिस्वल ता गारंटी हियारा। मीवा मुन्ने इदे उंदी हरीं मंता। इदिना बारे ते मीटू आल्साटु! मीटू सही समझेमाते इदिना अनुसार अमल कीमूटा। मीटू इंजे वेने लड़ाई ता ओसो उंदी चरण ताकी कियाला आल्ससोर मत्तेके लड़ेमायमूट मति बद्रम कीसि आई मीटू खत्म आयकिर इंदानदु सुरता तासाटू<sup>3</sup>

मध्यवर्ती मैदान जन मुक्ति सेना (पीएलए)

ता हेडक्वार्टर

पूर्वी चीन जन मुक्ति सेना (पीएलए)

ता हेडक्वार्टर

## नोट

1. क्वोमिंगतांग ता तीसरा क्रांति स्थापना इलाका ता डिप्टी कमांडर हो ची-फंग ओसो चांग ख-ल्या, ह्वाए-हाए अभियान ता पहली चरण ते 8 नवम्बर 1948 ते श्री चओ ता उत्तर-पूर्व ते मत्ता च्यायांग इलाका लोप्पा क्वोमिंगतांग खिलाफ विद्रोह कित्तोर। अनि 1 फौजी कोर हेडक्वार्टर, 3 ब्रिगेड, 1 रेजीमेंट ता कुल 20,000 तुकू ज्यादा सैनिक लोर किन पोयसी जन मुक्ति सेना (पीएलए) ते कलियतोर। क्वोमिंगतांग ता 85वी फौजी कोर ता 11वी ब्रिगेड ता कमांडर ल्याओ युन-चओ, ह्वाए-हाए अभियान ता दूसरा चरण ते 27 नवम्बर 1948 ते आनह्वेइ प्रांत ता सूश्येन ता दक्षिण-पश्चिम ते मत्ता लोची पोरोल ता जागा ते क्वोमिंगतांग खिलाफ विद्रोह कित्तोर अनि तन्ना ब्रिगेड ता हेडक्वार्टर, रेंडु रेजीमेंट कुना कुल 5,500 सैनिक लोर किन पोयसी जनमुक्ति सेना ते शामिल आतोर। क्वोमिंगतांग ता पहली शांति-स्थापना इलाका ता डिप्टी कमांडर, 107वी कोर ता कमांडर सुन ल्यांग-छंग, ह्वाए-हाए अभियान ता पहली चरण ते, 13 नवम्बर 1948 ते च्यांगसू प्रांत ता स्वेइतिंग ता उत्तर-पश्चिम ते तन्ना कोर ता हेडक्वार्टर, 1 ब्रिगेड ता कुल 5,800, सैनिक पोयसी जन मुक्ति सेना (पीएलए) मुन्ने वासी आत्मसमर्पण कित्तोर। क्वोमिंगतांग, ह्वाए-हाए अभियान ता पहली चरण ते 18 नवम्बर 1948 ते श्यांगसू प्रांति ता श्रीचओ ता पूर्व ते मत्ता च्येनल्यांग इलाका लोप्पा तन्ना पिस्ता सेना ता 2000 तुकू ज्यादा सैनिक लोर किन पोयसी जन मुक्ति सेना (पीएलए) मुन्ने आत्मसमर्पण कित्तोर। क्वोमिंगतांग ता 85वी फौजी कोर ता 23वी ब्रिगेड ता कमांडर ह्वांग चि-ह्वा, ह्वाए-हाए अभियान ता दूसरा चरण

ते दिसम्बर 1948 ते आनह्वेइ ओसो तन्न 2 रेंजीमेंट कुना पिस्ता हिस्सा किन पोयसी जनमुक्ति सेना मुन्ने आत्मसमर्पण कित्तोरा

2. 1947 ता हिरगम तल उत्तर-पूर्व ता जनमुक्ति सेना छांगछुन शहरकिन घेराव कित्तोरा मना सेना चिनचओ पोरो कब्जा कित्ता पेरके उत्तर-पूर्व ता सब्बे दुश्मन सेना पेरके-मुन्ने आसोर मत्तास्के छांगछन ते मत्ता क्वोमिंगतांग ता सर्वोच्च कमांडर, क्वोमिंगतांग ता उत्तर-पूर्व “डाकू-दमन” हेडक्वार्टर ता डिप्टी कमांडर-इन-चीफ चंग तुंग-क्वो 19 अक्तूबर 1948 ते पहली सेना ता सीधा कमान ते ताकना सेक्शन ओसो पूना सातवी फौजी कोर ता सब्बे अफसर, सैनिक लोरकिन पोयसी आत्मसमर्पण कित्तोरा

3. इद संदेश दोरकता पेरके वेने क्वोमिंगतांग ता श्रीचओ “डाकू-दमन” हेडक्वार्टर ता डिप्टी कमांडर-इन-चीफ तू य्वी-मिंग, क्वोमिंगतांग ता दूसरा सेना ता कमांडर छ्यू छिंग-छवेन ओसो क्वोमिंगतांग ता 13वी सेना ता कमांडर ली मी वेल्ले जिद् पोयसी प्रतिरोध जारी तासतोरा अद्रमसी मना सेना ता शक्तिशाली हमला संगे ओरा पूरा सेना खत्म आत्ता। तू य्वी-मिंग बंदी बनेमातोरा, छ्यू छिंग-छवेन डोलतोरा सिर्फ ली मीए मैदान विडचसी वित्तितोरा

# क्रांति आखरी एवनल ताकी कीयाना\*<sup>1</sup>

30 दिसम्बर 1948

महान मुक्ति युद्ध लोप्पा आखरी जीत चीनी जनता किने दोरकियर। इदिना बारे ते इंजे मना दुश्मन किन वेने बदे डारुट हिल्ले।

युद्ध विंकोवंको हरीं पोयसी ताका मंता। प्रतिक्रियावादी क्वोमिंगतांग सरकार प्रतिक्रांतिकारी युद्ध शुरू कित्तास्के क्वोमिंगतांग सेना जन मुक्ति सेना (पीएलए) तुकू साढ़े तीन गुना ज्यादा मत्ता, अदिना फौजी साजो-सामान, मानव-शक्ति ओसो भौतिक साधन-स्रोत जन मुक्ति सेना (पीएलए) तुकू बचोनो ज्यादा मत्ता, तानगा आधुनिक उद्योग ओसो आधुनिक कम्युनिकेशन-साधन मत्तांग, जन मुक्ति सेना (पीएलए) तुकू इव सब्बे ना कमी मत्ता, अदिन अमेरिका साम्राज्यवाद तले बेहरा संख्या ते फौजी, आर्थिक सहायता दोरकसी मत्ता अनि वेल्ले जोम युद्ध ता तैयारी कीसि मत्ता। अद्रमासी युद्ध ता पहली साल (जुलाई 1946—जून 1947) क्वोमिंगतांग आक्रमण कीसोर मत्ता अनि जन मुक्ति सेना (पीएलए) तन्ना रक्षा कीसोर मत्ता। 1946 ते क्वोमिंगतांग उत्तर-पूर्व चीन लोप्पा शनयांग, सफिंग, छंगछुन, चीलिन, आनतुंग ओसो उचुक शहर कुना पोरो अनि ल्याओनिंग, ल्याओपेइ ओसो आनतुंग प्रांत<sup>1</sup> ता ज्यादातर हिस्सा पोरो कब्जा कीतोर: पीली बेरइ ता दक्षिण ते, ह्वाएइन, होत्से ओसो बाकी शहर कुना पोरो, हुपे-हनान-आनह्वेइ, च्यांगसू-आनह्वेइ, हनान-आनह्वेइ-च्यांगसू ओसो दक्षिण-पश्चिम शानतुंग ता मुक्त इलाकांग ना ज्यादातर हिस्सांग पोरो कब्जा कित्ता, लम्बा दिवाब ता उत्तर ते छंगते, चीनिंग, चांगच्याखओ ओसो बाकी शहरकु अनि जहोल, स्वेय्वान ओसो छाहाइ प्रांत ता

<sup>1</sup> इदु 1949 पूना साल ता संदेश आंदू, इदिन कामरेड माओ शिनह्वा समाचार एजेन्सी काजे रासिस मत्तोर।

ज्यादातर हिस्सांग पोरो कब्जा कित्ता। क्वोमिंगतांग ता घमंड वेल्ले बेर्सता। जन मुक्ति सेना (पीएलए) सही रणनीति लागू कीसि तन्ना मुख्य उद्देश्य या इलाका पोरो कब्जा कीयाना आयवा क्वोमिंगतांग ता प्रभावकारी ताकत कुन नष्ट कीयाना, हर महीना क्वोमिंगतांग ता नियमित सेना ता औसतन 8 ब्रिगेड (नेंडु 8 रेंजीमेंट कुना बराबर) नष्ट कित्ता। अदिन काजे आखरी ते क्वोमिंगतांग किन मजबूर आसी नालुंग बगिल आक्रमण कीयाना योजना विडसा लागता। 1947 ता पहली 6 महीनांग ना आक्रमण ता मुख्य निशाना किन दक्षिण मोर्चा ते रेंडु बगिल इत्तेके शानतुंग ओसो उत्तरी शेनशी एवनले सीमित तासा लागता। दूसरा साल (जुलाई 1947-जून 1948) युद्ध लोप्पा उंदी बुनियादी बदलाव आत्ता। क्वोमिंगतांग ता नियमित सेना ता बेहरा संख्या खत्म कित्ता पेरके जन मुक्ति सेना (पीएलए) दक्षिण ओसो उत्तरी मोर्चा ते रक्षा ता जागा ते आक्रमण शुरू कित्ता। अनि क्वोमिंगतांग किन आक्रमण ता जागा ते रक्षा शुरू किया लागता। जन मुक्ति सेना (पीएलए) सिर्फ उत्तर-पूर्वी चीन, शानतुंग ओसो उत्तरी शेनशी ते तम्मा पोहता ज्यादातर इलाकांग किन दुबारा दोरकी कित्ता। इदे आयवा लडाई ता मोर्चा किन यांगत्सी बेरेड ओसो वेइश्चेंग बेरेड ता उत्तर ते फैलमासी मत्ता क्वोमिंगतांग शासित इलाकांग एवनले विस्तार कित्ता। संगेने शच्याच्चांग, युनछंग, सफिंग, लोयांग, ईछवान, पाओची, वेइश्येन, लिनफन ओसो खाएफंग पोरो हमला ओसो कब्जा कीयानास्के मना सेना बेहरा मोर्चाबंदी वाले जागा पोरो हमला कीयाना कार्यनीति बेसे करियता।<sup>2</sup> जन मुक्ति सेना (पीएलए) तन्ना तोपखान फौज ओसो इंजीनीयर कोर बने कित्ता। जन मुक्ति सेना (पीएलए) तिगा हवाई जहाज लेवेके टैंक हिल्ला मत्तादु मरंगनायो। मति जन मुक्ति सेना (पीएलए) तोपखाना फौज ओसो इंजीनीयर कोर बने कित्तास्के क्वोमिंगतांग तुकू बचोन बेस बनेमाता। अद्रमासी जन मुक्ति सेना (पीएलए) मुन्ने क्वोमिंगतांग ता प्रतिरक्षा व्यवस्था ओसो हवाई जहाज, टैंक वेने सुडला दिसतांग। जन मुक्ति सेना (पीएलए) इंजे सिर्फ चलायमान युद्धे आयवा मोर्चाबद्ध युद्ध वेने किया परसोर मत्ता। युद्ध ता तीसरा साल ता पहली 6 महिनांग (जुलाई-दिसम्बर

1948) ते ओसो उंदी बुनियादी बदलाव आत्ता। जन मुक्ति सेना (पीएलए) ता संख्या वेल्ले जोम कम मत्ता, मति इंजे संख्या वेने बेरसता। अदु सिर्फ क्वोमिंगतांग ता बेहरा मोर्चाबंदी वाले शहर कुना पोरोने आयवा क्वोमिंगतांग ता मजबूत ओसो बेसता फौजी यूनिट कुन एक लाख (बचोनो लाख संख्या वेने) संख्या तुन उंदी बेरा घेरे कीसि नष्ट किया परिंता। बद स्पीड ते जन मुक्ति सेना (पीएलए) क्वोमिंगतांग फौज किन नष्ट किया मंता, अदु वेल्ले तेज आत्ता। उचुन क्वमिंगतांग ता बटालियन कुना स्तर ते ओसो तानकिनकु बेहरा स्तर ता माटू खत्म कित्ता नियमित फौजी यूनिट कुना आंकड़ा पोरो कोंडा वाटटू (तीना लोप्पा दुश्मन ता विद्रोह कीसि मना बगिल वात्ता फौज वेने शामिल मंता)। मुन्नेटा साल 97 ब्रिगेड किन नष्ट कित्ता, (तीना लोप्पा 46 ब्रिगेड कुन पूराए खत्म कियमूडाता), दूसरा साल 94 ब्रिगेड किन नष्ट कित्ता, तीना लोप्पा 50 ब्रिगेड पूराए खत्म आतांग, तीसरा साल ता पहली 6 महिनांग लोप्पा पिस्ता आंकड़ा अनुसार 147 ब्रिगेड किन खत्म कियमूडाता, अविना लोप्पा 111 ब्रिगेड पूराए खत्म आतांगा<sup>3</sup> इव 6 महिनांग लोप्पा दुश्मन ता पूराए खत्म कित्ता ब्रिगेड कुना संख्या मुन्नेटा रेंडु साल लोप्पटा कुल संख्या तुकू 15 ज्यादा मत्ता। रणनीतिक रूप ते दुश्मन ता पूरा मोर्चा पूराए मुटता। उत्तर-पूर्वी चीन लोप्पा दुश्मन ता फौजकुन पूराए खत्म कित्ता, उत्तरी चीन लोप्पा अविन जल्दिए खत्म कियमूडाया, पूर्वी चीन ओसो मध्यवर्ती मैदान ते दुश्मन ता उचुन फौजकु बाकी मंतांग। यांगत्सी बेरेड ता उत्तर ते क्वोमिंगतांग ता मुख्य सेनांग किन खत्म कितांकु जन मुक्ति सेना (पीएलए) ता यांगत्सी बेरेड वेंडसी दक्षिण बगिल हत्तांकु चीन किन मुक्त कियाला काजे वेल्ले अनुकूल परिस्थिति पुटता। चीनी जनता फौजी मोर्चा ते जीडना संगे-संगे राजनीतिक मोर्चा ओसो आर्थिक मोर्चा पोरो वेने महान जीत दोरकी कित्ता। अदिन काजे पूरा दुनिया ता लोकमत तैयार कीयाना जनता (पूरा साम्राज्यवादी प्रेस वेने शामिल मंता) इंजे चीनी जनता ना मुक्ति युद्ध ता जरूरत देशव्यापी जीत किन बदे डावुट हिल्ला समझेमांता।

दुश्मन खुद नष्ट आया परवो। चीनी प्रतिक्रियावादी ओसो चीन लोप्पा अमेरिका साम्राज्यवादी हमलांग तन्ना-तन्नाए इतिहास ता मंच तल दोड़ रेय्योग आयनुंग। अवु राजनीतिक संघर्ष किन दिय्या-दिय्या तुक ज्यादा से ज्यादा महत्व हिया मंतांग बारांकु इत्तेके चीनी जनता ना मुक्ति युद्ध ता देशव्यापी जीत किन इंजे सिर्फ फौजी संघर्ष संगे ने रोमी किया परमूडायो। चीनी प्रतिक्रियावादी ओसो अमेरिका हमलावर उंदी बगिल वर्तमान क्वोमिंगतांग सरकार किन तम्मा “शांति” ता साजिश काजे इस्तेमाल किया मंतोर, दूसरा बगिल ओरु क्रांतिकारी ओसो तम्मा संगे संबंध मत्ता लोकरा इस्तेमाल कीयाना साजिश किया मंतोर अनि ओरकिन कुशलता ते काम कीयाना, क्रांतिकारी ग्रुप ते नेंगना कोशिश कीयाना ओसो अद ग्रुप लोप्पा विरोधी गुट बनेकियाला काजे भडके कीयाना मंतोर। इद्रम कीसि प्रतिक्रियावादी ताकत कुन बचे कीयाना अनि क्रांतिकारी ताकत कुन खत्म कियाला आल्सा मंतोर। विश्वासनीय सूचना अनुसार, अमेरिका सरकार इद्रम ता साजिश किया मंता ओसो चीन लोप्पा अदिन अमल कीयाना वेने शुरू आत्ता। अमेरिका सरकार सिर्फ क्वोमिंगतांग ता प्रतिक्रांतिकारी युद्ध ता समर्थन कीयाना तन्ना नीति किन रेंडु रकम ता संघर्ष ताकी कीयाना नीति ते बदले कीता:

1. यागंत्सी बेरेड़ ता दक्षिण ते ओसो दूरवर्ती सीमान्त इलाका लोप्पा जन मुक्ति सेना (पीएलए) ता विरोध जारी तासला काजे क्वोमिंगतांग ता सशस्त्र सेनांग ना पिस्ता अंश कुन आसो स्थानीय ताकत कुन संगठित कीयाना,

2. क्रांतिकारी ग्रुप लोप्पा विरोधी गुट किन संगठित कीसि क्रांति किन रोमी कीयाना, लेवेके अदु मुन्ने हत्तेके अदिन तीरम कीयाना अनि साम्राज्यवाद ओसो ओरा पालतू नैयकुना हित किन ज्यादा नुकसान आयवा लेक्का हूडना।

ब्रिटिश ओसो फ्रांस साम्राज्यवाद, अमेरिका नीति ता समर्थन कित्तोर। वेल्ले लोकर इंजे एवनल इद परिस्थिति किन स्पष्ट हूडा परताद

हिल्ले मति ओरु इद परिस्थिति किन स्पष्ट हूइला ज्यादा टाईम वाटोर आयनूर।

नेंडु चीनी जनता मुन्ने, सब्बे जनवादी पार्टिंग ना मुन्ने ओसो सब्बे जन-संगठन कुना मुन्ने क्रांति किन आखरी एवनल ताकी कीयाना या नडमाए विडसना इंजी सवाल पुट्टा मंता। क्रांति किन आखीर एवनल ताकी कीतेके माटू क्रांतिकारी तरीका ते सब्बे प्रतिक्रियावादी ताकत कुन दृढ़ता ते समग्र रूप ते ओसो सम्पूर्ण रूप ते खत्म किया लागियर, माटू साम्राज्यवाद, सामंतवाद ओसो नौकरशाह-पूंजीवाद किन तेहकसी वाटला काजे अविचल रूप ते नितसी मंदा लागियर, माटू पूरा देश लोप्पा क्वोमिंगतांग प्रतिक्रियावादी शासन ता तख्ता पलट कीसि सर्वहारा वर्ग नेतृत्व ते मजदूर-किसान एकता किन मुख्य अंग बने कीसोरे उंदी जनता ना जनवादी तानाशाही मत्ता गणराज्य ता स्थापना कीयाना। इद्रम चीनी राष्ट्र उत्पीड़न किन पूराए तेहकसी वाटियर, मना देश उंदी अर्ध-उपनिवेश तल बदलेमासी असल ते स्वाधीन राज्य बनेमायार, चीनी जनता सामंती उत्पीड़न ओसो नौकरशाही-पूंजी (चीनी इजारेदार पूंजी) ता उत्पीड़न किन मोदोल तिंची तेहकसी पूर्ण रूप ते मुक्त आयार अनि एकीकरण ओसो जनवाद पोरो आधार आसी शांति दोरकी कियर। चीन किन उंदी कृषि-प्रधान देश तल उंदी औद्योगिक देश लेक्का बने कियाला काजे जरूरी परिस्थितिंग तैयार आयर मानेय, मानेय ना शोषण कीयाना समाज तल समाजवादी समाज लेक्का विकसित आयना संभावना आयर। क्रांति किन नडुम हरदे विडसतेके जनता ना लक्ष्य विरुद्ध काम कीयाना लेक्का आयर, विदेशी हमलावर ओसो चीनी प्रतिक्रियावादिरा लक्ष्य मुन्ने तल्ला वरिहता लेक्का ओसो क्वोमिंगतांग किन तम्मा नोमुर निहतना मौका हियाना लेक्का आयर। इद्रम उंदी दिव्या क्रांति तन्नाए खत्म आयर अनि ओसो उंदी बेरा पूरा देश किन हीकट ते दोबसियार। इद सवाल नेंडु बचोन स्पष्ट ओसो सूक्ष्म रूप ते दिस्सा मंता। इव रेंडासीना लोप्पा बद हरीं चुने कीयाना? चीन ता हर जनवादी पार्टी किन हर जनसंगठन इव सवाल कुना पोरो विचार कीयाना, तम्मा हरीं चुने कीयाना अनि रुख स्पष्ट किया

लागियर। चीन ता जनवादी पार्टिंग ओसो जन संगठन कु नइमाए उंदी दूसरा संगे जीवा कीसि एकता किया परिंता या परवो इंदानदु ओरु इद सवाल पोरो उंदी राय ते मंतोरा हिल्लेर इंदाना ओसो चीनी जनता ना दुश्मन किन तेहकसी वाटला काजे उंदी राय आसी कार्रवाई किंता या कीवो इंदाना पोल्लो पोरो आधार आसी मंदिंता। इगा उंदी राय ओसो एकता ता जरूरत मंता, बदे “विरोधी गुट” बने कीयाना लेवेके बदे “मध्यम मार्ग”<sup>4</sup> लागू कीयाना जरूरत हिल्ले।

12 अप्रैल 1927 ता प्रतिक्रांतिकारी क्रांति तल नेंड एवनल 20 साल तुकू ज्यादा टाईम कालम लोप्पा चीन ता प्रतिक्रियावादिर (च्यांग कार्ई-शेक लेक्काटोर) लोकुरा जीवा हिल्ला लेक्का नेतुर पोंगी कित्ताद हिल्लेया? ओरु पेशेवर देशद्रोही ओसो साम्राज्यवाद ता पेशेवर पालतू नैकु आयोरा? केंजाटू! ओरा संगे अंदरूनी शांति स्थापना कियाला काजे चीनी जनता दिसम्बर 1936 ता शीआम घटना तल अक्तूबर 1945 ते छुंगकिंग वार्ता ते जनवरी 1946 ता राजनीतिक सलाहकार सम्मेलन तल डाकू लोरा पोरो बचोन नरम व्यवहार किया मंता। मति इद्रम आल्सतांकु ओरा वर्ग-स्वरूप उचुन वेने बदलेमाता या? इद्रम ता डाकू लोरा इतिहास वीरा लोप्पाटल वरोर किन वेने अमेरिका साम्राज्यवाद तल अलग किया परमूडायो इंजी साबित कित्ता। वीरु अमेरिका साम्राज्यवाद पोरो आधार आसी मना 47 करोड़ 50 लाख देशवासिर किन क्रूरतापूर्वक गृहयुद्ध लोप्पा वाटता या लेवेके हवाई बमबारी, लडाकू विमान, तोप, टैंक, राकेट लांचर, आटो राइफल, गैसोलीन-बम, गैस-बम ओसो बाकी हथियार कुना संगे (इविना सप्लाई अमेरिका साम्राज्यवाद कित्ता) दसियों लाख महिला-पुरुष, पिल्ला-पेकोर, सेडो-मुयतोर किन हौकतोर। इद्रम डाकू लोरा पोरो आधार आसी अमेरिका साम्राज्यवाद चीन ता भूमि, समुद्र ओसो आकाश पोरो अधिकार कित्ता। लोप्पटा समुद्री जाहज उद्योग ना अधिकार ओसो वाणिज्य ता विशेषाधिकार किन दोरकी कित्ता, चीन ता स्थानीय मुद्दांग ओसो विदेशी मुद्दांग लोप्पा विशेषाधिकार दोरकी कित्ता। इदे आयवा लोकुर किन हौकना, ओरकिन मोटर-कार संगे पोच्चांग कीयाना ओसो



महिला लोरा संगे बलात्कार कीयाना ओसो इव सब्बे ना काजे सजा आयवा मंदाना विशेषाधिकार दोरकीह कित्ताद मंता। चीनी जनता (दीर्घकालीन ओसो नेतुर लड़ाई कियाला काजे मजबूर कित्ताद मंता) इद क्रूर दुश्मन पोरो इंजे वेने जीवा कीसि नरम व्यवहार कीयाना या? अदिन पूराए नष्ट कीयाना लेवेके पूंडसियानायो या? सिर्फ चीनी प्रतिक्रियावादी किन पूरा नष्ट कीसि अमेरिका साम्राज्यवाद ता हमलावर किन पूंडसिए चीन स्वाधीनता, जनवाद ओसो शांति दोरकी किया परिंता। इद सच्चाई इंजे एवनल वेल्ले स्पष्ट आत्ताद हिल्ले या?

चीनी जनता ना दुश्मन मोक्कम कावता लेक्का (पाठक लोर, वायना कालम ते ओसो इद दुश्मन मोक्कम काविह कीयाना कोशिश कियार इंजी सुरता तासना) कीयाना पूरा कोशिश किया मंता। सुन ख, इंजे क्वोमिंगतांग ता कार्यकारी य्वान ता प्रेसीडेंट बनेमातोर, हत्ता साल जून ते “माटू फौजी लड़ाई आखरी एवनल जारी तासतेके हल जरूर आयर” इंजी ऐलान कित्ताद हिल्ले या? मति इंजे तन्ना पद ग्रहण कीयानास्केने ओरु “सम्मानपूर्वक शांति” ता मिंगता-मिंगता पोल्लोंग कीयाना शुरू कित्तोर अनि “सरकार शांति ता कोशिश किया मंता, अदिन सिर्फ शांति स्थापना किया परमूडायोए इंजी लड़ाई किया लागो आत्ता, अदु तन्ना आखरी उद्देश्य इंजे वेने शांति स्थापित कीयानाए मंता, अदिन काजे लड़ाई किया लागता।” ताना तुरंत पेरके 21 दिसम्बर ते शांघाई तल यूनाइटेड प्रेस सुन ख ना ब्यान किन “अमेरिका सरकारी इलाका लोप्पा ओसो क्वोमिंगतांग ता उदारपंथिरा वेल्ले व्यापक समर्थन दोरकियर” इंजी समाचार हीता। इंजे अमेरिका अफसर सिर्फ चीन ता “शांति” लोप्पा ने आयवा सोवियत संघ, अमेरिका, ब्रिटिश ता विदेश मंत्रिा दिसम्बर 1945 ते आत्ता मास्को सम्मेलन तले अमेरिका, “चीन ता अंदरूनी मुद्दांग लोप्पा दखल हियाना नीति” तुन गंभीर रूप ते पालन कीयानादिन वेने तोहिंतोर। “शरीफ लोरा मुल्कि” ता वीर महान लोकुरा संगे बद्रम व्यवहार कीयाना? इगा उंदी प्राचीन यूनानी नीति बने कीयाना सही आयार। “हिरंगम ते उंदी दिव्या वरोर किसान किन उंदी तरस दिसता, अदु हिरंगम ते सांगसोर मत्ता। ओना

जीवा नोता, ओरु तरस तुन तेहची एत्तितोरा। मेंदुल कासिहतांकु तरस होश ते वात्ता अदिना स्वाभाविक रुझान चेतमाता अनि अदु मदद कियानोनके कसकसी हौकता। किसान डोल्लनास्के ‘उंदी खतरनाक जानवर पोरो जीवा कीयाना ता सजा नाकिन दोरकता’ इत्तोर”<sup>12</sup> विदेशी ओसो चीनी जहरीला तरसकु चीनी जनता ओर किसान ना लेक्का ने डोलियर अनि चीनी कम्युनिस्ट पार्टी ओसो सब्बे चीनी क्रांतिकारी जनवादी मानेय किसान लोराए लेक्का जहीरला तरस पोरो जीवा कीसि पेश आयनूर इंजी आल्लसंतोरा। मति चीनी जनता, चीनी कम्युनिस्ट पार्टी ओसो चीन ता सच्चा क्रांतिकारी जनवादी लोकुर और मेहनतकश ना आखरी माटा केंजतोर अनि बेसे सुरता तासिस मंतोरा। चीन ता ज्यादातर हिस्सांग लोप्पा जमा आत्ता तरस बचोन बेहरा मत्तेकाई, सुडला मत्तेकाई, कारियल मत्तेकाई, पांडरी मत्तेकाई जहरिला फन तेहनाई लेवेके वेल्ले सुंदर दिस्सनाद आई इंजे एवनल हिरंगम ते सांगताद हिल्ले। मति इंजे ओरकिन हिरंगम कालम गरे एवनदु समझेमाया मंता।

चीनी जनता तरस लेक्कटा खतरनाक मत्तोर। पोरो बस्केने जीवा कीवो। अदु वेल्ले जीवा कीसि लज्जा हिल्वा लेक्का इद्रम ता खतरनाक जीव कुना पोरो जीवा कीयाना वेहनोर चीनी जनता ना दोस्ता आया परवोर इंजी मानेमांता। इद्रम तोरा संगे दोस्ती कीयाना चीन परम्परा ता खिलाफ आयर, चीन ता महानता कम आयर इंजी मानेमांता। तरस लेक्काटा खतरनाक जीव पोरो बद्रम जीवा कीयाना? बोर मजदूर, बोर किसान, बोर सैनिक इद्रम खतरनाक जीव पोरो जीवा कीयाना इंजी वेहितोर? उचुन “क्वोमिंगतांग उदारपंथी” ओसो गैर क्वोमिंगतांग “उदारपंथीर” चीनी जनता किन अदु अमेरिका ओसो क्वोमिंगतांग पेश कीयाना “शांति” किन स्वीकार कीयाना, इत्तेके साम्राज्यवाद, सामंतवाद ओसो नौकरशाही पूंजीवाद ता पिस्ता अंश किन कीमती वस्तु लेक्का मानेमासी पूजा कीयाना इंजी सलाह हींतोरा। मति मजदूर, किसान, सैनिक हिल्लेर ओसो न मजदूर, किसान ओसो सैनिक लोरा दोस्त आंदुरा।

माटू चीनी जनता ना क्रांतिकारी ग्रुप ता विस्तार कीयाना अनि तीना लोप्पा वर्तमान चरण ते क्रांतिकारी काम लोप्पा हिस्सा एतला तैयार मत्तोर किन शामिल कीयाना। चीनी जनता ना क्रांतिकारी कार्य किन उंदी हिरावल दस्ता ता जरूरत मंता, संयुक्त मोर्चा ता जरूरत मंता, बारांकु इत्तेके बिना संयुक्त मोर्चा हिल्वा बदे फौज दुश्मन किन हारे किया परवो। इंजे क्रांति तेज आयनास्के चीनी जनता किन दोस्त लोरा जरूरत मंता ओसो ताना दोस्त लोर सुरता तासना, ओरकिन मरंगनायो। चीन लोप्पा बदे डावुट हिल्वा जनता ना क्रांतिकारी कार्य तुकू ईमानदार, जनता ना हित कुना रक्षा कायना कोशिश कियानोर, दुश्मन ता हित कुन रक्षा कीयाना ता विरोध कियानोर वेल्ले मंतोर। वीरा लोप्पाटल बोनकिन वेने मरंगनायो अनि बोनाए पोरो होंग आयानायो। संगेने माटू चीनी जनता ना क्रांतिकारी ग्रुप तुन मजबूत कीयाना अनि ताना लोप्पा मत्ता गलत रुझान कुन वायला हियानायो, गलत विचार कुन जीडला हियानायो। इंजे क्रांति ता बेहरा स्तर ते चीनी जनता तम्मा दोस्त लोरकिन सुरता तासनाए आयवा तन्ना दुश्मन तुन वेने पक्का सुरता तासना। माटू पोरो वेहता लेक्का दुश्मन तम्मा मोर्चा तुन मजबूत कियाला काजे चालाकी ते “शांति” ता तरीका ओसो क्रांतिकारी गुट लोप्पा नेंगना तरीका लागू किया मंतोर, अनि जनता ना बुनियादी हित कुना मांग सब्बे प्रतिक्रियावादी ताकत कुन खत्म कीयाना, अमेरिका साम्राज्यवादी ताकत कुन चीन तल पूंडना इंजी मंता, अदिन काजे बोरु जनता किन दुश्मन पोरो जीवा कियाला ओसो प्रतिक्रियावादी ताकत कुन बचे कीयाना सलाह हींतोर ओरु जनता ना दोस्त आयवा दुश्मन तोरा दोस्त आंदुर।

चीनी क्रांति होंग ता उभार सब्बे सामाजिक तबकांग किन तन्ना स्टेंड पोयला काजे मजबूर किया मंता। चीन लोप्पा वर्ग-शक्ति ता संतुलन लोप्पा उंदी पूना बदलाव आया मंता। लोकुर बेहरा संख्या ते क्वोमिंगतांग ता प्रभाव ओसो नियंत्रण तल अलग आया मंतोर अनि क्रांतिकारी ग्रुप ते वाया मंतोर, चीनी प्रतिक्रियावादी बिल्कुले आशा हिल्वा लेक्का आतोर, अलग-थलग आसी मंतोर। जनताना मुक्ति युद्ध आखरी जीत गर्रे

एव्वनास्के पूरा क्रांतिकारी जनता ओसो सब्बे दोस्त ज्यादा मजबूती ते उंदी आसोर दायनूर। चीनी कम्युनिस्ट पार्टी नेतृत्व ते दृढ़ता ते उंदी आसी पूरा देश लोप्पा जनता ना जनवादी गणराज्य स्थापना आयनाजोम ओसो एकीकरण अनि जनवाद पोरो आधार आसी मंदना शांति दोरकनाजोम वेरू प्रतिक्रियावादी ताकत कुना पूर्ण रूप ते सर्वनाश ओसो क्रांतिकारी ताकत कुना पूर्ण विकास ता मांग कीसोर दायनोर। इदिना उल्टा अमेरिकी साम्राज्यवाद, चीनी प्रतिक्रियावाद ओसो ओरा दोस्त लोर मजबूती ते उंदी आया परवोर अनि हंदी हिल्ला आपसी झगड़ांग, आपसते रांगना, आपस ते आरोप वाटना ओसो आपस ते धोखा हीसोर दायनूर, मति उंदी विषय ते वरोर दूसरोना संगे एकता आयनूर इत्तेके बद्रमाई क्रांतिकारी ताकत किन नष्ट कीयाना ओसो प्रतिक्रियावादी ताकत कुन बने कीयाना कोशिश कियाला ओरु हर तरीका ता इस्तेमाल कियानूर, खुल्ला ओसो गुप्त सीधा ओसो पेरके मंजी काम कियानूर। मति ओरा राजनीतिक साजिशकुन वेने ओरा फौजी हमलांग ना लेक्काने हारेमाया लागियर। तम्मा समृद्ध अनुभव कुना कारण ते चीनी जनता ओसो अदिना जनरल स्टाफ चीनी कम्युनिस्ट पार्टी, दुश्मन ता राजनीतिक साजिश कुन वेने ओरा फौजी हमलांग ना लेक्काने तोड़यो ते काल्पियर अनि महान जनताना मुक्ति युद्ध किन आखरी एवनल ताकी कियार।

1949 ते चीनी जन मुक्ति सेना (पीएलए) यागंत्सी बेरेड़ ता दक्षिण बगिल दायर अनि 1948 तुकू ज्यादा महान जीत दोरकी कियार।

1949 ते माटू आर्थिक मोर्चा ते 1948 तुकू वेने ज्यादा महान सफलतांग दोरकी कियाकोमा मना कृषि-उत्पादन ओसो औद्योगिक उत्पादन मुन्ने तुकू ज्यादा उन्नत स्तर ते एवियर अनि रेल यातायात, सड़क-यातायात सुविधा दोरकियर। जन मुक्ति सेना (पीएलए) ता मुख्य फौजी फारमेशन तम्मा फौजी कार्रवाइंग ना उचुक पिस्ता छापामार सेना स्वरूप किन विड़सियर अनि तन्ना नियमित सेना ता रुझान मुन्ने तुकू ज्यादा उन्नत स्तर ते एवियर।

1949 ते राजनीतिक सलाहकार सम्मेलन केयना, ताना लोप्पा बोरे प्रतिक्रियावादी शामिल आयनायो, अदिन उद्देश्य जन क्रांति ता कार्य किन पूरा कीयाना, चीन लोक गणराज्य ता घोषणा कीयाना ओसो गणराज्य ता केंद्रीय सरकार ता स्थापना कीयाना मंदियर। इद सरकार चीनी कम्युनिस्ट पार्टी नेतृत्व ते उंदी जनवादी संयुक्त सरकार मंदियर ताना लोप्पा जनवादी पार्टी ओसो जन संगठन कुना उचित प्रतिनिधिर वेने शामिल आयनूर।

1949 ते चीनी जनता चीनी कम्युनिस्ट पार्टी, चीन ता सब्बे जनवादी पार्टी ओसो जन संगठनकु पूरा कियाला कोशिश कीयाना मुख्य ओसो ठोस कार्य आंदुंगा। माटू बदे वेने मुशिकल तल वेरियवा लेवा उंदी आसी इव काम कुन पूरा कियाकोम।

मना संघर्ष ताकनास्के माटू हजारों सालकुना सामंती उत्पीड़न ओसो सौ साल ता साम्राज्यावादी उत्पीड़न तुन मोदोल तिंची तेहकसी वाटाकोम। 1949 साल वेल्ले महत्वपूर्ण साल मंदियर। माटू मना कोशिश कुन ओसो ज्यादा बेरसी कीयाना।

## नोट

1. 1945 जापान ता आत्मसमर्पण पेरके क्वोमिंगतांग सरकार उत्तर पूर्व ता रुपाओनिंग, चीलिन, हेलुंगच्यांग प्रांति कुन नौ प्रांत लेक्का बंटवारा कित्ताद मत्ता: ल्याओनिंग, ल्याओपेइ, आनतुंग चीनिल, होच्यांग, सुंगच्यांग, हेलुंगच्यांग, लुनच्यांग ओसो शिंगआना। 1949 ते मना उत्तर-पूर्व प्रशासनिक कमीशन इद इलाका किन पांच प्रांत लेक्का विभाजित कित्ता। ल्याओतुंग, ल्याओशी, चीलिन, हेलुंगच्यांग ओसो सुंगच्यांगा जेहोल संगे इव प्रांत किन उत्तर-पूर्व ता 6 प्रांत इंदानोर। 1954 ते केंद्रीय जनताना सरकार ता परिषद ल्याओतुंग ओसो ल्याओशी किन काल्पसी ल्याओनिंग प्रांत बने कित्ता, सुंगच्यांग ओसो हेलुंगच्यांग किन काल्पसी हेलुंगच्यांग प्रांत बनेकित्ताद मत्ता। चीलिन प्रांत किन बद्रमे तासतद मत्ता। 1955 ते जेहोल प्रांत किन हपे ओसो ल्याओनिंग रेंडु प्रांत लोप्पा शामिल कित्ताद मत्ता।

2. इव मुख्य जागांग पोरो कब्जा ता तारीख इगा वेहता लेक्का मंतांगा शच्याक्वांग 12 नवम्बर 1947, युनछंग 28 दिसम्बर 1947, सर्फिंग 13 मार्च 1948, सोयांग पहली बेरा 14 मार्च 1948 ओसो दूसरी बेरा 5 अप्रैल 1948, ईछवान 3 मार्च 1948, पाओची

26 अप्रैल 1948, वेइश्येन 27 अप्रैल 1948, लिनफन 17 मई 1948, खाएफंग 22 जून 1948। इव सब्बे शहर कुना रक्षा काजे किलेबंदी ता वेल्ले समूह बने कित्ताद मत्ता, उचुक शहर कुना बेहरा दीवाल बने कित्ताद मत्ता, संगे ने अविन लोप्पा सहायक प्रतिरक्षा निर्माण कार्य वेने मत्ता, अविना लोप्पा ट्रेंच कुना बचोनो लाइनकु, कांटांग वाले तार संगे वेट्टुड ओसो कोय्या मंदना पोरक्कांग ना वेट्टुड वेने शामिल मत्तांग। अस्केन मना सेना तिगा हवाई जहाज या टैंक, पूना तोपखाना फौज हिल्ला मत्ता लेवेके वेल्ले कम मत्ता। पोरो वेहत्ता शहर कुना पोरो हमला ओसो कब्जा कीयानास्के मना सेना मजबूत किलेबंदी पोरो कब्जा कीयाना कार्यनीतिंग करियता। इव कार्यनीतिंग दोड़ रास्ता लेक्का मत्तांग:

1) सिलसिलेवार विध्वंस (दुश्मन ता अलग-अलग प्रतिरक्षा संस्थांग ना सिलसिलेवार विध्वंस कियाला काजे विस्फोटक कुना इस्तेमाल कीयाना,

2) गुप्त कार्रवाईंग (दुश्मन ता किलेबंदिग लेवेके शहर कुना दीवाल ना दोड़ एवनल गुप्त रूप ते सुरंग तरवना, ताना पेरके अविन विस्फोट कीयाना अनि तुरंत बेहरा आक्रमण कीयाना,

3) ट्रेंच कुना संगे मुन्ने दायना कार्रवाईंग (दुश्मन ता मजबूत मोर्चाबंदी एवनल खंदक तरवना अनि मकसी मंजी दुश्मन गरें एवसी अचानक हमला कीयाना,

4) ग्रैनेड वाटना (दुश्मन ता प्रतिरक्षा व्यवस्था किन नष्ट कियाला काजे मिसाइल लेवेके मोर्टर संगे ग्रैनेड वाटना,

5) “मेस्सता कसेर” कार्यनीति (सेनांग ओसो फायर कीयाना ताकत किन केंद्रित कीसोरे दुश्मन ता मोर्चा ता उंदी हिस्सा देहची नेंगना अनि दुश्मन ता फौज किन अलग-अलग टुकड़ा कीसि देहना।

3. बव ब्रिगेड कुना बारे ते इगा वेहत्ताद मंता अवु क्वोमिंगतांग सेना ता पुनर्गठन पेरकेटा ब्रिगेड आंदुंगा। ओसो डिवीजन इत्तेके पुनर्गठन ता मुन्ने मत्ता डिवीजनकु आंदू मति इद वेने पुनर्गठित कित्ता ब्रिगेड लेक्का ने मत्ता।

4. “मध्यम मार्ग” किन “तीसरा हरी” वेने इंदानोर। इदे ग्रंथ लोप्पा “वर्तमान परिस्थिति ओसो मना कार्य” हेडिंग वाले लेख ता नोट 8 हूडाटी।

5. “नेकी ता बदला ते बदी” ईसाप ता नीति पीड्डोंगा।

# युद्ध-अपराधिर शांति काजे कीयाना कै दोहची कीयाना अपील कुना बारे ते\*<sup>1</sup>

5 जनवरी 1949

चीनी क्रांतिकारी ताकत कुन ओसो चीन लोप्पा अमेरिका आक्रमणकारी ताकत कुन बचे कीयाना उद्देश्य ते चीन ता पहली नंबर ता युद्ध-अपराधी ओसो क्वोमिंगतांग डाकू-गुट ता नेताल च्यांग काई-शेक पूना साल ते शांति काजे अपील कीसोरे बयान हीतोर। युद्ध-अपराधी च्यांग काई-शेक इद्रम इत्तोर:

नावा इद इच्छा आयवा बदे आल्सोन इत्तेके - शांति वार्ता संगे देश ता स्वतंत्रता ओसो अखंडता किन नुकसान आयनायो, इदिनागडल जनता किन पुनर्वास काजे मदद दोरकना, नावा काम संगे पवित्र संविधान ता उल्लंघन आयनायो ओसो इदिना कारण ते जनवादी संविधानवाद किन नुकसान आयनायो, चीन गणराज्य ता राजतंत्र ता स्वरूप ता गारंटी कीयाना अनि चीन गणराज्य ता संवैधानिक सत्ताधिकार लोप्पा गडबड आयानायो, सशस्त्र सेना किन निश्चित रूप ते बचे कीयाना अनि जनता किन तम्मा रहन-सहन ता स्वतंत्र

---

<sup>1</sup> 'इदु पोल्लो कामरेड माओ तेस्तुंग शिनह्वा समाचार-एजेन्सी काजे क्वोमिंगतांग प्रतिक्रांतिकारी ताकत कुन बचे कियालाकाजे शांति-वार्ता ता इस्तेमाल कीयाना ता पर्दाफाश कियाला काजे सिलसिलेवार रास्ता बचोनो पोल्लोंग लोप्पाटव पहली आंदू सिलसिलेवार रास्ता बाकी पोल्लोंग लोप्पा "वेल्ले छिन्न-भिन्न आत्ता प्रतिक्रियावादीर इंजे वेने 'पूर्ण शांति' ता अंगडम कोलार बारांकु किया मंतोर?"; "क्वोमिंगतांग प्रतिक्रियावादीर 'शांति ता अपील' तल बदलेमासी युद्ध ता अपील"; "युद्ध ता जिम्मेदारी ता सवाल पोरो क्वोमिंगतांग ता अलग-अलग जवाब कुना बारे ते" ओसो "नानकिंग सरकार बेगा मंता?" शामिल मंतांग।

तौर-तरीकांग जारी तासना अनि तम्मा न्यूनतम पिस्वल-स्तर किन  
अद्रमे तासना अनुमति मंदाना इंजी अलिंसताना।  
... शांति स्थापित आतेके, नन्ना नावा पद ते मत्तेकेआई, रिटायर  
आतेकाई इंदाना बारे ते नाकिन बदे परवाह हिल्ले, नन्ना जनता  
ना इच्छानुसार व्यवहार कियाकाना।

लोकुर वरोर युद्ध-अपराधि शांति काजे कैद दोहची कीयाना अपील  
उचुन कव्वना लेक्का मंता इंजी आल्सनायो। ओरु शांति काजे बयान  
हियानदु एकदम होंग वायना लेक्का मंता इंजी वेने आल्सनायो। पहली  
नंबर ता युद्ध-अपराधी ओसो क्वमिंगतांग ता डाकू-गुट ता नेताल  
व्यक्तिगत रूप ते शांति काजे अपील कीयाना ओसो इद्रम ता बयान जारी  
कीयाना चीनी जनता काजे फायदा मंता इंजी आल्सना, बारांकु इत्तेके इद्रम  
कीतेके क्वोमिंगतांग डाकू-गुट ओसो अमेरिका साम्राज्यवाद ता साजिश  
कुन बेसे समझेमायला जनता किन मदद दोरियर। इद्रम कीतेके चीन जनता  
“शांति” काजे ए इस्सालिंग इचोन कोलार पोयसी मत्ता इंजे समझेमांता।  
च्यांग काई-शेक ओसो ओना मालिक अमेरिकी साम्राज्यवाद किन वेल्ले  
जरूरत मत्ता इंजी समझेमांता।

च्यांग काई-शेक तन्ना गुट ता सब्बे साजिश कुन कबूल कित्तोर। इद  
साजिश ता मुख्य पोल्लो इगा वेहता लेक्का मंता:

“शांति-वार्ता तल देश ता स्वतंत्रता, अखंडता किन नुकसान  
आयनायो” इदु सबसे महत्वपूर्ण सवाल मंता। “शांति” बेसे मति इरवुर-  
मुव्वुर बेहरा लोकुरा, दलाल-पूंजीपति वर्ग, जर्मीदार वर्ग नियंत्रित राज्य ता  
“स्वतंत्रता, अखंडता” किन नुकसान कीयाना “शांति” लज्जा वायना  
लेक्का मंता। चीनी-अमेरिका दोस्ती, वाणिज्य, जहाजरानी समझौता,  
चीन-अमेरिका हवाई यातायात समझौता<sup>1</sup>, चीन-अमेरिका द्विपक्षीय  
समझौता<sup>2</sup> लेक्कटा समझौतांग किन नुकसान कीयाना लेवेके चीन लोप्पा  
भूम सेना, एर सेना, वायू सेना तैनात कीयाना, फौजी कैपकु बने कीयाना,  
खान कुन संपदा किन लूटे कीयाना ओसो व्यापार लोप्पा इजारेदारी



कीयाना लेक्कटा अमेरिका विशेषाधिकार कुन नुकसान कीयाना लेवेके चीन अमेरिका ता उपनिवेश बनेमायला बाधा वाटना शांति इनपडे स्वीकार हिल्ले। संक्षिप्त ते च्यांग काई-शेक ना प्रतिक्रियावादी राज्य ता “स्वतंत्रता, अखंडता” ता रक्षा कीयाना बदे वेने तरीका किन नुकसान कीयाना “शांति” स्वीकार हिल्ले।

“जनता ना पुनर्वास ते मदद दोरकना” इत्तेके “शांति” हारेमातेकाई इंजे एवनल खत्म किया परवा मत्ता चीनी प्रतिक्रियावादिर किन पुनर्वास कियाला काजे मदद दोरकना इंजी मंता। अस्के ने ओरु उंदी बेरा पुनर्स्थापित आत्ता पेरके ओसो उंदी बेरा क्रांति ता कीस्स किन पिहहा परिंतोरा असल इत्तेके “शांति” ता ओरकिन बदे जरूरत हिल्ले। ढाई साल तल युद्ध ताका मंता, “तोकर होले कीसोर मालिक ना पेरके वित्तना नैकु इंजे वित्ता परसोर हिल्ले” ओसो अमेरिका होंग आया मंता, आराम बचोन कम कालम काजे मत्तेकाई, आराम कियवा लेवा मंदाना तुकू बेसे मंता।

“नावा काम संगे पवित्र संविधान ता उल्लंघन आयनायो, अदिना कारण ते जनवादी संविधानवाद किन नुकसान आयनायो, चीन गणराज्य ता राजतंत्र स्वरूप ता गारंटी कीयाना अनि चीन गणराज्य ता नियमानुसार सत्ताधिकार लोप्पा गड़बड़ कीयानायो” इत्तेके चीन ता प्रतिक्रियावादी वर्ग, प्रतिक्रियावादी सरकार ता शासक ना रूप ते गारंटी कीयाना ओसो इव वर्ग ओसो ओरा सरकार ता “नियमानुसार सत्ताधिकार लोप्पा गड़बड़ आयवा लेक्का” हूङना। इद “नियमानुसार सत्ताधिकार” लोप्पा जरूर “गड़बड़” कीयानायो, बारांकु इत्तेके ओरा लोप्पा “गड़बड़” वाटना वेल्ले खतरनाक आयारा। इत्तेके पूरा दलाल-पूंजीपति वर्ग, जमींदार वर्ग खत्म कीयाना, क्वोमिंगतांग डाकू-गुट तुन खत्म कीयाना ओसो बेहरा, मध्यम, सुडला सब्बे युद्ध-आपराधिर किन गिरफ्तार कीसि सजा हियाना।

“सशस्त्र सेना किन पक्का बचे कीसि तासना” इद दलाल-पूंजीपति वर्ग, जमींदार वर्ग ता पिस्वल ता आधार आंदू। ओसो जन मुक्ति सेना (पीएलए) दसियों लाख किन खत्म कित्ता मति इंजे दस लाख तुकू ज्यादा सेना पिस्ता इदिन “बचे कीसि तासना” अनि “पक्का” बचे कीसि तासना।

अदिन “बचे कीसि तासना” अदिन “पक्का बचे कीसि तासवेके” दलाल-पूँजीपति वर्ग, जमींदार वर्ग किन तम्मा कैदल तम्मा पूँजी पोह्ला लागिगर। अविना “कानूनी सत्ताधिकार” लोप्पा “गड़बड़” आयार, क्वोमिंगतांग डाकू-गुट खत्म आयार। बेहरा, मध्यम ओसो सुडला सब्बे युद्ध अराधिर किन गिरफ्तार कियमूड़ायर अनि ओरकिन सजा हियमूड़ायर। “भव्य दर्शन उद्यान” च्या पाओ-य्वी ना पिस्वल ओना गुडंगा ता हार ते जड़े कित्ता जेड ता उंदी टुकड़ा पोरो आधार आसी मत्ता लेक्का<sup>3</sup>, क्वोमिंगतांग ता पिस्वल वेने तन्ना सेना पोरो आधार आसी मंता अदिन काजे बोरे वेने क्वोमिंगतांग सेना किन “बचे कीयाना”, लेवेके बचे कीसि तास्तेकाई “पक्का” तासना इंजी बद्रम इंदा परितोर?

“जनता किन तम्मा रहन-सहन ता स्वतंत्र तरीकांग किन ताकि हिंसोरो मंदाला ओसो तम्मा वर्तमान न्यूनतम पिस्वल-स्तर किन अद्रमे तासला अनुमति मंदाना”- इत्तेके चीनी दलाल-पूँजीपति वर्ग, जमींदार वर्ग किन देशमेटा जनता ना शोषण, उत्पीड़न कीयाना आजादी ओसो तम्मा शाही ऐशो-आराम, ऐय्याशी, कोड़ही पिस्वल ता वर्तमान स्तर किन अद्रमे तासना अनि चीनी मेहनतकश जनता तम्मा उत्पीड़ित, शोषित आयना आजादी किन बचे कीसि तासना ओसो तम्मा वर्तमान पिस्वल-स्तर किन, हिरंगम, करविने कंदरेमासोर मत्ता पिस्वल किन बद्रम मत्ता अद्रमे तासना। युद्ध अपराधिर शांति काजे कीयाना अपील ता आखरी उदेश्य इदे आंदू। युद्ध अपराधिर ओसो तम्मा वर्ग, उत्पीड़न कीयाना, शोषण कीयाना आजादी हिल्वा मंदाना ओसो तम्मा शाही, ऐय्याशी, कोड़ही पिस्वल ता वर्तमान स्तर मत्ता लेक्का मंदा परवके इद शांति ता बाता काम? इव सब्बे किन बराबर तासला काजे मजदूर, किसान, बुद्धिजीविर, सरकारी कर्मचारिर ओसो शिक्षक लोरा काजे तम्मा वर्तमान “रहन-सहन ता स्वतंत्र तरीकांग ओसो न्यूनतम पिस्वल स्तर” किन, हिरंगम, करविने कंदरेमासोर मत्ता पिस्वल किन मत्ता लेक्का तासना वेल्ले जरूरी मंता। मना जीवा अध्यक्ष च्यांग इद शर्त किन पेश कित्तास्के बचोनो करोड़ मजदूर, दस्तकार-मजदूर, आजाद पेशा वाले लोकुर, दसियों करोड़ किसान ओसो

दसियों लाख बुद्धिजीवी, सरकारी कर्मचारी, शिक्षक, उंदी आसी सिर्फ चप्पोटांगे नेकिह किया परितोर। लेवेके तूत कूलांग कीसि मोसोर नोहकसोरे “अध्यक्ष साहेब अमर रहे!” इंजी मोड़किंतोर। कम्युनिस्ट पार्टी शांति स्थापना कियाला इनकार कीतेके, बेसता रहन-सहन तरिका, बेसता पिस्वल स्तर किन मत्ता लेक्का तासा परमूड़ायो आयर। इद्रम आतेके कम्युनिस्ट पार्टी उंदी अपराधी साबित आयार इदिना काजे अदिन दस हजार बेरा हामूर सजा हियमूड़ायार अनि “इद्रम कीयानास्के बाताल नुकसान आयार अदिना जिम्मेदार कम्युनिस्ट पार्टिये मंदियार।”

इव सब्बे इत्ता पेरके वेने शांति काजे अपील कियानोर युद्ध-अपराधिरा पहली जनवरी ता बयान ते बद्रम-बद्रमता विचारकु पेश किया परताद हिल्ले। उंदी बगिल च्यांग काई-शेक तन्ना पूना साल ता संदेश लोप्पा “नानकिंग-शांघाई सेक्टर ता उंदी निर्णयात्मक लड़ाई” इंजी इत्तोर। इद वेल्ले बेसता पोल्लो आंदू। इद्रम ता “निर्णयात्मक लड़ाई” लड़ेमायला काजे ताकत बेगा मंता? च्यांग काई-शेक “नेंडु फौजी, राजनीतिक लेवेके आर्थिक रूप ते सरकार ता ताकत कम्युनिस्ट पार्टी ता ताकत तुकू बचोनो गुना ज्यादा मंता इंजी समझेमायना” इंतोर। वेल्ले बेस! इदु हंदी हिल्ला ताकत किन हूडसी, वेरी ता मारे लोकरा जीवा पेसना लेक्का तोड्डी वेत्ता मंता बा? राजनीतिक, आर्थिक ताकत ता पोल्लो किन उंदी बगिल तासिसी माटू सिर्फ “फौजी ताकत” किने हूडतेके जन मुक्ति सेना (पीएलए) कैदे इंजे तीस लाख तुकू ज्यादा सैनिक लोर मंतोर, इद संख्या दुगुना “ज्यादा” संख्या 60 लाख तुकू ज्यादा आंता अनि दस गुनी “ज्यादा” संख्या मूंड करोड़ तुकू ज्यादा आंता। इद्रम आतेके “दसियों गुना ज्यादा” संख्या बचोन आयार? वाटु, उचुन 20 गुना मानेमासी हिसाब कियाकाल, इद संख्या 6 करोड़ तुकू ज्यादा एवियर: अध्यक्ष च्यांग “इद निर्णयात्मक लड़ाई लोप्पा जीत ता पूरा विश्वास मंता” इंदानदु बदे आश्चर्य ता पोल्लो हिल्ले। इद्रम आयनास्के शांति काजे बारांकु काल मोड़का मंतोर? बदे डावुट हिल्ला ओरु लड़ेमाया परवोर इंजी आयो, बारांकु इत्तेके ओरु 6 करोड़ तुकू ज्यादा सेना पोयसी जोर वाटतेके दुनिया लोप्पा बदे वेने

कम्युनिस्ट पार्टी लेवेके बदे दूसरा पार्टी ता जीवा पिस्सा परवो आंता। सब्बे गुंडा पोयिंता। अद्रमासी ओरु शांति काजे मोड़का मंतोर इत्तेके “जनता ना जीवा पिसी क्रियाला काजे” इदिन विड़चसी दूसरा बदे कारण हिल्ले।

मति हर चीज बदे बाधा हिल्ला सुचारू रूप ते ताका मंताया? बाधा मंता इंजी केंजा वांता। इद्रम मत्तेके अद बाधा बाताल आंदू? अध्यक्ष च्यांग दोड़ रास्ता लेक्का वेहंतोर।

दुक्कम संगे: मना सरकार लोप्पा गैर कम्युनिस्ट रुझान कुना प्रचार ता प्रभाव संगे वात्ता लोकरु वेने मंतोर। अद्रमासी हमेशा आलसड़ पोयसी मत्ता परिस्थिति ते हिरकसी मंदितोर अनि तम्मा आत्मविश्वास पोहिनंतोर। विचारधारात्मक दृष्टि ते कम्युनिस्ट खतरा मत्तेकाई ओरु सिर्फ दुश्मन ताए ताकत किन हूड़ितोर। दुश्मन ता ताकत तुकू दसियों गुना ज्यादा मत्ता मना जबरदस्त ताकत तुन हूड़ोर आंतोर।

हर साल समाचार कुना उंदी बेसता फसल वांता। मति इयेटा फसल अचोन खास रकम ता मंता। अफसर, सिपाही काल्पसी 6 करोड़ तुकू ज्यादा मत्ता क्वोमिंगतांग ता लोकरु 30 लाख तुकू ज्यादा सैनिक वाले जन मुक्ति सेना (पीएलए) किने हूड़ितोर, तम्मा 6 करोड़ तुकू ज्यादा सैनिक वाले सेना किन हूड़ोर आंतोर, इदु वेल्ले खास रकम ता समाचार हिल्ले या?

बोरे पूछे माया परितोर, “इद्रम समाचार कुना बोरे ग्राहक मंतोर, हिल्लेर?” ओसो “इद समाचार इदिना पोरो कौंडा वाटना लेक्का वेने मंताया?” पेफिंग शहर लोप्पाटल दोरकता कबुर अनुसार “पूना साल ता नरकुम चीज कुना दाम घटेमाता मति दुपार पेरके ओसो बेरसता अनि मुन्ने लेक्काने आत्ता।” उंदी विदेशी समाचार-एजेंसी रिपोर्ट हीता, “च्यांग काई-शेक पूना साल ता संदेश ताबारे ते शांघाई लोप्पा लोकरु रुझान दुक्कम पोयसी मंता इंजी।” इदु युद्ध अपराधी च्यांग काई-शेक ना बोरे ग्राहक मंतोर? इंदाना सवाल ता जवाब आंदू। माटू वेल्ले मुन्ने वेहता लेक्का च्यांग काई-शेक ना मेंदुल खत्म आत्ता, ओरु सिर्फ उंदी जीवा हिल्ला लाश लेक्का मंतोर, इंजे बोरे वेने ओना पोरो विश्वास कीवोर।

## नोट

1. च्यांग कार्ड-शेक सरकार ओसो अमेरिका साम्राज्यवाद नडमा “चीन-अमेरिका हवाई यातायात समझौता” पोरो 27 दिसम्बर 1946 ते हस्ताक्षर आसी मत्ता। इद समझौता लोप्पा च्यांग कार्ड-शेक चीन ता आकाश पोरो चीन ता अधिकार किन पूराए वमसितोर। इद घोषणा ता शर्त कुना अनुसार अमेरिका हवाई जहाज कु चीन लोप्पा बेगा इत्तेके अगा पारियाना, सामान बोरसना ओसो रेहना लेवेके वाहन कुना अदला-बदली कीयाना अनुमति मत्ता। इद्रम अमेरिका चीन ता हवाई यातायात किन पूराए कब्जा कीसि मत्ता। अमेरिका हवाई जहाज कुन “नान-ट्रैफिक स्टाप” ता अधिकार इत्तेके चीन लोप्पा सैन्य-डिप्टी कीयाना ता अधिकार वेने मत्ता।
2. “चीन-अमेरिका द्विपक्षीय समझौता” इंजेटा “चीन-अमेरिका आर्थिक सहायता घोषणा” मत्ता। तीना पोरो 3 जुलाई 1948 ते नानकिंग ते च्यांग कार्ड-शेक सरकार ता प्रतिनिधि ओसो अमेरिका साम्राज्यवाद ता प्रतिनिधि हस्ताक्षर कीसि मत्तोर। तीना लोप्पा अमेरिका साम्राज्यवाद किन च्यांग कार्ड-शेक सरकार ता वित्तीय, आर्थिक मुद्दांग ना निरीक्षण कीयाना ओसो अविना बारे ते निर्णय कीयाना सर्वोच्च अधिकार मंदियार इंजी तय कित्ताद मत्ता। चीन लोप्पा तम्मा सीधा नियंत्रण लागू कीयाना अमेरिका कर्मचारी “राज्यकीय अधिकार” कुना उपभोग कियानूर अनि अमेरिका साम्राज्यवाद चीन तल तम्मा जरूरत ता बदे वेने सामरिक सामग्री दोरकी किया परियर, इद्रम ता सामग्री दोरकी कीयाना बारे ते च्यांग कार्ड-शेक सरकार अमेरिका साम्राज्यवाद किन लगातार सूचना हियार इंजी मत्ता। इद समझौता लोप्पा च्यांग कार्ड-शेक सरकार चीन ता हाटुम किन अमेरिका माल संगे निहतना इंजी गारंटी कित्ता।
3. च्या पाओ-ख्वी “लाल भवन ता सपना” पोरोल ता 18वी सदी ता चीनी उपन्यास ता उंदी भूमिका मत्ता, “भव्य दर्शन उद्यान” ओना उंदी पारिवारिक बगीचा मत्ता। च्या पाओ-ख्वी पुटतास्के ओना तोड्डी ते जेड ता तुकड़ा मत्ता इंतोर। जेड ता तुकड़ा किन ओना “पिस्वल ता आधार” मानेयमानोर अल्ले। च्या पाओ-ख्वी हमेशा अदिन तन्ना वेडेर ते करसी तासनोर, अदिनकु जेक उचुन जोम वेने मंदा परवोर आयानोर। जेड ता तुकड़ा मायतेके ओना बेहोश आयना खतरा मंदानद।



## चीनी कम्युनिस्ट पार्टी, केंद्रीय कमेट्री ता अध्यक्ष माओ त्सेतुंग ना वर्तमान परिस्थिति पोरो स्टेटमेंट

14 जनवरी 1949

जुलाई 1946 तल इंजे एवनल ढाई साल आत्ता, प्रतिक्रियावादी नानकिंग क्वोमिंगतांग सरकार अमेरिका साम्राज्यवादिरा मदद ते जनता ना खिलाफ काम कित्ता। युद्ध विराम समझौता, राजनीतिक सलाहकार सम्मेलन ता प्रस्ताव कुन हीकसी वाटता अनि देशव्यापी प्रतिक्रांतिकारी गृहयुद्ध शुरू कित्ता। युद्ध ता इव ढाई साल लोप्पा, प्रतिक्रियावादी नानकिंग क्वोमिंगतांग सरकार जनता ना खिलाफ काम कीसोरे उंदी बोगस राष्ट्रीय एसेम्बली केयता, उंदी बोगस संविधान रास्ता, वरोर बोगस प्रेसीडेंट चुने कित्ता अनि “विद्रेह ता दमन कियाला काजे लामबंदी” ता बारे ते उंदी बोगस आदेश जारी कीता, अमेरिका सरकार कैदे बेहरा स्तर ते राष्ट्रीय अधिकार कुन वम्मतोर ओसो अरबी अमेरिका डॉलर कर्जा तन्ना तल्ला पोरो वाटताद मंता, अमेरिकी एर सेना, वड़ी सेना किन चीन ता प्रादेशिक भूमि ओसो प्रादेशिक समुद्र, मोय्योल पोरो कब्जा कीयाना इंजी केय्यता, अमेरिका सरकार संगे बचोनो वतनफरोश समझौतांग कित्ता अनि चीन ता गृहयुद्ध लोप्पा अमेरिका फौजी सलाहकार गुप किन शामिल कियाला मंजूरी हीता, चीनी जनता किन हौकला काजे अमेरिका सरकार संगे वेल्ले बेहरा संख्या ते हवाई जहाज, टैंक, सुडला- बेहरा तोपुक, मशीनगनकु, राइफल, गोला-बारूद, टूटांग ओसो बाकी युद्ध-सामग्री दोरकी कित्ता। इवे प्रतिक्रियावादी, देशद्रोहपूर्ण स्थानीय, अंतरराष्ट्रीय बुनियादी नीतिंग पोरो आधार आसी प्रतिक्रियावादिर नानकिंग क्वोमिंगतांग सरकार तन्ना दसियों लाख सैनिक लोर किन चीनी जनता ना मुक्त इलाकांग ओसो चीनी

जन मुक्त सेना पोरु घातक हमलांग कीयाना इंजी आदेश हीता। पूर्वी चीन, मध्यवर्ती मैदान, उत्तरी चीन, उत्तर-पश्चिम चीन ओसो उत्तर-पूर्वी चीन लोप्पा मत्ता जनता ना सब्बे मुक्त इलाकांग किन बिना कारण क्वोमिंगतांग फौज पोच्चांग पोयिहता। मुक्त इलाकांग ना मुख्य शहरकु-येनान, चांगच्याखओ, ह्वाएइन, होत्से, तामिंग, लिनई, येनथाए, छंगते, सफिंग, छांगछुन, चीलिन ओसो आनतुंग किन डाकू फौज बस्के-अस्के तन्ना कब्जा ते पोयता। बेगा हत्ता अगा हौकना, बलात्कार कीयाना, बोड़सना, लूटे कीयाना लेक्काटा गलत कबस्कु कित्ता। बद इलाका लोप्पा प्रतिक्रियावादी नानकिंग क्वोमिंगतांग सरकार ता शासन मंता अगा “विद्रोह ता उन्मूलन कीयाना ओसो डाकू लोरा विनाश कियाला” काजे जनता ना जबरन अनाज-लेवी, टैक्स पोयसी, बेगार कीसि व्यापक जन समुदाय ता (मजदूर, किसान, सैनिक, बुद्धिजीविर, व्यापारिरा) नेत्तुर उंता। प्रतिक्रियावादी नानकिंग क्वोमिंगतांग सरकार जनता किन ओरा सब्बे स्वतंत्रता अधिकार कुनल जेक कीसिंता, अदु सब्बे जनवादी पार्टिंग, जन-संगठनकु ओरा कानूनी अधिकार तल जेक तासिसी ओरा उत्पीड़न कींता, अदु गृहयुद्ध, करवु, अत्याचार ता खिलाफ ओसो अमेरिका चीन ता अंदरूनी मुद्दांग लोप्पा नेंगना खिलाफ, अमेरिका जापान लोप्पा आक्रमणकारी ताकत कु बेरसी कीयाना खिलाफ विद्यार्थिरा न्यायपूर्ण आंदोलन ता दमन कींता, अदु देशमेंड बोगस राष्ट्रीय मुद्रा ओसो बोगस स्वर्ण-य्वान नोट कुन अंधाधुंद तरिका ते फैले कित्ता। इद्रम जनता ना आर्थिक पिस्वल किन तहस-नहस कित्ता, व्यापक जनता किन कंगाल कीसिता, पैसा हड़पे कीयाना बचोनो तरिकांग पोयसी देश ता सम्पदा ता बेहरा हिस्सा च्यांग, सुंग, खुंग, छन पोरोल ता बेहरा लोतोर नेतृत्व कीयाना नौकरशाह-पूजीपतिरा कैदे केंद्रित कित्ता। संक्षेप ते प्रतिक्रियावादी नानकिंग क्वोमिंगतांग सरकार तन्ना प्रतिक्रियावादी, देशद्रोहपूर्ण स्थानीय, अंतरराष्ट्रीय बुनियादी नीतिंग पोरु आधार आसी मत्ता गृहयुद्ध शुरू कीसि पूरा देश ता जनता किन गंभीर संकट ते वाटसिता, इव सब्बे पल्लोंग ना पूरा जिम्मेदारी तानाए मंता। क्वोमिंगतांग ता विपरीत, चीनी कम्युनिस्ट



पार्टी जापान आत्मसमर्पण कित्ता पेरके क्वोमिंगतांग सरकार संगे परताचोन गृहयुद्ध रोमी कीयाना ओसो देश लोप्पा शांति स्थापित कीयाना इंजी आग्रह कित्ताद मत्ता। इद नीति पोरो ताकसोरे चीनी कम्युनिस्ट पार्टी दृढ़ता ते संघर्ष कित्ता अनि पूरा देश जनता ना समर्थन ते सबसे मुन्ने अक्तुबर 1945 ते “क्वोमिंगतांग ओसो चीनी कम्युनिस्ट पार्टी नड़मा वार्तालाप ता सारांश” पोरोल ता दस्तावेज पोरो हस्ताक्षर कित्ताद मत्ता। जनवरी 1946 ते पार्टी ओसो उंदी बेरा क्वोमिंगतांग संगे उंदी युद्ध-विराम समझौता पोरो हस्ताक्षर कित्ता अनि जनवादी पार्टींग ना मदद ते क्वोमिंगतांग किन राजनीतिक सलाहकार सम्मेलन ता प्रस्ताव कुन मंजूर कियाला मजबूर कित्ता। ताना पेरकेटल चीनी कम्युनिस्ट पार्टी जनवादी पार्टींग ओसो जन-संगठनकुना संगे कलियसी इव समझौतांग, प्रस्तावकुन अद्रमे तासना कोशिश ताकता। मति अंदरूनी शांति ओसो जनता ना जनवादी अधिकार कुना रक्षा काजे मना कित्ता बदे वेने कार्रवाई ता प्रतिक्रियावादी क्वोमिंगतांग सरकार उचुन वेने सम्मान कीवो आत्ता। उल्टा मना इद्रम ता कार्रवाईंग कुन कमजोरी ता निशानी समझेमातोर अनि इविना पोरो ध्यान हियाना जरूरत पोरो ध्यान हीवोर। प्रतिक्रियावादी क्वोमिंगतांग सरकार जनता किन युद्ध-विराम समझौता, राजनीतिक सलाहकार सम्मेलन ता प्रस्ताव किन मनमानी तरीका ते हीका परिंता, जन-मुक्ति सेना उंदी हमला कियार ओसो क्वोमिंगतांग ता फौजकुना संख्या दसियों लाख मंता अदु पूरा देश पोरो तरगा परिंता ओसो अमेरिका सरकार तल दोरकना सहायता लगातार दोरकसोरे मंदियार इंजी वेरियी कीयाना, धमके कीयाना कित्तोर। अदिन काजे प्रतिक्रियावादी क्वोमिंगतांग सरकार पूरा देश ता जनता ना खिलाफ काम कीयाना ओसो प्रतिक्रांतिकारी युद्ध शुरू कीयाना हिम्मत कित्ता। इद्रम ता परिस्थिति ते चीनी कम्युनिस्ट पार्टी तुक् क्वोमिंगतांग सरकार ता प्रतिक्रियावादी नीतिंग ना खिलाफ दृढ़ता ते तेदना ओसो देश ता स्वतंत्रता ओसो जनता ना जनवादी अधिकार कुना रक्षा कियाला काजे संघर्ष कीयाना विड़चसी दूसरा बदे हरीं मन्नो आंता। जुलाई 1946 तल चीनी कम्युनिस्ट पार्टी बहादुर जन-मुक्ति सेना ता नेतृत्व कीसोरे

प्रतिक्रियावादी क्वोमिंगतांग सरकार ता 43 लाख फौज कु कीयाना हमलांग किन पेरके तुरसता अनि प्रत्याक्रमण कीसि मुक्त इलाकांग ना सब्बे पोहता प्रदेश कुन दुबारा कैदे पोयता अनि शच्याच्यांग, लोयांग, चीनान, चइचओ, खाएफंग, शनवांग, श्वीचओ ओसो थांगशान लेक्कटा बचोनो बेहरा शहरकुन मुक्त कित्ता। चीनी जन मुक्ति सेना (पीएलए) वेल्ले कठीन परिस्थितिंग पोरो काबू कित्ता अनि तन्ना ताकत तुन बेरसी कीसि अमेरिका सरकार ता क्वोमिंगतांग सरकार किन सपलाई कित्ता हथियार कुन ऊंदता। ढाई साल लोप्पा अदु प्रतिक्रियावादी क्वोमिंगतांग सरकार ता मुख्य फौजी ताकत ओसो अदिना सब्बे चुनिंदा डिवीजन तुन खत्म कित्ता। नेंडु जन मुक्ति सेना (पीएलए) ता संख्या, मनोबल, साजो-सामान लोप्पा प्रतिक्रियावादी क्वोमिंगतांग सरकार ता पिस्ता फौज ता ताकत तुकू बचोनो ज्यादा मंता। असल इत्तेके इंजे चीनी जनता आजादी ते नेस्कना शुरू कित्ता। वर्तमान परिस्थिति इनपडे स्पष्ट मंता। जन मुक्ति सेना (पीएलए) क्वोमिंगतांग ता पिस्ता फौज खिलाफ ओसो उचुन जबरदस्त हमलांग कीतेके प्रतिक्रियावादी क्वोमिंगतांग सरकार ता पूरा ढांचा होलेमासी मुट्टियार अनि खत्म आयार। गृहयुद्ध ताकी कीयाना नीति पोरो अमल कित्ता पेरके इंजे प्रतिक्रियावादी क्वोमिंगतांग सरकार तन्नाए कर्म ता सजा भोगे माया मंता। ताना लोकुर बगावत किया मंतोर, ताना बेस-बेसता कार्यकर्ता लोर वित्ता मंतोर, इंजे अदु खुद किन बचे किया परसोर हिल्ले। इद्रम ता परिस्थिति ते क्वोमिंगतांग सरकार ता पिस्ता ताकत किन बचे कीयाना जरूरत ते ओसो क्रांतिकारी ताकत किन खत्म कियाला काजे पूना हमला शुरू कीयाना मुन्ने उचुन नेस्कना जरूरत ते च्यांग काई-शेक चीन ता पहली नम्बर ता युद्ध-अपराधी, क्वोमिंगतांग डाकू-गुट ता सरदार ओसो नानकिंग सरकार ता बोगस प्रेसीडेंट, इयेंड पहली जनवरी ते चीनी कम्युनिस्ट पार्टी संगे शांति वार्ता शुरू कियाला तैयार मंतोर इंजी सुझाव पेश कित्तोर। चीनी कम्युनिस्ट पार्टी इद सुझाव किन ढोंग समझेमांता। बारांकु इत्तेके च्यांग काई-शेक शांति वार्ता पोरो आधार आसी बोगस संविधान किन मत्ता लेक्का तासना, बोगोस “कानूनी सत्ताधिकार” किन

मत्ता लेक्का तासना ओसो प्रतिक्रियावादी सशस्त्र ताकत किन मत्ता लेक्का तासना लेक्कटा शर्तकु तासतोर, इविन देश मेटा जनता मानेमायला तैयार हिल्ले। इव शांति ता शर्तकु आयवा युद्ध जारी तासना शर्तकु आंदुंग। हत्ता दस दिव्यांग लोप्पा पूरा देश ता जनता तन्ना विचार स्पष्ट रूप ते वेहता। अदु जल्दीए शांति स्थापना कियाला काजे तैयार मंता। मति अदु युद्ध-अपराधिर पेश कीयाना शांति किन स्वीकार कीवो, ओरा प्रतिक्रियावादी शर्त कुन स्वीकार कीवो। जनता ना विचार पोरो आधार बने कीसि चीनी कम्युनिस्ट पार्टी चीनी जन मुक्ति सेना (पीएलए) लोप्पा वायना कालम ते प्रतिक्रियावादी क्वोमिंगतांग सरकार ता पिस्ता सशस्त्र ताकत ता पूराए खत्म कीयाना ताकत मंता। जन सेना इद्रम किया परिंता इंजी पूरा विश्वास मंता। इद्रम मत्तेकाई युद्ध किन जल्दी खत्म कियाला काज असली शांति दोरकी कियाल काजे ओसो जनता ना मुश्किल कम कियाला काजे चीनी कम्युनिस्ट पार्टी, प्रतिक्रियावादी नानकिंग क्वोमिंगतांग सराकार संगे बदे वेने स्थानीय सरकार संगे लेवेके क्वोमिंगतांग फौज ग्रुप संगे दोड़ रास्ता शर्त कुना पोरो आधार आसी शांति-वार्ता कियाला तैयार मंता:

1. युद्ध अपराधिर किन सजा हियाना,
2. बोगस संविधान किन रद्द कीयाना,
3. बोगस “कानूनी सत्ताधिकार” किन रद्द कीयाना,
4. सब्बे प्रतिक्रियावादी सेनांग ना जनवादी उसूल संगे पुनर्गठन कीयाना,
5. नौकरशाही-पूंजी किन जब्त कीयाना,
6. भूमि-व्यवस्था लोप्पा सुधार कीयाना,
7. देश वम्मसियाना समझौतांग कुन रद्द कीयाना,
8. उंदी राजनीतिक सलाहकार सम्मेलन केयना। ताना लोप्पा प्रतिक्रियावादी तत्व कु शामिल कीयानायो। उंदी प्रतिक्रियावादी नानकिंग क्वोमिंगतांग सरकार ओसो अदिना दोड़ वायना सब्बे स्तर कुना सरकार कैदल पूरी सत्ता उंदी जनवादी संयुक्त सरकार कैदे मंदाना लेक्का सरकार बने कीयाना।<sup>1</sup>

पोरो रास्ता शर्त कु देशमेटा जनता ना आम विचार किन पेश कीतांग, अदिन काजे इवे शर्तकुना पोरो आधार आसी मत्ता शांतिए निज्जम ता जनवादी शांति इंजी इंदा परमूडांता इंजी चीनी कम्युनिस्ट पार्टी आल्सिंता। प्रतिक्रियावादी नानकिंग क्वोमिंगतांग सरकार ता लोकुर झूठा प्रतिक्रियावादी शांति आयवा असल जनवादी शांति स्थापना कियाला आल्सतेके तम्मा प्रतिक्रियावादी शर्त कुन त्याग कीसि चीनी कम्युनिस्ट पार्टी पेश कित्ता 8 शर्त कुन शांति-वार्ता ता आधार लेक्का मंजूर कीयाना। लेवेके आरा शांति सिर्फ उंदी धोखा साबित आयार। माटू पूरा देश ता जनता ओसो सब्बे जनवादी पार्टींग, जनवादी संगठनकु असल जनवादी शांति दोरकी कियाला काजे, झूठा प्रतिक्रियावादी शांति विरुद्ध संघर्ष कियाला तेदनुंग। नानकिंग क्वोमिंगतांग सरकार ता शासन-व्यवस्थ लोप्पा मत्ता देशभक्त लोकुर वेने इद शांति प्रस्ताव ता समर्थन कीयाना। चीनी जन मुक्ति सेना (पीएलए) ता कामरेड्स, योद्धा लोर सावधान! बस्के एवनल प्रतिक्रियावादी नानकिंग क्वोमिंगतांग सरकार असल जनवादी शांति किन मानेमायो, बस्के एवनल अदिन निल्पी कीवो अस्के एवनल मीटू मीवा जुझारू कोशिश कुन उचुन वेने कमी वायला हियमाटू। प्रतिरोध कीयाना हिम्मत कीयाना, प्रतिक्रियावादिरा किन दृढ़ता संगे, हर रकम ते, समग्र रूप ते खत्म कीयाना।

## नोट

1. कामरेड माओ त्सेतुंग तन्ना स्टेटमेंट लोप्पा पेश कित्ता शांति ता 8 शर्त कु अप्रैल 1949 ते चीनी कम्युनिस्ट पार्टी ता प्रतिनिधिमंडल ओसो चांग च-चुंग ना नेतृत्व ते क्वोमिंगतांग सरकार ता प्रतिनिधिमंडल नडमा आत्ता शांति वार्ता ता आधार बनेमातांग। इद वार्ता ताकनास्के “अंदरूनी शांति ता बारे ते समझौता” पोरोल ते तैयार कित्ता दस्तावेज शांति ता 8 शर्त कुना बारे ते ठोस सुझाव पेश कीता। विस्तृत विवरण काजे इद ग्रन्थ लोप्पा “सेना किन देशव्यापी पहलकदमी काजे आदेश” हेडिंग वाले लेख ता नोट 1, हूडाटू।

## नानकिंग ता कार्यकारी ख्वान ना निर्णय ता बारे ते चीनी कम्युनिस्ट पार्टी ता प्रवक्ता ना माटा

21 जनवरी 1949

प्रतिक्रियावादी नानकिंग क्वोमिंगतांग सरकार ता सरकारी समाचार एजेन्सी, केंद्रीय समाचार एजेन्सी 19 जनवरी ते तन्ना उंदी समाचार लोप्पा अदे दिव्या नरकुम 9 बजे तन्ना उंदी मीटिंग लोप्पा कार्यकारी ख्वान वर्तमान परिस्थिति पोरो विस्तार ते विचार-विमर्श कितोर अनि दोड़ रास्ता लेक्का निर्णय आता:

पूरा देशता जनता ना परताचोन जल्दी शांति स्थापना कीयाना विचार ता सम्मान कीसोरे, सरकार चीनी कम्युनिस्ट पार्टी संगे कलियसी सबसे मुन्ने तुरंत बदे शर्त हिल्ला लड़ाई बंद कीसि शांतिवार्ता लोप्पा शामिल आयला तम्मा-तम्मा प्रतिनिधिर किन नियुक्त कियाला तैयार मंता।

चीनी कम्युनिस्ट पार्टी ता प्रवक्ताल ऐलान कीतोर:- नानकिंग ता कार्यकारी ख्वान इद फैसला ते नानकिंग ता बोगस प्रेसीडेंट च्यांग काई-शेक ना 1 जनवरी ता स्टेटमेंट ता बारे ते बदिना लोप्पा शांतिवार्ता ता प्रस्ताव पेश कित्ताद मत्ता, बाताले वेह्होर ओसो चीनी कम्युनिस्ट पार्टी ता अध्यक्ष माओ त्सेतुंग ना 14 जनवरी ता स्टेटमेंट ता बारे ते वेने वेह्होरे,

ताना लोप्पा वेने शांतिवार्ता ता प्रस्ताव पेश कित्ताद मत्ता। इद निर्णय लोप्पा बद स्टेटमेंट ता समर्थन कींतोर, बदिना विरोध कींतोर इंजी वेने वेहताद हिल्ले। उल्टा ओरु तम्मा खुद ता उंदी प्रस्ताव पेश कित्तोर, क्वोमिंगतांग ओसो कम्युनिस्ट पार्टी क्रमशः 1 जनवरी ओसो 14 जनवरी ते बदे वेने प्रस्ताव पेश कीवा लेक्का, लोकुरा काजे इद पोल्लो आश्चर्य तादे मंता। असल ते नानकिंग ता कार्यकारी य्वान सिर्फ चीनी कम्युनिस्ट पार्टी ता 14 जनवरी ता प्रस्ताव ता पूर्ण रूप ते उल्लंघने आयवा बोगस प्रेसीडेंट च्यांग काई-शेक ना 1 जनवरी ता प्रस्ताव किन वेने रद्द कित्ता। तन्ना 1 जनवरी ता प्रस्ताव लोप्पा च्यांग काई-शेक दोड़ा रास्ता लेक्का वेहतोर:-

कम्युनिस्ट पार्टी लोप्पा शांति काजे सही विचार पुटियर, इदिना बारे ते इशारा हीता इत्तेकेने सरकार जरूर जीवा कीसि तानकि कलियला दायार अनि लड़ाई रोमी कीसि शांति ता पुनर्स्थापना कीयाना बारेते ठोस तरिकांग पोरो विचार-विमर्श कियाला तैयार आयार।

इंजे 19 दिव्यंग आत्ता परेके अदे सरकार उंदी संगठन इत्तेके नानकिंग सरकार ता “कार्यकारी य्वान”, अद सरकार ता “प्रेसीडेंट” ना स्टेटमेंट किन रद्द किया मंता। सरकार कम्युनिस्ट पार्टी संगे “जरूर जीवा कीसि कलियार, लड़ाई रोमी कीसि शांति ता पुनर्स्थापना कीयाना बारे ते ठोस तरिकांग पोरो विचार-विमर्श कियाला तैयार आयार” इनवा लेवा “सबसे मुन्ने तुरंत बदे शर्त हिल्वा लड़ाई रोमी कीसि शांतिवार्ता लोप्पा शामिल आयाला काजे तम्मा-तम्मा प्रतिनिधिर किन चुने कियाला तैयार मंता”। माटू नानकिंग ता “कार्यकारी य्वान” किन पूछेमांतोम:- इविना लोप्पा बद प्रस्ताव सही मंता, मीवा लेवेके मीवा “प्रेसीडेंट” ना प्रस्ताव? मीवी “प्रेसीडेंट” “लड़ाई रोमी कीसि शांति ता पुनर्स्थापना कीयाना” किन उंदी लेक्का समझेमातोर अनि इद्रम कीयाना बारे ते ठोस तरिकांग पोरो चीनी कम्युनिस्ट पार्टी संगे निज्जमे विचार-विमर्श कीयाना उद्देश्य ते ऐलान कित्तोर। मीटू लड़ाई किन शांति तुकू अलग रेंडू पोल्लोंग लेक्का पेश कीतिर अनि मीटू लड़ाई रोमी कीयाना बारे ते ठोस तरिकांग पोरो मावा संगे विचार-विमर्श कियाला काजे मीवा प्रतिनिधिर चुने कियाला तैयार हिल्विर। इदिना उल्टा मीटू वडिय

किन मुट्टा ते पोय्यना कोशिश ते “सबसे मुन्ने तुरंत बदे शर्त लेवा लड़ाई रोमी कीयाना” अनि “शांतिवार्ता लोप्पा शामिल आयला काजे” प्रतिनिधिर चुने कीयाना प्रस्ताव पेश कीतिर। इविना लोप्पा बद प्रस्ताव सही मंता, मीवा लेवेके मीवा “प्रेसीडेंट” ना? मावा हिसाब ते नानकिंग ता बोगस कार्यकारी ख्वान तन्ना सत्ताधिकार ता हंदी तल बाहर ता कार्रवाई कित्ता लेक्का मंता, ओनकिन तन्ना बोगस प्रेसीडेंट ना प्रस्ताव किन रद्द कीयाना ओसो तन्ना विचार वात्ता लेक्का तन्ना उंदी पूना प्रस्ताव पेश कीयाना अधिकार हिल्ले। माटू इद पूना प्रस्ताव किन गलत मानेमांतोम, इचोन बेहरा स्तर ता दीर्घकालीन ओसो खूंखार लड़ाई लोप्पा जूझेमाता पेरके रेंडासी पक्ष कु समान रूप ते शांति ता बुनियादी शर्त पोरो विचार-विमर्श कियाला काजे रेंडासी पक्ष युद्ध-विराम समझौता कियाला काजे तम्मा-तम्मा प्रतिनिधिर चुने कीयाना, इद्रम कीतेकेने युद्ध रोमी कियमूडांता, इद सिर्फ जनता ना विचारे आयवा क्वोमिंगतांग पक्ष ता ज्यादातर लोकुरा विचार वेने आंदू। नानकिंग ता कार्यकारी ख्वान इनपडे अंगडम ता “निर्णय” तुन लागू कीतेके, क्वोमिंगतांग अस्के एवनल शांतिवार्ता कियाला तैयार हिल्लेके अस्के एवनल लड़ाई रोमवेके ओरा लोप्पा शांति ता स्थापना कीयाना हार्दिक विचार बेगा मंता? नानकिंग ता कार्यकारी ख्वान ना “निर्णय” स्वीकार कित्ताद मंता, बस्के एवनल लड़ाई रोमो अस्के एवनल शांतिवार्ता आया परवो, इंजेटल शांति बगिल दायना कीवाड़ मजबूती ते केहताद मंता, समझौतावार्ता कीयाना इत्तेके इद अंगडम ता “निर्णय” तुन रद्द किया लागियर। इव रेंडासीना लोप्पा बदे उंदिए हरीं पोयमूडायर। नानकिंग ता कार्यकारी ख्वान तन्ना खुद ता “निर्णय” किन रद्द कियाला तैयार आयवेके प्रतिक्रियावादी नानकिंग क्वोमिंगतांग सरकार ता विचार ते दूसरा पक्ष संगे शांतिवार्ता कीयाना असली विचार मंता इंजी साबित आयार। नानकिंग निज्जमे शांति स्थापना कियाला आल्सितेके अदु शांति ता ठोस शर्त कुना पोरो विचार-विमर्श कियाला बारांकु तैयार हिल्ले इंजी लोकुर पूछेमातेके? नानकिंग ता शांति प्रस्ताव सिर्फ उंदी पाखंड आंदू इंजी दिस्सो या? चीनी कम्युनिस्ट पार्टी ता



प्रवक्तल नलनकलंग नेंडु अरलककतल तल परलस्थलतल ते हलरकसी डंतल इंकी ऐललन कलतुतुर। डुगस डुरेसीडेंडु उंदी डुरस्तलव डेश कलतुतुर अनल दूसरल डुगस करलरुडकलरी डवलन डेश कलतुतुर। इदुरड तल परलस्थलतल ते लुकुर डुनल सडरुथन कीडलनल?

चीन ते मत्ता जापानी आक्रमणकारी सेना ता पाड़ना  
कमांडर-इन-चीफ यासूजी ओकामूरा किन ओसो  
उंदी बेरा गिरफ्तार कियाला काजे ओसो  
क्वोमिंगतांग ता गृहयुद्ध-अपराधिर किन गिरफ्तार  
कियाला प्रतिक्रियावादी क्वोमिंगतांग सरकार किन  
आदेश हियाना बारे ते, चीनी कम्युनिस्ट पार्टी ता  
प्रवक्ता ना बयान

28 जनवरी 1949

प्रतिक्रियावादी नानकिंग क्वोमिंगतांग सरकार ता केंद्रीय समाचार-एजेंसी  
26 जनवरी ता तन्ना समाचार लोप्पा दोड़ रास्ता लेक्का इत्ता:

वरोर सरकारी प्रवक्ताल दोड़ रास्ता लेक्का बयान हीतोर। युद्ध जल्दी  
खत्म आयला काजे हत्ता महीना ते सरकार जनता ना तिप्पल कम कियाला  
काजे बचोनो तरिकांग लागू कित्ता ओसो निर्णय कु एतित्ता। इदे आयवा,  
इद महीना ते 22 तारीख ते सरकार शांतिवार्ता काजे व्यवहारिक रूप ते  
उंदी प्रतिनिधिमंडल<sup>1</sup> बने कित्ता। हत्ता बचोनो दिध्यानल सरकार  
समझौतावार्ता शुरू आयना इंजी चीनी कम्युनिस्ट पार्टी तन्ना  
प्रतिनिधिमंडल चुने कीयाना ओसो बदे उंदी जागा ते कलियला तैयार  
आयना इंजी हरीं हूडसोर मत्ता। मति शिनह्वा समाचार एजेंसी 25 तारीख  
ते उत्तरी शेनशी संगे कित्ता ब्रॉडकास्ट लोप्पा चीनी कम्युनिस्ट पार्टी ता  
वरोर प्रवक्ताल तन्ना स्टेटमेंट<sup>2</sup> ते सरकार संगे शांतिपूर्वक समाधान काजे  
वार्ता कियाला राजी आयना संगे ने अंधाधुंध तरीका ते सरकार ता अपमान

कित्तोर अनि ताना पोरो ओना खिलाफ हमला कीयाना लेक्कटा भाषा ता इस्तेमाल कित्ता इंजी आरोप वाटतोर। ओरु समझौर वार्ता काजे जागा सिर्फ पेफिंग पूरा मुक्त आत्तास्केने हियमूझायर इत्तोर। माटू चीनी कम्युनिस्टा पार्टी पेफिंग ता पूरा मुक्त आयनादिना हरीं हूडना नाटक कीतेके ओसो तुरंते तन्ना प्रतिनिधित्वमंडल नियुक्त कियवेके, समझौता वार्ता काजे सही जागा ता बारे ते राजी आयवेके ओसो तन्ना फौजी कार्रवाइंग बंद कियवेके अदु टाईम पास कीयाना कोशिश किया मंता ओसो युद्ध ता खतरा किन बेरसी किया मंता बहे इंजी पूछेमांतोम? लोकुर युद्ध ता खतरा किन मापला काजे पूरा देश ता जनता ना आशा किन सुरता ताससी उचुन वेने काम तुकू लेट कीयानायो। तन्ना ईमानदारी तुन साबित कियाला काजे सरकार ओसो उंदी बेरा चीनी कम्युनिस्ट पार्टी स्पष्ट रूप ते जनता ना सेवा कीयाना बगिल नेंडु सबसे ज्यादा ध्यान हियाना इंजी समझौता वार्ता काजे प्रतिनिधि मंडल चुने कीयाना काम तुन जल्दी पूरा कीसि शांति स्थापना कीयाना इंजी आशा किया मंता।

शांघाई तल लोहता 26 जनवरी ता तन्ना उंदी दूसरा खबर लोप्पा नानकिंग ता केंद्रीय समाचार एजेंसी इत्ता:

युद्ध अपराधिर पोरो मुकदमा कियाला काजे बने कित्ता राष्ट्रीय प्रतिरक्षा मंत्रालय ता फौजी अदालत 26 तारीख ते चीन ते मत्ता जापानी अभियान सेना ता पाड़ना कमांडर-इन-चीफ मत्ता जापानी युद्ध अपराधी जनरल यासूजी ओकामूरा ना बारे ते वेंडे आलसता पेरके अदालत ता प्रेसीडेंट श सेइ-य्वी नेंडु नुल्पेह बेरा 4 बजे ओनकिन निरपराध घोषित कित्तोर अस्के अदालत लोप्पटा वात्तावरण वेल्ले दुक्कम पोयसी मत्ता। फैसला केंजता पेरके शांत नितसी मत्ता ओकामूराल उचुन कव्वतोर।

पोरो वेहता पोल्लोंग किन सुरता तासिसी चीनी कम्युनिस्ट पार्टी ता प्रवक्ताल दोड़ रास्ता लेक्का बयान हीतोर:

- 1) प्रतिक्रियावादी नानकिंग क्वोमिंगतांग सरकार युद्ध अपराधिरा पोरो मुकदमा कियाला काजे बने कित्ता फौजी अदालत चीन ते मत्ता

जापानी अभियान सेना ता पाड़ना कमांडर-इन-चीफ जापानी युद्ध अपराधी जनरल ओसो चीन-विरोधी आक्रमणकारी जापानी अभियान सेना ता सब्बे युद्ध अपराधिरा लोप्पा प्रमुख युद्ध अपराधी मत्ता<sup>3</sup> यासूजी ओकामूरा, “निरापराध” घोषित कितोर, चीनी कम्युनिस्ट पार्टी ओसो चीनी जनमुक्ति सेना ता जनरल हेडक्वार्टर कलियसी इद्रम कीयाना अनुमति हिल्ले इंजी ऐलान कितोर। जापानी आक्रमण विरोधी युद्ध ता 8 साल कुना लोप्पा हिसाब हिल्ला जान-माल तुन पोहता पेरके चीनी जनता जीत दोरकी कित्ता अनि युद्ध अपराधी किन पोयता, इंजे प्रतिक्रियावादी नानकिंग क्वोमिंगतांग सरकार किन विचार वात्ता लेक्का निरपराध घोषित कीयाना अनुमति हीवो। पूरा देश ता जनता सब्बे जनवादी पार्टिंग, जन संगठन किन ओसो प्रतिक्रियावादी नानकिंग क्वोमिंगतांग सरकार ता शासन व्यवस्था लोप्पा काम कियावा सब्बे देशभक्त लोकर किन वेने तुरंत तेदना अस्केने राष्ट्रीय अधिकार कुन वम्मला ओसो जापानी फासीवादी सेना संगे उंदी आयना सरकार ता अपराधपूर्ण कारवाइंग ना विरोध कियमूडायर। प्रतिक्रियावादी नानकिंग सरकार ता नेता लोर किन गंभीर चेतावनी हींतोर, मीकिन विरोध कियवा लेवा ओसो उचुन वेने बेरा कियवा लेवा यासूजी ओकामूरा किन ओसो गिरफ्तार कीसि जेल ते लोहचियाना इंजी। मावा संगे समझौतावार्ता कीयाना मीवा विचार गट्टिग जुड़ेमासी मंता। मावा हिसाब ते मीटू मीवा इंजेटा सब्बे कारवाइंग संगे झूठी शांतिवार्ता ता इस्तेमाल कीसि युद्ध कीयाना मीवा पूना तैयारिंग पोरो रोंडा वाटना कोशिश किया मंतरि। ताना लोप्पा चीन वायना ओसो चीनी जनता किन हौकला काजे मीवा मदद कीयाना जापानी प्रतिक्रियावादि किन लालच हियाना मीवा प्लान शामिल मंता, मीवा इद लक्ष्य किन पूरा कियाला काजे मीवा यासूजी ओकामूरा किन रिहा कीयानादु मंता। अदिन काजे माटू मीकिन इद्रम कीयाना अनुमति हीवोमा। माटू मीकिन यासूजी ओकामूरा किन ओसो गिरफ्तार कीयाना ओसो माटू तय कित्ता टाईम

ओसो जागा ते जन मुक्ति सेना (पीएलए) किन सौंपे कीयाना जिम्मेदारी एतना इंजी आदेश हींतोमा जापानी युद्ध अपराधिर किन मावा आदेश वायना जोम मीवा कब्जा ते मंदानूर, विचार वात्ता लेक्का ओरा लोप्पटल बोनकिने वेने रिहा कीयानायो ओसो बुस्किसी वित्तला वेने हियानायो। मीवा लोप्पटल बोर इद आदेश ता उल्लंघन कींतोर ओरकिन सख्त सजा हियमूडायर।

- 2) प्रतिक्रियावादी नानकिंग क्वोमिंगतांग सरकार ता प्रवक्ता ना 26 जनवरी ता स्टेटेमेंट तिंची माटू नानकिंग लोप्पा मत्ता सब्बे नेतालोर शांतिवार्ता ता बारे ते वेल्ले गिर्दा ते हरीं हूडा मंतोर इंजी पुत्तोमा इव सब्बे “युद्ध ता टाईम कम कीयाना”, “जनता ना तिप्पल कम कियाला” ओसो “जनता ना सेवा कीयाना पोरो वेल्ले ध्यान हियाला” काजे मंता इंतोर। मीटू चीनी कम्युनिस्ट पार्टी उचुन वेने विरोध कीसोर हल्ले इंजी आल्सा मंतिर इंदानदू माटू पुत्तोमे। इदे आयवा अदु तन्ना फौजी कारवाइंग वेने बंद कित्ताद हिल्ले ओसो टाईम पास कीयाना कोशिश कीसि अदु युद्ध ता खतरा किन बेरसी किया मंता इंजी आल्संतिर। नानकिंग ता नेतालोर माटू मीकिन स्पष्ट रूप ते युद्ध अपराधी मानेमांतोम, मीवा पोरो मुकदमा ताकी कियमूडायर। “शांति” लेवके “जनता ना विचार” ता बारे ते मीटू कीयाना पोल्लोंग पोरो माटू उचुन वेने विश्वास कीवोम। मीटू अमेरिका ता ताकत संगे जनता ना विचार कुन पोच्चांग कीतीर। युद्ध रोमी कीयाना समझौता ओसो राजनीतिक सलाहकार सम्मेलन ता प्रस्ताव कुन हीकसी रद्दी ते वाटसितिर अनि वेल्ले निर्मम, जन-विरोधी ओसो क्रांति-विरोधी गृहयुद्ध शुरू कीतिर। अस्के मीटू वेल्ले कंदरेमासी मत्तिर, मीटू बोनाए सलाह वेने एतविरे। मीटू उंदी बोगस राष्ट्रीय एसेम्बली केयतिर, उंदी बोगस संविधान तैयार कीतिर, वरोर बोगस प्रेसीडेंट चुने कीतीर। अनि “विद्रोह पोरो दमन कियाला काजे लामबंदी” ता उंदी बोगस आदेश जारी कीसि मत्तिर। अस्के वेने मीटू इव सब्बे पोल्लोंग ना बारे ते वेल्ले हरीं हूडसोर मत्तिर। उंदी बेरा

बोनाए सलाह एतना इंजी वेने आल्सविरा अस्के शांघाई, नानकिंग ओसो उचुक प्रमुख शहरकुना लोप्पा मत्ता सब्बे सलाहकार परिषद, व्यापार-मंडल, ट्रेड-यूनियन, किसान संगठन, महिला संगठन ओसो सांस्कृतिक संगठनकु मीवा सरकार ताकी कीतांग लेवेके मीवा मोहरांग किन काम हीतांग, “विद्रोह ता दमन कियाला काजे लामबंदी ता समर्थन कीयाना” ओसो “कम्युनिस्ट दस्तावेज कुन खत्म कीयाना” बारे ते वेल्ले कोल्हार कीतिर अस्के ओसो उंदी बेरा ओरु बोनाए सलाह पोरो ध्यान हियवोरा ताना पेरके ढाई साल आत्ता, इदे नडमा हौकता लोकुरा संख्या दसियों लाख एवता। मीटू पोत्ती कित्ता नाहकु, मीटू बलात्कार कित्ता महिलांग ओसो मीटू लूटे कित्ता सम्पत्ति, मीवा हवाई फौज लोकुरा पिस्वल ओसो सम्पत्ति तुन बचोन नुकसान कित्तायो लेक्का किया परमूडायो: मीटू गंभीर अपराध कीतिर अविना हिसाब हिया लागिगर। मीटू हिसाब एतना संघर्ष ता खिलाफ मंतिर इंजी केंजतोमा मति इंजे इत्तेके हिसाब एतला काजे संघर्ष कीयाना कारण वेने मंता। हिसाब एतसी माफ वेने कीयाना। लड़ाई लडेमायना ओसो संघर्ष जरूर कीयाना। मीटू हारेमासी मंतिर। मीटू जनता ना होंग किन भड़के कीतिर, पूरा जनता मीवा खिलाफ उंदी पिस्सना-हायना ता संघर्ष लोप्पा तेदता। जनता मीकिन विचारे कीवो अदिन काजे जनता मीवा निंदा कियाला काजे तेदता अनि मीटू अलगाव ते अरसी मंतिर, अदिन काजे मीटू हारेमासी मंतिर। मीवा शांति-वार्ता काजे पांच शर्तकु<sup>1</sup> पेश कितिरे अनि माटू 8 शर्तकु पेश कित्तोम, जनता तुरंत मावा 8 शर्तकुना समर्थन कित्ता अनि मीवा 5 शर्तकुन मानेमाताद हिल्ले। मीवा लोप्पा मावा 8 शर्तकुना खंडन कीयाना लेवेके मीवा 5 शर्तकुना पोरो नितसी मंदाना हिम्मत हिल्ले। मीटू मावा 8 शर्तकुन समझौतावार्ता ता आधार बने कियाला तैयार हिल्विर। इदु बेसता पोल्लो हिल्ले या? अद्रम इत्तेके तुरंत वार्ता शुरू कीयानायो या? अदिन काजे मीटू “बदे शर्त हिल्वा लड़ाई बंद कियाला”, “युद्ध टाईम कम कियाला”, “जनता ना तिप्पल कम

कियाला” ओसो “जनता ना सेवा कीयाना पोरो सबसे मुन्ने ध्यान हियाना” वेल्ले जरूरत मंता इंजी वेल्ले गिर्दा ते तैयार मंतिरा ओसो माटू? वेल्ले गिर्दा ते हिल्लेम, माटू “टाईम पास कीयाना कोशिश कीयाना ओसो ओसो युद्ध ता खतरा किन बेरसी किया मंतोम”। मति नानकिंग ता नेता लोर उचुन रोमाटू! माटू वेल्ले गिर्दा आया मंतोम, युद्ध ता टाईम जरूर कम कियमूड़ायर, जनता ना तिप्पल कुन जरूर कम कियमूड़ायर। बारांकु इत्तेके वार्ता काजे आधार लेक्का मीटू मावा 8 शर्त कुन स्वीकार कीतिरे, अदिन काजे मीटू ओसो माटू इदे काम लोप्पा लगे मायकाल। इव 8 शर्त कुन लोगू कीयाना काम ते माटू ओसो सब्बे जनवादी पार्टिंग, जन संगठन ओसो देशमेटा अलग-अलग पेशा वाले लोकुर बचोनो महीनांग, 6 महीना लेवेके उंदी साल एवनल लेवेके बचोनो साल एवनल इद काम ते लगे मायकाल। ओसो इद काम किन पूरा किया वेने परवोम आयकोम बहो नानकिंग ता नेता लोर उचुन केंजाटु! इव 8 शर्तकुना लोप्पा ठोस तत्व मंदाना जरूरी मंता, इंजे उचुन जोम हर मानेय इद पोल्लो ता बारे ते आल्सना वेल्ले महत्वपूर्ण मंता। अदिन काजे काजे उचुन लेट आतेके वेने जनता माकिन माफ कियारा। स्पष्ट रूप ते वेहाना इत्तेके जनता ना राय इद समझौतावार्ता काजे वेल्ले बेस तैयारी कीयाना इंजी मंता। समझौतावार्ता जरूर आयर ओसो बोनकिने वेने इदिन नडमाए देहना ओसो समझौता वार्ता तुकू इनकार कीयाना अनुमति हिल्ले। अदिन काजे मीवा प्रतिनिधिर वायला तैयार आयना। मति माकिन इंजे उचुन टाईम मना तैयारिंग पूरा कियाला काजे लागियर, माटू युद्ध-अपराधिर किन मावा समझौता वार्ता ता तारिख तय कीयाना अनुमति हीवोम। माटू ओसो पेफिंग ता जनता इंजे उंदी महत्वपूर्ण काम किया मंता, माटू 8 शर्तकुना पोरो आधार आसी पेफिंग ता सवाल किन शांतिपूर्ण तरिका ते हल किया मंतोम। पेफिंग ते मत्ता मीवा लोकुर जनरल फू च्वो-ई वेने काम ते हिस्सा एता मंतोरा। मीटू वीनकिन मीवा समाचार-एजेंसी ता स्टेटमेंट लोप्पा सही मानेमातिरा।<sup>6</sup> अद्रमासी सिर्फ

शांतिवार्ता काजे उंदी जागा दोरकनादे आयवा नानकिंग, शांघाई, ऊहान, शीआन, थाएय्वान, क्वेइस्वेइ, लानचओ, तीह्वा, छंगतू, खुनमिंग, छांगशा, नानछांग, हांगचओ, फूचओ, क्वांगचओ, थाइवान, हाएनान द्वीप काजे वेने शांतिपूर्ण समाधान ता उदाहरण आयरा। अदिन काजे इद काम वेल्ले बेसता काम आंदू, नानकिंग ता नेतालोर इदिना पोरो लापरवाही कीयानायो। माटू इंजे युद्ध-अपराधिरा सूची तैयार कीयाना समस्या किन पोयसी मीवा रेंडासी इलाकांग ना जनवादी पार्टिंग, जन-संगठनकु ओसो निर्दलीय जनवादी लोकुरा संगे विचार-विमर्श किया मंतोमा। 8 शर्त कुना लोप्पटल पहली शर्त ता ठोस मुद्दांग पोरो आल्सा मंतोमा। इद सूची किन व्यवहारिक रूप ते जारी कियाला वेल्ले बेरा लागो आयारा। नानकिंग ता नेता लोर मीटू पुत्ता लेक्का माटू इंजे एवनल इद्रम ता सूची ता बारे ते जनवादी पार्टिंग ओसो जन संगठन कुना संगे विचार-विमर्श कीयाना ओसो व्यवहारिक रूप ते प्रकाशित कियाला बेरा दोरकताद हिल्ले। इदिना काजे माकिन माफ कियमूट। इदिना कारण ते मीवा शांतिवार्ता तुकू अपील उचुन पेरके अरता। इदु उचुन मुन्ने मावागा एवसी मत्तेके मावा तैयारिंग इंजे एवनल पूरा आसी मनवंग। इद्रम आतांकु मीटू बाताले कीयानायो इंजी आयो। जापानी युद्ध-अपराधी यासूजी ओकामूरा किन गिरफ्तार कीयाना संगेने मीटू गृहयुद्ध अपराधिरा ग्रुप किन गिरफ्तार कीयाना वेने तुरंत शुरू कीयाना। सबसे मुन्ने नानकिंग, शांघाई, फंगह्वा ओसो थाइवान ता चीनी कम्युनिस्ट पार्टी कैदे मत्ता मानेय ना 25 दिसम्बर 1948 ता स्टेटमेंट ते पोरोल हीता 43 युद्ध अपराधिरा किन गिरफ्तार कीयाना। तीना लोप्पा पहली नम्बर ते च्यांग काई-शेक, टी.वी.सुंग, छन छंग, हो इंग-छिन, कू चू-थुंग, छन ली-फू, छन क्वो-फू, चू च्या-ह्वा, वांग श-च्ये, ऊ क्वो-चन, ताए छवान-श्येन, थांग अन-पो, चओ च-रओ, वांग शू-मिंग ओसो क्वेइ युंग-छिंगा<sup>7</sup> च्यांग काई-शेक ना विशेष महत्व मंता। ओरु इंजे फंगह्वा वित्तितोर, इंजे विदेश वितिसी अमेरिका लेवेके ब्रिटिश साम्राज्यवाद ता मदद



एतना संभावना मंता। अदिन काजे मीटू युद्ध अपराधिर किन जल्दीए गिरफ्तार कीयाना ओसो ओनकिन पेसिस वित्तला हियनायो। मीटू इद काम लोप्पा पूरा जिम्मेदारी एता लागियर। बोराई पेसिस वित्तितेके मीकिन डाकू लोर किन रिहा कीयाना अपराध काजे सजा हियमूडायर ओसो मीकिन उचुन वेने छूट मन्नो आयर। इदिना बारे मुन्ने चेतावनी हीविर इंजी इनमाटू। मावा हिसाब ते युद्ध अपराधिर किन गिरफ्तार कीतेकेने युद्ध ता टाईम कम कियमूडायर ओसो जनता ना तिप्पल कम कीयाना काम पोरु गंभीरता ते ध्यान हियमूडायर। बस्के एवनल युद्ध अपराधिर आजादी ते वेलियसोर मंदानूर अस्के एवनल युद्ध टाईम बेरससोरे दायर। अनि जनता ना तिप्पलकु गंभीर आसोर दायनुंगा।

- 3) माटू प्रतिक्रियावादी नानकिंग सरकार इगा वेहता रेंडु पोल्लोंग ना जवाब हियाना इंजी मांग कीतोमा।
- 4) 8 शर्तकुना लोप्पा बाकी शर्तकुना बारे ते रेंडु पक्ष कीयाना तैयारिंग ना बारे नानकिंग किन बदे दूसरा टाईम हियमूडायर।

## नोट

- 1) प्रतिक्रियावादी क्वोमिंगतांग सरकार शांतिवार्ता लोप्पा शामिल आयला काजे चुने कित्ता प्रतिनिधिमंडल लोप्पा शाओ लि-चि, चांग च-चुक, ह्वांग शाओ-हुंग, फंग चाओ-श्येन ओसो चंग थ्येन-शिन शामि मत्तोर।
- 2) 25 जनवरी 1949 ते चीनी कम्युनिस्ट पार्टी ता वरु प्रवक्ताल शांतिवार्ता ता बारे ते हीता बयान लोप्पा इद्रम इत्तोर: “माटू प्रतिक्रियावादी नानकिंग सरकार किन मावा संगे शांतिवार्ता कियाला उंदी प्रतिनिधिमंडल लोहना अनुमति हीतोमा बारांकु इत्तेके इद सरकार लोप्पा इंजे एवनल उचुन प्रतिक्रियावादी सशस्त्र ताकत कु मंतांगा। इद सरकार जनता ना विश्वास हिल्ले इंजी आल्सिंता ओसो तन्ना प्रतिक्रियावादी सशस्त्र ताकतकु शक्तिशाली जन-मुक्ति सेना ता मुकाबला किया परवो इंजी आल्सतेके ओसो इद सरकार शांति काजे चीनी कम्युनिस्ट पार्टी पेश कित्ता 8 शर्तकु मानेमायला तैयार हिल्लेके जनता ना मुक्ति काम तुकू इदिना फैसला समझौता वार्ता संगे आतेके बेस आयर। अस्केने जनताना तिप्पलकुन कम कियमूडायर।” बयान

लोप्पा वेहता समझौता वार्ता तुकू सही जागा ता बारे ते सही फैसला पेफिंग ता पूरा मुक्त आत्ता परेके कियमूडायरा। अस्के अद जागा पेफिंगे मंदाना लेक्का मंता। नानकिंग सरकार चुने कित्ता प्रतिनिधित्व ता बारे ते बयान हीता लेक्का “फंग चाओ-श्येन क्वोमिंगतांग के.सी. गुट ता महत्वपूर्ण लोकुरा लोप्पटाल वरोर मंतोर वीरू युद्ध काजे वेल्ले गिर्दा आया मंतोर ओसो जनता ओनकिन वरोर युद्ध अपराधी समझेमांता: चीनी कम्युनिस्ट पार्टी इद्रमता प्रतिनिधि किन स्वीकार किया परवो।”

- 3) यासूजी ओकामूरा चीन खिलाफ आक्रमण कीयाना अपराध लोप्पा सबसे ज्यादा भागीदारी मत्ता जापानी युद्ध अपराधिरा लोप्पा वरोर मत्तोर। 1925 तल 1927 एवनल ओरू वरोर उत्तरी युद्ध-सरदार सुन ह्वान-फांग ना फौजी सलाहकार ना लेक्का काम कित्तोर। 1928 ते जापानी फौजकु चीनान पोरो हमला कीसि कब्जा कित्तास्के ओरू इद युद्ध लोप्पा जापान किन पैदल फौज ता उंदी रेजीमेंट कमांडिंग अफसर लेक्का शामिल आतोर। 1932 ते ओरू जापानी अभियान सेना ता डिप्टी चीफ आफ स्टाफ लेक्का काम कित्तोर। अदु शांघाई पोरो कब्जा कित्ता। 1933 ते देशद्रोही क्वोमिंगतांग सरकार संगे हत्तोर “थांगकू समझौता” पोरो जापान सरकार बगिल तल दस्तखत (साईन) कित्तोर। 1937 तल 1945 एवनल लगातार जापान ता 11वी फौज ओसो उत्तरी चीन मोर्चा सेना ओसो छठी मोर्चा सेना ता कमांडर ओसो चीन लोप्पा जापानी अभियान सेना ता कमांडर-इन-चीफ मत्तोर। ओरू चीन लोप्पा “सब्बे पोत्ती कीयाना, सब्बे तोर किन हौकना ओसो सब्बे लूटे कीयाना” वेल्ले बर्बरतापूर्वक नीति किन लागू कित्तोर। अगस्त 1945 ते येनान लोप्पा प्रकाशित आत्ता जापानी युद्ध-अपराधिरा सूची लोप्पा ओना पोरोल पहली नंबर ते मत्ता। जन-मुक्ति युद्ध ताकनास्के च्यांग काई-शेक ना खुफिया फौजी सलाहकार मत्तोर। मुक्त इलाकांग पोरो च्यांग ना हमलांग ना योजना पंडतोर। जनवरी 1949 ते ओनकिन प्रतिक्रियावादी क्वोमिंगतांग सरकार निरपराध घोषित कीसि रिहा कित्तास्के ओरू जापान वापिस हत्तोर। 1950 ते ओरू च्यांग काई-शेक ना ट्रेनिंग अफसर पद स्वीकार कित्तोर। 1955 ते ओरू जापानी भूम सेना, एर सेना ता भूतपूर्वक सैनिक लोर किन संगठित कीसि उंदी “सहयोद्धा संघ” (इदिन परेके सेवा-निवृत सहयोद्धा संघ पोरोल हीतोर) बने कित्तोर। जापानी सैन्यवाद किन पुनर्निर्माण कियाला काजे ताकी कीयाना प्रतिक्रियावादी कार्रवाइंग लोप्पा वेल्ले सक्रिय भूमिका निभे कित्तोर।

- 4) प्रतिक्रियावादी क्वोमिंगतांग सरकार शांतिवार्ता काजे पेश कित्ता 5 शर्तकु 1949 ता च्यांग काई-शेक ना पूना साल ता बयान लोप्पा पेश कित्ताद मंता। अव शर्तकु इद्रम मंतांग: 1. शांतिवार्ता तल “देश ता स्वतंत्रता, अखंडता किन नुकसान आयनायो।” 2. शांतिवार्ता तल “जनता ना पुनर्वास कियाला मदद दोरकना”। 3. “नावा काम तल पवित्र संविधान ता उल्लंघन आयनायो ओसो इदिना कारण ते

जनवादी संविधान किन नुकसान आयनायो।” चीन गणराज्य ता राजतंत्र लेक्का गारंटी कीयाना अनि चीन गणराज्य ता कानूनी सत्ताधिकार लोप्पा गडबड कीयाना। 4. “सशस्त्र सेना किन जरूर बने कीयाना।” 5. “जनता तम्मा रहन-सहन स्वतंत्र रूप ते जारी तासना ओसो न्यूनतम पिस्वल-स्तर तासना अनुमति मंदाना।”। कामरेड माओ त्सेतुंग तुरंत वेल्ले सख्ती ते इव 5 शर्तकुना खंडन कित्तोर। इदिना काजे इदे ग्रन्थ लोप्पा “युद्ध अपराधिर शांति काजे कै दोहजची कीयाना अपील बारे ते” हेडिंग वाले लेख हूडाटू।

- 5) शांतिवार्ता काजे चीनी कम्युनिस्ट पार्टी पेश कित्ता “8 शर्तकु” कामरेड माओ त्सेतुंग 14 जनवरी 1949 ते वर्तमान परिस्थिति ता बारे ते स्टेटमेंट पेश कित्तोर। इदे ग्रन्थ लोप्पा “चीनी कम्युनिस्ट पार्टी ता केंद्रीय कमेटी अध्यक्ष माओ त्सेतुंग ना वर्तमान परिस्थिति ता बारे ते स्टेटमेंट” हेडिंग वाले लेख हूडाटू।
- 6) क्वोमिंगतांग ता केंद्रीय समाचार-एजेंसी ता 27 जनवरी 1949 ता उंदी समाचार अनुसार नानकिंग सरकार ता राष्ट्रीय प्रतिरक्ष मंत्रालय ऐलान कीता, “उत्तरी चीन लोप्पा युद्ध टाईम कम कीयाना, शांति काजे ओसो इद्रम ता पाड़ना राजधानी पेफिंग ता बुनियादिंग किन, इदिना सांस्कृतिक वस्तुंग, ऐतिहासिक स्मारक किन अद्रमे तासना उद्देश्य ते कमांडर इन चीफ फू च्यो-ई 22 जनवरी ते उंदी घोषणापत्र जारी कित्तोर ताना लोप्पा अद दिव्या नरकुम 10 बजे ता लडाई बंद आयार इंजी वेहतोर। जनरल हेडक्वार्टर ता आदेश ते पेफिंग लोप्पा तैना मत्ता मना फौज ता बेहरा हिस्सा शहरी हँदिंग नल गुच्चिसी उचुन लोप्पटा इलाकांग लोप्पा हत्ता।” ताना पेरके “स्वेयवान ओसो नाखुंग लोप्पा वेने लडाई बंद आयार” इंजी इत्तोर।
- 7) क्वोमिंगतांग शासन ता टी.वी. सुंग वित्तमंत्री कार्यकारी ख्वान ता अध्यक्ष, विदेश मंती ओसो अमेरिका ते क्वोमिंगतांग सरकार ता विदेशी दूत लेक्का कित्तोर। क्वोमिंगतांग ना पाड़ना चीफ आफ जनरल स्टाफ छन छंग अस्के थाइवान ता गवर्नर मत्तोर हो इंग-छिन क्वोमिंगतांग ता चीफ आफ जनरल स्टाफ ओसो राष्ट्रीय प्रतिरक्षा मंत्रि मत्तोर। कू चु-चुंग अस्के क्वोमिंगतांग फौज ता चीफ आफ जनरल स्टाफ मत्तोर। छन ली-फू, छन क्वो-फू ओसो चू च्या-ह्वी वीर सब्बेतोर क्वोमिंगतांग ता सी.सी गुट ता नेताल मत्तोर। वांग श-थ्ये क्वोमिंगतांग ता विदेश मंत्रि मत्तोर। ऊ क्वो-चन क्वोमिंगतांग सरकार बगिल तल शांघाई ता मेयर मत्तोर। ताए छवान-श्येन किन ताए ची-पाओ इंदानोर, वेल्ले जोम च्यांग काई-शेक “सलाहकार मंडल” ता सदस्य मत्तोर। अस्के क्वोमिंगतांग ता केंद्रीय कार्यकारिणी कमेटी ता स्थाई समिति ता सदस्य मत्तोर। थांग अन-पो नानकिंग, शांघाई, हांगचओ इलाकांग लोप्पा क्वोमिंगतांग ता गैरिजन फौज कुना कमांडर इन-चीफ मत्तोर। चओ च-रओ क्वोमिंगतांग वायु सेना ता कमांडर इन चीफ मत्तोर। वांग शु-मिंग क्वोमिंगतांग वायु

सेना ता डिप्टी कमांडर इन चीफ ओसो चीफ आफ स्टाफ मत्तोर। क्वेइ युंग-छिंग  
क्वोमिंगतांग एर सेना ता कमांडर इन चीफ मत्तोर।

जापानी युद्ध-अपराधिर ओसो क्वोमिंगतांग युद्ध  
अपराधिर किन सज़ा हियाना पोल्लो शांति ता  
शर्तकुना लोप्पा जरूरी शामिल कीयाना  
चीनी कम्युनिस्ट पार्टी ता प्रवक्ता ना स्टेटमेंट  
5 फरवरी 1949

चीनी कम्युनिस्ट पार्टी ता प्रवक्ताल शांतिवार्ता ता सवाल ता बारे ते 28 जनवरी ते जारी कित्ता स्टेटमेंट ता जवाब प्रतिक्रियावादी क्वोमिंगतांग सरकार 31 जनवरी ता स्टेटमेंट ते हीतोर। तन्ना जवाब ते प्रतिक्रियावादी क्वोमिंगतांग सरकार ता प्रवक्ताल चीनी कम्युनिस्ट पार्टी ता प्रवक्ताल तेहता सवाल कुना बारे ते षडयंत्र ता मदद एतितोर। जापान चीन पोरो आक्रमण कीयाना प्रमुख अपराधी यासूजी ओकामूरा किन दुबारा गिरफ्तार कीयाना ओसो ओनकिन जनमुक्ति सेना तुन सौंपे कीयाना, बाकी जापानी युद्ध-अपराधिर किन नजरबंद कीयाना, ओरकिन वित्तला हियवा लेक्का जिम्मेदारी प्रतिक्रियावादी क्वोमिंगतांग सरकार पोरो मंता इंजी चीनी कम्युनिस्ट पार्टी मांग कित्तास्के, क्वोमिंगतांग प्रवक्ताल “इदु अदालत ता पोल्लो आंदू, शांतिवार्ता संगे इदिना बदे संबंध हिल्ले, इदिन शांतिवार्ता काजे पहली शर्त लेक्का पेश कीयाना बेसता पोल्लो मंता इंजी” इत्तोर। चीनी कम्युनिस्ट पार्टी च्यांग काई-शेक ओसो बाकी युद्ध अपराधिर किन गिरफ्तार कीयाना जिम्मेदारी प्रतिक्रियावादी क्वोमिंगतांग सरकार तेहना इंजी मांग कित्तास्के क्वोमिंगतांग प्रवक्ताल “असली शांति काजे बदे पहली शर्त वाटनायो” इत्तोर। ओसो चीनी कम्युनिस्ट पार्टी ता प्रवक्ता ना स्टेटमेंट तले “ओरा रुझान वेल्ले गंभीर हिल्ले” ओसो “बचोनो मुश्किलकु

पुटतांग” इतोर। इदिना बारे ते चीनी कम्युनिस्ट पार्टी प्रवक्ताल इद्रम इंतोर - माटू 28 जनवरी एवनल प्रतिक्रियावादी देश वम्मना क्वोमिंगतांग सरकार किने सरकार इंदानोरोम, निज्जमे इदिना बारे ते मावा गंभीर स्टेंड वेल्ले गंभीर हिल्ला मत्ता। इंजे इद “सरकार” ता अस्तित्व मंता या हिल्ले? अदु नानकिंग ते मंता या? इंजे नानकिंग लोप्पा बदे प्रशासनिक संस्थान हिल्ले। अदु क्वांगचओ ते मंता या? क्वांगचओ ते इंजे बोरे प्रशासनिक नेताल हिल्ले। ओरु शांघाई ते मंतोरा? इंजे शांघाई ते बदे प्रशासनिक संस्थान ओसो बोरे प्रशासनिक नेताल हिल्ले। इद्रम फंगह्वा ते मंता या? फंगह्वा लोप्पा सिर्फ वरोर बोगस प्रेसीडेंट मंतोर, ओरु काम कीयाना विडसतोर इंजी ऐलान कितोर, अगा ओनकिन विडचसी बाताले हिल्ले। अदिन काजे गंभीर रूप ते अदिन उंदी सरकार लेक्का मानेमायमूडायो। अदु उंदी पोरोल तुके मत्ता सरकार आंदू। अदु पोरोल तुके “सरकार” मानेमातेके इंजे इद सरकार बागिल तल वडकना वरोर प्रवक्ताल मंतोर, ओरू इद तथाकथित पोरोल तुके मत्ता प्रतिक्रियावादी क्वोमिंगतांग सरकार तल बगिल तल वडका मंतोर। कल्पनिक, पोरोल तुक मंदना, प्रतिक्रियावादी देशवम्मना क्वोमिंगतांग सरकार इंजे एवनाल शांति वार्ता काजे बाताए योगदान हिता या हिल्ले, इदिन उल्टा लगातार अदु वेल्ले मुश्किल ते वाटता इंजी प्रवक्ताल आल्सतेके बेस आंता। उदाहरण तुकू, मीटू अचानक यासूजी ओकामूरा किन उंदी बेरा निरपराध घोषित कीसि समझौता वार्ता लोप्पा तिप्पल पुट्टिकितिरा हिल्ले? यासूजी ओकामूरा किन दुबारा गिरफ्तार कीयाना चीनी कम्युनिस्ट पार्टी ता मांग किन विडिससि ओसो 260 बाकी जापानी युद्ध अपराधिर किन वेने जापान वापिस लोहतीर, इद शांति वार्ता तुकु तिप्पल कितिरा हिल्ले? नेंडु जापान पोरो बोरे शासन किया मंतोर? जापान लोप्पा साम्राज्यवाद ता आयवा जापानी जनता ना शासन ताका मंता या? जापान मीवा जीवा ता देश आंदू, मीटू जापनी युद्ध अपराधिर किन मीटू शासन कीयाना इलाका ते आयवा जापान ते मंजि ज्यादा सुरक्षा ओसो आराम दोरकियर इंजी ओसो अगा मीवा संगे वेल्ले बेस ता व्यवहार कियमूडायर इंजी आल्संतिरा। मीटू जापान

आक्रमणकारिण मावा खिलाफ पूरा 8 साल एवनल लड़ेमातादु मरंगतिरा? शांति वार्ता संगे इदिना बदे संबंध हिल्ले या? चीनी कम्युनिस्ट पार्टी 14 जनवरी ते आठ शर्त पेश कित्तास्के एवनल यासूजी ओकामूरा किन विड़सना पोल्लो बारांकु मुन्ने वायो? 26 जनवरी ते इद पोल्लो मुन्ने वातांकु ओसो शांति वार्ता संगे बोयसी मत्तांकु इदिन मुन्ने तासना। 31 जनवरी ते मीटू मैकआर्थर ना आदेश ता पालन कीसोरे यासूजी ओकामूरा ओसो बाकी 260 जापानी युद्ध अपराधिर किन जापान लोहतिर, अस्के ने इदु पोल्लो शांति वार्ता संगे जुड़ेमाता। मीटू शांति वार्ता तुकू अपील बारांकु किया मंतिर? बारांकु इतेके युद्ध लोप्पा मीटू हारेमातिर। मीटू बारांकु हारेमातिर? बारांकू इतेके मीटू जनाताना खिलाफ गृहयुद्ध शुरू कित्तिर। मीटू अद गृहयुद्ध बस्के शुरू कित्तिर? जापान सरेंडेर कित्ता पेरके। मीटू बोना विरोध कियाला काजे इद युद्ध शुरू कित्तिर? जनमुक्ति सेना ओसो जनता ना मुक्त इलाका कुना विरोध कियाला काजे, बोर जापानी आक्रमाण विरोध ते ताकता युद्ध लोप्पा महान योगदान हितोर। मीटू बदिना मदद ओसो हथियार कुना संगे इद युद्ध शुरू कित्तिर? अमेरिका ता मदद ते, मीवा इलाके लोप्पा मंता जनता किन जबरदस्ती सेना लोप्पा भरती कीसि ओसो जनता ना धन संपत्ति किन लूटे कीसि मीटू इद युद्ध शुरू कित्तिर। जापानी आक्रमणकारिण खिलाफ चीनी जनता ना महान निर्णयात्मक लड़ाई मारता, बाहरी दुश्मन संगे युद्ध खत्म आत्ता इतेके ने मीटू गृहयुद्ध शुरू कीतिर। मीटू हारेमाता पेरके समझौता वार्ता ता मांग कीतिर मति अचानक मीटू प्रमुख जापानी युद्ध अपराधी यासूजी ओकामूरा किन निरपराध घोषित कीतिर। माटू मीवा विरोध कित्तास्के ओसो ओनकिन ओसो जेल ते वाटना, जन मुक्ति सेना (पीएलए) कैदे सौंपे कीयाना मांग कित्तास्के मीटू तुरंत ओनकिन बाकी 260 बाकी जापानी युद्ध अपराधिरा संगे जापान लोहतिर। प्रतिक्रियवादी देशवम्मना क्वोमिंगतांग सरकार ता नेता लोर, मीवा इद कार्रवाई वेल्ले लब्बड़ मंता। इद जनता ना इच्छा तुक खिलाफ मंता। इंजे माटू मीवा काजे “देशवम्मनोर” पोरोल पुंजी-पुंजी इस्तेमाल किया मंतोम, इदिन मीटू मानेमातेके बेस आयारा। मीवा सरकार वेल्ले जोम

देशवम्माना सरकार लेक्का मत्ता, उचुन जोम काजे बस्के-बस्के माटू इद शब्द तुन विडसानोरोम, इंजे माटू इदिन विडसा परवोम। हत्ता कालम ते देशवम्माना सब्बे अपराध मीटू कीतीर अवे आयवा मीटू देशवम्माना ता ओसो उंदी अपराध कीतिर, इद वेल्ले गंभीर अपराध आंदू इदिना शांतिवार्ता ता मीटिंग ते वाद-विवाद जरूर कीयाना। इदिना बारे ते मीटू बाताल आल्सतेकाई इदिना पोरो वाद-विवाद जरूर कीयाना। बारांकु इत्तेके 14 जनवरी पेरकेटा घटना आंदू ओसो माटू पेश कित्ता 8 शर्त कुना लोप्पा शामिल हिल्ले। अदिन काजे माटू पहली शर्त लोप्पा जापनी युद्ध अपराधिर किन सजा हियाना उंदी नीति जोड़े कीयाना जरूरी मंता इंजी आल्संतोम। इद्रमे पहली शर्त लोप्पा इंजे रेंडु पोइंट मंतांगः क) जापानी युद्ध अपराधिर किन सजा हियाना ओसो ख) गृहयुद्ध अपराधिर किन सजा हियाना। माटू पेश कित्ता इव पोइंट्स किन जोड़े कीयाना कार्रवाई गलत हिल्ले। इदु देश मेटा जनता ना फैसला आंदू देशमेटा जनता जापानी युद्ध अपराधिर किन सजा हियाना मांग किया मंता। क्वोमिंगतांग लोप्पा वेने वेल्ले लोकरु च्यांग काई-शेक ओसो गृहयुद्ध ता बाकी अपराधिर किन सजा हीता लेक्का यासूजी ओकामूरा ओसो बाकी जापानी युद्ध अपराधिर किन सजा हियाना वेने सही ओसो जरूरी मंता। मीटू ईमानदारी ते शांति वार्ता काजे तैयार मत्तेकाई हिल्लेकाई इव रेंडासी रकम ता युद्ध अपराधिर किन सजा हियाना वेल्ले जरूरी मंता। समझौता-वार्ता शुरू आयना मुन्ने ने गृहयुद्ध अपराधिरा उंदी गोहडी किन गिरफ्तार कीयाना, ओरकिन वित्तला मौका हियनार्यो मावा मांग ता बारे ते मीटू “बदे मुन्ने शर्त बोरसनार्यो” इतिर। प्रतिक्रियावादी देशवम्मान क्वोमिंगतांग सरकारी नेता लोर, इदु बदे मुन्ने शर्त आयो, इदु युद्ध-अपराधिर किन सजा हियाना मांग आंदू मति मीटू इदिन समझौता वार्ता लेक्का पेश कीतिर। ओरकिन वित्तला हियनार्यो इंजी माटू ओरकिन गिरफ्तार कीयाना मांग कीतोम। इंजे माटू समझौता-वार्ता काजे मीवा तैयारी पूरा किया परवोमें। मीटू समझौता वार्ता कियाला काजे वेल्ले कंदरेमाया मंतिर। मीवगा वेल्ले अंगडम टाईम मंता बहे अदिनके मीटू परिशान आया मंतिर। अदिन काजे माटू मीवा हड्डा



पोरो उंदी बेसता काम सौपे कित्तोमा। मीटू युद्ध-अपराधिर किन गिरफ्तार कीयाना। ओरू वित्तसी दुनिया ता बदे वेने कोंटा ते मत्तेकाई ओरकिन जरूर गिरफ्तार कीयाना। मीटू वेल्ले महान लोकुर आंदिर, ओसो दुक्कम ते मत्ता, पीड़ित मानेय ना जीवा कीसि रक्षा कीयाना लोकुर आंदिर, मीटू “युद्ध अपराधिर किन कम कियाला”, “जनता ना तिप्पल कम कियाला” ओसो “जनता ना सेवा कीयाना बगिल सबसे मुन्ने ध्यान हियाला” तैयार मंतिर, मीवा जीवा वेल्ले बेहरा मंता, अदिन काजे मीटू मना दसियों लाख देशवासिर किन खत्म कीयाना तुक्क जिम्मेदार मत्तोर किन जीवा कीयानायो। युद्ध अपराधिर किन सजा हियानादि समझौता लेक्का पेश कियनदिन हूडतेके मीटू वीरकिन वेल्ले जीवा कीयाना लेक्का दिस्सो। मति मीटू ओरकिन तुरंत गिफ्तार कियाला हिल्ला लेक्का दिस्सा मंतिर: इद्रम कीवेकाई मीटू कम से कम ओरकिन वित्तला हियमाटू नेता लोर वीर युद्ध अपराधिर किन सजा हियाना सवाल पोरो मीटू वाद-विवाद कियाला उंदी प्रतिनिधिमंडल लोहना, अस्केने मीकिन असली पोल्लो समझेमायरा। मीवा प्रतिनिधिमंडल ता नेता लोर किन वेल्ले लज्जा वायना लेक्का आयार! अस्के मीटू “शांति काजे” वेल्ले “ईमानदारी” बेगाडल तत्ताकिर? नेतालोर, मीटू “युद्ध कालम किन कम कीयाना”, “जनता ना तिप्पल किन कम कीयाना” ओसो “जनता ना सेवा कीयाना बगिल वेल्ला ध्यान हियाना” काजे तैयार मंतिर, इदिना लोप्पा बदे डारुट हिल्ले इंजी बद्रम साबित कियाकिर? इदे आयवा क्वोमिंगतांग ता प्रवक्ताल ओसोए बोल्लतोर। इद्रम ता बोल्लुड पोल्लो तल बोरे वेने बक्कवल आयोरे ओसो माटू अदिना जवाब हियाना जरूरी समझेमायोमा। नानकिंग, क्वांगचओ ओसो फंगह्वा लेवेके शांघाई ता काल्पनिक, पोरोल तुके प्रतिक्रियावादी क्वोमिंगतांग “सरकार” (सरकार शब्द लोप्पा तासतादु सुरता तासना) के अनुभवी लोर! मीटू इद स्टेटमेंट लोप्पा मावा रुझान ओसो उंदी बेरा गंभीर हिल्ले इंजी आल्सतेके माकिन माफ कीमुट, बारांकु इत्तेके माटू मीवा बारे ते सिर्फ इद्रमे आल्सा परितोमा।

## मावा सेना तुन उंदी कार्य-सेना ते बदले कीमुट\*<sup>1</sup>

8 फरवरी 1949

मीवा 4 तारीख ता चिट्टी दोरकता। मीटू ट्रेनिंग हियाला ओसो सुदृढ बने कीयाना काम वेल्ले तेज ओसो तय टाईम तुकू उंदी महीना मुन्ने ने दायना शुरू किया मंतिर, इदु वेल्ले बेसता पोल्लो मंता।<sup>1</sup> मीटू इदे दिशा ते दायकिर ओसो मीवा काम लोप्पा कमजोरी वायला हियवीर इंजी आशा किया मंतोम। मति असल ते ट्रेनिंग हियाना ओसो सुदृढ बने कीयाना काम मार्च ते वेने जारी तासा लागियर, नीति ता अध्ययन पोरो जोर हिया लागियर ओसो बेहरा शहर कुना पोरो अधिकार कीयाना ओसो अविना शासन ताकी कीयाना तैयारी किया लागियर। “ग्रामीण इलाका मुन्ने ओसो शहर पेरके” इंदाना बद नीति माटू हत्ता बीस साल तल लागू किया मंतोम अदु इंजे बदलेमायार अनि “शहर मुन्ने ओसो ग्रामीण इलाका पेरके” लेक्का बदलेमायार। मना सेना सिर्फ उंदी लड़ेमायला सेनाए आयवा मुख्य रूप ते

---

<sup>1</sup> 'इदु चिट्टी कामरेड माओ त्सेतुंग दूसरी ओसो तीसरी युद्ध सेना ता उंदी चिट्टी ता जावाब ते चीनी कम्युनिस्ट पार्टी ता केंद्रीय कमेटी ता क्रांतिकारी फौजी कमीशन काजे रास्तद मत्ता। इदिन बाकी युद्ध सेना ओसो केंद्रीय कमेटी ब्यूरोंग किन लोहताद वेने मत्ता। ल्याओशी-शनयांग अभियान, ह्वाए-हाए अभियान ओसो पेफिंग थ्येनचिन अभियान कुना पेरके वेल्ले गंभीर लड़ाईंग रोमता पेरके कामरेड माओ त्सेतुंग जन मुक्ति सेना (पीएलए) सिर्फ लड़ाई लड़ेमायना सेनाए आयवा उंदी कार्य-सेना वेने मंदाना इंजी वेहतोरा विशेष परिस्थिति ते अदु उंदी मुख्य कार्य सेना लेक्का भूमिका निभे कीयाना। इद नीति पूना मुख्त इलाकांग लोप्पा मत्ता कार्यकर्ता लोरा समस्या किन हल कीयाना ओसो जनता ना क्रांतिकारी काम किन विकसित कीयाना गारंटी एतना लोप्पा वेल्ले महत्वपूर्ण भूमिका निभे कित्ता। लड़ेमायना सेना ओसो कार्य-सेना लेक्का जन मुक्ति सेना (पीएलए) ता स्वरूप ता बारे ते इदे ग्रन्थ लोप्पा “चीनी कम्युनिस्ट पार्टी ता सातवी केंद्रीय कमेटी ता दूसरा पूर्ण अधिवेशन लोप्पा रिपोर्ट” हेडिंग वाले लेख ता भाग-2 हूडाटू।

उंदी कार्य-सेना वेने आंदू। सेना ता सब्बे कार्यकर्ता लोर शहर किन मना अधिकार ते बद्रम तत्ताना ओसो अविना प्रशासन बद्रम कीयाना इंजी करियाना। शहर कुना लोप्पा साम्राज्यवादीर, पूंजीपतिर वर्ग ओसो क्वोमिंगतांग प्रतिक्रियावादिरा संगे डील कियाला बद्रम निपुण आयना इंदानदु करियाना। मजदूर लोरा नेतृत्व कीयाना ओसो ट्रेड यूनियनकु, नौजवान लोर किन गोलबंद कियाला, पूना मुक्त इलाकांग लोप्पा कार्यकर्ता लोरा संगे एकता कीयाना, ओरकिन प्रशिक्षित कीयाना लोप्पा बद्रम निपुण बनेमायना इंदानदु करियाना। उद्योग ओसो वाणिज्य ता प्रबंध बद्रम कीयाना, विद्यालय, समाचार पत्र, समाचार-एजेंसिंग ओसो ब्रॉडकास्टिंग-स्टेशन कुना संचालन बद्रम कीयाना इंजी करियाना। विदेशी समस्यांग किन हल कियाला, अलग-अलग जनवादी पार्टिंग ओसो जन-संगठन कुना संबंध ते समस्यांग किन हल कियाला, शहर, ग्रामीण इलाकांग लोप्पा तालमेल बद्रम कीयाना, अन्नम, कोयला ओसो जरूरत ता बाकी सामान कुना समस्या किन हल कियाला बद्रम निपुण आयना ओसो मुद्रा ओसो वित्तीय संबंधित समस्यांग किन हल कियाला बद्रम निपुण बनेमायना इंजी करियाना। संक्षिप्त ते वेहाना इत्तेके इंजेटल मीटू शहर कुना लोप्पा मना सेना ता कार्यकर्ता ओसो योद्धा लोर हत्ता कालम ते पुनवा मत्ता सब्बे समस्यांग ना बोजा कांजल तैयार मंदाना। माटू मुन्ने हंजी 4-5 प्रांत कुना पोरो अधिकार कीयाना ओसो शहर के आयवा व्यापक ग्रामीण इलाकांग ना काम वेने पूरा कीयाना। दक्षिण ता सब्बे ग्रामीण इलाकांग पूना मुक्त इलाकांग मंतांग अदिन काजे उत्तर ता पाड़ना मुक्त इलाकांग ना तुलना ते पूना मुक्त इलाकांग लोप्पा बुनियादी रूप ते काम कीयाना तरीका अलग मंदिता। लगान ओसो सूद कम कीयाना नीति मुन्ने लागू आयो आयार, अदिन काजे लगान ओसो सूद मुन्ने लेक्काने निहहा लागिगर। इद्रम ता परिस्थितिंग लोप्पा माटू ग्रामीण इलाका कुना काम किन मुन्ने ओयना। इदिना काजे माटू ग्रामीण इलाकांग ना काम वेने शुरू तले करियाना। मति शहर कुना काम तुकू ग्रामीण इलाका ना काम करियना वेल्ले हल्को मंता। शहर कुना काम वेल्ले कठीन मंता। इस्सल मावा

अध्ययन ता मुख्य विषय इदे आंदू मना कार्यकर्ता लोर शहर-प्रशासन लोप्पा जल्दी निपुणता दोरकी कीवेके, माकिन वेल्ले मुशिकल कुना सामना किया लागियर। अदिन काजे मीटू सब्बे दूसरा सवाल कुन फरवरी तेने हल कीयाना अनि मार्च ता पूरा महीना शहर कुना लोप्पा ओसो पूना मुक्त इलाकांग लोप्पा बद्रम काम कीयाना इंजी करियाना। क्वोमिंगतांग ता सिर्फ 10-15 लाख सेना मंता, इदु बेहरा इलाका लोप्पा विस्तार आसी मंता। इंजे वेने माकिन बचोनो लड़ाईंग लड़ेमाया लागियर इंदानदु निज्जमे मति ह्वाए-हाए अभियान लेक्कटा बेहरा स्तर ता लड़ाई आयना संभावना इंजे वेने वेल्ले कम मंता। इंजे बदे संभावना मंता इंजी वेने इंदा परवोम बारांकु इत्तेके इंजे भीषण लड़ाईंग ना कालम मारता। सेना इंजे वेने लड़ेमायना सेना लेक्काने मंता, अद्रमासी उचुन वेने कमजोरी वायला हियनायो, कमजोरी वायला हियानादु गलत आयार। मति इंजे माटू सेना किन उंदी कार्य-सेना ते बदले कीयाना टाईम वात्ता। माटू इंजे इद काम निर्धारित कियवेके, इदिन पूरा कीयाना संकल्प कियवेके माटू वेल्ले बेहरा गलती कियकोम। इंजे माटू मावा सेना संगे 53,000 कार्यकर्ता लोर किन दक्षिण ते लोहना तैयारी किया मंतोम, मति इद संख्या वेल्ले कम मंता। 8-9 इलाकांग ओसो 20 तुकू गर्रे-गर्रे शहर कुना पोरो अधिकार कियाल काजे काम कीयाना कार्यकर्ता लोरा वेल्ले बेहरा संख्या ता जरूरत मंता। इद समस्या किन हल कियाला सेना किन मुख्य रूप ते खुद पोरोए निर्भर आया लागियर। सेना उंदी विद्यालय आंदू कुल 21 लाख सैनिक वाले मना युद्ध सेना बचोनो हजार विश्वविद्यालय ओसो माध्यमिक विद्यालय कुना बराबर मंता। काम कीयाना कार्यकर्ता लोरा मांग पूरा कियाला काजे माटू मुख्य रूप ते मना सेना पोरोने निर्भर मंदा लागियर इंजी मीटू स्पष्ट रूप से समझेमायना। बारांकु इत्तेके भीषण लड़ाईंग बुनियादी रूप ते मारतांग अदिन काजे सेना ता मानव-शक्ति ओसो साजो-सामान ता नुकसान भरपाई ता काम उंदी हंदी ते मंजिये कीयाना अनि मात्रा, गुण ओसो पूर्णता ता मांग वेल्ले कीयानायो, लेवेके इदिना कारण ते वित्त-संकट पैदा आया परिंता। ओसो उंदी पोल्लो पोरो माटू गंभीर रूप ते आल्सना जरूरत मंता। पोरो वेहता नीतिंग चौथी

युद्ध सेना पोरो वेने पूरा लागू आंतांग। कामरेड लिन प्याओ ओसो कामरेड लो रूंग-ह्वान किन वेने इविना पोरो अचोने ध्यान हियाना इंजी वेहाना। कामरेड खांग शंग संगे ओरु जल्दीए 12 तारीख एवनल मीवगा एवसी विस्तार ते वड़काना वड़कताद मंता। ताना पेरते मीटू तुरंत माकिन चिड्डी रासिसी मीटू बाता आल्सा मंतिर इंदानदु वेहना। पूर्वी चीन ब्यूरो ओसो पूर्वी चीन फौजी इलाकांग ना हेडक्वार्टर लेट आयवा लेवा श्वीचओ एवना अनि प्रधान मोर्चा-कमेटी<sup>2</sup> ओसो तीसरी युद्ध सेना ता मोर्चा-कमेटी संगे कलियसी काम कीयाना अनि दक्षिण बगिल कूच कीयाना योजना बने कीयाना कोशिश कीयाना। पृष्ठभाग ता इलाकांग ना पूरा काम शानतुंग उपब्यूरो किन सौपे कीयाना।

## नोट

1. दूसरा बगिल तीसरी युद्ध सेना यांगत्सी बेरेड वेंडला प्रस्ताव कित्ता कार्रवाई किन अप्रैल 1949 ते आयवा मार्च 1949 तेने पूरा कीयाना इंजी योजना पंडता। पेरके प्रतिक्रियावादी क्वोमिंगतांग सरकार संगे शांतिवार्ता शुरू कीतांकु जन मुक्ति सेना (पीएलए) यांगत्सी बेरेड वेंडना कार्रवाई किन अप्रैल ता आखरी एवनल रोमी कित्ताद मत्ता।
2. ह्वाए-हाए अभियान ता जरूरत किन पूरा कियाला काजे चीनी कम्युनिस्ट पार्टी ता केंद्रीय कमेटी ता क्रांतिकारी फौजी कमीशन 16 नवम्बर 1948 ता उंदी प्रधान-कमेटी बने कीयाना इंजी आल्सता। इदिना सदस्य कामरेड ल्यू पो-छंग, कामरेड छन ई, कामरेड तंग श्याओ-फिंग, कामरेड सू ख्वी, कामरेड यान चन-लिन ओसो सचिव कामरेड तंग श्याओ-फिंग मत्तोर। इद कमेटी ता काम मध्यवर्ती मैदानी युद्ध सेना ओसो पूर्वी चीन युद्ध सेना ता एकिकृत नेतृत्व संभाले कीयाना ओसो ह्वाए-हाए मोर्चा पोरो फौजी कामकाज ओसो फौजी कार्रवाईंग ना कमान कैदे पोयनादु मत्ता।

## इनपडे छिन्न-भिन्न आता प्रतिक्रियावादिर इंजे वेने “पूर्ण शांति” ता अंगडम कोलार बारांकु पोय्य मंतोर?

15 फरवरी 1949

प्रतिक्रियावादी क्वोमिंगतांग शासन खत्म आयना रफ्तार लोकुरा अनुमान तुकू वेल्ले तेज मंता। मुक्ति सेना चीनान पोरो कब्जा कीसि सिर्फ 4 महीना तुकू उचुने जोम आत्ता ओसो शनयांग पोरो कब्जा कीसि सिर्फ 3 महीना तुकू उचुने जोम आत्ता। इद्रम आतेकाई राजनीतिक, आर्थिक, सांस्कृतिक ओसो प्रचार-कार्य संबंधित इलाकांग लोप्पा क्वोमिंगतांग ता सब्बे पिस्ता ताकत कु इंजे इनपडे छिन्न-भिन्न आत्ता। क्वोमिंगतांग शासन ता पतन आयनदु उत्तरी मोर्चा ते ल्याओशी-शनयांग अभियान, पेफिंग-थ्येनचिन अभियान ओसो दक्षिणी मोर्चा ते ह्वाए-हाए अभियान संगे शुरू आत्ता। इव मूंड अभियानकुना लोप्पा हत्ता साल अक्तुबर ता शुरू तले इयेटा जनवरी आखरी एवनल, 4 महिनांग लोप्पा क्वोमिंगतांग किन 15 लाख 40 हजार तुकू ज्यादा सैनिक (तीना लोप्पा नियमित सेना ता 144 डिवीजनकु शामिल मंतांग) पोह्हा लागता। क्वोमिंगतांग शासन ता पतन चीनी जनताना मुक्ति युद्ध ओसो चीनी जनता ना क्रांतिकारी आंदोलन ता महान जीतकुना कारण ते आत्ता, मति क्वोमिंगतांग ओसो अमेरिका “शांति” ता कोलार पोयनदु वेने क्वोमिंगतांग ता रफ्तार किन तेज कीयाना भूमिका निभे कित्ता। इयेटा 1 जनवरी तल क्वोमिंगतांग प्रतिक्रियावादी “शांति अभियान” पोरोल ते उंदी बेहरा बंडा तेहची मत्तोर। इद बंडा किन ओरु चीनी जनता पोरो एस्सला आल्सतोर मति इंजे ओराए पोरो अरता। अस्सल इत्तेके इद बंडा क्वोमिंगतांग किन तल्ला पोरोटल कालकु एवनल गुंडा पोयसिता। जनरल फू च्वो-ई आयवा (जन मुक्ति सेना (पीएलए) किन

पेफिंग ता सवाल शांतिपूर्ण हल तरीका ते हल कियाला मदद कित्तोर) हर जागा ते शांतिपूर्ण हल कियाला आल्सना लोकर मंतोर। अमेरिका उंदी बगिल निती अंगडमे कोलार पोय्या मंता बारांकु इत्तेके ताना ओदा मत्ता पकोर अदिना लक्ष्य किन विफल कीसितोर। शांति अभियान ता जादूई छड़ी निज्जमे अमेरिका कारखाना ते बनेमासी वासी मत्ता। इदिन अमेरिका तोरु 6 महीना लोप्पा क्वोमिंगतांग किन सौंपे कीसि मत्तोर। लीटन स्टुअर्ट खुद इदिना बारे ते वेहतोर। च्यांग काई-शेक पूना साल ता संदेश जारी कित्तोर अस्के लीटन स्टुअर्ट केंद्रीय समाचार-एजेन्सी ता वरोर पत्रकार किन इदिना काजेए “नन्ना खुद वेने लगातार कोशिश किसोर मंतान इंजी वेहतोर”। अमेरिका समाचार-एजेन्सिंग ना अनुसार, पत्रकार किन “छपेमायवा” पोल्लोंग छापे कीतांकु तन्ना रोजी पोहहा लागता। च्यांग काई-शेक गुट वेल्ले जोम अमेरिका आदेश किन मानेमायना हिम्मत आयो आत्ता। अद्रमासी क्वोमिंगतांग केंद्रीय कार्यकारिणी कमेटी ता प्रचार विभाग 27 दिसम्बर 1948 ते जारी कित्ता उंदी निर्देश लोप्पा स्पष्ट रूप ते दोड़ रास्ता लेक्का वेहताद मत्ता:

मीटू लड़ेमाया परवेके शांति निल्पी किया वेने परविरे। मीटू लड़ेमाया परतेके शांति ता पोल्लोंग कियाला मावा सैनिक लोर ओसो लोकुरा जोश अंगडम हन्ने आयर। अदिन काजे माटू लड़ेमाया परितेकाई परवेकाई शांति ता पोल्लोंग कीयानादु नुकसानदायके मंता।

क्वोमिंगतांग इद निर्देश किन च्यांग गुट किन विड़चिसी क्वोमिंगतांग लोप्पाटा गुट मुन्नेटले शांति वार्ता पोल्लोंग कीसोर मत्तांके जारी कित्ता। हत्ता 25 दिसम्बर ते पाए छुंग-शी ओसो ओना निर्देशन ते काम कीयाना हुपे प्रांतीय परिषद च्यांग काई-शेक ना मुन्ने “शांतिपूर्ण हल” ता सवाल कित्ता! अद्रमासी च्यांग काई-शेक मजबूर आसी 1 जनवरी ते तन्ना पांच शर्त कुना पोरो आधार आसी शांति वार्ता कीयाना बारे ते उंदी स्टैमेंट जारी कित्तोर। ओरु शांति अभियान ताकी कीयाना पोरोल छुंग-शी निगडल ऊंदसी वरोर उंदी ट्रेडमार्क दोड़ तन्ना पाड़ना शासन ताकी कीसोर मंदाना इंजी आल्सतोर। 8 जनवरी ते ओरु चांग छयुन किन छुंग-शी ना समर्थन

मांग कियाला काजे हानखओ लोहतोर। अदे दिव्या ओरु अमेरिका, ब्रिटिश, फ्रांस ओसो सोवियत संघ देश कुना सरकार कुन चीन ता गृहयुद्ध नडमा वायनायो इंजी अपील कित्तोर।<sup>2</sup> मति इव सब्बे अंगडम आतांगा। चीनी कम्युनिस्ट पार्टी ता अध्यक्ष माओ त्सेतुंग ना 14 जनवरी ता स्टेटमेंट हीसी च्यांग कार्ई-शेक ना झूठी शांति ता षडयंत्र पोरो तीव्र हमला कित्तोर। इद्रम च्यांग कार्ई-शेक किन उंदी हत्ता पेरके मकसी मंदा लागता। च्यांग कार्ई-शेक, ली चुंग-रन ओसो अमेरिकी लोर इद षडयंत्र काजे सब्बे रकम ता तैयारिंग कीसि मत्तोर। मति इदिना उल्टा सिर्फ मंच मुन्ने मत्ता लोक्वरे आयवा मंच पोरो मत्ता नेता लोर वेने वरोन पेरके वरोर मायसोर हत्तोर। फंगह्वा ते च्यांग कार्ई-शेक इंजे वेने “काम कीयाना विडसता मानेय” लेक्का मंजी तन्ना पिस्ता ताकत ता नेतृत्व किया मंतोर, मति कानूनी रूप ते खत्म आतोर, ओना पोरो विश्वास कियानोर संख्या घटेमासोर दाया मंता। खुद ता पहलकदमी ते सुन ख मा “कार्यकारी ख्वान” “सरकार ता क्वांगचओ ते बदली आयनादिना” ऐलान कित्तोर। उंदी बगिल तन्ना “प्रेसीडेंट” ओसो “कार्यवाहक प्रेसीडेंट” तल अलग आत्ता। दूसरा बगिल “विधान ख्वान” ओसो “निरीक्षण ख्वान” तल वेने अलग आत्ता। सुन ख ना “कार्यकारी ख्वान” युद्ध आह्वान कित्तोर।<sup>3</sup> मति युद्ध ताकी कीयाना “राष्ट्रीय प्रतिरक्षा मंत्रालय” क्वांगचओ लेवेके नानकिंग लोप्पा हिल्ले ओसो लोक्वरे इदिना बारे ते सिर्फ इदिना प्रवक्ताल शांघाई ते मंतोर इंजीए पुत्तोर। इद्रम “बंडा नगरी” ता दीवाल तल ली चुंग-रन मुन्ने दिस्सना सिर्फ इदे पिस्ता:

मोय्योल ऊ ओसो छू राज्य ता भूमि किन बोया मंता,

इदिन विडचसी दूसरा बाताले हिल्ले।<sup>4</sup> 21 जनवरी ते तन्ना पद संभाले कित्ता पेरके ली चुंग-रन हीता आदेश कुना लोप्पटल उंदी वेने आदेश पालन आत्ताद हिल्ले। अदिन काजे क्वांगमिंगतांग लोप्पा इंजे बदे “पूर्ण” “सरकार” हिल्ले। स्थानीय शांति स्थापित कीयाना गतिविधिग वेल्ले जागा ने ताका मंतांग। इद्रम आतेकाई क्वांगमिंगतांग कडूरतावादी स्थानीय शांति ता विरोध किया मंतोर अनि “पूर्ण शांति” ता मांग किया



मंतोर। ओरा उद्देश्य शांति आयवा युद्ध कीयानादु मंता। ओरु स्थानीय शांति स्थापित कीयाना कामकाज फैलेमायना तुकू वेल्ले वेरियांतोर। वेल्ले छिन्न-भिन्न ओसो विघटित आसोर मत्ता क्वोमिंगतांग “पूर्ण शांति” ता मांग शांघाई ते बोगस राष्ट्रीय प्रतिरक्षा मंत्रालय ता राजनीतिक कार्य ब्यूरो ता प्रधान, युद्ध-अपराधी तंग बन-ई ना 9 फरवरी ता स्टेटमेंट लोप्पा पोरो तेदतोर। सुन ख ना लेक्काने तंग बन-ई वेने ली चुंग-रन ना 22 जनवरी ता स्टेटमेंट किन ठुकरे कीसि चीनी कम्युनिस्ट पार्टी पेश कित्ता शांति ता 8 शर्त कु समझौता वार्त ता आधार बने कियवा लेवा ओरु “समानता दर्जा ता शांति, पूर्ण शांति” ता मांग कित्तोर। अनि इद मांग पूरा कियवेके “माटू कम्युनिस्ट लोरा खिलाफ आखरी एवनल लड़ेमायकोम, बदे वेने कुरबानी हियाकोम” इत्तोर। मति तंग बन-ई ओना विरोधिर किन “समानता दर्जा ता शांति, पूर्ण शांति” ता स्थापना काजे बोना संगे समझौता वार्ता कीयाना इंजी वेहहोर। तंग बन-ई लेवेके बोरे दूसरा मानेय संगे सम्पर्क कीतेके वेने इद सवाल हल आया परवो आयार। बचोन आल्सना लेक्काटा पोल्लो मंता! 9 फरवरी ते शांघाई तल केंद्रीय समाचार-एजेन्सी ता उंदी समाचार ते वेहताद मत्ता:

तंग बन-ई किन वरोर पत्रकारल पूछेमातोर “मीवा सार्वजनिक स्टेटमेंट ता नालुंग मुद्दांग<sup>5</sup> ना कार्यवाहक प्रेसीडेंट ली जानकारी हीतोर?” अस्के तंग बन-ई जवाब हीतोर “नन्ना राष्ट्रीय प्रतिरक्षा मंत्रालय ता दृष्टिकोण ते वेहा मंतान, इव नालुंग मुद्दांग किन मुन्ने कार्यवाहक प्रेसीडेंट ली ना मुन्ने पेश कित्ताद हिल्ले।”

इगा तंग बन-ई सिर्फ बोगस राष्ट्रीय प्रतिरक्षा मंत्रालय ता आंशिक दृष्टिकोण किने ईजाद कित्तोर। इदु बोगस क्वोमिंगतांग सरकार ता दृष्टिकोण तुकू अलगे आयवा बोगस राष्ट्रीय प्रतिरक्षा मंत्रालय राजनीतिक कार्य ब्यूरो ता तूलनात्मक रूप ते बेहरा आंशिक दृष्टिकोण तुकू अलग मत्ता सुडला आंशिक दृष्टिकोण किन वेने ईजाद कित्ता। अद्रमासी तंग बन-ई पेफिंग शांतिपूर्ण हल ता विरोध कित्तोर। बोगस राष्ट्रीय प्रतिरक्षा मंत्रालय 26 जनवरी ते पेफिंग शांतिपूर्ण हल ता बारे ते “युद्ध टाईम कम कीयाना

ओसो शांति दोरकी कीयाना ओसो पाड़ना राजधानी पेफिंग ता नींवकु ओसो इदिना सांस्कृतिक वस्तुंग, ऐतिहासिक स्मारक कुन अद्रमे तासना उद्देश्य” कित्ताद मंता इंजी इत्तोर। इदे आयवा ओरु ताथुंग ओसो स्वेव्वान लेक्कटा जागा<sup>6</sup> ने वेने इद्रमे “लड़ाई रोमी कियमूडायर” इंजी ऐलान कित्तोर। अद्रमासी “पूर्ण शांति” ता कोलार पोय्यना प्रतिक्रियावादीरे असल न्यूनतम पूर्ण दृष्टिकोण वाले प्रतिक्रियावादिर आंदुर। राष्ट्रीय प्रतिरक्षा मंत्रालय ता उंदी राजनीतिक ब्यूरो राष्ट्रीय प्रतिरक्षा मंत्रालय खिलाफ नितसी मंता अनि तन्ना कार्यवाहक प्रेसीडेंट ना खिलाफ वेने नित्ता परिंता। प्रतिक्रियावादिर नेंडु चीन लोप्पा शांति स्थापित कियाला सबसे बेहरा बाधा बनेमासी मंतोर। ओरु “पूर्ण शांति” ता नारा वाटसी पूर्ण युद्ध ता ढोल नेकिह कीयाना सपना हूड़ा मंतोर: ओराए माटा ने वेहाना इत्तेके “युद्ध आतेके पूर्ण युद्ध आयला हियाना, शांति स्थापित आतेके पूर्ण शांति स्थापित आयला हियाना”। मति असल ते ओरु पूर्ण शांति लेवेके पूर्ण युद्ध स्थापित कियाला तैयार हिल्लेर। असल इत्तेके चीनी जनता, चीनी जन-मुक्ति सेना, चीनी कम्युनिस्ट पार्टी ओसो बाकी जनवादी पार्टिंग मंतांग पूर्ण रूप ते तैयार मंतांग, इनपड़े छिन्न-भिन्न ओसो गोंदा-गोंदा आत्ता क्वोमिंगतांग आयो। उंदी पक्ष ते पूर्ण तैयारी मंता ओसो दूसरा पक्ष ते इनपड़े गोंदा-गोंदा आसी मंता, इद परिस्थिति चीनी जनता ना दीर्घकालीन संघर्ष ओसो क्वोमिंगतांग ता दीर्घकालीन षडयंत्र कुना कारण ते वात्ता। नेटा चीन ता राजनीतिक परिस्थिति लोप्पा इद बुनियादी सच्चाई किन बोरे वेने नजरअंदाज किया परवोर।

## नोट

- 1) च्यांग काई-शेक ना मुन्ने अस्के वेल्ले प्रतिकूल परिस्थिति मत्ता। इदिना फायदा एतसोरे क्वोमिंगतांग नडमा चीन “डाकू-दमन” हेडक्वार्टर ता कमांडर-इन-चीफ पाए ह्जुंग-शी 25 दिसम्बर 1948 ते च्यांग ना मुन्ने “शांतिपूर्ण हल” ता प्रस्ताव पेश

कितोरा। इदिना लक्ष्य च्यांग कार्ई-शोक किन पद विड्सला मजबूर कीयानादु ओसो क्वांगशी गुट ता पद पोर्ते तेहनादु मत्ता। पाए छुंग-शी ना निर्देशन ते बोगस हुपे प्रांतीय परिषद च्यांग कार्ई-शोक किन उंदी चिट्टी लोहता, ताना लोप्पा “लगातार युद्ध फैलेमातेके ओसो इद परिस्थिति किन बदले कियाला तुरंत कार्वाई कियवेके राज्य ओसो जनता बरबाद आयर” चेतावनी हीतोर ओसो “राजनीतिक हल ता आम हर्ी लागू कीयाना ओसो शांतिपूर्ण समझौतावार्ता वेंडे शुरू कीयाना तरीका परहकना इंजी” सुझाव हीतोर।

- 2) 8 जनवरी 1949 ते क्वोमिंगतांग सरकार अमेरिका, ब्रिटिश, फ्रांस ओसो सोवियत संघ देश कुना सरकार संगे चीन ता गृहयुद्ध लोप्पा नडमा वायाना इंजी अपील कितोरा। इद अपील किन नालुंगासी देश कुना सरकार ठुकरे कीसिता। 18 जनवरी ते क्वोमिंगतांग सरकार पोरोल ते लोहता “भेमोरेडम” लोप्पा अमेरिका सरकार क्वोमिंगतांग सरकार इद अपील किन “इद्रम कीतेके बदे फायदा आयार इंजी विश्वास हिल्ले” अदिनके अमेरिका सरकार इदिन ठुकरे कित्ता इंजी स्पष्टीकरण हीता। इत्तेके अस्के अमेरिका प्रतिक्रियावादी च्यांग कार्ई-शोक ना राजसत्ता किन (इदिना पालन-शासन कीसि मत्ता) सर्वनाश आयना तुकू बद कीतेकाई पिसहा परवो इंजी आल्सता।
- 3) 6-7 फरवरी 1949 ते क्वोमिंगतांग सरकार ता बोगस कार्यकारी थ्वान प्रेसीडेंट सुन ख क्वांगचओ ते रेंडु स्टेटमेंट हीतोर। ताना लोप्पा ओरु चीनी कम्युनिस्ट पार्टी पेश कित्ता शांति ता 8 शर्त कु समझौतावार्ता ता आधार माने मायना ता बारे ते ली चुंग-रन ना स्टेटमेंट ता विरोध कितोरा। ओरु “सरकार इंजे क्वांगचओ ते काम कीयाना शुरू कित्ता। माटू मना हत्ता कालम किन ओसो उंदी बेरा आलोचनात्मक तरीका ते सिंहावलोकन कीयाना” इत्तोर। ओरु “युद्ध अपराधिर किन सज्जा हियाना बारे ते कम्युनिस्ट पार्टी पेश कित्ता शर्त कुन मंजूर कियमूडायो इंजी” वेने इत्तोर।
- 4) इव लाईनकु 14वी शताब्दी ती थ्वान वंश ता कवि सादुल ना उंदी कविता “बंडा नगरी” तल पोयताद मंता। “बंडा नगरी” नानकिंग शहर ता पाडना पोरोल आंदू ऊ राज्य लोप्पा सामान्य रूप ते यांगत्सी बेरेड ता नडुम भूमि ओसो दोड भूमि ता इलाका शामिल मंता।
- 5) 9 फरवरी 1949 ते शांघाई ते बोगस राष्ट्रीय प्रतिरक्षा मंत्रालय ता राजनीतिक कार्य ब्यूरो ते प्रधान तंग वन-ई “शांति ओसो युद्ध ता विकास” हेडिंग उंदी लिखिल स्टेटमेंट हीतोर। ताना लोप्पा दोड रास्ता लेक्का “नालुंग मुहांग” पेश कित्ताद मत्ता। 1. “सरकार शांति स्थापित कियाला आल्संता”, 2. “चीनी कम्युनिस्ट पार्टी युद्ध कियाला आल्संता”, 3. “पेफिंग ता स्थानीय शांति उंदी धोखा लेक्का बनेमाता”, 4. “माटू कम्युनिस्ट लोरा खिलाफ आखरी एवनल लडेमायला ओसो बदे वेने कुरबानी हियाला तैयार मंतोम”।

- 6) थ्येनचिन ओसो पेफिंग ता मुक्ति पेरके उत्तरी चीन लोप्पा सिर्फ उचुने पिस्ता अलग-अलग मोर्चाबंदी वाले जागा ने क्वोमिंगतांग सेना ता कब्जा ते मत्तांगा। अविना लोप्पा थाएय्वान, ताथुंग, शिनश्यांग, आनयांग ओसो क्वेइस्वेइ शामिल मत्तांगा। थाएय्वान ते मत्ता दुश्मन किन 24 अप्रैल 1949 ते पूराए खत्म कित्ताद मंता। ताथुंग ते मत्ता दुश्मन 1 मई ते शांतिपूर्ण पुनर्गठन स्वीकार कित्ता। शिनश्यांग ता दुश्मन 5 मई ते मुक्ति सेना मुन्ने आत्मसमर्पण कित्ता। आनयांग ता दुश्मन किन माट 6 मई ते खत्म कित्तोमा। क्वेइस्वेइ 19 सितम्बर ते शांतिपूर्ण रूप ते मुक्त आत्ता।

## क्वोमिंगतांग प्रतिक्रियावादिरा “शांति ता अपील” जागा ते युद्ध ता अपील

16 फरवरी 1949

डाकू च्यांग काई-शेक 1 जनवरी ते तन्ना शांति अभियान शुरू कित्तास्केटले प्रतिक्रियावादी क्वोमिंगतांग गुट लगातार वेल्ले विस्तार ते “युद्ध टाईम किन कम कम कीयाना”, “जनता ना तिप्पल कम कीयाना” ओसो “जनता ना सेवा कीयाना” बगिल मुन्ने ध्यान हियाला तैयार मंतोम इंदा मंतोरा। मति फरवरी शुरूआत ते वीरू अचानक तन्ना शांति ता कोलहार कम कित्तोर अनि “कम्युनिस्ट लोरा खिलाफ आखरी एवनल लडेमायना” तन्ना पाड़ना कोलहार पोय्यलातोरा। हत्ता उचुक दिव्या नल इद पोल्लो दिस्सा मंता। 13 फरवरी ते क्वोमिंगतांग ता केंद्रीय कार्यकारिणी कमेटी ता प्रचार विभाग “सब्बे पार्टी-हेडक्वार्टर ओसो पार्टी-अखबार” कुना पोरोल “प्रचार काम काजे विशेष निर्देश” जारी कित्तोर, ताना लोप्पा दोड़ रास्ता लेक्का मंत्ता:

च्येन-इंग मावा पृष्ठभागीय इलाकांग लोप्पा चीनी कम्युनिस्ट पार्टी असली शांति स्थापित कीवो इंतोरा। संगे ने ओरु सरकारी फौज ता निंदा कीसोरे सरकार असली शांति स्थापित कीवो इंदा मंतोरा। मावा सब्बे अखबार कु दोड़ रास्ता मुद्दांग ना अनुसार प्रत्यक्ष ओसो अप्रत्यक्ष रूप ते जोरदार खंडन कीयाना।

इद “प्रचार काम काजे विशेष निर्देश” लोप्पा इद्रम ता “खंडन” कीयाना उंदी पेरेके बचोनो कारण वेहताद मंता:

सरकार काजे बदे शर्त लेवा आत्मसमर्पण कीयाना तुकू आखरी एवनल लडेमायानदे बेसा।

माओ त्सेतुंग तन्ना 14 जनवरी ता स्टेटमेंट लोप्पा पेश कित्ता 8 शर्त कुना संगे राष्ट्र नष्ट आथार, सरकार अविन स्वीकार कीयानायो।

शांति भंग कीयाना जिम्मेदारी चीनी कम्युनिस्ट पार्टी पोरु मंदाना। मति अदु इंजे युद्ध अपराधिरा लिस्ट तैयार कित्ता ताना लोप्पा सब्बे सरकारी नेता लोरा पोरोल शामिल मंतांग अनि सरकार मुन्ने ओरे नेता लोर किन गिरफ्तार कीयाना इंजी मांग वेने कीता, अद्रमासी कम्युनिस्ट पार्टी ता रुझान बचोन अपमानजन मंता इंजी स्पष्ट आंता। चीनी कम्युनिस्ट पार्टी तन्ना व्यवहार किन बदले कीवेके शांति वार्ता काजे हरी पंडना मुश्किल आथार।

नेटल रेंडु हप्तांग मुन्ने समझौता-वार्ता कीयाना कंदेरेम इंजे इनपडे दिससोर हिल्ले। “युद्ध टाईम कम कीयाना”, “जनता ना तिप्पल कम कीयाना” ओसो “जनता ना सेवा कीयाना बगिल मुन्ने ध्यान हियाना” लेक्कटा पोल्लोंग, पूरा दुनिया ते फैलेमासी लोकुरा जीवा ते जीवा वात्ता लेक्का किसिंतांग। मति इंजे अविना बारे ते वड़कमूड वेने आयो। चीनी कम्युनिस्ट पार्टी तन्ना “व्यवहार” बदले कियाला राजी ओसो युद्ध अपराधिर किन सजा हियाला अडेमासी मत्तास्के शांतिवार्ता आया परवो। इद्रम ता परिस्थिति ते बद काम बगिल सबसे मुन्ने ध्यान हियाना। जनता ना सेवा कीयाना लेवेके युद्ध अपराधिरा बगिल? क्वोमिंगतांग जारी कित्ता “प्रचार कार्य काजे विशेष निर्देश” अनुसार ओरु दूसरा पोल्लो तुन विचार कींतोर। चीनी कम्युनिस्ट पार्टी युद्ध अपराधिरा लिस्ट ता बारे इंजे वेने जनवादी पार्टींग ओसो जन संगठन कुना संगे सलाह किया मंता। बचोनो इलाकांग तम्मा राय वेने लोहचिता। इंजे एवनल हीता राय अनुसार ओरु सब्बे तोर हत्ता 24 दिसम्बर ते चीनी कम्युनिस्ट पार्टी बगिल तल पेश कित्ता लिस्ट तुन अस्विकार कित्तोर। ओरु सिर्फ 43 युद्ध अपराधिरा पोरोल ता लिस्ट वेल्ले सुडला मंता इंजी आल्सिंतोर, ओरु प्रतिक्रांतिकारी युद्ध शुरू कीयाना ओसो दसियों लाख लोकुर किन हौकला काजे जिम्मेदार मंतोर इंजी आल्सिंतोर। ओरा संख्या सिर्फ 43 आयवा 100 तुकू ज्यादा मंदाना इंतोर। इंजे युद्ध अपराधिरा संख्या 100 तुकू ज्यादा मंता इंजी

मानेमायमूड़ायर। अस्के माटू युद्ध अपराधिर किन सजा हियाना तुकू बारांकु विरोध कींतिर? क्वोमिंगतांग किन पूछेमांतोमा मीटू” युद्ध टाईम कम कीयाना”, “जनता ना तिप्पल किन कम कीयाना” काजे तैयार हिल्वीरा? मीटू इद विरोध संगे युद्ध जारी मत्तेके, मीटू टाईम पास कीयाना कोशिश किया मंतिर ओसो युद्ध ता खतरा बेरसी किया मंतिरा? “टाईम कम कीयाना कोशिश कीयाना” ओसो “युद्ध ता खतरा बेरसी कीयाना” आरोप मीटू चीनी कम्युनिस्ट पार्टी खिलाफ हीता बयान ते वाटतिर। इदिन 26 जनवरी 1949 ते नानकिंग सरकार ता प्रवक्ता ना पोरोल ते जारी कित्ताद मत्ता, इंजे मीटू अदिन वापिस पोयसी उंदी पट्टी पोरो रासिस, गौरव-चिन्ह लेक्का मीवा गुडंगा ते वेडिहची तासला आल्सा मंतिर? मीटू वेल्ले जीवा कीयाना लेक्काटोर आंदिरा “जनता ना सेवा कीयाना ओसो सबसे मुन्ने ध्यान हियाना” इंजी इंतिर। इद्रम हिल्वेके मीटू अचानक बदलेमासी युद्ध अपराधिरा सेवा कीयाना बगिल सबसे मुन्ने ध्यान हिया मंतिर? मीवा सरकार ता गृह-मंत्रालय ता आंकड़ांग ना अनुसार चीन ता जन-संख्या 45 करोड़ आयवा 47 करोड़ 50 लाख मंता, इद संख्या तल सौ तुकू ज्यादा युद्ध अपराधिरा संख्या संगे तूलना कीतेके बद संख्या बेहरा मंता? मीटू इद सवाल तुन बेस हल कियवा लेवा मीटू “जनता ना सेवा कीयाना बगिल सबसे मुन्ने ध्यान हियाना” पोल्लो तुन (माकिन ओसो पूरा देश ता जनता किन मंजूर मंता) वेल्ले जल्दबाजी ते बदले कीसि “सौ तुकू ज्यादा युद्ध अपराधिरा सेवा कीयाना बगिल सबसे मुन्ने ध्यान हियाना” लेक्का बने कीतेके, मीटू होशियार आयमूट, बारांकु इत्तेके मीटू इद्रम कीतेके मीटू नित्ता वेने परविर आयकिर। बचोनो हप्तांग एवनल “शांति ता अपील” कित्ता पेरके वीरु “जनता ना सेवा कीयाना बगिल ध्यान हियाना” इंजी पाटा पारिंतिर। इंजे “शांति ता अपील” आयवा युद्ध ता अपील किया मंतिर। क्वोमिंगतांग कट्टरतावादिर मुश्किल ते अरतांकु ओरु जनता ना कट्टरतापूर्वक विरोध कित्तोर। जनता पोरो सवारी कीसि विचार वात्ता लेक्का जुल्म कित्तोर। अद्रमासी खुद किन वेल्ले अलगाव ता परिस्थिति ते वाटतोर। संगेने ओरु डोल्लना जोम इदिन सुधार किया परवोर। यागंत्सी

घाटी बगिल दक्षिण ता व्यापक जन समुदाय ता सब्बे लोकुर मजदूर, किसान, बुद्धिजीविर, शहरी निम्न-पूंजीपतिर, राष्ट्रीय पूंजीपतिर, जागृत शरीफजादा लोर, क्वोमिंगतांग ता सब्बे बेसता सदस्य लोर – इद विषय किन ध्यान हिमूट - मीवा पोरो सवारी कीसि जुल्म कीयाना क्वोमिंगतांग कट्टरतावादिरा पिस्वल ता दिव्यंग उचुके पिस्तांगा। माटू ओसो मीटू एक तरफ नितसी मंतोमा। मुट्टामेंड कट्टरतावादीर जल्दिए दोड़ अर्गानूर अनि जल्दिए जनता ना चीन ता जन्म आयर।



## युद्ध ता जिम्मेदारी ता सवाल पोरो क्वोमिंगतांग तल अलग-अलग जवाब कुना बारे ते

18 फरवरी 1949

“प्रतिरोध युद्ध मारता पेरके सरकार शांतिपूर्ण राष्ट्रीय पूनर्निर्माण नीति पोरो ताकसोरे चीनी कम्युनिस्ट पार्टी ता समस्या किन शांतिपूर्ण तरीका ते हल कीयाना कोशिश कित्ता। डेढ़ साल लोप्पा चीनी कम्युनिस्ट पार्टी हर समझौता किन देहता, अदिन काजे शांति भंग कीयाना जिम्मेदारी एता लागियर। मति इंजे तैयार कित्ता युद्ध अपराधिरा लिस्ट लोप्पा सब्बे सरकारी नेता लोरा पोरोल शामिल मंतांगा। अद्रमासी सरकार मुन्ने ओरे नेतालोर किन गिरफ्तार कीयाना इंजी मांग कित्ता मंता, अदिनके कम्युनिस्ट पार्टी ता रुझान बचोन अपमानजनक ओसो गलत मंता इंजी स्पष्ट आंता। चीनी कम्युनिस्ट पार्टी तन्ना व्यवहार बदले कीवेके शांति वार्ता काजे हरीं पंडना मुशिकल आयार”।

इद युद्ध ता जिम्मेदारी सवाल बारे ते क्वोमिंगतांग केंद्रीय कार्यकारिणी कमेटी ता प्रचार विभाग 13 फरवरी 1949 ते जारी कित्ता “प्रचार-कार्य काजे विशेष निर्देश” लोप्पा हीता पूरा तर्क आंदू।

इद तर्क पहली नंबर ता युद्ध अपराधी च्यांग काई-शेक नादे आंदू। तम्मा पूना साल ता बयान लोप्पा ओरु दोड़ा रास्ता लेक्का इत्तोर:

मूंड जन सिद्धांत कुना वरोर ईमानदार अनुयायी लेक्का (राष्ट्रपिता) ना शिक्षा किन जीवा कासी लागू कीसोरे नन्ना जापान-विरोधी युद्ध मारता पेरके ओसो डाकू लोरा दमन काजे सैनिक कार्रवाई कीयाना अनि जनता ना तिप्पल बेरसी कीयाना इंजी आल्सवा

मत्ताना अदिन काजे प्रतिरोध युद्ध मारता इत्तेकेने मावा सरकार शांतिपूर्ण राष्ट्रीय पूनर्निर्माण ता नीति ता ऐलान कीसि उंदी डाका मुन्ने हंजी कम्युनिस्ट पार्टी ता समस्या किन राजनीतिक सलाह-सुझाव ओसो फौजी मध्यस्थता संगे हल कीयाना कोशिश कित्ताना मति मावा विरोध ते कम्युनिस्ट पार्टी डेढ़ साल लोप्पा सब्बे समझौतांग, प्रस्तावकु लागू कीयाना हरीं ते पुंजी-पुंजी बाधा वाटता। इदे आयवा अदु नालुंग बगिल तल सशस्त्र विद्रोह शुरू कित्ता, अद्रमासी राज्य ता अस्तित्व खतरा ते अरता। इद्रम विद्रोह किन खत्म कियाला काजे लामबंदी कीयाना इद सरकार तुकू वेल्ले जरूरी आत्ता।

च्यांग काई-शेक ना इद बयान जारी कित्ता 7 दिय्यांग मुन्ने इत्तेके 25 दिसम्बर 1948 ते वरोर चीनी कम्युनिस्ट पार्टी तोर 43 युद्ध अपराधिरा उंदी लिस्ट पेश कित्तोर। इस लिस्ट लोप्पा पहली नंबर ते च्यांग काई-शेक ना पोरोल मत्ता। शांति काजे अपील कीयाना ओसो तम्मा जिम्मेदारी तल बचेमायना युद्ध अपराधिरगा इदिना जिम्मेदारी कम्युनिस्ट पार्टी पारो वाटना विडचसी दूसरा बदे हरीं हिल्ले। मति इव रेंडासी पोल्लोंग उंदी-दूसरा ता विरोधी आंदुंग। कम्युनिस्ट पार्टी युद्ध शुरू कियाला काजे जिम्मेदार मानेमायना अनि अदिन सजा हियाना। कम्युनिस्ट “डाकू” लोर आंदुर, अदिन काजेए “डाकू लोरा दमन” कीयाना। ओरु “नालुंग बगिल सशस्त्र विद्रोह शुरू” कित्तोर, अदिनके इद “विद्रोह तुन” जरूर खत्म कीयाना। “डाकू लोरा दमन कीयाना” ओसो “विद्रोह तुन खत्म कीयाना” पोल्लो सौ प्रतिशत सही मंता, इंदानास्के अदिन बारांकु विडसना? क्वोमिंगतांग 1 जनवरी 1949 पेरेके जारी कित्ता सब्बे सार्वजनिक दस्तावेज कुन बदे शर्त लेवा “कम्युनिस्ट डाकू” शब्द ता जागा ते “कम्युनिस्ट पार्टी” शब्द इस्तेमाल कित्ता?

सुन ख वेल्ले उक्का-बक्का आतोर अनि च्यांग काई-शेक तन्ना पूना साल ते बयान जारी कित्ता दिय्या नुल्पेह बेरा ब्रॉडकास्ट कित्ता तन्ना उंदी

भाषण लोप्पा युद्ध ता जिम्मेदारी ता बारे ते उंदी अलग बयान पेश कित्तोरा  
सुन ख दोड़ रास्ता लेक्का वेहतोर:

मूंड साल मुन्ने प्रतिरोध युद्ध जीड़ता पेरके सबसे मुन्ने जनता  
किन पुनर्वास कीयाना जरूरत मत्ता, देश ता सक्रिय रूप ते  
पुनर्निर्माण कीयाना जरूरत मत्ता, इव जरूरत कुना बारे ते विभिन्न  
पार्टिंग नड़मा उंदे समझदारी वेने मंता, विभिन्न पक्ष कुना प्रतिनिधि  
ओसो सार्वजनिक रूप ते मानेमायना लोकरु किन केयसी उंदी  
राजनीतिक सलाहकर सम्मेलन कित्तादु माकिन सुरता मंता। मूंड  
सप्तांग ना कोशिश कित्ता पेरके खासकर प्रेसीडेंट टरूमैन ना विशेष  
दूत मार्शल कारण ते माटू शांतिपूर्ण राष्ट्रीय पुनर्निर्माण ता उंदी  
प्रोग्राम ओसो विभिन्न रकम ता मतभेद कुन खत्म कीयाना ठोस  
प्रस्तावकुना बारे ते सहमत आतोमा माटू अस्के इव प्रस्ताव कुना  
पोरो सही परिस्थिति ते अमल कीवेके नेंडु चीन वेल्ले विकसित  
आसी मनवड़ अनि नेटा चीनी जनता बचोन सुखी मंजी मनवड़े।  
मति अस्केटा अलग-अलग पार्टिंग लोप्पटल बदे वेने पार्टी तन्ना  
निजी स्वार्थ तुन पूर्ण त्याग कियाला तैयार हिल्ला मत्ता। संगेने पूरा  
देश ता जनता शांति आंदोलन किन सफल कियाला काजे भरपूर  
कोशिश कीवो आत्ता। अदिन काजे युद्ध संकट ओसो उंदी बेरा  
नित्तता अनि लोकरु ओसो उंदी बेरा तिप्पल ते अरतोर।

सुन ख, च्यांग काई-शेक ना तुलना ते उचुन “निष्पक्ष” मंता। इव पार्टिंग  
वेने च्यांग काई-शेक ना लेक्काने हिल्ले या? ओरु युद्ध ता पूरा जिम्मेदारी  
कम्युनिस्ट पार्टी ता तल्ला पोरु वाटतोर। अदे आयवा “भूमि मालिकाना  
ता समानीकरण” तरीका लागू कीसि “अलग-अलग पार्टिंग” किन समान  
रूप ते जिम्मेदार मानेमाताद मंता। ताना लोप्पा क्वोमिंगतांग वेने शामिल  
मंता, कम्युनिस्ट पार्टी वेने शामिल मंता, जनवादी पार्टी ओसो सार्वजनिक  
रूप ते मानेमाता लोकरु वेने मंतोर। इदे आयवा ताना लोप्पा “पूरा देश ता  
जनता” वेने शामिल मंता, 47 करोड़ 50 लाख देशवासिरा लोप्पाटल वरोर  
वेने इद जिम्मेदारी तल बचेमाया परवोर। च्यांग काई-शेक सिर्फ कम्युनिस्ट

पार्टी पोरने हमला कितोर अनि सुन ख सब्बे पार्टिंग, सब्बे निर्दलीय लोकुरा पोरने ओसो हर देशवासिरा पोरने हमला कितोर, सुन ख च्यांग काई-शोक पोरने आयवा खुद तन्नाए पोरने वेने हमला कींतोर। मीवा मुन्ने क्वोमिंगतांग ता इरवुर सदस्य लोर, सुन ख ओसो च्यांग काई-शोक वरोर दूसरो ना खिलाफ नितसी मंतोर।

क्वोमिंगतांग ता वरोर तीसरा सदस्य वेने मुन्ने वासी इतोर: आयो, नावा हिसाब ते सिर्फ क्वोमिंगतांग किने जिम्मेदारी मानेमायना। वीना पोरने ली चुंग-रन मंता। 22 जनवरी 1949 ते ली चुंग-रन “कार्यवाहक प्रेसीडेंट” लेक्का स्टेटमेंट जारी कितोर। युद्ध ता जिम्मेदारी ता बारे ते ओरु दोड़ रास्ता लेक्का वेहतोर:

आठ साल ता प्रतिरोध युद्ध पेरके मूंड साल तले ताकना गृहयुद्ध ताका मंता। अद्रमासी सिर्फ प्रतिरोध युद्ध ता जीत पेरके देश ता पुनर्निर्माण कीयाना काम विफले आयवा पीली डोड्डा ता उत्तर-दक्षिण ते हर जागा युद्ध संकट वासी अरता। लेक्का हिल्ला फसल ओसो लोहकु नुकसान आतांग, हजारो बेगुनाह लोकुर घायल आतोर। लेक्का हिल्ला परिवारकुनल लेसतोर अनि हर जागा ते लोकुर करविने ओसो हिरंगम ते तिप्पल आया मंतोर। इद्रम ता बेहरा नुकसान मना देश ता गृहयुद्ध ता इतिहास लोप्पा निज्जमे बदे उदाहरण हिल्ले।

इगा ली चुंग-रन स्टेटमेंट तो जारी कितोर मति बोनाए पोरने एतितत हिल्ले। ताना लोप्पा क्वोमिंगतांग लेवेके कम्युनिस्ट पार्टी हिल्लेके बदे संगठन किन जिम्मेदार मानेयमाताद हिल्ले। इद्रम आतेकाई ओरु इद “बेहरा नुकसान” बदे दूसरा जागा ते आवना सिर्फ “पीली डोड्डा ता उत्तर-दक्षिण तेने” कित्ताद मंता इंजी उंदी सच्चाई वेहचितोर। माटू पीली डोड्डा ता दक्षिण ते यांगत्सी बेरेड़ एवनल ओसो पीली डोड्डा ता उत्तर ते सुंगुह्वा डोड्डा एवनल विस्तार आत्ता इलाका लोप्पा “बेहरा नुकसान” बद्रम आत्ता इंजी जांच कीयाना। इद नुकसान जनता ओसो जन सेना ता खिलाफ लडेमासी कित्ताद मंता या? ली चुंग-रन च्यांग काई-शोक ना पेफिंग

हेडक्वार्टर ता प्रधान मत्तास्के क्वांगशी गुट ता फौज कु च्यांग कार्ई-शेक गुट ता फौज कुना संग कलियसी शानतुंग प्रांत ता ई-संग मेट्टा इलाका लोप्पा युद्ध कित्ता' अदिन काजे अदु “नुकसान” बेगा ओसो बद्रम कियमूडांता इंजी बेसे पुत्ता। ली चुंग-रन कम से कम उंदी सही पोल्लो तो वेहतोरा। इदे आयवा, “विद्रोह किन खत्म कीयाना” “डाकू लोरा पोरो दमन” कीयाना पोल्लो ता जागा ते युद्ध किन उंदी “गृहयुद्ध” ता पोरोल हीतोरा। अनि क्वोमिंगतांग काजे उंदी पुनवा मत्ता पोल्लो लेक्का मत्ता।

ली चुंग-रन इदे स्टेटमेंट लोप्पा “सरकार चीनी कम्युनिस्ट पार्टी पेश कित्ता 8 शर्त कुना पोरो आधार आसी तुरंत समझौता वार्ता शुरू कियाला तैयार मंता” इंजी इतोरा। ली चुंग-रन इव 8 शर्त कना लोप्पाटल पहली शर्त युद्ध-अपराधिर किन सज़ा हियाना ओसो ओना पोरोल वेने शामिल मत्ता। युद्ध अपराधिर किन सज़ा हियानादु “नुकसान” ता उंदी सही निर्णय आंदू। अद्रमासी क्वोमिंगतांग कट्टरतावादी इंजे वेने ली चुंग-रन ना खिलाफ अस्पष्ट रूप ते “माओ त्सेतुंग तन्ना 14 जनवरी ता स्टेटमेंट लोप्पा पेश कित्ता 8 शर्त कुना कारण ते राष्ट्र नष्ट आयार अदिनके सरकार अविन स्वीकार कीयानायो इंजी इतोरा।”

कट्टरतावादी सिर्फ अस्पष्ट रूप ते शिकायत बारांकु कीतोरा, खुल्लमखुल्ला वड़कना हिम्मत बारांकु कीवोरा। च्यांग कार्ई-शेक “काम कीयाना बंदी” कीयाना मुन्ने कट्टरतावादीर मावा 8 शर्त कुना ठुकरे कियाला आल्सतोर मति पेरके च्यांग कार्ई-शेक इद निर्णय गलत मंता इंजी वेहतोरा। ठुकरे कीतेके बदे हरीं हिल्ले आयर इंजी आल्सतोर बहे: 19 जनवरी ते इद्रम ताए परिस्थिति मत्ता। अद दिव्या नरकुम चांग च्युन-माए नानकिंग तल शांघाई वापिस वात्तास्के तन्ना बयान ते “चीनी कम्युनिस्ट पार्टी पेश कित्ता 8 शर्त कुना जवाब ते सरकार परताचोन जल्दी उंदी स्टेटमेंट जारी कियार” इंजी वेहतोरा। ताना पेरके अदे दिव्या नुल्पेह बेरा केंद्रीय समाचार-एजेसी उंदी संदेश लोहता ताना लोप्पा दोड़ रास्ते वेहची मत्ता:

इंजे-इंजे दोरकता चांग च्युन-माए ना बयान लोप्पा (शांघाई लोहताद मंता) दोड़ रास्ता नोट जोड़े कियाना: ओरु वेहना इसाब ते सरकार जल्दीए उंदी दूसरा स्टेटमेंट जारी कियार, केंद्रीय समाचार-एजेन्सी ता वरोर पत्रकार किन संबंधित अधिकारीगडल सरकार उंदू दूसरा स्टेटमेंट जारी कीवो इंजी जानकारी दोरकता।

21 जनवरी ते “रिटायर” आयना बारे ते तन्ना स्टेटमेंट लोप्पा च्यांग कार्ड-शेक अव 8 शर्त कुना खंडन कीयाना ता बारे ते उंदी वेने पोल्लो वेहोरा तन्ना 5 शर्त कुन वेने विड़सतोर। असल इत्तेके अविन इद्रम बदले कीसितोर: “प्रादेशिक अखंडता ओसो सत्ता मंदाना, ऐतिहासिक संस्कृति ओसो सार्वजनिक व्यवस्था किन नष्ट कियवा मंदाना ओसो जन-जीविका ओसो स्वतंत्रता ता अधिकार कुन रक्षा कीयाना उसूल कुना पोरो आधार आसी शांति दोरकी कीयाना”। ओरु संविधान, नियममानुसार सत्ता अधिकार, सेना लेक्कटा पोल्लोंग कीयाना हिम्मत कीवोरा। अदिने 22 जनवरी ता ली चुंग-रन चीनी कम्युनिस्ट पार्टी ता 8 शर्त कुन समझौता वार्ता ता आधार मानेमायना हिम्मत कितोर। क्वोमिंगतांग कट्टरतावादिर खुल्लम-खुल्ला विरोध कीयानाए आयवा अस्पष्ट रूप ते “सरकार अविन किन स्वीकार कीयानायो” इंजी वेहाना हिम्मत कितोर।

सुन ख “भूमि मालिकाना ता समानीकरण” नीति पोरो लगातार ताकतोर, ताकोर? 5 फरवरी 1949 ते ओरु “सरकार ता क्वांगचओ ते बदली” कितोर, ताना पेरके 7 फरवरी ते उंदी भाषण हीतोर, ताना लोप्पा युद्ध ता जिम्मेदारी ता सवाल बारे ते वेहतोर:

हत्ता 6 महीना लोप्पा युद्ध ता नुकसान आतांकु गंभीर परिवर्तन आत्ता अनि जनता किन वेल्ले तिप्पल आया लागता। इव सब्बे पाड़ना गलतिंग, विफलतांग ना कारण ते आतांग: नेटा गंभीर परिस्थिति इविना कारण तेने वात्ता। माटू सब्बे तोर चीन किन मूंड जन सिद्धांत कुना जरूरत मंता इंजी वेल्ले बेस पुत्तोमा बस्के एवनल मूंड जन सिद्धांत कुना पोरो अमल आयो अस्के एवनल चीन ता समस्यांग बह कीतेकाई हल आया परवोंग। नेटल 20 साल मुन्ने मना पार्टी ता “चुंगली” कदम-ब-कदम

अमल कियमूडायर इंजी खुद मूंड जन सिद्धांत कुन विरासत लेक्का मना पार्टी किन सौपे कित्तोर। अविना पोरो अमल कीसि मत्तेके नेटा परिस्थिति पोरो काबू आसी मनवड़।

इगा क्वोमिंगतांग सरकार ता कार्यकारी य्वान प्रेसीडेंट अलग-अलग पार्टींग ओसो सब्बे देशवासिर किन युद्ध काजे समान रूप ते जिम्मेदार मानेमायवा लेवा खुद क्वोमिंगतांग किने जिम्मेदार मानेमातोरा। इदिन हूडसी लोकर सुन ख सिर्फ क्वोमिंगतांग पोरो ने हमला कित्ता लेक्का हूडितोर। मति कम्युनिस्ट पार्टी ता बारे ते ओरु दोड़ रास्ता लेक्का आल्लिसंतोर:

माटू चीनी कम्युनिस्ट पार्टी सिर्फ मूंड जन सिद्धांत कुना लोप्पा जन-जीविका सिद्धांत ता हिस्सा मत्ता भूमि मालिका ना ता समान वितरण कित्तादु, अपील कीसि जनता किन गुमराह कियाला सफल आत्तादू हूडितोमा। माटू निज्जमे वेल्ले लज्जा वायना लेक्का मंदाना, मना सतर्कता किन बेरसी कीयाना अनि पाड़ना गलतिंग पोरो ओसो उंदी बेरा आलोचनात्मक तरिका ते सिंहावलोकन कीयाना।

धन्यवाद, जीवा ता प्रेसीडेंट साहब! कम्युनिस्ट पार्टी पोरो इंजे वेने “जनता किन गुमराह कीयाना” आरोप वाटा मंतोर मति अदु इद्रम ता गंभीर अपराध कुनिगडल बचेमासी मंता अदिनके तन्ना किन सुरक्षित तासा परता।

प्रेसीडेंट ना भाषण:

नेंडु कम्युनिस्ट पार्टी ता प्रभाव सिर्फ अव मूंड सिद्धांत कुना लागू कियवांके फैलेमासी मंता। पाड़ना कालम ते मावा पार्टी तल पार्टी ता उचुन सदस्य लोर सशस्त्र ताकत पोरो कोंडा हिल्ला लेक्का भरोसा कित्तोर अनि सत्ता काजे आपस ते संघर्ष कीतांकु दुश्मन किन मावा लोप्पा फूट वाटना हीतादु सबसे बेहरा गलती आत्ता। 8 साल ता प्रतिरोध युद्ध मारतास्के देश ता शांतिपूर्ण एकीकरण कीयाना मौका मत्ता। इद मौका हजारों साल लोप्पा मुश्किल ते दोरकसी मत्ता अनि शुरू ते स्थानीय झगड़ा किन राजनीतिक तरीका ते हल कीयाना सरकारी योजना वेने मत्ता, मति अदिन लागू कित्ताद

हिल्ले। बचोनो साल ता युद्ध ओसो अव्यवस्था पेरके जनता मुन्ने तुरंत पुनर्वास कीयाना लेक्कटा परिस्थिति वात्ता। सशस्त्र मुठभेड़ ओसो शुरू आतेके लोकुरा पिस्सना मुशिकल आत्ता अनि वेल्ले तिप्पल कुना सामना किया लागता। अद्रमासी फौज कुना हिम्मत वेने कम आत्ता अदिनके उंदी पेरके उंदी फौजी असफलतांग ना सामना किया लागता। जनता ना विचार कुना आदर कीसोरे ओसो समस्यांग किन हल कियाला फौजी तरीकांग विफल आतांग इंजी, प्रेसीडेंट च्यांग उंदी पूना साल ता संदेश जारी कित्तोर ताना लोप्पा शांति ता आह्वान कित्तोर।

वेल्ले बेस! वीर युद्ध अपराधी सुन ख तन्ना विचार ते उंदी सही रूप ते स्वीकार कित्तोर, इदु उंदी स्पष्टवादी ओसो सही स्वीकार कित्ताद आंदु, ओनकिन इंजे गिरफ्तार कित्ताद वेने हिल्ले, उंडी बड़गा वेने हिताद हिल्ले मति मानेमात्तोर। सशस्त्र ताकत पोरो कौंडा हिल्ला लेक्का भरोसा कियानोर, युद्ध शुरू कियानोर, फौजी तरीकांग ते इद समस्या किन हल कियानोर बोर आंदूर, अद विफल आत्तास्के शांति काजे अपील कियानोर असल ते बोर आंदूर? असल इत्तेके क्वोमिंगतांग पार्टिए आंदू। तीना लोप्पा बोरे आयवा खुद च्यांग काई-शेके मत्तोर। प्रेसीडेंट सुन अस्के शब्द चुने कियाला वेल्ले ध्यान ते काम कित्तोर। ओरु सशस्त्र ताकत ता बारे ते कौंडा हिल्ला लेक्का भरोसा कियानोर ओना पार्टी ता उचुन “सदस्य” लोर इंजी वेल्ले ध्यान हीसी वेहतोर। क्वोमिंगतांग सिर्फ उचुन सदस्य लोर किने सज़ा हीयना ओसो युद्ध अपराधी घोषित कीयाना सब्बे सदस्य लोर किन अपराधी घोषित कीयानायो इंजी चीनी कम्युनिस्ट पार्टी कित्ता मांग संगे कलियंता।

संख्या ता बारे ते मावा सुन ख संगे बदे विवाद हिल्ले। माटू ओना निष्कर्ष पोरो मतभेद तासितोमा। माटू क्वोमिंगतांग “सशस्त्र ताकत पोरो कौंडा हिल्ला लेक्का भरोसा तासता” उचुन “सदस्य” लोर सज़ा हियाना इंजी मांग कीतोमा। बारंकु इत्तेके इदिना कारण तेने “सशस्त्र मुठभेड़ शुरू आत्ता अनि लोकुरा पिस्वल तिप्पल ते आत्ता”। मति सुन ख इद्रम कियाला तैयार हिल्लेर। ओरु दोड़ रास्ता लेक्का इंतोर:



तना प्रतिनिधिमंडल ता चुनाव लोप्पा डामाडोल आसी, कम्युनिस्ट पार्टी वेने सशस्त्र ताकत बारे ते कोंडा हिल्वा लेक्का भरोसा कित्तादु इंजी साबित कीसिता। अदु इंजे पूर्ण रूप ते परिपक्व आत्ता ओसो सशस्त्र ताकत संगेने पूरा देश किन जीड़ा परिंता इंजी आलिसंता, अदिन काजे अदु उंदी डाका मुन्ने वाटसी लड़ाई रोमी कियाला इनकार कींता। अदिना लक्ष्य स्पष्ट मंता। नन्ना वेल्ले गंभीर रूप ते स्थाई शांति स्थापना कियाला काजे रेंडासी पक्ष कुन समान स्तर ते समझौता वार्ता कीयाना ओसो ओरा समझौता ता शर्त न्यायपूर्ण ओसो पूरा देश ता जनता मानेयमायना इंजी पेश कींताना। इद्रम कीसि माटू प्रेसीडेंट सुन वेल्ले जीवा तोर हिल्लेरे इंजी हूड़ा परिंतोमा ओरु युद्ध अपराधिर किन सजा हियाना उंदी न्यायपूर्ण शर्त हिल्वा लेक्का दिसंता। युद्ध अपराधिरा सवाल बारे ते ओरा अनुसार 13 फरवरी ते क्वोमिंगतांग प्रचार विभाग जारी कित्ता “प्रचार-कार्य काजे विशेष निर्देश” लोप्पा मत्ता रुझान संगे कलियांता, इत्तेके ओरु वेने सिर्फ अस्पष्ट शब्द कुना इस्तेमाल कितोर, खुल्लम-खुल्ला विरोध कीयाना साहस कीवोर। युद्ध अपराधिर किन सजा हियाना पोल्लो किन समझौता वार्ता काजे बुनियादी शर्त कुना लोप्पाटल उंदी मानेमायना हिम्मत कित्ता ली चुंग-रन ना तुलना ते सुन ख वेल्ले अलग मंतोर।

मति प्रेसीडेंट सुन ना लोप्पा कम्युनिस्ट पार्टी वेने “सशस्त्र ताकत पोरो कोंडा हिल्वा लेक्का भरोसा कींता” इंदानदु वेल्ले बेसता पोल्लो मंता। इदु “प्रतिनिधिमंडल चुनाव कियाला डामाडोल कीयाना” ओसो “मुन्ने डाका वाटसी लड़ाई रोमी कियाला इनकार कीयाना” लोप्पा साबित आंता। मति अदु 1946 तेने सशस्त्र ताकत ता बारे कोंडा हिल्वा लेक्का ओसो वेल्ले क्रूर रूप ते युद्ध शुरू कित्ता क्वोमिंगतांग लेक्का हिल्ले। युद्ध अपराधिरा लिस्ट तैयार कीयाना उंदी महत्वपूर्ण पोल्लो आंदू, इदिन “पूरा देश ता जनता स्वीकार कीयाना” ओसो इद्रम जरूरत तुकू बेहरा ओसो जरूरत तुकू सुडला लिस्ट मत्तेके अंगडम आयाार ओसो “पूरा देश ता जनता” काजे (युद्ध अपराधी ओसो ओरा सह-अपराधीर शामिल हिल्वा) मानेमायना लेक्का मन्नो आयाार इंजी “प्रतिनिधिमंडल ता चुनाव लोप्पा

डामाडोल” कित्तोर। अदिन काजे जनवादी पार्टिंग ओसो जन-संगठन कुना संगे सलाह-सुझाव एतना जरूरी मंता, अद्रमासी उचुन “लेट” आत्ता, माटू मावा प्रतिनिधि लोर किन तुरंत चुने किया परवोमा। अदिनके सुन ख ओसो ओना लेक्कटोर वेल्ले नाराज आतोर। मति कम्युनिस्ट पार्टी वेने “सशस्त्र ताकत पोरो कोंडा हिल्ला लेक्का भरोसा” कित्ता इंजी पक्का वेहा परमूडायो। टाईम मत्तास्के ने युद्ध-अपराधिरा लिस्ट घोषित आयर, मना प्रतिनिधि चुने कियमूडायर ओसो समझौता वार्ता शुरू आयार, अस्के प्रेसीडेंट सुन माटू “सशस्त्र ताकत पोरो कोंडा हिल्ला लेक्का भरोसा” कीतोम इंजी इंदा परवोर आयनूर।

“लड़ाई रोमी कियाला पहलकदमी” ता बारे हूडतेके इद उंदी सही रुझान आंदू इदिन प्रेसीडेंट च्यांग ना पूना साल ता संदेश लेक्का लागू कित्ताद मंता। प्रेसीडेंट च्यांग पूना साल ता संदेश लोप्पा इत्तोर:

कम्युनिस्ट पार्टी लोप्पा शांति काजे सही इच्छा पैदा आयर ओसो इदिन बारे ते पक्का इशारा कियार अस्के सरकार जरूर अदिना संगे जीवा कीसि कलियर अनि लड़ी रोमी कीसि शांति ता पुनस्थापना कियाला ठोस तरीकांग पोरो विचार-विमर्श कियाला तैयार आयार।

19 जनवरी ते सुन ख ना कार्यकारी ख्वान च्यांग काई-शेक संदेश ता उल्लंघन कीसि उंदी निर्णय एतितोर, ताना लोप्पा “सबसे मुन्ने तुरंत बदे शर्त हिल्ला लड़ाई रोमी कीसि शांति वार्ता लोप्पा शामिल आयला काजे तन्ना-तन्ना प्रतिनिधि लोर किन चुने कीयाना” इंजी वेहतोर। 21 जनवरी ते चीनी कम्युनिस्ट पार्टी ता वरोर प्रवक्ताल इद तर्कहीन निर्णय ता गंभीरतापूर्वक आलोचना कित्तोर।<sup>2</sup> कार्यकारी ख्वान ना प्रेसीडेंट इद आलोचना तुन नजरअंदाज कित्तोर अनि 7 फरवरी ते ओसो उंदी बेरा चीनी कम्युनिस्ट पार्टी “लड़ाई रोमी कियाला कित्ता पहलकदमी” “सशस्त्र ताकत पोरो कोंडा हिल्ला लेक्का भरोसा कींता” इंदानदु सबूत मंता इंजी बोल्लतोर। च्यांग काई-शेक लेक्कटा युद्ध अपराधी वेने समझौता वार्ता लेवा लड़ाई रोमना ओसो शांति ता पुनस्थापना संभव हिल्ले इंजी पुत्तोर: इदिना बारे ते सुन ख च्यांग काई-शेक किनकु बचोनो पेरके मंतोर।

सब्बे तोर पुत्तापु, सुन ख किन, ओरु युद्ध शुरु कीयाना ओसो जारी तासना लोप्पा हमेशा च्यांग कार्ई-शेक ना समर्थन कीतांकु युद्ध अपराधी मानेमाताद मंता। 22 जून 1947 एवनल वेने सुन ख “माटू फौजी लड़ाई आखरी एवनल जारी तासकेते, हल जरूर आयार” ओसो “इंजे शांति वार्ता कीयाना सवाले पैदा आयो, सरकार चीनी कम्युनिस्ट पार्टी किन तहस-नहस कीतेके बेस, लेवेके कम्युनिस्ट पार्टी राष्ट्रीय सरकार ता तख्ता पलट कियार” इंदानोरा<sup>3</sup> सुन ख खुद वेने सशस्त्र ताकत पोरो कोंडा हिल्वा लेक्का भरोसा कीयाना क्वोमिंगतांग ता” उचुन सदस्य” लोरा लोप्पटल वरोर मत्तोरा मति इंजे ओरु उंदी बगिल नितसी, तन्ना बस्के ने सशस्त्र ताकत पोरो कोंडा हिल्वा लेक्का भरोसा कीवा लेक्का ओसो मूंड जन सिद्धांत कुन लागू कियवा मंदाना तुकू खुद जिम्मेदार हिल्वा लेक्का वडका मंतोरा इद्रम कीयानादु वेल्ले बेइमानी आंता। राज्य ता कानूनी रूप ते आई लेवेके क्वोमिंगतांग पार्टी अनुशासन रूप ते हुड़तेकाई सुन ख बद्रमाई वेने बचेमाया परवोर।

## नोट

- 1) इगा शानतुंग प्रांत ता ई मेट्टा ओसो संग मेट्टा इलाका ता बारे ते वेहताद मंता। क्वांगशी गुट ता 46 वी फौजी कोर च्यांग कार्ई-शेक गुट ता फौज कुना संगे कलियसी इद इलाका पोरो हमला कित्ता। इद कोर हाएनान द्वीप तल समुद्र हरीं पोसी अक्तुबर 1946 ते छिंगताओ एवता। फरवरी 1947 ते अदु शानतुंग प्रांत ता लाएऊ इलाका लोप्पा पूराए खत्म आत्ता।
- 2) इदे ग्रन्थ लोप्पा “नानकिंग ता कार्यकारी य्वान ना निर्णय ता बारे ते चीनी कम्युनिस्ट पार्टी ता प्रवक्ता ना स्टेटमेंट” हेडिंग वाले लेख हूडाटू।
- 3) इगा 22 जून ते क्वोमिंगतांग सरकार ता वाइस-प्रेसीडेंट मत्ता सुन ख नानकिंग ते एसोसिएटेड प्रेस क्वोमिंगतांग ता” केंद्रीय दैनिक समाचार” ओसो “शिनमिन पाओ” ना पत्रकार लोरा संगे तन्ना मुलाकात कित्तास्के कित्ता वार्ता ता बारे ते वेहताद मंता।

# चीनी कम्युनिस्ट पार्टी ता सातवीं केंद्रीय कमेटी ता दूसरी पूर्ण अधिवेशन लोप्पा रिपोर्ट\*<sup>1</sup>

5 मार्च 1949

## 1.

“चीनी कम्युनिस्ट पार्टी ता सातवीं केंद्रीय कमेटी 5 मार्च तल 13 मार्च 1949 एवनल हपे प्रांत ता फिंगशान काउन्टी ता शीओफो प्रांत लोप्पा तन्ना दूसरा पूर्ण अधिवेशन कित्ता। इद अधिवेशन लोप्पा केंद्रीय कमेटी ता 34 सदस्य ओसो 29 वैकल्पिक सदस्य लोर हिस्सा एतितोर। इद चीनी जनता ना क्रांति ता देशव्यापी जीत तुकू मुन्ने कित्ता वेल्ले महत्वपूर्ण अधिवेशन आंदू। अधिवेशन लोप्पा तन्ना रिपोर्ट पेश कीसोरे कामरेड माओ त्सेतुंग क्रांति ता देशव्यापी जी जल्दिए दोरकी कीयाना काम तुन मुन्ने ओयना ओसो इद विषय तुन संगठित कीयाना बारे ते नीतिंग पेश कित्तोर। ओरु इद विषय संगे पार्टी ता काम ता गुरुत्व-केंद्र नाटे नल शहर ते दायना इंजी समझे कित्तोर। ओरु पार्टी किन देशव्यापी जीते पेरके लागू कीयाना बुनियादी राजनीतिक, आर्थिक, विदेशी नीतिंग किन पेश कित्तोर। अनि चीन किन उंदी कृषि-प्रधान देश तल औद्योगिक देश लेक्का बदले कीयाना, उंदी नवजनवादी समाज किन उंदी समाजवादी समाज लेक्का बदले कीयाना काम ओसो मुख्य दिशा किन तय कित्तोर। खासकर ओरु चीन ता अर्थव्यवस्था ता अलग-अलग तत्व कुना वर्तमान परिस्थिति ओसो पार्टी लागू किया सही नीतिंग ना विश्लेषण कित्तोर; ओरु इद सवाल बारे ते अलग-अलग “वामपंथी” ओसो दक्षिणपंथी भटकाव कुना खंडन कित्तोर अनि चीन ता अर्थव्यवस्था तुलनात्मक रूप ते वेल्ले रफ्तार ते विकास आथार इंजी पक्का विश्वास तोहतोर। कामरेड माओ त्सेतुंग चीनी जनता ना जनवादी क्रांति ता जी पेरके देशलोप्पा ओसो देश ता बाहर ता वर्ग संघर्ष ता पूना परिस्थिति ता मूल्यांकन कित्तोर अनि पूंजीपति वर्ग ता “शक्कर ते मुडूंदता गोलिंग” सर्वहरा वर्ग काजे मुख्य खतरा बनेमाथार इंजी सामाजिक चेतावनी हीतोर। इव सब्बे पोल्लोंग इद दस्तावेज तुन वेल्ले ऐतिहासिक काल एवनल वेल्ले महत्वपूर्ण बने कीसिंतंगा। इद रिपोर्ट ओसो अदे साल जून ते ओरु रास्ता “जनताना जनवादी कब्जा ता बारे ते” हेडिंगा वाले लेख चीनी राजनीतिक सलाहकार सम्मेलन ते पहली पूर्ण अधिवेश स्विकार कित्ता “संयुक्त कार्यक्रम” ते शामिल कित्ता नीतिंग ना आधार बनेमाता। इद “संयुक्त कार्यक्रम” तुन पूना चीन ता स्थापना पेरके उंदी अस्थाई संविधान लेक्का इस्तेमाल कित्ताद मत्ता। पार्टी ता सातवीं केंद्रीय कमेटी ता दूसरा पूर्ण अधिवेशन कामरेज माओ त्सेतुंग ना रिपोर्ट पोरो आधार आसी उंदी प्रस्ताव पास कित्ता। इद अधिवेशन पेरके चीनी कम्युनिस्ट पार्टी ता केंद्रीय कमेटी हपे प्रांत ता फिंगशान काउन्टी ते शीपोफो तल पेफिंग वात्ता।

ल्याओशी-शनयांग, ह्वाए-हाए ओसो पेफिंग-थ्येनचिन अभियान मारता पेरके क्वोमिंगतांग सेना ता मुख्य ताकत नष्ट आत्ता। अदिना सिनच्यांग तल थाइवान एवनल विस्तार आसी मत्ता इलाकांग लोप्पा ओसो वेल्ले बेहरा मोर्चा ते फैलेमासी मत्ता लडाकू सेना ता सिर्फ दस लाख सैनिक लोर पिस्तोर। वायना कालम ते क्वोमिंगतांग सेना संगे लडेमायला सिर्फ मूंड तरीकांग मंदितांग - थ्येनचिन, पेफिंग ओसो स्वेय्वान तरीकांग।<sup>1</sup> माटू ध्यान हियाना ओसो तैयारी कीयाना मुख्य लक्ष्य इंजे वेने माटू थ्येनचिन ते कित्ता लेक्का लडेमासी दुश्मन ता फौज तु खत्म कीयानादे मंदाना। पूरा चीनी जन मुक्त सेना कमांडर ओसो योद्धा लोरा किन लडेमायला संकल्प तुन उचुन वेने कम कीयानायो। बदे वेने लडेमायना संकल्प तुन कम कीयाना विचार ओसो दुश्मन ता ताकत तुन कम कीसि हूडना विचार गलत मंदिता। पेफिंग तरीका ते समस्या किन हल कीयाना संभावना बेरसिंता। इत्तेके दुश्मन फौज तुन जन मुक्ति सेना (पीएलए) ता व्यवस्था अनुसार शांतिपूर्ण तरीका ते, जल्दी ओसो सही तरीका ते जन मुक्त सेना लेक्का पुनर्गठित कियाला मजबूर कीयाना। प्रतिक्रांति ता पिस्ता-मेयताविन जल्दी खत्म कीयाना ओसो राजनीतिक प्रभाव तुन खत्म कियाला काजे हालनाचोन कारगर हिल्ले। मति दुश्मन ता मुख्य सेना नष्ट आत्ता पेरके इद्रम कीयाना वेल्ले जरूरी आंता इदिन रोमी कियमूडायो, इदे आवा मावा सेना ओसो जनता काजे वेने फायदा आंता, बारांकु इत्तेके इद्रम कीतेके लोकुर नुकसान आयोर आंतोर। अदिन काजे अलग-अलग युद्ध सेना ता सब्बे नेतृत्वकारी कामरेड्स संघर्ष ता इद रूप पोरु आल्सना अनि अदिन इस्तेमाल कियाला करियना। इद संघर्ष ता उंदी रूप आंदू, संघर्ष ता उंदी नेचुर पोंगी कीयाना तुकू बचे कीयाना रूप आंदू, इद्रम इत्तेके समस्या बदे संघर्ष लेवा हल कियमूडांता इंजी आयो। स्वेय्वान तरीका, पुंजी-पुंजी क्वोमिंगतांग सेना ता उंदी हिस्सा किन पूर्ण रूप ते लेवेके लगभग बद्रम मंता अद्रमे मंदाला हियाना, इत्तेके इव सेनांग किन अस्थाई रूप ते छूट हियाना। इद्रम कीसि अविन राजनीतिक रूप ते मना पक्ष ते कीयाना लेवेके ओदा वाटना तुकू मदद आंता। इद्रम माटू मुन्ने क्वोमिंगतांग ता पिस्ता सेनांग ना मुख्य हिस्सा

तुन खत्म कियाला मना ताकत केंद्रित किया परितोम अनि उंदी तय टाईम पेरके (उदाहरण तुकू उचुक महीनांग पेरके, 6 महीना लेवेके साल मेंड मेट) जन मुक्ति सेना (पीएलए) ता व्यवस्था अनुसार जन मुक्ति सेना (पीएलए) लेक्का इव सेनांग ना पुनर्गठन कीयाना काम शुरू किया परितोम। इद संघर्ष ता दूसरा रूप आंदू। पेफिंग तरीका तुकू इद इद तरीका प्रतिक्रांति ता पिस्ता-मेयताविन ओसो अविना राजनीतिक प्रभाव कुन तुलनात्मक रूप ते ओसो वेल्ले जोम एवनल रोमी कीसि तासिंता। मति लास्ट ते अविन निज्जमे खत्म कीयाना आंता। उंदी बेरा मावा मुन्ने ओलता पेरके प्रतिक्रांतिकारी मानेय क्रांतिकारी बनमायनूर ओसो ओरा प्रतिक्रांतिकारी विचारकु खत्म आयनुंग इंजी इनपड़े आल्सनायो। प्रतिक्रांतिकारीरा लोप्पा वेल्ले पुनःसंस्कार कियमूडायर, उचुन मुल किन छानबीन कीसि अलग किया लागियर ओसो कट्टरपंथी रकम ता प्रतिक्रांतिकारीर किन खत्म किया लागियर।

## 2.

जन मुक्ति सेना (पीएलए) हमेशाए उंदी लड़ेमायना सेना मंदिंता। देशव्यापी जी दोरकी कित्ता पेरके मना देश तल वर्ग किन खत्म कित्ताद हिल्ले ओसो साम्राज्यवादी व्यवस्था दुनिया ते मंदाना जोम मना सेना उंदी लड़ेमायना सेना लेक्काने मंदिंता। इदना बारे ते बदे वेने रकम ता गलत रुझान लेवेके दुलमुलपन मंदानायो। जन मुक्ति सेना (पीएलए) उंदी कार्य-सेना वेने मंदिंता, इद्रम ता परिस्थिति खासकर दक्षिण ते पेफिंग लेवेके स्वेव्वान लेक्कटा हल लागू आत्तास्के वायार। लड़ाई कम आसोर दायर अस्के उंदी कार्य-सेना लेक्का अदिना काम वेले बेरससोर दायर। जल्दिए पूरा जन मुक्त सेना उंदी कार्य-सेना लेक्का बदलेमयना वेने संभावना मंता इंदाना पोल्लो तुन वेने मनम सुरता तासना। इंजे सेना संगे दक्षिण बगिल दायला तैयार आत्ता 53,000 कार्यकर्ता लोर, जल्दिए मना कब्जा वायना बेहरा इलाकांग काजे हालना लेक्का हिल्ले। मनम 21 लाख संख्या मत्ता सब्बे युद्ध सेनांग कार्य सेना लेक्का बदलेमायना इंजी तैयारी कीयाना। इद्रम

आयनास्के मावागा वेल्ले कार्यकर्ता लोर मंदितोर अनि बेहरा इलाकाग लोप्पा काम बेरसी कियमूडायरा। 21 लाख सैनिक वाले युद्ध सेना किन माटू कार्यकर्ता लोरा उंदी बेहरा स्कूल लेक्का समझेमायना।

### 3.

1927 तल नेंड एवनल मावा काम ता गुरुत्व-केंद्र नाहकु मंतांग- नाहकुना लोप्पा मना ताकत बेरसी कीयाना, शहर कुन घेराव कियाला काजे नाहकुना इस्तेमाल कीयाना ओसो शहरकुना पोरो कब्जा कीयाना। “शहर तल नाहकुन बगिल” दायना ओसो शहर तल नाहकुना नेतृत्व कीयाना कालम इंजे शुरू आत्ता। पार्टी काम ता गुरुत्व-केंद्र नाहकुनल शहर ते वात्ता। दक्षिण ते जन मुक्त सेना मुन्ने शहर पोरो कब्जा कियार ताना पेरके नाहकुना पोरो। शहर ओसो नाहकुना पोरो ध्यान हियाना वेल्ले जरूरी मंता। शहरी ओसो ग्रामीण कार्य नडमा मजदूर, किसान नडमा, उद्योग-कृषि नडमा गटिंग संबध स्थापित कीयाना वेल्ले जरूरी मंता। बदे वेने परिस्थिति ते नहकुन नजरअंदाज कीसि सिर्फ शहर कुना पोरोए ध्यान हियानायो, इद्रम आल्सना वेल्ले गलत आंता। इद्रम आतेकाई पार्टी ओसो सेना ता काम ता गुरुत्व-केंद्र शहर लोप्पाने मंदाना जरूरी मंता, शहर कुना प्रशासन बद्रम ताकी कीयाना ओसो अविन निर्माण बद्रम कीयाना इंजी करियला पूरा कोशिश कीयाना। शहर लोप्पा माटू साम्राज्यवादीर, क्वोमिंगतांग, पूंजीपति वर्ग खिलाफ राजनीतिक, आर्थिक, सांस्कृतिक संघर्ष ताकी कियाला करियाना। इदे आयवा साम्राज्यवाद खिलाफ राजनीतिक संघर्ष बद्रम ताकी कीयाना इंजी करियाना। माटू ओरा खिलाफ खुल्लम-खुल्ला ओसो गुप्त रूप ते संघर्ष बद्रम ताकी कीयाना इंजी करियाना। माटू इव समस्यांग बगिल ध्यान हीवेके माटू अविना खिलाफ बद्रम लड़ेमायना इंजी ओसो बद्रम इव संघर्ष कुना लोप्पा जीड़ना इंजी करियवेके मना राजनीतिक सत्ता स्थापित किया परवोम आयकोम। माटू खुद मना काल पोरो नित्ता परवा लेवा आसी विफाल आयकोम। बंदूकधारी दुश्मन तुन खत्म कित्ता पेरके बंदूक पोयवा मत्ता दुश्मन वेने मंदितोर, ओरु जरूर जीवा मंदान जोम

मावा खिलाफ लड़ेमायनूर, माटू इद दुश्मन किन नजरअंदाज कीयानायो। इंजे माटू इद सवाल किन इद्रम तेहवेके ओसो इदिन समझेमायवेके वेल्ले गंभीर गलतिंग कियाकोमा।

#### 4.

शहर कुना संघर्ष लोप्पा माटू बोना पोरो भरोसा कीयाना? उचुन लेस्कता दिमाग वाले कामरेड्स माटू मजदूर वर्ग पोरो आयवा गरीब जन-समुदाय पोरो भरोसा कीयाना इंजी आलिसंतोरा। उचुन ज्यादा लेस्कता दिमाग वाले कामरेड्स माटू पूंजीपति वर्ग पोरा भरोसा कीयाना इंजी आलिसंतोरा। औद्योगिक विकास ता दिशा ता बारे ते उचुन लेस्कता दिमाग वाले कामरेड्स मुख्य रूप ते निजी उद्योग कुना विकास ते मदद कीयाना इंजी आलिसंतोरा, सरकारी उद्योग कुना विकास ते आयो, उचुन कामरेड्स ना विचार इदिनकु इनपड़े उल्टा मंदिता, ओरु सरकारी उद्योग कुना पोरो ध्यान हियाना, निजी उद्योग कुना महत्व वेल्ले कम मंता इंतोरा। इव लेस्की कीयाना विचार कुना माटू खंडन कीयाना। माटू पूरा जीवा कीसि मजदूर वर्ग पोरो भरोसा कीयाना। मेहनतकश जनता संगे एकता कीयाना। बुद्धिजीविर किन मना पक्ष ते कीयाना ओसो मावा संगे एकता किया परना लेक्कटा राष्ट्रीय पूंजीपति वर्ग ओसो ओरा प्रतिनिधिर किन ज्यादा से ज्यादा संख्य ते मना पक्ष ते कीयाना लेवेके ओरकिन उंदी ओदा कीसियाना। इद्रम कीसि माटू साम्राज्यवाद, क्वोमिंगतांग ओसो नौकरशाही-पूंजीपति वर्ग खिलाफ दृढ़तापूर्वक संघर्ष ताकी किया परितोम अनि मना दुश्मन तुन कदम-ब-कदम हारे किया परितोमा। संगे ने माटू मना निर्माण कार्य शुरू किया परितोम अनि शहर लोप्पा प्रशासन बद्रम कीयाना ओसो अगा उत्पादन ता पुनरुद्धार बद्रम कीयाना, अदिन बद्रम विकसित कीयाना इंजी करियतोमा। उत्पादन ता पुनरुद्धार कीयाना ओसो अदिना विकास कीयाना बारे ते माटू दोड़ रास्ता पोल्लो स्पष्ट रूप ते समझेमायना - सरकारी उद्योग कुना उत्पादन सबसे मुन्ने वांता, निजी उद्योग कुना उत्पादन दूसरा नंबर तो। दस्तकारी उद्योग कुना उत्पादन तीसरा नंबर ते



वांता। बदे शहर ता प्रशासन कैदे पोयना मुन्ने दिव्या तले माटू उत्पादन ता पुनरुद्धार कीयाना ओसो अदिना विकास काम पोरो ध्यान हियाना। माटू कोंडा पिह्चची उल्टा-सीधा काम कीयाना कोशिश कीयानायो ओसो मना मुख्य काम किन मरंगनायो। बदे शहर ता प्रशासन कैदे पोयसी बचोनो महिनांग पेरके एवनल वेने अदिना उत्पादन-कार्य ओसो निर्माण कार्य सही लाईन ते तव्वा मत्तेके ओसो वेल्ले उद्योग कुन ठप्प आसी मत्तेके मजदूर बेरोजगार आयनुर, ओरा पिस्वल स्तर दोड़ अरियर ओरा कम्युनिस्ट पार्टी तल जेक आयनुर। इद्रम ता परिस्थिति तुकू इनपडे अनुमति हिल्ले। अदिन काजे मना कामरेड्स लोर उत्पादन तकनीक ओसो उत्पादन व्यवस्था कीयाना तरीका संगे उत्पादन संगे गटिंग संबंध मत्ता बाकी काम- वाणिज्य, बैंकिंग लेक्कटवु करियाना। शहर लोप्पा उत्पादन ता पुनरुद्धार आत्ता पेरके अदिना विकास आयर। उपभोक्ता शहर तिंची उत्पादक शहर बनेमातास्केने जनाता राजनीतिक सत्ता किन सुदृढ़ सत्ता इनमूडायार। शहर कुना बाकी काम - उदाहरण तुकू पार्टी संगठन काम, राजनीतिक सत्ता ता संगठन काम, ट्रेड यूनियन ओसो बाकी जन संगठन कुना काम, संस्कृति, शिक्षा ता काम, प्रतिक्रांतिकारी लोरकिन खत्म कीयाना काम, समाचार-एजेन्सिंग, समाचार पत्र ओसो ब्रॉडकास्टिंग-स्टेशन कुना काम, इव सब्बे काम मुख्य रूप ते उत्पादन ओसो निर्माण का धुरी मंदितांग अनि अदिनाए सेवा कीतांग। आम जनता ना ओसो सबसे मुन्ने मजदूर लोरा पिस्वल स्तर तुन बेरसी कियाला काजे माटू उत्पादन बारे ते उचुन वेने पुन्नोम ओसो जल्दी करियवेके, माटू जल्दी उत्पादन ता पुनरुद्धार ओसो विकास कियवेके मना राजनीतिक सत्ता निल्पी क्रिया परवोम। इदे आयवा माटू मना काल पोरो नित्ता वेने परवोम आयकोम अनि माटू विफल आयकोम।

## 5.

दक्षिण ता परिस्थिति उत्तर तुकू अलग मंता। अदिनके इव जागा ने पार्टी काम वेने अलग मंदियर। दक्षिण ता इलाका इंजे वेने क्वोमिंगतांग शासन ते मंता। अगा पार्टी, जन मुक्ति सेना (पीएलए) ता काम इगा रास्ता लेक्का मंदियर: शहर ओसो नार लोप्पा क्वोमिंगतांग प्रतिक्रियावादी सेना तुन

खत्म कीयाना, पार्टी-संगठन निल्पी कीयाना, राजनीतिक सत्ता ता संगठन निल्पी कीयाना, व्यापक जन समूह कुन जागृत कीयाना, ट्रेड यूनियन, किसान सभांग, बाकी जन संगठन कुना स्थापना कीयाना, जन सेना ता स्थापना कीयाना, क्वोमिंगतांग ता पिस्ता ताकत तुन खत्म कीयाना, उत्पादन ता पुनरूद्धार ओसो अदिना विकास कीयाना। ग्रामीण इलाकांग लोप्पा मावा काम इगा रास्ता लेक्का मंदिता: सबसे मुन्ने, डाकु लोर किन खत्म कीयाना, स्थानीय निरंकुश तत्व-सत्तारूढ़ जर्मीदार वर्ग ता विरोध कियाला काजे तीरम-तीरम संघर्ष कीयाना। इद्रम कीतेके सूद, लगान कम कीयाना तैयारिंग पूरा आंतांग, जन मुक्ति सेना (पीएलए) वात्ता उंदी-रेंडु साल लोप्पा सूद-लगान किन कम कीयाना काम पूरा कियमूडांता। इद्रम भूमि वितरण कीयाना तैयारिंग कियमूडायर। संगेने कृषि-उत्पादन ता स्तर मत्ता लेक्का तासना पूरा कोशिश कीयाना, अदिन दोड़ अर्रला हियानायो। उत्तर ते उचुन पूना मुक्त इलाकांग किन विड़चसी, बाकी ताविना परिस्थिति इनपड़े अलग मंता। इगा क्वोमिंगतांग शासन ता तख्ता पलट आत्ता, जनता ना शासन स्थापित आत्ता, भूमि-समस्या मूल रूप ते हल आत्ताद मंता। इगा पार्टी ता मुख्य काम उत्पादन ता पुनरूद्धार कीयाना, विकास कियाला काजे सब्बे ताकत तुन गोलबंद कीयानादु मंता। इदिन सब्बे काम ता गुरुत्व-केंद्र समझेमायना। संगेने सांस्कृतिक, शैक्षणिक कार्य ता पुनरूद्धार कीयाना अनि अदिना विकास कीयाना, प्रतिक्रियावादिरा पिस्ता ताकत तुन खत्म कीयाना, पूरा उत्तरी इलाका तुन सुदृढ़ बने कीयाना ओसो जन मुक्ति सेना (पीएलए) ता सहायता कीयाना।

## 6.

माटू व्यापक रूप ते आर्थिक निर्माण-कार्य, व्यवहार ते पार्टी ता आर्थिक नीति किन लागू कित्ताद मंता, इदिना लोप्पा महत्वपूर्ण सफलता दोरकी कित्ताद मंता। मति माटू इद्रम ता आर्थिक नीति किने बारांकु लागू कित्तोम दूसरा रकम ता आर्थिक नीति बारांकु लागी कीवोम इंदाना सवाल मना मुन्ने वांता। इत्तेके सिद्धांत ओसो उसूल ता सवाल ता बारे पार्टी लोप्पा इंजे

वेने लेस्कसी मत्ता विचारकु मंतांग। इद सवाल तुन बद्रम हल कीयाना? मावा हिसाब ते जवाब इगा रास्ता लेक्का मंदाना। जापानी आक्रमण विरोधी युद्ध तुकू मुन्ने, चीन ता कुल राष्ट्रीय अर्थव्यवस्था लोप्पा उद्योग, कृषि ता अनुपात (Ratio) इगा वेहता लेक्का मत्ता:- आधुनिक उद्योग लगभग 10 प्रतिशत, कृषि, दस्तकारी लगभग 90 प्रतिशत मत्ता। इदु साम्राज्यवादी, सामंती उत्पीड़न ता कारण ते आत्ता, इदु पाड़ना चीन समाज ता अर्ध-औपनिवेशिग, अर्ध-सामंती स्वरूप ता आर्थिक रूप आंदू, चीनी क्रांति ताकनास्के ओसो जीड़ता पेरके वेल्ले जोम तेदना सवाल कुना बारे ते मावा बुनियादी प्रस्थान-बिंदु इदे मत्ता। इदु मना पार्टी ता रणनीति, कार्यनीति ओसो नीति ता बारे ते लगातार बचोनो सवालकु तेहिंता। मावा पार्टी मुन्ने इंजे उंदी महत्वपूर्ण काम इव सवाल कुन मुन्ने तुकू ज्यादा स्पष्ट रूप ते समझेमायना ओसो हल कीयानादु मंता। इत्तेके

1. चीन तिगा उंदी आधुनिक उद्योग मंता अदिना अर्थव्यवस्था ते लगभग 10 प्रतिशत हिस्सा मंता, प्राचीन कालम ता परिस्थिति तुकू अलग मत्तादु उंदी प्रगतिशील पोल्लो आंदू। अद्रमासी चीन लोप्पा पूना-पूना वर्ग, पूना-पूना पार्टीग बनेमातांग। सर्वहारा वर्ग-पूंजीपति वर्ग, सर्वहारा वर्ग ओसो पूंजीपति वर्ग ता राजनीतिक पार्टीग। अदिन के सर्वहारा वर्ग ओसो अदिना पार्टी किन रक-रकम ता दुश्मन तोर उत्पीड़ित कींतोर। अदिन काजे इव रेंडासी उंदी फौलाद बनेमातांग अनि चीनी जन क्रांति ता नेतृत्व कियाला तैयार मंतांग। बोरु इद पोल्लो तुन नजरअंदाज कियानुर लेवेके इदिना महत्व हिल्वा लेक्का आल्सानूर ओरु दक्षिपंथी अवसरवादी गलतिंग कियानूर।

2. चीन तिगा इंजे वेने बिखरेमाता, व्यक्तिगत कृषि, दस्तकारी मंता। इदु चीन ता कुल अर्थव्यवस्था तालगभग 90 प्रतिशत मंता, इदिना ओसो प्राचीन कालम ता परिस्थिति लोप्पा वेल्ले अंतर हिल्ले। मावा आर्थिक पिस्वल लगभग 90 प्रतिशत हिस्सा मुन्ने लेक्काने मंता। भूमि पोरो सामंति मालिकाना ता पाड़ना रीति तुन माटू खत्म कित्तोम अनि पिस्ता जागा ते जल्दिए खत्म आयर। इदिना बारे ते मावा परिस्थिति इंजे प्राचीन कालम

ता परिस्थिति तुकू अलग मंता। संगे मावा कृषि-दस्ताकीरी ता आधुनिकीकरण ता संभावना पैदा आया मंता। मति मावा कृषि, दस्तकारी नेंड वेने तितर-बितर आसी मंदाना लेवेके व्यक्तिगत मंदाना बुनियादी रूप ता सवाल ता बारे ते हूडतेके अदु प्राचीन कालम संगे कलियंता ओसो वायना कालम ते वेने वेल्ले जोम अद्रमे मंदियर। बोरु इदिन नजरअंदाज कियानूर लेवेके इदिना महत्व हिल्ला लेक्का हूडानूर ओरु “वामपंथी” अवसरवादी गलतिंग कियानूर।

3. चीन ता आधुनिक उद्योग ता उत्पादन-मूल्य राष्ट्रीय अर्थव्यवस्था ता कुल उत्पादन-मूल्य तुकू लगभग 10 प्रतिशते मंता, मति वेल्ले केंद्रित रूप ते मंता, पूंजी ता ज्यादातर हिस्सा ओसो मुख्य हिस्सा साम्राज्यवादीर ओसो ओरा दलाल लोरा (चीनी नौकशाह-पूंजीपति) कैदे केंद्रित मंता। इद पूंजी किन जब्त कीसि सर्वहारा वर्ग नेतृत्व ते ताकना लोक गणराज्य किन सौंपे कीतेके देश ता आर्थिक पिस्वल मावा लोक गणराज्य ता कैदे वायर अनि सरकारी अर्थव्यवस्था पूरा राष्ट्रीय अर्थव्यवस्था तुन ताकी कियारा। इद अर्थव्यवस्था ता स्वरूप समाजावादी आंदू, पूंजीवादी आयो। बोरु इदिन नजरअंदाज कींतोर, इदिन महत्व हिल्ला लेक्का हूडिंतोर ओरु दक्षिणपंथी अवसरवादी गलती कींतोर।

4. आधुनिक उद्योग लोप्पा दूसरा नंबर ते वायना चीन ता निजी पूंजीवादी उद्योग उंदी नजरअंदाज किया परवा लेक्कटा ताकत आंदू। साम्राज्यवाद, सामंतवाद, नौकरशाह-पूंजीवाद चीन ता राष्ट्रीय पूंजीपति वर्ग ओसो अदिना प्रतिनिधिर किन उत्पीडित कितांकु ओसो अविन नालुंग बगिल तल दोहची मत्तांकु राष्ट्रीय पूंजीपति वर्ग ओसो अदिना प्रतिनिधिर जनता ना जनवादी क्रांतिकारी संघर्ष लोप्पा हिस्सा एतितोर लेवेके उंदी ओदा नितसी मंदाना हरीं पोयतोर। अदिन काजे चीन ता अर्थव्यवस्था इंजे वेने पेरके अरसी मंता। क्रांति जीडता पेरके वेने वेल्ले जोम एवनल राष्ट्रीय अर्थव्यवस्था तुन विकास कियाला काजे बेगा संभव आत्ता अगा, शहर आई ग्रामीण आई निजी पूंजीवाद ता सकारात्मक तत्व कुना फायदा एतना। इद्रम कीयानास्के राष्ट्रीय अर्थव्यवस्था काजे बाधा

आयवा फायदा मत्ता शहर ओसो ग्रामीण कुना सब्बे पूंजीवादी तत्व किन अद्रमे तासना अनि अविन विकसित कीयाना। इद्रम कीयाना सिर्फ अनिवार्य आयवा आर्थिक रूप ते जरूरी वेने मंता। मति चीन लोप्पा पूंजीवाद ता मंता ओसो पूंजीवादी देश कुना लोप्पा आत्ता अदिना विकास वेने आयारा। अदिन किन बचोनो बगिल तल प्रतिबंध कियमूडायर-अदिना काम पोरो, टैक्स नीति संगे, हाटुम भाव संगे ओसो श्रम ता शर्त कुना संगे। हर जागा, हर उद्योग ओसो हर टाईम ता ठोस परिस्थिति किन सुरता तासिसी माटू पूंजीवाद पोरो बचोनो बगिल तल प्रतिबंध वाटला काजे पूर्ण ओसो लचीला नीति लागू कियाकोमा। “पूंजी ता नियमन” कीयाना सुन यात-सेन ना नारा लागू कीयाना मावा काजे जरूरी ओसो सही मंदिता। मति पूरा राष्ट्रीय अर्थव्यवस्था ता हित ते ओसो मजदूर वर्ग ओसो मेहनतकश जनता ना वर्तमान ओसो वायना कालम ता हित कुन कोंडा ते तासिसी निजी पूंजीवादी अर्थव्यवस्था पोरो जरूरत तुकू ज्यादा प्रतिबंध लेवेके जरूरत तुकू ज्यादा छूट हियाना आयवा लोक गणराज्य ता आर्थिक नीति ओसो योजना अनुसार अदिन विकसित कियाला काजे जागा हियाना। निजी पूंजीवाद पोरो प्रतिबंध वाटना नीति ता पूंजीपति वर्ग ता लोकुर खासकर निजी कारोबार कुना बेहरा-बेहरा मालिक इत्तेके बेहरा-बेहरा पूंजीपति, विभिन्न दर्जा ओसो रूप कुना लोप्पा जरूर विरोध कियाकोमा। नव जनवादी राज्य लोप्पा, प्रतिबंध वाटना ओसो अदिना विरोधी कीयाना वर्ग संघर्ष ता मुख्य रूप मंदिता। वर्तमान ते माटू पूंजीवाद पोरो प्रतिबंध वाटना जरूरत हिल्ले ओसो माटू “पूंजी ता नियमन” कीयाना नारा विडसा परितोम इंजी आल्सना गलत आयार, इद उंदी दक्षिणपंथी अवसरवादी दृष्टिकोण आंता। मति इदिना उल्टा निजी पूंजी पोरो जरूरत तुकू ज्यादा ओसो जरूरत तुकू ज्यादा सख्त प्रतिबंध वाटना ता समर्थन कीयाना ओसो वेल्ले जल्दी निजी पूंजी किन खत्म कीयाना दृष्टिकोण गलत मंता, इदु “वामपंथी” अवसरवादी लेवेके दुस्साहसवादी दृष्टिकोण आंदू।

5. उत्पादन-मूल्य राष्ट्रीय अर्थव्यवस्था ता कुल उत्पादन-मूल्य ता 90 प्रतिशत तितर-बितर आत्ता, व्यक्तिगत कृषि ओसो दस्तकारी किन वेल्ले तीरम-तीरम ओसो सक्रियता ते आधुनिकीकरण ओसो समूहीकरण बगिल विकसित जरूर कीयाना, अविन किन तन्ना-तन्नाए बेरसला काजे विडसना गलत आयार इंजी सुरता तासना। उत्पादन, उपभोक्ता, ऋणदाता सहकारी-समितिग ओसो राष्ट्रीय, प्रांतीय, म्युनिसिपल, काउन्टी ओसो जिला स्तर ते सहकारी-समितिग ना नेतृत्वकारी संगठन किन संगठित कीयाना जरूरी मंता। निजी मालिकाना पोरो आधार आसी मत्ता ओसो सर्वहारा वर्ग ता नेतृत्व ते ताकना राजसत्ता ता निर्देशन ते काम कीयाना सहकारी-समितिग मेहमतकश जनता ना सामूहिक आर्थिक संगठन आंदुंग। चीनी जनता सांस्कृतिक रूप ते पेरेके अरसी मंता ओसो सहकारी-समितिग संगठित कीयाना अदिना रीति हिल्ले इंदानदु माकिन तिप्पल ते वाटा परिंता, मति सहकारी-समितिग संगठित ओसो विकसित जरूर कीयाना अनि अविना प्रचार वेने कीयाना। सिर्फ सरकारी अर्थव्यवस्थाए मंदाना सहकारी अर्थव्यवस्था ता जरूरत हिल्ले इत्तेके मावा काजे मेहनतकश जनता ना व्यक्तिगत अर्थव्यवस्था किन कदम-ब-कदम समूहीकरण बगिल ओयना वेल्ले मुशिकल आयार। मावा काजे माटू नव जनवादी समाज तल समाजवादी समाज ते विकसित आयाना मुशिकल आयार। मावा काजे राजसत्ता लोप्पा सर्वहारा वर्ग ता नेतृत्व तुन सुदृढ़ कीयाना मुशिकल आयार। बोरु इद पोल्लो तुन नजरअंदाज कींतोर इदिन महत्व हिल्ला लेक्का हूडिंतोर ओरु वेल्ले गंभीर गलती कींतोर। राष्ट्रीय अर्थव्यवस्था ता स्वरूप समाजवादी मंदिता अनि सहकारी अर्थव्यवस्था ता स्वरूप अर्ध-समाजवादी मंदिता: इव रेंडासी ओसो निजी पूंजीवाद, व्यक्तिगत अर्थव्यवस्था, राज्य ओसो निजी पूंजीपति लोकुर संयुक्त रूप ते काम कीयाना राष्ट्रीय पूंजीवादी अर्थव्यवस्था कलियसी लोक गणराज्य ता अर्थव्यवस्था ता प्रमुख तत्व मंदितांग। इव तत्व कुना संगे नवजनवादी आर्थिक ढांचा बनेमायार।

6. विदेशी व्यापार पोरु नियंत्रण कीयाना नीति लेवा लोक गणराज्य ता राष्ट्रीय अर्थव्यवस्था ता पुनरुद्धार कीयाना ओसो विकसित कीयाना संभव हिल्ले। चीन लोप्पा साम्राज्यवाद, सामंतवाद, नौकरशाह-पूंजीवाद ओसो क्वोमिंगतांग शासन (साम्राज्यवाद, सामंतवाद, नौकरशाह-पूंजीवाद किन केंद्रित रूप ते तोहिंता) खत्म आयार अस्के वेने उंदी स्वतंत्र ओसो सार्वजनिक औद्योगिक व्यवस्था स्थापित कीयाना समस्या पिसिंता, अदु मावा देश आर्थिक रूप ते वेल्ले विकसित आत्तास्के ओसो उंदी पेरेके अरता कृषि-प्रधान देश तल विकसित आत्ता औद्योगिक देश लेक्का बनेमाता पेरेकेने हल आयर। विदेशी व्यापक किन नियंत्रित कियवा लेवा इद उद्देश्य पूरा आया परवो। चीनी क्रांति ता देशव्यापी जीत आयना ओसो भूमि-समस्या हल आत्ता पेरेके वेने चीन लोप्पा रेंडु बुनियादी अंतरविरोध मंदिंतांगे। पहली, मजदूर वर्ग ओसो पूंजीपति वर्ग नडमा ता अंदरूनी अंतरविरोध मंता। दूसरा, चीन ओसो साम्राज्यवादी देश कुना नडमा ता अन्तरविरोध। अदिन काजे जनता ना जनवादी क्रांति जीडता पेरेके मजदूर वर्ग ता नेतृत्व ते ताकना लोक गणराज्य ता राजसत्ता किन कमजोर आयला हियवा लेवा अदिन मजबूत कीयाना। आर्थिक संघर्ष लोप्पा राज्य ता रेंडु बुनियादी नीतिंग मंतांग-देश लोप्पा पूंजी ता नियमन ओसो विदेशी व्यापार पोरु नियंत्रण। बोरु इद पोल्लो तुन नजरअंदाज कियानूर ओसो महत्व हिल्ला लेक्का हूडानूर ओरु वेल्ले गंभीर गलती कियानूर।

7. चीन विरासत ते उंदी पेरेके अरता अर्थव्यवस्था दोरकी कित्ता। मति चीनी जनता वेल्ले बहादुर ओसो मेहनती मंता। चीनी जनता ना क्रांति ता जीत ओसो लोक गणराज्य ता स्थापना कारण ते ओसो चीनी कम्युनिस्ट पार्टी ता नेतृत्व ते, संगे ने दुनिया ता अलग-अलग मजदूर वर्ग ता समर्थन ओसो मुख्य रूप ते सोवियत संघ ता समर्थन मत्तांकु चीन ता आर्थिक निर्माण ता रफ्तार वेल्ले तेज आया परिंता। इंजे चीन वेल्ले जल्दी समृद्ध आयार। चीन ता आर्थिक पुनरुद्धार ता बारे ते निराश आयना लेक्का बदे पोल्लो हिल्ले।

## 7.

पाड़ना चीन साम्राज्यवाद मालिकाना ते उंदी अर्धऔपनिवेशिक देश मत्ता। क्वोमिंगतांग ता मदद कीयाना लोप्पा बदे कमी तासवा मत्ता साम्राज्यवादी विरोधी स्वरूप मत्ता चीनी जनता ना जनवादी क्रांति साम्राज्यवाद पोरो तीव्र होंग बेरसी कित्ता। इदिना कारण तेने साम्राज्यवादीरा खिलाफ चीनी जनता ना होंग बेरसता। जनता लोप्पा पिस्ता-मेयता सम्मान वेने नीर बनेमाता। ताना संगेने दूसरा विश्वयुद्ध पेरके पूरा साम्राज्यवादी व्यवस्था वेल्ले ज्यादा कमजोर आत्ता, अनि सोवियत संघ ता नेतृत्व ते दुनिया ता साम्राज्यवादी विरोधी मोर्चा वेह्हा परवा लेक्का बेरसता। इद्रम ता परिस्थिति ते माटू चीन लोप्पा साम्राज्यवादी मालिकाना तुन व्यक्तिगत रूप ते ओसो पूर्ण रूप ते नष्ट कीयाना नीति लागू किया परितोम ओसो इदिन लागू कीयाना जरूरी वेने मंता। अदु साम्राज्यवादी मालिकाना राजनीतिक, आर्थिक ओसो सांस्कृतिक रूप ते दिसिंता। क्वोमिंगतांग सेना ओसो सरकार किन खत्म कित्ता हर जागा ते, साम्राज्यवादी राजनीतिक मालिकाना ओसो साम्राज्यवादी आर्थिक, सांस्कृतिक मालिकाना तुन वेने खत्म कियमूडांता। मति साम्राज्यवादीर सीधा ताकी कीयाना आर्थिक, सांस्कृतिक संस्थान बनेमासोरे मत्तांग अनि क्वोमिंगतांग मानेमाता राजनायक ओसो पत्रकार वेने बनेमासोर मत्तोर। माटू जरूरी आत्तास्के इद्रमे ओसो सही तरीका ते इव सब्बे ना संगे निपटे कीयाना। क्वोमिंगतांग कालम ते बदे वेने विदेशी राजनायक संस्थान ओसो कर्मचारी कानूनी रूप ते मानेमायला इनकार कीयाना, क्वोमिंगतांग कालम ते सब्बे देशद्रोही समझौतांग किन अस्वीकार कीयाना, चीन ते मत्ता सब्बे साम्राज्यवादी प्रचार-एजेन्सिंग किन खत्म कीयाना, विदेशी व्यापार तुन तुरंत नियंत्रण कीयाना अनि चुंगी-प्रणाली लोप्पा सुधार कीयाना, इदु बेहरा शहर कुना लोप्पा नेंगतास्के कीयाना शुरूआती काम आंदु। इद्रम कित्ता पेरके चीन जनता साम्राज्यवाद मुन्ने तल्ला तेहची नितयरा। पिस्ता साम्राज्यवादी आर्थिक, सांस्कृतिक संस्थान कुन (मावा निगरानी ते) अद्रमे मंदाला हियाना। देशव्यापी जी आत्ता पेरके माटू अविन हूडकाल। साधारण विदेशी



नागरिक लोर किन न्यायपूर्ण रूप ते रक्षा कायना अनि ओरकिन नुकसान कीयानायो। साम्राज्यवादी देशकु मावा देश तुन मान्यता हियाना सवाल तुन इंजे माटू तुरंत हल कीयानायो, देशव्यापी जीत पेरके वेल्ले जोम एवनल वेने अदिन हल कीयानायो। समानता पोरो आधार आसी माटू सब्बे देश कुना संगे राजनीतिक संबंध स्थापित कियाला तैयार मंदाना मति हमेशा चीनी जनता ना दुश्मन मत्ता साम्राज्यवादी संगे कीयानायो। बस्के एवनल साम्राज्यवादी देश कुन तम्मा दुश्मनी रुझान बदले कीवोंग अस्के एवनल माटू चीन लोप्पा कानूनी दर्जा हीवोमा विदेशी व्यापार कीयाना बदे सवाल हिल्ले, बेगा व्यपार कियाला दोरकिंता अगा माटू जरूर व्यापार कियाकोम ओसो माटू इत्तेके शुरू वेने कितोम, बचोनो पूंजीवादी देश कुना व्यापारी लोर इद्रम ता व्यापार कियाला होड़ वाटा मंतोरा। संभव आत्ताचोन माटू सबसे मुन्ने समाजवादी देश ओसो जनता ना लोकशाही वाले देश कुना संगे व्यापार कीयाना, ओसो माटू पूंजीवादी देश कुना संगे वेने व्यापार कियाकोम।

## 8.

राजनीतिक सलाकार सम्मेलन केयना उंदी जनवादी संयुक्त सरकार बने कियाला काजे परिस्थिति तैयार मंता। सब्बे जनवादी पार्टिंग, जन संगठन ओसो निर्दलीय जनवादी लोकुर मावा पक्ष ते मंतोरा। शांघाई ओसो यांगत्सी घाटी ता पूंजीपति मावा संगे सम्पर्क कीयाना कोशिश किया मंतोरा। उत्तर ओसो दक्षिण नड़मा जहाजरानी ओसो डाक-कम्युनिकेशन शुरू आत्ता। क्वोमिंगतांग छिन्न-भिन्न आया मंता अनि खुद किन पूरा जनता तल अलग-थलग कित्ता। प्रतिक्रियावादी नानकिंग सरकार संगे समझौता वार्ता कियाला काजे तैयारिंग किया मंतोमा<sup>2</sup> प्रतिक्रियावादी नानकिंग सरकार लोप्पा इद समझौता वार्ता कीयाना प्रेरक-शक्तिंग-क्वांगशी गुट ता युद्ध-सरदार, क्वोमिंगतांग ता शांति पक्ष ते मत्ता समूह ओसो शांघाई ता पूंजीपति वर्ग। ओरा उद्देश्य संयुक्त सरकार लोप्पा तम्मा हिस्सा दोरकी कीयाना, बचोन इत्तेके अचोन तम्मगा सेना तासा परना,

शांघाई लोप्पा दक्षिण ते पूंजीपति वर्ग ता हित कुन मत्ता लेक्काने तासना अनि क्रांति लोप्पा नरमी तत्ताला कोशिश कीयाना मत्ता। इव ग्रुपकु समझौता वार्ता पोरो आधार आसी मावा 8 शर्त कुन मंजूर कीतांग मति ज्यादा नुकसान तेहा लागिअर इंजी मावा संगे सौदाबाजी कियाला आल्सतांग। बोरु समझौता वार्ता किन देहहला आल्सतोर ओरु च्यांग काई-शेक ना कट्टर अनुयाई आंदुर। यांगत्सी बेरेड ता दक्षिण ते च्यांग काई-शेक निगा इंजे वेने लड़ाई ता तैयारी किसोर मत्ता 60 डिविजनकु मंतांग। मावा नीति समझौता वार्ता काजे इनकार कीयाना आयवा दूसरा पक्ष मावा 8 शर्त कुन सही तरीका ते मंजूर कीयाना, सौदाबाजी कीयाना अनुमति हियानायो इंजी मांग कीयाना मत्ता। इदिना जागा ते माटू क्वांगशी गुट ओसो क्वोमिंगतांग ता शांति पक्ष ते मंदानविना संगे लड़ेमायवा लेवा सालमेटा लोप्पा ओरा फौज कुना पुनर्गठन कीयाना, नानकिंग सरकार ता उचुन मुल किन राजनीतिक सलाहकार सम्मेलन ओसो संयुक्त सरकार ते शामिल आयना अनुमति हियाकोम अनि शांघाई, दक्षिण ता पूंजीपति वर्ग ता हितकुना रक्षा काजे सहमत आयकोम। समझौता वार्ता सर्वव्यापी सफल आतेके दक्षिण बगिल मावा दायना ओसो अगाटा बेहरा शहर कुना पोरो कब्जा कीयाना बारे ते वेल्ले बाधांग दूर आयनुंग। अद्रमासी माकिन वेल्ले फायदा आयर। इद समझौता वार्ता सफल आयवेके मावा सेना मुन्ने हत्ता पेरके स्थानीय रूप ते अलग-अलग समझौतांग आयनुंग। इंजे सर्वव्यापी समझौता वार्ता मार्च आखरी ते आयर इंजी तय आत्ता। माटू अप्रैल लेवेके मई एवनल नानकिंग पोरो कब्जा कियाकोम इंजी आशा कीतोम। पेफिंग ते राजनीतिक सलाहकार सम्मेलन केयकोम, संयुक्त सरकार बने कियाकोम अनि पेफिंग किन राजधानी बने कियाकोम। माटू समझौता वार्ता काजे सहमत आतांकु समझौता वार्ता सफल आत्ता पेरके पुट्टना सब्बे तिप्पलकुना काजे माटू तैयार मंदाना। दूसरा पक्ष लागू कीयाना सुन ऊ-खंग ना डावपेज कुना संगे लड़ेमायला काजे राजकुमार कच्ची पंखा<sup>3</sup> ता पोट्टा ते नेंगता लेक्का शांति ते तैयार मंदाना। बस्के एवनल माटू मानसिक रूप ते पूरा तैयार मंतोम अस्के एवनल बदे वेने दुश्मन सेना किन

तोड़ियो तीहा परितोमा बचोन शांति वार्ता सर्वव्यापी मत्तेकाई लेवेके स्थानीय मत्तेकाई माटू इद्रम ता परिस्थिति ता सामना कियाला तैयार मंदाना। माटू कठीन परिस्थिति तल बचेमायला काजे समझौता वार्ता ते शामिल आयला इनकार कीयानायो। इदे आयवा माटू अस्पष्ट विचार कुना संगे वेने समझौता वार्ता ते शामिल आयनायो। माटू मना उसूल कुना पोरो गटिंग नितसी मंदाना, मावा लोप्पा मना उसूल कुन अमल कीयाना सही ओसो जरूरी मत्ता सब्बे रकम ता लचीलापन मंदाना।

## 9.

सर्वहारा वर्ग नेतृत्व कीयाना ओसो मजदूर-किसान एकता पोरो आधार आसी मत्ता जनता ना जनवादी अधिनायकत्व, मना पार्टी किन जीवा कीसि पूरा मजदूर वर्ग, पूरा किसान वर्ग ओसो क्रांतिकारी बुद्धिजीविरा व्यापक जन समूह संगे एकता कीयाना इंजी मांग कित्ता, इव अधिनायकत्व ता नेतृत्वकारी ओसो बुनियादी ताकत आंदुंगा। इद एकता लेवा अधिनायकत्व किन सुदृढ़ बने किया परमूझायो। क्रांतिकारी कालम ते क्रांति विरोधी ताकत कुन अलगाव ते वाटला काजे ओसो चीन लोप्पा क्रांति विरोधी ओसो साम्राज्यवादी ताकत कुन तेहकसी वाटला ओसो क्रांति जीड़ता पेरके उत्पादन पुनरुद्धार ओसो विकसित कियाला, विदेशी साम्राज्यवाद संगे लड़ेमायला काजे चीन किन उंदी कृषि-प्रधान देश तल औद्योगिक देश लेक्का बदले कीयाना, चीन तु उंदी महान समाजवादी राज्य बने कियाला काजे मना पार्टी मना संगे सहयोग कियानला वायना शहरी निम्न-पूंजीपति वर्ग ओसो राष्ट्रीय पूंजीपति वर्ग तगडल वायना प्रतिनिधिरा संगे ओसो बुद्धिजीविर, राजनीतिक ग्रुप कुना संगे एकता कीयाना जरूत मंता। अदिन के गैर पार्टी जनवादी लोकुरा संगे दीर्घकालीन एकता कीयाना मना पार्टी नीति किन पूरा पार्टी चिंतन ओसो अदिन काम लोप्पा स्पष्ट रूप ते शामिल कीयाना। माटू ज्यादातर गैरपार्टी जनवादी लोकुरा संगे मना कार्यकार्ता लोरा लेक्काने व्यवहार कीयाना, सलाह-

सुझाव संगे हल कीयाना, जरूरत मत्ता समस्यांग मत्तेके अविन ईमानदारी ओसो जीवा कीसि सलाह-मशविरा कीयाना, माटू ओरकिन तम्मा काम ते सफलता दोरकना लेक्का ओरा पद अनुसार जिम्मेदारी सौंपे कीयाना। ओरा संगे एकता कीयाना, ओरा राय एतसी ओरा विचार पोयसी ओरा गलितंग, कमजोरिंग ना गंभीर ओसो सही आलोचना कीयाना। अद्रमे एकता ता उद्देश्य तुन पूरा कियाला काजे ओरा खिलाफ संघर्ष कीयाना। ओरा गलतिंग, कमजोरिंग ना पोरो समझौतावादी रुझान लागू कीयाना गलत आयार। ओरा पोरो उदारवादी रुझान लागू कीयाना वेने गलत आयार। हर बेहरा ओसो मंजली स्तर ता शहर लोप्पा हर रणनीतिक इलाका ओसो हर प्रांत लोप्पा माटू मना संगे एकता कीयाना लेक्कटा सम्मानित गैरपार्टी जनवादी लोकुरा उंदी ग्रुप तैयार कीयाना। भूमि-क्रांति ता युद्ध ताकनास्के मावा पार्टी लोप्पा उदारवादी कार्यशैली मत्तांकु गैरपार्टी जनवादी लोकुर पोरो गलत रुझान पैदा आसी मत्ता। जापानी आक्रमण विरोधी युद्ध ताकनास्के पूराए दूर आया परवा मत्ता, अद्रमासी 1947 ते आधार इलाकांग लोप्पा भूमि सुधार जोरशोर ते ताकसोर मत्तास्के ओसो उंदी बेरा मुन्ने वात्ता। इद्रम ता रुझान लागू कीतेके मना पार्टी अलगाव ता परिस्थिति ते वायार। जनता ना जनवादी अधिनायकत्व किन सुदृढ़ कियाला बाधा वायर, दुश्मन तुन मजबूत आयना मौका दोरकियार। इंजे पहली बेरा मावा पार्टी नेतृत्व ते जल्दिए राजनीतिक सलाहकार सम्मेलन ताकनदु मत्तांकु, जल्दिए उंदी जनवादी संयुक्त सरकार मत्तांकु, जल्दिए देशमेंड क्रांति ता जीत आयनदु मत्तांकु पूरा पार्टी इद समस्या ता बारे गंभीरता ते आत्मालोचनात्मक जांच कीयाना अनि अदिन सही तरीका ते समझेमायना, अदिन रेंडासी रकम ता भटकाव कुना समझौतावादी दक्षिणपंथी भटकाव, उदारवाद ओसो “वामपंथी” भटकाव कुना विरोध कीयाना ओसो एकदम सही रुझान लागू कीयाना जरूरत मंता।

## 10.

वेल्ले जल्दी माटू देशमेंड जीत दोरकी क्रियाकोमा इद जीत साम्राज्यवाद ता पूर्वी मोर्चा तुन भंग कियार, इदिना बेहारा अंतरराष्ट्रीय महत्व मंदियारा इद जीत काजे वेल्ले समय ओसो कोशिश कीयाना जरूरत हिल्ले मति अदिन सुदृढ़ कीयाना जरूरत मंता। पूंजीपति वर्ग मावा निर्माण-क्षमता पोरो शक क्रिया मंतोरा। साम्राज्यवादीर मावा पिस्वल काजे ओराए मुन्ने तल्ला वरहा लागियर इंजी आल्लिसंतोरा। जीडता पेरके पार्टी लोप्पा उचुन रुझान कु पैदा आयनुंग - घमंड, खुद किन हीरो समझेमायना, आलस ओसो प्रगति कीयाना बगिल कमजोरी, सुख-सुविधांग, लगातार कठीन पिस्वल पिस्सना बारे ते आल्लसवा मंदाना लेक्कटावु। जीडता पेरके जनता मावा समर्थन कियार ओसो पूंजीपति वर्ग मावा मुन्ने मिंगता-मिंगता पोल्लोंग कियार। दुश्मन हथियार पोरो आधार आसी मावा पोरो जीत दोरकी क्रिया परवोर इंजी साबित आत्ता। मति पूंजीपति वर्ग कीयाना मिंगता पोल्लो मावा कैडर लोप्पा कमजोर मनोबल वालेर किन जीडा परिंतांगा। उचुन कम्युनिस्ट लोरा पोरो बंदूकधारी दुश्मन जीत दोरकी क्रिया परवो, ओरकिन वीर पोरोल हियना सही आयार, मति इद्रम तोर उर्वे नैई ते नांदसी मत्ता गोली ता मुकाबला क्रिया परोवर, इद्रम तोर उर्वे नैई ते मुडंदसी मत्ता गोली तले हारेमायनूरा। माटू इद्रम ता परिस्थिति तुकू बचेमायना। देशव्यापी जीत दोरकी क्रियाला दस हजार ली लम्बा अभियान ता सिर्फ पहली कदम मत्ता। इदु गर्व कीयाना लेक्का मत्तेके वेने तूलनात्मक रूप ते उंदी सुडलाए पहलकदमी आंदू, वेल्ले गर्व कीयाना लेक्कटा काम इंजे आत्ताद हिल्ले। चीनी जनता ना जनवादी क्रांति ता जीत उचुन दशाब्दिंग पेरके वातेके उंदी बेहरा नाटक ता उंदी सुडला भूमिका लेक्काने आयार। नाटक उंदी भूमिका तले शुरू आंता मति भूमिका तुन क्लार्ईमेक्स इंदा परवोमा। पार्टी लोप्पा इद पोल्लो तुन स्पष्ट कीसियाना। कामरेड्स किन नम्र ओसो विवेकशील मंदाना, घमंड, जल्दबाजी तिंची जेक मंदाना मना कार्यशैली तुन लागू

कीसोर मंडाला करहाना। कामरेड्स किन सादा पिस्वल पिस्सना कठीन संघर्ष कीयाना कार्यशैली लागू कियाला करहाना। मावागा आलोचना ओसो आत्मालोचना ता मार्क्सवादी-लेनिनवादी हथियार मंता। माटू गलत कार्यशैली तुन त्याग कीसि बेसता कार्यशैली बने किया परिंतोमा। बदिना बारे ते माटू पुन्नोम अदिन करिया परिंतोमा। माटू सिर्फ पाड़ना दुनिया किन नष्ट कियालाए आयवा पूना दुनिया ता निर्माण कियाला वेने निपुण मंतोमा। चीनी जनता सिर्फ साम्राज्यवादीरा मुन्ने तल्ला वरिहची मनवा लेवा साम्राज्यवादी देश कुना तुलना ते ज्यादा बेसता पिस्वल पिस्सियर।

## नोट

- 1) 19 सितम्बर 1949 ते स्वयंवाचन प्रानंत ता क्वोमिंगतांग गवर्नर तुंग छी-ऊ ओसो क्वोमिंगतांग सेना ता कमांडर सुन लान-फंग विद्रोह कितोर अनि 40 हजार तुकू ज्यादा सैनिक पोयसी वासी मावा पक्ष ते कलियतोर। इव यूनिटकुना पुनर्गठन 21 फरवरी 1950 ते चीनी जन मुक्ति सेना (पीएलए) स्वयंवाचन फौजी कमान ता नेतृत्व ते शुरू आत्ता। 10 अप्रैल ते अविन जन मुक्त सेना ते पुनर्गठित कित्ताद मंता।
- 2) प्रतिक्रायवादी नानकिंग क्वोमिंगतांग सरकार संगे शांतिवार्ता कीयाना बारे ते चीनी कम्युनिस्ट पार्टी ता केंद्रीय कमेटी 26 मार्च 1949 ते दोड़ रास्ता लेक्का फैसला कित्ताद मंता:
  1. समझौतावार्ता शुरू कीयाना तारीख:- 1 अप्रैल
  2. समझौतावार्ता ता जागा:- पेफिंग
  3. चओ ऐन-लाइ, लिन पो-छवो, लिन प्याओ, ये थ्येन-इंग ओसो ली वेइ-हान किन प्रतिनिधि (1 अप्रैल ते केंद्रीय कमेटी प्रतिनिधिरा सूची ते ल्ये फंग-चन किन वेने शामिल कीयाना निर्णय कित्ता) अनि चओ ऐन-लि किन प्रमुख प्रतिनिधि चुने कित्ता। वीरु 14 जनवरी ते वर्तमान परिस्थिति ता बारे अध्यक्ष माओ त्सेतुंग हीता स्टेटमेंट पोरो आधार आसी पेश कित्ता 8 शर्त कुना पोरो आधार आसी नानकिंग प्रतिनिधिमंडल संगे समझौता वार्ता कियानूर।
  4. प्रतिक्रियावादी नानकिंग क्वोमिंगतांग सरकार किन तुरंत रेडियो-ब्राडकास्ट इगा हीता सूचना हियाना ओसो तय कित्ता जागा ओसो टाईम ते तम्मा प्रतिनिधिमंडल लोहना इंजी वेहचियाना। इदे आयवा समझौतावार्ता तुकू

मदद काजे इगा हीता 8 शर्त कुना संबंध ते सब्बे जरूरी सामग्री संगे पोयसी वायना।

- 3) सुन ऊ-तुंग उंदी सुडला पुडिय लेक्का बनेमासी राजकुमारी फौलादी पंखा ता पोड्डा ते बद्रम नेंगता ओसो बद्रम अदिन हारे कित्ता, इंदाना कहानी काजे “शी यओ ची” (पश्चिम ता तीर्थयात्रा) पोरोल ता चीनी प्राचीन उपन्यास ता 59वा अध्याय हूडाटू।

## पार्टी-कमेटींग ना काम कीयाना तरीका\*<sup>1</sup>

13 मार्च 1949

1. पार्टी-कमेटी सचिव वरोर बेसता “स्क्वाड लीडर” बनेमायना। उंदी पार्टी कमेटी ता सदस्य लोरा संख्या दस तल बीस एवनल मंदाना, अदु सेना ता उंदी स्क्वाड लेक्का मंदिता, पार्टी सचिव वरोर स्क्वाड लीडर लेक्का मंदिंतोरा। इद स्क्वाड ता सुचारू रूप ते नेतृत्व कीयाना हल्को हिल्ले। इंजे केंद्रीय कमेटी ता हर प्रादेशिक ब्यूरो ओसो उपब्यूरो उंदी बेहरा इलाका ता नेतृत्व कींता ओसो अदिन हट्टा पोरो वेल्ले जिम्मेदारिंग मंदितांग। नेतृत्व कीयाना इत्तेके सिर्फ आम नीतिंग ओसो ठोस नीतिंग बने कीयानाए आयवा काम ता सही तरीकांग वेने परहकना। सही आम नीतिंग ओसो ठोस नीतिंग बने कित्ता पेरके वेने काम कीयाना तरीकांग किन नजरअंदाज कीतेके मुश्किलकु पैदा आया पर्रितांग। नेतृत्व कीयाना कारण तुन पूरा कियाला काजे हर पार्टी-कमेटी तन्ना “स्क्वाड सदस्य” लोरा पोरो निर्भर आसी मंदाना, ओरकिन तम्मा भूमिका पूर्ण रूप ते निभे कियाला मौका हियाना। वरोर बेसता “स्क्वाड लीडर” बनेमायला काजे पार्टी-सचिव वेल्ले बेस अध्ययन ओसो जांच-पड़ताल कीयाना। वरोर सचिव लेवेके उपसचिव तन्ना “स्क्वाड ता सदस्य” लोरा नड़मा प्रचार-काम ओसो संगठनात्मक काम कीयाना बगिल ध्यान हीवेके, कमेटी सदस्य लोरा संगे तन्ना संबंध बेस तासवेके ओसो मीटिंग किन सफलतापूर्वक ताकी कीयाना तरिका तुन अध्ययन कीवेके ओरु तन्ना “स्क्वाड” तुन

---

<sup>1</sup> इदु चीनी कम्युनिस्ट पार्टी ता सातवी केंद्रीय कमेटी ता दूसरा पूर्ण अधिवेशन ते हीता कामरेड माओ त्सेतुंग ना समापन-भाषण ता उंदी हिस्सा आंदु।



सुचारू रूप ते ताकी किया परवोर आंतोरा। “स्क्वाड सदस्य” लोर हट्टा संगे हट्टा काल्पसी ताकवेके लड़ाई ओसो निर्माण कीयाना लोप्पा करोड़ों जनता ना नेतृत्व किया परवोर आंतोरा। पार्टी-सचिव ओसो कमेटी सदस्य लोरा नड़मा संबंध अल्पमत किन बहुमत ता फैसला ता पालन कीयाना संबंध मंदिता इंदाना लोप्पा बदे डावुट हिल्ले अदिन काजे वरोर स्क्वाड लीडर ओसो ओना सैनिक लोरा नड़मा ता संबंध तुकू अलग मंता। इगा माटू सिर्फ ओरा नड़मा ता समानता ता बारे तने वेहा मंतोमा।

2. **समस्यांग किन विचार-विनिमय काजे पेश कीयाना।** इदु सिर्फ “स्क्वाड लीडरे” आयवा कमेटी सदस्य लोर वेने कीयाना। लोकरा तोड़डी पेरके बाताले वड़कनायो। बस्केने समस्या पैदा आंता अस्के मीटिंग केयना, समस्या किन वाद-विवाद काजे पेश कीयाना अनि निर्णय कीयाना। इद्रम समस्या वेल्ले बेस हल आया परिंता। समस्यांग मत्तेके ओसो अविन विचार-विनिमय काजे पेश कियवेके दीर्घकालीन रूप ते हल आयवा मंदितांग, इचोने आयवा अवु बचोन वर्षांग अद्रमे मंदितांग। “स्क्वाड लीडर” ओसो कमेटी सदस्य लोर तम्मा संबंध आपसी समझदारी ते काम कीयाना। सचिव ओसो कमेटी सदस्य लोरा नड़मा, केंद्रीय कमेटी ओसो अदिना प्रादेशिक ब्यूरो नड़मा, प्रादेशिक ब्यूरो ओसो इलाका पार्टी कमेटिंग नड़मा आपसी समझदारी, आपसी समर्थन ओसो दोस्ती तुकू ज्यादा महत्व बदे दूसरा पोल्लो तुकू मन्नो। हत्ता कालम ते इदिना पोरो वेल्ले कम ध्यान हीताद मंता। मति सातवी पार्टी कांग्रेस तल इद नियम वेल्ले प्रगति किता अनि दोस्ती ओसो एकता ता सूत्र वेल्ले मजबूत आत्ता। वायना कालम ते इदिन पोरो लगातार ध्यान हियाना।
3. **“जानकारी आदान-प्रदान कीयाना”।** इत्तेके उंदी पार्टी कमेटी ता सदस्य लोर सब्बे विषय कुना बारे ते वरोर दूसरोर किन सूचना हियाना अनि विचार कुना आदान-प्रदान कीसोर मंदाना। उंदी सही राय ते एव्वला काजे इद्रम कीयाना वेल्ले महत्व ता पोल्लो मंता। उचुन मुल

इद्रम किया परवोर आंतोर। लाओ चि वेहता लेक्का ओरु “ वरोर दूसरो ना वेल्ले गरे इत्तेके कोरु कूसना ओसो नैकु मुहचाना लेंग केंजा वायनाचोन गरे मत्तेके वेने जीवा मंदान जोम वरोर दूसरो ना लोते हन्नोर आंतोर”।<sup>1</sup> अद्रमासी ओरा नड़मा उंदी राय बनेमाया परवो आंता। हत्ता कालम ते मावा उचुन कार्यकर्ता लोर वेने मार्क्सवाद-लेनिनवाद ता बुनियादी सैद्धांतिक समस्यांग ना बारे ते वेने उंदी राय बनेमायो आत्ता। बारांकु इत्तेके ओरु इविन हालनाचोन अध्ययन कीवोर आतोर। नेंडु पार्टी लोप्पा मुन्ने तुकू ज्यादा उंदी राय मंता। मति इद समस्या इंजे वेने पूरा हल आत्ताद हिल्ले। उदाहरण तुकू भूमि सुधार लोप्पा “मध्यम किसान” ओसो “धनी किसान” ना परिभाषा ता बारे ते इंजे वेने अलग-अलग समझदारी मंता।

4. बद विषय तुन खुद समझेमार्यो आंतोम लेवेके पुन्नोम आंतोमो अविना बारे ते अविना पोरो काम कियानोरिगडल जानकारी दोरकी कीयाना अनि गरहराई ते आल्सवा लेवा स्वीकार कीयाना लेवेके अस्वीकार कीयाना कियमाटू। मसौदा तैयार कित्ता पेरके वेने अविना वितरण कित्ता उचुक दस्तावेजकु इद्रमे मंतांग, बारांकु इत्तेके अविना लोप्पा मत्ता सवाल कुना स्पष्टीकरण ता जरूरत मंता ओसो मुन्ने दोड़ ता ढांचांग कुना लोप्पा सलाह-मशविरा कीयाना जरूरी मंदिता। माटू पुनवा मत्ता काम ता बारे ते पुत्ता लेक्का तोहनायो। इदिना उल्टा इद काम ता बारे ते पुत्तोरिगडल जानकारी दोरकी कीयाना ओरगडल करियाला लज्जा आयनायो।<sup>2</sup> माटू दोड़ ता ढांचांग लोप्पा काम कीयाना कार्यकर्ता लोरा राय तुन वेल्ले ध्यान ते केंजना। शिक्षक बनेमायना मुन्ने वरोर शिष्य बनेमाया, आदेश जारी कीयाना मुन्ने दोड़ ता ढांचांग ना कार्यकर्ता लोरगडल करियाटू। समस्यांग किन हल कीयानास्के केंद्रीय कमेटी ता सब्बे प्रादेशिक ब्यूरोंग ओसो पार्टी ता मोर्चा-कमेटींग फौजी संकट ता परिस्थिति ओसो उंदी मुन्ने स्पष्ट आत्ता सच्चाई तुन विड़चसी इद पोल्लो पोरो अमल कीयाना। इद्रम कीतेके मावा सम्मान कम आयवा बेरसियार। बारांकु इत्तेके मना

निर्णय दोड़ ता ढांचांग ना कार्यकर्ता लोरा सही विचार कुन शामिल कीसिए आंतांग। अदिन काजे दोड़ ता ढांचांग ना कार्यकर्ता लोरा समर्थन कीयाना स्वाभाविके मंता। दोड़ ता ढांचांग ना कार्यकर्ता लोरा विचार सही वेने मंदा परिंता ओसो गलत वेने, अदिन केंजता पेरेक अदिना विश्लेषण कीयाना। माटू सही राय किन मानेमायना अनि अदिन पोरो अमल कीयाना। केंद्रीय कमेटी ता नेतृत्व सही मंदाना ता मुख्य कारण अलग-अलग जागा तल दोरकता सामग्री, रिपोर्ट ओसो सही विचार कुना संश्लेषण आंदू। अलग-अलग जागा तल सामग्री ओसो राय दोरकवेके केंद्रीय कमेटी काजे सही आदेश जारी कीयाना कठीन आयरा। दोड़ ता ढांचांग गलत विचार किन वेने केंजना, अविन केंजवा मंदाना गलत आयारा। मति इद्रम ता विचार कुन अमल कियवा लेवा अविना आलोचना कीयाना।

5. **“पियानो नेकिह कीयाना”** करियाना। पियानो नेकिहानस्के 10 वेड़स्कु होलेमांतांग, सिर्फ उचुके वेड़स्कुन होले कीतेके काम ताको आंता। मति 10 वेड़स्कुन उंदी बेरा दबे कीतेके वेने बेसता लेंग पेसो आंता। बेसता लेंग पेसहला काजे 10 वेड़स्कुन वेल्ले बेस उंदी दूसरा तुकू तालमेल कीसोरे होलेह किया लागिंता। उंदी पार्टी कमेटी तन्ना मुख्य काम तुन दृढ़ता ते ताकी कीयाना, संगे ने मुख्य काम ता हेरे-गरे बाकी काम किन वेने मुन्ने ओयना। इंजे माटू काम ता वेल्ले पहलुंग किन ताकी कींतोमः माटू सब्बे इलाकांग लोप्पा सशस्त्र यूनिटकु ओसो विभाग कुना कारम हूडिंतोमा मना पूरा ध्यान बाकी सब्बे विषय कुन विडचसी सिर्फ उचुके विषयकुना पोरोर केंद्रित कीयानाया। बचोन समस्या मत्तेकाई अदिना बगिल ध्यान हियाना, काम कीयाना तरीका ते निपुण बनेमायना। उचुन मुल पुट्टी कीयाना लेंग लोप्पा वेने वेल्ले फर्क मंता। पार्टी कमेटी ना सदस्य लोर “पियानो नेकहाला” बेस करियाना।
6. **“मजबूती ते पोयसी तासना”**। इत्तेके पार्टी कमेटी मुख्य काम तुन सिर्फ “पोयसी तासना” आयवा “मजबूती ते पोयसी तासना।” बोराई

बदे चीज तुन गटीग पोयसी मंदान जोमे पोयसी मंदा परितोर अदिना लोप्पा उचुन वेने ढील वायला हियानायो। मजबूती ते पोयसी मनवेके, पोयसी मनवा लेक्का आंता। मुट्टा तेरियसी बदे वेने चीज तुन पोय्या परमूडायो। मना उचुन कामरेड्स मुख्य काम तुन पोयंतोर मति ओरा पकड़ मजबूत मन्नो आंता अदिन काजे ओरु तम्मा काम लोप्पा सफल आया परवोर आंतोर। मुट्टा गटीग हिल्वेके काम ताका परवो आयार।

7. **मना दिमाग ते “आंकड़ा” तासना।** इत्तेके माटू बदे वेने परिस्थिति लेवेके समस्या ता परिमाणात्मक पहलू बगिल ध्यान हियाना ओसो बुनियादी परिमाणात्मक विश्लेषण कीयाना। हर गुणात्मक पहलू बदे परिमाणात्मक पहलू लेक्का मंदिता ओसो परिमाणात्मक पहलू बदे गुणात्मक पहलू लेवा मन्नो आंता। नेंडु वेने मावा वेल्ले कामरेड्स ओरा वस्तु ना परिमाणात्मक पहलू बगिल ध्यान हियाना-बुनियादी आंकड़ा बगिल मुख्य प्रतिशत कुना बगिल, वस्तु ता गुणात्मक पहलू ता निर्णय कीयाना परिमाणात्मक हंदी बगिल ध्यान हियाना इंजी समझेमायोर आंतोर। ओरा दिमाग ते बदे “आंकड़ा” मन्नो आंता। अद्रमासी ओरु गलतिंग कींतोर। उदाहरण तुकू भूमि सुधार कीयानास्के कुल आबादी जमींदार, धनी किसान, मध्यम किसान ओसो गरीब किसान लोरा प्रतिशत वेहना ओसो अविन लोप्पाटल वरोर-वरोनगा मत्ता जमीन ता मात्रा वेहना आंकड़ा ता जानकारी एतना जरूर मत्ता, बारांकु इत्तेके इदिना पोरो आधार आसिए माटू सही नीतिंग तय क्रिया परितोमा। धनी किसान बोन किन इंदाना, खुशहाल मध्यम किसान बोन किन इंदाना, ओसो शोषण संगे दोरकी कीयाना आमदनी संगे धनी किसान ओसो खुशहाल मध्यम किसान नड़मा ता फर्क पुंदाला काजे इव सब्बे ना परिमाणात्मक हंदी चिह्नित कीयाना जरूरी मंता। बदे वेने जन आंदोलन ताकनास्के माटू सक्रिय समर्थक, विरोधिर ओसो उंदी ओदा नितसी मंदानोरा संख्य ता बुनियादी जांच-

पड़ताल कीयाना ओसो बुनियादी विश्लेषण कीयाना अनि समस्यांग ना निर्णय लेवा बद्रमाई ओसो मनोगतवादी तरीका ते कीयानायो।

8. **“लोकुर किन भरोसा हियाना सूचना”**। मीटिंग ता बारे ते मुन्ने ने सूचना हियाना, इद्रम कीतेके “लोकुर कुन भरोसा हियाना लेक्का” आंता। इद्रम कीतेके हर मानेय बदिनाए बारे विचार-विनिमय कीयाना ओसो बद समस्या किन हल कीयाना इंदानदिना बारे ते परताचोन तैयारी किया परितोर। उचुक जागा ने रिपोर्ट ओसो प्रस्तावकुना मसौदा तैयार कीयाना मुन्ने ने कार्यकर्ता लोरा मीटिंग केयंतोर, लोकुर मीटिंग ते वात्तास्के इव दस्तावेज कुना पोरो काम चलाऊ तैयार कींतोर, इद्रम ता जागा ने “फौज ओसो घोड़ांग एवतांग मति तिंदाला चारा ता तैयारी आत्ताद हिल्ले” इदानी हट्टे लागू आंता, इदु सही हिल्ले। बस्के एवनल तैयारी आत्ताद हिल्ले अस्के एवनल मीटिंग केयनादे आयो।
9. **“बेसता फौज ओसो सरल प्रशासन”**। सब्बे वार्तांग, भाषणकु, लेख ओसो प्रस्तावकु सरल ओसो संक्षिप्त मंदाना। मीटिंग वेने वेल्ले जोम ताकनायो।
10. **मीवा संगे मतभेद मत्ता कामरेड्स ना संगे एकता कीयाना** अनि ओरा संगे कलियसी काम कीयाना पोरो ध्यान हियाना। इद पोरो स्थानीय संगठन लोप्पा ओसो सेना लोप्पा ध्यान हियाना। इद पोल्लो पार्टी तुकू बाहर ता लोकुरा संगे मावा संबंध लोप्पा वेने लागू आंता। माटू देश ता कौंटा-कौंटा ते जमा आंतोम अनि मना काम ताकनास्के सिर्फ मना लेक्का विचार मत्तोर संगेने आयवा मना संगे मतभेद मत्तोर संगे वेने एकता कियाला निपुण मंदाना। मावा लोप्पा उचुन मूल वेल्ले गंभीर गलतिंग कितोर, माटू ओरकिन अलग-थलग कियवा लेवा ओरा संगे काम कियाला तैयार मंदाना।
11. **घमंड तल बचेमायना**। बोरु नेतृत्वकारी पद ते काम कींतोर ओना काजे इदु उंदी उसूली पोल्लो आंदू। एकता कियाला काजे वेल्ले महत्वपूर्ण शर्त वेने आंदू। वेल्ले गंभीर गलतिंग कियवा लेवा तम्मा

काम लोप्पा वेल्ले बेहरा सफलतांग दोरकी कीतोरा लोप्पा वेने घमंड वायनायो। पार्टी नेता लोरा जन्म आत्ता दिय्या तुन मानेमायनायो। अद्रमे पार्टी नेता ना पोरोल ते जागा, सडक ओसो कारोबार ता पोरोल वेने तासनायो। सादा पिस्वल पिस्सना ओसो कठीन संघर्ष कीयाना तम्मा कार्यशैली पोरो नितसी मंदाना। चापलूसी ओसो अतिप्रशंसा कीयाना बंद कीयाना।

12. **रेंडु विभाजन रेखा पिडंगना।** पहली विभाजन रेखा क्रांति ओसो प्रतिक्रांति नडमा, येनान ओसो शीआन<sup>3</sup> नडमा पिडंगना। उचुन मुल अदिन विभाजन रेखा पिडंगना इंजी समझेमायोर आंतोरा। उदाहरण तुकू ओरु नौकरशाही ता विरोधी कींतोर अस्के येनान ता चर्चा “बाताले सही हिल्वा लेक्का” कींतोर अनि येनान ता नौकरशाही ओसो शीआन ता नौकरशाहीरा तूलना कीवोर ओरा नडमा बदे अंतर कीवोर आंतोरा। इदु बुनियादी रूप ते गलत मंता। दूसरा विभाजन रेखा क्रांतिकारी कैडर लोप्पा सही ओसो गलत नडमा, सफलतांग ओसो कमजोरिंग नडमा पिडंगना। इव रेंडासी ना लोप्पा बद्दु मुख्य ओसो बद्दु गौण मंता इंजी स्पष्ट कीयाना। उदाहरण तुकू सफलतांग सिर्फ 30 प्रतिशत मंता लेवेके 70 प्रतिशत? कम वेहाना लेवेके बेरसी कीसि बेहानायो। माटू बोरे मानेय ना बुनियादी मूल्यांकन कीयाना अनि ओना सफलता 30 प्रतिशत मंता ओसो गलतिंग 70 प्रतिशत मंतांग इंजी हूडाना। ओना सफलतांग 70 प्रतिशत मत्तेके ओना काम तु मुख्य रूप ते मंजूर कीयाना। बदे काम लोप्पा सफलतांग ना प्रधानता मंता अदिन उंदी गलतिंगना प्रधानता मत्ता लेक्कटा काम वेहाना गलत आयारा। समस्यांग किन हल कीयानास्के क्रांति ओसो प्रतिक्रांति नडमा, सफलतांग ओसो कमजोरिंग नडमा विभाजन रेखा पिडंगला मरंगनायो। माटू इव रेंडु विभाजन रेखांग किन सुरता तास्तेके माटू मना काम वेल्ले बेस किया परितोम, लेवेके माटू समस्यांग ना स्वरूप किन लेस्सीह कीतोम। विभाजन रेखा किन सही तरिका ते पिडंगला काजे होशियारी ते अध्ययन कीयाना ओसो विश्लेषण

कीयाना वेल्ले जरूरी मंता इंदाना लोप्पा बदे डावुट हिल्ले। हर मानेय ना बारे ते ओसो हर समस्या ता बारे ते माटू विश्लेषण कीयाना ओसो अध्ययन कीयाना रूझान पोय्यना। राजनीतिक ब्यूरी ता सदस्य लोरा ओसो खुद नावा हिसाब ते पार्टी कमेटींग सिर्फ पोरो वेहता पोल्लोंग पोयसीए बेस काम किया परिंतांग। पार्टी-कांग्रेस कुन सही तरीका ते ताकी कीयानाए आयवा सब्बे स्तर ता पार्टी कमेटींग तम्मा नेतृत्व कार्य तुन वेने सही तरीका ते ताकी कीयाना वेल्ले जरूरी मंता। माटू काम कीयाना तरीकांग ना अध्ययन कीयाना ओसो पार्टी कमेटींग ना नेतृत्व कार्य स्तर किन ओसो बेस कियाला काजे अविन पूर्णता तत्ताला कोशिश कीयाना।

## नोट

- 1) “लाओ चि”, अध्याय 80 तल उंदी उद्धरण।
- 2) “कनफ्यूशियस ना मुक्ति-संग्रह” ता पांचवी अध्याय “कुंग ये छांग” तल उंदी उद्धरण।
- 3) येनान जनवरी 1937 तल मार्च 1947 एवनल चीनी कम्युनिस्ट पार्टी ता केंद्रीय कमेटी ता हेडक्वार्टर, शीआन उत्तर-पश्चिमी चीन लोप्पा प्रतिक्रियावादी क्वोमिंगतांग शासन ता केंद्र मत्ता। कामरेड माओ त्सेतुंग इव रेंडासी शहर कुना बारे ते क्रांति ओसो प्रतिक्रांति ता निशानी लेक्का मंता इंजी वेहतोर।

## नानकिंग सरकार बेगा मंता?

4 अप्रैल 1949

नानकिंग क्वोमिंगतांग सरकार, तन्ना फौजी, प्रशासनिक कर्मचारिना मुन्ने रेंडु हरीं मंता। अवु च्यांग काई-शेक युद्ध अपराधी गुट ओसो ओना मालिक अमेरिका साम्राज्यावाद ता तोका पोयना इतेके जनता ना दुश्मन बनेमायना अनि जनताना मुक्ति युद्ध लोप्पा च्यांग काई-शेक युद्ध-अपराधी गुट संगे खुद वेने खत्म आयना, दूसरा ओरु जनता ना पक्ष ते वायना इतेके च्यांग काई-शेक युद्ध अपराधी गुट ओसो अमेरिका साम्राज्यवाद तल रिश्ता देहची तम्मा अपराध कुन सुधरे कियाला काजे जनताना मुक्ति युद्ध लोप्पा काम कीयाना। इद्रम कीतेके जनता ओरकिन छूट हियार अनि माफ वेने कियार। तीसरा बदे हरीं हिल्ले। नानकिंग ते ली चुंग-रन ओसो ओ इंग-छिन ता सरकार<sup>1</sup> लोप्पा मूड अलग-लग ग्रुप मंतांग। उंदी ग्रुप वेल्ले जिद्द कीसि पहली हरीं पोय्या मंता। ओरा पोल्लोंग बचोन सही कीतेकाई, कीयाना लोप्पा लगातार युद्ध ता तैयारी किया मंतोर, राष्ट्र संगे गद्दारी किया मंतोर, सच्ची शांति ता मांग कीयाना जनता किन उत्पीड़न ओसो हौकना किया मंतोर। ओरु डोल्लनाजोम च्यांग काई-शेक नाए चेलालोर बनेमासी मंदानूर। दूसरा ग्रुप, दूसरा हरीं पोय्या मंता मति इंजे एवनल इदिना बारे ते बदे ठोस कदम तेहताद हिल्ले। तीसरा ग्रुप नडुम हरीं ते नितसी मंता अदिन बद हरीं पोय्यना इंजी समझेमासोर हिल्ले। अदु च्यांग काई-शेक ओसो अमेरिका सरकार तुकू नाराज मंदा परवो, ओसो जनता ना जनवादी ग्रुप लोप्पा शामिल आयना आशा वेने किया मंता। मति इदु उंदी अंगडम ता पोल्लो आंदू इद्रम आया परवो।



ली चुंग-रन ओसो हो इंग-छिन ना नानकिंग सरकार मुख्य रूप ते मुन्ने ओसो तीसरा ग्रुप संगे कलियसी मंतोर अनि दूसरा ग्रुप ता लोकरु वेल्ले कम मंतोर। नेंडु वेने इद सरकार च्यांग कार्ई-शेक ओसो अमेरिका सरकार ता सिर्फ उंदी मोहरा बनेमासी मंता।

1 अप्रैल ते नानकिंग आत्ता हत्याकांड<sup>2</sup> बदे अचानकआत्ता घटना आयो। अदु ली चुंग-रन ओसो हो इंग-छिन सरकार च्यांग कार्ई-शेक, ओना कट्टर चेला लोर ओसो अमेरिका आक्रमणकारी ताकत कुना रक्षा कियाला काजे कित्ता कार्वाइंग कुना कारण ते आत्ता। इव कार्वाइंग “समानता ता दर्जा ते उंदी सम्मानपूर्ण शांति” स्थापना कियाला ओसो चीनी कम्युनिस्ट पार्टी शांति स्थापना काजे पेश कित्ता 8 शर्त कुन विरोध कियाला काजे कित्ताद मत्ता। इंजे ली चुंग-रन ओसो हो इंग-छिंग सरकार चीनी कम्युनिस्ट पार्टी संगे शांतिवार्ता कियाला काजे तन्ना प्रतिनिधि मंडल पेफिंग लोहता अनि कम्युनिस्ट पार्टी पेश कित्ता 8 शर्त कुन समझौता वार्ता आधार लेक्का मंजूर कियाला काजे सहमत आत्ता। इद्रम ता परिस्थिति ते ओना बुद्धी मत्तेके नानकिंग हत्याकांड ता मुख्य अपराधी च्यांग कार्ई-शेक, थांग अन-पो ओसो चांग याओ-मिंग किन गिफ्तार कीसि सजा हीवेर। नानकिंग ओसो शांघाई ता खुफिया पुलिन गुंडा लोर किन गिरफ्तार कीसि सख्त सजा हियाना ओसो शांति स्थापना ता वेल्ले कड़ा विरोध कीयाना मुख्य प्रतिक्रांतिकारी किन गिरफ्तार कीयाना। बारांकु इत्तेके वीरु वेल्ले सक्रियता ते शांति वार्ता तुन तहस-नहस किया मंतोर, वेल्ले सक्रियता ते जन मुक्ति सेना (पीएलए) किन यांगत्सी बेरेड ता दक्षिण बगिल दायना तुकू रोमी कीयाना तैयारी किया मंतोर। “बस्के एवनले छिंग फू का किन खत्म कियमूडायो अस्के एवनले लू राज्य ता संकट दूर आया परवो”<sup>3</sup> बस्के एवनल युद्ध अपराधिर किन खत्म कियमूडायो अस्के एवनल देश लोप्पा शांति स्थापना आया परवो। इदु सच्चाई इंजे एवनल स्पष्ट आत्ताद हिल्ले या?

माटू नानकिंग सरकार किन गंभीरता रूप ते वेहिंतोमः मीटू काम किया परवेके कम से कम यांगत्सी बेरेड वेंडसी दक्षिण बगिल दायना जन

मुक्ति सेना (पीएलए) ता मदद कीयाना। वेल्ले जोम आत्ता इंजे मीटू पोल्ले पोल्लोंग कीयाना जागा ते मीटू मीवा अपराध कुना भरपाई कियाला काजे असली काम किमूट। इद्रम कीतेके मीवा पिस्वल पिस्सला काजे वित्ता लागो आयार, च्यांग काई-शोक ना कट्टर चेला लोरा धमकिंग मुन्ने तल्ला वरिह्हा लागो आयार, जनता ना विरोध ता सामना किया लागो आयार। इदु मीवा काजे आखरी मौका मंता, इदिन दायला हियमाटू जन मुक्ति सेना (पीएलए) जल्दिए यागंत्सी बेरेड़ ता दक्षिण ते दायार। माटू झूठी धमकी हियवोमा मीट 8 शर्त कुन स्वीकार कीसि समझौता पोरो हस्ताक्षर कीतेकाई, कीवेकाई जन मुक्ति सेना (पीएलए) जरूर दायार। मावा सेना दायना शुरू कीयाना मुन्ने उंदी समझौता पोरो हस्ताक्षर आतेके वेल्ले लोकुरा काजे फायदा आयार। जनता काजे, जनमुक्ति सेना काजे, बेस काम कीसि तम्मा अपराध कुन सुधरे कीयाना क्वोमिंगतांग सरकार ता सब्बे लोकुर ओसो क्वोमिंगतांग सेना ता अफसर, सिपाही लोरा व्यापक कैडर काजे फायदा आयार, इदु सिर्फ च्यांग काई-शोक ओना कट्टर चेला लोर ओसो साम्राज्यवाद काजे ने नुकसान आयार, इद समझौता पोरो हस्ताक्षर आयवेके परिस्थिति लगभग अद्रमे मंदियार, स्थानीय समझौता वार्ता संगे इदिन हल किया परमूडांता। बदे लड़ाई आयना संभावना जरूर मंता मति वेल्ले लड़ाईंग आयोंगा। सिनच्यांग तल थाइवान एवनल फैलमाता बेहरा इलाका ओसो बेहरा मोर्चा लोप्पा क्वोमिंगतांग कैदे इंजे 11 लाख लड़ाकू सैनिक मंतोर, अदिन काजे इंजे ज्यादा लड़ाईंग आयोंगा। उंदी आम समझौता पोरो हस्ताक्षर आतेकाई ओसो इद्रम ता समझौता पोरो हस्ताक्षर आयवा लेवा वेल्ले स्थानीय समझौतांग पोरो हस्तक्ष आयाना, च्यांग काई-शक काजे, ओना कट्टर चेला लोरा काजे ओसो अमेरिका साम्राज्यवाद काजे संक्षिप्त रूप ते वेहाना इतेके डोल्लनाजोम खुद किन बदले कियवा मंता सब्बे प्रतिक्रियावादिरा काजे बाताले आयो आयार, ओरा अनिवार्य रूप ते सर्वनाश आयार। माटू आम समझौता पोरो हस्ताक्षर कियवा मंदानदे नानकिंग काजे ओसो संगेने मावा काजे वेने ज्यादा फायदा आयार। अदिन काजेए माटू इंजे वेने इद्रम ता समझौता कीयाना कोशिश

किया मंतोमा मति उंदी आम समझौता पोरो हस्ताक्षर किया लागतेके, वेल्ले झंझट कुन हल कियाला तैयार मंदा लागियर। उंदी आम समझौता पोरो हस्ताक्षर कियवा लेवा अदिना जागा ते बचोनो स्थानीय समझौतांग पोरो हस्ताक्षर कीयाना मावा काजे बचोनो ज्यादा स्पष्ट हर्षी मंदियार। इद्रम मत्तेकारी माटू उंदी आम समझौता पोरो हस्ताक्षर कियाला तैयार मंतोमा। नानकिंग सरकार ओसो अदिना प्रतिनिधिमंडल वेने इद्रम कियाला तैयार मतेके वायना उचुक दिव्यांग लोप्पा जरूर इद्रम कियमूड़ायार, सब्बे रकम ता भ्रम ओसो सब्बे रकम ता पोल्ले पोल्लोंग किन तिलांजली हियाना। माटू मीकिन इद्रम कियाला जबरदस्ती कीवोम। नानकिंग सरकार ओसो अदिना प्रतिनिधिमंडल इद्रम कीयाना या कीयानायो इंजी निर्णय एतला आजाद मंता। इत्तेके मीटू च्यांग काई-शेक ओसो लीटन स्टुअर्ट ना पोल्लोंग केंजा पर्रितिर ओसो गट्टिगा ओना पक्ष वेने एता पर्रितिर लेवेके मावा पोल्लोंग केंजा पर्रितिर ओसो मावा पक्ष वेने एता पर्रितिर, मीटू इदिना लोप्पा बदे उंदी पक्ष एतला आजाद मंतिर। मति इदिन चुनाव कियाला काजे मीवगा वेल्ले टाईम हिल्ले। जन मुक्ति सेना (पीएलए) जल्दीए दायर इंजे पेरकेमुन्ने आयना मौका हिल्ले।

## नोट

- 1) सुन ख ना इस्तीफा हिता पेरके ली चुंग-रन 12 मार्च 1949 ते बोगस कार्यकारी ख्वान ता प्रसीडेन्ट पद ते हो इंग-छिम किन चुने कित्तोर।
- 2) 1 अप्रैल 1949 ते नानकिंग ता ग्यारह कालेज, विश्वविद्यालय कुना 6 हजार तुकू ज्यादा छात्र लोर प्रदर्शन कित्तोर अनि चीनी कम्युनिस्ट पार्टी पेश कित्ता 8 शर्त कुन प्रतिक्रायावादी क्वोमिंगतांत सरकार मंजूर कीयाना इंजी मांग कित्तोर। च्यांग काई-शेक ना आदेश ते, नानकिंग ते मत्ता क्वोमिंगतांग ता गैररिजन सेना कमांडर-इन-चीफ चांग याओ-मिंग सैनिक, पुलिस ओसो खुफिया एजेंट लोर किन छात्र लोरा पोरो लाटीचार्ज कीयाना इंजी आदेश हीतोर। तीना लोप्पा 2 विद्यार्थि शहीद आतोर अनि सौ तुकू ज्यादा घायल आतोर।

- 3) वसंत ओसो शरद कालम ते (770-475 ई.पू.) ता महत्वपूर्ण घटनांग ना बारे ते वेहना उंदी प्राचीन चीनी ऐतिहासिक ग्रन्थ “क्वो च्वान” अनुसार लू राज्य ता सामंत छिंग फू बार-बार अंदरूनी अंतरविरोध पैदा कितोर अनि अद राज्य पोरो शासन कीयाना इरवुर राजा लोर किन हौकतोर। इगा हीता हट्टो अस्केटा लू राज्य ता लोकर इस्तेमाल कियानोर। अस्केटले छिंग फू पोरो अंदरूनी अंतरविरोध पैदा कियानोर। निशानी बने माता।

## सेना किन देशव्यापी अडवांस आयला आदेश\*<sup>1</sup>

21 अप्रैल 1949

सब्बे युद्ध सेनांग ना कमांडर ओसो योद्धा लोर, दक्षिण ता छापामार इलाकांग ना जन मुक्ति सेना (पीएलए) ता कामरेड्स!

<sup>1</sup> 'इदु आदेश कामरेड माओ त्सेतुंग रास्तोर। प्रतिक्रियावादी क्वोमिंगतांग सरकार अंदरूनी शांति समझौता पोर दस्तखत कियाला इनकार कितारके अध्यक्ष माओ त्सेतुंग ओसो कमांडर-इन-चीफ चू तेह जारी कित्ता इद आदेश पोरो जन मुक्ति सेना (पीएलए) अमल कित्ता अनि इंजे एवनल मुक्त आयवा मत्ता बेहरा इलाकांग बगिल बेहरा स्तर ते नालुंग बगिल एडवांस आयना शरू कित्ता। 21 अप्रैल 1949 ते नरकुम, ल्यू पो-छंग, तंग श्याओ-फिंग लेक्कटा कामरेड्स ना नेतृत्व ते दूसरी युद्ध सेना ओसो छन ई, सू ख्वी, थान चन-लिन लेक्कटा कामरेड्स ना नेतृत्व ते तीसरी युद्ध सेना पश्चिम बगिल च्योच्यंग ता उत्तर-पूर्व ते मत्ता हुखओ तल पूर्व ते च्यांगइन एवनल पांच सौ किलोमीटर तुकू ज्यादा फैलेमासी मत्ता मोर्चा ते यांगत्सी डोड्डा किन जबरदस्ती वेंडता अनि यांगत्सी डोड्डा ओद-ओदा दुश्मन ता साढ़े तीन महीनांग एवनल हेपुर पोहची निल्पी कित्ता दुश्मन ता बचाव मोर्चा तुन पूराए तहस-नहस कीसिता। 23 अप्रैल ते इव सेनांग 22 साल तल क्वोमिंगतांग प्रतिक्रांतिकारी शासन ता केंद्र मत्ता नानकिंग मुक्त कित्तांग अनि क्वोमिंगतांग प्रतिक्रियावादी शासन तुन खत्म कित्तांग। ताना पेरेके अलग-अलग हरीं तल पोयसी दक्षिण बगिल हातांग। अतु 3 मई ते हांग-चओ ओसो 22 मई ते नानछांग किन मुक्त कीसि 27 मई ते चीन ता सबसे बेहरा शहर शांघाई पोरो अधिकार कित्तांग। जून ते फूच्येन प्रांत लोप्पा दायना शरू कीतांग: 17 अगस्त ते फूचओ ओसो 17 अक्तूबर ते अमांग तुन मुक्त कित्तांग। 14 मई ते प्याओ, ली रंग-ह्वान लेक्कटा कामरेड्स ना नेतृत्व ते चौथी युद्ध सेना ऊहान ता पूर्व ते ख्वानफंग तल ऊश्च एवनल सौ कीलोमीटर तुकू वेने ज्यादा बेहरा मोर्चा संगे यांगत्सी डोड्डा वेंडता। 16 ओसो 17 मई ते मध्य चीन ता रणनीतिक महत्व मत्ता मूंड शहर, ऊछांग, हानयांग ओसो हानखओ किन मुक्त कित्तांग। पेरेके दक्षिण बगिल हंजी हूान एवतांग। हूान प्रांत ता क्वमिंगतांग गवर्नर छंग-छयेन ओसो पहली सेना कमांडर छन मिंग-रन 4 अगस्त ते क्वोमिंगतांग विडसना घोषणा कितोर अनि हुनान प्रांत किन मुक्त कित्तोर। सितम्बर ओसो अक्तूबर ते चौती युद्ध सेना हंगयांग-पाओछिंग अभियान ताकी कित्ता, पाए छुंग-शी ना कैद दोड क्वोमिंगतांग फौज ता मुख्य ताकत तुन खत्म कित्तोर अनि क्वांगतुंग ओसो क्वांगशी प्रांत ते हतोर। ओरु क्वांगचओ किन 14 अक्तूबर ते क्वेइसिन किन 22 नवम्बर ओसो नानकिंग 4 दिसम्बर ते मुक्त कित्तोर। दूसरी ओसो तीसरी युद्ध सेना यांगत्सी डोड्डा वेंडसोर मंदानास्के ल्ये रंग-चन, श्वी श्यांग-छयेन लोरा नेतृत्व ते उत्तरी चीन ता फौजी फारमेशन 24 अप्रैल 1949 ते थाएख्वान पोरो अधिकार कित्तांग। 20 मई ते शीआन कि मुक्त कित्ता पेरेके फंग-त-ह्वए, हो लुंग लोरा नेतृत्व ते पहली युद्ध

चीनी कम्युनिस्ट पार्टी ता प्रतिनिधिमंडल ओसो नानकिंग क्वोमिंगतांग सरकार ता प्रतिनिधिमंडल नड्मा वेल्ले वार्ता आत्ता पेरके अंदरूनी शांति समझौता ता मसौदा तैयार कित्ताद मत्ता, अदिन नानकिंग क्वोमिंगतांग सरकार नामंजूर कित्ता।<sup>1</sup> नानकिंग क्वोमिंगतांग सरकार ता जिम्मेदार सदस्य लोर इद अंदरूनी शांति समझौता तुन इंजे वेने अमेरिका साम्राज्यवाद ओसो क्वोमिंगतांग डाकू-गुट ता सरदार च्यांग काई-शेक ना आदेश पालन कीसोर मत्तांकु नामंजूर कित्तोर। चीनी जनता ना मुक्ति हरदे बाधा वाटना ओसो आंतरिक समस्यांग किन शांतिपूर्ण तरीका ते हल कीयाना तुकू बाधा वाटा मंतोर। रेंडासी पक्ष कुना प्रतिनिधिमंडलकु समझौता वार्ता संगे 8 धारांग ओसो 24 अनुच्छेज वाले अंदरूनी शांति समझौता ता मसौदा बने कीतांग। ताना लोप्पा युद्ध अपराधिरा सवाल पोरो नरमी रुझान लागू कीयाना, क्वोमिंगतांग सेनांग ना अफसर, सिपाही ओसो क्वोमिंगतांग सरकार ता कर्मचारिरा पोरो नरमी व्यवहार कीयाना ओसो बाकी सवाल कुना सही हल कीयाना बारे ते आल्सताद मंता। इव सब्बे राष्ट्र ओसो जनता ना हित कुन सुरता तासिसी कित्ताद मंता। इद समझौता तुन नामंजूर कीयाना इत्तेके प्रतिक्रांतिकारी युद्ध तुन क्वोमिंगतांग

---

सेना उत्तरी चीन ता रेंडु फौजी फारमेशन कुना संगे उत्तर-पश्चिम ता क्वोमिंगतांग इलाकांग लोप्पा हातांग। अबु 26 अगस्त ते लानचओ पोरो अधिकार कित्तांग, 5 सितम्बर ते शीनिंग, 23 सितम्बर ते इन्छवान किन मुक्त कित्तांग। मा पू-फांग ओसो मा हुंग-क्वेइ ना अधीन सब्बे क्वोमिंगतांग सेनांग पूरा तहस-नहस कित्तोर। सितम्बर ता आखरी ते सिन-च्यांग प्रांति लोप्पा क्वोमिंगतांग ता गैरजन कमांडर-इन-चीफ याओ व-थ्ये ओसो गवर्नर बुरहान क्वोमिंगतांग विडसना घोषणा कित्तोर अनि सिनच्यांग प्रांत तुन शांतिपूर्ण मुक्त कित्तोर। नवम्बर शुरू ते ल्यू पो-छंग, तंग श्याओ-फिंग लोरा नेतृत्व ते दूसरी युद्ध सेना हो लुंग, ली चिंग-छवेन लोरा नेतृत्व ते मत्ता उत्तर चीन ता युद्ध सेना ता 18वी फौजी फारमेशन ओसो पहली युद्ध सेना ता उंदी हिस्सा संगे दक्षिण-पश्चिम चीन लोप्पा दायना शुरू कित्तोर। और 15 नवम्बर ते क्वेइयांग, 30 नवम्बर ते छुंगकिंग किन मुक्त कित्तोर। 9 दिसम्बर ते युनान प्रांति ता क्वोमिंगतांग गवर्नर लू हान, शीखांग प्रांत ता क्वोमिंगतांग गवर्नर ल्यू वन-ह्वेइ ओसो दक्षिण-पश्चिम ते फौजी ओसो प्रशासनिक का काम कीयाना क्वोमिंगतांग ब्यूरो ता इरवुर उप-निर्देशक तंग शी-हओ ओसो फान वन-ह्वेइ क्वोमिंगतांग किन विडसना घोषणा कित्तोर अनि युनान, शीखांग प्रांत शांतिपूर्ण मुक्त आत्ता। दक्षिण-पश्चिम ते नेंगता पेरके जन मुक्ति सेना (पीएलए) दिसम्बर ता आखरी ते छंगतू अभियान ताकी कित्ता, हू चुंग-नान ना सब्बे सेनांग पूराए खत्म आतांग अनि 27 दिसम्बर ते छंगतू किन मुक्त कित्तोर। दिसम्बर 1949 ता आखरी एवनल जन मुक्ति सेना चीन ता मुख्य भूमि तल सब्बे क्वोमिंगतांग सेनांग किन खत्म कित्ता। अनि तिब्बत किन विडचसी पूरा मुख्य भूमि तुन मुक्त कित्ता।

प्रतिक्रियावादिर खुद शुरू कीसि मत्तोर अनि ओरे आखरी एवनल ताकी कियाला अडेमासी मत्तोर। इद समझौता तुन नामंजूर कीयाना इत्तेके इयेटा 1 जनवरी ते शांतिवार्ता ता प्रस्ताव क्वोमिंगतांग प्रतिक्रियावादिर सिर्फ जन मुक्ति सेना (पीएलए) तुन रोमी कियाला ओसो उचुन मौका दोरकी कियाला काजे तास्तोर। ताना पेरके ओरु मैदान ते रेयसी क्रांतिकारी ताकत तुन खत्म कियाला आल्सतोर। इद समझौता तुन नामंजूर कीयाना इत्तेके नानकिंग ता ली चुंग-रन सरकार वार्ता ता आधार लेक्का चीनी कम्युनिस्ट पार्टी ता शांति ता 8 शर्त कुन मानेमायना दिखावा कीयाना आंदू ली चुंग-रन सरकार युद्ध अपराधिर किन सजा हियाना, सब्बे प्रतिक्रियावादी क्वोमिंगतांग सेनांग ना जनवादी उसूल कुना पोरो आधार आसी पुनर्गठन कीयाना ओसो नानकिंग सरकार, अदिना लोप्पा मत्ता सब्बे स्तर कुना सरकार कैदे पूरा सत्ता पोय्यना लेक्कटा बुनियादी शर्त कुन मुन्ने ने मानेमासी मत्ता। अदिन काजे ओरगा इव बुनियादी शर्त कुना पोरो आधार आसी तैयार कित्ता विशिष्ट (वेल्ले नरम व्यवहार) तरीकांग किन नामंजूर कीयाना बदे कारण हिल्ले। इद्रम ता परिस्थिति ते माटू मीकिन दोड़ रास्ता लेक्का आदेश हींतोमः

- 1) बहादुरी ते मुन्ने दायना, चीन लोप्पा मंजी प्रतिरोध ता हिम्मत कीयाना सब्बे क्वोमिंगतांग प्रतिक्रियावादिर किन दृढ़तापूर्वक, समग्र ओसो सम्पूर्ण रूप ते नष्ट कीसिमूटा। पूरा देश ता जनता किन मुक्त कीयाना। चीन ता प्रादेशिक भूमि ओसो मालिकाना, स्वाधीनता ओसो अखंडता ता रक्षा कीयाना।
- 2) बहादुरी ते मुन्ने हंजी सुधरेमायवा सब्बे युद्ध अपराधिर किन गिरफ्तार कीयाना। ओरकिन वित्तला हियवा लेवा जन अदालत ते निल्पी कीयाना अनि कानूनी तरीका ते सजा हियाना। डाकू-सरदार च्यांग काई-शेक किन गिफ्तार कीयाना काम पोरो विशेष ध्यान हियना।
- 3) क्वोमिंगतांग ता सब्बे स्थानीय सरकार ओसो स्थानीय फौजी गुट कुना मुन्ने अंदरूनी शांति-समझौता ता आखरी संशोधन

रूप ता ऐलान कीमुट। अदिना सामान्य अनुच्छेद अनुसार युद्ध कार्रवाइंग बंद कीयाना ओसो शांतिपूर्ण तरीका ते समस्यांग हल कियाला तैयार मत्तोर संगे समझौता किया परितोमा।

- 4) जन मुक्ति सेना (पीएलए) नानकिंग किन घेरे कित्ता पेरके नानकिंग ता ली चुंग-रन सरकार इगाटल वित्तसी तितर-बितर आयवेके ओसो अंदरूनी शांति समझौता पोरो हस्ताक्षर कियाला तैयार मत्तेके माटू अदिन इद समझौता पोरो हस्ताक्षर कीयाना ओसो उंदी मौका हियाला तैयार मंतोमा।

माओ त्सेतुंग  
अध्यक्ष, चीनी जनता ना  
क्रांतिकारी फौजी  
कमीशन  
चू तेह  
कमांडर-इन-चीफ,  
चीनी जन मुक्ति सेना  
(पीएलए)

## नोट

- 1) 1 अप्रैल 1949 ते चांग च-चुंग ना नेतृत्व ते क्वोमिंगतांग सरकार ता शांतिवार्ता प्रतिनिधिमंडल चीनी कम्युनिस्ट पार्टी ता प्रतिनिधिमंडल संगे वार्ता कियाला पेफिंग एवता। 15 दिव्यांग ना वार्ता पेरके अंदरूनी शांति समझौता ता उंदी मसौदा तैयार कियमूडाता। समझौता (फाईनल संशोधन रूप) किन चीनी कम्युनिस्ट पार्टी ता प्रतिनिधिमंडल 15 अप्रैल ते नानकिंग सरकार ता प्रतिनिधिमंडल किन सौंपे कित्ता अनि नाकिंद सरकार 20 अप्रैल ते नामंजूर कीसिता। फाईनल समझौता दोड़ रास्ता लेक्का मत्ता:

चीन गणराज्य ता 35 वीं साल ते नानकिंग ते मत्ता राष्ट्रीय सरकार संयुक्त राज्य अमेरिका सरकार ता मदद ते जनता ना विचार ता उल्लंघन कीसोरे युद्ध विराम समझौता ओसो राजनीतिक सलाहकार सम्मेलन ता प्रस्ताव कुना उल्लंग कित्ता

अनि चीनी कम्युनिस्ट पार्टी तुन विरोध कीयाना बहाना ते चीनी जनता ओसो चीनी जन मुक्त सेना ता विरुद्ध देशव्यापी गृहयुद्ध शुरू कित्ता। इदु युद्ध रेंडु साल साढ़े नौ महिनांग ताकता। इदु पूरा देश ता जनता ना पोरो वेल्ले तिप्पलकु तच्ची वाटता। वित्तीय ओसो मौलिक सम्पदा लोप्पा देश तुकू वेल्ले नुकसान एता लागता। डा. सुन यात-सेन ना क्रांतिकारी मूंड जन सिद्धांत कुना, रुस संगे एकता, कम्युनिस्ट पार्टी एकता ओसो किसान-मजदूर संगे एकता ता सही नीतिंग ओसो अविना क्रांतिकारी वसीयत ता उल्लंघन कीतांकु नानकिंग ते मत्ता राष्ट्रीय सरकार पोरो पूरा देश ता जनता वासी अरता। नानकिंग ते मत्ता राष्ट्रीय सरकार वेल्ले बेहरा स्तर ते गृहयुद्ध शुरू कित्ता। इदिन ताकी कियाला काजे गलत राजनीतिक, फौजी, वित्तीय, आर्थिक, सांस्कृतिक ओसो विदेशी नीतिंग लागू कित्ताविना खिलाफ पूरा जनता खास विरोध प्रदर्शन कित्ता। नानकिंग ते मत्ता राष्ट्रीय सरकार पूरा जनता ना विश्वास पोहता। वर्तमान गृहयुद्ध लोप्पा ओरा सेनांग किन चीनी कम्युनिस्ट पार्टी ता नेतृत्व ते ओसो चीनी जनता ना क्रांतिकारी फौजी कमीशन ता कमान ते ताकना जन मुक्ति सेना (पीएलए) हारे कीसि मत्ता। खुद किन इद परिस्थिति ते हूडसी नानकिंग राष्ट्रीय सरकार चीन गणराज्य ता 38 वा साल ता 1 जनवरी ते चीनी कम्युनिस्ट पार्टी मुन्ने गृहयुद्ध रोमी कीयाना ओसो शांति स्थापना कियाला काजे वार्ता शुरू कीयाना इंजी प्रस्ताव तासता। अदे साल 14 जनवरी ते चीनी कम्युनिस्ट पार्टी नानकिंग राष्ट्रीय सरकार ता इद प्रस्ताव तुन मानेमासोर उंदी स्टेटमेंट जारी कित्ता, ताना लोप्पा रेंडासी पक्ष नडमा शांतिवार्ता पोरो आधार लेक्का 8 शर्त कुन पेश कित्ताद मत्ता। अव शर्तकु इगा हीता लेक्का मत्तांगः युद्ध अपराधिर किन सजा हियाना, बोगस संविधान रद्द कीयाना, बोगस “नियमानुसार सत्ताधिकार” किन रद्द कीयाना, सब्बे प्रतिक्रियावादी सेनांग ना जनवादी उसूल कुना पोरो आधार आसी पुनर्गठन कीयाना, नौकरशाही पूंजी तुन जब्त कीयाना, भूमि-व्यवस्था ते सुधार कीयाना, देशद्रोही समझौता किन रद्द कीयाना, पूना राजनीतिक सलाहकार सम्मेलन केयना, ताना लोप्पा प्रतिक्रियावादी तत्व कुन शामिल कीयाना आयो ओसो प्रतिक्रियावादी नानकिंग क्वोमिंगतांग सरकार ओसो अदिना लोप्पा मत्ता सब्बे स्तर ता सरकार कैदे पूरा सत्ता वायना लेक्का उंदी जनवादी संयुक्त सरकार बने कीयाना। नानकिंग राष्ट्रीय सरकार इव 8 बुनियाद शर्त कुन मानेमाता। इदिना पोरो आधार आसी चीनी कम्युनिस्ट पार्टी ओसो नानकिंग राष्ट्रीय सरकार वार्ता कीयाना ओसो समझौता पोरा हस्ताक्षर कीयाना पूर्ण अधिकारी तम्मा-तम्मा प्रतिनिधिमंडल चुने कित्ता। रेंडासी पक्ष ता प्रतिनिधिर पेफिंग ता तन्ना मीटिंग लोप्पा सबसे मुन्ने नानकिंग राष्ट्रीय सरकारे वर्तमान गृहयुद्ध काजे ओसो तम्मा सब्बे गलत नीतिंग काजे पूरा जिम्मेदारी एतित्ता इंजी ओसो रेंडासी पक्ष इद समझौता सम्पन्न कियाला सहमत आतांग इंजी घोषणा कीतांग।



## धारा-1

**अनुच्छेद-1.** चीनी कम्युनिस्ट पार्टी ता प्रतिनिधिमंडल ओसो नानकिंग राष्ट्रीय सरकार ता प्रतिनिधिमंडल रेंडासी पक्ष (इद दस्तावेज कुना लोप्पा हर जागा सिर्फ “रेंडासी पक्ष” इत्तोर) सही ओसो गलत नड़मा फर्क कियाला काजे ओसो जिम्मेदारी एतला काजे नानकिंग राष्ट्रीय सरकार ता गृहयुद्ध शुरू कियाला ओसो ताकी कियाला जिम्मेदार मत्ता सब्बे युद्ध-अपराधिर किन सज़ा हियाना अनि ओरा संगे कीयाना व्यवहार दोड़ रास्ता परिस्थिति अनुसार अलग-अलग निर्णय किया लागियरः

**मुद्दा 1** - सब्बे युद्ध अपराधिर किन युद्ध अपराध तगडल बरी कीमुड़ आंता, इदिना शर्त बातल इत्तेके ओरू तना पिस्सवल तल सही ओसो गलत लोप्पा फर्क समझेमात्तोर इंदना साबित कीयाना, तम्मा हत्ता कालम तल पूराए संबंध देहचियाना। इद्रम कीतेके चीनी जनता ना मुक्ति काम लोप्पा प्रगति ओसो अंदरूनी समस्या ता शांतिपूर्ण हल आयला मदद दोरकता।

**मुद्दा 2** - सुधरेमाया परवा लेक्कटा सब्बे युद्ध अपराधिर किन सज़ा जरूर हियाना। जनता ना मुक्ति कार्य ता प्रगति लोप्पा बाधा वाटना, अंदरूनी समस्यांग ना शांतिपूर्ण हल कीयाना लोप्पा बाधा वाटना, विद्रोह भड़के कियानोर किन वेने जरूर सज़ा हियाना। ओरू बद विद्रोह ता नेतृत्व कियानूर अदिन खत्म कीयाना जिम्मेदारी चीनी जनता ना क्रांतिकारी फौजी कमीशन ता मंदिता।

**अनुच्छेद-2.** - रेंडासी पक्ष चीन पोरो आक्रमण कितोर, जापानी युद्ध अपराधी यासूजी ओकामूरा किन निरपराध घोषित कीसि चीन गणराज्य ता 38वा साल किन 26 जनवरी ते रिहा कीयाना ओसो अदे साल 31 जनवरी ते 260 बाकी जापानी युद्ध अपराधिर किन ओरा देश जापान लोहना अनुमति हियाना नानकिंग राष्ट्रीय सरकार कित्ता निर्णयकु गलत मत्ता, इंजी घोषणा कीयाना।

## धारा-2

**अनुच्छेद-3** रेंडासी पक्ष चीन गणराज्य ता 35 वी साल ता नवम्बर ते नानकिंग क्वोमिंगतांग सरकार केयता “राष्ट्रीय एसेम्बली” ते स्वीकार कित्ता “चीन गणराज्य ता संविधान” तुन रद्द कीयाना इंजी घोषणा कीतांग।

**अनुच्छेद-4** “चीन गणराज्य ता संविधान” रद्दा आत्ता पेरके चीनी राज्य ओसो जनता पालन कियाला काजे बुनियादी कानून ता पूना राजनीतिक सलाहकार सम्मेलन ओसो जनवादी संयुक्त सरकार ता प्रस्ताव कुना अनुसारे निर्णय कीयाना।

## धारा-3

**अनुच्छेद-5** रेंडासी पक्ष नानकिंग राष्ट्रीय सरकार ता सत्ताधिरा किन रद्द कियमूझायर इंजी घोषणा कीतांग।

**अनुच्छेद-6** जन मुक्ति सेना (पीएलए) एवसी अधिकार कित्ता सब्बे जागा ने जनवादी संयुक्त सरकार स्थापना पेरके जनता ना जनवादी सत्ता स्थापना कियमूझायर ओसो सब्बे प्रतिक्रियावादी कानून ओसो आदेश कुन रद्द कीयाना आयार।

## धारा-4

**अनुच्छेद-7** रेंडासी पक्ष नानकिंग राष्ट्रीय सरकार ता सब्बे सशस्त्र ताकत (भूम सेना, एर सेना, वायु सेना, सशस्त्र पुलिस कोर, सुधार-पुलिस कोर, स्थानीय सेनांग, सब्बे सैनिक प्रतिष्ठान, कारखानांग ओसो पृष्ठभागीय सेवा-संस्थांग) जनवादी नियमानुसार जन मुक्ति सेना (पीएलए) लेक्का पुनर्गठित कियमूझायर इंजी घोषणा कीतांग। अंदरूनी शांति-समझौता पोरो हस्ताक्षर आत्ता तुरंत पुनर्गठन ता काम पोय्यला काजे उंदी राष्ट्रीय पुनर्गठन समिति स्थापना कीयाना। पुनर्गठन समिति ता सात तल नौ सदस्य मंदानूर, ताना लोप्पा नानकिंग राष्ट्री सरकार 4-5 सदस्य लोरा चुनाव कीयार: जनता ना क्रांतिकारी फौजी कमीशन चुने कित्ता सदस्य लोरा लोप्पा वरोर सदस्य समिति ता अध्यक्ष ओसो नानकिंग राष्ट्रीय सरकार चुने कित्ता सदस्य लोरा लोप्पटल वरोर उपाध्यक्ष मंदानूर। बेगा जन मुक्ति सेना (पीएलए) एवसी कब्जा कित्ता अगा जरूरत अनुसार पुनर्गठन समिति

ता क्षेत्रीय उप-समिति बने कियमूङांता। अव उप समितिं लोप्पा रेंडासी पक्ष ता सदस्य लोरा संख्या ता अनुपात ओसो अविना अध्यक्ष-पद ओसो उपाध्यक्ष पद ता बंटवारा राष्ट्रीय पुनर्गठन समिति लेक्का ने मंदियार। उंदी पुनर्गठन समिति एर सेना काजे मंदियार अनि उंदी वायू सेना काजे। बेगटा प्रशासन इंजे नानकिंग राष्ट्रीय सरकार कैदे मंता अगा जनमुक्ति सेना हंजी कब्जा कीयाना बारे सब्बे निर्णयकु चीनी जनता ना क्रांतिकारी फौजी कमीशन बगिल तल जारी कित्ता आदेश ते आयर। नानकिंग राष्ट्रीय सरकार ता सशस्त्र सेनांग जन मुक्ति सेना (पीएलए) ता प्रतिरोध कीयाना अनुमति मन्नो आयार।

**अनुच्छेद-8** रेंडासी पक्ष हर इलाका लोप्पा पुनर्गठन योजना किन रेंडु चरण ते लागू कीयाना इंजी सहमत मंता।

**मुद्दा:-1 पहली चरण - एकीकरण ओसो नव निर्माण।**

1. नानकिंग राष्ट्रीय सरकार ता सब्बे सशस्त्र सेनांग (भूम सेना, एर सेना, वड़ी सेना, सशस्त्र पुलिस कोर, कम्युनिकेशन-पुलिस कोर ओसो स्थानीय सेनांग) किन जमा कीसि पूना तरीका ते बने कीयाना। पूना निर्माण इगा वेहता लेक्का मंदियर:- पुनर्गठन समिति, स्थानीय परिस्थितिं पोगो आधार आसी अगाटा सब्बे सशस्त्र सेनांग किन जन मुक्ति सेना (पीएलए) इलाकेवार ओसो मंजिलवार पेरके गुचसोरे मूल पोरोल, तम्मा मूल सेना-फारमेशन ओसो तम्मा मूल संख्या अनुसार एकीकरण ओसो पूना निर्माण काजे तय कित्ता जागा ते एवना इंजी आदेश हियार।
2. जन मुक्त सेना एवसी कब्जा कीयाना मुन्ने नानकिंग राष्ट्रीय सरकार ता सब्बे सशस्त्र सेनांग तम्मा डेरांग (सुडल-बेहरा शहर, महत्वपूर्ण कम्युनिकेशन-मार्ग ओसो डोड्डांग, समुद्री बंदरगाह ओसो ग्रामीण) स्थानीय व्यवस्था कीसि तासना, अगा तोडफोड कार्रवाई आयला हियनायो।
3. पोरो वेहता जागा ने जन मुक्त सेनांग एवसी कब्जा कित्ता तुरंत नानकिंग राष्ट्रीय सरकार ता सशस्त्र सेनांग पुनर्गठन समिति ओसो

अदिना उपसमिति ना आदेशकुना अनुसार इव जागांग किन शांतिपूर्ण तरीका ते सौपे कीसि तय कित्ता जागा ने दाया लागियर। तय कित्ता जागा ने दायनास्के ओसो अगा एवतास्के नानकिंग राष्ट्रीय सरकार ता सशस्त्र सेनांग किन अनुशासन ता सख्त पालन किया लागियर अनि स्थानीय व्यवस्था ते बदे बाधा वाटना अनुमति मन्नो।

4. पुनर्गठन समिति ओसो अदिना उप-समिति ता आदेश ते नानकिंग राष्ट्रीय सरकार ता सशस्त्र सेनांग तम्मा मूल जागा विड़सतास्के अगाटा स्थानीय पुलिस लेवेके शांति-रक्षा कोर ता दस्ता अगाटल गुचवा लेवा स्थानीय शांति व्यवस्था बने कियाला जिम्मेदार मंदानुंग अनि जन मुक्ति सेना (पीएलए) ता आदेश कुन पाल किया लागियर।
5. नानकिंग राष्ट्रीय सरकार ता सशस्त्र सेनांग उंदी जागा तल दूसरा जागा ते गुचिह कीतेके लेवेके जमा किया मंतोमा। अदिना काजे अनाज, चारो, तारला काजे कामरांग, गेत्तेंग ओसो बाकी फौजी जरूरत किन सप्लाई सामान हियाना जिम्मेदारी पुनर्गठन समिति, अदिन उप-समितिंग ओसो स्थानीय सरकार मंदियार।
6. अलग-अलग इलाकांग ना ठोस परिस्थिति अनुसार, पुनर्गठन समिति ओसो अदिना उप-समिति नानकिंग राष्ट्रीय सरकार ता अधिकारि किन तम्मा सब्बे सैनिकि प्रतिष्ठान (राष्ट्रीय प्रतिरक्षा मंत्रालय तल पोयसी पृष्ठभागीय सेनांग ना संयुक्त डेरांग एवनल सब्बे प्रतिष्ठान, विद्यालय, कारखाना, गोदाम), सब्बे सैनिक संस्थान ( एर सैनिक बंदरगाह, किला, वड़ी सैनिक कैपकु) ओसो सब्बे फौजी सामग्री जन मुक्ति सेना (पीएलए) किन ओसो अलग-अलग जागा ने अदिन सैनिक नियंत्रण कमीशन किन इलाकावार ओसो मंजिलवार सौपे कीयाना।

### मुद्दा:- 2 दूसरा चरण- इलाकेवार पुनर्गठन।

1. नानकिंग राष्ट्रीय सरकार ता भूम सेना (पैदल सेना, घुड़सवारी सेना, विशेष सैन्य-दल, सशस्त्र पुलिस कोर, कम्युनिकेशन-पुलिस कोर ओसो स्थानीय सेनांग) तय कित्ता जागा ने इलाकेवार ओसो

मंजिलवार एवतास्के अविन एकीकरण ओसो नवनिर्माण कित्ता परेके अलग-अलग इलाका ना ठोस परिस्थिति अनुसार पुनर्गठन समिति इलाकेवार पुनर्गठन योजनांग लागू कियार। पुनर्गठन इद्रम मंदियर - एकीकरण ओसो नव निर्माण परेके सब्बे भूम सेनांग जन मुक्ति सेना (पीएलए) ता जनवादी व्यवस्थ ओसो नियमित ढांचा अनुसार नियमित ढांचा लेक्का पुनर्गठित कियार। सिपाही लोरा जांच कीसि कमजोरी लेवेके लंगड़-लूला आतेके ओरकिन रिटायर कीयाना अनि खुद रिटायर आयनोर ओसो खुद बदे काम चुन कीयाना अफसर ओसो नान-कमीशन अफसर लोरा समस्या हल कीयाना जिम्मेदारी पुनर्गठन समिति ओसो उप-समितिंग एतितांग। हर मानेय पिस्वल-पिस्सना बोर्ने साधन हिल्ला कारण ते गलत काम कीयानायो इंजी समितिंग ओरकिन लोन वापिस लोहना सुविधा ओसो पिस्वल पिस्सना साधन हियानुंग।

2. नानकिंग राष्ट्रीय सरकार ता एर सेना ओसो वड़ी सेना तय जागा ते इलाकेवार ओसो मंजिलवार एवतास्के एविना एकीकरण ओसो नव निर्माण कार्य पूरा कित्ता परेके एर सेना, वड़ी सेना ता पुनर्गठन समितिंग जन मुक्ति सेना ता जनवादी व्यवस्था अनुसार अविना मूल पोरोल, मूल सेना ता फारमेशन ओसो मूल संख्या अनुसार पुनर्गठन कियार।
3. नानकिंग राष्ट्रीय सरकार ता सब्बे सशस्त्र सेनांग किन जन मुक्त सेना ते पुनर्गठित आत्ता परेके अनिवार्य रूप ते जन मुक्ति सेना (पीएलए) ता अनुशासन ता मूंड मुख्य नियमकु ओसो ध्यान हियाना लेक्कटा 8 पोल्लोग गटीग पालन किया लागियर। जन मुक्त सेना ता फौजी ओसो राजनीतिक व्यवस्था ता ईमानदारी ते पालन किया लागियर। इविन उल्लंघन कीयाना अनुमति हिल्ले।
4. पुनर्गठन परेके रिटायर आत्ता अफसर ओसो सिपाही लोर किन स्थानीय जनताना सरकारकु सम्मान कीयाना अनि जनताना सरकार ता कानून ओसो आदेश कुना पालन किया लागियार। स्थानीय

जनताना सरकारकु ओसो अलग-अलग जागा ना जनता ना रिटायर  
अफसर, सिपाही लोरा सम्मान कियार अनि ओरा खिलाफ बदे  
भेदभाव व्यवहार कीवो आयार।

**अनुच्छेद- 9**, अंदरूनी शांति-समस्यांग पोरो हस्ताक्षर आत्ता तुरंत  
नानकिंग राष्ट्रीय सरकार सब्बे सशस्त्र ताकत कुन सिपाही लेवेके दूसरा  
कर्मचारि किन लामबंद लेवेके भर्ती कीयाना बंद कियार। ओरु तम्मा  
शस्त्रास्त्र, गोलाबारूद, साजो-सामान, सैनिक प्रतिष्ठान, संस्थान ओसो  
फौजी सामग्री ना सुरक्षा काजे जिम्मेदार मंदानुर। बदे वेने सामान ता  
बरबादी, चोरी कीयाना, हेरफेरी कीयाना अनुमति मन्नो आंता।

**अनुच्छेद- 10**, अंदरूनी शांति समझौता पोरो हस्ताक्षर आत्ता पेरके  
नानकिंग राष्ट्रीय सरकार सशस्त्र ताकत कुना लोप्पाटल बदे वेने पुनर्गठन  
योजना तुन लागू कियाला इनकार कीतेके नानकिंग राष्ट्रीय सरकार  
पुनर्गठन योजना तुन जबरदस्ती लागू कियाला जन मुक्ति सेना (पीएलए)  
ता सहायता किया लागियर। अस्के ने पुनर्गठन योजना किन सही तरीका  
ते लागू कीयाना गारंटी हियमूझायर।

#### धारा-5

**अनुच्छेद- 11** रेंडासी पक्ष नानकिंग राष्ट्रीय सरकार ता शासन काल  
ते राजनीतिक विशेषाधिकार ओसो ताकत संगे दोरकी कित्ता लेवेके  
कब्जा कित्ता सब्बे नौकरशाही पूंजीवादी कारोबार (बैंक, कारखाना,  
खदान, जलयान, कम्पनिंग ओसो दुकानकु) जब्त कीसि राज्य ता सम्पत्ति  
बने कियाला सहमति हींतांग।

**अनुच्छेद-12** जन मुक्ति सेना (पीएलए) इंजे एवताद हिल्वा  
इलाकांग लोप्पा **अनुच्छेद 11** ते वेहता नौकरशाही-पूंजीवादी कारोबार  
ओसो सम्पत्ति ता देखरेख ता जिम्मेदारी नानकिंग राष्ट्रीय सरकार ता  
मंदिता। इदिना लोप्पा बदे धोखाधड़ी, हेराफेरी ता अनुमति मन्नो आंता।  
मुन्ने ने बदली कित्ता सम्पत्ति बेगा मत्ताने तासना, पेरके अदिन बदली  
कीयाना लेवेके विदेश लोहना लेवेके नुकसान कीयाना अनुमति इनपडे

हिल्ले। विदेश ते मत्ता नौकरशाही पूंजीवादी कारोबार ओसो सम्पत्ति किन सरकारी सम्पत्ति घोषित कियमूझायर।

**अनुच्छेद 13** जन मुक्ति सेना (पीएलए) हंजी अधिकार कित्ता इलाकांग लोप्पा नौकरशाही पूंजीवादी कारोबार ओसो सम्पत्ति किन **अनुच्छेद 11** ते वेहता लेक्का स्थानीय सैनिक नियंत्रण कमीशन लेवेके जनवादी संयुक्त सरकार जब्त कीयाना। तना लोप्पा बदे निजी शेयर मत्तेके अदिना जांच आयार, जांच लोप्पा अवु गुप्त रूप ते बदले कित्ता नौकरशाही पूंजी ते शामिल आयवा पूरा निजी शेयर मत्तेके अविन निजी शेयर ता मान्यता हियमूझायर। अनि अविना मालिक किन शेयर-होल्डर बने कीयाना लेवेके तम्मा शेयर तेंडना अनुमित हियमूझायर।

**अनुच्छेद 14** नानकिंग राष्ट्रीय सरकार ता शासन काल तुकू मुन्ने तले ताकना ओसो तानकु मुन्नेटल ताकना मध्यम ओसो राष्ट्रीय अर्थव्यवस्था ओसो जनता ना पिस्वल तुकू नुकसान आयवा नौकरशाही पूंजीवादी कारोबार कुन जब्त कीयानायो। मति इव कारोबार ओसो सम्पत्ति लोप्पा वेने कारोबारी लेवेके सम्पत्ति मालिक लोरा लोप्पा बेहरा अपराधी ओसो प्रतिक्रियावादी मंदानोरा सम्पत्ती तुन जब्त कीयाना।

**अनुच्छेद 15** जन मुक्ति सेना (पीएलए) हंजी कब्जा कियवा शहर कुना लोप्पा जनता ना जनवादी ताकत ओसो ओरा गतिविधिं ना रक्षा ता जिम्मेदारी नानकिंग राष्ट्रीय सरकार ता प्रांतीय म्युनिसिपल, काउंटी सरकार पोरो मंदिता अनि अव सरकारकु अव ताकत कुना पोरो ओसो अविना कामकाज पोरो दमन कीयाना लेवेके नुकसान कीयाना अनुमति मनो आंता।

## धारा -6

**अनुच्छेद-16** रेंडासी पक्ष चीन ता ग्रामीण इलांग लोप्पा भूमि मालिकाना व्यवस्था लोप्पा तीरम-तीरम सुधार कित्ता। जन मुक्ति सेना (पीएलए) हत्ता पेरके लगान ओसो सूद कम कित्ता पेरके जमीन ता बंटवारा आयार।

**अनुच्छेद 17** जन मुक्ति सेना (पीएलए) हंजी कब्जा कित्ताद हिल्वा इलाकांग लोप्पा किसान संगठन ओसो ओरा कामकाज ता रक्षा कीयाना जिम्मेदारी नानकिंग राष्ट्रीय सरकार ता स्थानीय सरकार कुना मंदिता। इव संगठन कुन ओसो अविना कामकाज पोरो दमन कीयाना लेवेके नुकसान कीयाना अनुमति सरकार तुन हिल्ले।

#### धारा- 7

**अनुच्छेद 18** रेंडासी पक्ष नानकिंग राष्ट्रीय सरकार ता शासन-काम ते विदेशी राज्य संगे आत्ता सब्बे समझौतांग ओसो सब्बे खुल्ला, गुप्त राजनीतिक दस्तावेज ओसो कागजात कुन नानकिंग राष्ट्रीय सरकार जनवादी संयुक्त सरकार किन सौपे कीयाना अनि जनवादी संयुक्त सरकार अविना जांच कीयाना। चीनी जनता ओसो अदिना राज्य अधिकार कुन वमसियाना सब्बे विपक्षी समझौतांग कुन रद्द कीयाना लेवेके संशोधित कीसि अविना जागा ते पूना समझौतांग कीयाना।

#### धारा-8

**अनुच्छेद 19** रेंडासी पक्ष अंदरूनी शांति समझौता पोरो हस्ताक्षर कित्ता पेरके, जनवादी संयुक्त सरकार बनेमायना मुन्ने नानकिंग राष्ट्रीय सरका ओसो य्वान, मंत्रालय, बाकी संस्थान तम्मा काम अस्थाई रूप ते जारी तासानुंग मति राजकाल ते अव चीनी जनताना क्रांतिकारी फौजी कमीशन संगे सलाह एता लागियर अनि जन मुक्ति सेना (पीएलए) विभिन्न इलाकांग पोरो कब्जा कियाला ओसो नानकिंग राष्ट्रीय सरकार बदले कीयाना विषय कुना लोप्पा जन मुक्ति सेना (पीएलए) ता सहायता किया लागियार। जनवादी संयुक्त सरकार बनेमातेके नानकिंग राष्ट्रीय सरका तुरंत जनवादी संयुक्त सरकार किन सत्ता सौपे कियार इंजी घोषणा कियार।

**अनुच्छेद 20** नानकिंग राष्ट्रीय सरकार ओसो विभिन्न स्तर ते अदिना स्थानीय सरकार ओसो ताना दोड़ ता सब्बे अंश कुन सत्ता सौपे कीतेके जन मुक्ति सेना (पीएलए), स्थानीय जनताना सरकार ओसो चीन ता जनवादी संयुक्त सरकार, पूर्वोत्तर सरकार कुना कर्मचारिना लोप्पटल देशभक्त ओसो जरूरी मत्ता सब्बे लोकुर किन भर्ती कीयाना।



**अनुच्छेद 21** जन मुक्ति सेना (पीएलए) हंजी कब्जा कीयाना जोम नानकिंग राष्ट्रीय सरकार ओसो प्रांत, म्युनिसिपल, काउंटिंग लोप्पा मत्ता स्थानीय सरकार, तम्मा इलाकांग लोप्पा शांति व्यवस्था तासना, सब्बे सरकारी संस्थांग ओसो राजकीय मालिकाना वाले सब्बे कारोबार (बैंक, कारखाना, खदान, रेलवे-लाईन, डाकघर, हवाई जहाज, जलयान, कम्पनिंग, मालखाना ओसो सब्बे कम्युनिकेशन-सुविधांग) ओसो बाकी चल-अचल सरकारी सम्पत्ति ता जिम्मेदारी मंदियर। बदली कित्ता, मकिह कित्ता, कित्ताब, कागजात, पाड़ना सामान, बेहरा मोला मंदना पादार्थ, सोना-चांदी, विदेशी मुद्रा ओसो सब्बे सम्पत्ति, परिसम्पत्ति बेगा मत्तेके अगाने तासना अनि जन मुक्ति सेना (पीएलए) कैदे वायना जोम अविन अगाने मंदाला हियाना। विदेश लोहता लेवेके शुरू तले विदेश ते मत्ता सम्पत्ति वापिस तच्ची अदिना रक्षा कीयाना जिम्मेदारी नानकिंग राष्ट्रीय सरकार ता मंदिता अनि इद सम्पत्ति तुन सौंपे कियाला तैयार मंदाना।

**अनुच्छेद 22** जन मुक्ति सेना (पीएलए) हंजी अधिकार कित्ता इलाकांग लोप्पा पूरा सत्ताधिकार, सरकारी सम्पत्तिंग, परिसम्पत्तिंग किन स्थानीय सैनिक नियंत्रण कमीशन, स्थानीय जन-सरकारी लेवेके संयुक्त सरकार कैदे मत्ता संस्थान कु तम्मा कैदे पोय्यना।

**अनुच्छेद 23** अंदरूनी शांति समझौता पोरो नानकिंग राष्ट्रीय सरकार ता प्रतिनिधिमंडल ता हस्ताक्षर आत्ता पेरके अद सरकार बगिल तल लागू कित्ता पेरके चीनी कम्युनिस्ट पार्टी ता प्रतिनिधिमंडल पूना राजनीतिक सलाहकार सम्मेलन ता तैयार कमेटी मुन्ने नानकिंग राष्ट्रीय सरकार किन देशभक्त लोकर किन प्रतिनिधि लेक्का इद सम्मेलन ते लोहना अनुमति हियाना इंजी प्रस्ताव तासना जिम्मेदारी एतियर। तैयारी कमेटी स्वीकार कित्ता पेरके नानकिंग राष्ट्रीय सरकार ता प्रतिनिधिर पूना राजनीतिक सलाहकार सम्मेलन लोप्पा हिस्सा एतानूर।

**अनुच्छेद 24** नानकिंग राष्ट्रीय सरकार पूना राजनीतिक सलाहकार सम्मेलन ते तम्मा प्रतिनिधि लोहता पेरके चीनी कम्युनिस्ट पार्टी अद सम्मेलन मुन्ने एकता काजे नानकिंग राष्ट्रीय सरकार ता देशभक्त लोकरा

तय संख्या ते जनवादी संयुक्त सरकार लोप्पा शामिल कीयाना इंजी प्रस्ताव तासियर।

रेंडासी पक्ष ता प्रतिनिधिमंडल माटू इद समझौता पोरो हस्ताक्षर कीयाना जिम्मेदारी चीनी जनता मुक्त आयना ओसो चीनी राष्ट्र स्वाधीन ओसो आजाद आयना, युद्ध जल्दी रोमना ओसो शांति स्थापित आयाना इंजी ऐलाना कीतोम। इद्रम कीतेकेने राष्ट्रव्यापी स्तर उत्पादन ओसो निर्माण ता महान काम शुरू आयार अनि मावा देश, मावा जनता तीरम-तीरम विकसित, शक्तिशाली अनि बेसता पिस्वल दोरकी कियार। इद समझौता पूर्ण रूप ते लागू कियाला काजे पूरा देश ता जनता उंदी जीवा आसी संघर्ष कियार इंजी आशा कीतोम। हस्तारक्षर आत्ता पेरके तुरंत इद लागू आयार।

# चीनी जन मुक्ति सेना (पीएलए) ता घोषणा

25 अप्रैल 1949

क्वोमिंगतांग प्रतिक्रियावादिर् शांति शर्त कुन नामंजूर कितोर, ओरु राष्ट्र ओसो जनता ना विरुद्ध युद्ध जारी कीयाना अपराध ता जिद्द किया मंतोरा पूरा देश ता जनता जन मुक्ति सेना (पीएलए) वेल्ले जल्दी क्वोमिंगतांग प्रतिक्रियावादिर् किन खत्म कीयाना इंजी आशा किया मंता। माटू जन मुक्ति सेना (पीएलए) किन बहादुरी संगे मुन्ने हंजी प्रतिरोध कीयाना, सब्बे प्रतिक्रियावादी क्वोमिंगतांग सेनांग किन खत्म कीयाना इंजी आदेश हींतोमा। सुधरेमायवा सब्बे युद्ध अपराधिरकिन गिरफ्तार कीयाना, पूरा देश ता जनता किन मुक्त कीयाना, चीन ता प्रादेशिक भूमि ओसो सत्ता, अखंडता किन रक्षा कीयाना ओसो देश ता सही एकीकरण कीयाना इंजी आदेश हींतोमा। माटू जन मुक्ति सेना (पीएलए) बेगाने हत्तेकाई सब्बे रकम ता जनता अदिना समर्थन कियार इंजी आशा कींतोमा। इद घोषणा संगे माटू पूरा जनता कलियसी पालन कीयाना दोड़ रास्ता 8 सुत्र कुना किरिया कींतोमा।

1. पूरा जनता ना जान-माल ता रक्षा कीयाना। सब्बे रकम ता जनता, अदु बदे वर्ग ता मत्तेकाई, बदे पेशा ता मत्तेकाई बदे गड़बड़ कियवा लेवा जन मुक्ति सेना (पीएलए) ता सहयोग कियार इंजी आशा कींतोमा। जन मुक्ति सेना (पीएलए) वेने सब्बे रकम ता जनता ना सहयोग कीयाना। मौका ता फायदा एतसी गड़बड़ कीयाना, लूटपाट कीयाना, तोड़फोड़ कीयाना सब्बे प्रतिक्रांतिकारी किन जरूर सजा हियार।
2. राष्ट्रीय पूंजीपति वर्ग ता उद्योग, वाणिज्य, कृषि ओसो पशुपालन संबंध ता कारोबार कुना रक्षा कीयाना। निजी मालिकाना वाले सब्बे

कारखाना, दुकान, बैंक, माल-गोदाम, एर जहाज, जहाज-गाटूम, कृषि-फार्म, पशु-फार्म ओसो बाकी कारोबार कुन बचे कीयाना। सब्बे रकम ता मजदूर ओसो कर्मचारीर हमेशा लेक्का उत्पादन जारी तासनूर अनि सब्बे दुकान हमेशा लेक्का तेरियसी तासानूर इंजी आशा कीतोमा।

3. नौकरशाही पूंजी किन जब्त कीयाना। प्रतिक्रियावादी क्वमिंगतांग सरकार ओसो बेहरा-बेहरा नौकरशाहिर ताकी कीयाना सब्बे कारखाना, दुकान, बैंक, माल-गोदाम, एर जहाज, जहाज-गाटूम, रेलवे, डाक, बिजली, टेलीफोम, कृषि-फार्म, पशु-फार्म ओसो बाकी कारोबार कुन जनताना सरकार तन्न कैदे पोय्यना। इव कारोबार कुना लोप्पा मत्ता निजी शेयर उद्योग, वाणिज्य, कृषि लेवेके पशुपालन काम ते मत्ता राष्ट्रीय पूंजीपतिरा मत्तेके ओरा मालिकाना बारे जानकारी दोरकी कित्ता पेरके ओरकिन मान्यता हियमूझायारा। नौकरशाह-पूँजपतिरा कारोबार कुन जनताना सरकार तन्ना कैदे पोय्यना, इव कारोबार कुना सब्बे कर्मचारिर किन तम्मा पद तेने मंदा लागियर अनि सब्बे परिसम्पत्ति मशीनरी, चार्ट, बही-खाता, रिकार्ड कुना जांच-पड़ताल कीयाना ओसो अविना जिम्मेदारी एता लागियर। इदिन सही भूमिका निभे कियानोर किन इनाम हियाना अनि तोड़फोड़ कीयानारो किन सजा हियाना। जनताना सरकार कैदे जिम्मेदारी वात्ता पेरके वेने बोरु काम कीसोर मंदानूर ओरकिन ओरा क्षमता अनुसार रोजगार हियमूझायारा।
4. सब्बे सरकारी ओसो निजी विद्यालय, अस्पताल, सांस्कृतिक, शैक्षणिक विभाग, खेलकूद ता मैदान ओसो बाकी सब्बे जन कल्याण कुना रक्षा कीयाना। इव विभाग कुना कर्मचारिर तम्मा काम किसोर मंदानूर इंजी आशा कीतोमा। जन मुक्ति सेना (पीएलए) ओरा रक्षा कियारा।
5. सुधरेमायवा युद्ध अपराधिर ओसो वेल्ले बेहरा अपराध कित्ता प्रतिक्रांतिकारीर किन विड़चसी क्वोमिंगतांग केंद्रीय, प्रांतीय,

म्युनिसिपल ओसो काउन्टी सरकार कुना बदे वेने सुडला-बेहरा अधिकार “राष्ट्रीय एसेम्बली” ता प्रतिनिधि, विधान खान ओसो नियंत्रण खान ता सदस्य, राजनीतिक सलाहकार परिषद ता बोरे वेने सदस्य, पुलिस अधिकारी ओसो जिला, नार, श्यांग लेवेके पाओ-च्या ता अफसर किन ओरु बस्के एवनल सशस्त्र प्रतिरोध कीवोर, तोड़फोड़ कीवोर, साजिश कीवोर अस्के एवनल जन मुक्ति सेना (पीएलए) ओसो जनताना सरकार नजरबंद, गिरफ्तार लेवेके अपमान कीवो आयारा। वीर सब्बे लोकरु किन जिम्मेदारी एतला तम्मा-तम्मा काम कियाला, जनमुक्ति सेना ओसो जनताना सरकार कुना आदेश कुना पालन कीयाना ओसो तम्मा-तम्मा ऑफिस ता परिसम्पत्ति ओसो रिकार्ड कुन सुरक्षित तासना जिम्मेदारी एतना इंजी आदेश हींता। जनताना सरकार वीरा लोप्पा बदे रकम ता काम ते खुद किन निपुण कीयाना लेवेके बदे गंभीर प्रतिक्रियावादी कार्रवाई लेवेके बदे अपराध कियवा मंदानोर किन चुने कीयाना अनुमति हींता। वीरा लोप्पटल मौका ता फायदा एतसी, तोड़फोड़, चोरी-गबन कियनोर, बदे सार्वजनिक निधि, परिसम्पत्ति लेवेके रिकार्ड पोयसी वित्तानोर, हिसाब-किताब हियाला इनकार कियानोर किन सजा हियाना।

6. शहर ओसो ग्रामीण इलाका लोप्पा शांति ओसो सुरक्षा ता गारंटी एतला काजे, सार्वजनिक व्यवस्था मत्ता लेक्का तासला काजे, सब्बे आवारा ओसो बिखरेमासी मत्ता सिपाही लोर तम्मा-तम्मा इलाका ते जन मुक्ति सेना (पीएलए) लेवेके जनताना सरकार मुन्ने आत्मसमर्पण कीयाना। तम्मा विचार ते इद्रम कीतेके ओसो सब्बे हथियार सौंपे कीतेके ओरा खिलाफ कार्रवाई आयो आयरा। इद्रम कीयाना इनकार कियानोर ओसो तम्मा हथियार मकिह कियानोर किन गिरफ्तार कीसि जांच-पड़ताल कीयाना। आवारा ओसो बिखरेमासी मत्ता सिपाही लोर किन जागा ओसो अधिकारिगा इद्रम तोरा बारे ते सूचना हियवा मंदानोर किन सजा हियाना।

7. ग्रामीण इलाका ता भूस्वामि-सामंती प्रथा गलत मंता, इदिन तेहकसी वाटना। इद प्रथा किन पूरा तैयार आत्ता पेरके ओसो तीरम-तीरमे तेहकसी वाटमूडायर। साधारण रूप ते मुन्ने लगान ओसो सूद कम कीयाना पेरके जमीन ता बंटवारा कीयाना। बदे जागा ते जन मुक्ति सेना (पीएलए) एवसी वेल्ले दिव्यंग काम कित्ता पेरकेने भूमि समस्या किन बेस हल किया परितोम। आम किसान लोर संगठित आसी रक-रकम ते शुरुआती सुधार लागू कियाला जन मुक्ति सेना (पीएलए) ता मदद कीयाना। तम्मा खेतीबाड़ी ते वेने ओरु कड़ी मेहनत कीयाना। तम्मा वर्तमान उत्पादन स्तर तुन बेरसी कीयाना अनि तम्मा रहन-सहन स्तर तुन सुधरे कीयाना। शहर कुना जनता काजे अनाज सप्लाई वेने कीयाना। शहरी जमीन ओसो बिलिडंग कुना समस्यांग ग्रामीण इलाका ता जमीन ता समस्या लेक्का हल कियमूडायो।
8. विदेशी नागरिक लोरा जान-माल ता रक्षा कीयाना। बोरे वेने विदेशी नागरिक लोर तम्मा काम ते हमेशा लेक्का कीसोर मंदाना ओसो व्यवस्था ता पालन कीयाना। सब्बे विदेशी नागरिक लोर जन मुक्ति सेना (पीएलए) ओसो जनताना सरकार ता आदेश का पालन कीयाना, खुद किन जासूस लेक्का ओसो चीन ता राष्ट्रीय स्वाधीनता, जनता ना मुक्ति काम ता विरोध कीयाना कार्रवाइंग निगडल जेक तासना। संगेने चीन ता युद्ध अपराधिर, प्रतिक्रांतिकारी ओसो कानून भंग कियानोर किन जागा हियानायो। लेवेके जन मुक्ति सेना (पीएलए) ओसो जनताना सरकार ओरा किलाफ कानूनी कार्रवाई कियार।

जन मुक्ति सेना (पीएलए) सख्त अनुशासन ते मंदाना। बातालाई अस्सतेके अदिना सही कीमत हियाना। बातलाई वम्मतेके अदिना सही कीमत पोय्यना अनि जनता तल उंदी सुई लेवेके उंदी तुकड़ा धागा वेने मुफ्त पोय्यना अधिकार हिल्ले। पूरा देश ता जनता शांतिपूर्ण पिस्वल पिसियर ओसो कामकाज कियार, इंजी आशा कीतोम। अदु बदे गलत प्रचार, अफवाह पोरो ध्यान हियाना आयो ओसो झूठा खतरा ता प्रचार

कीयाना आयो इंजी आशा कित्तोम। इद घोषणा पूरा जीवा कीसि सही  
ओसो ईमानदारी ते जारी किया मंतोम।

माओ त्सेतुंग  
अध्यक्ष चीनी जनता ना  
क्रांतिकारी फौजी कमीशन  
चूत तेह  
कमांडर-इन-चीफ  
चीनी जन मुक्ति सेना (पीएलए)

# ब्रिटिश युद्धपोत कुना नृशंतापूर्ण कार्रवाई<sup>1</sup> ना बारे ते चीनी जन मुक्ति सेना ता

जनरल हेडक्वार्टर ता प्रवक्ता ना स्टेटमेंट<sup>\*1</sup>

30 अप्रैल 1949

माटू युद्ध काजे बय्याल आत्तोर चर्चिल ना लबड़ता स्टेटमेंट ता खंडन कीतोमा 26 अप्रैल ते ब्रिटिश हाइस आफ कामन्स लोप्पा चर्चिल ब्रिटिश सरकार किन तन्ना जहाज कांजना रेंडु एर जहाज दूरपूर्व ते लोहना इंजी मांग कींतोर। इद्रम मांग कीसि ओरु “बदला तेंडना मजबूत ताकत” बनेमायना इंजी आल्सतोर। चर्चिल साहब, बारांकु “बदला एता” मंतिर मीरू? ब्रिटिश युद्ध पोत (युद्ध लोप्पा शामिल आयना बेहरा एरु जहाजकु, अनु.) क्वोमिंगतांग युद्धपोत संगे कलियसी, चीनी जन मुक्ति सेना ता प्रतिरक्षा इलाका ते अतिक्रमण कित्ता अनि चीन जन मुक्ति सेना पोरो गोलाबारी कित्ता। इद्रम मावा 252 ईमानदार, बहादूर योद्धा लोर किन नुकसान कित्ता। अंग्रेज लोर चीन पोरो अधिकार हिल्लाए नेंगसी वेल्ले अपराध कित्तोर। अदिन काजे चीन जन मुक्ति सेना मुन्ने ओरु ब्रिटिश सरकार तन्ना गलती मानेमायना, अनि हरजाना हियाना इंजी मांग कीयाना कारण मंता। मीटू चीनी जन मुक्ति तुकू “बदला एतला” काजे मीवा फौजकु चीन ते लोहना जागा ते मीटू पोरो वेहता लेक्का कीतेके बेस आयरा। प्रधान मंत्रि एटली ना स्टेटमेंट वेने गलत मंता।<sup>2</sup> ओरु ब्रिटिश किन चीन ता

---

<sup>1</sup> इदु स्टेटमेंट कामरेड माओ त्सेतुंग चीनी जन मुक्ति सेना (पीएलए) ता जनरल हेडक्वार्टर ता प्रवक्ता ना काजे रासिस मत्तोर। इदिन लोप्पा बदे वेने धमकी तुकू वेरियवा लेवा साम्राज्यवादी आक्रमण ता दृढ़ता ते विरोध कीयाना चीनी जनता ना गंभीर दृष्टिविंदू पेश कित्ताद मत्ता। इदिना लोप्पा जल्दिए स्थापना कीयाना पूना चीन काजे विदेश नीतिंग वेने तय कीसि मत्तोर।



यागत्सी डोड्डा ते तम्मा युद्ध पोत लोहना अधिकार मंता, यांगत्सी बेरेड चीन ता उंदी अंतरराष्ट्रीय जलमार्ग आंदू इंजी वेहत्तोरा ताना लोप्पा तम्मा युद्धपोत लोहना अधिकार अंग्रेज लोरकिन बद्रम दोरकता? मीकिन इद्रम कीयाना अधिकार हिल्ले। चीनी जनता जरूर तन्ना प्रादेशिक भूमि ओसो सत्ता ता रक्षा कियार, विदेशी सरकार किन अतिक्रमण कीयाना अधिकार हिल्ले। एटली इत्तोर - जन मुक्ति सेना (पीएलए) “इद जहाज, (एमेथिस्ट) किन नानकिंग दायला हियाला तैयार मंता, इद्रम सिर्फ यांगत्सी बेरेड वेंडला जन मुक्ति सेना (पीएलए) ता सहायता” कीतेकेने आयार। इदु एटली ना उंदी झूठा पोल्लो। जन मुक्ति सेना (पीएलए) “एमेथिस्ट” किन नानकिंग दायना अनुमति हिवोरा। जन मुक्ति सेना (पीएलए) बदे दूसरा देश ता सशस्त्र ताकतकु यांगत्सी बेरेड वेंडसी ओसो बदे काम कीयाना लोप्पा मदद लागो। इदिना उल्टा जन मुक्ति सेना ब्रिटिश, अमेरिका ओसो फ्रांस तन्ना सशस्त्र ताकतकु (यांगत्सी बेरेड ओसो ह्वांगफू डोड्डा ओसो चीन ता बाकी जागा ने मत्ता तम्मा युद्धपोत, फौजी विमान ओसो मैरीन-सैनिक) चीन ता प्रादेशिक अंतरराष्ट्रीय जल-स्रोत, समुद्र, भूभाग ओसो मोय्योल तल तुरंत गुचिह कीयाना अनि चीनी जनता ना दुश्मन किन गृहयुद्ध ताकी कियाला मदद कीयाना रोमी कीयाना इंजी मांग कीता। चीनी जनता ना क्रांतिकारी फौजी कमीशन ओसो जनताना सरकार इंजे एवनल बदे वेने विदेशी सरकार संगे राजनीतिक संबंध स्थापित कित्ताद हिल्ले। चीन जनता ना क्रांतिकारी फौजी कमीशन ओसो जनताना सरकार चीन ते मत्ता कानूनी व्यवसाय कुना लोप्पा मत्ता विदेशी नागरिक लोरा रक्षा कीयाना। ओरु दूसरा देश कुना संगे राजनीतिक संबंध स्थापना कीयाना बारे ते आल्सला तैयार मंतोरा। इद्रम ता संबंधकु समानता, आपसी फायदा, उंदी दूसरा ता सत्ता ओसो प्रादेशिक अखंडता ता सम्मान ओसो सबसे मुन्ने क्वोमिंगतांग प्रतिक्रियावादि किन बदे सहायता कियवा मंदाना पोरो आधार आसी मंता। ओरु बदे वेने विदेशी सरकार ता धमकिंग हियाना कारवाइंग कुन आह्हे केंजो आयार। बद विदेशी सरकार मावा संगे राजनीतिक संबंध स्थापित कियाला आल्सता अदु क्वोमिंगतांग ता पिस्ता ताकत कुना संगे

संबंध देहहना अनि चीनी लोप्पा तम्मा सशस्त्र ताकत किन गुचिह कीयाना। एटली दूसरा देश कुना संगे बदे राजनीतिक संबंध हिल्ला मत्ता चीनी कम्युनिस्ट पार्टी विदेशी सरकार कुना पाड़ना राजनीतिक कर्मचारि (क्वोमिंगतांग तल मान्यता दोरकता) संगे सम्पर्क कियाला तैयार मंता इंजी आरोप वाटतोर। हत्ता उचुक साल कुना लोप्पा अमेरिका, ब्रिटिश, कनाडा देश कुना सरकार मावा विरोध कियाला क्वोमिंगतांग किन मदद कित्ता। एटली साहब इद पोल्लो किन मरंगतोर? एटली साहब क्वोमिंगतांग किन बेहरा जहाज “छुंगछिंग”<sup>3</sup> इस्साले मुडंदता। इदिन बद देश हीसी मत्ता?

## नोट

1. 20-21 अप्रैल 1949 ते जन मुक्ति सेना (पीएलए) यांगत्सी बैरेड वेंडना अभियान ताकी कीतेके “एमेथिस्ट” ओसो चीन बाकी ब्रिटिश युद्ध पोत कु (चीन ता उंदी अंतराष्ट्रीय जलमार्ग आंदू) इद डोड्डा ते जबरदस्ती नेंगतांग अनि क्वोमिंगतांग योद्धा लोरा संगे मावा सेना पोरो गोलीबारी कीतांग। ताना लोप्पा मावा 252 सैनिक घायल आतोर। जन मुक्ति सेना (पीएलए) इदिना जवाब ते गोलीबारी कित्ता, “एमेथिस्ट” किन काम वायवा लेक्का कीसिता अनि चन-च्यांग गेरे एंकर वाटला काजे मजबूर कित्ता। बाकी मूड ब्रिटिश युद्धपोत अगाटल वित्तितांग। ब्रिटिसी अधिकारि “एमेथिस्ट” किन विडसना अपील कित्तोर, अनि तान कप्तान ब्रिटिश दूरपूर्वी एर सेना ता कमांडर-इन-चीफ ब्रिंड ना आदेश पोलन कीसोरे मावा सेना ता प्रतिनिधि संगे बचोनो बेरा समझौतावार्ता कित्तोर। इद समझौता वार्ता ताकनास्के ब्रिटिश पक्ष लगातार धोखाधड़ी ते काम कित्ता अनि अपराध पूर्ण हमला ता जिम्मेदारी एतला इनकार कित्ता। समझौता वार्ता ताकसोर मत्तास्के 30 जुलाई ते नरका “एमेथिस्ट” “मुक्त च्यांगलिंग” पोरोल उंदी यात्रा-जहाज संगे हंजोरे (चनच्यांग तल बैरेड पोंगसी दोड़ वासोर मत्ता) तन्ना हरीं बने कीसि अगा मत्ता जहाज ता कवर पोयसी वित्तितोर। मावा सेना “एमेथिस्ट” किन रोमना चेतावी हीतास्के अदु गोलीबारी कित्ता, बचोनो वकींग ना जहाज कु टक्करेमासी मुडंदितांग अनि ओरु यांगत्सी बैरेड तल वित्तितोर।
2. 26 अप्रैल 1949 ते ब्रिटिश हाउस ऑफ कामन्स ते भाषण हीसोरे ब्रिटिश कंजर्वेटीव पार्टी ता नेताल चर्चिल चीनी जन मुक्ति सेना (पीएलए) ब्रिटिश युद्ध पोत कुना पोरो (मावा सेना पोरो गोलाबारी कित्ता) कित्ता जवाबी हमला किन

“नृशंसतापूर्ण कार्रवाई” इंजी मावा पोरो आरोप वाटतोर अनि ब्रिटिश सरकार “चीन ता प्रादेशिक जल-स्रोत लोप्पा रेंडु आयवेके कम से कम उंदी विमानवाहक पोत जरूर लोहना (इदु बदला एतना मजबूत ताकत बनेमायार)” इंजी मांग कित्तोर।

3. 26 अप्रैल 1949 ते ब्रिटिश प्रधान मंत्री एटली हाउस ऑफ कामन्स ते “ब्रिटिश युद्धपोत ता शांतिपूर्ण मिशन पोरो यागंत्सी बेरेड ते नेंगना अधिकार मंता, बारांकु इत्तेके चीन ता क्वोमिंगतांग सरकार तिंची अनुमति दोरकताद मंता” इंजी ऐलान कित्ता। संगे ने एटली ब्रिटिश प्रतिनिधि चीनी जन मुक्ति सेना (पीएलए) ता प्रतिनिधिन संगे कीयाना समझौता वार्ता ता चर्चा कीतेके ओरु चीनी जन मुक्ति सेना (पीएलए) “इद जहाज (एमेथिस्ट) किन नानकिंग दायना अनुमति हियाला तैयार मंता, इदिना काजे यांगत्सी बेरेड वेंडला जन मुक्ति सेना (पीएलए) ता सहायता कीयाना इंजी शर्त मंता इंजी झूठ वेहतोर।
4. इद ब्रिटिश सरकारे फरवरी 1949 ते “छुंगकिंग” पोरोल ता बेहरा क्रूज जहाज क्वोमिंगतांग किन हीता (क्वोमिंगतांग सेना ता सबसे बेहरा क्रूजर जहाज मत्ता)। 25 जनवरी 1949 ते इद क्रूजर जहाज ता अफसर, सिपाही लोर विद्रोह कित्तोर। प्रतिक्रियावादी क्वोमिंगतांग सरकार विडसतोर अनि चीनी जनता ना जन एर सेना ते शामिल आतोर। अदे साल ता 19 मार्च ते अमेरिका साम्राज्यवादीर ओसो क्वोमिंगतांग डाकु लोर बचोनो बेहरा बमबारी विमान लोहची, उत्तर-पूर्वी चीन ता ल्याओतुंग खाड़ी तल हलुताओ गरे ता समुद्र ते “छुंगकिंग” पोरो बम एस्सतोर अनि मुडंदी कित्तोर।

## पूना राजनीतिक सलाहकार सम्मेलन ता तैयारी कमेटी ते भाषण

15 जून 1949

प्रतिनिधि कामरेड्स,

नेडु मावा पूना राजनीतिक सलाहकार सम्मेलन ता तैयार कमेटी<sup>1</sup> ता उद्घाटन-अधिवेशन मंता। इद कमेटी ता काम पूरा जरूरी तैयारिंग पूरा कीसि परताचोन जल्दी उंदी पूना राजनीतिक सलाहकार सम्मेलन केयना अनि उंदी जनवादी संयुक्त सरकार बने कीयानदु मंता। इद्रम कीसि परताचोन जल्दी पिस्ता क्वोमिंगतांग प्रतिक्रियावादी ताकत कुन खत्म कीयाना पूरा चीन ता एकीकरण कीयाना ओसो राजनीतिक, आर्थिक, सांस्कृतिक रूप ते ओसो राष्ट्रीय प्रतिरक्षा लोप्पा सही तरीका ते, देशव्यापी निर्माण कियाला, पूरा देश ता जनता ना नेतृत्व किया परंता। पूरा देश ता जनता माटू इद्रम कीयाना इंजी आशा किया मंता।

पूना राजनीतिक सलाहकार सम्मेलन केयना प्रस्ताव पूरा देश ता जनता ना मुन्ने चीनी कम्युनिस्ट पार्टी 1 मई 1948 ते तास्ता<sup>2</sup> इद प्रस्ताव तुन तुरंत पूरा चीन लोप्पा जनवादी पार्टींग, जन संगठनकु, सब्बे व्यवसाय कुने मंदना जनवादी लोकुर, देश ता अल्पसंख्यक राष्ट्रीयताकु, प्रवासी चीनी लोरा समर्थन दोरकता। चीनी कम्युनिस्ट पार्टी, जनवादी पार्टींग, जन-संगठनकु, सब्बे व्यवसाय लोप्पा मंदना जनवादी लोकुर, अल्पसंख्यक राष्ट्रीयता ओसो प्रवासी चीनी जनता साम्राज्यावाद, सामंतवाद, नौकरशाही पूंजीवाद ओसो क्वोमिंगतांग प्रतिक्रियावादी शासन तुन तेहकसी वाटना अनि उंदी सब्बे जनवादी पार्टींग, जन संगठनकु सब्बे व्यवसाय कुने मंदना जनवादी लोकुर, अल्पसंख्यक राष्ट्रीयताकु,

ओसो प्रवासी चीनी लोकुरा प्रतिनिधिर शामिल मत्ता पूना राजनीतिक सलाहकार सम्मेलन केयाना इंजी आल्सा मंता। चीन लोक गणराज्य स्थापना ता घोषणा कीयाना अनि लोक गणराज्य ता प्रतिनिधित्व कियाला काजे उंदी जनवादी संयुक्त सरकार चुने कीयाना इंजी आल्सा मंता। सिर्फ इद्रम कीतेकेने मावा महान तल्लोरभूम किन अर्धऔपनिवेश, अर्धसामंती समाज तल मुक्ति दोरकियर। स्वाधीनता, आजादी, शांति, एकीकरण, शक्तिशाली ओसो समृद्धी हरीं पोय्या परितोमा। इदु उंदी सही राजनीतिक आधार आंदू। अदु चीनी कम्युनिस्ट पार्टी, जनवादी पार्टिंग, जन संगठनकु, सब्बे व्यवसायकुने मंदना जनवादी लोकुर, अल्पसंख्यक राष्ट्रीयताकु ओसो प्रवासी चीनी लोरा एकताबद्ध संघर्ष ता राजनीतिक आधार आंदू। इदु पूरा जनता ना एकताबद्ध संघर्ष ता राजनीतिक आधार वेने आंदू। इद राजनीतिक आधार वेल्ले मजबूत मत्तांकु बदे वेने जनवादी पार्टी, जनसंगठन ओसो जनवादी लोकुर बदे मतभेद हिल्ला चीन ता सब्बे समस्यांग किन हल कियाला काजे सिर्फ इदे सही दिशा मंता इंजी आल्सतोर।

पूरा देश ता जनता तन्ना जन मुक्ति सेना (पीएलए) ता समर्थन कीसि युद्ध लोप्पा जीत दोरकी कित्ता। महान जन मुक्ति युद्ध, जुलाई 1946 तल शुरू आसी नेंड एवनल, मूंड साल तले ताका मंता। इदु युद्ध क्वोमिंगतांग प्रतिक्रियावादिर विदेशी साम्राज्यावादीरा सहायता पोयसि शुरू कीसि मत्तोर। क्वोमिंगतांग प्रतिक्रियावादिर विश्वासघात कीसि जनवरी 1946 ता युद्ध-विराम समझौता ओसो राजनीतिक सलाहकार सम्मेलन ता प्रस्ताव तुन हीकसी वाटतोर अनि जनता ना खिलाफ गृहयुद्ध शुरू कित्तोर। मति मूंड साल तुकू कम टाईम ते जन मुक्ति सेना (पीएलए) ओरकिनकु मुन्ने वीडता। उचुने टाईम मुन्ने क्वोमिंगतांग प्रतिक्रियावादिरा शांति षडयंत्र एक्सपोज आत्ता पेरके जन मुक्ति सेना (पीएलए) वेल्ले बहादुरी ते मुन्ने हंजी यांगत्सी बेरेड वेंडता। क्वोमिंगतांग प्रतिक्रियावादिरा राजधानी नानकिंग इंजी मावा कब्जा ते मंता। शांघाई, हांगचओ, नानछांग, ऊहान ओसो शीआन मुक्त आतांग। इंजे चीनी जन मुक्ति सेना (पीएलए) ता युद्ध

सेना दक्षिणी, उत्तर-पश्चिमी प्रांत कुना लोप्पा चीन इतिहास लोप्पा बस्के ने आयवा लेक्कटा महान अभियान ताकी किया मंता। मूंड साल लोप्पा जन मुक्ति सेना (पीएलए) प्रतिक्रियावादी क्वोमिंगतांग फौज लोप्पाडल कुल 55 लाख 90,000 सैनिक लोरकिन खत्म कित्ता। इंजे क्वोमिंगतांग सेना पिस्ता सैनिक लोरा कुल संख्या सिर्फ 15 लाख मंता। ताना लोप्पा नियमित ओसो अनियमित सेना, पृष्ठभागीय फौजी संस्थान, विद्यालय कुना सैनिक वेने शामिल मंता। दुश्मन ता पिस्ता अंश कुन खत्म कियाला इंजे वेल्ले टाईम लागो आयार।

इद पूरा चीन ता जनता ना जीत आंदू। संगे ने पूरा दुनिया ता जनता वेने जीत आंदू। साम्राज्यवादी ओसो अलग-अलग देश कुना प्रतिक्रियावादिर किन विड़चसी पूरा दुनिया ता चीनी जनता ना इद महाम जीत संगे प्रेरित आत्ता। चीनी जनता तन्ना दुश्मन खिलाफ ताकी कित्ता संघर्ष ओसो दुनिया ता जनता तन्ना दुश्मन खिलाफ ताकी कीयाना संघर्ष ता महत्व उंदे मंता। साम्राज्यवादी उंदी प्रतिक्रियावादी युद्ध संगे चीनी जनता ना क्रूरतापूर्वक विरोध कियाला चीन ता प्रतिक्रियावादिरा नेतृत्व कित्ता अनि चीनी जनता उंदी क्रांतिकारी युद्ध संगे सफलतापूर्क प्रतिक्रियावादिरा तख्ता पलट कित्ता सच्चाई पूरा चीन ता जनता ओसो पूरा दुनिया ता जनता हूड़ता।

इगा नावा विचार ते लोकुरा ध्यान चीन भूमि पोरो मत्ता साम्राज्यवाद ओसो ताना पालतू नेयकु (चीनी प्रतिक्रियावादिर) बगिल पिड़ंगा लागियर। ओरु उंदी दूसरा सांठगांठ कीसि परत्ताचोन चीनी जनता ना विरोध कीसोर मंदानूर। उदाहरण तुकू फूट वाटना, गड़बड़ कियाला काजे तम्मा एजेंट लोर किन लोहनूर। ओरु तम्मा इद्रम ता काम कियवा रोमोर आयनूर। इदिन दूसरा उदाहरण चीन ता बंदरगाह कुन नाकाबंदी कियाला काजे चीनी प्रतिक्रियावादिर किन साम्राज्यवादिर भड़के कियानूर। इदे आयवा ओरा तम्मा खुद ता ताकत वेने वाटसियानूर। ओरु बस्के एवनल आया परिंता अस्के एवनल इद्रम कीसोरे मंदानूर। इदे आयवा ओरा लोप्पा वेल्ले खतरा एतना हिम्मत मत्तेके ओरु चीन ता हंदिंग पोरो हमला

कियाला, कंदेरम कियाला काजे तम्मा सैनिक लोरकिन वेने लोहानूर। इव सब्बे पोल्लो ना माटू पूरा ध्यान तासना। सिर्फ माटू जीड़तोम माटू साम्राज्यवाद, ओरा नैकु बदला एतना षडयंत्र कुना पोरो सतर्कत मंदाना लोप्पा ढील वायला हियानायो। बोरु तन्ना सतर्कता लोप्पा ढील वायला हींतोर ओरु राजनीतिक रूप ते खाली कै ओसो निष्क्रियता ते हिरकानोरा। इव परिस्थिति किन हूइसोरे पूरा देश ता जनता चीनी जनता ना खिलाफ साम्राज्यवादीर ओसो ओरा नैकु (चीनी प्रतिक्रियावादिर) ना सब्बे षडयंत्र कुना दृढ़ता ते, समग्र रूप ते ओसो सम्पूर्ण रूप ते गुंडा कियाला काजे एकताबद्ध आयाना। चीन किन उंदी स्वाधीन देश बने कीयाना, चीन किन उंदी मुक्त देश बने कीयाना। चीन ता बारे सब्बे निर्णय ओसो तानकिन ताकी कीयाना जिम्मेदारी चीनी जनता खुद एतना अनि बदे वेने साम्राज्यवादी देश कीयाना बदे वेने हस्तक्षेप किन सहन कीयानायो।

चीनी क्रांति पूरा राष्ट्र ता व्यापक जन-समुदाय ता क्रांति आंदू साम्राज्यवाद, सामंतवाद ओसो नौकरशाही पूंजीपति, क्वोमिंगतांग प्रतिक्रियावादिर ओसो ओरा सह-अपराधिर किन विड़चसी सब्बे मावा दोस्त लोर आंदुर। मावागा उंदी व्यापक ओसो सुदृढ़ क्रांतिकारी संयुक्त मोर्चा मंता। इद संयुक्त मोर्चा वेल्ले व्यापक मंता। तीना लोप्पा मजदूर वर्ग, किसान वर्ग, शहरा निम्न-पूंजीपति वर्ग ओसो राष्ट्रीय पूंजीपति वर्ग शामिल मंता। इद संयुक्त मोर्चा वेल्ले सुदृढ़ मंता-तीना लोप्पा हर दुश्मन तुन वीडसी दायना, हर मुश्किल तुन पार कीयाना दृढ़ संकल्प ओसो हंदी हिल्ला क्षमता मंता। माटू मंदाना युग साम्राज्यवादी व्यवस्था पूर्ण विनाश आसोर मत्ता युग आंदू साम्राज्यवादी संकट ते हिरकसी मंता, ओरु बह कीतेकाई चीनी जनता लगातार विरोध कीयाना मंता, चीनी जनता बद्रमाई कीसि आखरी जीता दोरकी कियारे।

संगेने माटू पूरा दुनिया मुन्ने साम्राज्यवादी व्यवस्था ओसो चीनी जनता ना खिलाफ ताना षडयंत्र कुनाए विरोध कीतोम। माटू समानता, आपसी फायदा ओसो उंदी दूसरा ता प्रादेशिक अखंडता, सत्ता ता सम्मान कीयाना नियम कुना पोरो आधार आसी बदे वेने विदेशी सरकार संगे मावा

राजनीतिक संबंध स्थापित कियाला तैयार मंतोरा। इद्रम कीयाना मुन्ने अदु चीनी प्रतिक्रियावादिरा संगे ताना संबंध देहहला काजे तैयार आयना, ओरा संगे कलियसी साजिश कियाला ओसो मदद कीयाना बंद कीयाना, जनता ना चीन पोरो सही दोस्ती ता रुझान लागू कीयाना। चीनी जनता सब्बे देश कुना जनता संगे दोस्ती एकता कीयाना अनि अंतरराष्ट्रीय व्यापार किन ओसो शुरू कीसि उत्पादन ता विकास ओसो आर्थिक समृद्धि बेरसी कीयाना।

प्रतिनिधि कामरेड्स, उंदी पूना राजनीतिक सलाहकार सम्मेलन केयना ओसो उंदी जनवादी संयुक्त सरकार बने कियाला काजे मावा मुन्ने उंदी परिपक्व परिस्थिति मंता। पूरा देश ता जनता माटू इद सम्मेलन कीसि सरकार बने कियाकोम इंजी वेल्ले आशा किया मंता। माटू शुरू कित्ता काम लोप्पा जनता ना आशा वेल्ले जल्दी पूरा आयाार इंजी नावा विश्वास मंता।

चीन ता जनवादी संयुक्त सरकार ता स्थापना कित्ता पेरके अदिन मुख्य काम इद्रम मंदियरः 1. पिस्ता-मेयता प्रतिक्रियावादिर किन खत्म कीयाना अनि ओरा कार्रवाइंग पोरो दमन कीयाना। 2. जनता ना अर्थव्यवस्था किन पुनर्स्थापित कीयाना, विकसित कीयाना संगेने जनता ना संस्कृति, शिक्षा किन पुनर्स्थापित, विकसित कियाला काजे परताचोन कोशिश कीयाना।

चीनी जनता बेगा उंदी बेरा चीनी जनता तन्ना देश ता जिम्मेदारी कैदे पोयतास्के चीन ता पूर्व ते पेसना पोडुदु लेक्का तन्ना चिलचिल आयना किरण कुना लोप्पा भूमि ता कोंटा-कोंटा ते वेहच कियार इंजी हूडियारा। प्रतिक्रियावादी सरकार विडसता वियार तुन वेल्ले जल्दी हैय्यसियारा। युद्ध ता नुकसान तुन निहचियार अनि पूना शक्तिशाली ओसो समृद्ध लोक गणराज्य ता निर्माण कियार।

चीन लोक गणराज्य अमर रहे!

जनवादी संयुक्त सरकार अमर रहे!

पूरा देश ता जनता ना महान एकता अमर रहे!



## नोट

1. इद कमेटी ता अधिवेशन पेफिंग लोप्पा 15 तल 19 जून 1949 एवनल आत्ता। तीना लोप्पा चीनी कम्युनिस्ट पार्टी, अलग जनवादी पार्टींग, जन संगठनकु, सब्बे व्यवसाय कुने मंदना जनवादी लोकर, देश ता अल्पसंख्यक जातिंग ओसो प्रवासी चीनी लोरा संगे 23 संगठन, ग्रुप कुना 134 सदस्य लोर प्रतिनिधित्व कित्तोरा इद अधिवेशन “पूना राजनीतिक सलाहकार सम्मेलन ता तैयारी कमेटी ता संगठनात्मक नियमकु” ओसो “पूना राजनीतिक सलाहकार सम्मेलन लोप्पा हिस्सा एतना संगठनकु, ग्रुप, ओसो अविना प्रतिनिधिमंडल कुना संबंध ते व्यवस्था” किन स्वीकार कित्ता अनि उंदी स्थाई समिति चुने कित्ता, ताना अध्यक्ष माओ त्सेतुंग मत्तोरा इद सम्मेलन किन “पूना राजनीतिक सलाहकार सम्मेलन” पोगो हीतोर, अनि 10 जनवरी 1946 ते छंगकिंग ते आत्ता “राजनीतिक सलाहकार सम्मेलन” तल अलग कित्तोरा। 21 सितम्बर 1946 ते इद सम्मेलन ता प्रथम पूर्ण अधिवेशन लोप्पा इदिन पोरोल बदली कीसि “चीनी जन राजनीतिक सलाहकार सम्मेलन” तासतोर।
2. इदे ग्रन्थ लोप्पा “सितम्बर मीटिंग बारे ते (चीनी कम्युनिस्ट पार्टी ता केंद्रीय कमेटी सर्कुलर” हेडिंग वाले लेख लोप्पा नोट 4 हूडाटू।

## जनता ना जनवादी अधिनायकत्व बारे ते चीनी कम्युनिस्ट पार्टी ता 28वी वर्षगांठ ता मौका ते

30 जून 1949

1 जुलाई 1949 ते चीनी कम्युनिस्ट पार्टी पूरा 28 साल ता आयरा। वरोर मानेय ना पिस्वल लेक्काने उंदी राजनीतिक पार्टी ता पिस्वल वेने पुटना, बेरसना, जवान आयना ओसो मुय्यना आंता। चीनी कम्युनिस्ट पार्टी इंजे सिर्फ बेरसता। मानेय मुयतोर आत्तास्के ओरु डोलिंतोर, इद पोल्लो पार्टी पोरो वेने लागू आंता। वर्ग खत्म आत्तास्के वर्ग संघर्ष ता सब्बे हथियारकु (राजनीकि पार्टिंग, ओसो राज्य मशीनरी) ता वेने काम खत्म आयारा। अदिन काजे अवु तीरम-तीरम कलियसोर दायनुंग अनि तम्मा ऐतिहासिक मिशन पूरा कीसोर दायनुंग। मानव समाज उंदी बगिल पोरो मंजिल ते नेंगियरा। मना पार्टी पूंजीपति वर्ग ता राजनीतिक पार्टिंग नगडल अलग मंता। और किन वर्ग, राजसत्ता ओसो पार्टिंग ना एकता ता पोल्लोंग कियाला वेरीं वेसिंता। इदिना उल्टा माटू खुल्लम-खुल्ला इद्रमविन खत्म कीयाना लेक्कटा परिस्थिति पुट्टी कियाला काजे संघर्ष कीयाना इंजी ऐलान कीतोमा। कम्युनिस्ट पार्टी ता नेतृत्व ते जनता ना राजसत्ताए इद्रमता परिस्थिति आंदू। बोरू इद निज्जम पोल्लो तुन मानेमायोर ओरु कम्युनिस्ट आयोर। बोरू नौजवान कामरेड्स इस्सल पार्टी लोप्पा वात्तोर ओसो मार्क्सवाद-लेनिनवाद ता आध्ययन इंजे कित्ताद हिल्ले ओरु इद पोल्लो समझेमाया परवोर आयनुर बहे। ओरु इदिन समझेमातास्के ने ओरा लोप्पा सही विश्वदृष्टिकोण पैदा आयारा। ओरु पूरा मानव जाति वर्ग, राजसत्ता ओसो पार्टिंग ना एकता संगेने ताकना जरूरी मंता इंजी समझेमायना। सवाल सिर्फ टाईम ओसो परिस्थितिंग नाए मंता। कम्युनिस्ट पूरा दुनिया

ता पूंजीपति वर्ग तुकू ज्यादा बुद्धिमान मंदिंतोर। ओरु चीज कुना अस्तित्व ओसो विकास ता नियम कुन आखरी एवनल समझेमांतोर, ओरु द्वन्द्ववाद किन समझेमांतोर अनि जेक एवनल हूडा परितोर। पूंजीपति वर्ग इद सच्चाई तुन विचार कीवो बारांकु इत्तेके अदु तखता पलट आयना तुकू बचेमायला आलिसंता। बोना तखता पलट आंता ओरा काजे इदु दुक्कम ता पोल्लो आंता। नेंडु माटू तखता पलट कीयाना क्वोमिंगतांग प्रतिक्रियावादी काजे आत्ता लेक्का ओसो बाकी देश कुन जनता संगे कलियसी माटू इस्साले तखता पलट कित्ता जापानी साम्राज्यवादी काजे आत्ता लेक्का। मति मजदूर वर्ग मेहनतकस जनता ओसो कम्युनिस्ट पार्टी मुन्ने ओरा तखता पलट कीयाना सवाल हिल्ले। इदिनकु उल्टा मानव जाति हंदी हिल्लाचोन सुख-शांति वाले' दुनिया ते नेंगना इंजी ओरु मेहनत ते काम कीसि वर्ग, राजसत्ता, राजनीतिक पार्टिंग ना स्वाभाविक रूप ते एकता कीयाना परिस्थितिंग पुट्टिह कीयाना इंजी आलिसंतोर। इगा माटू इगा चर्चा कीयाना समस्यांग कुन स्पष्ट रूप ते समझेमायना इंजी मानव जाति विकास ता बारे वेहताद मंता।

मावा पार्टी उंदे 28 साल ता आत्तादु सब्बे तोर पुत्तोर। इव सालकु वेल्ले मुश्किल तवु मत्तांग, इव साल कुना लोप्पा शांति हिल्ला मत्ता। बारांकु इत्तेके माकिन लोता दुश्मन ओसो बाहर ता दुश्मन, पार्टी लोप्पा ओसो बाहर ता दुश्मन संगे लड़ेमाया लागसोर मत्ता। लड़ेमायला काजे माकिन हथियार हीतांकु माटू मार्क्स, एंगेल्स, लेनिन ओसो स्टालिन ना धन्यवाद कीतोमा इद हथियार बदे मशीनगन आयवा मार्क्सवाद-लेनिनवाद आंद।

1920 ते लेनिन रास्ता कित्ताब “वामपंथी कम्युनिज्म - उंदी पेकोरा बीमारी लेक्का” लोप्पा रूसी जनता क्रांतिकारी सिद्धांत बदरम परहकतोर इंजी वेहतोर।<sup>2</sup> बचोनो दशाब्दिंग ना तिप्पलकु ओसो परिक्षांग पेरके ओरु आखरी ते मार्क्सवादी ता खोज क्रिया परतोर। चीन ता परिस्थिति ओसो अक्तूबर क्रांति मुन्ने रूस ता परिस्थिति उंदी लेक्काने मत्ता। रेंडासी सामंती उत्पीड़न ता शिकार मत्तांग। रेंडासी देश कुना आर्थिक, सांस्कृतिक रूप

पेरके अरसी मत्तांग। रेंडासी देशकु हर रकम ते पेरके अरता देशकु मत्तांग। चीन रूस तुकू ज्यादा पेरके अरता देश मत्ता। रेंडासी देश कुना प्रगतिशील लोकुर राष्ट्र बदले कीयाना उद्देश्य ते क्रांतिकारी सच्चाई ता खोज ते कठोर संघर्ष कित्तोर।

1840 ते अफीम युद्ध लोप्पा चीन हारेमाता पेरके चीन ता प्रगतिशील लोकुर पश्चिमी देश कुना सच्चाई पुंदाला काजे गिनती हिल्वाचोन तिप्पल कुना सामना कित्तोर। हुंग श्यू-छवेन, खांग यओ-वेई<sup>3</sup> येन फू<sup>4</sup> ओसो सुन यात-सेन चीनी कम्युनिस्ट पार्टी ता जन्म आयना मुन्ने पश्चिम तल सच्चाई दोरकी कीयाना कोशिश कियानोरा प्रतिनिधित्व कित्तोर। अस्के प्रगतिशील लोकुर पश्चिम ता पूना ज्ञान मत्ता सब्बे कित्ताब कुन पढ़मातोर। विद्यार्थीरा उंदी वेल्ले बेहरा संख्या अध्ययन कियाला काजे जापान, ब्रिटिश, अमेरिका, फ्रांस ओसो जर्मनी लोहमूडाता। देश लोप्पा शाही परिक्षांग ना पाड़ना तरीकांग खत्म कीसि आधुनिक स्कूल<sup>5</sup> कुना संख्या बसंत कालम पेरके पेसना कर्कुना लेक्का बेरस्तांग। पश्चिम तल हर रकम ता विषय करियाना कोशिश कित्ताद मत्ता। नन्ना वेने लैय्योर मत्तास्के इद्रमे अध्ययन कित्ताना। इदु शिक्षा पश्चिम ता पूंजीवादी जनवादी संस्कृति ता प्रतिनिधित्व कीता। तीना लोप्पा अस्के सामाजिक सिद्धांत ओसो प्राकृतिक विज्ञान शामिल मत्तांग। इदिन “पूना ज्ञान” इंदानोर। इद “पाड़ना ज्ञान” इंदाना चीन ता सामंती संस्कृति तुकू उल्टा मत्ता। पूना ज्ञान-विज्ञान ता शिक्षा दोरकी कियानोरा लोप्पा वेल्ले जोम चीन ता सेवा कियमूडायर इंजी विश्वास मत्ता। ओरा लोप्पा पाड़ना ज्ञान-विज्ञान ता पक्ष एतानोरा लेक्का इदिना पोरो डावुट मत्तोर वेल्ले कम लोकुर मत्तोर। ओरा विचार ते देश किन बचे कीयाना इत्तेके देश ता आधुनिकीकरण कीयानाए उंदी हरीं मंता इंजी मत्ता। चीन ता आधुनिकीकरण कियाला विदेशी लोरगडल करियाना विडचसी दूसरा हरीं हिल्वा मत्ता। अस्के दूसरा देश कुना लोप्पा सिर्फ पश्चिम ता पूंजीवादी देश के प्रगतिशील देशकु मत्तांग, बारांकु इत्तेके इव देश कु सफलतापूर्वक आधुनिक पूंजीवादी राज्य कुना निर्माण कीसि मत्तांग। जापानी लोर पश्चिम तल करियाना लोप्पा महत्वपूर्ण सफलता

दोरकी कीसि मतोर अनि चीन ता लोकरु वेने जापानी लोरगडल करियाला आल्सनोर। अस्के चीनी लोकरु कोंडा ते रूस उंदी पेरके अरता देश मत्ता अदिन काजे वेल्ले कम लोकरु रूस तल करियाला आल्सनोर। इद 19वी शताब्दी ता 5वीं दशक तल 20वी शताब्दी ता शुरुआत एवनल चीन लोर दूसरा देश कुनल करियाला आल्सना परिस्थिति मत्ता।

पश्चिम तल करियाला चीनी लोरा सपना किन साम्राज्यवादी आक्रमण तोड़ियो ते काल्पता। गुरु हमेशा तन्ना शिष्य लोरा पोरने हमला बारांकु कींतोर? चीनी लोर पश्चिम तल वेल्ले करियतोर, मति ओरु सब्बे पोल्लोंग अमल किया परवोर अनि तम्मा आदर्शकु एवनल बस्के एव्वा परवोर, ओरु बार-बार कित्ता संघर्ष कुना लोप्पा (ताना लोप्पा 1911 ता क्रांति लेक्कटा राष्ट्रव्यापी आंदोलन वेने शामिल मंता) हार ता सामना किया लागता। देश ता परिस्थिति दिव्या-दिव्या तुकू बिगडेमासोर हत्ता, लोकरु काजे पिस्वल पिस्सना मुश्किल आत्ता। ओरा लोप्पा डावुट पैदा आसोर हत्ता अनि मजबूत आत्ता। पहली विश्व युद्ध पूरा दुनिया किन होले कीसिता। रूसि लोर अक्तूबर क्रांति मारिहची दुनिया लोप्पा पहली समाजवादी राज्य ता स्थापना कित्तोर। रूस ते महान सर्वहारा वर्ग ओसो मेहनतकश जनता क्रांतिकारी ताकत इंजे एवनल मकसी मत्ता इदिन दूसरा देश कुना लोकरु हूडा परवा मत्तोर। लेनिन ओसो स्टालिन ना नेतृत्व ते पोकता ज्वालामुखी लेक्का पोकता अनि चीनी जनता संगेने पूरा मानव जाति रूस बगिल कोंडांग तिरहती हूडलातोर। अस्केने चीन लोरा विचारधारा, पिस्वल लोप्पा उंदी पूना युग ते नेंगता। ओरु मार्क्सवादी-लेनिनवाद किन हर जागा ते लागू आयाना विश्वव्यापी सच्चवाई तुन दोरकी कित्तोर। इद्रमे चीन ता रूप बदलेमायना शुरु आत्ता।

रूस संगे चीन मार्क्सवाद किन दोरकी कित्ता। अक्तूबर क्रांति तुकू मुन्ने चीनी जनता सिर्फ लेनिन ओसो स्टालिन किने आयवा मार्क्स ओसो एंगेल्स किन वेने पुनवा मत्ता। अक्तूबर क्रांति ता तोप कुना गुडरूम संगे मार्क्सवाद-लेनिनवाद मावा देश ते एवता। अक्तूबर क्रांति दुनिया ता बाकी हिस्सांग लेक्काने चीन ता प्रगतिशील तत्व कुन वेने तन्ना देश ता वायना

कालम ता अध्ययन कियाला ओसो तन्ना समस्यांग पोरो शुरू तल आल्सला काजे सर्वहारा विश्व-दृष्टिकोण लागू कियाला मदद कित्ता। ओरु रूस हर्दे ताकना इंजी निर्णय कित्तोर। 1919 ते चीन लोप्पा 4 मई आंदोलन आत्ता। 1921 ते चीनी कम्युनिस्ट पार्टी ता स्थापना आत्ता। अक्तूबर क्रांति ओसो चीनी कम्युनिस्ट पार्टी ता स्थापना सुन यात-सेन निराश आसी मत्ता अस्के-अस्केने आत्ता। ओरु अक्तूबर क्रांति ता स्वागत कित्तोर, चीनी लोरा काजे रूसी सहायता ता स्वागत आत्ता अनि तन्ना संगे चीनी कम्युनिस्ट पार्टी सहयोग ता स्वागत कित्तोर। अस्केने सुन यात-सेन शहीद आतोर ताना पेरके पूरा ताकत च्यांग काई-शेक ना कैदे हत्ता। 22 साल लोप्पा च्यांग काई-शेक चीन किन उंदी जीवा हिल्वा लेक्कटा परिस्थिति ते वाटसितोर। अस्केने फासीवादी-विरोधी दूसरा विश्व युद्ध लोप्पा मुख्य ताकत लेक्का सोविय संघ मत्ता, मूंड बेहरा साम्राज्यवादी ताकतकु खत्म आतांग अनि पिस्ता रेंडु साम्राज्यावीद ताकतकु कमजोर आतांग। पूरा दुनिया लोप्पा सिर्फ उंदे बेहरा साम्राज्यवादी देश संयुक्त राज्य अमेरिका तुन बदे नुकसान आयो आत्ता। मति अमेरिका ते वेने स्थानीय संकट वेल्ले गंभीर आसी मत्ता। अमेरिका पूरा दुनिया किन गुलाम बने कियाला आल्सोर मत्ता। अदु च्यांग काई-शेक निगा हथियार लोहची दसियों लाख चीनी लोर किन हौकला मदद कित्ता। चीनी कम्युनिस्ट पार्टी ता नेतृत्व ते चीनी जनता जापानी साम्राज्यवाद किन हौकता पेरके मूंड सालकु एवनल जनताना मुक्ति युद्ध कित्ता अनि बुनियादी महत्व ता जीत दोरकी कित्ता।

इद्रम पश्चिम ता पूंजीवादी सभ्यता, पूंजीवादी जनवाद ओसो पूंजीवादी लोकतंत्र ता योजना, चीनी जनता ना कोंडा ते विफल आत्ता। पूंजीवादी जनवाद ता जागा ते मजदूर वर्ग ता नेतृत्व ते जनता ना जनवाद एतिता अनि पूंजीवादी लोकतंत्र ता जागा ते जनता ना लोकतंत्र वात्ता। इद्रम जनता ना लोकतंत्र संगे समाजवाद ओसो कम्युनिज्म दोरकी कीयाना, वर्ग खत्म कीसि खुशी-शांति ता पिस्वल मत्ता दुनिया ते नेंगना संभव आयार। खांग यओ-वेइ “ता थुंग शू” (हंदी हिल्वाचोन सुख-शांति ग्रन्थ) पोरोल ता उंदी पुस्तक रास्तोर, मति हंदी हिल्वाचोन सुख-शांति

एवनल एवना हर्षी परहका परवोर आतोर। दूसरा देश कुना लोप्पा पूंजीवादी लोकतंत्र वात्ता, मति चीन लोप्पा इद्रम लोकतंत्र वाया परोव आत्ता बारांकु इत्तेके चीन साम्राज्यवाद ता उत्पीड़न ते पिंडी आसोर मत्ता। ताना काजे मजदूर वर्ग नेतृत्व ते लोक गणराज्य ता स्थापना कीयानाए उंदी हर्षी मत्ता।

दूसरा सब्बे तरीकांग लागू कित्ताद मत्ता, सब्बे विफल आतांग। बोरु इव तरिकांग किन लागू कियानोर ओरा लोप्पटल उचुन मुल हारेमातोर अनि उचुन मुल तम्मा गलती समझेमातोर अनि उचुन मुल तम्मा विचारकुन सुधरे कित्तोर। घटनांग वेल्ले तेज विकसित आसोर मत्तांकु बचोनो लोकुर इद बदलाव ता अचानक ओसो शुरू तले करियाना जरूरत तुन अनुभव कित्तोर। ओरा इद परिस्थिति समझेमाया मंता माटू ओरा शुरू तल करियाना सही उद्देश्य ता स्वागत कीतोम।

चीनी सर्वहारा वर्ग ता हिरावल दस्ता अक्तूबर क्रांति पेरके मार्क्सवाद-लेनिनवाद करियता अनि चीनी कम्युनिस्ट पार्टी ता स्थापना कित्ता। ताना पेरके अदु राजनीतिक संघर्ष शुरू कित्ता अनि 28 साल कुनल विंको-वंको हर्षी पोयसी ताकता पेरके इंजे बुनियादी महत्व ता जीत दोरकी कित्ता। 28 साल कुना तन्ना अनुभव कुनल माटू करियता पोल्लोंग वेने सुन यात-सेन “चालीस साल कुना अनुभव” पोरु आधार आसी तन्ना वसीयतनामा लोप्पा तेंडता लेक्का ने मंतांग: इत्तेके माकिन जीत दोरकी कियाला काजे “व्यापक जनता किन जागृत कीयाना ओसो दुनियामेंड मावा संगे समानता व्यवहार कीयाना राष्ट्र संगे एकता कीसि संघर्ष कीयाना।” सुन यात-सेन ना विश्व-दृष्टिकोण मावागडल अलग मंता ओसो समस्यांग किन समझेमायना, हल कीयाना वर्ग-दृष्टिकोण वेने अलग पोयसी ताकसोतर। मति 20वी सदी ता तीसरा दशक ते साम्राज्यवादी विरोधी संघर्ष ता समस्या ता बारे ते एवता निष्कर्ष बुनियादी रूप ते मावा निष्कर्ष संगे कलियंता।

सुन यात-सेन डोलता पेरके 24 साल आतांग। चीनी कम्युनिस्ट पार्टी ता नेतृत्व ते चीनी क्रांति सिद्धांत लोप्पा ओसो अमल कीयाना लोप्पा

वेल्ले विकसित आत्ता, चीन तुन बुनियादी रूप ते बदले किसिता। इंजे एवनल चीनी जनता रेंडु मुख्य ओसो बुनियादी अनुभवकु दोरकी कित्ता।

1. देश लोप्पा व्यापक जनता किन जागृत कीयाना। इत्तेके मजदूर वर्ग, किसान वर्ग, शहरी निम्न-पूंजीपति वर्ग ओसो राष्ट्रीय पूंजीपति वर्ग किन एकताबद्ध कीयाना, मजदूर वर्ग ता नेतृत्व ते मावा देश लोप्पा उंदी संयुक्त मोर्चा निल्पी कीयाना। ताना पेरेक मजदूर वर्ग नेतृत्व ते, मजदूर-किसान एकता पोरो आधार आसी जनता ना जनवादी राजसत्ता ता स्थापना कीयाना।
2. देश तुकू बाहर मना संगे समानता व्यवहार कीयाना दुनिया ता सब्बे राष्ट्र ओसो सब्बे जनता ना संगे एकता कीसि संघर्ष कीयाना। इत्तेके सोवियत संघ संगे जनता ना लोकशाही वाले देश कुना संगे दूसरा देश कुना सर्वहारा वर्ग ओसो व्यापक जनता ना संगे एकता कीयाना। उंदी अंतरराष्ट्रीय संयुक्त मोर्चा बने कीयाना।

“मीटू उंदी बगिल ओल्लिंतिरा।” इद बेसे! सुन यात-सेन ना चालीस साल कुना अनुभवकु ओसो चीनी कम्युनिस्ट पार्टी ता 28 साल कुना अनुभवकु माकिन माटू उंदी बगिल ओल्लना इंजी करिहता। जीत पक्का दोरकियार इंजी माकिन विश्वास मंता अदिन सुदृढ़ बने कियाला काजे उंदी बगिल ओल्लला लागियर। चालीस साल ओसो 28 साल कुना अनुभवकु माकिनल चीन लोर बदे अपवाद लेवा साम्राज्यवाद बगिल ओल्लना लेवेके समाजवाद बगिल ओल्लना इंजी करिहता। बदे बगिल ओल्लवा लेवा उंदी पाड़ी पोरो नितसी मत्तेके काम ताको आयार, बदे तीसरा हरी हिल्ले। माटू साम्राज्यवाद बगिल ओल्लसी मत्ता च्यांग काई-शेक ना प्रतिक्रियावादी गुट ओसो तीसरा हरी ता भ्रम ता विरोध कीतोम।

“मीटू वेल्ले परेशान कीतिरा।” माटू चीनी, विदेशी प्रतिक्रियावादिर इत्तेके साम्राज्यवाद ओसो ओरा पालतू नैकुना विरोध कीयाना पोल्लो कीतोम, दुसरोरा संगे आयो। इद्रम ता प्रतिक्रियावादिर किन परेशान कीयाना या कीयानायो इंदाना सवाले पैदा आयो। ओरकिन परेशान कीतेकाई, कीवेकाई ओरु हमेशा लेक्काने मंदानोर बारांकु इत्तेके ओरु



प्रतिक्रियावादिर आंदुर। प्रतिक्रियावादिर ओसो क्रांतिकारीरा नडमा स्पष्ट रूप ते चीनेमातस्के ने ओरकिन अलगाव ते वाटना लेवेके हारे किया परमूडांता। प्रतिक्रियावादिरा षडयंत्र कुन एक्सपोज कीयाना, क्रांतिकारी कैडर कुना नडमा जागरूकता ओसो सतर्कता बेरसी कीयाना, संघर्ष ता संकल्प बेरसी कीयाना ओसो दुश्मन तुन पोच्चांग पोयसी कीयाना। उंदी खतरनाक जानवर ता सामना कियाला उचुन वेने वेरियानायो। माटू चिंगयांग मेट्टा ता ऊ सुंग<sup>६</sup> तल करियाना। ऊ सुंग चिंगयांग मेट्टा ता डुव्वल तुन परेशान कीतेकाई, कीवेकाई बद्रमाई मानेय किन तिंदियर इंजी पुत्तोर। अदिन काजे डुव्वल तुन हौकना लेवेके खुद अदिना शिकार आयना। इव रेंडासीना लोप्पाटल उंदी हरीं पोय्या लागिंता।

“माटू व्यापार कियाला आल्सा मंतोमा” बेसे, व्यापार कियमूडायरा माटू सिर्फ मना व्यापार लोप्पा बाधा वाटना मना देश ओसो दूसरा देश ता प्रतिक्रियावादिर किन विडचसी बोनाए खिलाफ हिल्लेमा। साम्राज्यवादी ओसो ओरा पालतू नैकु च्यांग काई-शेक प्रतिक्रियावादीरे मावा व्यापार लोप्पा बाधा वाटा मंतोर अनि दूसरा देश कुना संगे राजनीतिक संबंध स्थापित कीयाना तुकू रोमी कींतोर। मना देश ता ओसो बाहर ता सब्बे ताकत कुना संगे एकता कीसि माटू चीनी ओसो विदेशी प्रतिक्रियावादिर किन हारे कियाकोम, अस्केने माटू व्यापार किया परिंतोम, समानता, आपसी फायदा ओसो वरोर दूसरोना प्रादेशिक अखंडता, सत्ता ता सम्मान पोरो आधार आसी सब्बे देश कुना संगे राजनीतिक संबंध स्थापित किया परिंतोमा।

“अंतरराष्ट्रीय सहायता लेवके वेने जीत संभव मंता।” इद उंदी गलत विचार आंदू। साम्राज्यवाद युग बदे देश लोप्पा जनता ना असली क्रांति बस्के एवनल अंतरराष्ट्रीय क्रांतिकारी ताकत कुना संगे अलग-अलग मदद एतो आंता अस्के एवनल जीडा परवो। उंदी बेरा जीडतेकाई अदिन सुदृढ़ बने किया परमूडायो। लेनिन ओसो स्टालिन वेल्ले मुन्ने माकिन वेहता लेक्का इद पोल्लो महान अक्तुबर क्रांति ता जीत ओसो सुदृढ़ीकरण ता बारे ते लागू आंता। अद्रमे दूसरा विश्वयुद्ध लोप्पा मूंड साम्राज्यवादी

ताकत कुना तख्ता पलट आत्ता लेवेके उचुन देश कुना लोप्पा जनता ना लोकशाही निल्पी कित्ताद मत्ता। जनता ना चीन वर्तमान ओसो वायना कालम पोरो वेने इदे पोल्लो लागू आंता। उचुन आल्साटू! सोवियत संघ हिल्वेके, फासीवाद विरोधी दूसरी विश्वयुद्ध लोप्पा जीत दोरको आसी मनवड़। जापानी साम्राज्यावाद हारेमायवेके जनता ना लोकशाही वायो आसी मनवड़। पूर्व ता उत्पीड़न राष्ट्र संघर्ष काजे आयवेके अमेरिका, ब्रिटिश, फ्रांस, जर्मनी, इटली, जापान ओसो दूसरा पूंजीपति देश कुना लोप्पा शासन कीयाना प्रतिक्रियावादी गुट कुना खिलाफ अगाटा जनता ना संघर्ष ताकवेके अंतरराष्ट्रीय प्रतिक्रियावादी ताकत कुना दबाव जरूर नेटुकू बचोनो गुना ज्यादा मंजी मनवड़। अव परिस्थितिग लोप्पा माटू जीत दोरकी किया परसी मन्ने मा? हिल्ले! जीत दोरकसी मत्तेकाई अदिन सुदृढ़ बने कीयाना मुश्किल आसी मनवड़। चीनी जनता किन इद पोल्लो ता बारे ते वेल्ले अनुभव आत्ता। सुन यात-सेन तन्ना डोलना मुन्ने अंतरराष्ट्रीय क्रांतिकारी ताकत कुना संगे एकता कीयाना बारे ते वेहता पोल्लो ते इदे अनुभव वेल्ले मुन्ने दिसता।

“माकिन ब्रिटिश ओसो अमेरिका सरकार कुना सहायता जरूरी मंता।” नेटा परिस्थिति ते इद उंदी करसना पोल्लो लेक्का मंता। ब्रिटिश ओसो अमेरिका ता वर्तमान शासक साम्राज्यवाद जनता ना राज्य किन मदद कींता या? इद देश मावा संगे व्यापार बारांकु कींता, इदु आपसी फायदा ता शर्त ते वायना कालम ते माकिन पैसा उधार हियाला तैयार आतेके वेने ओरु चीनी जनता ना मदद कीयाना तुकू ज्यादा तम्मा खुद ता संकट तल बचेमायला आल्संतोर अनि इव देश कुना पूंजीपतिर पैसा कमाई कियाला आल्संतोर वीरा बैंकर लोर सूद जमा कियाला आल्संतोर। इव देश कुना कम्युनिस्ट पार्टिंग ओसो प्रगतिशील पार्टिंग, ग्रुपकू वेने तन्ना सरकार किन मावा संगे व्यापारिक संबंध निल्पी कीयाना ओसो राजनीतिक संबंध वेने तासना इंजी प्रेरित कींतांग। इदु मावा पोरो जीवा वात्ता लेक्का तोहना, माकिन सहायता हियाना, कार्रवाईंग किन अव देश कुना पूंजीपति वर्ग ता कार्रवाईंग संगे तासनायो। मना पिस्वल मत्तास्के

सुन यात-सेन बचोनो बेरा पूंजावादी देश कुन सहायता काजे अपील कित्तोर मति सहायता ता जागा ते निर्मम हमलांग ना सामना किया लागता। तन्ना जीवा मंदानजोम सुन यात-सेन किन सिर्फ उंदी बेराए अंतरराष्ट्रीय सहायता दोरकता, अद वेने सोवियत संघ तले दोरकसी मत्ता। पाठक लोर उचुन डा. सुन यात-सेन ना वसीयतनामा पोरो कोंडा वाटाटु ताना लोप्पा ओरु सहायता काजे साम्राज्यवादी देश कुना तोड्डी हूडनायो अनि “मना संगे समानता व्यवहार कीयाना दुनिया ता हर राष्ट्र संगे एकता कीयाना” इंजी हार्दिक सलाह हीतोर। सुन यात-सेन किन अनुभव दोरकसी मत्ता। ओरु तिप्पल आसी मत्तोर, धोखा तिंजी मत्तोर। माटू ओरा माटांग किन सुर्ता कीयाना अनि धोखा तिंदना तुकू बचेमायना। अंतरराष्ट्रीय स्तर ते माटू सोवियत संघ ता नेतृत्व ते साम्राज्यवाद विरोधी मोर्चा ता अंश आंदोमा। अदिन काजे असली दोस्ती ता सहायता काजे माटू सिर्फ इदे मोर्चा बगिल हूडना, साम्राज्यवाद बगिल आयो।

“मीटू एकतंत्रवाद निल्पी किया मंतारा।” मीटू सही वेहा मंतिर! माटू निज्जमे इद्रमे किया मंतोमा। चीनी जनता बचोनो दशक ते दोरकी कित्ता सब्बे अनुभव निगडल माटू जनता ना जनवादी राज (इदिन जनता ना जनवादी एकतंत्रवाद वेने इंदा परिंतोम) जरूर स्थापित कित्तोमा। दूसरा माटा ने वेहाना इत्तेके प्रतिक्रियावादिर किन तम्मा विचार तासना अधिकार ऊंदना अनि सिर्फ जनता किने तम्मा राय तासना अधिकार मंदाना।

जनता बोरू? चीन ता नेटा परिस्थिति लोप्पा जनता लोप्पा वीर लोकुर मंतोर-मजदूर वर्ग, किसान वर्ग, शहरी निम्न-पूंजीपति वर्ग ओसो राष्ट्रीय पूंजीपति वर्ग। मजदूर वर्ग ओसो कम्युनिस्ट पार्टी ते नेतृत्व ते इद वर्ग एकताबद्ध आसी तम्मा राज्य ता स्थापना कींता, तम्मा सरकार चुने कींता। साम्राज्यवाद ता पालतू नेकुना पोरो-जर्मीदार वर्ग, नौकरशाही-पूंजीपति वर्ग ओसो इव वर्ग कुना प्रतिनिधित्व कीयाना क्वमिंगतांग प्रतिक्रियावादीर पोरो एकतंत्रवाद लागू आंता। ओरा दमन कींतोर लेवेके सिर्फ उंदी हंदी लोप्पा मंजी काम कियाला हींतोर, विचार वात्ता लेक्का काम किया हीवोर आंतोर। ओरु तम्मा विचार वात्ता लेक्का काम कीयाना

कोशिश कीतेके ओरकिन तुरंत रोमी कियमूड़ायर अनि सजा हियमूड़ायर। जनवादी तरीका जनता ना नड़मा लागू आंता। जनता किन भाषण हियाना, सभा केयना, संगठन निल्पी कीयाना लेक्कटा आजादी मंदिता। वोट हियाना अधिकार सिर्फ जनता किने मंता। प्रतिक्रियावादिर किन हिल्ले। रेंडासी पोल्लोंग इत्तेके जनता काजे जनवाद ओसो प्रतिक्रियावादिरा काजे पोरो वेहता राजे जनता ना जनवादी राज मंदिता।

काम ता रूप इद्रमे बारांकु मंदिता? स्पष्ट रूप ते वेहाना इत्तेके क्रांति असफल आतेके जनता मुश्किल ते अरियर अनि देश हारेमायार।

“मीटू राजसत्ता किन खत्म कीयानायो।” इंगो, माटू राजसत्ता तुन खत्म कियाला आल्संतोम, मति इंजे कीयानायो। माटू राजसत्ता तुन इंजे खत्म किया परवोम। बारांकु इत्तेके साम्राज्यवाद, चीनी प्रतिक्रियावाद, इंजे वेने देश लोप्पा मंता, इत्तेके देश लोप्पा वर्ग इंजे वेने मंताए, नेंडु मावा काम मुख्य रूप ते राष्ट्रीय प्रतिरक्षा ओसो जनता ना अधिकार कुना रक्षा कियाला काजे जनता ना राज्य-मशीनरी तुन इत्तेके जनता ना सेना, जनता पुलिस ओसो जनता ना अदालत कुन मजबूत कीयाना मंता। इद्रम कीतेके मजदूर वर्ग ओसो कम्युनिस्ट पार्टी ता नेतृत्व ते चीन लगातार उंदी कृषि-प्रधान देश तल विकसित आसी उंदी उद्योगिक देश लेक्का बनेमासोर दायार। उंदी नवजनवादी समाज तुकू मुन्ने हंजी उंदी समाजवाद ओसो पेरके कम्युनिज्म समाज ता निर्माण किया परियर। पेरके वर्ग खत्म आसी उंदी हंदी हिल्वाचोन सुख-शांति मत्ता समाज ता निर्माण आया परियर। राज्य-मशीनरी (सेना, पुलिस ओसो अदालत) उंदी हथियार आंदू तीना संगे उंदी वर्ग दूसर वर्ग पोरो दमन कींता। इद हथियार संगे दुश्मन वर्ग ता दमन कियमूडांता। इदु हिंसा ता हथियार आंदू “दया” कीयानादु आयो। “मीटू दयालु आयविरा” निज्जमे! प्रतिक्रियावादिर ओसो प्रतिक्रियावादी वर्ग ता प्रतिक्रियावादी कार्रवाइंग पोरो माटू दयालुपन तोहोमे। माटू सिर्फ जनता नड़माए दयालु नीतिंग लागू कींतोम, जनता तुकू बाहर ता प्रतिक्रियावादिर ओसो प्रतिक्रियावादी वर्ग कुना प्रतिक्रियावादी कार्रवाइंग पोरो आयो।

जनता ना राज्य जनता ना रक्षा कींता। सिर्फ जनता ना राज वात्तास्केने जनता तन्ना ओसो पूरा देशमेंड जनवादी तरीकांग लागू कीसि खुद किन शिक्षित किया परिंता अनि सुधार किया परिंता। स्थानीय ओसो अंतरराष्ट्रीय प्रतिक्रायवादीरा प्रभाव तल (इंजे वेने वेल्ले गंभीर मत्तेके वेल्ले जोम इद्रमे मंदियर, अदिन जल्दी खत्म किया परमूड़ायो) खुद किन तेंडा परिंता, पाड़ना समाज ता विरासत (गलत आदतकु, गलत विचारकु) तल तेंडा परिंता, प्रतिक्रियावादिनर वेहता गलत हरीं पोरो ताकला इनकार किया परिंता अनि प्रगति (समाजवादी समाज ओसो कम्युनिज्म समाज बगिल प्रगति कीयाना) जारी तासा परिंता।

इगा माटू इस्तेमाल कीयाना तरीकांग जनवादी तरीकांग आंदुंगः इत्तेके माटू जोर-जबरदस्ती आयवा समझे कीयाना तरीकांग ना इस्तेमाल कींतोमा जनता लोप्पटल बोरु कानून ता उल्लंघन कींतोर ओरकिन सजा वेने दोरकियर, जेल वेने आयर, हौकमूड वेने आयर। मति इद्रम ता उंदी-रेंडु केस मंदिता इवु प्रतिक्रियावादी वर्ग खिलाफ उंदी वर्ग अधिनायकत्व लागू कित्ता लेक्का आयो, अलग मंदियार।

प्रतिक्रियावादी वर्ग कुना सदस्य ओसो व्यक्तिगत प्रतिक्रियावादिरा तना राजनीतिक शासन ता तख्ता पलट कित्ता पेरके ओरु बगावत, तोड़फोड़ लेवेके गड़बड़ कियवेके ओरकिन वेने तम्मा पूना पिस्वल पिस्सला काजे जमीन ओसो काम दोरकियर। ओरु मेहनत कियाला इनकार कीतेके जनता ना राज ओरकिन मेहनत काजे मजबूर कियार। ओरा नड़मा राजनीतिक प्रचार ओसो शिक्षा काम वेने ताकियर। इद काम पाड़ना कालम ते माटू गिरफ्तार कित्ता फौजी अफसर लोरा नड़मा कित्ता लेक्काने सतर्कता ते ताकियर। इदिन वेने मीटू “दयालु व्यवहार नीति” इंदा परिंतिरा। मति दुश्मन वर्ग ता सदस्य लोरा पोरो इदिन जोर संगे लागू कियमूडांता। इदिन क्रांतिकारी जनता नड़मा आत्म-शिक्षा ता काम लेक्का हूड़ना आयो।

प्रतिक्रियावादी वर्ग कुना सदस्य लोरा सुधरे कीयाना काम कम्युनिस्ट पार्टी ता नेतृत्व ते जनता ना जनवादी अधिनायकत्व वाले राज लोप्पा ने किया परमूडांता। इद काम सही तरीका ते आतेके चीन ता मुख्य

शोषक वर्ग - जमींदार वर्ग ओसो नौकरशाही-पूंजीपति वर्ग (इजारेदार पूंजीपति वर्ग) हमेशा काजे खत्म आयार। इंजे राष्ट्रीय पूंजीपति वर्ग ता सवाल पिस्ता: वर्तमान कालम ते इद वर्ग वेल्ला लोकरा लोप्पा शिक्षा काम वेल्ले कियमूडायर। समाजवाद वात्तास्के लेवेके दूसरा माटा ने वेहना इत्तेके निजी कारोबार ता राष्ट्रीयकरण आत्तास्के माटू ओरकिन शिक्षित कीयाना अनि ओरकिन सुधरे कीयाना काम किन उंदी डाका मुन्ने ओयना। जनता कैदे शक्तिशाली राज्य-मशीनरी मंता, राष्ट्रीय पूंजीपति वर्ग कीयाना विद्रोह तुकू वेरियाना जरूरत हिल्ले।

किसान लोर किन शिक्षित कीयाना सवाल उंदी गंभीर सवाल आंदू। कृषि-अर्थव्यवस्था उंदी बिखरमासी मत्ता अर्थव्यवस्था आंदू। सोवियत संघ ता अनुभव तल हूडतेके खेती किन सामुहिक खेती बने कियाला काजे वेल्ले टाईम ओसो वेल्ले मेहनत ता जरूरत मंता। खेती किन सामुहिक खेती ते विकसित कियवा लेवा सही ओसो सुदृढ़ समाजवाद वाया परवो। खेती किन सामुहिक कीयाना काजे एतना निर्णयकुन शक्तिशाली उद्योग (इदिना धुरी सरकारी कारोबार मंदिता) ता विकास अनुसार कीयाना जरूरी मंता।<sup>7</sup> जनता ना जनवादी अधिनायकत्व तीरम-तीरम देश ता औद्योगिकरण कीयाना समस्या किन हल कियार। इद लेख ता विषय आर्थिक समस्या ता विवेचना आयो अदिन काजे इगा अदिन विस्तार ते वेहताद हिल्ले।

1924 ते क्वोमिंगतांग ता पहली राष्ट्रीय कांग्रेस (सुन यात-सेन ना व्यक्तिगत नेतृत्व ते आत्ता अनि तना लोप्पा वरोर कम्युनिस्ट वेने शामिल आसी मत्तोर), उंदी प्रसिद्ध घोषणापत्र जारी कित्ता। घोषणापत्र लोप्पा दोड़ रास्ता लेक्का इत्तोर।

आधुनिक राज्य ता जनवादी व्यवस्था पोरो सामान्य रूप ते पूंजीपति वर्ग ता एकाधिकार मंता, इद सिर्फ आम लोकरा उत्पीड़न कीयाना साधन बनेमाता। इदिन उल्टा क्वोमिंगतांग जनवादी सिद्धांत इत्तेक जनवाद, ताना लोप्पा सब्बे आम लोकरा हिस्सा मंदियार ओसो बाकी मुट्टामेंड लोकरा निजी मालिकाना मन्नो।

पोरो वेहता जनवाद किन उंदी सामान्य राजनीतिक कार्यक्रम लेक्का हूडतेके नेताल बोर मंदानूर, बोना नेतृत्व कियानूर इंदाना सवाल विडसतेके इद जनवाद जनता ना लोकशाही लेवेके माटू चर्चा कीसोर मत्ता पूना लोकशाही संगे कलिंता। सब्बे आम लोकुरा हिस्सा मंदाना, पूंजीपति वर्ग तुन वडकला अनुमति हिल्वा राजव्यवस्था तुन तम्मा निजी मिल्लिकयत बने कियाला हियाना ओयो ओसो अदिना लोप्पा नेतृत्व मजदूर वर्ग ता जोडे कितेके अदु राज्य-व्यवस्था जनता ना जनवादी अधिनायकत्व बनेमांता।

च्यांग कार्ड-शेक सुन यात-सेन संगे विश्वासघात कितोर अनि चीन ता आम लोकुरा उत्पीड़न कियाला काजे नौकरशाह पूंजीपति वर्ग ओसो जर्मीदार वर्ग ता शासन तुन उंदी साधन लेक्का इस्तेमाल कितोर। इदु प्रतिक्रियावादी शासन 22 साल ताकता। इंजे मावा नेतृत्व ते चीन ता आम लोकुर ताना तख्ता पलट कितोर।

मावा पोरो माटू “एकतंत्रवाद” लेवेके “एकदलीय-सत्तावाद” पोरो अमल कींतोम इंजी आरोप वाटना विदेशी प्रतिक्रियावादिरा खुद एकतंत्रवाद लेवेके एकदलीय-सत्तावाद लागू कींतोर। ओरु सर्वहारा वर्ग ओसो बाकी जनता ना पोरो उंदी वर्ग ता इत्तेके पूंजीपति वर्ग ता एकतंत्रवाद लेवेके एकदलीय-सत्तावाद लागू कींतोर। सुन यात-सेन वेहता आधुनिक राज्य कुन आम लोकुरा उत्पीड़न कीयाना पूंजीपति वर्ग ता लोकुर वीरे आंदुर। वीरे प्रतिक्रियावादिरा नकल कीसि च्यांग कार्ड-शेक तन्ना प्रतिक्रांतिकारी एकतंत्रवाद बने कितोर।

सुंग वंश ताव रो दार्शनिक चु शी वेल्ले कित्ताबकु रास्तोर, ओरु वेहता बचोनो पोल्लोंग कुन माटू मरंगतोम, मति उंदी वाक्य हमेशा मावा सुरता ते मंदिता: “मीवा संगे व्यवहार कित्ता लेक्काने ओरा संगे व्यवहार कीयाना”<sup>8</sup> नेंडु माटू इद्रमे क्रिया मंतोम: माटू साम्राज्यावादीर ओसो ओरा पालतु नैकू (च्यांग कार्ड-शेक प्रतिक्रियावादिर) संगे ओरु मावा संगे कित्ता लेक्काने ओरा संगे व्यवहार क्रिया मंतोम। इदिन विडचसी दूसरा बदे पोल्लो हिल्ले।

क्रांतिकारी शासन ओसो प्रतिक्रांतिकारी शासन स्वरूप लोप्पा उंदी दूसरा तुकू विरुद्ध मंता। पहली चीज दूसरा तल करियसिए बनेमांता। इद्रम करियाना वेल्ले महत्वपूर्ण मंता। क्रांतिकारी जनता प्रतिक्रांतिकारी वर्ग पोरो तन्ना शासन कीयाना तरीका ते निपुण आयवेके अदु तन्ना राजसत्ता निल्पी किया परवो। चीनी जनता ओसो विदेशी प्रतिक्रियवादीर अदिन पलटे कीसि चीन पोरो तन्ना शासन स्थापित कियानूर अनि क्रांतिकारी जनता पोरो मुश्किल परिस्थिति वायरा।

जनता ना जनवादी शासन मजदूर वर्ग, किसान वर्ग ओसो शहरी निम्म-पूंजीपति वर्ग ता एकता पोरो आधार आसी मंता। मुख्य रूप ते अदु मजदूर-किसान लोरा एकता पारो आधार आसी मंता। बारांकु इत्तेके इव रेंडासी वर्ग कुना संख्या कलियसी चीन ता पूरा आबादी लोप्पटल 80-90 प्रतिशत आंता। इव रेंडासी वर्ग संगेने साम्राज्यवाद ओसो क्वोमिंगतांग प्रतिक्रियावाद ता तख्ता पलट किया परमूडायारा। नवजनवाद तल समाजवाद बगिल दायना मुख्य रूप ते इवे रेंडु वर्ग कुना एकता पोरो आधार आंसी मंता।

जनता जनवादी शासन किन मजदूर वर्ग नेतृत्व ता जरूरत मंता। बारांकु इत्तेके मजदूर वर्गे सबसे ज्यादा दूरदर्शी, स्वार्थहीन ओसो सही क्रांतिकारी वर्ग आंदू। क्रांति ता पूरा इतिहास मजदूर वर्ग नेतृत्व लेवा क्रांति असफल आंता, मजदूर वर्ग नेतृत्व तेने क्रांति जीड़ा परिंता इंदाना पोल्लो ता गवाह मंता। साम्राज्यवादी युग ते बदे वेने देश लोप्पा बदे वेने दूसरा वर्ग उंदी सही क्रांति किन आखरी जीत एवनल ओया परवो। इद सच्चाई तुन चीन ता निम्म-पूंजीपति वर्ग ओसो राष्ट्रीय पूंजीपति वर्ग नेतृत्व कित्ता बचोनो क्रांतिंग असफल आसी साबित कीसितांग।

वर्तमान कालम ते राष्ट्रीय पूंजीपति वर्ग ता वेल्ले महत्व मंता। उंदी वेल्ले खतरनाक दुश्मन मत्ता साम्राज्यवाद इंजे वेने मावा मुन्ने नितसी मंता। चीन ता राष्ट्रीय अर्थव्यवस्था लोप्पा आधुनिक उद्योग ता अनुपात इंजे वेने वेल्ले कम मंता। कब्जा कित्ता आंकड़ांग इंजे हिल्लेंग मति उचुक आंकड़ांग ना अनुसार जापानी आक्रमण विरोधी युद्ध तुकू मुन्ने चीन ता



आधुनिक उद्योग कुना उत्पादन-मूल्य राष्ट्रीय अर्थव्यवस्था ता कुल उत्पादन-मूल्य ता लगभग 10 प्रतिशते मत्ता इंजी अंदाजा वाटताद मत्ता। साम्राज्यवादी उत्पीड़न ता मुकाबला कियाला काजे ओसो पेरके अरता अर्थव्यवस्था किन मुन्ने ओयला काजे चीन राष्ट्रीय अर्थव्यवस्था काजे ओसो जनतना ना पिस्वल काजे नुकसानदायक आयवा फायदा मत्ता हर शहर ओसो ग्रामीण पूंजीवादी तत्व कुना इस्तेमल कीयाना। अनि माटू मावा संघर्ष लोप्पा राष्ट्रीय पूंजीपति वर्ग संगे एकता स्थापित कीयाना मावा वर्तमान नीति पूंजीवाद किन नियंत्रित कीयाना मंता, अदिन खत्म कीयानाद आयो। मति राष्ट्रीय पूंजीपति वर्ग क्रांति ता नेताल आया परवोर अनि ओरु राज्य लोप्पा प्रमुख जागा ता अधिकारी वेने आया परवोर। ओरु तन्ना सामाजिक, आर्थिक परिस्थिति कमजोर मत्तांकु क्रांति ता नेताल ओसो राज्य ता प्रमुख जागा ना अधिकारी आयार परवोर। ओना लोप्पा दूरदर्शिता ओसो जरूरी साहस ता कमी मत्तांकु वेल्ले सदस्य जनता तुकू वेरियंतोर।

सुन यात-सेन “व्यापक जनता किन जागृत कीयाना” “किसान ओसो मजदूर लोरा सहायता कीयाना” इंजी आह्वान कितोर। मति ओरकिन बोरु “जागृत कीयाना” लेवेके ओरकिन “सहायता बोर हियाना”? सुन यात-सेन इद काम निम्न-पूंजीपति वर्ग ओसो राष्ट्रीय पूंजीपति वर्ग ता आंदू इंजी आल्सतोर। मति असल इत्तेके ओरु इद काम किया परवोर। सुन यात-सेन चालीस साल ता क्रांतिकारी काम पेरके असफल बारांकु आत्ता? बारांकु इत्तेके साम्राज्यावादी युग लोप्पा निम्न-पूंजीपति वर्ग ओसो राष्ट्रीय पूंजीपति वर्ग बदे वेने असली क्रांति किन आखरी जीत एवनल ओय परवोर।

मावा इव 28 सालकु एकदम अलग मंतांग। माटू वेल्ले कीमती अनुभव दोरकी कित्ताद मंता। मार्क्सवादी-लेनिनवादी सिद्धांत संगे लैस मत्ता, आत्मालोचना तरीका ता इस्तेमाल कीयाना ओसो जनता संगे घनिष्ठ संपर्क मत्ता उंदी अनुशासनबद्ध पार्टी। इद्रम ता पार्टी ता नेतृत्व ते काम कीयाना उंदी सेना। ओसो इद्रम ता पार्टी नेतृत्व ते सब्बे क्रांतिकारी वर्ग

ओसो सब्बे क्रांतिकरी ग्रुप कुना उंदी संयुक्त मोर्चा - इव मूंडासी ना मदद ते माटू दुश्मन तुन हारे कित्तोम, इव मुख्य हथियारकु आंदुंगा वीरे मावा ओसो मावा अगुआ लोरा नडमा अंतर कित्तोरा। माटू वीरा पोरोरने भरोसा कीसि बुनियादी महत्व ता जीत दोरकी कित्ताद मंता। माटू उंदी विंको-वंको हरीं पोयताद मंता। माटू पार्टी लोप्पा दक्षिणपंथी ओसो “वामपंथी” अवसरवादी भटकाव कुना खिलाफ संघर्ष कित्ताद मंता। इव मूंड पोल्लोंग लोप्पा माटू गलतिंगी कित्तास्के क्रांति किन धक्का देलगता। गलतिंग ओसो असफलतांग निगडल सबक एतसी माटू मुन्नेटुकू ज्यादा समझदार बनेमासी मंतोम मावा काम मुन्ने तुकू ज्यादा बेस किया मंतोमा बदे राजनीतिक पार्टी आई लेवेके मानेय आई गलती कीवा मनोर आंतोरा मति माटू कम से कम गलतिंग कीयाना इंजी मांग कींतोम। गलती आतेके अदिन सुधार कीयाना अनि परताचोन जल्दी ओसो सही तरीका ते काम कीयाना।

माटू मना अनुभव कुनगडल उंदी सुत्र लेक्का पेश कीतेके इगा वेहता लेक्का कियमूडायर - मजदूर वर्ग नेतृत्व कीयाना जनता ना जनवादी अधिनायकत्व मजदूर किसान लोरा एकता पोरो आधार आसी मत्ता कम्युनिस्ट पार्टी संगे कीयाना। इद शासन अंतरराष्ट्रीय क्रांतिकारी ताकत कुना संगे एकता कीसि उंदी जीवा आयाना। इदे मावा फार्मूला आंदू, इदे मावा मुख्य अनुभव आंदु, इदे मावा मुख्य कार्यक्रम आंदू।

मावा पार्टी 28 सालकुन लोप्पा सिर्फ इदे उंदी काम कित्ता। माटू क्रांतिकारी युद्ध लोप्पा बुनियादी महत्व ता जीत दोरकी कित्तोम। इद उंदी अभिनंदन कीयाना लेक्कटा पोल्लो आंदू बारांकु इतेके इदु जनता ना जीत आंदू, बारांकु इतेके इदु उंदी चीन लेक्कटा देश लोप्पा दोरकी कित्ता जीत आंदू। मति माटू इंजे वेने वेल्ले काम कीयानादु मंता - इदिन उंदी सफर लेक्का मानेमातेके हत्ता कालम ते माटू बाता काम कीतोमो अदु मावा दस हजार ली लम्बा अभियान ता सिर्फ पहली डाकाए मत्ता। इंजे मावा मुन्ने दुश्मन ता जबरदस्त काम वेने मंता। माटू वेल्ले बेस पुंजी मत्ता काम वेने मंतांग अविन जल्दिण उंदी ओदा वाटसियाना अनि पुनवा मत्ता काम कुन

कैदे पोयसी ताका लागियर। इत्तेके माटू मुश्किल कुना सामना किया लागियर। साम्राज्यवादिर माटू मावा आर्थिक काम बेस किया परवोम इंजी आल्संतोर: ओरु उंदी बगिल नितसी माटू बद्रमाई असफल आयना इंजी हूडा मंतोर।

माटू तिप्पल कुना पोरो जीत दोरकी कीयाना, बद काम वायो अदिन करियाना।

आर्थिक रूप ते माटू सब्बे तोर काम कियाला निपुण मत्तोर अगडल, अदु बोर मत्तेकाई ओरगडल काम करियाना। माटू ओरकिन मावा शिक्षक मानेमायना अनि वेल्ले आदर संगे जीवा कीसि करियाना। माटू पुनवा पोल्लो तुन पुत्ता लेक्का तोहवा लेवा अदिन स्वीकार कीयाना। माटू नौकरशाही रोब संगे काम कीयानायो। माटू बदे काम कीसोर मत्तेके बचोनो महिनांग एवनल, साल-रेंडु साल लेवेक मूंड साल बचोन साल लागतेकाई अदिना लोप्पा निपुण आयना जोम करियाना। सोवियत संघ लोप्पा वेने शुरू ते उचुन कम्युनिस्ट लोरे आर्थिक रूप ते काम बद्रम कीयाना इंजी पुंजी मत्तोर, अस्के वेने साम्राज्यवादीर वीरू असफल आयनूर इंजी आल्सतोर। मति सोवियत संघ ता कम्युनिस्ट पार्टी जीत दोरकी कित्ता। लेनिन ओसो स्टालिन ना नेतृत्व ते अदु सिर्फ क्रांति बद्रम कीयाना इंजीए आयवा निर्माण कार्य बद्रम कीयाना इंजी वेने करियता। अदु उंदी महान ओसो शानदार समाजवादी राज्य ता निर्माण कित्ता। सोवियत संघ ता कम्युनिस्ट पार्टी मावा सबसे बेसता शिक्षक आंदू अदिनके माटू अदिनगडल जरूर करियाना। अंतरराष्ट्रीय परिस्थिति ओसो स्थानीय परिस्थिति रेंडासी मावा अनुकूल मंतांग, जनता ना जनवादी अधिनायकत्व ता हथियार पोरो आधार आसी प्रतिक्रियावादिर किन विडचसी देशमेटा सब्बे लोकरु किन एकताबद्ध कीसि माटू जरूर मावा लक्ष्य बगिल वृद्धता ते मुन्ने दाया परितोम।

## नोट

- 1) हंदा हल्लाचोन सुख-शांती वाले दुनया उंदी उच्च आदर्श आंदू, इंदिन चीन जनता दीर्घकालीन पोयसी तासंता। इगा कम्युनिस्ट समाज ता बारे वेहा मंतोमा-अनु.
- 2) वी.आई. लेनिन “वामपंथी, कम्युनिज्म उंदी पोकोरा बीमारी” लोप्पा अध्यायन दो हूडाटू। ताना लोप्पा लेनिन “लगभग आधा शताब्दी एवनल (लगभग 5 दशक तल आखरी दशक एवनल) रूस ता प्रगतिशील विचारधारक लोर वेल्ले क्रूर, बर्बरतापूर्ण ओसो प्रतिक्रियावादी जारशाही उत्पीडन नडमा वेल्ले गिर्दा ते सही क्रांतिकारी सिद्धांत कुना खोज कितोर अनि इदिना लोप्पा यूरोप, अमेरिका लोप्पा वेहता उंदी-उंदी पोल्लो ‘पूना शब्द’ ता मेहनत ओसो गहराई ते लागू कितोर। सही क्रांतिकारी सिद्धांत मार्क्सवाद तुन वेल्ले तिप्पल कुना सामना कित्ता पेरके आधा शताब्दी एवनल उतार-चढाव कुन वेंडसी, बचोनो बलिदानकु हीसी, बस्के ने हूडवा क्रांतिकारी वीरता तोहना ओसो आश्चर्य ताकत वाटना, पूरा मूडंदसी खोज कीयाना, अध्ययन कीयाना, व्यवहार ते जांच कीयाना, निराश आयना, जांच कीयाना ओसो बेसता अनुभव कुना संगे तूलना कित्ता पेरके दोरकी कित्ताद मंता।”
- 3) खांग यओ-वेइ (1858-1927) क्वांगतुंग प्रांत ता नानहाए काउन्टी तोर आंदुरा चीन जापानी साम्राज्यवाद तुकू हारेमाता उंदी साल पेरके 1895 ते अदु पेफिंग लोप्पा तीसरी चरण ता शाही परीक्षा ता 13 सौ परीक्षांग ना नेतृत्व कीसि सम्राट क्वांग श्वी किन “दस हजार शब्द कुना प्रतिवेदन” हीता, ताना लोप्पा “कानूनी सुधार ओसो आधुनिकीकरण कीयाना” इंजी अपील कित्ताद मत्ता ओसो एकतंत्रवादी राजतंत्र किन वैधानिक राजतंत्र लेक्का बदले कीयाना इंजी मांग कीतद मत्ता। 1898 ते सुधार लागू कीयाना कोशिश आत्ता, सम्राट खांग यओ-वेइ ओसो यान स-थुंग, ल्यांग छी-छाओ ओसो बाकी लोकर किन सरकार ता महत्वपूर्ण पदकुने चुने कितोर। पेरके कट्टरपंथिरा प्रतिनिधित्व कीसोर मत्ता महारानी डोवागर छशी ओसो उंदी बेरा सत्ता कब्जा कित्ता अद्रमासी सुधार आंदोलन असफल आत्ता। खांग यओ-वेइ ओसो ल्यांग छी-छाओ विदेश वित्तितोर। अगा ओरु सम्राट-रक्षा सोसाइटी बने कितोर। इदु सुन यात-सेन प्रतिनिधित्व कीयाना पूंजीवादी ओसो निम्न-पूंजीवादी क्रांतिकारी विरोध कीयाना गुट उंदी प्रतिक्रियावादी राजनीतिक गुट मत्ता। खांग ना रचनांग लोप्पा “कनफ्युशियस ना धर्मग्रन्थ लोप्पा क्षेपक”, “कनफ्युशियस वरोर सुधारक ना रूप ते” ओसो “ता थंग-शू” (हंदा हल्लाचो सुख-शांति ग्रन्थ) शामिल मंतांग।
- 4) फूच्येन प्रांत ता फूचओ निवासी येन फू (1853-1921) ब्रिटिश लोप्पा उंदी एर सेना अकडमी ते शिक्षित आतोर। 1894 ता चीन-जापान युद्ध पेरके ओरु चीन ता आधुनिकीकरण कियाला काजे संवैधानिक राजतंत्र बने कियाला ओसो सुधार लागू कियाला पक्ष एतितोर। ओरु टी.एच. हक्सले ना लेख “इवाल्युशन एंड ईविव्स” (विकासवाद ओसो आचार-शास्त्र, ऐडम स्मिथ ना रचना “दि वेल्यु ऑफ नेशनस”

(राष्ट्रों की सम्पत्ति), जे.एस.मिल ना रचना “सिस्टम ऑफ लाजिक” (तर्क-पद्धति), मोलेस्कु ना रचना “लॉ स्पिरित द लुइ” कानूनों का स्वरूप) ओसो उचुक रचनांग ना अनुवाद कित्तोर। इवु चीन लोप्पा योरोप पूंजीवादी विचार कुना प्रचार-प्रसार कीयाना भूमिका निभे कित्ता।

- 5) इदे ग्रन्थ लोप्पा “नवजनवाद ता बारे ते”, नोट 16, (माओ त्सेतुंग ना संकलित रचनांग) ग्रन्थ 2 हूडाटू।
- 6) “श्वेइ हू ल्यान” (कछार ता पडियोर) पोरोल ता उपन्यास ता वरोर पडियोर चिंगयांग मेड्डा पोरो बिना हथियार पोयवा उंदी डुव्वल तुन हौकतोर। इदु वेल्ले प्रसिद्ध उपन्यास तुन सब्बे तोरु विचार कीतोर।
- 7) खेती ता सामूहिकरण ओसो देश ता औद्योगिकरण नड्डमा आपसी संबंध बाताल मंता। इदिन विस्तृत जानकारी काजे “कृषि-सहकारिता सवाल बारे ते” (भाग 7 ओसो 8) हूडाटी। इद रिपोर्ट लोप्पा कामरेड माओ त्सेतुंग 31 जुलाई 1955 ते चीनी कम्युनिस्ट पार्टी ता प्रांतीय कमेटींग म्युनिसिपल कमेटींग ओसो स्वायत्त प्रादेशिक कमेटींग ना सचिव लोरा उंदी सम्मेलन लोप्पा पेश कित्ताद मत्ता। इद रिपोर्ट लोप्पा कामरेड माओ त्सेतुंग सोवियत अनुभव कुना बारे ते ओसो मना देश लोप्पा खेती ता समाजीकरण तुन समाजवादी औद्योगिकरण संगे-संगे मुन्ने ओयना लेक्का बने कित्तोर।
- 8) इदु वाक्य च शी रास्ता “कनफ्युशियस दलाल ना सिद्धांत” पोरोल ता रचना ता 13वीं अध्याय ता उंदी टिप्पणी तल पोयताद मंता।

## भ्रमजाल तल बहार पेसना अनि संघर्ष काजे तैयार आयना\*<sup>1</sup>

14 अगस्त 1949

---

<sup>1</sup> इद लेख ओसो मुन्ने वायना नालुंग लेख “अलविदा, लीटन, स्टुअर्ट!”, “श्वेतपत्र पोरो बहस बारांकु जरूरी मंता”, “दोस्ती लेवेके आक्रमण?” ओसो “इतिहास ता आदर्शवादी धारणा ता दिवालियापन”-कामरेड माओ त्सेतुंग अमेरिका विदेश विभाग ता श्वेतपत्र ओसो डैन अचेसन ना पत्र बारे ते शिनह्वा 539 | माओ त्से तुंग संकलित रचनांग, ग्रंथ 4

चीन-अमेरिका संबंध कुना बारे ते अमेरिका विदेश विभाग ता श्वेतपत्र ओसो प्रेसेडंट ट्रूमैन ना पोरोल विदेश मंत्री ना चिट्टी अस्केने प्रकाशित आयनादु अचानक आत्ता घटना आयो। इव दस्तावेज कुना प्रकाशन चीन जनता ना जीत ओसो साम्राज्यवादीरा हार किन तोहिंता अनि साम्राज्यवाद ता पूरा विश्व-व्यवस्था खत्म आसोर मत्तादिन तोहिंता। साम्राज्यवादी व्यवस्था अंदरूनी अंतरविरोध कुना शिकार आसी मंता, इविन हल कीयाना बदे तरीका हिल्ले अदिन काजे साम्राज्यवादीर वेल्ले संकट ते मुडुंदसी मंतोर।

साम्राज्यवादी तन्ना सर्वनाश ता परिस्थिति खुद तैयार कीसि तासता। उपनिवेश, अर्धउपनिवेश ता बेहरा जन-समुदाय ओसो खुद साम्राज्यवादी देश कुना बेहरा जन-समुदाय ता जागृत आयना इद्रम ता परिस्थिति आंदू। साम्राज्यवाद पूरा दुनिया ता बेहरा जन-समुदाय तुन साम्राज्यवाद ता उन्मूलन कीयाना महान संघर्ष ता ऐतिहासिक युग ते वाटसिता।

साम्राज्यवाद इद जनता ना संघर्ष काजे भौतिक ओसो मानसिक परिस्थितिंग तैयार कित्ता।

भौतिक परिस्थितिंग इत्तेके कारखाना, रेलवे, बंदरगाह ओसो तोपकु। चीनी जन मुक्ति सेना (पीएलए) ता शक्तिशाली युद्ध-सामग्री ज्यादातर अमेरिका साम्राज्यवाद तले दोरकी कित्ताद मंता अनि उचुन जापानी साम्राज्यवाद तल दोरकता ओसो उचुन हिस्सा माटू खुद बने कित्ताद मंता।

चीन पोरो 1840 ते ब्रिटिश आक्रमण पेरके चीन किन आंग्ल-फ्रांस ता संयुक्त सेनांग, वेंडे फ्रांस, ताना पेरके जापान ओसो वेंडे ब्रिटिश, फ्रांस, जापान, जारशाही रूस, जर्मनी, अमेरिका, इटली ओसो आस्ट्रिया इव 8 देश कुना संयुक्त सेनांग ना आक्रमणकारी युद्ध कुना सामना किया लागता। पेरके चीन ता प्रादेशिक भूमि पोरो जापान ओसो जारशाही रूस नडम युद्ध

---

समाचार-एजेन्सी काजे रासिस मत्तोर। इव लेख कुना लोप्पा अमेरिका ता चीन संबंधित नीति ना साम्राज्यवादी स्वरूप ता पर्दाफाश कित्तोर अनि चीन ता पूंजीवादी बुद्धीजिवीरा उंदी हिस्सा लोप्पा अमेरिका साम्राज्यवाद बारे ते मंदना भ्रमजाल ता आलोचना कित्तोर अनि चीनी क्रांति ता उत्थान ओसो सफलतांग कुना कारण कुना बारे ते सैद्धांतिक रूप ते वेहतोर।

आत्ता<sup>2</sup> ताना पेरके 1931 ते जापान उत्तर-पूर्वी चीन लोप्पा आक्रमणकारी युद्ध शुरू कित्ता। तना पेरके 1937 जापान पूरा चीन खिलाफ आक्रमणकारी युद्ध कित्ता अनि 8 साल ताकी कित्ता। आखरी ते हत्ता मूंड सालकुनल चीनी जनता ना विरुद्ध ताकना आक्रमणकारी युद्ध पोरोटल हूडतेके च्यांग काई-शेक ताकी कीयाना लेक्का दिसिंता मति असल ते अमेरिकाए ताकी किया मंता। अचेसन ना चिट्टी लोप्पा इद आखरी युद्ध लोप्पा अमेरिका क्वोमिंगतांग सरकार किन हीता भौतिक सहायता क्वोमिंगतांग सरकार ता “मुद्रा-व्यय ता 50 प्रतिशत तुकू ज्यादा” मंता ओसो “अमेरिका चीनी सेनांग (इत्तके क्वोमिंगतांग सेनांग) किन युद्ध ता साजो-सामान संगे लैस कित्ता”। इदु युद्ध लोप्पा धन ओसो बंदूक अमेरिका तावे इस्तेमाल आया मंतांग अनि च्यांग काई-शेक अमेरिका बगिल तल लड़ेमायना चीनी लोर किन हौकला काजे किराया ता सैनिक जमा किया मंतोर। इव सब्बे आक्रमणकारी युद्ध कु ओसो इविना संगे राजनीतिक, आर्थिक ओसो सांस्कृतिक आक्रमण, उत्पीड़नकु चीनी लोकरा लोप्पा साम्राज्यवाद खिलाफ होंग निहचिता। इद युद्ध बारांकु ताका मंता इंजी आल्सला मजबूर कीसिता अद्रमासी ओरकिन तम्मा क्रांतिकारी विचार कुन विकसित कीयाना ओसो संघर्ष संगे एकताबद्ध आयला मजबूर कित्ता। ओरु संघर्ष कितोर मति विफल आतोर ओरु ओसो संघर्ष कितोर मति ओसो विफल आतोर अनि ओसो संघर्ष कितोर इद्रम ओरु 109 साल ता अनुभव कु जमा कितोर, सैकड़ों सुडला-बेहरा सैनिक ओसो राजनीतिक, आर्थिक, सांस्कृतिक, नेत्तुर पोहहचि ओसो नेत्तुर पोहवा संघर्ष कुना अनुभवकु दोरकी कितोर अनि इंजे ओरकिन बुनियादी सफलता दोरकता। इद मानसिक परिस्थिति हिल्वेके क्रांति बस्केने जीड़ा परवो।

तम्मा आक्रमण ता जरूत काजे साम्राज्यवाद चीन लोप्पा दलाल-व्यवस्था ओसो नौकरशाही-पूजी पुट्टी कित्ता। साम्राज्यवादी आक्रमण चीन ता सामाजिक अर्थव्यवस्था किन प्रोत्साहित कित्ता। ताना लोप्पा बदलाव कित्ता अनि चीन ता राष्ट्रीय उद्योग, राष्ट्रीय पूंजीपति वर्ग लेक्का ओसो विशेष रूप ते साम्राज्यावादीर सीधा ताकी कीयाना उद्योग लोप्पा

ओसो नौकरशाही-पूंजी ओसो राष्ट्रीय पूंजीपति वर्ग संगे ताकी कीयाना उद्योग कुना लोप्पा श्रम कीयाना चीन सर्वहारी वर्ग लेक्का तम्मा विपरीत तत्व कुन पुट्टी कित्ता। तम्मा आक्रमण ता जरूरत कुन पूरा कियाला काजे साम्राज्यवाद असमान मूल्य-विनिमय संगे चीनी किसान लोरा शोषण कीसि ओरकिन तबाह कित्ता अनि चीन लोप्पा दसियों करोड़ गरीब किसान लोरा उंदी बेहरा जन-समुदाय पुट्टी कित्ता। इदु जनसंख्या लोप्पटा 70 प्रतिशत मंता। तम्मा आक्रमण ता जरूरत कुन परी कियाला काजे साम्राज्यवाद पूना रकम ता दसियों लाख सुडला-बेहरा चीनी बुद्धिजीवी तैयार कित्ता, तीना लोप्पा पाड़ना रकम ता करियता तबकांग, लेवेके करियाता नौकरशाही लोरकिनकु अलग मंतोरा। मति साम्राज्यवाद ओसो अदिना तोका चीनी प्रतिक्रियावादी सरकार, वीर बुद्धिजीविरा सिर्फ उंदी हिस्सा ओसो हु श, फू स-ल्येन ओसो छयेन सू लेक्कटा मुट्टामेंड बुद्धिजीविर किने तम्मा बगिल कियाला सफल आतोरा। बाकी सब्बे ओरा पंजा तल पेसतोरा अनि विरोधी बनेमातोरा। विद्यार्थी, अध्यापक, प्रोफेसर, तकनीशियन, इंजीनियर, डॉक्टर, वैज्ञानिक, साहित्यकार, कलाकार ओसो सरकारी कर्मचारीर सब्बे क्वोमिंगतांग विरुद्ध विद्रोह किया मंतोरा लेवेके अदिन विड़सा मंतोरा। कम्युनिस्ट पार्टी गरीब लोरा पार्टी आंदू क्वोमिंगतांग तम्मा व्यापक षडयंत्रपूर्ण प्रचार कीसोरे कम्युनिस्ट पार्टी लोकरु किन हौकना, बोड़सना, बलात्कार कीयाना लूटपाट कीयाना पार्टी आंदू इंता। इतिहास ओसो संस्कृति ता बहिष्कार कींता, मातृभूमि पोरो जीवा हिल्ले, यायल-बाबल ना पोल्लो केंजो, गुरु ना सम्मान कीवो, ओरा पोरो बदे रकम तर्क असर कीवो, ओरा सम्पत्ति ओसो मुत्तेस्कु सब्बे सामूहिक मंदिंतांग, ओरु “जन-सागर” ता फौजी डावपेज लागू कींतोरा (इत्तेके कम्युनिस्ट खतरनाक राक्षस तल लेक्का मंतोरा, ओरु हर सब्बे रकम ता अपराध कींतोरा) ओरकिन बस्के ने माफ कियमूड़ायो इंजी प्रचार किया मंतोरा। मति इद्रम ता दल दसियों करोड़ लोकुरा समर्थन बद्रम दोरकी कित्ता इंदानदु आल्सना लेक्का मंता। वीरा लोप्पा बुद्धिजीविरा बेहरा हिस्सा ओसो खासकर युवा विद्यार्थिर शामिल मंतोरा।



बुद्धिजीविरा उंदी हिस्सा इंजे वेने बेके वडिय वातेके हक्केने दायना लेक्का मंता। ओरु क्वोमिंगतांग इत्तेके बेस हिल्लेए मति कम्युनिस्ट पार्टी वेने बेस मंता इंजी आल्सना जरूरी हिल्ले अदिन काजे इंजे उचुन जोम इद्रमे मत्तेके बेस आयार इंजी आल्संतोरा ओरा लोप्पा उचुन मुल कम्युनिस्ट पार्टी ता मौखिक रूपते समर्थन कींतोर, जीवा कीसि आयो। वीरे अमेरिका ता बारे ते तम्मा विचार भ्रम पुट्टी कीसि तासिंतोरा। ओरु सत्तारूढ अमेरिका साम्राज्यवाद ओसो अमेरिका जनता नडमा अंतर कियवोर आंतोरा। अमेरिका साम्राज्यवाद ओरकिन मिंगता पोल्लिंग कीसि भ्रम ते वाटिंता। वीरु साम्राज्यवाद उंदी गंभीर, दीर्घकालीन संघर्ष लेवाए जनता ना चीन संगे समानता ओसो आपसी फायदा व्यवहार कियार इंजी आल्सिंतोरा। नेंडु वेने ओरा विचार ते वेल्ले प्रतिक्रियावादी इत्तेके जन विरोधी धारणांग मंतांग। मति ओरु क्वोमिंगतांग प्रतिक्रियावादिर आयोरा। ओरु जनता ना चीन ता मध्यममार्गी लेवेके दक्षिणपंथीर आंदुर। ओरु अचेसन “जनवादी व्यक्तिवाद” ता समर्थन कींतोरा। अचेसन ना मायाजाल काजे उंदी सामाजिक बुनियाद चीन लोप्पा इंजे वेने मंता।

अचेसन ना श्वेतपत्र तल चीन ता वर्तमान परिस्थिति तल पेसला काजे अमेरिका कैदे बदे तरीका हिल्ला लेक्का दिसिंता। क्वोमिंगतांग ता परिस्थिति वेल्ले बिगडेमासी मंता। अद्रमासी अदिना बदे वेने सहायता साम्राज्यवाद ता सर्वनाश तुकू बचे किया परवो। परिस्थिति पोरो अमेरिका साम्राज्यवादिरा पकड़ कमजोर आत्ता। अचेसन तन्ना चिट्टी लोप्पा दोड़ वेहता लेक्का रास्तोरा।

गृहयुद्ध ता प्रतिकूल परिस्थितिंग पोरो अमेरिका सरकार ता पकड़ हिल्लादू वेल्ले दुक्कम ता पोल्लो मंता। मावा क्षमतांग ना हंदी ते मंजी इद देश बाता कितायो अदिना कारण किन बदले किया परमूडायो। इद देश बाता कियवा लेवा बदिन विडसतायो अदिना इद काम लोप्पा बदे योगदान हिल्ले। इद काम चीन ता आंतरिक ताकत कुना उपज आंदू। इद देश अव ताकत कुन प्रभावित कियाला आल्सता मति इद्रम किया परवो आत्ता।

तार्किक रूप ते अचेसन ना निष्कर्ष उचुन लेस्कता दिमाग वाले चीनी बुद्धिजीवीर आल्सना लेक्का इत्तेके “तम्मा कस्सेर विडचसी, अस्केने भगवान बुद्ध बनेमायना कसाई” लेक्का लेवेके “हृदय-परिवर्तन आतांकु धर्मात्मा बनेमायना डाकू” ना लेक्का व्यवहार कीयाना मंदानादु मत्ता। इत्तेके अचेसन इंजे जनता ना चीन संगे समानता ओसो आपसी फायदा ता व्यवहक कीयाना अनि गड़बड़ कीयाना बंद कीतेके बेस आयर। मति अचेसन ना गड़बड़ कीयानादु पक्का जारीए मंदियर। इद्रमे मत्तेके बाताले आंता या? ओरु इंगो इंतोरा बोना पोरो भरोसा कीयाना? “जनवादी व्यक्तिवाद” पोरो भरोसा कियमूडायर इंजी अचेसन इंतोरा।

आखरी ते चीन ता सभ्यता, इदिना मोद्दोल वेल्ले दोड़ हंजी मंतांग अनि ओना जनवादी व्यक्तिवाद ओसो उंदी बेरा कब्जा कीसि चीन विदेशी जुआ तुन रेहची वाटसियारा। नावा हिसाब ते माटू चीन लोप्पा इद लक्ष्य तुन नेंडु लेवेके वायना कालम ते ओयना परिस्थिति ता विकास किन प्रोत्साहन हियाना।

साम्राज्यवादी तर्क जनता ना तर्क तुकू बचोन अलग मंता। गड़बड़ कीयाना, असफल आयना, वेंडे गड़बड़ कीयाना, वेंडे असफल आयना..... बस्के एवनल सर्वनाश आयोर अस्के एवनल इद्रमे आसोर मंदिता, इद साम्राज्यवादिरा ओसो दुनिया ता सब्बे साम्राज्यवादिर जनता संगे लडेमायनास्के लागू कीयाना तर्क आंदू। इद तर्क ता खिलाफ ओरु बिल्कुले हन्नोर आंतोरा। इद उंदी मार्क्सवादी नियम आंदू। माटू “साम्राज्यवाद वेल्ले क्रूर मंता” इत्तेके ओरु बस्केने बदलेमाया परवोर ओसो साम्राज्यवादीर तम्मा सर्वनाश तुकू मुन्ने बस्केने तम्मा कैदे कसाई ना कसेरे विडसोर अनि बस्के ने भगवान बुद्ध बनेमायोरा।

संघर्ष कीयाना, असफल आयना, वेंडे संघर्ष कीयाना, वेंडे असफल आयना, वेंडे संघर्ष कीयाना.. बस्के एवनल जीत दोरको अस्के एवनल, इदु जनताना तर्क आंदु। जनता बस्केने ने इद तर्क ता खिलाफ हन्नो आयरा। इदु दूसरा मार्क्सवादी नियम आंदू। रूसी जनता ना क्रांति इदे नियम तुन लागू कित्ता अनि चीनी जनता ना क्रांति वेने इदे नियम तुन लागू कित्ता।

वर्ग नड़मा संघर्ष आंता, उचुक वर्ग जीडिंतांग अनि उचुक नष्ट आंतांग। इतिहास इद्रमे मंता, इद्रमे हजारों साल ता सभ्यता ता इतिहास मंता। इद दृष्टिकोण अनुसार इतिहास ता बारे ते वेहाना ऐतिहासिक भौतिकावाद इंतोर। इदिना उलटा दृष्टिकोण पोयना इत्तेके ऐतिहासिक आदर्शवाद इंतोर।

आत्मालोचना कीयाना तरीका सिर्फ जनता ना कैडर लोप्पाने मंता। साम्राज्यवाद ओसो चीन प्रतिक्रियावादिर इद पोल्लो तुन समझेमाया परवोर। मावा काजे इद मावा ताकत तुन संगठित कीसि ओरा खिलाफ संघर्ष कीयाना तरीका आंदू। मावा जनताना मुक्ति युद्ध ओसो भूमि-क्रांति ते कित्ता लेक्का। साम्राज्यवादिरा पर्दाफाश कीयाना ओरकिन “परेशान” कीयाना, ओरा तख्ता पलट कीयाना, कानून विरुद्ध ओरु कित्ता अपराध कुना सजा हियाना ओसो “ओरकिन सिर्फ उचुन हंदी ते मंजी काम कियाला हियाना अनि विचार वात्ता लेक्का व्यवहार कियाला” हियानायो। अस्केने साम्राज्यवादी देश कुना संगे समानता ओसो आपसी फायदा ता शर्त कुना पोरो व्यवहार कियमूडायर। अस्केने जर्मीदार वर्ग तत्व, नौकरशाही पूंजीपति वर्ग तत्व, प्रतिक्रियावादी क्वोमिंगतांग गुट ता सदस्य लोर ओसो ओरा सह-अपराधिर हथियार वाटसियानोर अनि आत्मसमर्पण कियाला आल्समूडायर अनि ओरकिन सही काम कीयाना शिक्षा हियमूडायर। चीन लोप्पा ट्रूमैन, मार्शल, अचेसन, लीटन स्टुअर्ट लेक्कोर तम्मा बगिल काल्पना कोशिश कित्ता बचोनो उदारपंथी इत्तेके पाड़ना तरीका ता जनवादी तत्व, इत्तेके “जनवादी व्यक्तिवाद” ता समर्थक लोर बदे सहायता हिल्वा लेक्का आंतोर अनि समस्यांग ना बारे ते ओरा समझदारी गलत साबित आंता। अमेरिका शासक, क्वोमिंगतांग, सोवियत संघ ओसो चीना कम्युनिस्ट पार्टी बारे ते ओरा समझदारी गलत साबित आंता। इदिना कारण सिर्फ ओरु ऐतिहासिक भौतिकवादी दृष्टिकोण ते समस्यांग पोरो आल्सवा मंतोर लेवेके स्वीकार कीवोर आंतोर।

कम्युनिस्ट, जनवादी पार्टिंग ना सदस्य, जागृत मजदूर, युवा विद्यार्थिर ओसो प्रगतिशील बुद्धिजीवरि लेक्का मुन्ने हत्तोर। काम जनता

ना चीन लोप्पा मध्यम वर्ग, नडुम हर्षी ते मत्ता लोकुर, अलग-अलग वर्ग कुना पेरके अरता तत्व कुन ओसो इंजे वेने पेरकेमुन्ने आसोर मत्ता सब्बे लोकुरा संगे एकता कीयानादु मंता। इद्रम तोरा जीवा कीसि सहायता कीयाना, ओरा डुलमुलपन ता विरोध कीयाना, ओरकिन शिक्षित कीयाना ओसो आम जनता ना पक्ष ते कीयाना, ओरकिन साम्राज्यवाद पक्ष ते दायला रोमी कीयाना अनि भ्रमजाल तुन त्याग कीसि संघर्ष कियाला तैयार आयना इंजी घोषणा कीयाना। सफलता दोरकता इंजे बातले कीयाना जरूरत हिल्ले इंजी बोर वेने आल्सनायो। वीरकिन निज्जमे मना बगिल काल्पला काजे माटू वेने काम कीसोरे मंदाना, इदे आयवा वेल्ले सहनशीलता ते काम कीयाना। माटू वीर किन मना पक्ष ते काल्पतास्के साम्राज्यवाद पूराए अलग-थलग आयारा। अचेसन ना बदे वेने चाल काम वायो आयारा।

“संघर्ष काजे तैयार आयमूट” इद नारा इंजे वेने चीन ओसो साम्राज्यवाद देशकुना विशेष रूप ते चीन ओसो अमेरिका ता आपसी संबंध कुना सवाल कुना बारे ते भ्रम पोयसी मत्तोर काजे आंदू। इद सवाल ता बारे ते ओरु नेंडु वेने निष्क्रिय मंतोर। ओरु इंजे वेने दृढ़ संकल्प कित्ताद हिल्ले अमेरिका साम्राज्यावाद (ओसो ब्रिटिश साम्राज्यवाद) विरुद्ध वेल्ले बेहरा संघर्ष काजे दृढ़ संकल्प कित्ताद हिल्ले। बारांकु इत्तेके अमेरिका ता बारे ते ओरा विचार ते इंजे वेने भ्रमजाल मंता। इद सवाला ता बारे मावा ओसो ओरा नडुमा उंदी वेल्ले बेहरा कोहड़ा मंता।

अमेरिका श्वतेपत्र ओसो अचेसन ना चिट्ठी ता प्रकाशन उंदी गिरदा आयाना लेक्कटा घटना आयो। बारांकु इत्तेके इद्रम कीतेके पाड़ना तरीका ता जनवाद इत्तेके जनवादी व्यक्तिवादी धारणांग संगे तुंडसी मत्ता ओसो जनता ना जनवाद लेवेके जनवादी सामूहिकतावाद, जनवादी केंद्रीयता, सामूहिक वीरता, अंतरराष्ट्रीयवाद पोरो आधार आसी मत्ता देशभक्ती किन स्वीकार कियवा मंदाना, इदिनगडल नाराज आसी मंदाना, क्वोमिंगतांग प्रतिक्रियावादि आयावा इंजे वेने उचुन देशभक्ती विचार मत्ता चीन ता लोकुरा आशांग ओरा सम्मान तोड़ियो ते मिंजियर।

अचेसन खुल्लम-खुल्ला चीन ता जनवादी व्यक्तिवादिर किन “विदेशी जुआ” रेहची वाटला काजे “प्रोत्साहन” कीयाना इंजी घोषणा कित्तोर। इत्तेके मार्क्सवादी-लेनिनवाद किन ओसो चीनी कम्युनिस्ट पार्टी नेतृत्व ते स्थापित जनता ना जनवादी शासन वाले व्यवस्था किन तेहकसी वाटना। बारांकु इत्तेके इदु वाद ओसो व्यवस्था “विदेशी” मंता, इदिना मोद्दोल चीन ते हिल्ले, इदिन किन जर्मनी ता कार्ल मार्क्स (66 साल मुन्ने डोलतोर), रूस ता लेनिन (25 साल मुन्ने डोलतोर) ओसो स्टालिन (इंजे जिंदा मंतोर) चीनी जनता पोरो बोरसतोर, संगेने इद वाद ओसो व्यवस्था वेल्ले लब्बड़ हिल्ले बारांकु इत्तेके इदु वर्ग-संघर्ष कियाला ओसो साम्राज्यावाद किन नष्ट कियाला हरीं तोहिंता। अदिन काजे इदिन खत्म कियालाए लागियर। इदिना बारे ते प्रेसीडेंट ट्रूमैन, कठपुतली एंटी कीयाना कमांडर-इन-चीफ मार्शल, विदेश मंत्रि अचेसन (श्वेतपत्र प्रकाशन काजे जिम्मेदार वरोर विदेशी शरीफाजादाल) ओसो तोका तेहची वित्तना राजदूत लींटन स्टुअर्ट ना “प्रोत्साहन” ते चीन ता “जनवादी व्यक्तिवाद ओसो उंदी बेरा तना जागा पंडियर” इंजी इत्तोर। अचेसन ओसो अचेसन लेक्काटोर “प्रोत्साहन” हिया मंतोर इंजी आल्संतोर, मति अमेरिका पोरो विश्वास आत्तास्के वेने देशभक्ती विचार तासना चीन ता जनवादी व्यक्तिवादिर इद प्रोत्साहन तले ओरु ओसो ओरा सम्मान तोड़ियो ते मिंजता इंजी आल्सना सम्भावना मंता। बारांकु इत्तेके चीन जनता ना जनवादी शासन ता अधिकारिरा संगे बेस व्यवहार कियवेके अचेसन ओसो अचेसन लेक्काटोर इद लब्बड़ ता काम किया मंतोर। इदे आयावा ओरु इदिन खुल्लम-खुल्ला प्रकाशित वेने कित्तोर। इद्रम कीतांकु ओरा सम्मान तुन बचोन धक्का दलगता! निज्जमे बचोन धक्का दलगसी मंता! देशभक्ती विचार तासना लोकुरा काजे अचेसन ना पोल्लो “प्रोत्साहन” आयवा ओरा अपमान आंदू।

चीन उंदी महान क्रांतिकारी कालम तल हंजारे मंता। पूरा चीन लोप्पा गिर्दा ता समुद्र उर्र कोड्डा मंता। गलत धारणांग संगे तुंडसी मत्तेकाई जन – क्रांति पोरो कट्टर दुश्मनी ओसो तीव्र विरोध ता विचार हिल्वोर किन मना

बगिल कीयाना ओसो ओरा संगे एकता कियाला काजे परिस्थिति अनुकूल मंता। वीरा सब्बे तोर किन समझे कियाला काजे मुन्ने हत्ता लोकर इद श्वेतपत्र ता इस्तेमाल कीयाना।

## नोट

1. इगा 5 अगस्त 1949 ते अमेरिका विदेशी विभाग बगिल तल प्रकाशित कित्ता “चीन संगे अमेरिका ता संबंध” पोरोल ता श्वेतपत्र ता बारे वेहताद मंता। टरूमैन ना पोरोल अचेसन ना चिट्ठी संगे जुडेमायना इत्तेके अमेरिका विदेशी विभाग श्वेतपत्र तैयार कित्ता पेरके 30 जुलाई 1949 ते अचेसन टरूमैन किन रास्ता चिट्ठी ता बारे ते। श्वेतपत्र ता मूलपाठ 8 अध्याय कुने मंता, ताना लोप्पा “वांगशा समझौता” पोरो हस्ताक्षर कियाला काजे चीन किन अमेरिका मजबूर कीयानास्के इत्तेके 1844 तल सम्पूर्ण देश लोप्पा चीनी जन-क्रांति किन बुनियादी जीत दोरकना इत्तेके 1949 एवनल ता चीन-अमेरिका संबंध कुना बारे ते वेहताद मंता। श्वेतपत्र लोप्पा विशेष रूप ते जापानी-आक्रमण-विरोधी युद्ध ता आखरी कालम तल 1949 एवनल 5 साल कुना लोप्पा अमेरिका कम्युनिस्ट पार्टी खिलाफ च्यांग काई-शेक ना सहायता नीति बदरम लागू कित्ता, हर संभव तरीका ते चीनी जनता ना विरोध बदरम कित्ता अनि बदरम हारेमाया लागता इंदाना पोरो ध्यान हीताद मंता। श्वेतपत्र ओसो टरूमैन ना पोरो ते अचेसन ना चिट्ठी रेंडासी सही किन गलत ओसो गलत किन सही वेहना, तथ्य कुन मकिह कीयाना, कहानिंग बने कीयाना संगे-संगे चीनी जनता ना विरुद्ध आरोप वाटनावु मंतांग। अस्के चीन ता बारे ते अमेरिका नीति ता सवाल पोरो अमेरिका ता प्रतिक्रियावादी ग्रुप लोप्पा आपस ते आत्ता झगडा लोप्पा टरूमैन ओसो अचेसन लेक्कटा साम्राज्यावादिर तम्मा विरोधिर किन मानेह कीयाना कोशिश कियाला मजबूर आसी श्वेतपत्र संगे तम्मा प्रतिक्रांतिकारी काम कुन सार्वजनिक रूप ते मुन्ने तास्तोर। असल इत्तेके इद्रमे इस श्वेतपत्र अमेरिका साम्राज्यवाद ता चीन-विरोधी आक्रमण ता अपराध कुना कबूलनामा बनेमाता।
2. इद युद्ध उत्तर-पूर्वी चीन ओसो कोरिया किन कब्जा कियाला काजे 1904-05 ते जापान ओसो जारशाही रूस नडमा ताकता उंदी साम्राज्यवादी युद्ध मत्ता। इद युद्ध मुख्य रूप ते उत्तर-पूर्वी चीन ता फंगय्येन (नेटा शनयांग), ल्याओयांग ता इलाकांग लोप्पा ओ ल्यूइशुन बंदरगाह ता गर्रे-हेरे ताकी कित्ताद मत्ता। अदिन काजे चीन जनता ना वेल्ले नुकसान आत्ता। इद युद्ध ता कारण ते जारशाही रूस हारेमाता अनि उत्तर-पूर्वी चीन लोप्पा ताना जागा ते जापानी साम्राज्यवाद कब्जा कित्ता। इद युद्ध

मारता पेरके आत्ता शांति-समझौता (पोर्टसमाउथ समझौता) अनुसार जारशाही रूस  
किन कोरिया पोरो जापान ता पूर्ण कब्जा वेने स्वीकार किया लागता।

## अलविदा, लीटन स्टुअर्ट!

18 अगस्त 1949

अमेरिका श्वेतपत्र प्रकाशित कियाला 5 अगस्त इत्तेके लीटन स्टुअर्ट! नानकिंग तल दायनास्केने बारांकु कित्ता, ओरु वाशिंगटन एवसी मत्तेकाई इंजे एवनल एवतादे हिल्ले इंजी समझें मांता, बारांकु इत्तेके लीटन स्टुअर्ट अमेरिका आक्रमणकारी नीति विफल आत्ता। लीटन स्टुअर्ट चीन ते पुडुता अमेरीकी आंदुर। चीन लोप्पा ओरा सामाजिक संपर्क वेल्ले मंता ओसो वेल्ले साल ओरु चीन ता मिशनरी स्कूल ताकी कित्तोर। जापान आक्रमण विरोधी युद्ध ताकनास्के उंदी बेरा जापानी जेल वेने हत्तोर। ओरु हमेशा अमेरिका ओसो चीन तुन बराबर जीवा कीयाना पोल्लोंग कित्तोर। इद्रम ओरु वेल्ले चीनी लोरा कोंडा उंडुल वाटतोर। अद्रमासीए जार्ज सी. मार्शल ओनकुन चुने कीसि चीन ओसो अमेरिका राजदूत बने कित्ता अनि मार्शल गुट ता मानेय बनेमातोर। मार्शल गुट ता कोंडा ते लीटन स्टुअर्ट लोप्पा सिर्फ गुट ता नीति ता प्रतिनिधि लेक्का चीन लोप्पा राजदूत मत्तादे ओना गलती मत्ता अस्केने चीनी जनता अद नीतु तुन पूराए तोड़ियो तीहता। इद जवाबदारी सुडला हिल्ला मत्ता। अद्रमासी लीटन स्टुअर्ट वाशिंगटन बगिल दायनास्के ओरु अगा एवना मुन्ने अंग जवाबदारी तल बचेमायला काजेने इद श्वेतपत्र ता प्रकाशन कित्ताद मत्ता।

चीन किन अमेरिका उपनिवेश बने कीयाना युद्ध लोप्पा अमेरिका तन्ना पैसा ओसो हथियार वाटा मंता अनि च्यांग काई-शेक अमेरिका बगिल तल लडुमायला काजे चीनी लोर किन हौकला काजे किराया ता सैनिक जमा किया मंतोर। दूसरा विश्वयुद्ध पेरकेटले अमेरिका साम्राज्यवाद ता विश्वव्यापी आक्रमण नीति ता उंदी महत्वपूर्ण अंग मत्ता। अमेरिका



आक्रमणकारी नीति ता बचोनो उद्देश्यकु मंतांग। युरोप, एशिया ओसो अमेरिका महाद्वीप इदिना मुख्य निशाना आंदुंग। एशिया ता गुरुत्व-केंद्र मत्ता चीन 47 करोड़ 50 लाख आबादी वाले बेहरा देश मंता। चीन पोरो अधिकार कीसि पूरा एशिया पोरो अमेरिका ता अधिकार आयारा। एशिया ता मोर्चा सुदृढ़ कित्ता पेरके अमेरिका साम्राज्यवाद यूरोप पोरो हमला कियाला काजे तम्मा पूरा ताकत केंद्रित किया परियरा। अमेरिका साम्राज्यवाद अमेरिका महाद्वीप ता मोर्चा किन तुलनात्मक रूप ते मजबूत आलिंसांता।

पहला, मति अमेरिका जनता ओसो पूरा दुनिया ता जनता ना युद्ध कियाला आल्सोए। दूसरा, अमेरिका ता ज्यादातर ध्यान यूरोप ता जनता ना जागरण ओसो पूर्वी यूरोप ता जनता ना लोकशाही ता निर्माण पोरो मंता। खासकर यूरोप ओसो एशिया रेंडासी महाद्वीप कुना नड़मा नितसी मत्ता ओसो अमेरिका ता आक्रमणकारी नीति ता दृढ़तापूर्वक प्रतिरोध कीसोर मत्ता शक्तिशाली शांति-किला सोवियत संघ लेसी कीसि तासता। तीसरा, ओसो सबसे महत्वपूर्ण पोल्लो चीनी जनता जागृत आत्ता, चीनी कम्युनिस्ट पार्टी नेतृत्व ते सशस्त्र ताकत ओसो जन-समुदाय कुना संगठित ताकतकु इंजे वेल्ले शक्तिशाली आतांग। अद्रमासी अमेरिका साम्राज्यवादी सत्ताधारी गुट किन चीन पोरो सीधा बेहरा स्तर ते सशस्त्र आक्रमण कीयाना नीति लागू किया लागता अनि च्यांग काई-शेक किन गृहयुद्ध कियाला काजे सहायता हियाना नीति लागू किया लागता।

चीन युद्ध लोप्पा अमेरिका ता एर, भूम ओसो वड़ी सेनांग वेने शामिल आतांग। छिंगताओ, शांघाई ओसो थाइवान लोप्पा अमेरिका ता एर सेना अड्डांग मत्तांग। पेफिंग, थ्येनचिन, थाइवान, छिनह्वांगताओ, छिंगताओ, शांघाई ओसो नानकिंग लोप्पा अमेरिका सेनांग मत्तांग। चीन ता वड़ी इलाका अमेरिका ता वड़ी सेना ता कब्जा ते मत्ता अनि अद सेना पूरा चीन ता रणनीतिक महत्व ता इलाकाना फौजी नक्शा बने कियाला हवाई फोटो काजे मत्ता। पेफिंग लोप्पा आनफिंग नार ते छांगछुन हेरे च्योथाए लोप्पा, थांगशान ओसो पूर्वी शानतुंग प्रायद्वीप ते अमेरिका

सैनिक ओसो बाकी सैनिक कर्मचारिरा जन मुक्ति सेना (पीएलए) मुठभेड़ आत्ता अनि बचोनो बेरा ओरकिन बंदी बने कियमूडाता<sup>2</sup> चेनाल्ट वड़ी सेना टुकड़ी युद्ध लोप्पा व्यापक रूप ते शामिल आत्ता<sup>3</sup> च्यांग काई-शेक ना सेनांग तत्ताना, ओयना अतिरिक्त अमेरिका वड़ी सेना क्वोमिंगतांग ता विरुद्ध विद्रोह कीयाना क्रूजर “छुंगकिंग” पोरो बमबारी कित्ता अनि मुडंडी कीसिता<sup>4</sup> इव सब्बे युद्ध लोप्पा सीधा शामिल आयना कार्रवाइंग मत्तांग, मति युद्ध ता खुल्लम-खुल्ला घोषणा कीयाना जरूरत वायो आत्ता ओसो इव कार्रवाइंग वेने बेहरा स्तर कित्ताद हिल्ले ओसो अमेरिका आक्रमण ता मुख्य तरीका गृहयुद्ध लोप्पा च्यांग काई-शेक ना मदद कियाला काजे धन, हथियार ओसो बेहरा संख्या ते सलाहकार हियानदु मत्ता।

अमेरिका इद तरीका इस्तेमाल कीतांदु चीन बगिल पूरा दुनिया ता असल परिस्थिति चिह्नित आत्ता। अमेरिका साम्राज्यवादी सत्ताधारी टरूमैन-मार्शल गुट ता चीन पोरो सीधा आक्रमण कियवांकू आयो। गृहयुद्ध लोप्पा च्यांग काई-शेक किन सहायता हियाना शुरू कित्तास्के उंदी तमाशा कित्ताद मत्ता ताना लोप्पा अमेरिका क्वमिंगतांग ओसो कम्युनिस्ट पार्टी ता झगड़ा नडमा ता तमाशा। इदु तमाशा चीनी कम्युनिस्ट पार्टी किन कमजोर बने कियाला काजे, चीनी जनता किन धोखा हियाला काजे ओसो लड़ेमायवा लेवाए चीन पोरो कब्जा कियाला काजे मत्ता। शांतिवार्ता विफल आत्ता, धोखाधड़ी ताका परवो अदिनके युद्ध शुरू आत्ता।

अमेरिका ता बारे ते भ्रम तासनोर हल्कोए मरंगना उदारपंथिर लेवेके “जनवादी व्यक्तिवादी” लोकुर मीटू अचेसन ना इव पोल्लोंग पोरो ध्यान हीमुटः

शांति वात्तास्के चीन लोप्पा अमेरिका मुन्ने मूंड विकल्पकु मत्तांगः

1. तन्ना कटुल सदरिशी वापिस दायना।
2. कम्युनिस्ट लोर किन नष्ट कियाला क्वोमिंगतांग ता मदद ते बेहरा स्तर ते फौजी हस्तक्षेप कीयाना.

3. चीन ता परताचोन बेहरा हिस्सा पोरो क्वोमिंगतांग ता कब्जा वाटसी अदिना मदद संगे-संगे रेंडु पक्ष कुना नडमा समझौता कीयाना कोशिश संगे गृहयुद्ध रोमी कीयाना।

मति अमेरिका पहली नीति बारांकु लागू कीवो आत्ता?

अचेसन इंतोर: - नावा हिसाब ते पहली नीति लागू कीसि मत्तेके अस्के अमेरिकी लोकमत, माटू सहायक साबित आयना कोशिश कीयाना मुन्ने मना अंतरराष्ट्रीय जिम्मेदारिग विडसतोम अनि चीन संगे दोस्ती कीयाना मना नीति तुन विडसतोम इंजी आलिसस मनवड।

असल इत्तेके अमेरिका ता “अंतरराष्ट्रीय जिम्मेदारिग” ओसो अदिना “चीन संगे दोस्ती ता नीति” चीन लोप्पा हस्तक्षेप कीयाना दूसरा पोरोल आदू। हस्तक्षेप किने अंतरराष्ट्रीय जिम्मेदारी इंतोर अनि हस्तक्षेप किने चीन संगे दोस्ती कीयाना इंतोर। अस्के हस्तक्षेप कियवा लेवा काम ताका परवो। अगा अचेसन अमेरिकी लोकमत पोरोल खराब किया मंतोरा। ओना “लोकमत” अमेरिका जनता ना लोकमत आयवा वॉल-स्ट्रीट ता लोकमत आंदू।

अमेरिका दूसरा नीति बारांकु लागू कीवो?

अचेसन इंतोर: - दूसरा नीति सैद्धांतिक रूप ते ओसो संक्षिप्त रूप ते वेल्ले आकर्षक मंता। पूरा अव्यवहारिक मत्ता। युद्ध तुकू मुन्नेटा दस साल कुना लोप्पा क्वोमिंगतांग कम्युनिस्ट पार्टी किन खत्म किया परवो आत्ता। इंजे युद्ध पेरेके पोरो वेहता लेक्का क्वोमिंगतांग कमजोर ओसो लोकरा समर्थन हिल्ला लेक्का आत्ता। जापानी लोरगडल मुक्त कित्ता इलाकांग लोप्पटल तन्ना सैनिक ओसो असैनिक अधिकारिरा व्यवहार ता कारण ते तन्ना लोक-समर्थन ओसो सम्मान वेल्ले जल्दी पोहता। दूसरा बगिल कम्युनिस्ट मुन्ने तुकू वेल्ले शक्तिशाली आसी मंतोरा। लगभग पूरा उत्तरी चीन ओरा कब्जा ते मंता। क्वोमिंगतांग सेनांग ना कोडहीपन पेरेके वेल्ले भयानक रूप ते मुन्ने वात्ता अद्रमासी सिर्फ अमेरिका सेनांगे कम्युनिस्ट लोर किन पूंडा परिंतांग। अमेरिका जनता 1945 पेरेके वेने तम्मा सेनांग

किन वेल्ले बेहरा जिम्मेदारी तल्ला पोरो एतला हीवोए। अदिन काजे तीसरा नीति लागू कित्तोर।

बचोन बेसता तरीका मंता! अमेरिका तन्ना धन, हथियार वाटता अनि च्यांग काई-शेक अमेरिका बगिल तल लडेमायला ओसो चीनी लोकरु किन हौकला काजे, “कम्युनिस्ट लोर किन खत्म कियाला” ओसो चीन किन अमेरिका ता उपनिवेश बने कायला काजे किराया ता सैनिक जमा कींतोर। इद्रम कीसि ओरु अमेरिका “अंतरराष्ट्रीय जिम्मेदारी” निभे कियाला ओसो “चीन संगे दोस्ती कीयाना नीति” किन सफल कियाला मदद कित्तोर।

क्वोमिंगतांग भ्रष्ट ओसो योग्य हिल्ला मत्ता, मति अमेरिका अदिन किन धन ओसो हथियार हीता अनि लडेमासोर मत्ता। सीधा सशस्त्र हस्तक्षेप कीयाना “सैद्धांति रूप ते” सही मत्ता। उंदे अमेरिका शासक लोरा काजे इदु “संक्षिप्त” हरीं सही मत्ता। बारांकु इत्तेके सीधा सशस्त्र हस्तक्षेप कीयाना निज्जमे अमेरिका तुकू “आकर्षक मत्ता”। मति व्यवहार ते इद नीति लागू किया परवो बारांकु इत्तेके अमेरिका जनता इदिना मंजूरी हीवो। टरूमैन, मार्शल, अचेसन लेक्काटोर साम्राज्यवादी गुच इद हस्तक्षेप कियाला आल्सो इंजी आयो। ओरु वेने इद्रमे कियाला आल्सतोर मति चीन ता परिस्थिति अमेरिका ता परिस्थिति ओसो पूरा दुनिया ता परिस्थिता इद्रम कियाला अनुमति हीवा मत्ता: अद्रमासी ओरु मजबूर आसी इदिन विडचसी तीसरा हरीं पोयतोर।

“अंतरराष्ट्रीय सहायता लेवेके वेने जीत संभव मंता” इंजी आल्सानोर इंजे केंजाटू। अचेसन मीकिन उंदी पाठ पढे किया मंतोर। अचेसन वरोर बेसता शिक्षक आंदुर, ओरु फीस लेवाए मीकिन करहा मंतोर ओसो रोमवा लेवा गिर्दा ओसो स्पष्ट रूप ते सच्चाई वेहा मंतोर। असल इत्तेके अमेरिका सरकार तन्ना बेहरा सेनांग चीन पोरो आक्रमण कियाला आयवा अदु वेल्ले परेशान मत्तांकु लोहता। अदिन पहली परेशानी चीनी जनता अदिना विरोध कियार। इद्रम आतेके अदु दलदल ते नेंगयर अनि पैसा परवो आयार इंजी वेरियता। दूसरी परेशानी अमरिका

जनता अदिना विरोध कित्तास्के अदु लामबंधी ता आदेश हियाना साहस किया परवो। तीसरा परेशानी सोवियत संघ ओसो योरोप बगिल बाकी देश कुना जनता ओरा विरोध कियार अदि विश्वव्यापी विरोध कुना सामना किया लागियर। अचेसन ना स्पष्टवाद ता वेने बदे हंदि हिल्ले। ओरु तीसरा परेशानी ता बारेते वेहला वेरियंतोरा। बारांकु इत्तेके ओरु सोवियत संघ मुन्ने बेइज्जत आयला वेरियंतोरा। ओरु युरोप लोप्पा मुन्ने विफल आत्ता मति इंजे वेने विफल आयवा लेक्का हूइसोर मत्ता मार्शल योजना<sup>5</sup> विफल आयर इंजी वेरियंतोरा।

अदूरदर्शी, लेस्कता दिमाग वाले उदारपंथी, जनवादी व्यक्तिवादी चीनी लोकर मीटू वेने उचुन केंजाटू। अचेसन मीकिन उंदी पाठ पढ़े किया मंतोरा। ओरु मीवा काजे वेल्ले बेसता अध्यापक आंदुर। ओरु अमेरिका बारे ते मीट आल्सना (अमेरिका ता दयालुपन, न्याय ओसो नैतिकता बारे ते) पोरो पूराए हैय्यसितोरा। अय्यो? श्वेतपत्र लोप्पा लेवेके अचेसन ना पत्र लोप्पा मीकिन उचुन वेने दयालुपन, न्याय ओसो नैतिकता दिसिंता या?

निज्जमे अमेरिका कैदे विज्ञान ओसो तकनीक मंता। मति इव पूंजीपतिरा मूट्टा ते मंतांग। जनता ना कैदे आयो। इविना इस्तेमाल अमेरिका लोप्पटा जनता ना शोषण ओसो उत्पीड़न कियाला काजे ओसो अमेरिका बाहार ता जनता पोरो आक्रमण कियाला ओसो हौकला काजे कींता। अमेरिका लोप्पा “जनवाद” वेने मंता। मति इदु पूंजीपति वर्ग तानाशाही शासन ता दूसरा पोरोल आंदू। अमेरिका कैदे भरपूर धन मंता। मति वेल्ले कड़ियता-पुड़ियता च्यांग कार्ड-शेक प्रतिक्रियावादिर किन हियाला तैयार मंता। अमेरिका चीन लोप्पा तना पांचवा दस्ता तुन उचुन धन हियाला तैयार मंता इंतोर मति मामूली उदारपंथिर लेवेके जनवादी व्यक्तिवादिर किन (जरूरत तुकू ज्यादा कित्ताबी रकम तोर मंतोर अनि सहायता ता सम्मान कियाला पुनोर) धन हियला तैयार हिल्ले। कम्युनिस्ट लोर किन धन हियाला इनपडे तैयार हिल्ले। उंदी शर्त वाटसी धन हियला तैयार मंता। अदु शर्त बाता मंता? अदु अमेरिका हरदे ताकनादु मंता। अमेरिका पेफिंग, थ्येनचिन ओसो शांघाई लोप्पा राहत पोरोल ते उचुन पिंडी हिदिकसिता

अनि इदिन पेहकला बोरु ओल्लिंतोर इंजी हूड़ा मंता! च्यांग थाए कुंग ना मछवारी ना लेक्का ओना गरी कांटा ते खुद हिरकना कीकेंगे हिरकानुंग। मति बोरु तिरस्कार ते हीता अन्नम तिंदानोर ओना पोड्डा ते पोड्डा नोमुर तेदियारा<sup>6</sup>

माटू चीनी लोकरा मोरकुल मजबूत मंदिता। उदारपंथी लेवेके जनवादी व्यक्तिवादी मत्ता वेल्ले लोकर अमेरिका साम्राज्यवाद ओसो ओरा पालतू नैकु, क्वोमिंगतांग प्रतिक्रियावादिर् मुन्ने गटीग नितसी मंतोरा वन ई-त्वो टेबल पोरो मुक्का वाटसी नित्तितोर अनि क्वोमिंगतांग पिस्तौल कुना सामना कित्तोर अनि तल्ला वरिहाना जागा ते हामूर कबूल कित्तोरा<sup>7</sup> चु चिंग वेल्ले बीमार मत्तेकाई अमेरिकी ता “वाटसिता अन्नम” तुन स्वीकार कीयाना जागा ते करविने डोलना स्वीकार कित्तोरा<sup>8</sup> यांग वंश ता हान ख्वी “पो ई ना तारीफ”<sup>9</sup> पोरोल ता पाटा रास्तोर, ताना लोप्पा-देश ता जनता ना जिम्मेदारी एतवा लेवा तन्ना पद विड़चसी वित्तना राजा ऊ ना नेतृत्व ते लड़ेमाता अस्केटा जनताना मुक्ति युद्ध ता विरोधी ओसो “जनवादी व्यक्तिवाद” ता बचोनो धारणांग पोयसी मत्ता पो ई ना बारे ते वेहितोरा। हान ख्वी गलत मानेय ना बारे ते वेहतोरा। माटू मना राष्ट्र ता पडियोरा भावनांग तोहना वन ई-त्वो ओसो चू चि-छिंग ना तारीफ ते पाटा रासना।

माटू मुश्किल कुना सामना किया लागतेकाई, ओरु मावा नाकाबंदी कीतेकाई, इद नाकाबंदी 8 साल लेवेके 10 साल तुकू कीतेकाई! अस्के एवनल चीन ता सब्बे समस्यांग हल आसी मंदानुंग। हामुर तुकू वेरिया मत्ता चीनी लोर मुश्किल तुकू वेरियंतोरा? लाओ चि इत्तोर: “जनता हामुर तुक वेरयो, अदिन हामुर ता धमकी हीतेके बाताल आयार?”<sup>10</sup> अमेरिका साम्राज्यवाद ओसो ओरा पालतू नैकु, च्यांग काई-शेक प्रतिक्रियावादिर् सिर्फ माकिन धमकी हियानाए आयवा मावा लोप्पाटल वेल्ले लोकर किन हौकतोर वेने। हत्ता मूंड साल कुना लोप्पा वन ई-त्वो लेक्काटोर दसियो लाख दूसरा चीनी लोर किन अमेरिका कारबाइन, मशीनगन, मॉर्टर-गम, राकेट-तोपकु, हाविटजर तोपकु ओसो टैंक कुना संगे विमान पोरोटल

बमबारी कीसि हौकता। इंजे इद परिस्थिति खत्म आया मंता। ओरु हारेमातोर। इंजे ओरा हमला कियाला काजे माकिन मुन्ने वाया लागियर, मावा पोरो हमला कियाला काजे ओरु हिल्लेर। ओरु जल्दिए खत्म आयनूर। निज्जमे नाकाबंदी, बेकारी, अकाल, मुद्रा-स्फीति, बेरसना महंगाई लेक्कटा कठीन समस्यांग मावा मुन्ने मंतांगे, अवु मावा मुशिकलकु आंदुंग मति हत्ता मूंड साल कुना तुलना ते माटू इंजे नेस्कना शुरू कित्तोमा हत्ता मूंड साल कुना अग्नि-परीक्षा ते माटू पास आतोम, इत्तेके इव मुशिकल कुना पोरो काबू किया परवोमा? अमेरिका हिल्वेके माटू पिस्सा परवोमा?

जन मुक्ति सेना (पीएलए) यांगत्सी बेरेड वेंडतास्के नानकिंग ते मत्ता अमेरिका औपनिवेशिक सरकार तितर-बितर आसी वित्तिता। मति राजदूत लीटन स्टुअर्ट अगाने उद्दसी मत्तोर अनि कोंडांग बटुहकने कीसि हूडसोर मत्तोर। अनि मोका दोरकतास्के पूना साइनबोर्ड वेडहची तन्ना दुकान चालू कीसि फायदा एतना आशा कित्तोर। मति ओरकिन जन मुक्ति सेना (पीएलए) ता कैडर मुन्ने हंजोर मंता इंजी, मजदूर, किसान, विद्यार्थीर गोहडिंग-गोहडिंग पेसानदु दिस्सो या? इदे आयवा ओरु चीनी उदारपंथी, जनवादी व्यक्तिवादीरा बेहरा संख्या मजदूर, किसान, सैनिक ओसो विद्यार्थीरा संगे नारा वाटसोर मत्तादु, क्रांति ता पोल्लोंग कीयानादु हूडोरे। संक्षिप्त ते वेहाना इत्तेके ओरु “बिल्कुल वरोरे नितसी मत्तोर, ओना संगे सिर्फ ओना जंगोए मत्ता”।<sup>11</sup> ओरु बाताए किया परना लेक्का हिल्वा मत्तोर, अद्रमासी ओरकिन अगाटल तन्ना हरीं पोय्या लागता।

चीन लोप्पा नेंडु वेने उचुन लेस्कता दिमाग वाले बुद्धिजीविर मंतोर ओरु अमेरिका ता बारे ते इंजे वेने भ्रम ते मंतोर। अदिन काजे माटू ओरकिन समझे कीयाना कोशिश कीसि मावा पक्ष ते कीयाना, शिक्षित कीयाना, ओरा संगे एकता कीयाना, ओरकिन जनता ना पक्ष ते कीयाना, साम्राज्यवाद वाटता जाली ते हिरकला हियनायो। मति चीनी जनता नडुमा अमेरिका साम्राज्यवाद ता सम्मान पूराए तोडयो आत्ता। इदिन सबूत श्वेतपत्र हींता।

अदिनके चीनी जनता किन शिक्षित कीयाना लोप्पा श्वेतपत्र ता पूरा फायदा एतना।

लीटन स्टुअर्ट हतोर अनि श्वेतपत्र वात्ता। इदु वेल्ले बेस आत्ता, वेल्लेये बेस आत्ता। रेंडासी गिर्दा ता पोल्लोगे आंदुंगा।

## नोट

- 1) 1876 ते चीन लोप्पा पुटता लीटन स्टुअर्ट हमेशा चीन पोरो अमेरिका सांस्कृतिक आक्रमण ता समर्थक मत्तोर। ओरु 1905 ते चीन लोप्पा मिशनरी लेक्का काम कित्तोर अनि 1919 ते पेफिंग लोप्पा अमेरिका बने कित्ता येनचिंग विश्वविद्यालय ता प्रेसीडेंट चुनेमात्तोर। 11 जुलाई 1946 ते ओनकिन चीन लोप्पा अमेरिका राजदूत चुने कित्तोर। ओरु जन विरोधी गृहयुद्ध ताकी कियाला क्वोमिंगतांग प्रतिक्रियावाद ता सक्रिय रूप ते समर्थन कित्तोर अनि चीनी जनता ना विरुद्ध वेल्ले राजनीतिक साजिश कु कित्तोर। चीनी जनता ना क्रांति ता जीत नड्डमा बाधा वाटना सब्बे कोशिश कुने अमेरिका साम्राज्यवाद पूराए विफल आतांकु 2 अगस्त 1949 ते लीटन स्टुअर्ट कुस्कने चीन तल वित्तित्तोर।
- 2) 1945 ते जापान आत्मसमर्पण कित्ता पेरके चीन ता प्रादेशिक भूमि व्यवस्था पोरो आक्रमण कीयाना ओसो ओरा स्थानीय समस्यांग लोप्पा हस्तक्षेप कीयाना लक्ष्य ते अमेरिका सेनांग चीन लोप्पा वातांग अनि पेफिंग, शांघाई, नानकिंग, थ्येनचिन, यांगशान, थाएफिंग, छिनछांगताओ, चिंगह्वाए, छिंगताओ ओसो उचुक जागा ने डेरा वाटता। संगेने अमेरिका सेनांग मुक्त इलाकांग पोरो वेने बार-बार हमला कीतांगा। 29 जुलाई 1946 ते थ्येनचिन ते मत्ता अमेरिका सेनांग च्यांग काई-सेन ना डाकू सेनांग संगे कलियसी हपे प्रांत ता श्यांगहो काउंटी ता आनफिंग नार पोरो आक्रमण कित्ता। इद लेख ता मूल पाठ आनफिंग घटना ता बारे ते इदे घटना ता बारे ते रास्ताद मंता। 1 मार्च 1946 ते अमेरिका सैनिक लोर छांगछन ओसो त्योथाए नड्डमा होशीपाओ लोप्पा मत्ता जन मुक्ति सेना (पीएलए) ता मोर्चा पोरो हमला कित्ता, इदिन त्योथाए घटना इंतोर। 16 जून 1946 ते थांगशान ते मत्ता अमेरिका सेना सुंगच्याइंग ओसो उचुक जागा ने हमलांग कीतांग अनि जुलाई ते थांगशान गरें ता रेंडु नाहकु, ल्वानश्ये काउंटी ता मानतो नार ओसो छांगलो काउंटी ता शीहोनान नार पोरो हमला कीतांग। इदु थांगशान घटना इंतोर। अमेरिका सेनांग पूर्वी शानतुंग पोरो बचोनो बेरा हमलांग कीतांग अविना लोप्पा रेंडु सब्बे बेहरा मत्तांग। उंदी 28 अगस्त 1947 ते मओफिंग काउंटी ता लाइत्वानतओ ओसो श्याओली द्वीप पोरो अमेरिकी



हवाई जहाज ओसो युद्ध पोत कुना हमला आत्ता। दूसरा 25 दिसम्बर 1947 ते पीमो काउंटी ता उत्तर ते मत्ता वांग्हिनथाओ नार पोरो अमेरिका सेनांग ओसो च्यांग कार्ड-शेक ना डाकू सेनांग कलियसी हमला कीतांग। मुक्त इलाकांग पोरो अमेरिका सेनांग ना पोरो वेहता हमलांग ना मुकाबला काजे चीनी जन मुक्ति सेना (पीएलए) ओसो स्थानीय जनता ना सशस्त्र सेनांग गंभीरतापूर्क रक्षात्मक कारवाइंग कीतांग।

- 3) क्लेयर ली चेनाल्ट क्वोमिंगतांग सरकार ता वडी सेना ता अमेरिका सलाहकार मत्तोरा। जापान आत्मसमर्पण पेरके ओरू अमेरिका ता 14वी हवाई बेडा ता कर्मचारिा उंदी हिस्सा किन गृहयुद्ध लोप्पा क्वमिंगतांग किन मदद कियाला काजे हवाई परिवहन कोर लेक्का संगठित कितोरा। ओना हवाई परिवहन कोर मुक्त इलाकांग ना फौज पोरो हवाई बमबारी कीयाना अपराध कुना लोप्पा सीधा हिस्सा एतित्ता।
- 4) इदे ग्रन्थ लोप्पा “ब्रिटिश युद्धपोत कित्ता क्रूरतापूर्ण कारवाइंग ना बारे ते चीनी जन मुक्ति सेना (पीएलए) ता जनरल हेडक्वार्टर ता प्रवक्ताना स्टेटेमेंट” हेडिंग वाले लेख हूडाटू, नोट 4।
- 5) 5 जून 1947 ते अमेरिका विदेश मंत्रि जार्ज ली मार्शल हारवर्ड विश्वविद्यालय ते यूरोप ता पुनरुद्धार काजे अमेरिका “सहायता” पोरो भाषण हीतोरा। पेरके इद भाषण पोरो आधार आसी अमेरिका सरकार “यूरोपीय पुनरुद्धार कार्यक्रम तैयार कित्ता इदिन “मार्शल योजना” इंतोरा।”
- 6) इदु उंदी लोककथा आंदू चओ वंश ता च्यांग थाए कुंग उंदी बेरा वेइ डोड्डा ते गरी काटा ते चारो वाटवा लेवाए तुकू गजमेंड पोरो तासिसी “बद कीके हिरकनदु मतेके अदु तन्नाए पोरो डेयसी हिरकथिर” इत्तोरा। “इन वंश खिलाफ राजा ऊ ना अभियान ता कहानी” हूडाटू। “तिरस्कार कीसोर हीता अन्नम” ता इशारा अपमानजनक दान बगिल मंता। छी राज्य ता वरोर “करविने मत्ता मानेय करविने डोल्लना मंजूर कित्तोर मति तिरस्कार ते हीता अन्नम कबूल कीवोर आतोरा। इद कहानी ता बारे ते “विधि संहिता” पोरो ता पुस्तक ता “थानकुंग” हेडिंग वाले लेख ता दूसरा भाग हूडाटू।”
- 7) वन ई-स्वो (1899-1946) वरोर प्रसिद्ध चीनी कवि, विज्ञान ओसो प्रोफेसर मत्तोरा। 1943 पेरके च्यांग कार्ड-शेक ना प्रतिक्रियावादी ओसो भ्रष्ट सरकार पोरो तीव्र होंग वातांकु ओरू जनवाद दोरकी कियाला काजे संघर्ष ते सक्रिय रूप ते शामिल आतोरा। जापानी आक्रामण विरोधी युद्ध ता मारता पेरके क्वोमिंगतांग जन विरोधी गृहयुद्ध शुरू कियाला काजे अमेरिका साम्राज्यवाद संगे सांठगांठ ता वेने ओरू सक्रियता ते विरोध कित्तोरा। 15 जुलाई 1946 ते खुनमिंग लोप्पा क्वोमिंगतांग डाकू लोर ओनकु पोयसी गुप्त रूप ते हौकतोरा।
- 8) चू चि-छिंग (1898-1948) वरोर आधुनिक चीनी साहित्यकार ओसो प्रोफेसर मत्तोरा। जापानी आक्रामण विरोधी युद्ध मारता पेरके ओरू च्यांग कार्ड-शेक शासन

विरुद्ध विद्यार्थी आंदोलन ता सक्रिय रूप ते समर्थन कित्तोर। जून 1948 ते अमेरिका जापानी सैन्यवाद किन पुनर्जीवित कीयाना ता विरोधी कीयाना ओसो “अमेरिका सहायता” लेक्का पिंडी तिंदला इनकार कीयाना उंदी घोषणापत्र पोरो हस्ताक्षर कित्तोर। अस्के वेल्ले गरीबी ता कालम मत्ता। गरीबी ओसो बीमारी ते पेफिंग लोप्पा 12 अगस्त 1948 ते ओरु डोलतोर। डोलता पेरके वेने ओरु तन्ना परिवा किन क्वोमिंगतांग सरकार बगिल तल तूसना अमेरीका पिंडी इनपडे एतनायो इंजी वेहतोर।

- 9) हान य्वी(768-824) वांग वंश ता वरोर प्रसिद्धा लेखक मत्तोर। “पो ई ना तारीफ” पोरोल ता कसीदा उंदी गद्य-कृति आंदू। पो ई इन वंश ता आखरी कालम ता निवासी मत्तोर। ओरु इन वंश ता विरुद्ध राजा ऊ ना अभियान ता विरोध कित्तोर। इन वंश पतन आत्ता पेरके चओ ता अन्न ग्रहण कियवा लेवा वित्तसी मंजी शण्यांग मेड्डा पोरो हत्तोर अनि करविनेए डोलतोर।
- 10) इंदे ग्रन्थ लोप्पा “लाओ चि” अध्याय 74 हूडाटू
- 11) ली स्यो ना लेख “सम्राट ना पोरोल ते प्रार्थना पत्र” हूडाटू

## श्वेतपत्र पोरो बहस कीयाना बारांकु जरूरी मंता

28 अगस्त 1949

माटू अमेरिका श्वेतपत्र ओसो अचेसन ना चिट्टी ता आलोचना मूंड लेख (“विवशता ता स्वीकृति”<sup>1</sup>), “भ्रमजाल किन त्याग कीयाना अनि संघर्ष काजे तैयार आयना” ओसो “अलविदा, लीटन स्टुअर्ट!” कुना लोप्पा कित्तोमा। मावा इद आलोचना देशमेटा सब्बे जनवादी पार्टिंग, जनसंगठनकु, प्रेस, विश्वविद्यालय, स्कूल ओसो अलग-अलग व्यवसाय कुना जनवादी लोकुरा ध्यान व्यापक रूप ते आकर्षित कित्ता। वीराए नडमा व्यापक रूप ते बहस वेने शुरू कित्ता। ओरु वेल्ले सही ओसो योग्य घोषणांग, स्टेटमेंटकु हीतोर। श्वेतपत्र पोरो बहस कियाला काजे मीटिंग किया मंतोर पूरा बहस इंजे वेने विकसित आया मंता। बहस ता विषयः चीन-अमेरिका संबंध, चीन-सोवियत संबंध, हत्ता सौ साल कुना विदेशी चीनी संबंध, चीन ता क्रांति ओसो दुनिया ता क्रांतिकारी ताकत कुना आपसी संबंध, क्वोमिंगतांग प्रतिक्रियावादिर ओसो चीनी जनता ना संबंध, साम्राज्यवाद विरोधी संघर्ष लोप्पा अलग-अलग जनवादी पार्टिंग, जनसंगठन ओसो अलग-अलग व्यवसाय कुना जनवादी लोकुर बद्द विचार लागू कीयाना। देश ता सब्बे आंतरिक ओसो बाहरी संबंध कुना लोप्पा उदारपंथी लेवेके जनवादी लोकुर बद्द विचार लागू कीयाना, साम्राज्यवादिरा पूना षडयंत्र संगे लडेमायना तरीकांग लेक्कटवु। इव सब्बे वेल्ले बेस ताका मंतांग ओसो इवु करियना लेक्का मंतांग।

नेंडु पूरा दुनिया चीनी क्रांतिकारी ओसो अमेरिका श्वेतपत्र पोरो बहस कीयानादु अचानक शुरू आत्ता पोल्लो आयो। इदु दुनिया ता इतिहास

लोप्पा चीनी क्रांति ता महत्व तुन तोहचिता। ओसो माटू चीनी लोरोम क्रांति ता बुनियाद जीत दोरकी कित्तोम, माकिन वेल्ले जोम तले इद्रम ता अंदरूनी ओसो विदेशी ताकत कुना संगे क्रांति ता संबंध कुना बारे ते पूर्ण रूप ते ओसो बारीकी ते बहस कित्ताद हिल्ले। इद्रम ता बहस जरूरी मंता, इंजे अमेरिका ता श्वेतपत्र पोरो बहस कियाला मौका दोकता। इद्रम ता बहस माकिन इदिनकु मुन्ने दोरकवा मत्ता। चीनी ओसो विदेशी प्रतिक्रियावादि जनता ना मुक्त इलाका तल बेहरा शहर कुना संबंध देहतोर अद्रमासी ओरु क्रांति ता विकास संगे अंतरविरोध कु पूर्ण रूप ते इंजे वेने प्रकट आत्ताद हिल्ले। इंजे परिस्थिति बदलेमाता। चीन ता ज्यादातर हिस्सा मुक्त आत्ता, आंतरिक ओसो बाहरी अंतरविरोधकु सब्बे प्रकट आतांग अनि इंजेने अमेरिका तन्ना श्वेतपत्र प्रकाशित कित्ता। इद्रम इद बहस ता मौका दोरकता।

श्वेतपत्र उंदी प्रतिक्रियावादी दस्तावेज आंदू। अदु चीन लोप्पा अमेरिका साम्राज्यावाद ता हस्ताक्षेप किन खुल्लेआम प्रकट कींता। अद्रमासी साम्राज्यावाद तन्ना सामान्य हरीं तल गुचता। महान, जीत चीन क्रांति अमेरिका साम्राज्यवादी गुट ता उंदी पक्ष लेवेके उंदी धड़ा किन मजबूर कीसिता। अदु दूसरा पक्ष लेवेके दूसरा धड़ा ता हमलांग ना जवाब ते चीनी जनता ना विरुद्ध तम्मा कार्रवाइंग ना सामग्री किन खुल्लेआम प्रकाशित कित्ता अनि तन्ना सामग्री तल प्रतिक्रियावादी बदे हरीं परहकना लेवेके पिस्साना मुश्किल आयार इंजी दबाव वाटता। गुप्त ता जागा सार्वजनिक जागा एतित्ता अद्रमासी साम्राज्यवाद तन्ना सामान्य हरीं तल गुचता इंजी समझेमाया मंता। उचुक हप्तांग मुन्ने श्वेतपत्र ता प्रकाशन तुकू मुन्ने साम्राज्यवादी देश कुना सरकारकु हर दिव्या प्रतिक्रांतिकारी कार्रवाइंग कीसोर मत्तेकारी तन्ना स्टेटेमेंट ओसो सरकारी दस्तावेज कुना लोप्पा निज्जम बस्केने वड़को। अदु हमेशा ताना लोप्पा दयालुपन, न्याय, नैतिकता लेक्का पोंगडिंग पोल्लोंग निहचियानदु। ब्रिटिश साम्राज्यवाद ओसो उचुक सुडला-बेहरा साम्राज्यवादी देश कुना पोरो वेने लागू आंता। टरूमैन, मार्शल, अचेसन ओसो लीटन स्टुअर्ट लेक्कोर अचानके अमीर बनेमाताद हिल्ले। अमेरिकी जनता ना विरोध ओसो दूसरा बगिल खुद

तन्नाए उंदी गुट ता विरोध ता सामना कीसोर मत्ता पूना अमेरिका साम्राज्यवादी गुट तन्ना प्रतिक्रांतिकारी कार्रवाइंग लोप्पटल उचुक कार्रवाइंग कुन ओपन कीयाना तरीका तुन सही ओसो जरूरी समझेमाता। इद्रम अदु तन्ना गुट ता अंदरूनी विरोधिरा संगे बद प्रतिक्रांतिकारी तरीका ज्यादा कारगर मंता इंजी तर्क कियाला काजे कित्ता। इदिना संगे ओरु तम्मा विरोधिर किन समझे कीयाना कोशिश कित्तोर। इद्रम कारगर साबित आत्ता प्रतिक्रांतिकारी तरीका तुन जारी तासला आल्सतोर। प्रतिक्रांतिकारीरारेंडु धडांग नडमा आपस ते होड ताकसोर मत्ता। उंदी गुट “मावा तरीका बेस मंता” इंता। दूसरा गुट “मावा तरीका बेस मंता इंता।” इद झगडा पूरा जोर पोयतास्के उंदी धडा अचानक तन्ना सब्बे कार्रवाइंग तोहचिता अनि हत्ता मूंड दिय्यंग ना उंदी गुप्त निधि लेक्का वेल्ले जतुन कीसि तासता तन्ना षडयंत्र कुना भंडाफोड कित्ता। इद्रमे ओरा श्वेतपत्र मुन्ने वात्ता!

इद्रम इद श्वेतपत्र चीनी जनता काजे उंदी करियाना लेक्कटा सामग्री बनेमाता। बचोनो साल तल उचुन चीनी लोकर (मुन्ने बस्केने वेल्ले चीनी लोर) बचोनो सवाल कुना बारे ते ओसो मुख्य रूप ते साम्राज्यवादी स्वरूप ओसो समाजवादी स्वरूप ता बारे ते माटू कम्युनिस्ट लोरा पोल्लोंग पोरो सिर्फ आधा विश्वास कियानोर, ओरु “इद्रम आया वेने परवो” इंदानोर! 5 अगस्त 1949 पेरकेटल इद परिस्थिति बदलेमाता। अचेसन ओरकिन पाठ पढे कीसितोर अनि अमेरिका ता विदेश मंत्रि लेक्का वडकतोर। ओरु हीता सामग्री ओसो समाधान कु, माटू कम्युनिस्ट लेवेके बाकी विकसित लोकर इंजे एवनल वेहाना लेक्काने मंतांग। वीर सब्बे तोर मावा पोरो विश्वास कियवा मंदा परवोर आतोर, बचोनो लोकरा कोंडांग नाहकतांग अनि ओरु “इद निज्जमे मत्ता रा!” इत्तोर।

अचेसन टरूमैन ना पोरोल ते तन्ना चिट्ठी ता शुरूआत ओरु श्वेतपत्र ता सम्पादन बदरम कित्तोर इंदानगडल कित्तोर। ओरु तन्ना श्वेतपत्र बाकी सब्बे श्वेतपत्र कुनल अलग मंता, वेल्ले सच्चाई ओसो स्पष्टता ते तैयार कित्ताद मंता:

बद देश संगे अमेरिका वेल्ले गर्रे ता दोस्ती संबंध तासता, इद श्वेतपत्र अद महान देश ता पिस्वल ता उंदी वेल्ले लेस्कसी मत्ता ओसो वेल्ले कठीन परिस्थिति ता स्पष्टता संगे निंडसी मंता। इदिना लोप्पा बदे वेने सामग्री विडस्ताद हिल्ले, तीना लोप्पा मावा नीति ता ओलाचना कीयाना ओसो वायना कालम ता आलोचना ता आधार बनेमायना स्टेटमेंट वेने मंता। मावा व्यवस्था ता अंदरूनी ताकत मावा सरकार दूरदर्शी ओसो आलोचनात्मक लोकमत तुकू संवेदनशील मंता। इदे दूरदर्शी ओसो आलोचनात्मक लोकमत तुन एकदलीय-सत्तावादी सरकारकु (दक्षिणपंथी मत्तेकाई लेवेके कम्युनिस्ट आई) सहन किया परवोंग।

चीनी जनता ओसो अमेरिका जनता नडमा संबंध जरूर मंता। रेंडासी देश कुना जनता ना कोशिश ते इद संबंध विकसित आसी वायना कालम ते “वेल्ले मजबूत दोस्ती” ता स्तर ते एवियर। मति चीन ओसो अमेरिका रेंडासी देश कुना प्रतिक्रियावादिर वाटना बाधांग इव संबंध कुना काजे हत्ता कालम ते वेल्ले बेहरा बाधांग मत्तांग, इंजे वेने मंतांग। इदे आयवा रेंडासी देश कुना प्रतिक्रियावादिर तन्ना जनता ना मुन्ने वेल्ले बोल्लिंतोर अनि वेल्ले धोखाधडी कित्तोर। इत्तेके वेल्ले झूठा प्रचार कित्तोर, वेल्ले कुकर्मकु कित्तोर अदिन काजे इव रेंडासी देश कुना जनता ना संबंध वेल्ले जोम मंदियार। अचेसन “वेल्ले गटिंग दोस्ती ता संबंध” इंतोरो अवु रेंडासी देश कुना प्रतिक्रियावादिरा नडमा ता संबंधकु आंदुंग, जनता ना नडमा ताव आयो। इदिना बारे ते अचेसन ना पोल्लो सही लेवेके स्पष्ट हिल्ले, ओरु रेंडासी देश कुना जनता नडमा ता संबंध ओसो रेंडासी देश कुना प्रतिक्रियावादिरा नडमा ता संबंध कुन आपस ते लेस्की किया मंतोरा। रेंडासी देश कुना जनता काजे चीनी क्रांति ता जीत ओसो चीन, अमेरिका देश कुना प्रतिक्रियावादिरा हार ओरा पिस्वल ते बस्केने वायवा गिर्दा ता घटना मंता। वर्तमान ते ओरा सम्पूर्ण पिस्वल ता उंदी मुन्ने बस्के ने दोरकवा सुक्कम ता कालम आंदा। इदिना उल्टा टरूमैन, मार्शल, अचेसन, लीटन स्टुअर्ट ओसो बाकी अमेरिका प्रतिक्रियावादिरा काजे ओसो च्यांग काई-शेक, एच.एच खुंग, टी.वी. सुंग, छन ली-फू, चुंग-रन, पाए छुंग-शी ओसो

बाकी चीनी प्रतिक्रियावादिरा काजे इदु निज्जमे ओरा पिस्वल ता उंदी  
“वेल्ले लेस्कसी मत्ता ओसो वेल्ले लब्बड़ ता कालम” मत्ता।

लोकमत पोरो विचार कीयानास्के अचेसन ओसो प्रतिक्रियावादिरा  
लोकमत ओसो जनता ना लोकमत किन आपस ते लेस्की कींतोरा जनता  
ना लोकमत अचेसन ओसो बाकी प्रतिक्रियावादिर “संवेदनशील” हिल्लेर  
इंजी मत्ता, ओरा मुन्ने ओरु कानाल-बैराल बनेमांतोरा। हत्ता उचुक साल  
कुना लोप्पा अमेरिका, चीन ओसो बाकी पूरा दुनिया ता जनता अमेरिका  
सरकार ता प्रतिक्रियावादी विदेश-नीति ता विरोध कित्तोर, अदिन किन  
वीरु बस्केने केंजोरा “दूरदर्शी ओसो आलोचनात्मक लोकमत” ता बारे ते  
अचेसन बाताल आलिसंतोर? तीना लोप्पा ओना विचार सिर्फ झूठा प्रचार  
कीसि जनता किन धमके कियाला निपुण मत्ता अमेरिका ता रेंडासी  
प्रतिक्रियावादी पार्टिंग इत्तेके रिपब्लिकन पार्टी ओसो डेमोक्रेटिक पार्टी ता  
नियंत्रण ते ताकसोर मत्ता वेल्ले समाचार पत्र, समाचार-एजेन्सिंग,  
पत्रिकांग, प्रसारण-केंद्र लेक्कटविना लेक्का मत्ता। इविन कम्युनिस्ट पार्टी  
ओसो जनता निज्जमे “सहन किया परवो” इंजे अचेसन निज्जमे वेहितोरा।  
अद्रमासी माटू साम्राज्यावादिरा सूचना-कार्यालय कुन बंद कित्तोम, ओरा  
समाचार-एजेन्सिंग बगिल तल चीनी समाचार पत्र कुन समाचार लोहना  
रोमी कित्तोम अनि ओरकिन चीन लोप्पा चीनी जनता ना दिमाग ते जहर  
वाटना अनुमति हीवोम।

कम्युनिस्ट पार्टी ता नेतृत्व ते ताकना सरकार “एकदलीय-सत्तावादी  
सरकार” मत्ता इंदाना पोल्लो वेने निज्जमे। इद सरकार उंदी स्थानीय,  
विदेशी प्रतिक्रियावादीरो पोरो शासन ओसो एकतंत्रवाद लागू कीयाना  
ओसो ओरा लोप्पटल बोनकिन वेने ताना लोप्पा तम्मा प्रतिक्रांतिकारी  
कार्रवाइंग जारी तासना अधिकार हीवो। होंग आसी प्रतिक्रियावादिर  
रांगिंतोर: “एकदलीय-सत्तावादी सरकार!” असल इत्तेके प्रतिक्रियावादिर  
किन हौकना जनताना सरकार कुना अधिकार ता संबंध मत्ता इंदाना सही  
आयारा। इद अधिकार नेंडु मावा कार्यक्रम लोप्पा रास्ताद मत्ता, वायना  
कालम ते मावा संविधान लोप्पा वेने रासमूडायारा। गाटो ओसो गेत्तेंग

लेक्काने अधिकार लेवा वेने जीड़ता जनता पिस्सा परवो आंता। इदु वेल्ले बेसता वस्तु आंदू, इदु मावा रक्षा कीयाना ताबीज लेक्का मंता, इदु उंदी पीड़ी-पीड़ी ता सम्पति लेक्का मंता, इदिन माटू बस्के एवनल साम्राज्यवाद ओसो मना देश लोप्पा वर्ग ता सम्पूर्ण रूप ते खत्म आयाना जोम बद्रमाई कीसि विड़सनायो। “एकदलीय सत्तावादी सरकार” ता धमकी हीसी प्रतिक्रियावादिर परताचोन रांगनूर अचोने ज्यादा इद अधिकार मावा पूंजी साबित आयार। मति अचेसन वेहता पोल्लो लोप्पा आधा झूठ वेने मंता। कम्युनिस्ट पार्टी ता नेतृत्व ते ताकना जनता ना जनवादी शासन वाले सरकार आम जनता पोरो शासन ओसो एकतंत्रवाद किन आयवा जनवाद किने लागू कींता। इद्रम ता सरकार जनता ना सरकारे मंदिंता। इद सरकार ता सब्बे कर्मचारिर जनता किन केंजना, ओरा सम्मान कीयाना। संगेने आत्म-शिक्षण ओसो आत्मालोचना ता तरिका ते जनता किन शिक्षित कीयाना कर्मचारीर जनता ना शिक्षक वेने मंदिंतोर।

अचेसन ना पोल्लो ते “दक्षिणपंथी एकदलीय-सत्तावादी सरकार” ता सवाल तेदता, अदु जर्मनी, इटली ओसो जापान फासीवादी सरकार कुना पतन आत्तास्केटल इद दुनिया ते अमेरिका सरकार ता जागा इद्रम ता सरकार कुना लोप्पा पहली नंबर ते मंता। साम्राज्यवाद रक्षा कीयाना जर्मनी, इटली ओसो जापान देश कुना प्रतिक्रियावादिरा सरकार कु ओसो पूंजीपति वर्ग ता सब्बे सरकारकु इद्रमतावे सरकारकु मंतांग। युगोस्लोवाकिया ता टीटो सरकार वेने इंजे इद्रमताए उंदी सह-अपराधी बने माता। अमेरिका ओसो ब्रिटिश सरकार कुना लोप्पा पूंजीपति वर्गे जनता पोरो तन्ना शासन कींता। इद्रम ता सरकार हर रकम ते जनताना सरकार तुकू विपरीत मंदिंता, अदु पूंजीपति वर्ग पोरो जनवाद किन लागू कींता। मति जनता पोरो शासन किया परवो आंता। हिटलर, मूसलोनी, तोजो, फ्रेंको ओसो च्यांग काई-शेक सरकारकु पूंजीपति वर्ग ता जनवाद ता उचुन वेने इस्तेमाल कीवो बारांकु इतेके ओरा देश लोप्पा वर्ग-संघर्ष वेल्ले उग्र रूप धारण कीसि मत्ता। इद्रम कीसि मत्तेके जनता वेने जनवाद लागू कीसि मनवड़ अदिनके इदिना इस्तेमाल कीवा मंदानदे ओरा काजे फायदा मंता।



अमेरिका सरकार इंजे वेने जनवाद ता चोला करसिए मंता मति अमेरिका प्रतिक्रियावादिर अदिन उचुन-उचुन हिक्सीतोर, इंजे अदु सुडला तुकड़ाए पिस्ता: संगे ने इंजे इदिन रंग वेने उडेमाता इदु वाशिंगटन, जेफरसन ओसो लिंकन ना कालम<sup>1</sup> तुकू बचोनो ज्यादा कालम पिस्ता। बारांकु इत्तेके इंजे वर्ग-संघर्ष वेल्ले तीव्र आत्ता, वर्ग-संघर्ष ओसोए तीव्र आत्तास्के अमेरिका जनवाद ता चोला ता तुकड़ा ता वेने गुंडा पोयसी तूडियर।

अचेसन बस्के-बस्के तन्ना तोड्डी तल बदे माटा बाहर वाटितोर अस्के-अस्के वेल्ले गलतिंग कींतोर इंजी सब्बे तोर पुत्तोर। इद्रम आयना जरूरी वेने मंता बारांकु इत्तेके ओरु वरोर प्रतिक्रियावादी आंदुर। श्वेतपत्र बचोन “स्पष्टता संगे निंडसी” मत्ता इंदानदू हूडतेके मावा हिसाब ते ताना लोप्पा स्पष्टता ओसो सच्चवाई ता अचोनो कमी मंता। ओरा पार्टी ओसो ओरा गुट काजे फायदा आयना इंजी अचेसन ओसो बाकी प्रतिक्रियावादिर स्पष्टता ता मदद एतितोर। हिल्लेके ओरु स्पष्टता किन गरें-गरें बदे संबंध मन्नो आंता। स्पष्टता ता षडयंत्र कीयाना वेने लडेमायनदे आंदू।

## नोट

- 1) चिन ह्या समाचार एजेन्सी ता सम्पादकीय विभाग रास्ता टिप्पणी: इदिन 12 अगस्त 1949 ते प्रकाशिक कित्ताद मत्ता।
- 2) जार्ज वाशिंगटन (1732-99), थॉमस जोफरसन (1743-1826) ओसो अब्राहम लिंकन (1809-65) संयुक्त राष्ट्र ता शुरुआती कालम लोप्पा विश्व प्रसिद्ध मत्ता देश ता राष्ट्रपति मत्तोर। अमेरिकी स्वतंत्रता युद्ध (1775-83) लोप्पा जार्ज वाशिंगटन क्रांतिकारी सेना ता कमांडर इन चीफ मत्तोर ओसो संयुक्त राष्ट्र ता पहला राष्ट्रपति वेने बनेमात्तोर। जेफरसन स्वतंत्रता ता अमेरिकी घोषणा पत्र ता मसौदा तैयार कित्तोर ओसो संयुक्त राष्ट्र ता राष्ट्रपति वेने मत्तोर। तना राष्ट्रपति कालम लोप्पा अब्राहम लिंकन निगरो लोकुरा गुलामी किन खत्म कीसितोर ओसो 1861-65 लोप्पा दक्षिणी राज्यकुना लोप्पा दास मालिकलोरा खिलाफ युद्ध ता नेतृत्व वेने कित्तोर। 1862 लोप्पा वेरू “मुक्ति ता घोषणा पत्र” जारी कित्तोर।



## “दोस्ती” लेवेके हमला?

30 अगस्त 1949

आक्रमण किन सही साबित कियाला काजे अचेसन बार-बार “दोस्ती” ता पाटा पारतोर अनि वेल्ले “नियमकु” पेश कित्तोर।

अचेसन दोड़ रास्ता लेक्का वेहतोर:

चीन ता बारे ते अमेरिका जनता ओसो अमेरिका सरकार ता इंटेरेस्ट ता इतिहास वेल्ले कालम तले मंता। मति चीन ओसो अमेरिका रेंडासी देश कुना नड़मा वेल्ले टाईम गैप मंता इव रेंडासी देश कुना पृष्ठभूमि ते वेल्ले अंतर मंता ताना लोप्पा रेंडासी देश कु उंदी-दूसरा संगे जुड़ेमासी मंता। अवु रेंडासी देश कुना जनता नड़मा एकता कीयाना धार्मिक, दयालु ओसो सांस्कृतिक संबंधकु इद देश संगे मावा दोस्ती हमेशा ओसो मबजूत कीतांग। चीनी विद्यार्थिरा शिक्षा काजे बॉक्सर मदद ता इस्तेमाल, दूसरी विश्वयुद्ध ताकनास्के विदेशी अधिकारिरा त्याग, युद्ध ताकनास्के ओसो युद्ध मारतास्के वेने बचोनो सालकु एवनल चीन तुकू मावा मदद दोस्ती ता सबूत मंता। इतिहास ता रिकार्ड अमेरिका चीन पोरो तन्ना विदेशी नीति अव सब्बे बुनियादी नियम कुना पोरो आधार आसी मंता ओसो इंजे वेने मंता। इविन लोप्पा मुक्त-द्वार ता उसूल, चीन ता प्रशासनिक, प्रादेशिक अखंडता ता सम्मान कीयाना उसूल ओसो चीन पोरो बदे वेने विदेशी नियंत्रण ता विरोध कीयाना उसूल शामिल मंता।

आक्रमण किन “दोस्ती” वेहची अचेसन बोल्ला मंतोर। 1840 ता अफीम युद्ध लोप्पा अंग्रेज लोरा सहायता कीयाना तल पोयसी चीनी जनता चीन तल बाहर पूंडना जोम अमेरिका साम्राज्यवाद ता चीन विरोधी आक्रमण ता इतिहास चीनी नौजवान लोर किन शिक्षित कियाला काजे उंदी संक्षिप्त पाठ्य-पुस्तक लेक्का रासतेके आयर। सबसे मुन्ने 1844 ता वांगशा समझौता<sup>2</sup> कीसि चीन तुन दूसरा देशकुन तना क्षेत्र ते अधिकार<sup>1</sup> हियाला काजे मजबूर कीयाना देश कुना लोप्पा अमेरिका उंदी मत्ता। इदु इतिहास लोप्पा चीन ओसो अमेरिका नडमा आत्ता पहली समझौता मत्ता, इदिना बारे ते श्वेतपत्र लोप्पा वेने वेहताद मंता। इदे समझौता लोप्पा अमेरिका व्यापक इस्तेमाल काजे 5 बंदरगाह कुन तेरियाना शर्तकु चीन पोरो वाटता, इदे आयवा अदु अमेरिका मिशनरी कार्रवाइंग काजे वेने अनुमति हियाना इंजी दबाव वाटता। वेल्ले जोम अमेरिका साम्राज्यवाद धार्मिक काम तल “दयालुपन” ओसो सांस्कृतिक काम एवनल मानसिक आक्रमण कीयाना सब्बे कार्रवाइंग कीसि बाकी साम्राज्यवादी देश कुना तुलना ते ज्यादा जोर हीता। उचुक आंकड़ंग अनुसार चीन लोप्पा अमेरिका मिशनरी ओसो “दयालु” संस्थांग 4 करोड़ 19 लाख अमेरिका डालर ता पूंजी वाटता अनि मिशनरी संस्थांग ना 14.7 प्रतिशत सम्पत्ति चिकित्सा सेवा ते, 38.2 प्रतिशत शिक्षा, 47.1 प्रतिशत धार्मिक कार्रवाइंग लोप्पा वाटसी मत्ता।<sup>3</sup> येनचिंग विश्वविद्यालय, पेफिंग यूनिशन मेडिकल कालेज, ह्वेइ वन अकादमी, सैंट जान विश्वविद्यालय, नानकिंग विश्वविद्यालय, सूचओ विश्वविद्यालय, हांगचओ क्रिश्चियन कालेज, श्यांगया मेडिकल स्कूल, पश्चिमी चीन यूनिशन विश्वविद्यालय, लिइनान विश्वविद्यालयकु चीन ता वेल्ले प्रसिद्ध शिक्षा-संस्थान कुना स्थापना अमेरिकाए कित्ता।<sup>4</sup> लीटन स्टुअर्ट इदिन लोप्पा काम कीसोरे पोरोल पंडतोर अनि इद्रमे ओरु चीन लोप्पा अमेरिका राजदूत बनेमातोर। अचेसन ओसो ओना लेक्कटोर ओरु बाता क्रिया मंतोर इंजी पुंजी मत्तोर अनि ओना बयान “रेंडासी देश कुना जनता नडमा एकता तासता धार्मिक, दयालु ओसो सांस्कृतिक संबंधकु इव देश कुना संगे मावा दोस्ती किन

हमेशा मजबूत कीतांग” इंदाना पोरो आधार आसी मंता। इदे “दोस्ती किन वेल्ले मजबूत कियाला” काजे अमेरिका 1844 ता समझौता पोरो हस्ताक्षर कित्ता पेरके 105 साल एवनल इव संस्थान कुन ताकी कियाला तम्मा पूरा पिस्वल वाटतोर अनि वेल्ले सावधानी तास्तोर।

चीन किन हारे कियाला काजे 8 ताकत कुना संयुक्त सेना 1900 ता अभियान लोप्पा शामिल आयाना “बॉक्सर-हरजाने” किन जबरदस्ती वसूल कीयाना ओसो मानसिक आक्रमण ता उद्देश्य ते पूंजी इस्तेमाल “चीनी विद्यार्थीरि शिक्षा” काजे कीयानादिन वेने “दोस्ती” इनमूड़ांता।

दूसरा देशकुन तना देश लोप्पा राजकीय अधिकार कुना “त्याग कीतेकाई”, शन छुंग पोरो बलात्कार कीयाना अपराधी अमेरिका मलसी हत्तास्के अमेरीका एर सेना मंत्रालय ओरकिन निर्दोष घोषित कीसि रिहा कित्ता।<sup>5</sup> इदिन वेने “दोस्ती” इनमूड़ांता।

“युद्ध ताकनास्के ओसो युद्ध मारता पेरके चीन किन हीता सहायता”, श्वेतपत्र अनुसार 450 करोड़ अमेरीका डालर तुकू ज्यादा मत्ता। मति मावा हिसाब ते अदु 591 करोड़ 40 लाख अमेरीका डालर तुकू वेने ज्यादा मत्ता। च्यांग काई-शेक किन दसियों लाख चीनी लोरा जीवा तिंदाला मदद कियाला काजे हीता मदद तुन वेने “दोस्ती” इनमूड़ांता।

हत्ता 109 साल कुना लोप्पा (1840 तल ब्रिटिश, अमेरिका सांठगांठ कीसि अफीम युद्ध ताकीकित्तास्के एवनल) अमेरीका साम्राज्यावाद चीन संगे कित्ता “दोस्ती” खासकर हत्ता उचुक साल कुना लोप्पा च्यांग काई-शेक ना कैदे दसियों लाख चीन जनता ना जीवा तिंदाना महान “दोस्ती” ता काम कित्ता। अदु सिर्फ अमेरिका “अव बुनियादी नियम, चीन ता प्रशासनिक ओसो प्रादेशिक अखंडता ता सम्मान कीयाना उसूल ओसो चीन पोरो बदे वेने विदेशी नियंत्रण ता विरोध कीयाना उसूल शामिल मत्ता तन्ना विदेश-नीति ता बुनियादी उसूल कुना पोरो आधार आसी मत्ता महाना “दोस्ती” मत्ता।”

मुक्त-द्वार, चीनी प्रशासनिक, प्रादेशिक अखंडता ता सम्मान कियाला काजे ओसो चीन पोरो बदे वेने विदेशी नियंत्रण ता विरोध कीयाना उद्देश्य तेने दसियों लाख चीन लोर किन हौकताद मंता।

नेंडु सिर्फ क्वांगचओ, थाइवान लेक्कटा सुडला-सुडला जागा ने अचेसन ओसो ओना लेक्काट लोकुरा काजे हरीं तेरियसी मंता ओरु सिर्फ इदे जागा ने इव उसूल कुना लोप्पटल पहला उसूल “इंजे वेने मंता”।

दूसरा जागा ने, उदाहरण तुकू शांघाई ता मुक्ति पेरेक हरीं तेरिताद मंता मति इंजे बदे अमेरिका युद्धपोत ओसो ओरा बेहरा तोपकु ना जोर ते उंदी वेल्ले लब्बड़ ता उसूल इत्तेके हरीं-कहना उसूल किन लागू किया मंता।

नेंडु सिर्फ क्वांगचओ, थाइवान लेक्कटा सुडला-सुडला जागा नेये अचेसन ना दूसरा उसूल प्रशासनिक, प्रादेशिक “अखंडता” “इंजे वेने मंता”। बाकी सब्बे जागा ना प्रशासन ओसो अगाटा प्रादेशिक भूमि खंड-खंड आत्ता।

नेंडु सिर्फ क्वांगचओ, थाइवान लेक्कटा सुडला-सुडला जागा नेये अचेसन ना तीसरा उसूल “विदेशी नियंत्रण” किन इदिन लोप्पा अमेरिका शामिल मंता। अचेसन ओसो ओना लेक्काटोरा “विरोध” ता कारण ते सफलतापूर्वक समाप्त आत्ता। अदिन काजे अव जागांग नेंडु वेने चीनी लोरा नियंत्रण ते मंतांग। चीन ता बाकी भूमि कैदल हत्ता. अदु सब्बे विदेशी लोकार नियंत्रण ते मंता, अगा सब्बे चीनी लोकर किन गुलाम कित्तोरा। इव सब्बे राससोर मत्तेकाई अचेसन निगा विदेशी लोकुर बद देश तल वातोरा इंजी वेहाला टाईम हिल्ले आत्ता। मति मुन्ने पढ़ेमासोर हत्तेके इद सवाल ता जवाब तन्ना-तन्नाए दोरकिंता। अदिन काजे पूछेमायना जरूरत हिल्ले।

चीन ता स्थानीय समस्या लोप्पा हस्तक्षेप कियवा मंदाना वेने उसूल मंता लेवेके हिल्ले। इदिना बारे ते अचेसन बाताले वेहोरा। ओरु इदिन बदे उसूल मानेमायोर बहे। अमेरिका शरीफाजादा लोरा तर्क इद्रमे मंता। अचेसन ना पत्र किन आखरी एवनल पढ़ेमातेके वेने इद असाधारण तर्क पोरो विश्वास कियवा मन्नोर आंतोरा।

## नोट

- 1) इगा “राज्यक्षेत्रातीत अधिकार” इत्तेके कानसुलर-न्यायाधिकार आंदू चीन लोप्पा विशेषाधिकार तासना साम्राज्यवाद आक्रमणकारी ताकतकुना लोप्पाटल इदु उंदी मत्ता। कानसुलर-न्यायाधिकार लोप्पा साम्राज्यवाद देश कुना नडमा मत्ता नागरिक लोरा पोरो चीनी कानून लागू आयवा मंदाना व्यवस्था पूना मत्ता। अपराध कीतेके लेवेके मुदकदमा ताकतास्के प्रतिवादी आतेके ओरकिन सिर्फ तम्मा देश ता चीन ते मत्ता कानसुलर-न्यायालय कुना लोप्पा ने पेश कियमूडंता। चीन सरकार तीना लोप्पा बदे हस्तक्षेप किया परवो।
- 2) “वांगशा समझौता” चीन ओसो अमेरिका नडमा पहली असमान समझौता पोरो अमेरिका चीन पोरो कित्ता आक्रमण कारण ते हस्ताक्षर आतांग। अफीम युद्ध लोप्पा चीन हारेमातांकु फायदा एतसी अमेरिका छिंग वंश किन समझौता पोरो हस्ताक्षर कियाला मजबूर कित्ता। इदु “व्यापार काजे 5 बंदरगाह कुन तेरियाना बारे ते चीन-अमेरिका नियमावाली” इंतोरा समझौता पोरो जुलाई 1844 ते सकाओ हेरे वांगशा नाटे ने हस्ताक्षर आत्ता इदिन 34 धारा अनुसार अमेरिका किन कानसुलर-न्यायाधिकार किन पोयसी नानकिंग समझौता ओसो अदिना अंडर वायना ब्रिटिश दोरकी कित्ता सब्बे विशेषाधिकारकु दोरकसी मत्तांग।
- 3) इदु सामग्री सी. एफ. रेसर ना पुस्तक “चीन लोप्पा विदेशी पूंजी-विनियोग” अध्याय 15 तल पोयताद मत्ता।
- 4) येनचिंग विश्वविद्यालय ओसो पेकिंग युनियन मेडिकल कालेज पेफिंग ते मत्ता। ह्वेइ वन अकादमिंग पेफिंग ओसो नानकिंग ते सेट जान विश्वविद्यालय शांघाई ते, नानकिंग विश्वविद्यालय नानकिंग लोप्पा, हांगचओ क्रिश्चियन कालेज हांगचओ ते, सूचओ विश्वविद्यालय सूचओ ते, श्यांगवा मेडिकल स्कूल छांगशा ते, पश्चिमी चीन यूनियन विश्वविद्यालय छंगतू ते ओसो लिंगनान विश्वविद्यालय क्वांगचओ ते मत्ता।
- 5) कारपोरल विलियमस पिपर्सन ओसो बाकी अमेरिका मैरीन-सैनिक लोर पेफिंग ते 24 दिसम्बर 1946 ते पेकिंग विश्वविद्यालय ता छात्र शन हुंग पोरो बलात्कार कित्तोरा। इद घटना तल पूरा देश ते अमेरिका सैनिक लोरा अत्याचार कुना विरुद्ध होंग बेरसता। जनवरी 1947 ते क्वोमिंगतांग सरकार जनता ना विरोध तुन नजरअंदाज कीसि मुख्य अपराधी गियर्सन किन अमेरिका किन सौंपे कित्ता। अदे साल अगस्त ते अमेरिका ता एर सेना मंत्रालय गियर्सन किन निर्दोष घोषित कीसि रिहा कित्ता।

## इतिहास ता आदर्शवादी धारणा ता दिवालियापन

16 सितम्बर 1949

अमेरिका पूंजीपति वर्ग ता प्रवक्ताल अचेसन, अमेरिका चीन ता लड़ाई ते तन्ना धन ओसो हथियार वाटा मंता ओसो च्यांग काई-शेक अमेरिका बगिल तल लड़ेमासी चीनी लोर किन हौकला काजे किराया ता सैनिक जमा किया मंतोर इंजी निज्जम वड़कतांके चीनी जनता ताना धन्यवाद कीयाना, इद्रम कीसि ओरु चीन ता विकसित आत्ता मानेकुन पेरके अरता मानेय कुन समझे किया परना लेक्कटा सबूत हीत्तोर। अचेसन खुद हत्ता उचुक साल कुना नेत्तुर लड़ाई लोप्पा दसियों लाख चीनी जनता तन्ना जीवा हीता इंजी स्वीकार कित्तोर। ओना योजना तैयार कीयाना ओसो अदिन संगठित कीयाना काम अमेरिका साम्राज्यवाद किताद हूडविरा? इदे आयवा चीनी लोर अचेसन ना धन्यवाद सिर्फ ओरु खुल्लम-खुल्ला अमेरिका चीन लोप्पा “जनवादी व्यक्तीवादी” तत्व कुन उंदी आया मंतांग ओसो अमेरिका ता पांचवी दस्ता किन संगठित कियाला आल्सा मंतांग, चीनी कम्युनिस्ट पार्टी ता नेतृत्व ते ताकना जनताना सरकार ता तख्ता पलट कियाला आल्सा मंता इंजी ओसो इद्रम ओरु चीनी जनता ओसो खासकर उदारतावादी चीनी लोरकिन सतर्क कीतांकु ओना धन्यवाद कीयाना। अदिनके ओरु सब्बे तोर वरोर-वरोना संगे अमेरिका जाल ते हिरकनायो इंजी करिया मंतोर। अद्रम हर माने अमेरिका साम्राज्यवाद गुप्त रूप ते कीयाना साजिश कुनिगडल सतर्क आया मंतोर। अचेसन चीन ता आधुनिक इतिहास ता बारे ते तोका-तल्ला हिल्ला कहानिंग बने कीतांकु वेने ताना धन्यवाद कीयाना बारंकू इत्तेके ओना धारणा लेक्का ने चीनी बुद्धिजीविरा उंदी हिस्सा ता धारणा वेने इद्रम मंता इत्तेके इतिहास ता



पूँजीवादी आदर्शवादी धारणा। अदिन अचेसन ना खंडन कीतेके वेल्ले चीनी लोर किन वेने तम्मा दृष्टिकोण विकसित कियाला फायदा आया परिंता। ओना फायदा अचेसन ना लेक्का धारणा मत्तोर किन लेवेके उचुन-उचुन अचेसन ना लेक्काटा धारणा मत्तोर किन वेल्ले आया परिंता।

चीन ता आधुनिक इतिहास ता बारे ते अचेसन ना तोका-तल्ला हिल्ला कहानिग बवु आंदुंग? सबसे मुन्ने, ओरु चीनी क्रांति किन चीन ता आर्थिक, विचारधारात्मक परिस्थिति संगे जोड़े कीयाना कोशिश कित्तोर ओसो इदिना बारे ते वेल्ले काल्पनिक पीटोंग पंडतोर।

अचेसन इंतोर:

18वी ओसो 19वी रेंडासी सदी ने चीन ता आबादी दुगनी आत्ता, अदिन के भूमि पोरो असहनीय दबाव आत्ता। चीन ता हर सरकार मुन्ने पहली समस्या जनता किन बातल तिहाना मंता। इद समस्या तुन हल कियाला नेंड एवनल बदे सरकार सफल आत्ताद हिल्ले। क्वोमिंगतांग संविधान लोप्पा भूमि-सुधार पोरो वेल्ले कानून शामिल कीसि इद समस्या तुन हल कियाला कोशिश कित्ता। इदिना लोप्पा उचुक कानूनकु विफल आतांग बाकी ताविन नजरअंदाज कियमूड़ाता। इद कठीन परिस्थिति लोप्पा नेंडु वेने राष्ट्रीय सरकार हिरकसी मंता अदिन काजे अदु चीन तुकू हालनाचोन अनाज ता व्यवस्था कियाला असफल आया मंता। चीनी कम्युनिस्ट लोरा प्रचार ता वेल्ले बेहरा हिस्सा भूमि समस्या तुन हल कीयाना किरियांग संगे निंडसी मंता।

तर्क किया परवा इचुन चीनी लोकुर किन इव पोल्लो निज्जम मत्ता लेक्का दिसिंतांग। आबादी वेल्ले बेहरा मत्तांकु अनाज वेल्ले कम मंता, क्रांति! क्वोमिंगतांग इद समस्या किन हल कियाला विफल आत्ता मति कम्युनिस्ट पार्टी वेने इद समस्या किन हल कीयाना लेक्का दिससोर हिल्ले। “इद समस्या किन हल कियाला नेंड एवनल बदे सरकार सफल आत्ताद हिल्ले।”

अद्रम इत्तेके इव क्रांतिंग आबादी वेल्ले बेरसतांके आंतांगे बाह? पाइना कालम ओसो आधुनिक कालम ते चीन ओसो विदेश ते बचोने

क्रांतिंग आतांग, अवु सब्बे आबादी बेरसतांके आंतांगा? हत्ता बचोनो हजार साल लोप्पा चीन ते आत्ता क्रांतिंग वेने आबादी वेल्ले बेरसतांके आंतांग? 174 साल मुन्ने ब्रिटिश विरुद्ध अमेरिका क्रांति<sup>1</sup> वेने आबादी वेल्ले बेरसना कारण ते आत्ता? ओरु अमेरिका ता स्वाधीनता घोषणापत्र किन वेने मानेमातद हिल्ले। वाशिंगटन, जेफरसन लेक्काटोर, अंग्रेज लोर अमेरिका जनता ना उत्पीड़न शोषण कीतांकु ब्रिटिश विरुद्ध क्रांति कित्तोर, अमेरिका ते आबादी बेरसतांकु आयो। हर बेरा चीनी जनता ना बदे सामंती राजवंश ता तख्ता पलटे मायना कारण सामंती राजवंश ता चीनी जनता पोरो उत्पीड़न ओसो शोषण कीयानादु मत्ता। चीन ता आबादी वेल्ले बेरसतांकु ओरा तख्ता पलट आत्ताद हिल्ले। रूसी जार ओसो रूसी पूंजीपति वर्ग कीयाना उत्पीड़न ओसो शोषण ता कारण ते फरवरी क्रांति ओसो अक्तूबर क्रांति आत्ता। रूस ता आबादी वेल्ले बेरसतांकु आयो, ओसो रूस लोप्पा नेंड वेने आबादी तुकू बचोनो ज्यादा भूमि मंता। मंगोलिया ते भूमि बचोनो बेहरा मंता अनि आबादी वेल्ले कम। अचेसन ना तर्क अनुसार क्रांति ता बारे ते आल्समूड वेने आयो मति अगा बचोनो मुन्ने क्रांति आत्ताद मंता<sup>2</sup>

अचेसन ना अनुसार चीन तुकू पेसना बदे हरीं हिल्ले। इदिना 47 करोड़ 50 लाख आबादी उंदी रकम ता “असहनीय दबाव” आंदू, इगा क्रांति आतेकाई आयवेकाई उंदी माटा ते वेहना इत्तेके परिस्थिति वेल्ले निराशाजनक मंता। अचेसन इदिना पोरो वेल्ले आशा कीसि उदतोर: अदिनके इदु पोल्लो ओना तोड्डी ते वात्ता मति बचोनो अमेरिका पत्रकार लोरा चीनी कम्युनिस्ट पार्टी तन्ना आर्थिक समस्या किन हल किया परवो, चीन हमेशा इद्रम ताए परिस्थिति ते मंदियार, अदु इद परिस्थिति तल तेंडला काजे अदु अमेरिका वाटता पिंडी पोरो आधार आसी मंदाना, दूसरा माटा ते चीन अमेरिका ता उपनिवेश बनेमायना इंदाना पोल्लॉंग पेसिंतांग।

1911 ता क्रांति बारांकु विफल आत्ता, अद क्रांति आबादी ता अनाज समस्या बारांकु हल किया परवो? बारांकु इत्तेके अद क्रांति सिर्फ

छंग राजवंश ता सरकार किने तेहकसी वाटता, साम्राज्यावाद ओसो सामंती उत्पीड़न, शोषण तुन आयो।

उत्तरी अभियान बारांकु विफल आत्ता, अदु इद अनाज समस्या तुन बारांकु हल किया परवो? बारांकु इतेके अदु च्यांग कार्ड-शोक क्रांति तुकू विश्वासघात कित्तोर, साम्राज्यवाद मुन्ने आत्मसमर्पण कित्तोर अनि चीनी लोरा उत्पीड़न, शोषण कीयाना प्रतिक्रांतिकारी नेताल बनेमातोर।

“इद समस्या किन हल कियाल नेंडु एवनल बदे सरकार सफल आत्ता हिल्लल?” इंदाना पोल्लो निज्जमा? उत्तर-पश्चिमी, उत्तरी, उत्तर-पूर्वी ओसो पूर्वी चीन ता पाड़ना मुक्त इलाकांग लोप्पा, भूमि समस्या मुन्ने हल आत्ता जागा ने, अचेसन रास्ता “आबादी ता अनाज समस्या” इंजे वेने मंताया? चीन लोप्पा अमेरिका गुप्तचर ओसो पर्यवेक्षक लोरा संख्या वेल्ले मंता। ओरु इद सच्चाई ता बारे ते जानकारी बारांकु दोरकी कीवोर? शांघाई लेक्कटा जागा ने साम्राज्यावाद, सामंतवाद, नौकरशाही-पूंजीवाद ओसो प्रतिक्रियावादी क्वोमिंगतांग सरकार ता क्रूर, निर्मम उत्पीड़न ओसो शोषण मत्तांकु आबादी तुकू अनाज समस्या पुटताद हिल्ले। बेकारी इतेके आबादी तुकू अनाज समस्या जनताना सरकार लोप्पा उचुने साल कुना लोप्पा उत्तरी चीन, उत्तर-पूर्वी चीन लेक्काने हल आयार।

चीन ता आबादी वेल्ले बेहरा मंदानदु उंदी वेल्ले बेसता पोल्लो मंता। चीन ता आबादी बचोनो गुना बेरसतेके वेने इद समस्या पूराए हल कियमूडायार। इदिना हल कियाला काजे पैदावार बेरसी कीयाना जरूरत मंता। पश्चिम ते पूंजीपति वर्ग माल्थस<sup>3</sup> लेक्कटा अर्थशास्त्रिलोरा अंगडम ता दलील (खाद्य-सामग्री ता वृद्धि जन संख्या ता वृद्धि बराबर ताका परवो इंदाना) तुन मार्क्सवादिर उचुन जोम मुन्ने ने सैद्धांतिक रूप ते खंडन कित्ताद मंता। इदे आयवा क्रांति आत्ता पेरके सोवियत संघ ओसो चीन ता मुक्त इलाकांग वेने तम्मा तथ्य कुना गुंडा कीसि तूड़िहचिता। इद सच्चाई तुन आधार बने कीसि क्रांति ओसो उत्पादन संगे अनाज समस्या तुन हल किया परमूडान्ता, चीनी कम्युनिस्ट पार्टी ता केंद्रीय कमेटी देशमेटा पार्टिंग-संगठन ओसो जन मुक्ति सेनांग किन क्वोमिंगतांग ता पाड़ना कर्मचारिर

किन ओरु बस्के एवनल खुद किन बदे काम कीयाना लेक्का ओसो तथ्य कुना संगे प्रतिक्रियावादी लेवेके कुख्यात दुष्ट साबित आयोर अस्के एवनल ओरु मत्ता पद लोप्पा ने तासना इंजी आदेश जारी कींता। इदु वेल्ले कठिन परिस्थितिंग मत्ता जागा ते अनाज ओसो आवास काजे सामूहिक काम ताकी कीयाना। बरखास्त आतांकु बोनिगा पिस्वल पिस्सना साधन हिल्ले ओरकिन दुबारा काम ते तासना अनि ओरा पिस्वल ता साधन कुना व्यवस्था कीयाना। इदे उसूल अनुसार माटू क्वोमिंगतांग ता विद्रोह कीसि मावा पक्ष ते वातोर ओसो माटू बंदी बने कित्ता सब्बे सिपाही लोरा काजे पिस्वल पिस्सना साधन कुना व्यवस्था कीयाना। प्रमुख प्रतिक्रियावादी तत्व कुन विडचसी सब्बे प्रतिक्रियावादिर किन ओरु तम्मा गलती मानेमाता पेरके पिस्वल पिस्सना मौका हियमूडायर।

दुनिया सब्बे वस्तुंग लोप्पा सबसे ज्यादा मानेये मूल्यवान मंतोर। कम्युनिस्ट पार्टी नेतृत्व ते बस्के एवनल मानव-समुदाय मंदिता अस्के एवनल हर रकम ता चमत्कार कियमूडायर। माटू अचेसन ना प्रतिक्रांतिकारी सिद्धांत ता खंडन कियानोरोम आंदोम। माटू क्रांति हर चीज तुन बदले कींता, वेल्ले जल्दि बेसता पिस्वल पिस्सना ओसो संस्कृति पुंगार पूयना उंदी बेहरा आबादी वाले ओसो वेल्ले उत्पादन-सम्पदा वाले पूना चीन ता उदय आयर इंजी विश्वास कींतोम। सब्बे निराशावादी विचार कुना बदे बुनियाद हिल्ले।

चीन लोप्पा क्रांति ता दूसरा चरण “पश्चिम ता प्रभाव” मत्तांकु आत्ता इंजी अचेसन वेहतोर -

3000 साल तुकू मुन्ने चीनी लोर तम्मा बेसता संस्कृति सभ्यता ता विकास कित्तोर, इदु बाहरी प्रभाव तुकू बोयवाए मत्ता। सामरिक हार ता शिकार आतेकाई चीनी लोकर हमेशाए आक्रमणकारीर किन पोयसी तम्मा लोप्पो काल्पसोरे मत्तोर। अदिन काजे चीन खुद किन दुनिया ता केंद्र ओसो सबसे सभ्य मानेय समझेमांतोर। अस्के 19वी सदी ता चीनी लोकर इंजे एवनल अलगाव ता गूडी अरिहची पश्चिम ता लोकर नेंगतोर। बाहर तल

वात्ता लोचुर तम्मा संगे उद्यमशीलता तत्तोर, पश्चिमी तकनीकी विकास पोयसी वातोर अनि उंदी उच्च स्तर ता संस्कृति पोयसी वातोर, इदिनकु मुन्ने विदेशी आक्रमणकरी चीन लोप्पा बस्केने तब्बा मत्तोर। उचुन इव गुण कुना कारण ते ओसो उचुन छिंग वंश ता शासन ता पतनशीलता ता कारण ते इव पश्चिम ता लोचुर चीन लोप्पा तोड़ियो संगे कलिययवा लेवा अदिन किन पूना विचार कुना संगे परिचय कित्तोर। इद्रमतोर हलचल, अशांति किन तेहला महत्वपूर्ण भूमिका निभे कित्तोर।

स्पष्ट रूप ते तर्क कम किया परवा इचुन चीनी लोर किन अचेसन ना पोल्लोंग समझेमायोंग। पश्चिम तल वात्ता पूना विचार के क्रांति ता कारण बनेमांतांगा?

क्रांति असल ते बोना विरोध ते ताकींता? “छिंग वंश ता शासन ता पतनशीलता” ता बारे वेल्ले कोलार आसोर मत्ता बारांकु इत्तेके कमजोर जागा तेने देब्बा वाटना आंता। अदिन काजे क्रांति छिंग वंश ता खिलाफे कित्ता लेक्का मंता। मति अचेसन ना पोल्लोंग बेस हिल्लेंग। 1911 ता क्रांति साम्राज्यवाद विरुद्ध कित्ताद मत्ता। चीनी लोर छिंग वंश ता विरुद्ध क्रांति कित्तोर बारांकु इत्तेके छिंग वंश साम्राज्यवाद ता पालतू नै बनेमासी मत्ता। ब्रिटिश ता अफीम युद्ध खिलाफ थांगफिंग पतन आत्ता राज्य कित्ता युद्ध, फ्रांस हमला खिलाफ कित्ता युद्ध, जापानी हमला खिलाफ कित्ता युद्ध, 8 ताकत कुना संयुक्त सेनांग ना हमला खिलाफ कित्ता युद्ध- इव सब्बे युद्ध कु विफल आतांग अदिन काजे 1911 ते साम्राज्यावादी पालतू नै छिंग वंश ता विरुद्ध क्रांति कित्ताद मत्ता। इदिन किने 1911 एवनल ता आधुनिक चीनी इतिहास इंतोर। अचेसन ना “पश्चिम ता प्रभाव” बंदु आंदू? मार्क्स ओसो एंगेल्स वेहता लेक्का 1848 ता “कम्युनिस्ट पार्टी ता घोषणापत्र” लोप्पा वेहता लेक्का आक्रमण संगे दुनिया तुन तम्मा कब्जा ते कीयाना पश्चिमी पूंजीपति वर्ग ता कोशिश तुन विडचसी दूसरा बदे हिल्ले।<sup>4</sup> प्रभाव वाटना इत्तेके तम्मा लेक्का बने कियाला पश्चिम ता

पूँजीपति वर्ग तन्ना दलाल ओसो पश्चिमी रिती-रिवाज कुन पुंजी मत्ता नौकर लोरा जरूरत मत्ता। अदिन काजे ओरकिन चीन लेक्कटा देश कुन स्कूल खोले कियाला ओसो विद्यार्थीर किन विदेश लोहना मंजूरी हिया लागता। इद्रम अदु चीन ता “पूना विचार कुना संगे परिचय कित्ता”। इदिना संगे-संगे चीन लेक्कटा देश कुना लोप्पा राष्ट्रीय पूँजीपति वर्ग ओसो सर्वहारा वर्ग ता जन्म आत्ता। अस्केने किसान लोर किन कंगाल बने कियमूडाता अनि उंदी बेहरा अर्ध-सर्वहारा वर्ग पुटता। इद्रम पश्चिम ता पूँजीपति वर्ग पूर्व ता लोकुरा लोप्पा रेंडु हिस्सांद पुट्टी कीता - उंदी अल्पसंख्यक लोकुरा हिस्सा तीना लोप्पा साम्राज्यवादी नौकर लोर मत्तोर, दूसरा बहुसंख्यक लोकुरा हिस्सा तीना लोप्पा साम्राज्यवादी विरोधी मजदूर वर्ग, किसान वर्ग, शहरी निम्न-पूँजीपति वर्ग, राष्ट्रीय पूँजीपति वर्ग ओसो इव वर्ग कुनल वात्ता बुद्धिजीविर मत्तोर। बहुसंख्यक लोकुरा हिस्सा ता सब्बे लोकुर साम्राज्यवाद ता गुमिया तरवनोर मत्तोर, ओरकिन साम्राज्यवाद खुद पैदा कित्ता, ओरा संगेने क्रांति ता जन्म आता। पश्चिम तल वायना विचार कुना संगे “हलचल ओसो अशांति” पैदा आत्ता इंजी आयो, असल इत्तेके इदु साम्राज्यवादी आक्रमण मत्ता। इदु प्रतिरोध तुन पुट्टी कित्ता।

इद प्रतिरोध आंदोलन ताकनास्के वेल्ले जोम 1840 एवनल अफीम युद्ध तले 1919 ता 4 मई आंदोलन ता तुकू मुन्ने एवनल सत्तर साल तुकू वेने ज्यादा टाईम चीनी लोरगा साम्राज्यवाद विरुद्ध तन्ना रक्षा कियाला काजे बदे विचारधारात्मक हथियार हिल्ला मत्ता। पाइना कट्टरपंथी सामंतवाद विचारधारात्मक हथियार हारेमासी मत्तांग, अवु बेकार आसी मत्तांग अविन कंगाल घोषित कित्ताद मत्ता। बदे हरी हिल्लादु हूडसी चीनी लोकुर किन विकासवाद सिद्धांत, प्राकृतिक अधिकार कुना सिद्धांत, पूँजीवादी गणराज्य ता सिद्धांत लेक्कटा विचारधारात्मक हथियार ओसो राजनीतिक सिद्धांत संगे लैस कियाला लागता। इव सब्बे साम्राज्यवाद ता जन्मभूमि पश्चिम ता पूँजीपति वर्ग ता क्रांतिकारी कालम ता हथियार कारखानांग तल पोयताद मत्ता। चीनी लोर राजनीतिक पार्टिंग बने कित्तोर

अनि क्रांति कित्तोर। ओरु इद्रम विदेशी ताकत कुना मुकाबला गणराज्य ता निर्माण क्रिया परितोम इंजी आल्स्तोर। मति सामंतवाद विचारधारात्मक हथियार कुना लेक्काने सब्बे विचारधारात्मक हथियार वेने वेल्ले कमजोर साबित आतांग, अंगडम आतांग अनि अविन कंगाल घोषित कियमूडाता।

1917 ते रूसी क्रांति चीनी लोर किन जागृत कित्ता ओरकिन उंदी पूनी पोल्लो करिहता। अदु मार्क्सवाद-लेनिनवाद मत्ता। चीन लोप्पा कम्युनिस्ट पार्टी ता जन्म आत्तादु उंदी महान घटना बनेमाता। सुन-यात सेन वेने “रूस तल करियाना” ओसो “रूस संगे एकता ओसो कम्युनिस्ट पार्टी संगे एकता कीयाना” पक्ष एतितोर। उंदी माटा ते वेहाना इत्तेके अस्के चीन ता दिशा बदलेमाता।

उंदी साम्राज्यवादी सरकार ता प्रवक्ताल मत्तांकु अचेसन साम्राज्यवाद ता बारे ते उंदी वेने पोल्लो वेहोर। साम्राज्यवाद आक्रमण ता बारे ते ओरु इद्रम इत्तोर:

“बाहार तल वातोरु तम्मा संगे उद्यमशीलता तत्तोर।” “उद्यमशीलता” बचोन बेसता पोरोल मंता एय्यो! इद “उद्यमशीलता” किन करियसी चीनी लोर ब्रिटिश अमेरिका ते हनवा लेवा सिर्फ चीन लोप्पाने “हलचल ओसो अशांति” पुट्टी कित्तोर। इत्तेके साम्राज्यवाद ओसो ओरा पालतु नैकु ना खिलाफ क्रांति कित्तोर। मति अवु उंदी बेरा वेने सफल आर्योग आतांग। हर बेरा “उद्यमशीलता” पुट्टी कीयाना साम्राज्यवादिरा कैदे हारेमाता। अदिन काजे चीनी लोर इदिन विडचसी बदे पूना पोल्लो करियला आल्सतोर, ओरु बद पूना पोल्लो करियतोरु अदु कारगर साबित आत्तादु हूडसी आश्चर्य आया मंता।

चीनी कम्युनिस्ट पार्टी “रूसी क्रांति ता विचारधारात्मक प्रेरणा तल इद सदी ता तीसरा दशक ता शुरू ते संगठित कित्ताद मत्ता”। इगा अचेसन निज्जम वेहतोर। इद विचारधारा बदे दूसरा आयवा मार्क्सवाद-लेनिनवादी विचारधाराए मत्ता। इद विचारधारा पश्चिम ता पूंजीपति वर्ग ता विचारधारा तुकू बचोनो बेस मत्ता। पश्चिमी विचारधारा तुन अचेसन “उच्च स्तर ता

संस्कृति” इंतोर ओसो ओना अनुसार “इदिनकु मुन्नेटा विदेशी आक्रमणकारी चीन लोप्पा बस्केने तत्ताद हिल्ले।” अचेसन ओसो ओना लेक्कटोर चीन ता पाड़ना सामंतवादी संस्कृति तुकू पश्चिम ता पूंजीपति वर्ग ता “उच्च स्तर ता संस्कृति” विचारधारा कारगर मंता इंजी बोल्ला मंतोरो, अदु असल इत्तेके चीनी जनता दोरकी कित्ता पूना मार्क्सवादी-लेनिनवादी संस्कृति इत्तेके वैज्ञानिक विश्व-दृष्टिकोण ओसो सामाजिक क्रांति ता सिद्धांत संगे टकरेमासी हारमाता विचारधारा आंदू। चीनी जनता दोरकी कित्ता पूना वैज्ञानिक, क्रांतिकारी संस्कृति तन्ना पहली लड़ाई ते साम्राज्यवाद ता पालतू नैकु, उत्तरी युद्ध सरदार किन हारे कित्ता। दूसरी लड़ाई लोप्पा अदु साम्राज्यवाद ता दूसरा पालतू नै च्यांग काई-शेक चीनी लाल सेना ता 25000 ली लम्बा अभियान तु रोमी कियाला कित्ता कोशिश कुना विफल कीसिता। तीसरा लड़ाई लोप्पा इदु जापानी साम्राज्यवाद ओसो ओरा पालतू नै वांग चिंग-वेइ किन हारे कित्ता अनि चौथी लड़ाई लोप्पा इदु चीन तल अमेरिका ओसो बाकी सब्बे साम्राज्यवादी देश कुना अधिकार ओसो ओरा पालतू नै च्यांग काई-शेक लेक्कटा सब्बे प्रतिक्रियावादा शासन तुन अंतिम रूप ते खत्म कित्ता।

चीनी लोप्पा नेंगता पेरकेने मार्क्सवाद-लेनिनवाद वेल्ले महाना भूमिका निभे कित्ता। इदिना कारण चीन ता सामाजिक परिस्थिति तुकू इदिनाए जरूरत मत्ता। अदिन चीनी जन क्रांति ता वास्तविक व्यवहार संगे जोड़े कियामूडाता। चीनी जनता अदिन व्यवहार संगे जोड़े कित्ता। बदे वेने विचारधारा (बचोन बेस मत्तेकाई, मार्क्सवाद-लेनिनवाद मत्तेकाई) व्यवहार ते जुड़ेमायवा लेवा, असल जरूरत कुन पूरा कियवा लेवा ओसो जन-समुदाय कुना लोप्पा मोद्दोल वाटवा लेवा कागर साबित आयो आंता। माटू ऐतिहासिक आदर्शवाद ता विरोध कियानोर ऐतिहासिक भौतिकवादिर आंदोम।

“सोवियत सिद्धांत ओसो व्यवहार ता डा. सुन यात-सेन ना विचार ओसो उसूल कुना पोरो वेल्ले प्रभाव अरता, खासकर अर्थनीति ओसो पार्टी-संगठन पोरो”, इदु वेल्ले आश्चर्य ता पोल्लो मंता। पश्चिम ता “उच्च



स्तर ता संस्कृति” पोरु ओचेसन ओसो ओना लेक्काटोर वेल्ले गर्व कींतोर। इदिना प्रभाव डा. सुन यात-सेन बद्रम मत्ता? अचेसन इदिना बारे ते वेहोरा तन्ना पिस्वल ता ज्यादातर हिस्सा पश्चिम ता पूंजीपति वर्ग ता संस्कृति तल तन्ना राष्ट्र तुन बचे कीयाना सत्य ता खोज कियाला काजे वाटता डा. सुन उंदी पेरके निराश आत्तादु ओसो “रूस तले करियाना” काजे दूसरा बगिल मल्लनादू अचानक आत्ता घटना आयो। इंगो इदु अचानक घटेमाता घटना हिल्ला मत्ता। बदे डावुट हिल्ला डा. सुन ओसो उत्पीडित जनता “पश्चिम ता प्रभाव” तुकू होंग आत्तादु ओसो साम्राज्यवाद ओसो अदिना पालतू नै कुना खिलाफ जीवा मंदानजोम संघर्ष कियाला काजे “रूस संगे एकता ओसो कम्युनिस्ट पार्टी संगे एकता कीयाना” संकल्प कित्तादु वेने अचानक घटे माता घटना आयो। अचेसन इगा सोवियत लोकुर साम्राज्यवादी आक्रमणकारी ओसो डा. सुन या-सेन आक्रमणकारि करियतोर इंदाना हिम्मत कीवोर। सुन यात-सेन सोवियत लोरिगडल करियतेके सोवियत लोकुर साम्राज्यवाद आक्रमणकारि आयोरे। इद्रम मत्तेके डा. सुन यात-सेन ना पेरके ओना उत्तराधिकारी चीनी लोकुर सोवियत लोकुरिडल बारांकु करिया परवोर? डा. सुन यत-सेन किन विडचसी मार्क्सवाद-लेनिनवाद संगे वैज्ञानिक विश्व-दृष्टिकोण ओसो सामाजिक क्रांति ता सिद्धांत करियंतोर ओरिन चीन ता विशेषतांग संगे जोडे कित्तोर। चीन जनताना मुक्ति युद्ध ओसो महान जन क्रांति ता शुरूआत कींतोर ओसो जनता ना जनवादी शासन वाले उंदी गणराज्य ता स्थापना कीयाना बाकी सब्बे चीनी लोकुर किन “सोवियत संघ किन मानेमायनोर”, “कोमिन्तर्न ता पांचवा दस्ता”, “लाल साम्राज्यवाद ता नौकर” इंजी बारांकु इंतोर? दुनिया लोप्पा इदिनकु बेसता तर्क बेगाने दोरका परवो?

मार्क्सवाद-लेनिनवाद ता शिक्षा दोरकी कित्ता पेरके चीनी जनता मानसिक रूप ते सक्रिय आत्ता अदि पहलकदमी तन्ना कैदे पोयता। अस्केटले आधुनिक विश्व-इतिहास लोप्पा चीनी ओसो चीनी संस्कृति किन सुडला हूडनद आया मंता। महान, जीत दोरकी कित्ता चीनी जनताना मुक्ति युद्ध ओसो महान जन क्रांति चीनी जनता ना महान संस्कृति ता

पुनरुत्थान कित्ता अनि किया मंता। मानसिक रूप ते चीनी जनता ना संस्कृति सम्पूर्ण पूंजीवादी दुनिया ता संस्कृति तुकू बचोनो ज्यादा विकसित आंता। उदाहरण तुकू अमेरिका ता विदेश मंत्रि अचेसन ओसो ओना लेक्कटोर की हूडाटू। आधुनिक चीन ओसो आधुनिक विश्व ता विषय ते ओरा समझदारी ता स्तर चीनी जन मुक्ति सेना (पीएलए) ता बोरे वेने सिपाही ना समझदारी तुकू दोड़ ता स्तर तेने मंता।

इंजे अवनला अचेसन लब्बड़ पाठ पढ़े कीयाना पूंजीवादी प्रोफेसर ना लेक्का लोकरा मुन्ने चीन ते घटेमायना घटनांग ना कारण कुन ओसो अविना नुकसान ओसो फायदांग कुना आपसी संबंध कुना जांच कीयाना कोशिश कित्तोरा। चीन लोप्पा क्रांति आयना कारण, आबादी वेल्ले बेरसतांकु, दूसरा पश्चिमी विचार कुना प्रेरणा। इंजे मीटे हूडाटू, अचेसन ना समझदारी बचोन बेस मंता इंजी समझेमायारे। मति इदिनकु मुन्ने हंजी इद काम वेल्ले नकली सिद्धांत वेने खत्म आंता अनि मावा मुन्ने सिर्फ घटनांग ना डग्गीए पिसिंता। बदे कारण हिल्ला चीनी लोकर सत्ता ओसो धन काजे आपस ते लड़ेमांतोर, वरोर दूसरोना पोरो डारुट कींतोर अनि वरोर दूसरोना पोरो होंग कींतोर। आपस ते लड़ेमासोरे रेंडु पक्ष, क्वोमिंगतांग ओसो कम्युनिस्ट पार्टी ता मानसिक ताकत वेल्ले कमजोर तरीका ते परिवर्तन आत्ता। उंदी पक्ष ता मनोबल अचानक घटेमांता अनि दूसरा पक्ष अचानक मनोबल बेरसी कीसि पोरो तेदिंता। इदिना बदे कारण मंता या? बोरे पुत्ताद हिल्ले। अमेरिका ता “उच्च स्तर ता संस्कृति” ता प्रतिनिधित्व डीन अचेसन कियानोर, ताना पोरो आधार आसी मत्ता तर्क इदे आंदू।

## नोट

- 1) स्वाधीनता युद्ध पोरोले ते 1775-83 ता पूंजीवादी क्रांति, ताना लोप्पा उत्तरी अमेरिका जनता ब्रिटिश औपनिवेशिक शासक ता विरोध कित्ता।
- 2) मंगोलियाई जन क्रांतिकारी पार्टी ता नेतृत्व ते मंगोलिया ता जनता रूसी श्वेत रक्षक सेनांग ओसो चीन ता उत्तरी युद्ध सरदार ना सशस्त्र सेनांग किन तम्मा देश तल बाहर

पुंडता। मंगोलिया सामंती शासन किन तेहकसी वाटता अनि मंगोलिया लोक गणराज्य ता स्थापना कित्ता।

- 3) टासन राबर्ट माल्थस 18वीं सदी ता आखरी ते 19वीं सदी ता शुरुआत एवनल मंगोलियन सम्प्रदाय ता पादरी ओसो प्रतिक्रियावादी अर्थशास्त्री मत्तोर। ओरु “जनसंख्या ता बारे ते निबंध” पोरोल ता तन्ना रचना लोप्पा (पहली बेरा 1898 ते प्रकाशित आत्ता) “जन संख्या ता वृद्धि रोमी कीवेके गुणाकार रूप ते बेरससोर दायार, इद्रम आतेके पिस्सला काजे साधन सिर्फ समान्तर रूप तेने बेरसियार इंजी रास्तोर।” इदु विचार वात्ता लेक्का रासना पोल्लो तुन आधार बने कीसि ओरु मानव-समाज ता गरीब ओसो सब्बे मुश्किल परिस्थितिग प्रकृति ते मत्ता बस्केने खत्म आयवा लेक्का पेश कित्तोर। ओना अनुसार मेहनतकश लोरा गरीबी ता समस्या किन हल कीयाना तरीका आबादी घटे कीयानादे मंता। अकाल, महामारी ओसो युद्ध किन ओरु जनसंख्या घटे कीयाना साधन मानेमांतोर।
- 4) “कम्युनिस्ट पार्टी ता घोषणा पत्र” लोप्पा पहली अध्याय “पूँजीपति ओसो सर्वहारा” हूँडाटू। पूँजीपति वर्ग “सब्बे राष्ट्र कुन खत्म कीयाना धमकी हीसी उत्पादन ता पूँजीवादी तरीका लागू कियाला ओसो पूँजीपति बनेमायला मजबूर कींता। संक्षेप ते वेहाना इत्तेके इद वर्ग तम्मा अनुसार दुनिया बने कींता।”



**SELECTED WORKS OF  
MAO Tse Tung  
VOL. IV**

**GONDI**  
Translation by  
JANI

**2023**

Jangom  
press 